

पुष्टिविधानम्
ब्रजभाषा विवेचन

प्रकाशक :

श्रीवल्लभाचार्य ट्रस्ट,
कंसारा बजार, माण्डवी, कच्छ, गुजरात ३७० ४६५.
Tel.:(02834) 231463, 224306.
Email:gosharadad1@sancharnet.in

<http://www.pushtimarg.net>

प्रथम संस्करण : ४००० प्रति, वि.सं. २०६०. वल्लभाब्द : ५२६.
द्वितीय संस्करण : ३००० प्रति, वि.सं. २०६१, वल्लभाब्द : ५२७

ग्रन्थप्रकाशन सहाय : Rs. 80/-

खानगी खर्च :

सादा पोस्टद्वारा : रु. १५; राजिस्टर्ड पोस्ट / कुरियर द्वारा : रु. ३५

Copyright:2005,Sri Vallabhacharya Trust, Mandavi-Kutch

मुद्रक :

श्रीवल्लभ बुक मेन्युफेक्चरिंग् कं., ५५/४६ सिटीमील कम्पाउंड,
कांकरीआ रोड़, अमदावाद, गुजरात.

श्रीवल्लभाचार्य ट्रस्ट, (मांडवी - कच्छ) के कार्य

सेमिनार :

आयोजित :

१. शब्दखण्डीया विद्वत्परिचर्चा, गांधीनगर-गुजरात, सप्टेम्बर १९९९
२. कार्यकारणभावमीमांसा, वडोदरा-गुजरात, नवेम्बर २०००
३. वार्तापरिचर्चा, हालोल-गुजरात, जुलाई २०००
४. World Philosophy Conference, Delhi (Cosponsored with Indian Philosophical Congress) २०००
५. अन्यख्यातिवादीया विद्वत्सङ्गोष्ठी, पुणे, जान्युआरी २००१
६. अधिकारपरिचर्चा, हालोल-गुजरात, अप्रिल् २००१
७. पुष्टिभक्तिमार्गीय साधनाप्रणाली, मुम्बई, सप्टेम्बर २००२
८. प्रत्यक्षप्रमाण सङ्गोष्ठी, पुणे, एप्रिल् २००३
९. “कथायां वा” / गुणगान साधना, मुम्बई २००४
१०. International Conference on World Peace, Ahmedabad (Cosponsored with Uni.ofGujarat) Dec.-Jan. 2003-4
११. अन्धकारवाद विद्वत्परिचर्चा, पुणे, २००४
१२. शरणागति, कान्दीवली-मुम्बई, फेब्रुआरी २००५

आयोज्य : अनुमानप्रमाण; सेवासाधना

आचार्यवंशजोंकेलिये अध्ययनसत्र

१. तर्कामृतम् - न्यायसिद्धान्तमुक्तावली २. वेदान्तसार

ग्रन्थप्रकाशन :

ग्रन्थ	प्रकाशनसहाय
१. प्रवेशिका (गुज.)	१०
२. प्रवेशिका (अंग्रेजी)	निःशुल्क
३. प्रमेयरत्नसंग्रह (गुज.)	
४. शब्दखण्डीया विद्वत्परिचर्चा (संस्कृत-हिन्दी-अंग्रेजी)	२००
५. अन्यख्यातिवादीय विद्वत्सङ्गोष्ठी (संस्कृत-हिन्दी-अंग्रेजी)	१५०

६. तत्वार्थदीपनिबन्धान्तर्गत शास्त्रार्थप्रकरणम्
(ब्रजभाषाटीका) साधारणसंस्करण / राजसंस्करण ५०/७०
७. तत्वार्थदीपनिबन्धान्तर्गत सर्वनिर्णयप्रकरणम्
(ब्रजभाषाटीका) साधारणसंस्करण / राजसंस्करण ८०/१००
८. वार्तापरिचर्चाअनुपलब्ध
९. पुष्टिविधानम्-१ (पाठावली, ब्रजभाषा) अनुपलब्ध
१०. पुष्टिविधानम्-१ (पाठावली, गुज.) २५
११. पुष्टिविधानम्-२ (व्याकरणम्) १००
१२. पुष्टिविधानम्-३ (ब्रजभाषाविवृति, द्वि. आवृत्ति) ८०
१३. अधिकारपरिचर्चा (गुज.-हिन्दी-ब्रज) १००
१४. श्रीभागवत महापुराण (गुर्जरभाषानुवाद) शीघ्रप्रकाश्य
अनुपलब्ध

१५. Manual of the Devotional Path of Pushti 65
१६. सेवा और ब्रजलीला (ब्रजभाषा) अनुपलब्ध
१७. श्रीगोपीनाथप्रभुचरण (गुज.-हिन्दी) २५
१८. Computer CD, www.pushtimarg.net 50
१९. साधनाप्रणाली (गुज.-हिन्दी-अंग्रेजी) ५०
२०. पुष्टिप्रवाहमर्यादाभेद (गुज.-हिन्दी) निःशुल्क
२१. रसदृष्टिनी तरफेणमां (गुज.) निःशुल्क
२२. कार्यकारणभावमीमांसा विद्वत्सङ्गोष्ठी (संस्कृत-हिन्दी-अंग्रेजी) २००
२३. पुष्टिप्रवेश - १ (गुजराती) १०
२४. पुष्टिविधानम् पादानुक्रमणिका १५

सहयोगप्रकाशन :

ग्रन्थ	प्रकाशनसहाय
२५. वेदान्तचिन्तामणी (संस्कृत-गुज.)	अनुपलब्ध
२६. सहस्रीभावना (संस्कृत-गुज.)	१००
२७. नवरत्नम् (संस्कृत-गुज.)	अनुपलब्ध

२८. पत्रावलम्बनम्(संस्कृत-गुज.)खण्ड १-५(गुजराती अनुवाद)	१०००
३०. श्रीयमुनाष्टकम्(संस्कृत-गुज.-हिन्दी)	२००
३१. भक्तिहंस(संस्कृत-गुज.)	१००
३२. शास्त्रार्थप्रकरणम्(गुज.)अनुपलब्ध	
श्रीभागवत-सुबोधिनी; स्कन्ध १० पूर्वार्ध, गुजराती अनुवाद	
३३. अध्याय १-४ अनुवादक:गो.वा.श्रीनानुलाल गांधी	२००
३४. अध्याय ५-१४ अनुवादक:गो.वा.श्रीनानुलाल गांधी	३००
३५. अध्याय १५-२० अनुवादक:गो.वा.श्रीनानुलाल गांधी	२००
३६. अध्याय २२-२८ अनुवादक:गो.वा.श्रीनानुलाल गांधी	२००
३७. अध्याय २९-३५ अनुवादक:गो.वा.श्रीनानुलाल गांधी	००
३८. अध्याय ३६-४२ अनुवादक:गो.वा.श्रीनानुलाल गांधी	३००
श्रीभागवत-सुबोधिनी; स्कन्ध १० उत्तरार्ध, गुजराती अनुवाद	
३९. अध्याय ६४-८४ अनुवादक:गो.वा.श्रीनानुलाल गांधी	३००
४०. अध्याय ८५-९० अनुवादक:गो.वा.श्रीनानुलाल गांधी	२००
४१. Shrimad Vallabhacaryaji, His Philosophy & Life, Prof.Jethalal Shah	300
४२. Doctrines of SriVallabhacarya, Dr.Helmuth Von Glassenapp	100
४३. SriVallabhacarya & His Teachings, Dr. Chimanlal Vaidya	100
गोपाल गोशाला	
संस्कृत माध्यमसे अध्ययन करते छात्रोंकेलिये छात्रालय	
संचालन:श्रीवल्लभाचार्य व्रजसंस्कृति विकास ट्रस्ट समिति, गोकुल	
छात्रवृत्ति	
हस्तप्रतसंग्रह – संरक्षण; पुस्तकालय	
यावत्प्राप्य साम्प्रदायिक श्लोकोंकी पादानुक्रमणिका	

Digitalization of the manuscripts
Catalogus Catalogorum of the manuscripts of Suddhadvaita
Pusti bhakti Sampradaya.
Encyclopedic CD ROM of Suddhadvaita Pusti-bhakti
Sampraday comprising of entire original Sanskrit writings of
Acharyas along with Vraj, Hindi, Gujarati & English literature
written on the base of such writings.

प्राप्तिस्थान

पोस्टद्वारा तथा प्रत्यक्ष (पोस्टेज अतिरिक्त)

श्रीवल्लभाचार्य ट्रस्ट, कंसारा बजार, मांडवी-कच्छ, गुजरात, ३७० ४६५.
फोन: ०२८३४-२३१४६३, २२४३०६

(इन स्थानोंसे स्वयं जाकर प्राप्त करें)

राजकोट :

- श्रीबालकृष्ण पुस्तकालय, दरबारगढ.
- श्रीप्रवीणभा डढाणीया, 'पुष्टि', ब्रजवल्लीके सामने, जलाराम २, युनिवर्सिटी रोड, फोन: ०९४२६२६७२६३

जुनागढ :

- पुष्टिसाहित्य विक्रय केन्द्र, मोटी हवेली, पञ्च हाटडी, जुनागढ.
- श्रीहर्षदभा चांगेला, डी. कान्तिलाल एन्ड कं., हार्डवेर मर्चन्ट, चित्ताखाना चोक, जुनागढ, फोन: घर - (०२८५)२६६०२९७

जामनगर :

श्रीऊषाबेन सोनी, 'कृष्णकुंज' नागर चकला, धोबीवाळी शेरी, फोन: (०२८८) २६७९१४१.

अमदावाद :

श्रीजनकभा शाह, ३५, निकुञ्जविहार, लाड सोसाटी, वस्त्रापुर, अमदावाद ३८० ०५४. फोन: ०७९-६८५५७२९

वडोदरा :

डॉ. आशिष कड़कीया, बी-१३, अशोकवाटिका सो., पल्लवपार्क सो.के पास, ब्राइट स्कूल लेन, वी.आ.पी. रोड, वडोदरा-१८, फोन: ०२६५-(घर) २४९५०४९, ०२६५-३३३९५९५.

श्रीनरेन्द्र शाह, २३ इन्द्रपुरी सोसायटी, संगम चार रस्ता पासे, वडोदरा फोन: २४८२०७१.

हालोल :

श्रीभानुबेन गोर, २५, आदर्श सोसाटी, हालोल, जि-पंचमहाल, ३८९ ३५०.
फोन: ०२६७६-२२१३७२, २२१७४३.

सुरत :

- श्रीनिलेश महेता, ६, भाग्यनिधि रो हाउसिस्, सहज सुपरस्टोर पाछळ, रान्देर, सुरत. फोन: ०२६१-३१२३९०७.

- श्रीसुनील जागीरदार, ४४, संगम सोसाईटी, पार्ले पोईन्टके पास, आथवा लाईन्स्, सुरत-७, फोन: ०२६१-२२२७२६३, ३३४७२६३

गोकुल :

पुष्टिसाहित्य विक्रय केन्द्र, नन्दचौक, गोकुल, जि. मथुरा, उत्तरप्रदेश.

जयपुर :

श्रीकिशोर राठी, जयपुर एन्जीनियरिंग् वर्क्स, खासा कोठी, स्टेशन रोड, जयपुर, राजस्थान. फोन: (०१४१) २२०२५७०

मुम्ब :

कालबादेवी: श्रीअंशु गोपालभा शाह, १५ 'पुरुषोत्तमनिवास', दादीशेठ अगियारी लेन, कालबादेवी, मुम्ब, फोन: ०२२-२२०८९९२२

विलेपार्ले: श्रीरसिकभा शाह, ४, 'मथुराभुवन', श. भगतसिंह रोड, बजाज रोड, विलेपार्ले (पश्चिम) मुम्ब, ४०० ०५६, फोन: ०९८१९८२५९३२; (०२२)२६७९००३७.

बोरीवली: श्रीधर्मेन्द्रसिंह झाला, ८ बी, 'कृपाधाम', कार्टर् रोड नं.-२, बोरीवली स्ट, मुम्ब, ४०० ०६६. फोन: ०२२-२८०६८६२५

कान्दीवली: श्रीमधुभा शाह, 'शिवकृपा' पहेलामाळे, रामगलीना नाकाउपर, म्युनिसिपल् गार्डन्नी सामे, कान्दीवली, वेस्ट, मुम्ब, ४०० ०६७, फोन: ०२२-२८०७००४३

पुष्टिसाहित्य विक्रय केन्द्र, श्रीवल्लभसुखधाम, ठठाई भाटीया होल, एस्. वी. रोड, कान्दीवली, वेस्ट.

घाटकोपर: श्रीमधुभाई भाटीया, बी/६, 'वर्धमान', ओघडभाई लेन, महात्मा गांधी रोड, घाटकोपर (पूर्व), मुम्बई-७७, फोन: ०२२-२५१२०८४१

॥ श्रीकृष्णाय नमः ॥

॥ श्रीमदाचार्यचरणकमलेभ्यो नमः ॥

प्राक्कथन

‘पुष्टिविधानम्’ के प्रथम भागमें महाप्रभु श्रीवल्लभाचार्यचरण तथा उनके आत्मज प्रभुचरण श्रीगोपीनाथजी तथा श्रीविट्ठलनाथजी के कर्तव्योपदेशपरक ग्रन्थनकू संकलित कियो गयो हतो. साथ ही साथ इनके कर्तव्योपदेशपरक ग्रन्थनकी पृष्ठभूमिमें रहे प्रारूपनकू, गद्यमें जैसे, पेरोग्राफ और शीर्षकन् के द्वारा ग्रन्थाशय स्फुट कियो जाये, वैसी पद्धति अपनाके श्लोकनके अनुच्छेदविभाजन तथा शीर्षक और तदन्तर्गत संख्या और ककारादि वर्णके चिह्नांकनको न्यास श्लोकमें कियो गयो हतो. यामें एकमात्र प्रयोजन व्याख्याविस्तारके बिना ग्रन्थाशयकू सुबोध बनानो ही हतो. ये विधा अपनायवेमें प्राचीन व्याख्याकारनके द्वारा व्याख्यातार्थकू संकलित कियो नहीं गयो हतो. ये स्पष्टीकरण अब आवश्यक हो जाय है. विशेषतः यालिये कि अब तृतीय भागमें जिन ग्रन्थनकी प्राचीन ब्रजभाषा उपलब्ध भयी उनकू तो उन्हीं व्याख्यानके साथ परन्तु जिन ग्रन्थनपे प्राचीन व्याख्या उपलब्ध होवे नहीं है उनपे मैंने अपनी मतिके अनुसार व्याख्या लिखी है. यामें सिद्धान्तमें तो अन्तर नहीं पड़तो होयगो परन्तु ग्रन्थके प्रारूप तथा पांक्तालापन में तो सहज ही अन्तर पड़ सके है और पड़्यो भयो मिलेगो भी. या अन्तरकू, परन्तु, प्राचीन व्याख्यानमें उपलब्ध होते प्रस्थानभेद तथा पांक्तालापनभेद के न्यायसू लेवेपे ही असंमजसता दूर पायेगी. अन्यथा अध्ययनार्थिनकू व्यर्थ ही मतिभ्रम होयवेकी पूरी सम्भावना है. अतः ये स्पष्टीकरण जान रखनो आवश्यक है.

द्वितीय भागमें पुष्टिविधानान्तर्गत संकलित ग्रन्थनकी व्याकरणाश्रित मीमांसा प्रकट भयी. यासू अपने ग्रन्थनके अध्ययनके साथ-साथ संस्कृतभाषाके व्याकरणको भी सामान्य अध्ययन सम्पन्न हो पावेगो. मूल व्याकरणके अध्ययनार्थ जो समय निकाल न पाते होंय उनकू अपने उपदेशात्मक ग्रन्थनके अध्ययनद्वारा ही संस्कृतभाषाके व्याकरणको भी स्थूल परिचय कथञ्चित् प्राप्त हो जाये ये उद्देश्य यामें रख्यो गयो है. अपने सम्प्रदायमें या तरहको प्रयास इदम्प्रथमतया भयो है और याके लिये श्रीधर्मेन्द्र झाला (मुंबई) तथा गोस्वामी श्रीपंकज बावा (गोकुल)

और गोस्वामी श्रीभूषण बावा (गोकुल) कू जितने अभिनन्दन दें वो कम पड़ेंगे ! आज जब कि संस्कृतके अध्ययनाध्यापनकी सुविधा दिनानुदिन क्षीणसू क्षीणतर होती जा रही है वा समय ये प्रयास निश्चय ही स्वयंशिक्षककी अपेक्षा कुछ अंशन्में पूर्ण करेगो, यामें सन्देहको कोई अवकाश नहीं है.

तृतीय भागरूपेण प्रकाश्यमान ये ‘पुष्टिविधान’, प्रारूप तथा व्याकरण की मीमांसाके बाद, अब उपदिष्ट प्रत्ययनकी मीमांसाके रूपमें प्रकट होयवे जा रह्यो है. यामें षोडशग्रन्थनको श्लोकान्वयार्थ तो श्रीरमानाथ शास्त्रीजीके द्वारा विरचित है तथा पांक्तव्याख्या श्रीनृसिंहलालजी महाराजकी ब्रजभाषाटीका के रूपमें संकलित भये हैं. निबन्धान्तर्गत साधनप्रकरणपे जहां कोटावाले मुखियाजीकी टीका ली गयी है वामें एकरूपताके निर्वाहार्थ मैंने श्लोकान्वयार्थ – प्रकाशार्थ योजित कियो है. अवशिष्ट ग्रन्थमें भी जहां प्राचीन व्याख्या उपलब्ध नहीं भयी वहां अपनी मतिके अनुसार व्याख्यान लिख्यो है. इन सारी बातनको खुलासा तत्तद् ग्रन्थनकी इतिश्रीके अवलोकन करवेपे मिल जायेगो.

आज जबकि अपने पुष्टिधर्मके प्रति अपन पुष्टिमार्गीयनकी सन्निष्ठाको बाह्य तथा आभ्यन्तर मार्गद्विषीनके द्वारा निरन्तर अपहार हो रह्यो है, वामें ये तीनों ग्रन्थ पुष्टिमार्गानुगामीनकू अपने कर्तव्यबोधके वास्तविक स्वरूपके निर्धारणार्थ उपकारक होंयगे. यों महाप्रभु एवं प्रभुचरणन् के अनुग्रहसू सभी पुष्टिसम्प्रदायी अपने पुष्टिप्रभुके बारेमें निरुपाधिक पुष्टिभावसू मण्डित हो पावें ऐसी शुभकामनाके साथ...

वल्लभाब्द : ५२६

गोस्वामी श्याम मनोहर

(पाला-किशनगढ)

॥ अमृतवचनावली ॥

(१) जो कटोरी (गहने) धरिके सामग्री आई सो तो भोग श्रीठाकुरजी आप ही के द्रव्यकुं आरोगे सो आप ही को भयो. जो श्रीठाकुरजीको द्रव्य खायगो सो मेरो नाहिं अरु मेरो सेवक भगवदीय होयगो सो देवद्रव्य कबहूँ न खायगो. जो खायगो सो महापतित होयगो. ताते वा प्रसादमेंते भोजन करिवेको अपनो अधिकार न हतो; याकेलिए गोअन्को खवायो अरु श्रीयमुनाजीमें पधरायो (यह सुनिके सब वैष्णव चुप होय रहे).

[श्रीमहाप्रभु : घरुवार्ता-३].

(२) धनादिकी कामनापूर्तिकेलिये जो शास्त्रविहित श्रवण-कीर्तन-अर्चन आदि किये जावे हें उनकुं कर्ममार्गीय समझने. उदरपोषणार्थ आजीविकाके उपार्जनके रूपमें जो श्रवण-कीर्तन-अर्चन आदि किये जावें उनकुं तो खेतीबारीकी तरह 'लौकिक कर्म' ही कहनो चाहिये. मलप्रक्षालानार्थ गंगाजलकुं प्रयोगमें लावे जेसो वो निषिद्धाचरण हे; ओर एसो दुष्कृत्य करवेवालो पापभागी ही होवे हे.

[श्रीप्रभुचरण : भक्तिहंस].

(३) अपने सेव्य-स्वरूपकी सेवा आप ही करनी. और उत्सवादि समयानुसार, अपने वित्त अनुसार करने, वस्त्राभूषण भांति-भांतिके मनोरथ करी सामग्री करनी.

[श्रीगोकुलनाथजी-चतुर्थेश : २४ वचनामृत].

(४) जब सन्तदासको सगरो द्रव्य गयो तब श्रीठाकुरजीकी सेवामें मंडान श्रीठाकुरजीके द्रव्यसों राखे और श्रीठाकुरजीके द्रव्यमेंते चौबीस टका पूंजी करि कोड़ी बेचते. सो श्रीठाकुरजीकी पूंजीमेंते तो कासिदको दियो न जाई सो कमाईको टका दिये. तब इनकी मजूरीको राजभोग न भयो सो महाप्रसाद हूँ न लियो. टकाके चूनको न्यारो भोग धरते सो राजभोग जानते, महाप्रसाद लेते, ओर नित्यको नेग बहोत श्रीठाकुरजीके द्रव्यसों होतो; ताते आपुनी राजभोगकी सेवा सिद्ध न भई (जाने). कासिदको दिये सो नारायणदासको लिखें जो तुम्हारी प्रभुतातें एक दिन राजभोगको नागा पर्यो जो मेरी सत्ताको भोग न धर्यो! या प्रकार सन्तदास विवेकधैर्याश्रयको रूप दिखाये. विवेक यह जो श्रीगुसांईजीको हंडी पठाई आपुनी

सेवा न भईं राजभोगको नागा माने. धैर्य यह जो श्रीठाकुरजीके द्रव्य खान-पान न किये. आश्रय यह जो मनमें आनन्द पाये ह्दुःखक्लेश न पाये.

[श्रीहरिरायजी-द्वितीयेश : भावप्रकाश ८४ वैष्णवनकी वार्ता-७६].

(५) पारिश्रमिकके रूपमें वित्त दे के कोइ दूसरेके द्वारा सेवा कराई जावे तो चित्तमें अहंकार तो बढ़े परन्तु वो भगवान्में कभी चोंट नहीं सके. भगवत्सेवार्थ कोइ दूसरेसूं पारिश्रमिक धन लिये जावेपे तो, जेसे पंडा-पुरोहितनकुं यज्ञयागादिको फल नहीं मिले परन्तु यजमाननकुं ही मिले, वेसे ही सेवाकर्ताकी सेवा निष्फल बन जाय हे. यजमान, जेसे, दक्षिणा दे के पुरोहितनके द्वारा यज्ञयाग करा लेवे, वेसे ही भगवत्सेवा (आजकल जेसे पुष्टिमार्गीय हवेलीनमें वैष्णवगण गुसांई-मुखिया-भीतरिया-समाधानीकी बटालियनसूं करवा लेवे हें वा तरहः अनुवादक) करा लेवेमें क्या बुराई? वहां कर्ममार्गमें वो विहित होवेसे पुरोहितनसूं कर्म सम्पन्न करा लेनो आपत्तिजनक नहीं हे. भक्तिमार्गमें, परन्तु, या तरहसूं भगवत्सेवा करा लेवेको कहीं विधान उपलब्ध न होवेसूं, कोइ दूसरेकुं धन दे के सेवा करानो अनुचित ही हे. भक्तिमार्गमें तो भगवदुक्त प्रकार (निज घरमें निजपरिजननके सहयोगद्वारा निजी तन-मन-धनसूं ही) भगवत्सेवा करनी चाहिये.

[सुरतस्थ ३/२ गृहाधिपति

श्रीपुरुषोत्तमजी : सिद्धा. मुक्ता. विवृ. प्रका. २].

(६) “अत्र गृहस्थानविधानेन, स्वगृहाधिष्ठित-स्वरूप-भजन-परित्यागेन अन्यत्र तत्करणे भक्तिः न भवति, इति सूचितं भवति” अर्थात् यहां सेवोपयोगी स्थानके रूपमें निज घरको विधान उपलब्ध होवेसूं, अपने घरमें बिराजते ठाकुरजीकी सेवा छोड़ के कोइ दूसरी जगह (अर्थात् हवेलीनमें, जेसे आजकल, भेंट-सामग्री चढ़ा के नित्य या मनोरथों की झांकी कर लेनो वैष्णवने पुष्टिमार्गमें परमधर्म मान लियो हे वेसे) भगवत्सेवा करवेवालेनकुं कभी भक्ति सिद्ध नहीं हो सके हे.

[श्रीवल्लभात्मज-श्रीबालकृष्णजी : भक्तिवर्धिनीव्याख्या २]

(७) जो श्रीवल्लभकुल हैं वे तो आपुने सेव्यस्वरूपमें कैसो स्नेह राखत हैं जो

एक ठौर द्रव्यकी ढेरी करो और दूसरी ठौर श्रीठाकुरजीकों पधरावो तो श्रीवल्लभकुल वा द्रव्यकी ओर देखेंगे हु नाहीं; अरु श्रीठाकुरजीकों अतिस्नेहसों पधरायी लेंगे. परि जो या कलिको जीव है वाकुं तो द्रव्य बहुत प्रिय है. तासों वो तो श्रीठाकुरजी सन्मुख हु नाहीं देखेगो अरु केवल वैभवकुं देखेगो अरु मोहित होय जायेगो.

[श्रीमट्टुजी महाराजके ३२ वचनामृत; वचना.५]

(८)लौकिक अर्थकी इच्छा राखिके जो भगवद्भजनमें प्रवृत्त होय सो सर्वथा क्लेश पावे हे. इतने कछू लाभके लिये पूजादिकमें प्रवृत्त होय सो 'पाखंडी' ओर 'देवलक' कह्यो जाय हे. तासूं लाभपूजार्थ सिवाय जामें निषेध नहीं हे एसी रीतिसूं "मेरो लौकिक सिद्ध होय" एसी इच्छासूं जो भजनमें प्रवृत्त भयो होय सो 'लोकार्थी' कह्यो जाय.

[श्रीनृसिंहलालजी महाराज : सिद्धान्तमुक्तावलि-टीका श्लोक १६-१७]

(९)श्रीउदयपुर दरबारकुं आशीर्वाद ! याके द्वारा सूचित कियो जावे हे कि चल-अचल सम्पत्तिके आर्थिक तथा स्वामित्वकी व्यवस्थाके बारेमें योग्य व्यक्तिनकी एक सलाहकार समिति नियुक्त कर ली गई हे. सेवा आदि विषयन्में पुरातन तथा प्रवर्तमान प्रणालिके अनुसार काम कियो जायेगो; ओर यदि पुरातन परम्पराको बाध न होतो होयगो ओर समिति कोइ तरहके सुधारकी इच्छा रखती होयगी तो ऐसे सुधार भी स्वीकारे जायेंगे. ओर श्रीठाकुरजीको द्रव्य अपने व्यक्तिगत उपयोगमें नहीं वापर्यो जायेगो, जेसी कि परम्परा आज भी हे ही, ओर याकुं निभायो जायेगो. तो भी मेरे पूर्वजनके समयसूं चले आ रहे मेरे स्वामित्वके हक्क वा ही तरह कायम रहेंगे. या ही तरह आय-व्ययकुं भी उन-उन बहीखातान्में लिख्यो जायेगो जेसे कि हालमें लिख्यो जा रह्यो हे.

[नि.ली.गोस्वामितिलकायित श्रीगोवर्धनलालजी महाराज : डेक्लैरेशन मिति भाद्रशुक्ला पञ्चमी सं. १९४८=ता.५-९-१९९३.]

(१०)महाराजकुं जो आमदनी वैष्णव आदिन्सूं होवे हे वामेंसूं घरखर्चाके रूपमें महाराज ठाकुरजीकी सेवाको खर्चा निभावें हैं. ठाकुरजीकेलिये चल या

अचल सम्पत्ति अलगसूं निकालके वामेंसूं ठाकुरजीकी सेवाको खर्च निभायो नहीं जावे हे. ठाकुरजीके वैभवको, नेगभोगको, आभूषण-वस्त्र आदिको खर्च महाराज स्वयं अपनी आमदनीके अनुसार निभावे हैं... ठाकुरजीके सन्मुख भेंट धरी नहीं जा सके... ठाकुरजीकी भेंट देवमन्दिरमें भेजनी पड़े हे. महाराज वा भेंटकुं अपने उपयोगमें ला नहीं सकें.

[नि.ली.अमरेलीवाले गो.श्रीवागीशलालजीके आम-मुखत्यार : "अमरेलीहवेली व्यक्तिगत हे या सार्वजनिक" मुद्देपर सन् १९०९-१० में गायकवाडी बड़ौदा राज्यकी कोर्टमें दी गई जुबानी].

(११)जेसे अपने पूर्वपुरुष स्वयं अपने धर्मके सत्यस्वरूप तथा शुद्धाद्वैतसिद्धान्त कुं पूर्णतया समझके वैष्णवधर्मको यर्थाथ उपदेश लोगनकुं देते हते; ओर मध्यवर्ती कालमें जो सम्पत्ति आदिके कारणन्सूं हमने बहोत हद् तक छोड़ दिये हैं, या कारणसूं अधिकांश लोगनमें साधारण सेवा और केवल वित्तजा भक्ति की ही रूढिके अनुसार जानकारी बच गयी हे.

[नि.ली.गो.श्रीदेवकीनन्दनाचार्य-पञ्चमेश द्वारा मुंबईके वैष्णवन्कुं लिखित पत्र : 'आश्रय' अप्रिल ८७ के अंकमें प्रकाशित].

(१२)वकील: यदि कोइ भी पुष्टिमार्गीय मन्दिरमें, वैष्णव श्रीठाकुरजीकी सेवा और नेग-भोग केलिये; और श्रीठाकुरजीकी सेवाकुं निभावेकेलिये भेंट आदि दे के वित्तजा सेवा करते होंय और वा मन्दिरमें तनुजा सेवा भी करते होंय तो वो, "मन्दिर पुष्टिमार्गीय नहीं होवे" ऐसे आपको कहनो हे ?.

पू.पा.महाराजश्री: पुष्टिमार्गीय वैष्णवन्केलिये स्वतन्त्रतया तनुजा या वित्तजा सेवा करवेकी कोई प्रक्रिया नहीं हे. ओर एसी सेवा की जाती होय तो वाकुं 'साम्प्रदायिक मन्दिर' नहीं कह्यो जा सके.

[स उ र त र थ ३ / २ गृ हा धि प ति नि.ली.पू.पा.गो.श्रीव्रजरत्नलालजीमहाराज : "नडियादकी हवेली वैयक्तिक हे या सार्वजनिक" विवादमें पुष्टिमार्गके विशेषज्ञ साक्षीके रूपमें दी जुबानी].

(१३)...या ही तरह अपने यहां जो सन्मुखभेंट धरी जाय हे वो भी देवद्रव्य होवे हे; ओर वा सामग्रीकुं काममें नहीं लियो जाये. श्रीगोकुलनाथजी और श्रीचन्द्रमाजी के घरमें आज भी ये नियम पाल्यो जाय हे. वहां जो सन्मुखभेंट आवे हे, वाकुं कीर्तनीया-महावनिया ले जावे हे. वो वल्लभकुलको श्रीयमुनाजीको पंडा हे. दूसरा कोई वाको अनुकरण करे तो वो अनुचित हे... हम श्रीनाथजीके सामने जो सन्मुख भेंट धरें हैं, वो श्रीमहाप्रभुजीकी पादुकाजीकुं धरें हैं, फिर भी वो आभूषणमें वापरी जावे हे, सामग्रीमें नहीं. सन्मुखभेंट धरवेमें बहोत अनाचार होवे हे. या तरहसूं आयो द्रव्य 'देवद्रव्य' बने हे... वाकुं लेवेवालेकी बुद्धि बिगड़े बिना नहीं रहे.

[नि.ली.गो.श्रीरणछोड़लालजी महाराज राजनगर : वचनामृत. ४८४-८७].

(१४/क)वैष्णवन्के पास जो भी परम पदार्थ हे वाको अस्तित्व आजके ही दिनको आभारी हे. कालकी भीषणता और परिस्थितिकी विषमता के अत्यन्त विकट युगमें श्रीमत्प्रभुचरणन्के दिव्य सिद्धान्तन्के ऊपर अटल रहवेपर ही जीवमात्रको ऐहिक और पारलौकिक कल्याण हो पावेगो. अन्याश्रयके त्यागकी भावनापे जगत्के जीव दृढ़ रहें तो वैष्णव-हवेलीन्के वैभवके कारण जो वैष्णव घरसेवाकुं भूल चुके हते, संयोगवशात् उन हवेलीन्में श्रीके दर्शन आज बन्द भये हैं, सो वैष्णवन्के घर पुनः भगवत्सेवासूं किलकिलाते हो जायेंगे. ये लाभ सम्प्रदाय और सम्प्रदायीन् केलिये मामूली नहीं रहेगो. ईश्वरेच्छा अनाकलनीय होवे हे. मोकुं तो श्रद्धा हे कि या कठिन परीक्षामें हम सभीन्को श्रेय ही सिद्ध होवेवालो हे.

(१४/ख)मेरे अनुयायीन्कुं दो प्रकारकी दीक्षा दउं हूं. प्रथम कंठी बांधनी तथा दूसरी ब्रह्मसम्बन्धदीक्षा. कंठी-बांधनी साधारण वैष्णवन्कुं ही दी जावे हे तथा ब्रह्मसम्बन्ध विशेषरूपसूं उन अनुयायीन्कुं, जो सेवामें विशेषरूपसूं बढ़नो चाहे हैं. पहली दीक्षाकुं 'शरण-दीक्षा' कहें हैं तथा दूसरी दीक्षाकुं 'आत्मनिवेदन' कहें हैं. शरणदीक्षासूं वैष्णव सिर्फ नामस्मरण करवेको ही अधिकारी बने हे तो सेवावाले वैष्णवकुं ब्रह्मसम्बन्धदीक्षा लेवेके बाद ही अधिकार मिले हे. ब्रह्मसम्बन्धवालो वैष्णव अपने घरमें ही सेवाको अधिकारी होवे हे... हम

स्वरूपकी सेवा नन्दालयकी भावनासूं करें हैं. यालिये हम सातोंके सात पुत्रन्के घर 'घर' ही कहलावे हैं ओर हमारे घरकी सृष्टि 'तीसरे-घरकी-सृष्टि' कहलावे हे.

[नि.ली.गो.श्रीव्रजभूषणलालजी महाराज तृतीयेश : (१३/क) : श्रीमत्प्रभुचरण प्राकट्योत्सव=ता.२४-१२-४८के दिन मुंबईके पुष्टिमार्गीय वैष्णवन्की सभामें अध्यक्षीय प्रवचन. (१३/ख) बयान : मूर्तिबा कार्या. सहा. कमि. देवस्थानविभाग खंड उदयपुर एवं कोटा बजरिये कमिशन मु.कांकरोली.फाईल संख्या.१-४-६४. श्रीद्वारकाधीशमन्दिर दिनांक ७।११।६५].

(१५)आज मोकुं अपने हृदयके उद्गार कहवे दो, मेरो हृदय जल रह्यो हे, मन्दिरन्में मात्र द्रव्यसंग्रहकी प्रवृत्ति बच गई हे; ओर वोही अनर्थन्की जड़ हे. ऐसे मन्दिरन्के अस्तित्वसूं कोई लाभ नहीं. हमारो सम्प्रदाय सामुहिक नहीं वैयक्तिक हे. सार्वकालिक तथा सार्वदेशिक अवश्य हे परन्तु सार्वजनिक नहीं. "करत कृपा निज दैवी जीवनपर" या उक्तिमें 'निज' शब्दको प्रयोग कियो गयो हे. दैवी जीव कहीं भी हो सके हैं परन्तु सार्वजनिक रूपसूं नहीं. आज हम 'पुष्टि'को नाम लेवेके भी अधिकारी नहीं हैं! अपने मन्दिर कहां हैं! आजको हमारो जीवन चार्वाक-जीवन हो रह्यो हे. क्या हम, आज जा प्रकारको सम्प्रदाय हे, वाकुं जिवानो चाहें हैं? यदि सच्चे सम्प्रदायकुं चाहते हों तो स्वरूपसेवा घर-घरमें पधराओ एवं नामसेवापे भार रखो... भक्तिकी प्राप्ति स्वगृहन्में सेवा करवेसूं ही होयगी. आजके इन मन्दिरन्सूं कोई लाभ नहीं हे, क्योंकि इनमें द्रव्यसंग्रहकी प्रधानता आ गयी हे; ओर जहां द्रव्य इकठ्ठो होय हे वहीं अनर्थ हो जावे हे. आज सम्प्रदायको विकृत स्वरूप यासूं ही हे.

[नि.ली.गो.श्रीकृष्णजीवनजी महाराज मुंबई-मद्रास : 'वल्लभविज्ञान' अंक ५-६ वर्ष १९६५]

(१६/क)हम श्रीवल्लभाचार्यजीकी आज्ञाको पालन कहां कर रहे हैं? अपने यहां गृहसेवा कहां हे? केवल मन्दिरन्में दर्शनसूं क्या लाभ हे? श्रीमहाप्रभुजीकी आज्ञा हे "कृष्णसेवा सदा कार्या". यदि श्रीमहाप्रभुजी मन्दिरकुं मुख्य मानते तो अपनी तीन परिक्रमान्में अनेक मन्दिर स्थापित कर देते. श्रीगुसाईंजीने श्रीगिरधरजीकुं

सातस्वरूपके मनोरथ करते समय या प्रकारकी चेतावनी दी थी. मन्दिरस्थापन करते समय उनकुं डर हतो कि घरमेंसूं ठाकुरजी मन्दिरमें पधार जायेंगे. मेरे पिताजीने कल (उपर्युद्धत '१४/क' वचनमें) जो कह्यो वो अक्षरशः सत्य हे. तुम अपने घरनमें ठाकुरजीकुं पधराओ ओर सेवा करो.

(१६/ख)पुष्टिमागीय प्रणालिकाके अनुसार ट्रस्ट होनो उचित नहीं हे. श्रीआचार्यचरणने प्रत्येक ब्रह्मसम्बन्धी जीवकुं आज्ञा दी हे "गृहे स्थित्वा स्वधर्मतः" (भक्तिवर्धिनी) अर्थात् गृहमें रह के स्वधर्माचरण करनो चाहिये. गोस्वामी बालक भी आचार्य होवेके बावजूद वैष्णव भी हैं. अतः आचार्यश्रीकी उपरोक्त आज्ञाकुं पालनो उनको भी कर्तव्य हे... अतः मेरो तो माननो यही हे कि आचार्यचरणके सिद्धान्तके अनुसार वैष्णवकुं स्वयंके घरमें श्रीठाकुरजीकी सेवा करनी चाहिये ओर धर्मग्रन्थनको पठन-पाठन करनो चाहिये. नहीं कि मन्दिरनमें जाके... ट्रस्ट तो पुष्टिमागीय प्रणालिकासूं संगत होवेवाली बात नहीं बल्कि अपनी प्रणालीको भंग करवेवाली बात हे.

[दहिसरमें श्रीगोवर्धननाथ हवेली ट्रस्टके संस्थापक पू.पा.नि.ली.गो.श्रीत्र जाधीशजीमहाराज : (१४/ख) 'वल्लभविज्ञान' अंक ५-६ वर्ष १९६५, (१४/ग) 'नवप्रकाश' अंक ८ वर्ष ८].

(१७/क)ओर जब जनरल पब्लिक ट्रस्ट हे तब ठाकुरजीकुं गोस्वामीके सम्बन्धसूं पृथक् करके, ठाकुरजीकुं सब सम्पत्ति अर्पण करके, अर्थात् भेंट करके रिलीजिअस एंडॉमेन्टके रूपमें भये वे ट्रस्ट हैं. ऐसी अवस्थामें इन ट्रस्टनसूं जो नेग-भोग चलायो जावे हे, वो देवद्रव्यसूं चलायो जा रह्यो हे. देवद्रव्यको उपभोग करनेवालो अन्तमें देवलक ही होवे हे. श्रीमदाचार्यचरणने प्रभुकी सोनेकी कटोरी गिरवी रखके जब भोग अरोगायो तब आपने वा द्रव्यसूं समर्पित सारोको सारो प्रसाद गायनकुं खवा दियो. ये हे साम्प्रदायिक सिद्धान्त. या प्रकारके आदर्शरूप सिद्धान्तनको जा प्रथासूं विनाश होवे, आचार्यनकुं देवलक बनायो जाय, वा प्रथाकुं जितनी शीघ्र सम्प्रदायसूं हटा दी जाय, उतनो ही श्रेय यामें गोस्वामिसमाज तथा वैष्णवसमाज को निहित हे.

(१७/ख)भगवत्सेवा सम्प्रदायकी आत्मरूप प्रवृत्ति हे. आचार सेवाको

अंग हे, सेवाके अनुकूल आचारको पालन कियो जानो चाहिये. आचार-पालनकुं प्रमुखता देके भगवत्सेवाको त्याग भी उचित नहीं हे. भगवत्सेवा जैसे भी बने करो... गुरुघरनमें मत भेजो... यदि हम भगवद्द्रव्यकुं पेटमें डालेंगे तो वो अपराध हे. ग्रन्थनके अध्ययनके प्रति हमकुं समाजकुं आकृष्ट करनो चाहिये.

[नि.ली.गो.श्रीदीक्षितजी महाराज मुंबई-किशनगढ़ : (१५/क) "आचार्योच्छेदक ट्रस्ट प्रथासे पुजारीपनकी स्थापना घोर सिद्धान्तहानि एवं घोर स्वरूपच्युति" लेख पृष्ठ ७. (१५/ख) 'श्रीवल्लभविज्ञान' अंक ५-६ वर्ष १९६५ में प्रकाशित वक्तव्य].

(१८/क)जैसे स्वरूपसेवा स्वार्थबुद्धिवश ओर लौकिक कार्य समझ के नहीं करवेकी श्रीमहाप्रभुजीकी आज्ञा हे, वैसे ही नामसेवा भी वृत्त्यर्थ नहीं करनी चाहिये, ऐसी आज्ञा श्रीमहाप्रभुजी निबन्धमें करें हैं... वृत्त्यर्थ सेवा करवेसूं प्रत्यवाय (दोष) लगे हे. जैसे गंगाजमुनाजलको उपयोग गुदाप्रक्षालनार्थ नहीं कियो जा सके, वैसे ही सेवाको उपयोग भी वृत्त्यर्थ नहीं करनो चाहिये.

(१८/ख)तन ओर वित्त प्रभुकेलिये वापर्यो जाय तो मन भी प्रभुमें अवश्य लगे ही हे. अतएव श्रीवल्लभने उपदेश कियो हे कि "तत्सिद्धयै तनुवित्तजा". मानसी जो परा हे वो सिद्ध करनी होय तो तनुवित्तजा सेवा आवश्यक हे. तन और वित्त कहीं एकत्र लगायो जाय तो चित्त भी वहां दिन-रात लग्यो रह सके हे. दलालीको व्यवसाय करवेवालेके व्यवसायमें केवल तनसूं श्रम कियो जावे हे परन्तु वामें वित्त स्वयंको लगायो नहीं जावे हे. अतएव बजारके भावन्की घटबढ़में दलालकुं तनिक भी मानसिक चिन्ता होवे नहीं... कोइ बच्चाको पिता केवल ट्युशन फी देके बादमें समझ ले हे कि बच्चा परीक्षामें पास हो ही जायेगो. इन तीनोंकुं फलप्राप्ति होवे नहीं क्योंकि तनुजा-वित्तजा दोनों नहीं लगी. अब तनुवित्तजा दोनों लगावेवालेके चित्तप्रवण होवेको उदाहरण देखें: एक दुकनदार दुकान और माल की खरीदीमें पूंजी लगा के व्यापार शुरू करे सुबहसूं रात तक वहां उपस्थित रह के जब तन भी व्यापारमें लगावे हे तो या कारणसूं दिनरात वाकुं व्यापारके ही विचार आते रहें: अच्छी तरह व्यापार कैसे करूँह कैसे व्यापार बढ़े... अतः पुष्टिमागीमें प्रभुमें आसक्ति सिद्ध होवेकेलिये मनोवैज्ञानिक प्रक्रिया समझायी गयी हे कि भावपूर्वक भक्तकुं तनुवित्तद्वारा सेवा करनी चाहिये.

[पू.पा.गो.श्रीगोविन्दरायजी महाराज पोरबन्दर : (१६/क)
'सुधाधारा' पृ.११४. (१६/ख) 'सुधाबिन्दु' पृ.७३]

(१९)वल्लभमतमें ये सिद्धान्ततः गलत हे ओर ऐसे देवस्थानके चढ़ावाको प्रसाद भी खायो नहीं जा सके हे, क्योंकि वहां देवलकत्व ही प्रधान हे. आजके युगकुं देखते भये जहां न्यास करना आवश्यक हे वहां उपर्युक्त सिद्धान्तनुकुं ध्यानमें रख के ही न्यास करना आवश्यक हे, जासूं देवलकवृत्तिसूं बच्यो जा सके. यदि एसी व्यवस्था नहीं की गइ तो देवद्रव्य होवेगो, जाके सेवन करवेसूं आचार्य स्पष्ट कहें हैं कि नर्कपात होयगो.

[नि.ली.गोस्वामी श्रीरणछोड़ाचार्यजी प्रथमेश : "हमारी धार्मिक स्थितिका वर्तमान स्वरूप एवं भविष्यकी व्यवस्थाहेतु प्रतिवेदन (दिनाङ्क : २५।२।८१)" पृष्ठ.१२]

(२०)क्योंकि श्रीनाथजी स्वयं वाके भोक्ता हैं किन्तु वैष्णव-वृन्द तथा सेवकगण भी वा महाप्रसाद लेवे तकके अधिकारी नहीं हे. यह आचार्यचरणके इतिहाससूं प्रत्यक्ष प्रमाणभूत हे. वाके महाप्रसाद लेवेको केवल गायकुं ही अधिकार हे. अन्यथा वा देवद्रव्यके उपभोग करवेसूं निश्चय ही अधःपतन हे... सब प्रकारके दान-चढ़ावा व वसूल वसूली करवेको उल्लेख कियो गयो हे, वो भी सम्प्रदायके सिद्धान्तसूं नितान्त विरुद्ध हे. अपने सम्प्रदायकी प्रणालीके अनुसार जो अपने सम्प्रदायके सेवक हैं, उनको ही द्रव्य गुरु-शिष्यके सम्बन्धसूं लेके सेवामें उपयोग करायो जा सके हे. सम्प्रदायमें सब प्रकारके दान-चढ़ावानको उपयोग सेवामें नहीं कियो जाय हे; ओर कदाचित् कहीं कियो जातो होय तो वो सम्प्रदायके नियमनसूं विरुद्ध होवेके कारण बन्द कर देनो चाहिये.

[पू.पा.गो.श्रीघनश्यामलालजी-सप्तमेश : "श्रीनाथद्वारा ठिकानेके प्रबन्धकी दिल्ली-योजनाकी आलोचना (ता.१-२-५६)"]].

(२१/क)प्रश्न : 'देवद्रव्य' कायकुं कहें हैं ? 'देवद्रव्य'को मतलब, देवको द्रव्य. ऐसो द्रव्य या पदार्थ जो देवकुं ही उद्देश्य बना के अर्पण कियो गयो होय वाकुं 'देवद्रव्य' कहें हैं. याही प्रकार गुरुकुं उद्देश्य बनाके अर्पण किये गये द्रव्यकुं

'गुरुद्रव्य' कह्यो जाय हे. प्रभुकी प्रसादी वस्तुकुं 'महाप्रसाद' कहे हैं... या प्रकारके मन्दिरनमें ठाकुरजीके सन्मुखमें भेंट धरे जाते द्रव्यकुं ओर ट्रस्टकी ऑफिसमें आते द्रव्यकुं तो स्पष्ट शब्दनमें 'देवद्रव्य' कह्यो जा सके हे; और वा द्रव्यसूं सिद्ध होती सामग्रीमें भगवत्प्रसादी होवेके बाद महाप्रसादपनो तो आवे हे परन्तु वाके साथ वामें देवद्रव्यपनो भी रहे ही हे. याही कारण वैष्णवनकुं ऐसे महाप्रसादकुं देवद्रव्य समझके ही व्यवहार करना चाहिये. ऐसे महाप्रसादकुं लेनेमें देवद्रव्यको बाध तो रहे ही हे.

(२१/ख)मन्दिरके स्थलके फेरबदलके बारेमें श्री गो.पू.१०८ श्रीबालकृष्णलालजीने कह्यो कि पुष्टिमार्गमें सार्वजनिक मन्दिरकी परम्परा नहीं हे. यामें व्यक्तिगत स्वरूप, निजी स्वरूप, की ही बात हे; ओर याही कारण पुष्टिमार्गमें सेवाप्रकार देवालयके प्रकार जेसो नहीं हे. मन्दिरको निर्माण भी घर जेसो होवे हे. कहीं भी ध्वजा-शिखर नहीं होवे. वैष्णव भी घरमें ही सेवा करे हैं तथा वाकुं 'मन्दिर' ही कहें हैं...

['सेवा-देवद्रव्य-विमर्श' ग्रन्थके सहलेखक
पू.पा.गो.श्रीबालकृष्णलालजी महोदय सूरतस्थ ३/२ गृहाधीश : (१९/
क) 'वैष्णववाणी' अंक ३, वर्ष मार्च १९८३. (१९/ख) 'गुजरात समाचार'
अंक २५-५-९३में प्रकाशित].

(२२)...ब्रह्मसम्बन्ध लेके सेवा करवेसूं प्रत्येक इन्द्रियनको भगवानमें विनियोग होवे हे... मन्दिर-गुरुघर केवल उपदेशग्रहण करवेकेलिये हैं. सेवा अपनकुं अपने घरनमें करनी हे.

[पू.पा.गो.श्रीमथुरेश्वरजी संस्थापक ह्व श्रीगोवर्धननाथजी मन्दिर,
होलिवुड्.एन्.वाय्.अमेरिका : 'वल्लभविज्ञान' अंक ५-६ वर्ष १९६५].

(२३)प्रश्न : अपने सम्प्रदायमें मन्दिरकुं 'मन्दिर' न कहके 'हवेली' क्यों कह्यो जावे हे ?

उत्तर : सामान्यतया इतर हिन्दु-सम्प्रदायमें 'मन्दिर' शब्द देवालयके अर्थमें प्रयुक्त होवे हे परन्तु ऐसे देवालयके रूपमें मन्दिर जेसी संस्थाको पुष्टिमार्गमें

अस्तित्व ही नहीं है. क्योंकि पुष्टिमार्गमें अपने मांथे जो प्रभु पधराये जावें हैं वे प्रभुस्वरूप ओर उनकी सेवा हरेकको व्यक्तिगतरूपमें वाकी भावनाके अनुसार पधराये जावे हैं. स्वयंके श्रीठाकुरजीकी सेवा पुष्टिमार्गीय जीवको एकमात्र स्वयंको कर्तव्य बन जातो स्वयंको ही धर्माचरण है. पुष्टिमार्गमें सेवा सामुहिक जीवनको विषय नहीं परन्तु व्यक्तिगत जीवनको विषय है. जैसे लोकमें पत्नी अथवा माता को पति अथवा पुत्र की सेवा या वात्सल्य प्रदान करवेको वाको व्यक्तिगत धर्म उत्तरदायित्व ओर अधिकार होवे है. वा ही तरह जा सेवकके जो सेव्यस्वरूप होवे हैं वा सेव्यस्वरूपकी सेवा वाको व्यक्तिगत धर्म ओर अधिकार होवे है. सेवा कोई सार्वजनिक कार्य या सार्वजनिक प्रवृत्ति नहीं परन्तु सेवा तो स्वयंके आन्तरिक जीवनके साथ सम्बन्ध रखवेवाली बात होवसूँ स्वयंके जीवनकी स्वयंके घरमें की जावेवाली धर्मरूप प्रवृत्ति है... अतः इतर हवेलीन्की तरह जैसे 'श्रीनाथजीको मन्दिर' शब्द, रूढ़ हो गयो होवेसूँ, प्रयोग कियो जावे है. वस्तुतः तो सामुहिक दर्शन या सेवा जहां की जाती होय एसे अन्यमार्गीय सार्वजनिक देवस्थान जेसो वो मन्दिर नहीं है.

['सेवा-देवद्रव्य-विमर्श' ग्रन्थके लेखक अ.सो.वा.पू.पा.गो.श्रीवल्लभरायजी सुरतस्थ ३/२ गृहगोस्वामी : 'पुष्टिने शीतल छांयडे' पृ.सं.१५७-१५८].

(२४)श्रीमहाप्रभुजीने अलग-अलग मन्दिरन्की प्रणाली खड़ी नहीं करी; परन्तु यामें जगद्गुरु श्रीवल्लभाचार्यकी एक दूरदृष्टि हती:प्रत्येक वैष्णवको घर नन्दालय बननो चाहिये... कोइ मन्दिरके पड़ोसमें एक बहन रहे है. वाकुं मन्दिरकी आरतीके घन्टानाद सुनाई पड़े हैं. सेवा करवेकुं बैठी भइ वो बहन ठाकुरजीके वस्त्र बड़े करके स्नान करावे जा रही हती कि आरतीके घंटानाद सुनाई दिये. वो ठाकुरजीकुं वहीं वाही अवस्थामें छोड़के मन्दिरकी तरफ दौड़ गई. थोड़ी देरके बाद लौटके घर आई. अब विचार करो कि या तरहसूँ कोई सेवा करे तो वामें आनन्द कभी आ सके क्या ? यहां तो प्रत्येक वैष्णवको घर नन्दालय है.

[श्रीमद्भागवततत्त्वमर्मज्ञा श्रीगिरिराजजीहवेली(बड़ोदा)संचालिका, अमेरिकामें सार्वजनिक मन्दिरार्थ स्वयंके सेव्य श्रीगोवर्धननाथजीके स्वरूप पधरा के वहां नवपुष्टिचेतनाको संचार करवेवाली पू.पा.गो.सुश्रीइन्दिरा बेटीजी : 'वैष्णवपरिवार' अंक जून १०].

(२५)“अति धन्यवादार्ह है कि आपने इतनी मेहनत करके सम्प्रदायके सिद्धान्तन्कू कोर्टमें समझाये” - “हमारो यामें पूरो सहयोग रहेगो, तनमनधनसे...हमारे सभी चि.बालक या कार्यमें सहयोग करवेकुं तैयारहैं”.

[पू.पा.गो.चि.श्रीहरिरायजी(जामनगर)के सिद्धान्तनिष्ठ पितृचरण नि.ली.गो.श्रीव्रजभूषणलालजी महाराज : गो.श्याम मनोहरजी(पाल्हा-किशनगढ)कुं भेजे दि.२६-१०-८६ और ७-११-८६ के पत्रन्में].

(२६)मैं तो एक ही बात कहनी चाहूंगो कि समाजके भीतर ओर अपने सम्प्रदायमें इतनो अधिक सिद्धान्तवैपरीत्य हो गयो है कि गुजरातके एक गांवमें...पुष्टिमार्गके ही, अपने सम्प्रदायके ही, दो मन्दिर हैं ओर मन्दिरन्की दीवाल भी एक ही हैं; परन्तु...ऐसी जबरदस्त प्रतिस्पर्धा वैष्णवसमाजमें पैदा हो गई है कि मानों एक-दूसरेके साथ स्पर्धा करते होंय. ऐसे ईर्ष्या-द्वेषको वातावरण जब सेवाके क्षेत्रमें उत्पन्न हो जावे तो वासूँ बढ़के लोकार्थित्व ओर क्या हो सके है ! ...जो शाँ-बिज्ञनेस सम्प्रदायमें चल रह्यो है वाको निवारण होय एतदर्थ एक सुन्दर चर्चासभाको आयोजन भयो है... मेरी सविशेष विनंती ये है कि एसे सभी सिद्धान्तवैपरीत्यकी फज़ीहत यदि सर्वाधिक कहीं होती होय तो गुजरातमें होवे है. भागवतमें भी लिख्यो भयो है कि “गुर्जर क्षीणतां गता”... अतः सिद्धान्तकी सत्यनिष्ठा कहीं साधनी होय तो... ओर श्रीमहाप्रभुजीके पुष्टिसिद्धान्तन्के सद्जागरणकी कहीं आवश्यकता होय तो... गुजरातमें एसी सभान्को आयोजन होनो चाहिये...

[पू.पा.गो.चि.श्रीदुमिलकुमारजी महोदय : “पुष्टिसिद्धान्तचर्चासभा (दि.१०-१३ जनवरी,९२. पाल्हा-मुंबई) विस्तृतविवरण” पृ.३१७-३१८]

(२७)पुष्टिमार्ग गुप्त है, दिखावाकेलिये तो है ही नहीं, भक्त ओर भगवान् के आन्तरिक सम्बन्ध दृढ़ करवेको मार्ग है... दोनोंके संबंध एसे होने चाहिये कि कोइ तीसरेकुं वाकी जानकारी न हो पाये. अपनो अपने भगवान्के साथ क्या सम्बन्ध है वाकुं दूसरे कोइ व्यक्तिकुं जतावेकी आवश्यकता ही क्या है ? प्रशंसा पावेकुं ? स्वयंकी महत्ता बढ़ावेकुं ? ये तो सभी कुछ बाधक हैं.

**[पू.पा.गो.चि.श्रीद्वारकेशलालजी महोदय
(श्रीवल्लभाचार्यप्राकट्यपीठ अमरेली-कांटीवली-चम्पारण्य-
सूरत): 'पुष्टिनवनीत' पृ.१२].**

(२८)प्रश्न : आज चल रहे जो डिस्प्युट हैं वामें कितनेक सिद्धान्त चर्चित हो रहे हैं जैसे कि नये मन्दिर नहीं खोलने, ट्रस्ट मन्दिर नहीं बनाने, ठाकुरजीके नामपे द्रव्य नहीं लेनो, ठाकुरजीके दर्शन नहीं कराने, तथा बिना समजे-सोचे कोईकु ब्रह्मसम्बन्ध नहीं देनो. इन सब विषयमें आपको अभिमत क्या है ?

उत्तर : देखो मन्दिरकी जहां तक स्थिति है तो ये बात सत्य है के पुष्टिमार्गीय प्रकारसुं मन्दिर तो मात्र एक ही है; ओर सब घरकी स्थिति हती. ... आज मन्दिर जितने हैं अथवा जिन स्थाननकुं अपन मन्दिर समझे हैं वो स्थान ... वाकु अपन मर्यादापुष्टि मन्दिर कह सके हैं, पुष्टिमन्दिर नहीं. पुष्टिको प्रकार तो मात्र गृहसेवामें ही है.

**[पू.पा.गो.श्रीब्रजेशकुमारजी तृतीयेश 'आचार्यश्रीवल्लभ'
(ऑगस्ट १९९४, अंक ५) पुष्टिमार्ग-वर्तमान प्रश्न-उत्तर ४, पृ.७].**

(२९)श्रीमहाप्रभुजी आज्ञा करे हैं के दुनियामें भटकते रहेते अपने मन-चित्त(कुं) श्रीठाकुरजीके सङ्ग जोडिके विनकी तन-वित्तजा सेवा करनी. तनुवित्तकी सेवा अर्थात् स्वयं उपाजित अपने धनसों, अपने ही घरमें श्रीठाकुरजीकी अपने ही शरीरसों सेवा करनी सो.

**[पू.पा.गो.चि.श्रीवागीशकुमारजी 'वल्लभीय चेतना', ऑक्टोबर १५
२००३, पृ.४]**

(३०)चित्त भगवत्प्रेममें परिपूर्ण होइ जाय, पूर्णतः भगवान्में लगि जाय, तन्मय अरु तल्लीन होइ जाय है तब परासेवा होत है. याकों मानसी सेवा कह्यो जाय है. याके सङ्ग मनुष्यकों शरीरसों हु सेवा करनी चाहिये. ... तनुजा सेवासों शरीरकी शुद्धि होत है. अहन्ता-अहंपनेको नाश होत है. धनसों करी जाती सेवा 'वित्तजा'सेवा है. वासों ममता-मेरोपेनेको नाश होत है. अहन्ता अरु ममता एक-दूसरेके सङ्ग जुडे भये रहत हैं तासों तनुजा अरु वित्तजा सेवा एकसङ्ग करनी चाहिये.

यामें प्रधानता तनुजा सेवाकी है. केवल धन दे देवेसों सेवा होत नाही है. वासों तो (चित्तमें)राजसी वृत्ति होत है.

**[पू.पा.गो.चि.श्रीद्वारकेशलालजी महोदय, षष्टेश, वडोदरा :
श्रीमद्भगवद्गीता पुष्टिदर्शन, पृ.१२५]**

(३१)आज फेरि वो समय आयो है. वासों हु कठिन समय आयो है. वा समय तो अन्यमार्गीय लोग मतनकों प्रस्तुत करिके भ्रम उत्पन्न करत हते. परि आज तो अपने सम्प्रदायके ही 'सुज्ञजन' श्रीमहाप्रभुजीकी वाणीको विपरीत अर्थ करि रहे हैं, लोगनकों पथभ्रष्ट करि रहे हैं, दैवीजीवनके सङ्ग घोर अन्याय करि रहे हैं. तासों ही अभी महाप्रभु श्रीवल्लभाधीशके वंशज पुष्टिमार्गीय युवा आचार्यनने एक 'संवादस्थापकमण्डल'की स्थापना करीके मुम्बईमें ... चार दिवस पर्यन्त एक पुष्टिसिद्धान्त चर्चासभाको आयोजन कियो हतो. ... सभामें ३५ महानुभाव आचार्य उपस्थित हते. २८ गोस्वामी आचार्य महानुभावनने गो.श्रीश्याम मनोहरजी महाराश्रीके 'सिद्धान्तवचनावली'के भावानुवादकुं सहमति दीनी हती. कितनेक आचार्य महानुभावनने असहमति दीनी हती अरु कितनेक मौन रहे हते. असहमति प्रकट करिवेवारे पू.पा.गो.श्रीहरिरायजी ब्रजभूषणलालजी महाराजश्री जामनगरवारेनने पूज्य गोस्वामी श्रीश्याम मनोहरजी महाराजश्रीके सङ्ग विनने करे भावानुवादके मुद्दान्पे चर्चा प्रारम्भ कीनी हती. ... समयके अभावके कारण चर्चा निर्णयपे पहुंच न सकी. परन्तु वर्तमान(में) कितनेक चर्चास्पद, संशयास्पद मुद्दान्की स्पष्टता या चर्चामें प्राप्त भयी जो वस्तुतः एक बडी सिद्धि है. इतनो ही नहीं परन्तु नीचे बताये मुद्दान्के विश्लेषणमें पूज्य श्रीश्याम मनोहरजीके सङ्ग सहमत होयके पूज्य श्रीहरिरायजीने अपने सम्प्रदायकी उत्तम सेवा कीनी है:

१. पुष्टिमार्गीय सेव्यस्वरूप पूर्णपुरुषोत्तम स्वरूपसों ही बिराजे हैं, वे स्वरूप पाछें चाहे गुरुके सेव्य होवें के शिष्य (वैष्णव)के सेव्य होवें. दोउ(स्वरूपन)मेंतें कोउमें हु पुरुषोत्तमपनों न्यूनाधिक होत नाही.

२. पुष्टिमार्गीय सिद्धान्त अनुसार कृष्णसेवा करिवेको स्थान गृह ही होइ सकत है, सार्वजनिक (स्थल) नाही.

३. पुष्टिमार्गीय भगवत्सेवाकु धनकी प्राप्तिको साधन बनानो नहीं चाहिये.

४. देवलक व्यक्ति (= भगवत्सेव्यस्वरूपकु धनप्राप्तिको साधन अथवा आजीविकाको साधन बनायवेवारे) की सेवा निषिद्ध कक्षाकी होयवेसों (वो)

सेवाको अधिकारी नहीं है.

५. श्रीठाकुरजीके तांड़ काहु प्रकारके दान-भेंट मांगने अथवा स्वीकारने वो शास्त्रद्वारा निषिद्ध है. इतनो ही नहीं परि लाभ-पूजाके हेतुसों अपने लिये द्रव्य अथवा काहु वस्तुको स्वीकारनो वो शास्त्रकी दृष्टिमें ऋणानुबन्धी दोषकों उत्पन्न करिवेवारो होयवेसों बन्धनकारी है.

६. पुष्टिमार्गके सिद्धान्तानुसार श्रीठाकुरजीकुं निवेदन करे पदार्थनको ही समर्पण होइ सकत है अरु समर्पित पदार्थनको ही भगवद् उच्छिष्टरूपमें प्रसाद लेइ सकत हैं. श्रीठाकुरजीके लिये दान अथवा भेंट के रूपमें आयी भयी सामग्रीकुं प्रसादके रूपमें ली नहीं जा सके है क्योंकि श्रीठाकुरजीके लिये दान अथवा भेंट के रूपमें प्राप्त भये पदार्थ (द्रव्य)सों आयी सामग्रीकुं प्रसादके रूपमें पाछी लेवेसों 'दत्तापहार'को पाप लागत है.

७. सेवा तो शास्त्रको विषय है. तासों सेवाके सम्बन्धमें शास्त्रसों-श्रीमहाप्रभुजीके ग्रन्थनसों ही सर्व निर्णय होइ सकत है, अन्य काहु प्रकारसों नहीं.

[संयुक्त घोषणापत्र : अमदावाद, मिति फाल्गुन सुदी ७, श्रीवल्लभाब्द ५१४, दिनाङ्क : ११ मार्च १९९२. हस्ताक्षर : नि.ली.गो.श्रीव्रजरायजी महाराज, पू.पा.गो.श्रीव्रजेन्द्रकुमारजी महाराज (अमदावाद); पू.पा.गो.श्रीदेवकीनन्दनाचार्यजी, चतुर्थेश (गोकुल-अमदावाद), पू.पा.गो.श्रीव्रजेशकुमारजी महाराज, पू.ना.गो.श्रीराजेशकुमारजी महाराज, पू.पा.गो.श्रीवल्लभलालजी महाराज (कडी-अमदावाद); पू.पा.गो.श्रीजयदेवलालजी महाराज, पू.पा.गो.श्रीमथुरेशजी महाराज, पू.पा.गो.श्रीकन्हैयालालजी महाराज, पू.पा.गो.श्रीहरिरायजी (कामा-वीरमगाम-अमदावाद)]

पुष्टिविधानानुक्रमणिका

क्रम	ग्रन्थ	पृष्ठ
१	मङ्गलाचरणम्	१
२	श्रीसर्वोत्तमस्तोत्रम्	१७
३	श्रीवल्लभाष्टकम्	७४
४	श्रीस्फुरत्कृष्णप्रेमामृतस्तोत्रम्	९१
५	नामरत्नाख्यस्तोत्रम्	११२
६	श्रीयमुनाष्टकम्	१३९
७	बालबोधः	१५८
८	सिद्धान्तमुक्तावली	१७८
९	पुष्टिप्रवाहमर्यादाभेदः	२०४
१०	सिद्धान्तरहस्यम्	२३१
११	नवरत्नम्	२४४
१२	अन्तःकरणप्रबोधः	२६२
१३	विवेकधैर्याश्रयः	२७६
१४	कृष्णाश्रयस्तोत्रम्	२९८
१५	चतुःश्लोकी	३१२
१६	भक्तिवर्धिनी	३१७
१७	जलभेदः	३२९
१८	पञ्चपद्यानि	३५२
१९	सन्न्यासनिर्णयः	३६०
२०	निरोधलक्षणम्	३८७
२१	सेवाफलम्	४११
२२	पञ्चश्लोकी	४२६
२३	साधनप्रकरणम्	४४८
२४	शिक्षाश्लोकी	५०६
२५	साधनदीपिका	५४१
२६	द्वितीया चतुःश्लोकी	६०४
२७	पादानुक्रमणिका	६०७

॥ मङ्गलाचरणम् ॥

(१)

चिन्ता-सन्तान-हन्तारो यत्पादाम्बुज-रेणवः।
स्वीयानां तान् निजाचार्यान् प्रणमामि मुहुर्मुहुः॥१॥

अन्वयार्थ :

यत्पादाम्बुजरेणवः=जिनकेचरणकमलकीपराग तान्=तिनकों
स्वीयानां=निज-जनन्की निजाचार्यान्=निजाचार्यचरणकों
चिन्तासन्तानहन्तारः=चिन्ताकी सन्ततिको मुहुः-मुहुः=पुनः-पुनः
नाश करिवेवारी हे प्रणमामि=प्रणाम करत हों

भावार्थ : पुष्टिमार्गीय जीवन्की भगवद्भक्ति किंवा भगवत्प्रपत्ति सम्बन्धी एक चिन्तामेंते प्रकट होयवेवारी दूसरी चिन्ता यों चिन्तान्की सन्ततीकों जिनके चरणकमलन्के रेणु=पराग हरिवेवारे हैं ऐसे पुष्टिमार्गाचार्य श्रीमहाप्रभूनों मैं बारंबार प्रणाम करत हों॥१॥

टीका : अपनो पुष्टिमार्ग कछु विश्वधर्म तो हे नाहिं क्यों जो पुष्टिजीव हैं तिनकोही धर्म हे. तासों पुष्टिजीवन्कीही भक्ति-प्रपत्तिसम्बन्धी चिन्तान्कों श्रीमहाप्रभु निवारत हैं. तासों मङ्गलाचरणमें निजाचार्य अर्थात् पुष्टिजीवन्के काज भूतलपे आचार्यरूप धरिके प्रकट भये भगवन्मुखारविन्दरूप श्रीमहाप्रभून्की वन्दनरूप शरणागति करत हैं. सो काहेते जो ताके बिना पुष्टिप्रभून्की पुष्टिभक्ति करिवेकों पुष्टिजीव निश्चिन्त होय सकत नाहिं. तातें मङ्गलाचरणद्वारा आचार्यशरणागति प्रथमोपाय हे सो श्रीविट्ठलनाथ प्रभुचरण समझावत हैं॥१॥

यदनुग्रहतो जन्तुः सर्वदुःखा-तिगो भवेत्॥
तमहं सर्वदा वन्दे श्रीमद्वल्लभ-नन्दनम्॥२॥

यदनुग्रहतो=जिनकी कृपासों श्रीमद्वल्लभनन्दनम्=श्रीमहाप्रभुजीके पुत्र
जन्तुः=जीवन्के श्रीगोपीनाथजीकों
सर्वदुःखातिगो=सर्व दुःखन्कों- अहं=में
पार करवेवारे , भवेत्=होय हैं सर्वदा=सदा
तं=विन् वन्दे=वन्दन करत हों

भावार्थ : जन्म लेयके सांसारिक दुःखन्के सागरमें डूबवे जाय रह्यो जीव जिनके अनुग्रहते सर्व दुःखन्ते बचि जात हे ऐसे श्रीमद्वल्लभाचार्य महाप्रभुके आत्मजकों मैं सर्वदा वन्दन करत हों॥२॥

टीका : ये श्लोक श्रीविट्ठलनाथ प्रभुचरणने अपने ज्येष्ठ बन्धु श्रीगोपीनाथ प्रभुचरणकों वन्दन करिवेकों लिख्यो हे, परन्तु आधुनिक पुष्टिजीवन्कों दोनों बन्धून्में अभेदभाव राखिके श्रीगोपीनाथजी तथा श्रीविट्ठलनाथजी ऐसे दोन्योन्को स्मरण करिके वन्दन करनों॥२॥

अज्ञान-तिमिरान्धस्य

ज्ञानाञ्जन-शलाकया।

चक्षुरुन्मीलितं येन

तस्मै

श्रीगुरवे

नमः॥३॥

येन=जिनके द्वारा

ज्ञानाञ्जनशलाकया=ज्ञानरूपि

अज्ञानतिमिरान्धस्य=अज्ञानरूपी

अञ्जनशलाकासों ,उन्मीलितं=खोली हे

अन्धकारसूं अन्धभयेकी

तस्मै=विन

(मम=मेरी)चक्षुः=आंखकों

श्रीगुरवे=गुरुकों ,नमः=नमन होउ

भावार्थ : जिनने अज्ञानरूपी अन्धकारतें आंधरे भये मेरे जेसेन्की आंखन्कों ज्ञानाञ्जनकी उपदेश-शलाकातें उधारि दीनि हे विन गुरुन्कों मेरे नमस्कार॥३॥

टीका : या पुष्टिसम्प्रदायमें निखिल पुष्टिजीवनके आद्यगुरु मूलाचार्य पितापुत्रनों नमन करिके तत्तद् पुष्टिजीवनके जो पुष्टिमागोपदेश गुरु होंय तिनके स्वरूपको हृदयमें ध्यान धरिवेकों तथा तिनकों वन्दन करिवेकों ये श्लोक हे.

पुष्टिमागोपदेश गुरुकी फलमुखयोग्यताको लक्षण हे: “श्रीकृष्णकी सेवामें तत्पर होनो, दम्भादिरहित होनो; अरु श्रीभागवतके भक्तिमार्गीय गूढ रहस्यनको ज्ञाता होनो” ऐसे श्रीमहाप्रभुने सर्वनिर्णयनिबन्धमें समझायो हे. पुष्टिमागोपदेशान्तर्गत अष्टाक्षरमन्त्र अरु गद्यमन्त्र-पञ्चाक्षरमन्त्रकी दीक्षादानके अधिकारको स्वरूपलक्षणह “भुवि भक्तिप्रचारैककृते स्वान्वयकृत्” नामतें श्रीप्रभुचरणने श्रीमद्वल्लभवंशजन्में मान्य अरु स्थापित कियो हे. तातें विवाहित किंवा अविवाहित पुत्री, दौहित्र, शास्त्री अरु प.भ. बापा माजी आदिन्में स्वरूपलक्षणके अधिकारको राहित्य जाननों. श्रीमद्वल्लभवंशज पुत्रन्मेंहु फलमुखयोग्यताके लक्षणसों वैपरीत्य दृष्टिगत होवे तब तो श्रीमहाप्रभुन्मेंही गुरुबुद्धि राखनी॥३॥

नमामि हृदये शेषे लीला-क्षीराब्धि-शायिनम् ।
लक्ष्मी-सहस्र-लीलाभिः सेव्यमानं कलानिधिम् ॥४॥
चतुर्भिश्च चतुर्भिश्च चतुर्भिश्च त्रिभिस्तथा ।
षड्भिर् विराजते योऽसौ पञ्चधा हृदये मम ॥५॥

शेषे=शेषमें

हृदये=हृदयमें

लक्ष्मीसहस्रलीलाभिः=हजारन् लक्ष्मी ओर लीलानसूं

सेव्यमानं=सेवित होते

लीलाक्षीराब्धिशायिनं=लीलारूपी क्षीरसागरमें शयन करते

कलानिधिं=कलाके निधिकों

नमामि=नमन करत हों

यः=जो(श्रीमद्भागवत्-दशमस्कन्धान्तर्गताद्यैः=श्रीमद्भागवतके दशमस्कन्धके अन्तर्गतजो-)

चतुर्भिः=चारसों (अध्यायैः=अध्यायन्सों)

च=ओर(पञ्चमाद् आरभ्य सप्त-सप्ताध्यायात्मकैः=पांचवेसूं लेयके सात-सात अध्यायात्मक-)

चतुर्भिः=चारसों(तामस-प्रमाण-प्रमेय-साधन-फल-रूपप्रकरणैः= तामस-प्रमाण-प्रमेय-साधन-फलरूप प्रकरणन्सों)

च=ओर(षट्त्रिंशाध्यायाद् आरभ्य सप्त-सप्ताध्यायात्मकैः=३६वें अध्यायसूं लेयके सात-सात अध्यायात्मकसों-)

चतुर्भिः=चारसों(राजस-प्रमाण-प्रमेय-साधन-फल-रूपप्रकरणैः=राजस प्रमाण-प्रमेय-साधन-फलरूप प्रकरणन्सों)

च=ओर(चतुःषष्टितमाध्यायाद् आरभ्य सप्त-सप्ताध्यायात्मकैः=६४वें अध्यायसूं लेयके सात-सात अध्यायात्मकसों-)

त्रिभिः=तीनसों(सात्त्विक-प्रमेय-साधन-फलरूपप्रकरणैः=सात्त्विक-प्रमेय-फलरूप प्रकरणन्सों)

तथा=ओर(पञ्चाशीतितमाध्यायाद् आरभ्य आस्कन्धसमाप्तिः=८५सूं लेयके स्कन्धकी समाप्ति पर्यन्त)

षड्भिः=छेसों (अध्यायैः=अध्यायन्सों)

असौ=ये

पञ्चधा=पांच प्रकारसों

मम=मेरे

हृदये=हृदयमें

विराजते=बिराजे हैं(तं नमामि=विनकुं नमन करूं हुं)

भावार्थ : शेषशय्यापे अरु हृदयमें; अथवा शेषरूप हृदयमें, लक्ष्मीकी अपरिगणित लीलानसों सेव्यमान; अथवा सहस्रावधि लक्ष्मीरूप पुष्टिभक्तनके द्वारा करी जाती लीलानसों सेव्यमान, लीलामें अरु क्षीराब्धिमें बिराजमान; अथवा लीलारूप क्षीराब्धिमें बिराजमान, चोंसठ कलानके निधि ऐसे दशमस्कन्धोक्त-लीलाविहारी प्रभुनों नमन करत हुं. तहां दशमस्कन्धके आरम्भके चार अध्यायनों प्रथम ‘जन्मप्रकरण’ कह्यो जात हे. पांचवें अध्यायतें प्रारम्भ करिके पेंतीसवें अध्यायतक

द्वितीयप्रकरणमें तामसप्रमाण, तामसप्रमेय, तामससाधन तथा तामसफल के चार उप-प्रकरण हैं। छत्तीसवें अध्यायतें प्रारम्भ करिके तिरसठवें अध्यायतक तृतीय प्रकरणमें राजसप्रमाण, राजसप्रमेय, राजससाधन तथा राजसफल के चार उपप्रकरण हैं। चौंसठवें अध्यायतें चोरासीवें अध्याय तक चतुर्थप्रकरणमें सात्त्विकप्रमेय, सात्त्विकसाधन अरु सात्त्विकफल के तीन उपप्रकरण हैं। पिच्चासीवें अध्यायतें नब्बे अध्यायतक पञ्चम गुणप्रकरण हे। एसे पांच प्रकरणमें वर्णित लीलानकों करिवेवारे प्रभु मेरे हृदयमें बिराजत हैं, तिनकों मैं नमन करत हुं॥४-५॥

श्रीगोवर्धननाथ-पाद-युगलं हैयङ्गवीन-प्रियं
नित्यं श्रीमथुराधिपं सुखकरं श्रीविट्ठलेशं मुदा।
श्रीमद्द्वारवतीश-गोकुलपति-श्रीगोकुलेन्दुं विभुं
श्रीमन्मन्मथ-मोहनं नटवरं श्रीबालकृष्णं भजे॥६॥

^१श्रीगोवर्धननाथपादयुगलम्=प्रथम निधि श्रीगोवर्धननाथजीके दोनों चरणकमलनों

^२हैयङ्गवीनप्रियम्=ताजो माखन जिनकों प्रिय हे एसे श्रीनवनीतप्रियजी द्वितीय निधिकों

^३श्रीमथुराधिपम्=तीसरे निधि श्रीमथुराधीशकों

^४श्रीविट्ठलेशम्=चोथे निधि श्रीविट्ठलनाथजीकों

^५श्रीमद्द्वारवतीश(म्)=पांचवें निधि श्रीद्वारकाधीशजीकों

^६गोकुलपति(म्)=छठे निधि श्रीगोकुलनाथजीकों

^७श्रीगोकुलेन्दुम्=सातवें निधि श्रीगोकुलचन्द्रमाजीकों

^८श्रीमन्मन्मथमोहनम्=आठवें निधि श्रीमदनमोहनजीकों

^९नटवरम्=नवमें निधि श्रीनटवरजीकों

^{१०}श्रीबालकृष्णम्=दसवें निधि श्रीबालकृष्णजीकों

सुखकरं=सुख करवेवारे

विभुं = प्रभुकों

मुदा = आनन्दसों

नित्यं = सदा (अहं = में)

भजे=भजुंहुं

भावार्थ :

१. श्रीगोवर्धननाथजी २. श्रीनवनीतप्रियजी ३. श्रीमथुराधीशजी

४. श्रीविट्ठलनाथजी ५. श्रीद्वारकाधीशजी ६. श्रीगोकुलनाथजी

७. श्रीगोकुलचन्द्रमाजी ८. श्रीमदनमोहनजी ९. श्रीनटवरलालजी

१०. श्रीबालकृष्णलालजी

-इतने स्वरूपनों प्रभुचरण श्रीगुसाईजीके घरमें एक साथ बिराजिके सातों बालक-बेटीजी-बहुजीके समेत श्रीप्रभुचरणनों अलौकिक सेवासुख दियो हतो सो मैंहुं मुदित होय नित्य इन स्वरूपनों ध्यानात्मक भजन करत हुं॥६॥

टीका : इन स्वरूपनों वर्णन क्रमतें कियो होयवेतें कोउ-कोउ अज्ञानी जीव स्वरूपनमेंहु तारतम्य बतावत हैं. ताकों अज्ञानमात्र समझनो. सो काहेते जो श्रीगुसाईजीके वचनामृत हैं “जो स्वरूपमें छोटो-बड़ो कहा ?” (द्र.: श्रीवल्लभजी-वचना. २०) तातें श्रीमहाप्रभुनके सेव्य (१-८) तथा श्रीप्रभुचरणनके सेव्य (९-१०) भगवत्स्वरूपनमें लौकिक बुद्धि करिके तारतम्य न जाननो(द्र.: श्रीवल्लभजी-वचना. २०).

तहां शङ्का होत हे जो श्रीमहाप्रभुनके तथा श्रीप्रभुचरणनके अन्यहु अनेक निधिस्वरूप बिराजत हैं तिनको नामोल्लेख न करिके केवल इतने ही स्वरूपनको नामोल्लेख कियो ताको कारण कहा ? तहां यह समाधान हे जो अन्यहु श्रीमहाप्रभुनके तथा श्रीप्रभुचरणनके निधिस्वरूपनमें न्यूनताबुद्धि न लावनी. सो काहेतें जो अन्य स्वरूपनमें पुष्टिपुरुषोत्तमता अथवा पूर्णपुरुषोत्तमता को अन्तर यदि होय तो महाबाधक अन्याश्रयको अपराध पड़े. अरु सभी सेव्यस्वरूपनमें पुष्टिपुरुषोत्तमता इकसार होयवेपे काहु स्वरूपकी सेवा सात बालकनके वंशमे छूटभैया करत होंय अथवा कोई वैष्णव करत होंय तातें स्वरूपके माहात्म्यमें कछु अन्तर पड़त नाहिं. श्रीहरिरायजीने तो याहीतें श्रीमहाप्रभुभृतीनके सेव्य तथा आधुनिक वल्लभवंशज अथवा वाल्लभ वैष्णवन् के जो सेव्य प्रभु हैं तिनमेंहु तारतम्य न जाननो एसो प्रतिपादन ‘स्वरूपतारतम्यविमर्श’ ग्रन्थमें कियो हे. तातें पुष्टिस्वरूपनमें लौकिक बुद्धितें तारतम्य मानिवेवारे भगवत्स्वरूपापराधी, आचार्यापराधी तथा मार्गापराधी होत हैं॥६॥

श्रीमद्वल्लभ-विट्ठलौ गिरिधरं गोविन्दरायाभिधं
श्रीमद्बालककृष्ण-गोकुलपती नाथं रघूणांस्तथा ।
एवं श्रीयदुनायकं किल घनश्यामं च तद्वंशजान्
कालिन्दीं स्वगुरुं गिरिं गुरुविभुं स्वीयप्रभूश्च स्मरेत् ॥७॥

श्रीमद्वल्लभ-विट्ठलौ = श्रीमहाप्रभुजी ओर श्रीगुसांईजी को

गिरिधरं = श्रीगिरिधरजीको

गोविन्दरायाभिधं = श्रीगोविन्दरायजीको

श्रीमद्बालककृष्ण-गोकुलपती = श्रीबालकृष्णजी ओर श्रीगोकुलनाथजी को

तथा = ओर

च = ओर, कलिन्दीं = श्रीयमुनाजीको

रघूणां नाथम् = श्रीरघुनाथजीको

स्वगुरुं = अपने गुरुको

श्रीयदुनायकं = श्रीयदुनाथजीको

(गोवर्धन) गिरिं = श्रीगिरिराजजीको

घनश्यामं = श्रीघनश्यामजीको

गुरु(सेव्य) विभुं = गुरुके सेव्यप्रभुको

एवं = अरु

स्वीयप्रभून् च = अरु खुदके माथे

किल = ऐसे ही प्रकारसों

बिराजते प्रभून्को

तद्वंशजान् = विनके वंशजको

स्मरेत् = स्मरण करनो

भावार्थ : श्रीमद्वल्लभाचार्य महाप्रभु, श्रीविट्ठलनाथ प्रभुचरण, श्रीगिरिधरजी, श्रीगोविन्दरायजी, श्रीबालकृष्णजी, श्रीगोकुलनाथजी, श्रीरघुनाथजी, श्रीयदुनाथजी, श्रीघनश्यामजी; तेसेई इनके वंशज, श्रीयमुनाजी, अष्टाक्षरमन्त्र तथा ब्रह्मसम्बन्धमन्त्र प्रदान करिवेवारे गुरु, श्रीगोवर्धनगिरि, अपने दीक्षादाता गुरुके सेव्यस्वरूप तथा निज सेव्यस्वरूपको स्मरण करनो ॥७॥

टीका : कछु मार्गद्विषी स्वार्थी अज्ञानी जीव ऐसे कहत हैं जो पूर्वश्लोकमें वर्णित भगवत्स्वरूपनमें पूर्ण पुरुषोत्तमको भाव होयवेतें विनको परिगणन् एक ठोरपे कियो. परि वैष्णवन्के माथे बिराजते सेव्यस्वरूपमें पुरुषोत्तम भाव न होयवेतें अथवा

गुरुत्वोपहित पुरुषोत्तमभाव होयवेतें विनको स्मरण गुरुदेवके साथ कीनो हे. परन्तु ये बात स्वार्थ - अज्ञान - मूलक मोह मात्र हे. सो काहेते ? जो या सूचीमें वैष्णवके माथे बिराजते सेव्यस्वरूपको जेसे उल्लेख हे तेसेही अपने दीक्षादाता गुरुन्के मस्तकपर बिराजमान स्वरूपकोहु उल्लेख हे. सो वेहु पुरुषोत्तमभावात्मक सिद्ध न होवेंगे. किञ्च पूर्व श्लोकमें वर्णित निधिस्वरूपनमेंते कोऊ स्वरूप अपने गुरुन्के मस्तकपर बिराजत होंय तो वेऊ पुरुषोत्तमभावात्मक न रहिके गुरुभावात्मक ह्वै जावेंगे. ओर कछुक लोग कहत हैं जो निजगुरुकों मनुष्यबुद्धितें देखनो शास्त्रनिन्दित होयवेतें आधुनिक गुरुन्मेंहु पुरुषोत्तमभाव राखनो. तब तो अपने माथे बिराजते सेव्यप्रभुमे गुरुभाव राखिवेपेहु पुरुषोत्तमभाव कछु निवृत्त होत नाहिं. तातें वैष्णवन्के माथे बिराजते स्वरूपकी पूर्ण पुरुषोत्तमतामें रञ्जकहु न्यूनता न जाननी.

अरु स्वमार्गीय दीक्षा प्रदान करिवेवारे आधुनिकनमें “कृष्णसेवापरता, दम्भादिरहितता, भागवततत्त्वज्ञता” लक्षणको अखण्डित दर्शन होत होय तब गुरुभाव अरु ता करि पुरुषोत्तमभाव अर्थात् भगवत्सेवासम्बन्धी तिनकी आज्ञाकों साक्षात् पुरुषोत्तमवचनके बराबर प्रामाण्य जाननों. परन्तु या लक्षणको अखण्डित दर्शन न होत होय तो गुरुभाव केवल श्रीमहाप्रभु - प्रभुचरणमें सीमित करिके आधुनिकनमें गुरुद्वारता ही केवल जाननी. तासों गुरुद्वारताके कारण पुरुषोत्तमभावकी अनिवार्यताहु रहत नाहिं ॥७॥

बर्हापीडं नटवरवपुः कर्णयोः कर्णिकारं
बिभ्रद्रासः कनककपिशं वैजयन्तीञ्च मालाम् ।
रन्ध्रान् वेणोरधरसुधया पूरयन् गोपवृन्दैः
वृन्दारण्यं स्वपदरमणं प्राविशद् गीतकीर्तिः ॥८॥

बर्हापीडं = मोरमुकुटकुं

वैजयन्तीं = पांच प्रकारके फूलनसूं

(बिभ्रद् = धारणकरिवेवारे)

बनी वैजयन्तिकुं

नटवरवपुः = नटको ओर वरको सो-

मालां = मालाकुं

स्वरूप(बिभ्रद् = धारणकरिवेवारे)

बिभ्रद् = धारण करिवेवारे

कर्णयोः = दोनों काननपे

अधरसुधया = अधरामृतसूं

कर्णिकारं = कनेरके फूलनकुं (बिभ्रद्)	वेणोः = वेणुकों
कनककपिशं = सुवर्ण रंगके	रन्ध्रान् = छिद्रनकों
वासः = वस्त्रकुं (बिभ्रद्) च = ओर	पूरयन् = पूरित करतेभयेद्वारा
गोपवृन्दैः = ग्वालनके समूहके	स्वपदरमणं = अपने चरणनत्ते
गीतकीर्तिः = जिनकी कीर्तिको गान-	वृन्दारण्यं = वृन्दावनमें
रमणीय बनावते कियोजाय हे एसे	प्राविशद् = प्रवेश कियो

भावार्थ : श्रीमस्तकपे मयुरपिच्छको स्तबक धारण करिके, नटको ओर वरको सो वपु धारण करिके, कर्णनूपे कनेरके पुष्पनको धारण करिके, कनक वर्णके वस्त्र धारण करिके अरु वैजयन्ती वनमाला धारण करिके, अपने अधरनमें बिराजमान सुधाते वेणुके रन्ध्रनको पूरत - पूरत संग - साथी गोपबालक जिनकी कीर्तिको गान करत हैं एसे प्रभु अपने भक्तिरूप चरणकमलनत्ते वृन्दावनको रमणीय बनावत तहां वृन्दावनमें प्रविष्ट भये ॥८॥

टीका : भागवतके दशमस्कन्धमें तामस-प्रमेयप्रकरणके अन्तर्गत प्रभुके प्रमेयरूपको वर्णन या श्लोकमें हे. यामें वर्णित प्रभुके रूप, गुण तथा लीला ब्रजस्थ भक्तनको अलौकिक प्रकारसों दृष्टि-श्रुतिगोचर भये. सो केसे जो ब्रह्मविद्यारूप वेणुनाद द्वारा हृदयमें स्फुरित भये. तासों श्रुत्येकसमधिगम्य ब्रह्मको श्रौत स्वरूप जेसैं श्रुतिवचनते हृदयङ्गत होत हे तेसैं वृन्दावनस्थित भगवान्के मधुर रूप-गुण-लीलाको साक्षात्कार वेणुनादते ब्रजस्थ भक्तनके हृदय अरु इन्द्रियन् में भयोसो यामें वर्णित हे. तासों या वर्णनकु दिव्य प्रमेयको निरूपण समझनो.

मयुर अपनी मस्तीमें होयवेपे नाचिवेकों अपनी पुच्छकों फेलायके स्तबक जेसो बनावत हे, तेसैं प्रभुनेहु अपने श्रीमस्तकपे मयुरपुच्छस्तबककु धारण कियो हे. तासों भगवान्कोहु यह स्वरूप उद्बुद्ध रसात्मक हे एसे जाननो.

कुशल नट जेसे शृङ्गाररसको नाटन करत हे अरु वर (पति) जेसे प्रत्यग्र भोग करत हे तेसैं भगवान्केहु उभयविध रूप हैं. ज्ञानीनको अपने अन्तरमें जेसैं परमात्मानुभूति होत हे तेसैं इन उभयविध रूपनकी अनुभूति होत हे एसे न जाननो.

सो काहेते ? जो भक्तनको सुखदानार्थ तो प्रभु बाह्य वपु धारण करिके प्रकट होत हैं.

कर्णनूपे धारण किये कनेरके पुष्पनके शृङ्गारकोहु रसको उद्बोधक जाननो. शृङ्गाररस जेसैं संयोग-विप्रयोगके भेदते द्विविध होत हे तेसैंई प्रभुनके दोग कर्ण हैं. तासों संयोगकी नाई विप्रयोगमेंहुं भक्तके भावोद्गार प्रभु सुनि सकत हैं.

रस तो गुप्त होयवे पेही रसरूप होत हे अन्यथा रसाभास. ताते प्रभुने अपने रसात्मक वपुकु गुप्त राखिवेकों पीताम्बर धारण कियो हे. पीताम्बरहु फेरि कनक जेसी व्यामोहिका मायाके आवरणकी नाई होत हे.

फेरि कीर्तिमयी वनमाला अर्थात् वैजयन्तीमालाहु आप धारण किये हैं.

भगवान्के लोभात्मक अधरनूपे स्थित होयवेते ये अधरसुधा सर्वाभोग्या हे. तासों वेणुनादके श्रवणतेही या सुधाको पान होय सकत हे अन्यथा नाहिं. सो काहेते ? तहां ये जाननो जो जेसे वेणुवादनद्वारा भगवत्स्वरूपानन्दके उपभोगोचित भोक्तृभाव भगवान्ने ब्रजभक्तनमें प्रकट कीनो सो अन्यथा सम्भव नाहिं. तासों आत्मारमणैकस्वभाववारे भगवान् जाके काज आत्मभोग्यता प्रकट करत हैं तामें स्वरूपानन्दभोक्तृताको भाव प्रकट होत हे. तासों भगवत्कृत वेणुनादके स्वर कर्णद्वारा हृदयमें प्रविष्ट होयके भगवत्स्वरूपानन्दकी भोक्तृताको भाव प्रकट करत हैं. विषयानन्दके भोक्ता अथवा मोक्षानन्दके भोक्ता को भोक्तृत्व भगवत्स्वरूपानन्दके भोक्तृत्वके आगे तो अति तुच्छ अरु अति क्षुद्र करि जाननों. भगवत्स्वरूपानन्दको उपभोक्ता प्रपञ्च अरु प्रापञ्चिक विषयनको भूलिके भगवत्स्वरूपमें आसक्त अर्थात् निरुद्ध ह्वे जात हे. तासों वेणुनादद्वारा आपने ब्रज भक्तनको निजस्वरूपानन्दके उपभोगोचित भोक्तृभावको दान कियो.

भगवान्के चरणारविन्द भक्तिरूप होयवेते सर्वप्रथम चरण किंवा भक्ति की स्थापनाते वृन्दारण्य किंवा वृन्दावृन्द को भगवत्स्वरूपानन्दमें निरुद्ध होयवेको अधिकार प्रदान भयो जानिये. सो काहेते जो निरुद्ध (प्रपञ्चविस्मृतिपूर्वक

भगवत्स्वरूपासक्त) जीवही भगवत्स्वरूपानन्दके स्वच्छन्द उपभोगार्थ भोक्तृभाववारे होत हैं. ऐसे भक्तनूके आधीन होयके भगवान् अपने भीतर गूढभावतया अवस्थित भोग्यभाव प्रकट करत हैं. तासों या श्लोकमें प्रमेयरूप भगवान्को परमकाष्ठापन्न वर्णन यहां भयो जानिये ॥८॥

सौन्दर्यं निजहृद्गतं प्रकटितं स्त्रीगूढभावात्मकं
पुंरूपञ्च पुनस्तदन्तर्गतं प्रावीविशत् स्वप्रिये ।
संश्लिष्टावुभयौ बभौ रसमयः कृष्णो हि यत् साक्षिकं
रूपं तत् त्रितयात्मकं परमभिध्येयं सदा वल्लभम् ॥९॥

निज = अपने	पुंरूपं = पुरुषरूप
(कृष्ण)हृद्गतं = हृदयमें रहेभये	(प्रकटितं सौन्दर्यं=प्रकट भयो सौन्दर्य)
स्त्रीगूढभावात्मकं = गूढ स्त्री भावात्मक	च = अरु, स्वप्रिये = अपने प्रियमें
प्रकटितं = प्रकट	प्रावीविशद् = प्रविष्ट करायो(इति)
सौन्दर्यं = सौन्दर्य, पुनः = फेरि	उभयौ = दोनोंको
तद् = वो - (स्वामिनी)	संश्लिष्टौ = संयोग भयेसूं
अन्तर्गतं = अन्दर रह्योभयो	(सन्तौ पुनः)
रसमयः = रसात्मक	तत् = वो
कृष्णः = श्रीकृष्ण	त्रितयात्मकं = तीनों रूपवारो
बभौ = शोभायमान भये	(भूत्वा = होयके)
हि = यासूं	सदा = सदा, वल्लभं = श्रीमहाप्रभुजीका
(तस्मात् कारणात्=जा कारणसूं)	परम् = आछीभांतिसों
यद् = जो, रूपं = रूप	अभिध्येयं = ध्यान करनों
साक्षिकं = साक्षी(आसीत् = हतो)	(प्रकटितम् अभवत्=प्रकट भयो)

भावार्थ : सर्वरसभोक्ता श्रीकृष्णके भीतर अपने स्वरूपानन्दके दानार्थ एक गूढ भोग्यभावात्मक सौन्दर्यहु हे - तेसैंई अपने स्वरूपानन्दके उपभोगार्थ प्रकट किये

स्वामिनीरूपमेंहु भगवत्स्वरूपानन्दके उपभोग करिवेके भाववारो एक गूढ भोक्तृभावात्मक सौन्दर्यहु हे. सो ये भगवान्में रह्यो गूढ भोग्यभावात्मक सौन्दर्य अरु स्वामिनीमें रह्यो गूढ भोक्तृभावात्मक सौन्दर्य आत्यन्तिक रसोद्बोधनकी अवस्थामें कबहुक प्रकट (उच्छलित) ह्वे जात हे. अन्यथा गूढ ही रहत हे. सो उभयत्र स्थित गूढ सौन्दर्य कबहुक उच्छलित ह्वे के अपनी एसी रसात्मिका लीलाके परिकर ऐसे साक्षीभूत स्वरूपको पात्रतया अवलम्बन करत हे. सो या रसलीलामें उच्छलित गूढ भावात्मक, भगवत्सौन्दर्य तथा स्वामिनीसौन्दर्य के मिश्रणसों प्रकट रसात्मक कृष्णके प्रिय पात्र बनियेके कारण

(१) गूढ स्त्री(भोग्य)भाव

(२) गूढ पुं(भोक्तृ)भाव तथा

(३) साक्षिभाव

-यों त्रितयात्मक रूप सर्वदा ही पुष्टिजीवनकों निरतिशय प्रिय होयवेतें सर्वोत्कृष्टतया अभिध्यान करिवे योग्य हे ॥९॥

टीका : “बर्हापीडं नटवरवपुः...” श्लोकमें भगवान्को जेसो प्रमेयरूप निरूपित कियो ताके प्रमाणरूप (साक्षिरूप) स्वयमेव महाप्रभु श्रीमद्वल्लभाचार्यचरण हैं. सो या श्लोकमें महाप्रभुके ऐसे स्वरूपको वर्णन श्रीगोपीनाथप्रभुचरणने कियो हे. सो काहेतें जो प्रमाणके बिना प्रमेय सिद्ध होत नाहिं. तेसैं महाप्रभु यदि प्रकट न होवते तो पुष्टिभक्तिभावको अवलम्बन बनियेवारे श्रीकृष्णको एसो गूढ सौन्दर्यहु पुष्टिजीवनके काज प्रकट न होतो.

कछुक पाखंडी जीव या श्लोकमें वर्णित महाप्रभुकी त्रितयात्मकताके व्याजतें श्रीकृष्णकी अनन्यभक्तिके महाप्रभुनूके उपदेशसों अपनो प्रच्छन्न द्वेष प्रकट करि देत हैं: जो श्रीकृष्णको मूलरूप तो एकात्मक हे अरु त्रितयात्मक होयवेतें भजनार्थ उत्कृष्टतर स्वरूप तो श्रीमहाप्रभुनूके हे. सो ऐसे श्रीमहाप्रभुनूके प्रच्छन्न द्वेषी जननूके पाखण्डको खण्डन याही श्लोकतें ह्वे जात हे जो त्रितयात्मक रूप तो केवल ध्यान करिवेके काज हे सेवाके काज नाहिं !

लोकमें जेसे कोउ कछुक धर्माचरण किंवा अधर्माचरण करत होय तहां जो

साक्षी बनि ठाड़ो रहे ताकोहु धर्म अथवा अधर्म को कछु फललेश होत हे. परि मुख्य फल तो धर्मकर्ता अथवा अधर्मकर्ता कोहि मिलत हे. परि वाके धर्माचरण किंवा अधर्माचरण को जो साक्षी बनत हे सो प्रमाण तो मान्यो जात हे. तेसेई स्वामिनीजीमें प्रकट - भोग्यभाव अरु गूढ - भोक्तृभाव अंशीभूत हे ताके अंशभूत प्रकट - भोग्यभाव अरु गूढ - भोक्तृभाव सबहि पुष्टिजीवन्को प्रभुने प्रदान किये हैं. ताको प्रमाणित करिवेके काज लीलापरिकरमें साक्षीभूत प्रमाणस्वरूपको प्रभूने भूतलपे पुष्टिभक्तिमार्गके आचार्य बनायके प्रकट किये हैं. सो प्रकट होयके आपनेहु प्रकटमें भोक्तृभावात्मक परि गूढतया भोग्यभावात्मक श्रीकृष्णके स्वरूपानन्दको दान करिवेवारे पुष्टिभक्तिमार्गको उपदेश कियो.

तब श्रीकृष्णकी पुष्टिभक्तिके आपके उपदेशसों द्वेष करिवेवारेन्की ओर कछु तो चली नाहिं. तब श्रीकृष्णभजनते पुष्टिजीवको विमुख करिवे श्रीमहाप्रभून्की त्रितयात्मकताकी बातको उलटो अर्थघटन करि त्रितयात्मक रूप धारण करिवेवारे श्रीमहाप्रभून्की सेवा करनी, मूलस्वरूप श्रीकृष्णकी सेवा नाहिं करनीइह एसे पाखण्डको प्रचार करि देत हैं. सो तो रूपदर्शनार्थ विधाताने नेत्र दिये सो तिन नेत्रन्सों रूपदर्शन न करिके दर्पणमें स्वनेत्रदर्शन ही करते रहिवेकी सी मूढता जाननी. तासों सिद्ध होत हे जो गूढ - भोग्य - भोक्तृ - रूपन्सों उभय - भावात्मक रसमय श्रीकृष्ण तो अपने पात्रस्थानीय महाप्रभून्के हृदयमेंहु गूढभावतयाही बिराजत हैं. अरु प्रकटमें तो आप ता गूढभावन्के साक्षीरूप - प्रमाणरूप ही हैं - कछु अर्धनरनारी जेसे रूपते आप प्रकट नाहीं भये हैं. सो “दैवोद्धारप्रयत्नात्मा... भक्तिमार्गाब्जमार्तण्डः... अङ्गीकृत्यैव गोपीशवल्लभीकृतमानवः... सान्निध्यमात्रदत्तश्रीकृष्णप्रेमा... भक्त्याचारोपदेष्टा... भुवि भक्तिप्रचारैककृते स्वान्वयकृत्... तत्कथाक्षिप्तचित्तः तद्विस्मृतान्यः” नामन्ते सिद्ध होत हे जो आप पुष्टिभक्तिमार्गाचार्य हैं. तासों जो जीव आपके उपदेशानुसार श्रीकृष्णभक्ति नाहिं करत हैं तिनको दैवी न जाननो. सो काहेते जो सूर्योदयको प्रकाश होतही कमलको फूल तो खिलि जात हे परि रात्रीके अन्धकारमें खिलिवेवारे फूल मुरझावन् लागत हैं. तेसैं महाप्रभून्के उपदेशतें दैवीजीवन्के हृदयकमल तो श्रीकृष्णभक्तिके रूपमें खिलि जात हैं परि आसुरीन्के अन्धकारी फूल मुरझावन् लागत हैं. सो काहेतें जो आप जा जीवको अङ्गीकार करत हैं वाको तो आपको सान्निध्य मिलत हे. अरु जाको आपको सांचो सान्निध्य मिलत हे

तामें अविलम्ब श्रीकृष्णप्रेमहु प्रकट ह्वे जात हे. सो वोहु जीव गोपीपति श्रीकृष्णको वल्लभसम लागत हे. याही प्रयोजनतें तो आपने अपनी वाणी अरु वंशजहु प्रकट किये जो पुष्टिजीव पुष्टिप्रभुके स्वरूपानन्दके अनुभवमें सेवा-कथाकी प्रणालीसों आक्षिप्तचित्त होयके अन्य सब कछुको विस्मृत करि देवें. तासों जो जीव आपके उपदेशानुसार पुष्टिभक्तिमार्गपि चलत नाहिं ताको श्रीमहाप्रभुहु बिसारी देत हैं, यह दृढ़ करि जाननो. यामें नादसृष्टि अथवा बिन्दुसृष्टि को कछु भेदभाव नाहिं हे ॥९॥

श्रीवल्लभ-प्रतिनिधि तेजो-राशीं दयार्णवम् ।
गुणातीतं गुणनिधिं श्रीगोपीनाथम् आश्रये ॥१०॥

तेजोराशीं = तेजके भंडार	श्रीवल्लभप्रतिनिधि = श्रीवल्लभके प्रतिनिधि
दयार्णवं = दयाके सागर	श्रीगोपीनाथम् = श्रगोपीनाथजीको
गुणातीतं = गुणन्सों अतीत	(अहं = में)
गुणनिधिं = गुणन्के निधि	आश्रये = आश्रय करुं हुं

भावार्थ : अलौकिक पुष्टिभक्तिके कमलको खिलायवेको श्रीमहाप्रभून्की नाई श्रीगोपीनाथजीहु तेजोराशी भक्तिमार्गाब्जमार्तण्ड हैं. आप दयाके समुद्रहु होयवेतें भक्तिकमलको खिलायवेको प्रकट होयवेमेंहु आधार बनत हैं. प्राकृत गुणन्सों अतीत - अस्पृष्ट अरु अलौकिक पुष्टिभक्तिमार्गीय गुणन्के निधिरूपहु हैं. एसे विरुद्धधर्मन्के आश्रय हैं सो काहेते ? तहां कहत हैं जो श्रीवल्लभके प्रतिनिधि “आत्मा वै जायते पुत्रः” होयवेतें एसे हैं. एसे श्रीगोपीनाथजीको मैं आश्रय लेत हुं ॥१०॥

टीका : प्राचीन भाषासाहित्यमें कहुं - कहुं श्रीगोपीनाथजीके मर्यादामार्गीय होयवेको उल्लेख मिलत हे. परि श्रीमहाप्रभुहु तो “अङ्गीकृतौ समर्याद” हैं ! तातें या मर्यादाको पुष्टिबाह्य मर्यादा न जानिके पुष्टिमार्गान्तर्भूता मर्यादा जाननी. तासों श्रीपुरुषोत्तमजीने यह स्तुतिश्लोक प्रकट कियो हे. श्रीगोपीनाथजीके विरचित ‘सेवाश्लोक’ तथा ‘साधनदीपिका’ ग्रन्थन्में पुष्टिभक्तिको निरूपण मिलत हे, कछु मर्यादाभक्तिको नाहिं. तातें अन्यथाभाव न लावनो ॥१०॥

सायं कुञ्जालयस्थासनम् उपविलसत् स्वर्णपात्रं सुधौतं
 राजद्-यज्ञोपवीतं परितनु-वसनं गौरम् अम्भोजवक्त्रम् ।
 प्राणानायम्य नासा-पुट-निहित-करं कर्ण-राजद्-विमुक्तं
 वन्देऽर्धोन्मीलिताक्षं मृगमद-तिलकं विट्ठलेशं सुकेशम् ॥११॥

सायं = संजाके समय

कुञ्जालयस्थासनम् = कुंजमें जिनको आसन है

उपविलसत्-स्वर्णपात्रं = समीपमें रहेभये सोनेके पात्र

सुधौतं = आछी भांतिसूं धोये भये

परितनुवसनं = वस्त्रनुकं धारण करे भये

राजद्यज्ञोपवीतं = यज्ञोपवीत धरणकरे भये

गौरम् = गौर वर्णवारे

अम्भोजवक्त्रं = कमल समान मुखवारे

प्राणानायम्य = प्राणायाम करीके

नासापुट-निहित-करं = नासिकापे हाथ रखेभये

कर्णराजद्विमुक्तम् = कानमें मोति धारण करेभये

अर्धोन्मीलिताक्षं = आधे नेत्र मिचेभये

मृगमदतिलकं = कस्तूरीको तिलक धारण करेभये

सुकेशं = सुन्दर केशवारे

विट्ठलेशं = श्रीविट्ठलनाथजीकों

वन्दे = वन्दन करुं हुं

भावार्थ : सायंकालमें कुञ्जभवनमें आसनपे बिराजिवेवारे, स्रध्यावन्दनार्थ स्वर्णपात्र जिनके सम्मुख सजे भये हैं, कटिमे सुन्दर धोती धारण करि राखी हे, यज्ञोपवीतहु श्रीअङ्गपे शोभायमान हवे रही हे, उपरनाहु आपने ओढ़ि राख्यो हे, आपको मुखारविन्द गौरवर्ण हे, प्राणायामके काज नासापुटन्पे श्रीहस्त धरि राख्यो हे,

कर्णपुटन्में विशिष्ट मुक्तिका शोभायमान हवे रही हैं, आपके नेत्र ध्यानमें अर्धोन्मीलित हवे रहे हैं. ललाटपे मृगमदको तिलक धारण करि राख्यो हे. श्रीमस्तकपे सुन्दर केशवली बिराजमान हे, ऐसे श्रीविट्ठलनाथ प्रभुचरणकों मैं वन्दन करत हुं ॥११॥

टीका : या श्लोकतें श्रीरघुनाथजीने श्रीगुसांईजीके आचार्यभावोचित स्वरूपकोंही ध्यानात्मक वन्दन कियो हे, जेसैं “सौन्दर्य...” पद्यमें श्रीगोपीनाथजीने श्रीमहाप्रभून्के गूढ रसमयभावात्मक परि प्रकट साक्षिभावात्मक आचार्यभावोचित रूपकोही ध्यान बतायो तेसैं.

तासों जेसे गूढ पुंभावात्मिका श्रीस्वामिनीजी अरु गूढ स्त्रीभावात्मक श्रीप्रभून्के स्वरूपन्में कछु भेद नाहिं तोउ श्रीस्वामिनीजीकों केवल तनिया धरायके कोउ दर्शन खोलत नाहिं अरु श्रीठाकुरजीकेहु लहंगा चोली अरु सारी में दर्शन होत नाहिं तेसेई श्रीमहाप्रभु तथा श्रीप्रभुचरण में गूढ पुरुषोत्तमभावकों प्रकट करिके भक्तिरीतिमें रसाभास करिवेवारी बैठकजीन्में गेंद-छड़ी-चोपड़ धरिके प्रदर्शन करिवोहु उचित नाहिं. आचार्याभावतें जब आप दोउ प्रकटे हैं तब आचार्यभावोचित वस्त्र आभूषण साज सेवा ही उचित हे. तातें तुलसीकी कंठी, तिलक, गोमुखी, स्रध्याको साज, श्रीमद्भागवतकी पोथी, धोती - उपरणाके वस्त्राभूषण अरु साजकोही आचार्यभावोचित जाननों ॥११॥

॥ ऐसे गोस्वामी श्रीदीक्षितात्मज श्याम मनोहर द्वारा विरचित मङ्गलाचरणकी व्याख्या सम्पूर्ण भई ॥

॥ सर्वोत्तमस्तोत्रम् ॥

(२)

श्रीगोकुलनाथजी कृत विवृतिके संक्षिप्त भाषानुवाद सहित

श्रीगुसांईजी, श्रीमहाप्रभुजीके अष्टोत्तरशत नाम जाके भीतर हैं, ऐसे सर्वोत्तमस्तोत्रको निरूपण करत हैं. सो ताकी टीका श्रीगुसांईजीके पुत्र श्रीगोकुलनाथजी करत हैं.

नत्वा पितृपदाम्भोजं सर्वाभीष्टप्रदायकम् ।
तत्प्रोक्ताचार्यनामानि विवरिष्ये यथामतिः ॥

श्रीगोकुलनाथजी कहत हैं : हम श्रीगुसांईजीके चरणारविन्दकों नमस्कार करत हैं. आपके चरणारविन्द कैसे हैं ? भक्तनकों भगवद्भक्तिमें उपयोगी, या लोकसम्बन्धी वस्तु, देहसम्बन्धी वस्तु जो स्त्री-पुत्र-धनादिक; अरु परलोकसम्बन्धी वस्तु जामें परलोक सिद्धि होई, तिन सकलके देनवारे चरणारविन्दकों हम नमस्कार करत हैं. सो श्रीमहाप्रभुजीके नामन्की टीका जेसी बुद्धि हे ता भांति हम करत हैं.

यद्यप्ययोग्यएवाहं तन्नामविवृतौ स्वतः ।
स्वीयत्वेनैव कृपया योग्यतामपि दास्यति ॥
इति विश्वासतो नूनं वर्तेऽहं नच अन्यथा ।
अतस्तएव शरणं नमः सर्वार्थसिद्धये ॥

श्रीगोकुलनाथजी कहत हैं: यद्यपि श्रीमहाप्रभुजीके नामन्की टीका करिवेकी मेरेमें तो योग्यता नाहिं हे परि श्रीमहाप्रभु मोकुं अपनो जानिके कृपा करिके अपने नामन्की टीका करिवेमें योग्यता देइंगे, या विश्वासतें टीका करिवेमें प्रवृत्त भयो हुं, अन्यथा नाहिं. तातें श्रीमहाप्रभुजीके चरणारविन्द ही मेरी गति हैं. सो वस्तुकी सिद्धि होयवेके विषे अब कहत हैं.

श्रीगुसांईजी श्रीमहाप्रभुजीको स्वरूप अरु स्वरूपके प्राकट्यके विषे कारण

श्रीसर्वोत्तमस्तोत्रम्

१७

कहिवेकेलिये प्रथम श्रीपूरनपुरुषोत्तम स्वरूपकी स्तुति तीन श्लोकन् करि करत हैं, मङ्गलकेलिये.

प्राकृत-धर्मानाश्रयम् अप्राकृत-निखिल-धर्मरूपमिति ।

निगमप्रतिपाद्यं यत् तत् शुद्धं साकृति स्तौमि ॥१॥

अन्वयार्थ :

यत् = जो निगमप्रतिपाद्यं = वेदमें निरूपित
प्राकृतधर्मानाश्रयम् = प्रकृतिके धर्मन्सू पर तत् = वो, शुद्धं = शुद्ध
अप्राकृतनिखिलधर्मरूपम् = अप्राकृत साकृति = साकारकी
सर्वधर्मरूप, इति = एसो स्तौमि = स्तुति करुं हुं

भावार्थ : जिनमें प्राकृत धर्म कोऊ नाहिं परि निखिल अप्राकृत धर्म ही हैं, एसो प्रतिपादन वेदादि शास्त्र करत हैं, ऐसे मायादिदोष रहित, शुद्ध आकृतिवारे श्रीकृष्णकी स्तुति मैं करत हुं ॥१॥

टीका : श्रीठाकुरजी कैसे हैं ? प्राकृत धर्म जैसे सत्त्वगुण, रजोगुण ओर तमोगुण तिन करिके रहित हैं. कदाचित् कोई कहे के तब तो श्रीठाकुरजी निराकार होय गये ! तहां कहत हैं, नहीं ! श्रीठाकुरजी अप्राकृत हैं. अलौकिक आनन्दमय देह-इन्द्रियादिक ता करि सहित हैं. ओर याही भांति वेदहु निरूपण करत हे. सो ऐसे शुद्ध आनन्दमात्र-कर-पाद-मुखोदरादि साकार श्रीपूरनपुरुषोत्तमकी हम स्तुति करत हैं ॥१॥

तहां ये पूर्वपक्ष होय जो एसो स्वरूप तुम कहत हो सो सांचो होय तो शास्त्रनके जानिवेवारे पण्डित क्यों न कहे ? तहां पण्डितनके अज्ञान विषे कारण कहत हैं :

कलिकाल-तमश्छन्न-दृष्टित्वाद् विदुषामपि ।

सम्प्रत्यविषयस् तस्य माहात्म्यं समभूद् भुवि ॥२॥

श्रीसर्वोत्तमस्तोत्रम्

१८

तस्य = वाको, माहात्म्यं = माहात्म्य

कलिकालतमश्छन्नदृष्टित्वाद् =

भुवि = पृथ्वीपे

कलिकालरूपी अन्धकारसू दृष्टिके-

सम्प्रति = अभी

ढंक जायवेसूं

अविषयः = अविषय / दृष्टि अगोचर

विदुषामपि = विद्वाननकुं भी

समभूद् = होय गयो हे

भावार्थ : ऐसे शुद्ध साकार परब्रह्मको माहात्म्य कलिकालके अन्धकारसों आंधरेसे होय जायवेके कारन, भूतलपे वर्तमानकालमें, विद्वानहु कोउ जानि सकत नाहिं ॥२॥

टीका : कलिकालके कारण अज्ञानरूपी अन्धकारसों पण्डितन्की बुद्धि छाय रही हे. तातें पण्डितन्को श्रीभागवत-वेद इन करिके जिनको निरूपण करियत हे सो श्रीपूरनपुरुषोत्तमको माहात्म्य जान्यो नाहिं जात हे. सो कोन भांतिसों ? जेसे अन्धकार करिके ढांपी दृष्टितें वस्तुको ज्ञान न होइ. सो काहेते ? जो पण्डितन्को ज्ञान नाहिं सो तासों जो वे तो भूलोकमें स्थित हैं ओर श्रीपुरुषोत्तमको स्वरूप तो वैकुण्ठमें स्थित हे. सो तासों पण्डितन्को श्रीपुरुषोत्तमके स्वरूपको वेसो ज्ञान नाहिं होत हे जेसो वैकुण्ठवासीन्को ज्ञान होत हे ॥२॥

तहां पूर्वपक्ष होय जो तिहारोहु प्रागट्य तो भूलोकमें ही हे तासों तुमको क्यो माहात्म्यको ज्ञान हे ? सो तहां प्रकार कहत हैं :

दयया निजमाहात्म्यं करिष्यन् प्रकटं हरिः ।

वाण्या यदा तदा स्वास्यं प्रादुर्भूतं चकार हि ॥३॥

यदा = जब, हरिः = श्रीकृष्ण

तदा = तब

निजमाहात्म्यं = अपने माहात्म्यको

स्वास्यं = अपने मुखारविन्दस्वरूप

वाण्या = वाणीतें

हि = ही

प्रकटं = प्रकट

प्रादुर्भूतं = प्रकट

श्रीसर्वोत्तमस्तोत्रम्

१९

करिष्यन् = करिवेकी इच्छावारे भये

चकार = कियो

भावार्थ : जब हरिने आपुने माहात्म्यको वाणीतें प्रकट करिवो चाह्यो तब आपुने मुखारविन्दकोही प्रादुर्भूत करत भये ॥३॥

टीका : ठाकुर कबहुंकर दया करि अपनो माहात्म्य कहे हैं. एसो महातम अपने वचनद्वारा सेवकन्केलिये प्रगट करिवेकी इच्छा भई तब अपने मुखारविन्दरूप श्रीमहाप्रभु तिन भीतर अपने सब धर्म राखीके प्रगट भये. सो, यदि श्रीमहाप्रभुन्के भीतर आप प्राकट्य न करते तो आपुके स्वरूपको ज्ञान काहुको न होतो. तब सब सेवकन्को दुःख होतो जो हमको पुष्टिमागीय भगवत्स्वरूपको ज्ञान नाहिं. सो तब ठाकुर 'हरि' ही न कहवावते ! तातें आपुन् जा भांति 'हरि' ही कहवावें ताकेलिये श्रीमहाप्रभुजीको प्रागट्य किये. सो श्रीमहाप्रभुन्ने जतायो सो श्रीठाकुरजीके स्वरूपको हमकुं ज्ञान भयो. सो या भांति अपने ज्ञान विषे कारन कहें.

अब ओर अर्थ कहत हैं. श्रीआचार्यजी सत्वगुण-रजोगुण-तमोगुण तिन करिके रहित हैं. तथा वेदहु या भांतिसों विनको वर्णन करत हे. सकल वेद श्रीपुरुषोत्तमस्वरूपको वर्णन करते हे सो विनके मुखारविन्दस्वरूप श्रीआचार्यजीकोहु वर्णन करत हे. सो ऐसे साकार आनन्दमात्र-कर-पाद-मुखोदरादिरूप जो श्रीमहाप्रभु तिनकी हम स्तुति करत हैं.

तहां यह पूर्वपक्ष होय जो श्रीमहाप्रभुजीको तुम जा भांति कहत हो वा भांति कोई ओर क्यो नहीं जानत है ? सो तहां कहत हैं, कलिकाल विषे अज्ञानरूप जो अन्धकार ता करिके सबन्की बुद्धि = दृष्टि आच्छादित हे. तातें ओरन्को श्रीमहाप्रभुजीके स्वरूपको ज्ञान नाहिं होत हे. सो काहेते ? जो वे लोकमें स्थित हैं अरु श्रीमहाप्रभु वैकुण्ठलोकमें स्थित जो पूर्णपुरुषोत्तम तिनके मुखारविन्दरूप हैं, सो तासों उन(पण्डितन्)को ज्ञान नाहिं.

तहां पूर्वपक्ष होय जो तुमको श्रीमहाप्रभुजीके स्वरूपको ज्ञान क्यो हे ? सो तहां कहत हैं जो हमकुं तो पूर्णपुरुषोत्तम कृपाकरिके अपने वचनद्वारा अपने

श्रीसर्वोत्तमस्तोत्रम्

२०

माहात्म्य जनायवेकेलिये श्रीमहाप्रभुजीको प्रगट किये तब श्रीआचार्यजी आप अपनो स्वरूप जताये तब हम जाने ॥३॥

तदुक्तमपि दुर्बोधं सुबोधं स्याद् यथा तथा ।
तन्नामाष्टोत्तरशतं प्रवक्ष्याम्यखिलाघहत् ॥४॥

दुर्बोधम् = कष्टसूं जाको बोध होवे एसो तदुक्तं = विनको कह्यो
अपि = हु यथा = जेसे
सुबोधं = सुबोध अखिलाघहत् = सब पापनके हरिवेवारे
स्यात् = होय तन्नामाष्टोत्तरशतं = विनके १०८ नाम
तथा = तेसे प्रवक्ष्यामि = कहूं हुं

भावार्थ : श्रीमहाप्रभुनके वचननको गूढ़ाशय तो जानि सकिवो सरल नाहिं परि इन अष्टोत्तरशत नामके पाठ कियेते दुर्बोधहु वचन सुबोध ह्वे जात हैं ॥४॥

टीका : तहां कहत हैं जो श्रीमहाप्रभुजीके कहेतें ओर कोई क्यों माने ? तहां कहत हैं : श्रीभागवत नामात्मक भगवत्स्वरूप हे, तासों भगवत्स्वरूपको ज्ञान तो श्रीठाकुरजीकुही होय. श्रीमहाप्रभुजी जे हैं ते पुरुषोत्तम जो श्रीभागवत् ताको निरूपण करनवारे हैं. निरूपण तो वचनरूपही, ताके करनवारे श्रीमहाप्रभु प्रगट होयकें श्रीसुबोधनीजी आदि ग्रन्थ प्रगट किये. तेहु अति गूढ़ार्थ, तिनको ज्ञान ओर कोनको होय ! सो सेवकनकोहु दुर्बोध हे. ओर सेवकनको जब ताई ज्ञान न होय तब ताई कृतार्थता नाहिं. ताकेलिये सबनको जा भांति ज्ञानसिद्धि होय ताकेलिये ओर उपाय नाहिं होयवेसुं श्रीमहाप्रभुजीके एकसो आठ नामनको निरूपण करत हैं.

सो श्रीमहाप्रभुजीके नाम हैं सो नित्य हैं. प्रागट्यतें पहिले हु हैं, जेसैं श्रीपूर्णपुरुषोत्तमके नाम पहिले हु हैं ता भांति. तासों विन नामनकुं प्रगट मात्र करत हैं. ये नाम सुबोधिनी आदि ग्रन्थनको जानिवेमें प्रतिबन्धरूप पापको दूर करनवारे हैं सो अष्टोत्तरशत नामनको प्रकट करत हैं ॥४॥

अब श्रीमहाप्रभुजीके एकसो आठ नामनको अलौकिक आनन्दमयत्व कहत हैं. जो सब ठोर जहां नामनको प्रागट्य कह्यो हे तहां मन्त्र, ऋषि, छन्द, देवता ये होत हैं. सो श्रीमहाप्रभुजीके नाम हैं सो तो अलौकिक आनन्दमय हैं तासों इनको प्रगट करनवारे ऋषिको निरूपण करत हैं :

ऋषिरग्निकु मारस्तु नाम्नां छन्दो जगत्यसौ ।
श्रीकृष्णास्यं देवता च बीजं कारुणिकः प्रभुः ॥५॥

(मन्त्ररूपाणां = मन्त्ररूप) (अस्मिन्नेव पद्ये प्रयुक्तं = या श्लोकमें
नाम्नां = नामनके ही प्रयुक्त)
जगति = जगतमें छन्दः = छन्द, देवता = देवता
(द्रष्टा)ऋषिः = ऋषि, तु = तो श्रीकृष्णास्यं = श्रीकृष्णको मुख
अग्निकुमारः = श्री महाप्रभुजीके- बीजं = बीज, च = भी
पुत्र हैं, असौ = ये कारुणिकः = दयालु, प्रभुः = श्रीकृष्ण हैं

भावार्थ : मन्त्ररूप इन अष्टोत्तरशत नामनके भूतलपे मन्त्रद्रष्टा ऋषि तो अग्निकुमार श्रीप्रभुचरण हैं, छन्द तो पद्यमें प्रयुक्त (अनुष्टुप्) छन्द हे, देवता श्रीकृष्णको मुखारविन्द अरु बीज महाकारुणिक प्रभु हैं ॥५॥

टीका : या सर्वोत्तम स्तोत्रके ऋषि अग्निकुमार हैं. तहां पूर्वपक्ष होत हे जो सहस्रनामादिकनको प्रागट्य करनवारे वैषम्पायनादि जे ऋषि हैं सो इनके समान होयेंगे ! सो ये आशङ्का दूर करिवेको 'तु'शब्द कहे. तासों यह जनावत हैं जो एकसो आठ नामनको प्रगट करनवारे ओर(=अन्य) ऋषिनकी अपेक्षा अलौकिक जाननों. सो काहेतें ? श्रीमहाप्रभुनके एकसो आठ नाम वेद-पुराणनमें प्रसिद्ध नाहिं ओर अब ताई कोउ जानेहु नाहिं. तातें विनके जाननवारे जे ऋषि हैं ह्वे श्रीगुसाईजी वे सब ऋषिनतें अधिक हैं, अलौकिक हैं. सो याहीते इनको नाम 'अग्निकुमार' हे.

श्रीगुसांईजीके प्रगट किये ये नाम तिनको जो कोउ पाठ करे ताको पहले तो सेवाकी सिद्धि होइ, आगे श्रीठाकुरजीके अधरामृतको आस्वादन होइ. सो ये फल सिद्ध होय. सो जेसे रासक्रीडामें अग्निकुमार गुणातीत तिन भीतर श्रीस्वामिनीजीको रखिकें उनको श्रीपूर्णपुरुषोत्तम आप लेयके पधारे तब ता समें अग्निकुमार स्वामिनीजी रूप भये. सो उपरि अग्निकुमारिकारूप अरु भीतर श्रीस्वामिनीजीरूप हैं. सो प्रगट अर्थ ये हे जो भक्तिमार्गके विस्तारार्थ ब्राह्मणवेषसों अग्निरूप श्रीआचार्यजी तिनके पुत्ररूप आपु गोस्वामी श्रीविट्ठलनाथजी हैं सो तासों 'अग्निकुमार' कहे. अरु भीतर अग्निकुमार सदृश श्रीस्वामिनीजी रूप हैं. सो या भांति ऋषिको रूप कहिके छन्दको निरूपण करत हैं.

छन्द तो ओरहु सहस्रनामन्को ओर अष्टोत्तरशतनामन्को जो जगत्में प्रसिद्ध हे सो सर्वोत्तमस्तोत्रहु को छन्द हे. ये निरूपण करि अब देवताको निरूपण करत हैं:

सर्वोत्तमस्तोत्रके देवता-फलदाता तो प्रत्यक्ष दर्शन देयवेवारे श्रीकृष्णास्य श्रीमहाप्रभुजी हैं. सो फलके दाता अरु पुष्टिमार्गीय फलको भोग करनवारेहु हैं.

तहां अब पूर्वपक्ष होय जो पुष्टिमार्गीय फल तो श्रीठाकुरजीके अधरामृतको आस्वादन हे सो तो ब्रह्मादिकन्कोहु दुर्लभ हे. ताको दान अपने सेवकन्को क्यो करत हैं ? सो तहां बीजस्वरूप कहत हैं जो श्रीमहाप्रभुजी कारुणिक हैं. सो अपने सेवकन्पे महा दयावन्त हैं. सो कोन भांतिसों ? तहां कहत हैं जो ओर आचार्यन्की नांइ अपने सेवकन्को मुक्तिको दान करें तो पुष्टिमार्गको फल काहुको होतो नाहिं, तब कोउ 'पुष्टिमार्गी'हु न कहवावते. सो अपने सेवकन्को श्रीमहाप्रभुजी सब जीवन्ते न्यारे करि स्वयं प्रगट कियो जो पुष्टिमार्ग ताको फलदान करि सब जीवन्ते बड़े किये. सो एसे दयावन्त श्रीमहाप्रभुजी हैं.

तहां पूर्वपक्ष होय जो पुष्टिमार्गको फल तो कोउ जानत नाहिं. ओर श्रीठाकुरजीनेहु या फलकुं अपने अन्तरङ्ग भक्तन् ही में प्रगट कियो हे. सो ताको

देयवेकी सामर्थ्य श्रीमहाप्रभून्में केसे सम्भवे ? तहां कहत हैं जो आप 'प्रभु' हैं. आप प्रभु हैं तासों अत्यन्त असाधारण सामर्थ्यवारे हैं. जो फल श्रीठाकुरजी दान करें सो ही फल आचार्यजीहु दान करत हैं ॥५॥

सो या प्रकार श्रीसर्वोत्तमस्तोत्रको बीज आदिको उपपादन करीके अब या स्तोत्रको विनयोग कहत हैं :

**विनियोगो भक्तियोग-प्रतिबन्ध-विनाशने ।
कृष्णाधरामृतास्वाद-सिद्धिरत्र न संशयः ॥६॥**

भक्तियोग - प्रतिबन्ध - विनाशने =

भक्तियोगमें	(तेन = तासूं)
आवते प्रतिबन्धन्को विनाश-करिवेमें	कृष्णाधरामृतास्वादसिद्धिः = श्रीकृष्णके
(अस्य स्तोत्रस्य = या स्तोत्रको)	अधरामृतके आस्वादकी सिद्धि
विनियोगः = उपयोग हे	अत्र = यामें, न संशयः = संशय नाहीं

भावार्थ : इन अष्टोत्तरशत नामन्के पाठको विनियोग भक्तियोगमें आवते प्रतिबन्धन्को विनाश करिवेमें हे. तातें श्रीकृष्णके अधरामृतास्वाद (स्वरूपानन्दके भोक्तृभाव)की सिद्धि होवत हे तहां संशय नाहिं ॥६॥

टीका : श्रीठाकुरजीकी सेवामें आवते जितने प्रतिबन्ध हैं तिनको दूर करिवेमें सर्वोत्तमस्तोत्रको प्रयोजन हे. ओर परमफल तो श्रीठाकुरजीको अधरामृतको आस्वादन हे. सो कोन भांतिसों ? सो जाको जेसो अधिकार हे ता भांतिके फलको अनुभव होयगो. जेसे जब श्रीठाकुरजी वेणुनाद किये तब वेणुनादद्वारा सब वृक्ष लता सबन्कुं ता भांतिको अनुभव दियो. सो जाको जेसो अधिकार ताको ताही भांति सर्वोत्तमस्तोत्रके पाठते फल होयगो ॥६॥

१आनन्दः २परमानन्दः ३श्रीकृष्णास्यं ४कृपानिधिः ।

आनन्दः

श्रीआचार्यजी आनन्दस्वरूप हैं.

या भांति फलपर्यन्त निरूपण करि जब श्रीगुसांईजी श्रीमहाप्रभून्के नामन्को निरूपण करन लागे तब स्वरूपको स्मरण भयो तब पहले यह जान्यो जो श्रीमहाप्रभुजी आनन्दरूप हैं तासूं आपकु ‘आनन्द’ कह्यो.

परमानन्दः

श्रीआचार्यजी परमानन्दस्वरूप हैं.

पाछे अगलो नाम विचारन लागे. सो तब मनमें विचारे जो आनन्द तो अक्षरमें हे ओर पूर्णपुरुषोत्तममें हे तातें सन्देह होय जो श्रीमहाप्रभुजी कहा अक्षरके आनन्दरूप होंयगे ? सो यह सन्देह दूर करिवेकेलिये नाम कहत हैं ‘परमानन्दः’.

यद्यपि श्रीआचार्यजी श्रीपूर्णपुरुषोत्तमानन्दरूप हैं तथापि भूलोकमें प्रगट होयवेसों तद्रूप कैसे कहे जायें ताके सामाधानार्थ कहत हैं :

श्रीकृष्णास्यम्

श्रीआचार्यजी श्रीकृष्णके श्रीमुखस्वरूप हैं.

श्रीस्वामिनीजी तथा ब्रजभक्त तिन सहित कृष्ण सच्चिदानन्द फलरूप शुद्धपुष्टिमार्गीय परमात्म वस्तु श्रीपूर्णपुरुषोत्तम तिनके श्रीमुखस्वरूप आप हैं.

तहां यह सन्देह होय जो श्रीमहाप्रभुजी श्रीठाकुरजीके मुखारविन्दरूप हैं सो श्रीपूर्णपुरुषोत्तमके समान भये. ऐसे श्रीमहाप्रभुजीको प्रागट्य जैसे श्रीकृष्णको प्रागट्य अलौकिक ब्रजमें भयो हतो ऐसे स्थलमें होनो चाहिये. परि आपको

श्रीसर्वोत्तमस्तोत्रम्

प्रागट्य तो अन्यत्र भयो. सो ताको कहा कारण ? सो यह सन्देह दूर करिवेकेलिये यह नाम कहत हैं :

कृपा-निधिः

श्रीआचार्यजी कृपाके निधि हैं.

श्रीमहाप्रभुजी अलौकिककृपा-सहित हैं. सो जिन जीवनके ऊपर कृपा करिवो चाहत हैं वे तो या लोकमें प्रकटे हैं तासों आपहु यहां प्रकट न होवते तो तिनको उद्धार न होतो. सो तब श्रीमहाप्रभुजी आप ‘कृपानिधि’ न कहेवावते. तातें आपहु या लोकमें प्रगट भये. निधि तो अगाध होयवेतें सबन्कों परिपूर्ण करत हे. तासों श्रीमहाप्रभुन् द्वारा प्रकटित भक्तिभार्गमें अङ्गीकृत सबहिनकों यथाधिकार भजनानन्द (रूप फल) होयगोही.

तहां शङ्का होत हे जो वे कोन जीव हैं जिनके काज श्रीमहाप्रभुन्को भूतलपे प्रकट होनो पर्यो ? सो आगेके नामते जनावत हैं :

दैवोद्धार-प्रयत्नात्मा

दैवी जीवनके उद्धारविषे प्रयत्नयुक्त हे अन्तःकरण जिनको ऐसे श्रीमहाप्रभुजी हैं.

तहां दैवी सृष्टिके जीव दोय भांतिके हैं. सो कितनेक तो ऐसे हैं जिनको साधनरीतिसों उद्धार हे. जो साधन करें तो उद्धार होइ. ते तो वेद-पुराणमें जो साधन कहे हैं तिनको करिवेते कृतार्थ होंगे. तिनके अर्थ श्रीमहाप्रभुन्को प्रागट्य नाहिं हे. दैवीजीवन्में दूसरे पुष्टिमार्गीय जीव हैं. तिनको उद्धार श्रीठाकुरजी मर्यादामारगके साधन बिना ही करेंगे. सो उन जीवन्को तो साक्षात् श्रीठाकुरजीसों स्वरूपसम्बन्धही फल हे. ता फलके साधन वेद-पुराणन्में तो प्रसिद्ध हे नाहिं, सो (साधन) तो शुद्ध पुष्टिमार्गीय होय ताहीकुं ज्ञान होय, ओरन्कुं न होय. यदि श्रीमहाप्रभुजी आप प्रगट न होते तो पुष्टिमार्ग वृथा होय जातो. ताकेलिये श्रीमहाप्रभुजीको प्रागट्य हे. सो यह जतायवेकेलिये ‘दैवोद्धारप्रयत्नात्मा’ यह नाम कहे.

श्रीसर्वोत्तमस्तोत्रम्

अब कहत हैं जो पुष्टिमारगीय जीवनके मनमें अन्य मारगको फल तो आवत नाहिं. ओर अपने पुष्टिमारगीय साधन – फल इनकों ज्ञात नाहिं हैं. तातें श्रीआचार्यजी महाप्रभून्के प्रागट्यतें पहिले सेवकन्को उद्धार कैसे भयो होयगो ? सो काहेते जो पुष्टिमारगको साधन – फल तो जानत नाहिं. तातें जब श्रीमहाप्रभुजी आप प्रगट भये तब इनके चरणारविन्दके स्मरणमात्रतें सेवकन्कों साधन – फलको ज्ञान भयो. तब उद्धार भयो. आरती-क्लेश दूर भये. सो यह जतायवेकेलिये कहत हैं जो श्रीमहाप्रभुजी आप कैसे हैं ?

स्मृति-मात्रार्ति-नाशन:

आपको स्मरणमात्र करत हैं तिन सेवकन्की आप आरति दूर करनवारे हैं.

सो तहां जो कोउ अन्यमारगीहु श्रीआचार्यजी महाप्रभून्को माहात्म्य जानिके स्मरण करे तो वाहुकी आरति दूर है जात हे जो एसो श्रीआचार्यजी महाप्रभून्को स्वरूप हे ॥७॥

अब कहत हैं जो श्रीआचार्यजी महाप्रभून्को स्वरूप जे जानत हैं ते तो पुष्टिभक्तिमारगकु प्रमाण कहें, परि जे पण्डितजन आपको स्वरूप नाहिं जानत हैं तिनके मनमें सन्देह होत हे जो पुष्टिमारगमें मूल कहा. तिनको सन्देह दूर करिवेकेलिये श्रीआचार्यजी महाप्रभून्को नाम कहत हैं:

० श्रीभागवत – गूढार्थ – प्रकाशन – परायणः ।

० साकार – ब्रह्मवादक – स्थापको ० वेदपारगः ॥८॥

श्रीभागवत-गूढार्थ-प्रकाशन-परायणः

श्रीभागवतके गूढ-गुप्त अन्यकरिके अज्ञात एसे अर्थकु प्रगट करिवेमें आप परायण-तत्पर हैं.

या नाममें ओर शास्त्रन्को नाम नाहिं लिये, मात्र श्रीभागवतको नाम लिये हैं तातें या पुष्टिमारगको मूल श्रीभागवत ही हे. क्यों जो ? वामें पुष्टिमारग कह्यो हे. तहां ये पूर्वपक्ष होय जो श्रीभागवतको तो सब कोउ व्याख्यान करत हे. यदि उहां पुष्टिमारग होइ तो ओरहु कोउ जानें ! तहां अब ओरहु आगे कहत हैं जो सब कोउ श्रीभागवतको व्याख्यान करत हैं परि वामें गुप्त फलरूप जो पुष्टिमारग हे ताको ज्ञान काहुकु हे नाहिं, सो श्रीआचार्यजी महाप्रभून्कु हे तातें आपु प्रगट कियो. तहां ये पूर्वपक्ष होय जो श्रीभागवतमें तो मुक्तिकों फलरूप कह्यो हे, पुष्टिमार्गको फल कहां कह्यो हे ? तहां अब कहत हैं जो श्रीभागवतमें मुक्तिको फल भक्तिरसही कह्यो हे. ओर यों कह्यो हे जो भक्तिरसके आगे मुक्ति आदि सब तुच्छ हे. ये सब निरूपण श्रीमहाप्रभुजी आप किये हैं ताहीतें यह नाम कहे हैं. श्रीभागवतको गूढार्थ ताके प्रकाश करिवे विषे विचारयुक्त श्रीमहाप्रभुजी आप हैं.

सो अब यह पूर्वपक्ष होय जो पुष्टिमार्गको फल तो श्रीठाकुरजीके स्वरूपको अनुभव हे. श्रीठाकुरजीको स्वरूप तो 'निराकार' कह्यो हे, ताको अनुभव कैसे होय ? यह सन्देह दूर करिवेकेलिये अब श्रीआचार्यजी महाप्रभून्को ये नाम कहत हैं:

साकार-ब्रह्म-वादक-स्थापकः

श्रीमहाप्रभुजी साकार ब्रह्मवादको स्थापन करनवारे हैं.

श्रीमहाप्रभुजी आप कैसे हैं ? जो साकार = सर्व इन्द्रियन् करिकें अनुभव करिवे योग्य ओर आनन्दमात्र – करपादमुखोदरादि एसे जो श्रीपूर्णपुरुषोत्तम तिनको युक्तिसहित स्थापन करनवारे हैं. तातें पुष्टिमार्गीय फलको अनुभव भलीभांतिसों होयगो यह जाननो.

अब यह पूर्वपक्ष होय जो अन्य हु आचार्यन्ने ब्रह्मकु साकार तो कह्योही हे तामें श्रीमहाप्रभून्को वैशिष्ट्य कहा ? या शङ्काको समाधान करिवेके अर्थ आगेको श्रीआचार्यजी महाप्रभून्को नाम कहत हैं:

वेद-पारगः

आचार्यजी सम्पूर्ण वेदके ज्ञाता हैं।

श्रीठाकुरजीको स्वरूप (आकार) लौकिक नेत्रनसू तो देख्यो न जाइ. तासों जा भांति वेदमें कहे हैं ताही भांतिसूं जाननो. ओर निराकार स्वरूप, सोहु वेदही कहत हे. परि सम्पूर्ण वेदको ज्ञान अन्यनकों नाहिं हे, याहीतें थोरी श्रुति जानिके अपने मनके आग्रहसूं निराकार स्वरूपको निरूपण करत हैं. तातें उनको कह्यो प्रमाण न माननो ओर श्रीआचार्यजी महाप्रभूंकुं तो वेदकी सगरी शाखान्को अरु उपनिषदन्को ज्ञान हे, सो तासों विचार करत जो साकार-निराकार उभय स्वरूपको निश्चय भयो सो निरूपण किये. तातें प्रमाण माननो. तातें यह नाम कहे 'वेदपारगः' ॥८ ॥

^{१०}मायावादनिराकर्ता ^{११}सर्ववादिनिरासकृत् ।

^{१२}भक्तिमार्गाब्जमार्तण्डः ^{१३}स्त्रीशूद्राद्युद्धतिक्षमः ॥९ ॥

माया-वाद-निराकर्ता

सब कछु मिथ्या-मायिक हे एसो निरूपण करिवेवारो जो मायावाद ताको आप निवारण करिवेवारे हैं।

यद्यपि आगे जो दो नाम कहे जो आप साकारब्रह्मवादको स्थापन करिवेवारे हैं अरु आप वेदपारग हैं तासों ही मायावादको निराकरण तो होइ गयो तथापि पुनः ये नाम कहिवेको आशय ये हे जो मायावाद सर्वथा वेद विरुद्ध हे. तासों ताको निराकरण अवश्य करनो चाहिये. तासों भिन्न नाम कहे. माया वादी कहत हैं जो मायाते प्रकट होयवेसूं सब कछु मिथ्या हे. सो ये वाद वेदविरुद्ध हे. सो काहेते ? जो वेदमें सब वस्तुकों सत्य कहे हैं, तातें यह वेदविरुद्ध वाद हे. ताहुकों दूर किये. सो श्रीमहाप्रभुजी आप एसे हैं यह जतायवेकेलिये यह नाम कहें.

सर्व-वादि-निरास-कृत्

वेदविरुद्ध अर्थ करिवेवारे सर्व वादिन्को खण्डन करिवेवारे श्रीआचार्यजी हैं.

अब कहत हैं जो मायावादसे (सदृश) ओर हु जे वेदविरुद्ध वाद हैं. सो कौन भांतिसों ? जो उन शास्त्रन्(वादन्)में कह्यो हे जो ज्ञान-इच्छा-प्रयत्न ये धर्म ईश्वरमें हैं परि आनन्दस्वरूप नाहिं कहे. सो तासों न्यायशास्त्रको मत वेदविरुद्ध हे. ओर कर्ममार्गी कर्मकुंही मुख्य करि मानत हैं, ईश्वरकुं मानतही नाहिं. सांख्यवादी प्रकृति-पुरुषहीकुं मुख्य मानत हैं. सो तासों इतर बहुत मत वेदसूं विरुद्ध हैं. विन सब मतन्को श्रीमहाप्रभुजी आप निरास कियेहैं.

अब कहत हैं जो आप सर्व वादन्को निरास किये हैं, तब कोन धर्मको आचरण करत हैं ? सो यह सन्देह दूर करवेकेलिये यह नाम कहत हैं:

भक्ति-मार्गाब्ज-मार्तण्डः

भक्तिमारगरूप जो कमल ताके 'मार्तण्ड' सो सूर्यरूप = प्रकाशके करनवारे हैं.

या करिके यह जताय जो भक्तिशास्त्र, जे श्रीभागवत-गीता, में जे धर्म कहे हैं तिनको आचरण करनवारे हैं. श्रीआचार्यजी महाप्रभून्ने भक्तिशास्त्र ग्रहण कियो हे. ओर भक्तिमारगकुं 'कमल' कहे तातें कमल जेसे महासुखको देनवारो हे ता भांतिसूं भक्तिमारगकुं ओर मारगकी अपेक्षा महासुखरूप जाननो. ओर श्रीआचार्यजी महाप्रभून्को सूर्यरूप कह्यो सो तासों कमलको प्रकाशन जेसे सूर्य करे हे तेसें भक्तिमारगको प्रकाशन करनवारे श्रीमहाप्रभुजी हैं; ओर कोउ नाहिं हे. ओर सूर्य करि प्रकाशित जे कमल ताके रसभोक्ता भ्रमर हैं, सो ता भांति श्रीआचार्यजी महाप्रभून्के द्वारा प्रगट कियो जो भक्तिमारग तामें रसके भोक्ता(जे जीव) सो जिनको श्रीमहाप्रभुजी अङ्गीकार किये हैं ते जीव ही हैं ओर नाहिं हैं. जेसे सूर्य ओरनकों तापको कारण हे परि कमलके भीतर जो भ्रमर हैं तिनकों आनन्द उपजावनवारो हे, या भांति श्रीमहाप्रभुजी हैं. सो अन्यमारगीयन्कों ताप उपजावनवारे हैं. सो यह जतायवेकेलिये 'भक्तिमार्गाब्जमार्तण्ड' यह नाम कहे.

अब कहत हैं जो श्रीआचार्यजी महाप्रभून्के प्रागट्यके पहिले मर्यादामार्ग हतो, ओर कोउ मार्ग हतो नाहिं. अतएव श्रीठाकुरजीके प्रत्यक्ष दर्शनतेहु मुचुकुन्द राजाको मुक्ति नाहिं भई. काहेते? जो वो क्षत्रीय हतो. याहीते आगे जायके मुचुकुन्द राजा ब्राह्मणको जन्म पाइके कृतार्थ भयो. यासुं मर्यादामार्गमें ब्राह्मणकुंही मुक्ति होवे हे, ओरकुं नाहिं. श्रीमहाप्रभुजी ब्राह्मण - क्षत्रीय - वैश्य - शूद्र - स्त्री सबन्को पुष्टिमार्ग प्रगट करी तामें अङ्गीकार किये ओर सबन्को उद्धार किये हैं. ओर मुक्तिहुते अधिक फलको दान किये. सो एसे श्रीमहाप्रभुजी हैं. सो यह जतायवेकेलिये यह नाम कहत हैं:

स्त्री-शूद्राद्युद्धति-क्षमः

श्रीआचार्यजी स्त्री - शूद्रादिक सकल जीवन्को उद्धार करिवेवारे हैं.

अपने सामर्थ्य करि सब जीवन्के उद्धार करिवेमें श्रीमहाप्रभुजीही समर्थ हैं. ताते स्त्री - शूद्रादिक सकलको उद्धार किये हैं ॥१॥

१४ अङ्गीकृत्यैव गोपीश-वल्लभीकृत-मानवः ।

१५ अङ्गीकृतौ समर्यादो १६ महाकारुणिको १७ विभुः ॥१०॥

तहां यह पूर्वपक्ष होय जो पुष्टिमार्गको फल तो ब्रजभक्तन्को सिद्ध भयो हे. तहांहु साधन देखियत हैं. सो कहा ? जो घरको परित्याग करि सर्वरूप श्रीठाकुरजीको जाने तब फलकी सिद्धि भई. सो ता भांति तुम तो यहां कहत हो जो श्रीमहाप्रभुजी आपु जा जीवको अङ्गीकार करें ताको पुष्टिपुरुषोत्तम दान करे हैं. सो बिना साधन यह कैसे सम्भव हे ? सो यह सन्देह दूर करिवेकेलिये यह नाम कहत हैं:

अङ्गीकृत्यैव गोपीश-वल्लभीकृत-मानवः

अङ्गीकारमात्र करिकें साक्षात् श्रीठाकुरजीके प्रिय करे हैं जीव जिननें एसे श्रीआचार्यजी हैं.

ब्रजभक्तन्कुं सर्वात्मभावादि साधन करिके श्रीठाकुरजी आप जे - जे फलदान

किये हैं वामें श्रीठाकुरजीकी कृपाही कारण हे. ओर इहां श्रीआचार्यजी महाप्रभून्के अङ्गीकारमात्रते श्रीठाकुरजी प्रसन्न होयके फलदान करत हैं तब ओर साधन काहेको करिये !

तहां यह पूर्वपक्ष होय जो श्रीआचार्यजी महाप्रभून्के अङ्गीकारमात्रते श्रीठाकुरजी क्यों प्रसन्न होय ? तहां कहत हैं जो श्रीठाकुरजी आप जैसे ब्रजभक्तन्सूं लीला करत परवश भये हैं ताही भांतिसों लीला भीतरके (जिन जीवन्को) श्रीमहाप्रभुजी आप अङ्गीकार किये हैं ते जीवहु श्रीठाकुरजीकुं बहोत प्रिय होत हैं. ताते श्रीठाकुरजी उनकुं फलदान करिवेमें साधन नाहिं देखत हैं, साधन बिना ही फलदान करत हैं.

अब कहत हैं जो श्रीमहाप्रभुजी आप अङ्गीकार करे हैं तब श्रीठाकुरजी फलदान करत हैं. जो श्रीमहाप्रभुजी आप कौन भांतिसों अङ्गीकार करत हैं ? तहां कहत हैं:

अङ्गीकृतौ समर्यादो

श्रीमहाप्रभुजी भक्तिमार्गकी मर्यादा सहित जीवको अङ्गीकार करिवेवारे हैं.

जो अङ्गीकार विषे भक्तिमार्गकी मर्यादा केसी हे ? सो कहत हैं जो श्रीआचार्यजी महाप्रभून्के अङ्गीकारते पहले जीव यों जाने जो कहा मैं मुक्तिहुते अधिक श्रीआचार्यजी महाप्रभून्को साक्षात् सम्बन्ध पायके कृतार्थ होउंगो ! ओर कहा मेरो एसो मनोरथ सिद्ध होयगो ! सो यह जानिके पहले आपसों प्रार्थना करे जो “तुम मोंको अपनो करो”. सो या भांति प्रार्थना करि जब आपकी शरण आवे तब आपु कृपा करि अपने निकट बुलायके श्रीठाकुरजीके सन्मुख बेठायके मारगकी रीतिसूं उपदेश करि पाछे श्रीठाकुरजीको सोंपिके पाछे अपनो जानि स्वीकार करे हैं जो “यह मेरो हे”. तब श्रीठाकुरजी आप फलदान करें. सो या रीतिसों अङ्गीकार करत हैं.

अब कहत हैं जो जीव तो अपने उद्धारकेलिए बहुतेरो जतन करत हे ओर करेगो परि आप मुक्तिहुते अधिक फलको दान क्यों करत हैं ? तहां कहत हैं:

महाकारुणिकः

जितने वैष्णवाचार्य हैं तिनमें अपने सेवकनकुं मर्यादाभक्तिको उपदेश करी मुक्तिको दान किये. सो वे सब कारुणिक दयाशील कहवाये. ता भांति यदि श्रीमहाप्रभुजी आपहु दान करते तो उन जेसे आपहु 'कारुणिक' कहवावते. परि आपु तो मुक्तिहुते अधिक साक्षात् पुष्टिभक्तिमार्गसों सम्बन्ध सिद्ध करत हैं तातें 'महाकारुणिक' कहे हैं.

अब यह सन्देह होय जो पुष्टिमार्गके फलकों सिद्ध करनवारो अब तांइ न कोउ देख्यो न सुन्यो. तो एसो फलदान आप कैसे करि सकत हैं? तब आगे आपको यह नाम कहत हैं:

विभुः

श्रीमहाप्रभु सर्वसमर्थ हैं.

अब कहत हैं जो पुष्टिमार्गको फल ओर कोउ नाहिं दे सके हे. ताके देवेमें तो मात्र श्रीमहाप्रभुजीही समर्थ हैं. अन्य जो आचार्य हैं ते मर्यादाभक्तिमार्गके साधन ओर फल कोही विचार किये हैं, तातें वा फलहीको दान करत हैं. विनने ओर कछु तो विचार कियो नांही तो देवेको सामर्थ्य कहांते होय? श्रीआचार्यजी महाप्रभुको सबन्ते अधिक सामर्थ्य हैं सो यह जतायवेकेलिये 'विभु' यह नाम कहे ॥१०॥

१० अदेय-दान-दक्षश्च ११ महोदार-चरित्रवान् ।

१२ प्राकृतानुकृतिव्याज - मोहितासुर-मानुषः ॥११॥

अब कहत हैं जो या पुष्टिमार्गको फल तो वेदहुकों दुर्लभ हे. सो ताको दान श्रीमहाप्रभुजी आप क्यों करत हैं? सो यह सन्देह दूरि करिवेकेलिये यह नाम कहत हैं:

अदेयदानदक्षः

श्रीठाकुरजीके अतिरिक्त ओर कोउ देय न सकें एसो दान देयवेवारे श्रीआचार्यजी हैं.

मर्यादामार्गके साधन श्रवण-मननादिको फल मुक्तिलों होत हे. सो तो ओर आचार्यन्नेहु दान कियो हे. ता भांति श्रीमहाप्रभुजीहु मुक्तिको दान करें तो ओर सब आचार्यन्की बराबर आपहु न भये! तब तो आपको प्रागट्य वृथा होय जातो! अतः आप कैसे हैं जो श्रीठाकुरजी सिवाय ओर काहुसों जो फलदान कियो न जा सके ताकुं देवेमें सामर्थ्यवान हैं. यह जतायवेकुं यह नाम कह्यो.

अब कहत हैं जो दाता होय सो तो पात्र देखिके दान करे. श्रीआचार्यजी यदि जीवन्की योग्यताको बिचार करें तब तो जीवन्को कहां ठिकानो लगे! सो सन्देह दूरि करिवेकों कहत हैं:

महोदारचरित्रवान्

श्रीआचार्यजी महान् उदार चरित्रवारे हैं.

श्रीमहाप्रभुजी केवल दाता होय तब तो पात्र देखिके दान करें, परि आप तो उदारता सहित दाता हैं. केवल दाता ओर उदार-दाता में इतनो अन्तर हे जो केवल दाता होय सो तो दानमें तीर्थको विचार करे, फलकु विचारे, पात्र-अपात्र विचारिके दान करे; ओर उदारदाता तो अपनो सहज उदारताके धर्म करिपात्रको विचार किये बिना दान करे. (सो आप एसे सामर्थ्यवान् हैं जो जाकु दान करे सोही पात्र बनि जाय) यह जतायवेकेलिये यह नाम कहे.

अब कहत हैं जो तुम यह कहे जो उदारता विषे आप तो पात्र-अपात्र विचारे बिना दान करत हैं, तो यह सामर्थ्य तो श्रीपूर्णपुरुषोत्तममें सम्भवे ओर श्रीमहाप्रभुजीको प्रागट्य तो लौकिक प्रपञ्चमें हे ओर लौकिक सब धर्महु दीसत हैं. सो कहत हैं जो आप श्रीपूर्णपुरुषोत्तम हैं. सो यह जतायवेकेलिये यह नाम कहत हैं:

प्राकृतानुकृति-व्याज-मोहितासुर-मानुषः

श्रीआचार्यजी लौकिक मनुष्य जेसो आचरण करिके आसुरी जीवनकुं मोह उपजावत हैं.

श्रीमहाप्रभुजी कैसे हैं ? जो साधारण लौकिक जीवन्की नाई आचार करत हैं. ता करिके आसुरी जीवनकुं मोह(भ्रम) उपजावत हैं. तासों वे यह जानत हैं जो आप साधारण मनुष्य हैं.

तहां यह पूर्वपक्ष होय जो लौकिकन्की नाई आचरण देखिके दैवी जीवनकुंहु क्यों मोह न होय ? तहां कहत हैं जो आसुरी अथवा आसुरावेशी जीवनकुं ही मोह होत हे. सो कोन भांतिसों ? जेसे जब श्रीठाकुरजी श्रीदेवकीजीके गर्भमें पधारे तब यह देखिके कंसने जान्यो जो मेरे मारिवेकेलिये श्रीपूर्णपुरुषोत्तम गर्भमें आये हैं. ता पाछें पूतनाकुं पठायी. पूतना उहां जायके लौकिक बालककी नाई जानिके स्तनपान करवायो. जो यह सब मोह आसुरी जीवनकुं भयो. ओर दैवी जीव तो श्रीठाकुरजीकुं गर्भमें देखिके यह जाने जो यह तो श्रीपूर्णपुरुषोत्तम हैं, कहा भयो जो गर्भमें आये ! जो यह इनकी लीला हे ओर यह तो हमारे रक्षक हैं यह जानिके स्तुतिही किये हैं. तेसेही दैवी जीव जानत हैं जो श्रीमहाप्रभुजी श्रीपूर्णपुरुषोत्तमरूप हैं ओर हमारो उद्धार करनवारे हैं. ओर जे असुर हैं ते आपके लौकिकवत् आचरण देखिके मोहित होत हैं. सो यों कहत हैं जो आप ओर सब लोगन्की नाई लौकिक हैं. जो योंही जानत हे. यह जतायवेकेलिये यह नाम कहे ॥११॥

११वैश्वानरो १२वल्लभाख्यः १३सद्रूपो १४हितकृत् सताम् ।

१५जन-शिक्षा-कृते कृष्ण-भक्ति-कृन् १६निखिलेष्टदः ॥१२॥

अब ये शङ्का होत हे जो दोषन्सूं प्रचूर जीवन्को उद्धार आप कैसे करत हैं ? तहां यह कहत हैं:

वैश्वानरः

श्रीमहाप्रभुजी अलौकिक अग्निरूप हैं.

श्रीसर्वोत्तमस्तोत्रम्

३५

श्रीठाकुरजीको मुख हे सो अग्निरूप हे. ओर श्रीमहाप्रभुजी आप वा अलौकिक मुखारविन्दरूप अग्निको अवतार हैं, सो अलौकिक अग्निरूप हैं. तासों दोषवारे जीवन्के सब दोषन्कुं आप अलौकिक अग्नितें भस्म करि डारत हैं. तासों यह नाम कह्यो.

अब शङ्का होत हे जो श्रीमहाप्रभुजी आप अलौकिक अग्निरूप हैं सो इनको तेज भक्तन्सों कैसे सह्यो जात होयगो ? तब भक्तन्सों सेवाहु भलीभांतिसों करि न जाति होयगी! यह सन्देह दूर करिवेकेलिये यह नाम कहत हैं:

वल्लभाख्यः

श्रीआचार्यजी भक्तन्कुं प्रिय हैं.

लौकिक अग्निके तेजमें घटती-बढती होत हे. सो तासों शीतकालमें सुखद लागत हे परि उष्णकालमें सह्यो नाहिं जात. परि श्रीमहाप्रभुजी तो अलौकिक अग्निरूप, श्रीपूर्णपुरुषोत्तमके मुखारविन्दरूप, आनन्दरूप हैं. सो सदा प्रिय हैं, कबहु अप्रिय नाहीं हैं. आप अलौकिक अग्निरूप होयवेपरहु सदा प्रिय होत हैं यह जतायवेकेलिये यह नाम कहे.

अब शङ्का होत हे जो लोकमें जो प्रिय पदार्थ हे वो कबहुक कोउ निमित्त पाइके अप्रिय होत हे. सो यह सन्देह दूर करिवेकुं कहत हैं:

सद्रूपः

लोकमें प्रिय तो सुख हे. ओर स्त्री-पुत्रादिक जे प्रिय होत हैं सो कबहुक सुख उपाजावत हैं ताहीते प्रिय होत हैं पर सुखरूप तो नाहिं हैं. ताहीते कबहुक अप्रियहु होत हैं. ओर श्रीमहाप्रभुजी तो श्रीठाकुरजीके मुखारविन्दरूप सच्चिदानन्द सुखरूप हैं. ताहीतें श्रीमहाप्रभुजी आप सदा प्रिय हैं. यह जतायवेकुं यह नाम कह्यो.

श्रीसर्वोत्तमस्तोत्रम्

३६

अब कहत हैं जो सेवकनकुं अपने-अपने भाव करिके भांति-भांतिके मनोरथ उपजत होइगो, तब जा सेवकको मनोरथ पूर्ण भयो न होइगो ता सेवककुं श्रीआचार्यजी महाप्रभूममें प्रीति घटती होयगी ? यह सन्देह दूर करिवेकों नाम कहत हैं :

सतां हितकृत्

श्रीआचार्यजी सभी भक्तनको हित करिवेवारे हैं.

आपके जितने सेवक हैं ते जे - जे भाव करिके जे - जे मनोरथनसूं सेवा करत हैं तिनके सगरे मनोरथ सिद्ध करि उनकी सेवाको अङ्गीकार करत हैं. परि उनके मनोरथ पूर्ण करिवेमें कबहु विलम्ब नाहिं सहि सकत हैं. तातें सबनकुं प्रीतिही होत हे. यह जतायवेकुं यह नाम कह्यो.

अब कहत हैं जो श्रीमहाप्रभुजी अपनो स्वरूप, पुष्टिमार्गको फल आदि सबनकुं कहिके बताये परि श्रीठाकुरजीकी सेवाको स्वरूप नाहिं बताये. सो क्यों ? जो वो तो वचनसूं बतायो नाहिं जा सके. ताहीतें आपुन श्रीठाकुरजीकी सेवा करिके सेवकनकुं सिखावत हैं. सो नाम कहत हैं :

जन-शिक्षा-कृते कृष्ण-भक्ति-कृत्

यद्यपि पुराण - आगममें सेवाप्रकार कहे हैं परि वहां तो पूजामार्गकी रीतिसूं श्रीपूर्णपुरुषोत्तमके अंश - विभूतिकी सेवाको प्रकार कह्यो हे. सो कौन भांतिसों ? जो उहां जो देवता हैं सो तो मन्त्रके आधीन हैं ओर श्रीपूर्णपुरुषोत्तम तो मन्त्रके आधीन नाहिं हैं, केवल भक्तिके आधीन हैं. ताहीतें उन शास्त्रनमें श्रीपूर्णपुरुषोत्तमके सेवाको प्रकार नाहिं कह्यो हे. तासों यदि श्रीमहाप्रभुजी आपुन सेवा करिके पुष्टिभक्तिमार्गीय सेवाको प्रकार न सिखावते तो सेवकनकुं पुष्टिमार्गकी सेवाको ज्ञान नाहिं होतो. तब सेवक पूजामार्गकी रीतिसों सेवा करते, तब 'पुष्टिमार्गीय' न कहवावते, पूजामार्गीय होइ जाते. ताहीतें आपुन सेवा करि बताय; ओर पूजामार्गते तब न्यारी रीति जताये. वाको प्रकार सेवकनकुं जताये तब पुष्टिमार्गीय

भये हैं. सो यह जतायवेकुं यह नाम कहे.

आप सेवा करिके सबनकुं सिखाय सो इतनो आपकु कहा प्रयोजन हतो ? सो सन्देह दूर करिवेकु यह नाम कहत हैं :

निखिलेष्टदः

श्रीआचार्यजी सकल इष्ट-वाञ्छितके देयवेवारे हैं.

यदि आप इतनो श्रम करिके सेवा प्रकार नाहिं सिखावते तो कोउ जानतो नाहिं. ओर या मार्गमें श्रीठाकुरजीको सम्बन्ध ही फलरूप हे सो वो सिद्ध न होतो, तब 'निखिलेष्टदः' न कहवावते. तातें याहीकेलिये आपुन इतनो श्रम कियो हे. यह जतायवेकेलिये 'निखिलेष्टदः' यह नाम कहे हैं ॥१२॥

२७ सर्वलक्षण-सम्पन्नः २८ श्रीकृष्णज्ञानदो २९ गुरुः ॥

३० स्वानन्दतुन्दिलः ३१ पद्मदलायतविलोचनः ॥१३॥

भक्तिमार्ग तो भजनको मार्ग हे. तामें अनेक भावन्सों भजन हे. सो जब ताई सब भावन् सहित भक्तिको दान न करें तब ताई 'निखिलेष्टदः' न कहवावें. सो कहत हैं :

सर्वलक्षणसम्पन्नः

श्रीआचार्यजी सर्वदान करिवेके सामर्थ्यसों पूर्ण हैं.

तिन भावन्को दान तो जब श्रीठाकुरजीके जितने लक्षण हैं ते सब लक्षण होइ तब होय सके. श्रीमहाप्रभुजीमें सो सब श्रीठाकुरजीके लक्षण हैं यह जतायवेकुं यह नाम कहे.

अब श्रीमहाप्रभुजी जो दान करत हैं सो कहत हैं :

श्रीकृष्ण-ज्ञानदः

रसरूप ब्रजभक्तन् सहित पुष्टिमार्गके फलरूप जो श्रीपूर्णपुरुषोत्तम तिनके स्वरूपको ज्ञान देनवारे हैं.

तहां यह पूर्वपक्ष होय जो श्रीठाकुरजीके ज्ञानके प्रकार तो श्रीगीता - श्रीभागवतादिकमें कहे हैं, तिनसुं ज्ञान होय, तातें श्रीमहाप्रभुजी आप कहा ज्ञान देत हैं? तहां कहत हैं जो गीता - भागवतमें जो ज्ञान प्रगट कइयो हे तहां कहूं “श्रीठाकुरजी जगतमें व्यापि रहे हैं, ज्ञानरूप हैं” या भांतिसों कइयो हे. परि ‘रसरूप’ प्रगट नाहिं कइयो हे. ताहीते जो श्रीमहाप्रभूके सेवक हैं तिनके मनमें वे बातें आवत नाहिं.

तहां यह पूर्वपक्ष होत हे जो श्रीशुकदेवजी, श्रीकपिलदेवजी, श्रीनारदजी इत्यादिक ज्ञानके देनवारे हैं तो श्रीमहाप्रभुजीमें कहा विशेष हे? तहां कहत हैं जो श्रीशुकदेवजी, श्रीनारदजी, श्रीकपिलदेवजी ये जे हैं सो तो मर्यादामारगीय हैं; ओर श्रीआचार्यजी महाप्रभु तो पुष्टिमार्गीय हैं. सो इनको दियो ज्ञान सो पुष्टिमार्गीय हे यह जतायवेकुं यह नाम कहत हैं.

तहां यह सन्देह होत हे जो श्रीमहाप्रभुजी ज्ञान देत हैं तहां कारण कहा? सो कहत हैं:

गुरुः

श्रीआचार्यजी पुष्टिभक्तिमार्गके गुरु हैं.

मार्गको जो उपदेश करनवारे होय, मार्गको जो फल देनवारे होय सो मार्गको ‘गुरु’ कहवावे. जेसे श्रीकपिलदेवजी सांख्यमार्गके गुरु हैं ताही भांतिसों श्रीमहाप्रभुजी पुष्टिमार्गको उपदेश करनवारे हैं ओर फलके देनवारे हैं. ताहीतें या पुष्टिमार्गके गुरु श्रीमहाप्रभुजी आप हैं यह जतायवेकुं यह नाम कहे.

अब कहत हैं जो श्रीकपिलदेवजीने अपने मातृचरणके प्रति योगमार्गको उपदेश करते समय मर्यादाभक्तिमार्गकोहु उपदेश कियो. परि श्रीआचार्यजी तो एक पुष्टिभक्तिमार्ग छांडिके ओर भक्तिमार्गको निरूपण किये नाहिं! सो कहत हैं:

स्वानन्दतुन्दिलः

श्रीमहाप्रभुजी अगणित आनन्दसूं पुष्ट हैं.

श्रीमहाप्रभुजी आप कैसे हैं? जो श्रीपूर्णपुरुषोत्तम जे अगणित आनन्द तासूं पुष्ट हैं. यातें अन्य मारगको फल ओर बात सब आपकुं तुच्छ लागत हे. ओर आपुनमें जो आनन्द हे सो सब वस्तुको भुलावनवारो हे, याहीतें ओर वस्तुको स्मरण आपकुं

नाहीं होत हे. याहीतें पुष्टिमार्ग छांडिके अन्य भक्तिमार्गनको निरूपण आप नाहिं किये. यह जतायवेकुं ‘स्वानन्दतुन्दिलः’ यह नाम कहे.

अब ओरहु आगे कहत हैं जो श्रीमहाप्रभुजी आप आनन्दसूं पुष्ट हैं यह जानि कैसे पड़े? तहां कहत हैं:

पद्म-दलायत-विलोचनः

कमलकी पंखुड़ीकी नांइ बड़े हैं नेत्र जिनके एसे श्रीमहाप्रभुजी हैं.

नेत्रनको कमलकी उपमा दीनि तातें यह जाननो जो जेसे कमलकुं देखिवेवारेकुं कमल सुखरूप होइ, सीतल होइ, लाल रेखान्करि सहित होइ ओर सुगन्धयुक्त होइ. ताही भांतिसों श्रीमहाप्रभुजीके नेत्रनको दर्शन जो भक्त करत हैं तिनको परम सुख देनवारे हैं, सो सीतल ओर लाल रेखाके सहित हैं. ओर आपके हृदयमें जो आनन्द हे सो नेत्रकमलमें जानि पड़त हे. यह जनायवेकुं यह नाम कहे ॥१३॥

३३कृपा-दृग्-वृष्टि-संहृष्ट - दासदासीप्रियः ३३पतिः ॥

अब कहत हैं जो श्रीमहाप्रभुजीके कटाक्षन्को भक्तन्में कहा कार्य हे ? तब कहत हैं:

कृपा-दृग्-वृष्टि-संहृष्ट-दास-दासी-प्रियः

सो कहत हैं जो श्रीमहाप्रभुजी आप कैसे हैं ! जो अपने सेवकन्के ऊपर कृपा-कटाक्षन्की वर्षा करत हैं. तासों जो अति आनन्दित दास-दासी हैं तिनकुं आप अतिप्रिय हैं.

पतिः

पति वो कह्यो जाय जो स्वयं निर्भय होय अरु अपने शरणागतकुहु निर्भय करि सके. सो ऐसे पति श्रीआचार्यजी हैं. आपु स्वयं काल-कर्म-स्वभावादिके भयसों रहित हैं अरु आपुके शरणागत शिष्यन्कुं हु कालादिके भयसों मुक्त करिवेवारे हैं तासों यह नाम कह्यो हे.

अब कहत हैं जो लोकमें आसुरी जीव हैं सो दैवी जीवन्के शत्रु हैं. वे श्रीमहाप्रभुन्के सेवकन्को द्वेष करत हैं. सो इन असुरन्तें सेवकन्को भय हे. सो श्रीमहाप्रभुजी आपु यह भय दूर करनवारे हैं. सो कहत हैं:

रोष-दृक्पात-सम्प्लुष्ट-भक्त-द्विट्

श्रीमहाप्रभुजी आप कैसे हैं जो भक्तन्के जे द्वेषी हैं तिनके ऊपर क्रोध सहित कटाक्ष डारि तिनको भस्म कीने हैं. सो तासों यह जताये जो जे भक्तन्को द्वेष करत हैं तिनको आप भस्म करत हैं.

भक्त-सेवितः

अब कहत हैं जो जब श्रीमहाप्रभुजी भक्तको अलौकिक कार्य सिद्ध करत हैं तब भक्तन्कुं जो आनन्द होत हे तासूं भक्त श्रीआचार्यजीकी सेवामें एक क्षणमात्रहको विलम्ब सहि सकत नाहिं, निरन्तर सेवा करत हे यह जतायवेकुं यह

३६ सुखसेव्यो ३७ दुराराध्यो ३८ दुर्लभाङ्घ्रिसरोरुहः ।

३९ उग्रप्रतापो ४० वाक्सीधु-पूरिताशेष-सेवकः ॥१५॥

अब कहत हैं जो आपके सेवक तो बहोत हैं ओर उनके भावन् करिके मनोरथहु बहोत हैं. सो जा सेवकको मनोरथ आप पूरण नाहिं करत होइंगे सो वो सेवक भलीभांति सो आपकी सेवा नाहिं करत होइंगे ! सो कहत हैं:

सुखसेव्यः

यद्यपि श्रीमहाप्रभुजीन्के सेवक बहोत हैं परि भक्त जा भाव करि जा रीतिसों सेवा करिवेकी इच्छा करत हैं ता भांतिसों आप वाके सर्व मनोरथ पूर्ण करि वाको अङ्गीकार करत हैं. सो ऐसे आप परम दयाल हैं. याहीतें सब भक्तन् करिके सुखसूं सेइवेकुं योग्य हैं. याते यह नाम कहे.

अब कहत हैं जो जैसे भक्तन्कुं सुखकरिके सेइवेकुं योग्य हैं ताही भांतिसों ओरन्कुं सेइवे योग्य होंयगे ! तहां अब आपको अगलो नाम कहत हैं:

दुराराध्यः

भक्त-सेवकन्की देखादेखी श्रीमहाप्रभुजीकी बड़ाई सुनिके जो सेवा करत हैं तिनकुं आप कबहुं सन्तोष मात्र उपजावत हैं; परि भलीभांतिसों वाको निर्वाह नाहिं होत हे. यह जतायवेकेलिये यह नाम कहे हैं 'दुराराध्यः'.

तहां यह पूर्वपक्ष होय जो तुम भक्तको 'सुखसेव्य' कहत हो जब ओरन्को कष्टहसों सन्तोषमात्र उपजे परि सेवे नाहिं जाई, सो क्यों ? तहां अब कहत हैं:

दुर्लभाङ्घ्रि-सरोरुहः

अभक्तन्कुं दुःख करिके पाइवेकुं योग्य हैं चरणकमल जिनके ऐसे श्रीमहाप्रभुजी

आप हैं.

अब कहत हैं जो भक्तनहुकुं आपके चरणारविन्दकी प्राप्ति आर्तिरूप दुःख करिके होत हे तहां अभक्तनकुं आपके चरणारविन्दकी प्राप्ति कहांते होई! यह जतायवेकुं यह नाम कहे जो अभक्तनकुं दुःख करिके पाइवेकुं योग्य हैं चरणकमल जिनके एसे श्रीमहाप्रभुजी आप हैं. तासों अभक्तनकुं प्राप्ति नाहीं होत हे.

उग्र-प्र-ताप:

अभक्तनसों असह्य हे तेज जिनको एसे श्रीमहाप्रभुजी आप हैं. सो अभक्तनसों निकट रह्योहु न जाय तो सम्बन्ध कहांते होय! यह जतायवेकुं यह नाम कहे.

अब कहत हैं जो आपके तेजकु असह्य कहे तो भक्तनहुकों असह्य होइगो! यह सन्देह दूरिकरिवेकेलिए यह नाम कहत हैं:

वाक्सीधु-पूरिताशेष-सेवक:

श्रीमहाप्रभुजी अपने वचनामृत करि बाहिर-भीतरसूं अपने सेवकनकुं पूर्ण किये हैं एसे आप परम दयाल हैं.

वचनकों अमृत जो कहे ताकरि जेसे अमृत सब इन्द्रियनकुं सुख उपजावनवारो होइ, सब ताप दूरि करे ता भांति श्रीमहाप्रभुनके वचनहु सबनकों सुख उपजावनवारो होइ ताप दूरि करनवारो हैं. याहीसों सेवकन्तें श्रीमहाप्रभुजीनको तेज सह्यो जात हे. क्यों जो वचनामृतसों पूर्ण हे. ओरन्सों नाहिं सह्यो जात ॥१५॥

१ श्रीभागवत-पीयूष-समुद्र-मथन-क्षमः ॥

२ तत्सारभूत-रास-स्त्री-भाव-पूरित-विग्रहः ॥१६॥

अब आगे कहत हैं, श्रीमहाप्रभुजी आप श्रीभागवतके अर्थको निरूपण करिके अपने सेवकनको ताप दूरि करनवारो हैं. यह जताइवेकुं आगेको नाम कहत

श्रीसर्वोत्तमस्तोत्रम्

४३

हैं:

श्रीभागवत-पीयूष-समुद्र-मथन-क्षमः

श्रीमहाप्रभुजी आप श्रीभागवतरूपी अमृतसमुद्रके भीतर जो सार हे ताके मथिवेमें समर्थ हैं.

आपके सेवकनकुं जो ताप हतो जो या मार्गमें आइकेहु श्रीभागवतको अर्थ न जानें. सो तासों श्रीसुबोधिनीजी आदिके वचनामृत आपु किये. ता करिके सबनकुं श्रीभागवतके अर्थ जतायके ताप दूरि किये.

तत्सारभूत-रास-स्त्री-भाव-पूरित-विग्रहः

श्रीभागवतरूपी समुद्रमें साररूपी ब्रजभक्तनको जो भाव तासों पूरित हैं स्वरूप जिनको एसे श्रीमहाप्रभुजी आप हैं.

दूधतें अमृत उत्तम हे ताहीतें दूधके समुद्रमें मथन करत अमृत निकस्यो हे. इहां तो श्रीभागवत हे सो अमृतसमुद्ररूप हे. सो भागवतरूपी अमृतसमुद्रको सार ब्रजभक्तनको भाव हे. क्षीरसमुद्रमेंते प्रगटे अमृतको भोग करनवारो जेसे देवता हैं ताही भांतिसों श्रीभागवतरूपी अमृतसमुद्रमेंते प्रकटे ब्रजभक्तनके भावको अनुभव करनवारो आप श्रीमहाप्रभुजी हैं. ओर कोई एसो नाहिं. ओर देवतानके तो अमृत भीतरही रह्यो हे ओर श्रीमहाप्रभुजी आप तो बाहर ओर भीतर सम्पूर्ण हैं. यह जतायवेकुं यह नाम कहे ॥१६॥

३ सान्निध्य-मात्र-दत्त-श्रीकृष्ण-प्रेमा ४ विमुक्तिदः ॥

५ रासलीलैक-तात्पर्यः ६ कृपयैतत्-कथा-प्रदः ॥१७॥

अब कहत हैं जो क्यों जानिये जो भाव सम्पूर्ण हे! तहां आगे ओरहु आपको नाम कहत हैं:

सान्निध्य-मात्र-दत्त-श्रीकृष्ण-प्रेमा

श्रीसर्वोत्तमस्तोत्रम्

४४

श्रीआचार्यजी अपने सान्निध्य मात्र करि श्रीकृष्णप्रेमको दान करिवेवारे हैं.

जो वस्तु स्वयं सम्पूर्ण होई सो वस्तु ओरनुकुं आप देइ सके. श्रीमहाप्रभुजी आप तो भावरससों पूर्ण हैं तासों ओरनुहुकों अपने सान्निध्यमात्र करि श्रीठाकुरजीके प्रेमको दान करत हैं, नाहिं तो न होई. सो यह जतायवेकुं यह नाम कहे जो ब्रजभक्तन् सहित फलरूप श्रीपूर्णपरुषोत्तम हैं तिनमें प्रेमरसको दान करत हैं.

तहां कहत हैं जो श्रीकृष्णके प्रेमरसको दान करत हैं तामें कहा कारण हे ? यह सन्देह दूर करिवेकुं यह नाम कहत हैं:

विमुक्तिदः

श्रीठाकुरजीको साक्षात् सम्बन्ध, जो पुष्टिमार्गीय मुक्ति हे, ताके देनवारे हैं.

तहां कहत हैं जो जैसे मर्यादामारगमें सायुज्य मुख्य फल हे ता भांति पुष्टिमार्गमें श्रीठाकुरजीको सम्बन्ध मुख्य हे. ओर जे मुक्त भये तिनकुं फेरि संसार न होइ ताही भांति साक्षात् सम्बन्ध जे पाये तिनको फेरि संसार कबहु नहीं होय हे यह जताये.

अब कहत हैं जो श्रीआचार्यजी पुष्टिमार्गके फलको सर्व मार्गन्के फलतें अधिक प्रमाणपूर्वक निरूपण किये हैं सो कहत हैं :

रास-लीलैक-तात्पर्यः

रासलीलामें ही मुख्य अभिप्राय हे एसे श्रीआचार्यजी हैं.

यदि मुक्ति पुष्टिमार्गके फलतें अधिक होई तो श्रीठाकुरजी पहले रासक्रीड़ा करि पाछें ब्रह्मानन्दको अनुभव करावते अरु श्रीभागवतमेंहु तेसैं ही वर्णन करते. परि एसो नाहीं किये. तासों स्वरूपानन्दको अनुभव करनो ब्रह्मानन्द अरु मुक्ति तेंहु अधिक हे. तातें येही मुख्य-अधिक फल हे. तातें रासलीलामेंही श्रीमहाप्रभुजीको

मुख्य अभिप्राय हे यह जतायवेकुं यह नाम कहे.

अब श्रीआचार्यजी ओर प्रकारतें हु पुष्टिमार्गको फल अधिक जताये हैं ताकेलिये अगलो नाम कहत हैं:

कृपया एतत्-कथा-प्रदः

कृपा करिके आप रासलीलाकी वार्ताको अनुभव करावनवारे हैं.

जिन सेवकन्के ऊपर कृपा करि आप रासलीलाकी वार्ताको अनुभव करावत हैं तिनको अनुभव होइ. ओर जहां कृपा बिना कहत हैं तहां अर्थानुभव नाहिं होत हे. तो सेवकन्को जब रासलीलाको अनुभव कहत हैं तब यों जानत हैं जो पुष्टिमार्गको फल बड़ो हे. तब सेवकन्को संयोग ओर वियोग दोऊ रसन्को अनुभव होत हे ॥१७॥

***विरहानुभवैकार्थ - सर्वत्यागोपदेशकः ॥**

***भक्त्याचारोपदेष्टा च *कर्ममार्गप्रवर्तकः ॥१८॥**

रासलीलाके अनुभवके दानसों प्रभुके संयोग-वियोग दोउ रसन्को अनुभव यद्यपि भक्तन्को होत हे तथापि केवल विप्रयोगमें वाकी भांति - भांतिकी अवस्था जो कबहुक विकलता होइ, कबहुक भगवद्रूप होइ विलाप करे इत्यादिको अनुभव भक्तन्को करावके ताई “सब वस्तुन्को त्याग करो” एसे उपदेश करत हैं:

विरहानुभवैकार्थ - सर्वत्यागोपदेशकः

जा पुष्टिमार्गीतें घरमें भगवत्सेवा नाहीं बनी सकत वाकों भगवद्विप्रयोगानुभवमें प्रतिबन्धक एसे गृहादिकन्को त्याग करिवेको उपदेश करिवारे श्रीआचार्यजी हैं.

सो काहेतें ? जो (प्रतिबन्ध करिवेवारे) घरमें रहेते तो सो अवस्था नाहिं होयगी. ताहीतें त्यागको उपदेश करत हैं. ओर श्रीमहाप्रभुजी आपु जो मर्यादा बांधी हे ताही रीतिसों जो रहे तो एसो भाव होय यह हु जताय.

ज्ञान करायवेके अर्थ यज्ञ किये. सो नाम कहत हैं:

यागादौ भक्तिमार्गिक-साधनत्वोपदेशकः

यज्ञ-यागादि कर्म भक्तिमार्गमें आवते प्रतिबन्धनों दूर करिवेवारे हैं (ऐसं विनके साधनपनेको उपदेश करिवेवारे).

भक्तिमार्गमें दोइ बड़े अपराध हैं: एक तो श्रीठाकुरजीकुं छांडिके ओर देवताको सम्बन्ध ओर २. पुष्टिमार्गके फलके पायवेमें प्रतिबन्ध जाते फलसिद्धि न होइ. सो श्रीमहाप्रभुजी आप यज्ञ किए सो कोन भांतिसों जो यज्ञमें सब देवतानकुं श्रीठाकुरजीकी विभूति जानिके ओर अंश - सेवक जानिके यज्ञभाग दिये हैं. तातें आगेहु जो कोउ यज्ञ करे सो इन्द्रादिक जे यज्ञमें देवता हैं तिनकुं श्रीठाकुरजीकी विभूति अंश - सेवक जानिके आदर सन्मान करे, परि स्वतन्त्र न जानें. या करिके अन्याश्रय दूर किये. ओर आपु यज्ञादिको फल येही विचारे जो भक्तिमार्गको पाइवेमें जितनो प्रतिबन्ध हे सो सब दूर होइगो. ताकरिके सेवकनकोहु शिक्षा दिये जो तुम यज्ञ - दानादि करिवेमें ओर फल विचारोहु मति. यही विचार्यो करो जो भक्तिमार्गको फल पाइवेमें यातें प्रतिबन्ध दूर होइगे. यह जतायवेकुं यह नाम कहे.

यद्यपि श्रीआचार्यजी यज्ञादिकर्म स्वीय शिष्यनकुं शिक्षा देयवेके अर्थ करे तथापि कोई बहिर्मुखकुं एसी शङ्का होय जो वेदमें यज्ञको फल तो स्वर्गलोककी प्राप्ति कही हे तो आप जो यज्ञ किये सो स्वर्गलोकके पाइवेकेलिये किये होइगे? सो एसी शङ्का दूर करिवेकों यह नाम कहत हैं:

पूर्णानन्दः

आप पूर्ण-अगणित आनन्दवारे हैं.

आप तो पूर्णपुरुषोत्तमके आनन्दसों सम्पूर्ण हैं. सो स्वर्गादिकमें जो आनन्द हे सो तो पुरुषोत्तमके आनन्दको अंश मात्र हे. ताहीतें आपकुं वाकी वाञ्छना नाहिं हे. तातें आपने यज्ञादि स्वर्गलोक पाइवेकुं नाहिं किये.

अब भक्तिमार्गके सेवकनमें स्थिरता होइ ताकेलिये भक्तिमार्गको उपदेश देत हैं यह जतायवेकेलिये नाम कहत हैं:

भक्त्याचारोपदेश

भक्तिमार्गके आचारको उपदेश करिवेवारे आप हैं.

भक्तिमार्गको आचार कहा? जो श्रीठाकुरजीसूं कछु फलवाञ्छना नाहिं करनी ओर श्रीठाकुरजीकु ही फलरूप जानिके सेवा करनी इत्यादि जो भक्तिमार्गको आचार हे तिनको उपदेश करनवारे हैं. ओर उपदेशहु आप स्वयं आचरण करिके करनवारे हैं यह जतायवेकुं यह नाम कह्यो.

कर्म-मार्ग-प्रवर्तकः

श्रीआचार्यजी कर्ममार्गकेहु प्रवर्तक हैं.

अभिप्राय यह हे जो यदि आप अपने सेवकनकुं केवल भक्तिमार्गको ही उपदेश करते, वर्णाश्रमधर्म छुड़वाइके, तो सेवकनको तो फल होइ जातो परि जे बहिर्मुख हैं तिनको या मार्गमें दोषबुद्धि आवती जो “ब्राह्मण या मार्गमें आयेते अपनो धर्म छांडिके शूद्र होइ जात हैं”-या भांतिसो बहिर्मुखनकुं दोषबुद्धि आवती. परि भक्तिमार्ग तो निर्दोष हे. परि जेसे काहुकु दोषबुद्धि न आवे तेसे कर्ममार्गकोहु आपु उपदेश कियो जो सब कोइ अपनो कर्म करो; ओर छांडो मति. यह जतायवेकुं यह नाम कहे ॥१८॥

“यागादौ भक्तिमार्गिक-साधनत्वोपदेशकः ॥

“पूर्णानन्दः “पूर्णकामो “वाक्पतिर् “विबुधेश्वरः ॥१९॥

अब कहत हैं जो श्रीमहाप्रभुजीने अपने सेवकनके भक्तिमार्ग सम्बन्धि सब अपराध दूर करिवेके अर्थ अरु अपने सेवकनको यागादिके वास्तविक स्वरूपको

तहां कोइ कहे जो स्त्री - पुत्रादिक पाइवेकुं यज्ञादिक किये होंइगे ? यह शङ्का दूर करिवेकुं यह नाम कहे:

पूर्णकाम:

लोकमें वाञ्छित जो पुत्रादिकन्को सुख सोऊ श्रीमहाप्रभुजीकों सबतें अधिक प्राप्त हे.

सो कौन भांति ? जो श्रीअक्काजी सरिखे पत्नि ओर श्रीगोपीनाथजी-श्रीगुसांईजी सरीखे आपके पुत्र हैं. तातें लौकिक

सुखकेलिये यज्ञ - यागादि नाहिं किए किन्तु भक्तन्कों शिक्षा देयवेकेलिये यज्ञ - यागादि किये हैं. शिक्षा कहा ? जो यज्ञादि तो करो परि भक्तिमार्गके फलमें आवते प्रतिबन्ध हैं तिनकुं दूर करिवेकुं करो.

श्रीआचार्यजी जब ओरनुहकी कामना पूरण करनवारे हैं तो आपुहु पूर्णकाम होइगेही वामें कहा कहनो ! यह जतायवेकुं यह नाम कहे.

वाक्पति:

श्रीमहाप्रभुजीके सेवक दोइ भांतिके हैं. कितनेकन्कुं सेवा-कथा करत कर्ममेंहु मनवारे हैं ओर कितनेक ऐसे हैं जो तिनकों केवल सेवा-कथामें ही मन हे. श्रीमहाप्रभुजी विन सबन्को मनोरथ पूरण करत हैं. जे सेवक यज्ञादिक करत हैं तब सब होमद्रव्यको अङ्गीकार आप करिके सेवकके मनोरथ सिद्ध करत हैं. काहेतें ? जो आप प्रभुके मुखारविन्दस्थानी अग्निस्वरूप हैं. याहीतें जब ओरन्के मनोरथ पूरण करत हैं तब आपुन पूरण मनोरथ होइगें वामें कहा कहनो !

तहां अब ओरहु आगे कहत हैं जो जिन सेवकन्को ज्ञानमें मन हे तिनहुकुं फल आपही देत हैं. यह जताइवेकुं अब यह नाम कहत हैं:

विबुधेश्वर:

भक्तिमार्गीय जे ज्ञानी हैं तिनकुं श्रीठाकुरजीके स्वरूपको ज्ञान देनवारे श्रीमहाप्रभुजी हैं यह जताइवेकुं यह नाम कहे ॥१९॥

“कृष्णनामसहस्रस्य वक्ता “भक्तपरायणः ॥

“भक्त्याचारोपदेशार्थ - नानावाक्यनिरूपकः ॥२०॥

अब कहत हैं जो श्रीठाकुरजीके स्वरूपको ज्ञान श्रीआचार्यजी कौन रीतिसों देत हैं ? सो कहत हैं:

कृष्ण-नाम-सहस्रस्य वक्ता

कृष्ण जे मूलरूप पूर्णपुरुषोत्तम तिनके सहस्रनामके प्रगट करनवारे आप हैं.

तहां यह पूर्वपक्ष होय जो श्रीठाकुरजीके हजार नाम तो वैशम्पायनादिकहु किये हैं ? तहां कहत हैं, परि वेद पुराणन्में प्रसिद्ध नाम ते कहे हैं; ओर आप तो फलरूप, श्रीभागवतमें जिनको निरूपण हे एसे, पूरणपुरुषोत्तमके लीलासहित नामन्को निरूपण किये हैं; ओर कोऊ नाहिं किये. यासूं यह नाम कहे.

दशविधलीलान्सों विशिष्ट श्रीकृष्णके हजार नामन्को कथन क्यों आवश्यक हतो सो कहत हैं:

भक्त-परायण:

यदि श्रीआचार्यजी श्रीकृष्णके हजार नाम प्रगट न करते तो सेवकन्कों श्रीभागवतके अर्थको ज्ञान न होतो ! तब आप जीवनके हित करनवारेहु न कहवावते. ओर जब यह हजार नाम प्रगट किये तब सब सेवक श्रीभागवतको अर्थ जाने. ता पाछें भक्तकुं ज्ञान भयो ओर फल सिद्ध भयो हे. यह जतायवेकुं यह नाम कहे.

तहां अब ओर हु आगे स्वप्रकटित भक्तिमार्गको आचरण जताइवेकुं आपको नाम कहत हैं:

भक्त्याचारोपदेशार्थ-नाना-वाक्य-निरूपकः

भक्तिमार्गको आचरण जो सेवादिक ताके उपदेशकेलिये नवरत्न, भक्तिवर्धिनी इत्यादिक ग्रन्थ प्रगट किये हैं एसे श्रीमहाप्रभुजी आप हैं.

पूर्वमें यद्यपि “भक्त्याचारोपदेश” नाम कह्यो हे परि वहां मात्र आचारके उपदेश करिवारे कहे हैं. या नाममें वासूं अधिक आचारके निरूपण करिवारे ग्रन्थनके उपदेशक आपकु कहे हैं. तासूं पुनरुक्ति दोष नहीं बिचारनो ॥२०॥

“स्वार्थोज्झिताखिलप्राण - प्रियस् ६० तादृशवेष्टितः ॥

६१ स्वदासार्थकृताऽशेषसाधनः ६२ सर्वशक्तिधृक् ॥२१॥

अब कहत हैं जो आपके सेवकनूने भक्तिमार्गके आचार जानिके, आनन्दयुक्त होइके कहा किये ? सो कहत हैं

स्वार्थोज्झिताखिल-प्राण-प्रियः

श्रीआचार्यजीकी सेवाके काज अरु अपने उद्धारकेलिये भक्तिमार्गसों विरोधी सब पदार्थ जे छांडे हैं एसे सेवकनूकुं आप प्राणहुते प्रिय हैं.

श्रीआचार्यजी अपने सेवकनूके प्राणप्रिय हैं यह क्यों जानि पड़े ? सो जतायवेकुं यह नाम कहत हैं:

तादृश-वेष्टितः

श्रीआचार्यजीकी सेवाके काज सब वस्तु छांडि हे एसे जे सेवक हैं तिनसों आप सदाही धिरेही रहत हैं एसे आप हैं.

अब कहत हैं जो ब्राह्मणादिक सेवक जब आसक्ति करिके प्रभुसेवा करत

श्रीसर्वोत्तमस्तोत्रम्

५१

हैं तब तिनकुं कर्म करिवेकुं समय तो नाहिं सधतो होइगो ! तहां कहत हैं जो वे दोष आपुही दूरि करि देत हैं. यह जताइवेकुं कहत हैं:

स्व-दासार्थ-कृताऽशेष-साधनः

जे सेवक प्रभुसेवामें आसक्त होइके सेवा करत हैं तिनकुं अपने कर्मको समय तो नाहिं सधत हे, तब दोष लगत हे. सो आपही कर्मको समय साधत हैं. ता करिकें वे दोष दूरि करत हैं.

अब कहत हैं जो भगवद्भक्तकुं कर्म करिवेको कहा काम ? काहे कर्म न छांडि देनो ? सो यह सन्देह दूरि करिवेकुं कहत हैं जो आपुन कर्म किये हैं ता करि यह जताय जो मेंहु कर्म करत हुं. यातें कोउ कर्म छांडो मति. सेवा करिके जब अवकास पाओ तब कर्म करो, यह उपदेश करत हैं.

तहां यह पूर्वपक्ष होइ जो श्रीआचार्यजी कर्मको समय साधिके जीवनके दोष कैसे दूरि करत होइगें ? तहां कहत हैं:

सर्व-शक्ति-धृक्

श्रीआचार्यजी सर्वशक्तिमान् हैं तासों सर्व शक्तिनूको निग्रह करिवेमें समर्थ हैं

आप साधन करिके सेवकनूके दोष कैसे निवृत्त करत होइगे एसी शङ्का नाहिं करनी. क्यों ? जो आप सर्वशक्तिमान् हैं तासों सर्वशक्तिनूको निग्रह करिवेमें समर्थ हैं ॥२१॥

६३ भुवि भक्तिप्रचारैककृते स्वान्वयकृत् ६३ पिता ॥

६४ स्ववंशे स्थापिताऽशेषस्वमाहात्म्यः स्मयापहः ॥२२॥

अब कहत हैं जो आप विचार किये जो अपनी प्रागट्यदशामें सबनकुं उपदेश करिके भक्तिमार्गको प्रचार तो किये हैं परि आगे मेरी परोक्षदशामें

श्रीसर्वोत्तमस्तोत्रम्

५२

भक्तिमार्गको प्रचार जीवन्में क्यों कर होइगो ? यह बिचारिके श्रीगोपीनाथजी ओर श्रीगुसांईजी कुं प्रगट किये. सो कहत हैं:

भुवि भक्ति-प्रचारैक-कृते स्वान्वय-कृत्

आगे भूमिमें भक्तिमार्गके प्रचारकेलिये अपने पुत्र श्रीगोपीनाथजी ओर श्रीगुसांईजी के प्रगट करनवारे हैं. सो एसे आप परम दयालु हैं.

विद्यादाता, आश्रयदाता, भयमुक्त करिवेवारे हु पितातुल्य कहवावत हैं. सो एसे प्रकारान्तके पितृत्वको वारण करिवेकों आगेको नाम कहत हैं:

पिता

श्रीआचार्यजी श्रीगुसांईजी-श्रीगोपीनाथजीके जनक पिता हैं.

तहां यह पूर्वपक्ष होय जो पिताके समान यदि पुत्र न होइ तो पिताको काज पुत्रसूं केसे कियो जाइ ? सो श्रीगुसांईजी आप पितातुल्य न होइ तो आगे भक्तिमार्गको प्रचार केसे होइ ? तासों अब कहत हैं:

स्व-वंशे स्थापिताऽशेष-स्व-माहात्म्यः

श्रीआचार्यजी आप केसे हैं ? जो अपनो सब माहात्म्य-सब धर्म अपने पुत्रन्में राखे हैं. तातें जेसे श्रीआचार्यजी आप हैं तेसेइ आपके पुत्र हैं. तिनमें भेद नाहिं जाननो.

अब कहत हैं जो श्रीआचार्यजी आपने-अपने पुत्रन्में अपने सब धर्म राखे यह बड़ो आश्चर्य हे ! यह सन्देह दूर करिवेकुं कहत हैं:

स्मयापहः

सब आश्चर्यके दूर करनवारे श्रीआचार्यजी आप हैं. तातें आश्चर्य नाहिं करनो. तातें यह नाम कहे ॥२२॥

६६पतिव्रतापतिः ६७पारलौकिकैहिकदानकृत् ।

६८निगूढहृदयोऽनन्यभक्तेषु ज्ञापिताशयः६९ ॥२३॥

पतिव्रतापतिः

तहां सन्देह होइ जो आश्चर्य नाहिं करनो इहां कारण कहा ? तहां कहत हैं जो लोकमें पुत्रके गुणन्में पिता - मातातें जो घटती देखियत हैं सो पिता - माताके दोषसूं. क्वचिद् पिता निर्दुष्ट होय किन्तु माता दुष्ट होइ तोहु पुत्रमें दोष होत हे. परि इहां तो श्रीआचार्यजी आप श्रीठाकुरजीके मुखारविन्दरूप हैं ओर आनन्दरूपहु हैं. ताही भांति श्रीअक्काजीहु आनन्दरूप हैं. तातें इनतें प्रगट भये श्रीगोपीनाथजी ओर श्रीगुसांईजी हु श्रीआचार्यजीके समान हैं यह जाननो. ओर लौकिकमें पिता - माता उत्तम रहतहु क्वचित् पुत्र बुरो होइ एसो देखिवेमें आवत हे. तहां जीवको अदृष्ट निमित्त जाननो. सो तो श्रीगोपीनाथजी अरु श्रीगुसांईजी में सम्भवे नाहिं. सो काहेतें ? जो अदृष्ट तो जीवकुं लगे परि ईश्वरकुं नाहिं लगे. श्रीगोपीनाथजी अरु श्रीगुसांईजी तो ईश्वर हैं. ताहीते श्रीगोपीनाथजी ओर श्रीगुसांईजी पिताके समान हैं, विनमें भेद नाहिं.

अब कहत हैं जेसे लोकमें पतिव्रता पत्नीको पति अपनी पत्नीपे अनुराग राखत हे वेसेही श्रीमहाप्रभुजी आपु भक्तिमार्गको आचरण करवेवारे पतिव्रताके पति हैं ओर विनके ऊपर अनुराग राखत हैं.

या तरहसूं श्रीआचार्यजीके वंशकी श्रीआचार्यजीके सङ्ग तुल्यताको निरूपण करिके स्वीय जनन्कों ऐहिक-पारलौकिक सर्व फल देयवेवारे हु आप ही हैं सो कहत हैं:

पार-लौकिकैहिक-दान-कृत्

भगवत्सम्बन्ध जासूं सिद्ध होय एसो ऐहिक ओर पारलौकिक फलको दान करिवेवारे श्रीआचार्यजी हैं.

अदृष्ट आदिसू (अथवा भगवत्सम्बन्ध रहित लौकिक विचारसू करे जाते धर्मादि पुरुषार्थसू) जो स्त्री-पुत्र-धनादिक प्राप्त होत हैं ते श्रीठाकुरजीके सम्बन्धी नाहिं होत हैं. ओर श्रीमहाप्रभुजी आप (भक्तिमार्गीय पुरुषार्थको चतुःश्लोकी, भक्तिवर्धिनी, निरोधलक्षण, निबन्धादि ग्रन्थनद्वारा बोध कराइके अलौकिक-भगवत्सम्बन्धि धर्मादि पुरुषार्थसू) जो दान करत हैं सो तिनको विनियोग श्रीठाकुरजीमें होत हे, सो भगवदीय होत हैं. ओर जो कोइ यों कहे के उत्तम अदृष्ट(पुण्य)सू तीर्थवास होइके वा तीर्थमें ही मरण होयवे पर उत्तम पारलौकिक फल मिलत हे, ऐसे ही उत्तम अदृष्टसों पशु-पुत्रादिरूप ऐहिक फल हु मिलत हे. सो ताको समाधान ये जाननो जो भगवत्सम्बन्ध जासू सिद्ध होय एसो ऐहिक ओर पारलौकिक फल तो श्रीआचार्यजी ही देइ सके हैं.

एसो फल श्रीआचार्यजी आप कब देइंगे ? ओर कोन प्रकार देइंगे ? यह सन्देह दूर करिवेकुं कहत हैं :

निगूढ-हृदयः

श्रीआचार्यजीको हृदय अत्यन्त गूढ हे.

श्रीआचार्यजी आप ईश्वर हैं. ताहीते इनको हृदय जानिवो अशक्य हे. परि आप परमदयाल हैं. तातें फलदानमें सन्देह नाहिं करनो. परि फल कब देइंगे यह जानि नाहिं परत हे.

तहां यह सन्देह होइ जो श्रीआचार्यजी अपनी इच्छा कोउ सेवकसों नाहिं कहत हैं के कोउकों जतावत हैं ? तहां कहत हैं :

अनन्य-भक्तेषु ज्ञापिताशयः

पद्मनाभदास प्रभृति सरिखे अनन्य अन्तरङ्ग भक्तमें अपनो अन्तःकरण जिन जतायो हे ऐसे श्रीआचार्यजी आप हैं ॥२३॥

००उपासनादि-मार्गाति - मुग्ध-मोह-निवारकः ॥

०१भक्तिमार्गं सर्वमार्ग-वैलक्षणयानुभूतिकृत् ॥२४॥

अब कहत हैं जो कबहुक श्रीआचार्यके सेवक पूजामार्गीयनको सङ्ग करिके जानें जो पूजामार्ग ओर भक्तिमार्ग एक हे. सो काहेतें ? जो सेवा दोउ ठोर हे. सो तासों पूजामार्गमें भ्रमित भये जीवकुं आप अपने मार्गको निरूपण करिके वा मार्गमेंते काढिके फेरि अपने मार्गमें लावत हैं. सो कहत हैं :

उपासनादि-मार्गाति-मुग्ध-मोह-निवारकः

पूजामार्ग आदि मार्गनकुं विनमार्गके लोगनके सङ्गते भक्तिमार्ग समजिके जो स्वमार्गीय शिष्य विन मार्गमें प्रवृत्त होत हैं तिनकुं आप भक्तिमार्गको निरूपण करि फेरि अपने मार्गमें लावत हैं.

तहां पूर्वपक्ष होय जो भक्तिमार्गको निरूपण मात्र करिके सेवकनको अज्ञान केसे दूर होत हे ? तहां कहत हैं :

भक्ति-मार्गं सर्व-मार्ग - वैलक्षणयानुभूतिकृत्

श्रीआचार्यजी अपुने सेवकनसों भक्तिमार्गको निरूपण करत हैं ओर दूसरे मार्गनकी अपेक्षा भक्तिमार्गकी न्यारी रीत अरु उत्तमता को अनुभव करावत हैं.

सो कोन भांति ? जो पूजामार्गमें जा देवताकी पूजा करियत हैं सो देवता मन्त्रके आधीन होत हैं, वे श्रीठाकुरजीकी विभूति हैं, पूरणपुरुषोत्तम नाहिं. ओर भक्तिमार्गमें सेव्य श्रीपुरुषोत्तम हैं सो मन्त्रके आधीन नाहिं हैं केवल भक्तिके अधीन हैं. तातें “तू भक्तिमार्ग छांडिके पूजामार्गमें क्यों गयो ? फेरी भक्तिमार्गमें आउ !” सो या भांति सेवकनकुं अपने मार्गमें लावत हैं. सो यह जतायवेकुं यह नाम कहे ॥२४॥

०२पृथक् - शरण-मार्गोपदेष्टा ०३श्रीकृष्ण-हार्दवित् ॥

०४प्रतिक्षण-निकुञ्जस्थ - लीला-रस-सुपूरितः ॥२५॥

अब कहत हैं जो शरणमार्गको पर्यवसानहु पुरुषोत्तममें बतायो हे सो कहा शरणमार्ग ओर भक्तिमार्ग एक ही हे ? सो कहत हैं:

पृथक्-शरण-मार्गोपदेशः

न्यासादेश आदि ग्रन्थन् द्वारा भक्तिमार्गसूं पृथक् शरणमार्गको उपदेश करिवेवारे श्रीआचार्यजी हैं.

शरणमार्गहु दोइ भांतिको हे: एक पुष्टिमार्गीय ओर दूसरो मर्यादामार्गीय. तब पुष्टिमार्गीय कोनसो ? सो कहत हैं जो इन्द्र ब्रजमें वर्षा किये तब ब्रजवासी श्रीठाकुरजीकी शरणमें आये सो वह शरणमार्ग पुष्टिमार्गीय हे. तब जे शरण आये तिनको आप अङ्गीकार करि श्रीगोवर्धन धारण करि रक्षा किये ओर सात दिन तांइ स्वरूपानन्दको अनुभव कराये. ओर जे शरणमार्गको फल मुक्ति मिलत हे सो मर्यादामार्गीय शरणमार्ग कह्यो जाता हे. तातें श्रीआचार्यजी महाप्रभु या भांतिसो न्यारे-न्यारे शरणमार्गको उपदेश करे हैं यह जतायवेकुं ये नाम कहे.

शरणमार्ग पुरुषोत्तम पर्यवसायी होयवे पर हु वाको भक्तिमार्गसों भिन्न निरूपण क्यों किये ? सो कहत हैं:

श्रीकृष्ण-हार्द-वित्

फलात्मक एसे श्रीकृष्णके अभिप्रायकुं जानिवेवारे श्रीआचार्यजी हैं.

श्रीठाकुरजी जीवको अधिकार देखिके मारगको उपदेश करत हैं. अतएव अर्जुनको मर्यादापुष्टिमें अधिकार हतो तातें उपदेशहु वेसो किये. सो कौन भांति ? जो अर्जुनसों यों कहे जो “तू मेरी शरण आव, में तेरे पापनकुं दूर करूंगो” सो ये मर्यादामार्गको अंश हे. सो काहे ? जो शरण आयेको कछु (अधिक) फल नाहिं, केवल पाप दूर होइंगे, तातें मर्यादाको अंश. ओर या पापको फल जो शोक; वाकों दूर करिवेमें साधन आपु ही बनेंगे एसे कही अपनी शरण बुलाये सो यह पुष्टिमार्गको अंश हे. तातें अर्जुनको जेसो अधिकार देखें तेसो उपदेश किये.

श्रीसर्वोत्तमस्तोत्रम्

५७

ओर ब्रजवासीनको उत्तम अधिकार देखि उनकों अपनी शरण बुलाइ स्वरूपानन्दको अपना अनुभव कराये ओर अर्जुनकों युद्ध करिवेकी प्रेरणा दीनी. यह सब श्रीठाकुरजीके अभिप्रायके जाननवारे श्रीमहाप्रभुजी हैं तातें यह नाम कहे.

श्रीमहाप्रभुजी यह जानें जो श्रीपूरणपुरुषोत्तमको मन तो ब्रजभक्तनसों लीलारसमें मग्न रहत हे तातें आपहु लीलारसमें मग्न रहत हैं. यह जतायवेकुं यह नाम कहत हैं:

प्रति-क्षण-निकुञ्ज-स्थ-लीला-रस-सुपूरितः

प्रतिक्षण निकुञ्जस्थ जे श्रीपूरणपुरुषोत्तम तिनकी जो ब्रजभक्तनके साथ लीला ताके रससूं बाहिर-भीतरसों जे पूर्ण हैं एसे श्रीआचार्यजी महाप्रभु आप हैं ॥२५॥

“तत्कथाक्षिप्तचित्तस्” “तद् ह्व विस्मृतान्यो” “ब्रजप्रियः ॥

“प्रियब्रजस्थितिः” “पुष्टि ह्व लीलाकर्ता” “रहःप्रियः ॥२६॥

तहां यह सन्देह होइ जो रस यदि हृदयमें पूरण होइगो तो भक्तनकों बाहिर केसे जानि पड़ेगो ? यह सन्देह दूर करिवेकुं यह नाम कहे:

तत्-कथाक्षिप्त-चित्तः

रासलीलाकी रसवार्तामें भलीभांति पिरोयो हे मन जिनको एसे श्रीआचार्यजी आप हैं.

एसी भगवत्कथामें चित्तवारे होइवेसों निरन्तर अपने निज सेवकनसों रसवार्ता कहत हैं. तातें सेवक जाने हैं जो आप लीलारससों पूरण हैं. ओरहु कहत हैं जो पूर्णपुरुषोत्तमकी एक संयोगलीला हे ओर एक वियोगलीला हे. सो जब आप संयोगसूं पूर्ण होत हैं तब बाहिर-भीतर सम्पूर्ण हैं ओर लीलाको अनुभव करत चैनसूं बैठे रहत हैं. ओर वियोगलीलारससूं जब पूर्ण होत हैं तब रह्यो न जाय. तातें रसवार्ता सबनसों कहि कालनिर्वाह करत हैं. तब सेवक जानत हैं जो आप

श्रीसर्वोत्तमस्तोत्रम्

५८

वियोगरससों पूर्ण केवल आनन्दरूप हैं.

अब कहत हैं जो आप रसकी कथा कहत हैं तो कहा ओरवार्ता करत नाहिं ? सो यह सन्देह दूर करवेकुं यह नाम कहत हैं.

तद्विस्मृतान्यः

रासलीलाकी रसवार्ता करि भूले हैं रसविरुद्ध सगरे पदार्थ जिननें एसें श्रीआचार्यजी महाप्रभु आप हैं.

या करि यह जताये जो जिन वस्तुनसूं लीलाकी सुधि न आवे सो आपको वस्तु प्रिय नाहिं.

सो क्यों जानिये सो कहत हैं:

ब्रज-प्रियः

ब्रज हे प्रिय जिनकों एसे आप हैं. या करि यह जताये जो ब्रजकों देखिके लीलाकी बहोत सुध आवति हे. तातें ब्रज प्रिय लागत हे.

अब कहत हैं जो ब्रज प्रिय हे यह क्यों जानि परे ? सो कहत हैं:

प्रिय-ब्रज-स्थितिः

प्रिय हे ब्रजमें स्थिति जिनकुं एसे आप हैं.

ब्रज यदि प्रिय न होइ तो उहां स्थिति न करें. या करि यह जताये जो ब्रज बहोत प्रिय हे.

तहां यह सन्देह होइ जो ब्रज प्रिय हे परि उहां स्थिति करिवेको प्रयोजन कहा

हे ? यह सन्देह दूर करिवेकेलिये आपको यह नाम कहत हैं:

पुष्टि-लीला-कर्ता

श्रीठाकुरजी जे रासलीला किये सो ब्रजहीमें किये. यह जानि श्रीआचार्यजी महाप्रभु ब्रजहीमें रहे. आपहु रासलीलाको अनुभव करत हैं ओर सेवकनकोहु रासलीलाको प्रकार जनावत हैं. यह जनाइवेकुं यह नाम कहे.

रहः-प्रियः

एकान्त हे प्रिय जिनकों एसे श्रीआचार्यजी महाप्रभु आप हैं.

काहेतें ? जो रासलीलाको अनुभव एकान्तहीमें होइ. यातें एकान्त बोहोत भावत हे ॥२६॥

“भक्तेच्छापूरकः “सर्वा ह्यज्ञातलीलोऽतिमोहनः” ॥

“सर्वासक्तो “भक्तमात्रासक्तः “पतितपावनः ॥२७॥

अब कहत हैं जो सेवकनों कबहुं श्रीठाकुरजीकी पुष्टिलीला जानिवेकी आर्ति देखिके आपुनही उनसों पुष्टिलीला कहि उनकी आर्ति दूर करत हैं. यह जतायवेकेलिये यह नाम कहत हैं:

भक्तेच्छा-पूरकः

भक्तनकी इच्छा पूरन करनवारे श्रीआचार्यजी महाप्रभु आप हैं.

अब कहत हैं जो पुष्टिलीला जानिवेकी भक्तनकी आरतिकुं देखिके जेसे पुष्टिलीला कहि विनकी आरति दूर करत हैं ता भांति आपुनको होवते रसको अनुभवहु सेवकनसों कहत होइंगे ? तहां कहत हैं:

सर्वाज्ञात-लीलः

सर्व भक्तन् करिहु न जानी जात हे लीला जिनकी एसे श्रीआचार्यजी महाप्रभु आप हैं.

या करि यह जाननो जो आपुनको जा रसको अनुभव होत हे सो अपने सेवकनहुसों नाहिं कहत हैं, ओर प्रकार कहत हैं.

अब कहत हैं जो काहु सेवककों भाग्य करि यह मनोरथ होय जो आपु जा रसको अनुभव करत हैं सो मेंहु जानुं तब वा सेवकहुको मनोरथ पूर्ण करत हैं. यह जतायवेकुं यह नाम कहत हैं.

अतिमोहनः

सेवककों कहिवे योग्य जे श्रीठाकुरजीकी लीला होय सो वा भांतिसों कहत हैं जो सुनत मात्रही रसको आवेश होत हे. ता करिके एसे मोहयुक्त होत हैं जो यों जानत हैं जो श्रीआचार्यजी महाप्रभु वार्ता कहि मेरो मनोरथ पूर्ण किये. सो या भांति सेवकनों अनुभव करावत हैं.

तहां यह शङ्का होत हे जो पुष्टिभक्तनों रसानुभव करावत हैं ओरसों नाहीं करावत हैं तामें कहा हेतु ? तहां कहत हैं:

सर्वासक्तः

अपने सेवकनूर्ते जे ओर हैं वे वा रसको अनुभव करिवे योग्य नाहीं हैं तातें नाहिं करावत हैं, विनकी उपेक्षा करत हैं यह जतायवेकुं यह नाम कहें.

भक्त-मात्रासक्तः

केवल पुष्टिमार्गीय भक्तन्में अतिकृपायुक्त हैं. ताते उनकों रसको अनुभव करावत हैं, ओरनों नाहिं करावत हैं.

अब अपने सेवकनूपे अतिकृपा करत हैं सो एक अन्य प्रकारतें कहत हैं:

पतित-पावनः

अपने पुष्टिमार्गीय जे पतित तिनकों पवित्र करनवारे आप हैं.

तहां यह पूर्वपक्ष होइ जो पुष्टिमार्गमें पाप कहा हे ? सो कहत हैं जेसे मर्यादामार्गमें वर्णधर्म-आश्रमधर्मसों विरुद्ध आचरण करे सो 'पतित' कहवावे ता भांति पुष्टिमार्गमेंहु जो आचरण कहे हैं तासूं विरुद्ध आचरण करे तथा ओर(अन्य) मार्गको आचरण करे सो 'पातकी' कहवावे. तातें एसेनकुं आप कहे हैं जो "अरे ! भक्तिमार्गके आचरणको छांडिके तू ओर आचरण क्यों करत हे ?" या भांतिसो उपदेश करिके फेरि भक्तिमार्गको आचरण करवाइ पतितनको उद्धार करत हैं. तासों यह नाम कहे ॥२७॥

“स्वयशो गानसंहृष्ट - हृदयाम्भोज - विष्टरः ॥

“यशःपीयूषलहरी - प्लावितान्यरसः ॥२८॥

अब कहत हैं जो अपवित्रनों पवित्र करिवेको सामर्थ्य हे यों कहे सो क्यों जानि पड़े ? तहां कहत हैं:

स्व-यशोगान-संहृष्ट-हृदयाम्भोज-विष्टरः

श्रीआचार्यजी महाप्रभुके यशको गान करि अति आनन्दित जे भक्त, तिनके भक्तिमार्गीय हृदयकमल आसन हैं जिनके एसे श्रीआचार्यजी महाप्रभु आप हैं.

याको अभिप्राय यह हे जो आप भक्तनके पाप दूर करत हैं तासों भक्तनके मनमें आपको यश आवत हे. तब सब सेवक आनन्दयुक्त होत हैं. एसे सेवकनके हृदयमें आप सदा बिराजे हैं.

तहां यह पूर्वपक्ष होइ जो यह क्यों जानिये जो आपकी सेवकनके हृदयमें

स्थिति हे ? तहां कहत हैं:

यशः-पीयूष-लहरी-प्लावितान्य-रसः

अपने यशरूपी अमृततरङ्गते प्लावित करी न्यून करि दिये हैं अन्य रस जिनमें एसे श्रीआचार्यजी हैं.

यदि सेवकनके हृदयमें आपकी स्थिति न होइ तो आप अपने रसरूपी अमृतके तरङ्गसों सेवकनके हृदयमें ओर रस भुलाय डारत हैं सो बात न होइ. ओर याकों अमृत करिके कहे सो क्यों ? तहां कहत हैं जो जैसे स्वर्गमें देवतानकों अमृतही जीवेको कारण हे ता भांति पुष्टिमार्गमें आपको यश भक्तनके जीवेको कारण हे.

तहां यह पूर्वपक्ष होइ जो आप अपने यश करि ओर सब यश भुलावत हैं सो क्यों ? तहां कहत हैं:

परः

श्रीआचार्यजी महाप्रभु कैसे हैं ? अक्षरहुते पर हैं, पुरुषोत्तमरूप हैं. यातें अपने रस करि ओर रस भुलावत हैं ॥२८॥

^{१०}लीलामृत - रसार्द्राद्री - कृताखिल - शरीरभृत् ॥

^{११}गोवर्धन-स्थित्युत्साहः ^{१२}तल्लीला-प्रेम-पूरितः ॥२९॥

अब कहत हैं जो आप श्रीठाकुरजीकी लीलारूपी अमृतसों सेवकनके मनोरथ भलीभांति पूर्ण करत हैं. यह जतायवेकुं यह नाम कहत हैं:

लीलामृत-रसार्द्राद्री-कृताखिल-शरीरभृत्

श्रीठाकुरजीको लीलारूपी जो अमृतरस तासों भीजेहुते भक्तनकों अति भीजे किये हैं जिनमें एसे आप हैं.

श्रीसर्वोत्तमस्तोत्रम्

६३

तहां दोइ बार 'भीजे' कहे ताको अभिप्राय यह जो श्रीआचार्यजी महाप्रभून्की कृपासों लीलारससूं भीजे जो सेवक हैं वे अपने पास जे बैठत हैं तिनहुंकों भगवद्रससों आद्र करि देत हैं. जैसे भीज्यो वस्त्र होय सो सूखे वस्त्रकों भीज्यो करे ता भांति. सो आपु अपने सेवकनों बाहिर-भीतरसों लीलारससों परिपूर्ण करत हैं.

अब कहत हैं जो श्रीआचार्यजी अपने सेवकनों अपनो प्रिय स्थल हु जनावत हैं सो कहत हैं:

गोवर्धन-स्थित्युत्साहः

श्रीगोवर्धन पर्वत समीप रहिवेको सदा उत्साह हे जिनको एसे आप हैं.

श्रीगोवर्धन पर्वत समीप रहिके पर्वतको स्वरूपहु जताये जो रत्नमय गैरिकादिधतु(गेरु - सुवर्ण)मय लीलासृष्टिको स्वरूप एसो श्रीगोवर्धन पर्वत हे यह जताये. नाहिं तो पहेले कोउ जानत न हतो.

तल्लीला-प्रेम-पूरितः

गोवर्धनोद्धरणलीलाके रसतें आप पूर्ण हैं.

श्रीठाकुरजी जब गोवर्धन धारण किये, तब इन्द्रके भयतें ब्रजवासी शरणि आये तिनकों सब जीवन्तें न्यारे, अपने करि सात दिन तांइ भूख - प्यास सब दूरि करि स्वरूपानन्दको दान करि रक्षा किये. यह लीला करि प्रगट भये प्रेमसूं पूर्ण हैं ॥२९॥

^{१३}यज्ञभोक्ता ^{१४}यज्ञकर्ता ^{१५}चतुर्वर्गविशारदः ॥

^{१६}सत्यप्रतिज्ञः ^{१७}त्रिगुणातीतो ^{१८}नयविशारदः ॥३०॥

श्रीसर्वोत्तमस्तोत्रम्

६४

यज्ञ-भोक्ता

श्रीआचार्यजी महाप्रभु आपु प्रभुके मुखारविन्दावतार अग्निस्वरूप हैं तासों यज्ञीय हविको भोग करनवारेहु आपही हैं. तातें 'यज्ञभोक्ता' पहले कहे.

तहां यह पूर्वपक्ष होइ जो पहले याग किये बिना यागको भोग क्यों सम्भवे ? तहां कहत हैं:

यज्ञ-कर्ता

जो गोवर्धनयज्ञ करवेकी आज्ञा ठाकुरजीके श्रीमुखतें प्रगट भइ हे ओर श्रीठाकुरजीके मुखारविन्दस्वरूप श्रीआचार्यजी महाप्रभु आप हैं ताते 'यज्ञकर्ता' यह नाम कहे.

तहां अब कहत हैं जो श्रीगोवर्धनपूजामें सब ब्रजवासीनसूं पूजा कराय जो "तुम सब या गोवर्धनकी पूजा करो" ताकारिके सबनकों सब पुरुषार्थ सिद्ध कियो. सो जताइवेकुं यह नाम कहे:

चतुर्वर्ग-विशारदः

श्रीआचार्यजी पुष्टिभक्तिमार्गीय धर्मार्थ-काम-मोक्षके ज्ञाता हैं.

यद्यपि लोकमें तो चतुर्वर्ग करि 'धर्म-अर्थ-काम-मोक्ष' कहियत हैं. परि ब्रजवासीनकों यह पुरुषार्थ चाहिये नाहिं, एक श्रीठाकुरजीके स्वरूपको आनन्द चाहिये, सो ब्रजवासीनकों स्वरूपानन्दको अनुभव कराये.

तहां अब कहत हैं जो अपने सेवकनों पुष्टिमार्गीय धर्मार्थकाममोक्ष सिद्ध किये. ते धर्मादिक कोनसे ? सो कहत हैं ह्व धर्म तो श्रीठाकुरजीकी सेवा, अर्थ तो श्रीठाकुरजीको स्वरूप, कामना तो श्रीठाकुरजीहीकी, मोक्ष तो अलौकिक देह पाइके ब्रज भक्तनकी नांइ भजनानन्दको अनुभव करनो. जो ये पुरुषार्थको दान करत हैं.

सत्य-प्रतिज्ञः

यथार्थ हे प्रतिज्ञा जिनकी एसे आप हैं.

जब श्रीआचार्यजी महाप्रभु श्रीठाकुरजीकी आज्ञातें पुष्टिमार्गको प्रागट्य किये तब श्रीठाकुरजी यह कहे जो या मार्गमें मेरे शरण आवे तिनको मैं पुष्टिमार्गीय पुरुषार्थ दान करि उद्धार करूंगो. यह जताइवेकुं यह नाम कहत हैं.

तहां यह पूर्वपक्ष होइ जो अब तांइ सत्यप्रतिज्ञा तो काहुकी न देखी तो श्रीआचार्यजी महाप्रभुकी प्रतिज्ञा क्यों सत्य होइगी ? यह सन्देह दूर करिवेकुं यह नाम कहत हैं:

त्रिगुणातीतः

श्रीआचार्यजी प्राकृत गुणन्तें रहित हैं.

याको अभिप्राय यह जो जितने मनुष्य हैं तिनकों मायाको सम्बन्ध हे, तातें दोषयुक्त हैं. तातें उनकी प्रतिज्ञा सिद्ध नाहिं होत हे. ओर श्रीआचार्यजी महाप्रभु तो मायाके गुण करि रहित हैं, यातें निर्दोष हैं. तातें इनकी प्रतिज्ञाहु निर्दोष हे. यातें सत्य प्रतिज्ञा भई.

तहां अब कहत हैं जिन जीवनके उद्धारकेलिये प्रतिज्ञा किये तिन जीवनकों अपने मार्गकी रीति - मर्यादा जताइवेकेलिये अपने सिद्धान्तको जिनमें निरूपण हे एसे ग्रन्थहु आपने किये यह जतायवेकुं यह नाम कहत हैं:

नय-विशारदः

अपने सिद्धान्तनको शास्त्र, तिनके करिवेमें महानिपुण एसे श्रीआचार्यजी महाप्रभु आप हैं ॥३०॥

१००स्वकीर्तिवर्धनः १००तत्त्व – सूत्रभाष्यप्रदर्शकः ॥

१००मायावादाख्यतूलाग्निः १००ब्रह्मवादनिरूपकः ॥३१॥

स्व-कीर्ति-वर्धनः

श्रीआचार्यजी अपने सेवकन्में कीर्तिके बढ़ावनहारे हैं.

अपने मार्गके ग्रन्थनको निरूपण किये तब सेवक बढ़ाई करन लागे जो आपकी बराबर कोउ नाहिं. तातें अपने सेवकन्में कीर्तिके बढ़ावनहारे एसे श्रीआचार्यजी महाप्रभु आप हैं.

अब कहत हैं मायावादादि जो मतवाद, तिनके प्रगट करनवारे जो पण्डित तिनमेंहु अपनि कीर्ति बढ़ाये. सो नाम कहत हैं:

तत्त्व-सूत्र-भाष्य-प्रवर्तकः

व्यासजीके जे सूत्र हैं तिनके अर्थको निरूपण जामें हे एसो 'अणुभाष्य' ग्रन्थ ताके निरूपण करनवारे आप हैं.

तहां पूर्वपक्ष होइ जो व्याससूत्रके अर्थ तो शङ्कराचार्यादिकहु किये हैं तो श्रीआचार्यजी महाप्रभुन्में अधिकता कहा हे ? तहां कहत हैं जो वेदमें श्रीठाकुरजीको रसात्मक साकार स्वरूप कह्यो हे. ता भांति व्याससूत्रको अर्थ शङ्कराचार्यादिक नाहिं किये हैं, आपुनेही मार्गकी रीतिसों निराकार स्वरूपको निरूपण किये हैं, सो तो वेदविरुद्ध हे. ओर श्रीआचार्यजी महाप्रभु उत्तम रीतिसों निरूपण किये हैं. यह जतायवेकुं यह नाम कहे. या करि पण्डितन्मेंहु अपनी कीर्ति बढ़ाई.

तहां कोइ कहे जो आज कलियुगमें मायावादके आगे सब शास्त्र दूषित होइ गये हैं ता भांति अणुभाष्यहु दूषित होइ गयो ? यह सन्देह दूर करिवेकुं यह नाम कहत हैं:

माया-वादाख्य-तूलाग्निः

श्रीसर्वोत्तमस्तोत्रम्

६७

मायावादाख्य रुइकी ढेरीके भस्म करनवारे अग्निरूप आप हैं.

या करि जताये जो जेसे रुइकी बड़ी ऊंची ढेरी होइ सो रंचकहु अग्निके सम्बन्ध करि भस्म होइ जात हे ता भांति श्रीआचार्यजी महाप्रभु हैं. सो अग्निरूप श्रीआचार्यजीके आगे मायावाद रंचकहु ठहरी सकत नाहीं.

तहां यह सन्देह होइ जो मायावाद कोन वाद लेके दूर कियो ? सो कहत हैं:

ब्रह्म-वाद-निरूपकः

ब्रह्मवाद, जो जामें सब वस्तुकों सत्य (ब्रह्मात्मक) कह्यो हे, ता वादकों लेके मायावाद, जामें सब वस्तुनों मिथ्या कह्यो हे, ताकों दूर किये ॥३१॥

१०३अप्राकृताखिला-कल्प - भूषितः १०३सहजस्मितः ॥

१०३त्रिलोकीभूषणं १०६भूमि - भाग्यं १०३सहजसुन्दरः ॥३२॥

अप्राकृताखिलाकल्प-भूषितः

अलौकिक जे आभूषण तिन करिके श्रीआचार्यजी भूषित हैं.

सो अलौकिक आभूषण कौन ? जो व्याससूत्रके चारि अध्याय हैं प्रमाण, प्रमेय, साधन ओर फल. तिनमें जो चोथो अध्याय फलरूप, तामें भगवद्भावरूप अलौकिक आभूषण, तिन करि विभूषित हैं श्रीआचार्यजी महाप्रभु. तहां कोइ कहे जो शङ्कराचार्यादिकनेहु व्याससूत्रके चोथे अध्यायमें अपने मार्गके फल कहे हैं, परि जेसो कछू श्रीआचार्यजी महाप्रभु फलको निरूपण किये हैं ता भांति ओर कोउ निरूपण नाहिं किए. तातें अलौकिक आभूषण करि आप युक्त हैं. सो यह नाम कहे.

अब यह सन्देह होइ जो सेवकनों केसे जानि पड़े ? सो जताइवेकुं अगलो

श्रीसर्वोत्तमस्तोत्रम्

६८

नाम कहत हैं:

सहज-स्मितः

भगवद्भावरूप अलौकिक आभूषण आप धारण किये हैं तातें भावको जब स्मरण होत हे तब सहज मन्दहास्ययुक्त होत हैं. ता करिके सेवकन्को जानि पड़त हे जो आप अलौकिक भावयुक्त हैं.

अब कहत हैं जो श्रीआचार्यजी महाप्रभु सेवकन्को शोभा करनवारे हैं. यह जतायवेकुं ये नाम कहत हैं:

त्रिलोकीभूषणम्

‘त्रिलोकी’ पद करि सत्वगुण, रजोगुण ओर तमोगुण सहित जे सेवक ते कहियत हैं. त्रिलोकमें एसे सेवकन्की शोभा श्रीआचार्यजी महाप्रभुके सम्बन्ध करि हे, ओर भांति नाहिं. यह जतायवेकुं यह नाम कहे.

अब कहत हैं जो श्रीआचार्यजीके चरणारविन्दके सम्बन्धतें भूमिहुको उत्कर्ष सिद्ध भयो. यह जतायवेकुं यह नाम कहत हैं:

भूमि-भाग्यम्

भूमिके पूर्वपुण्य - फलरूप श्रीआचार्यजी महाप्रभु आप हैं.

याको अभिप्राय यह जो भूमिपे जो भक्त हैं तातें ताविषे श्रीआचार्यजी महाप्रभु भक्तिमार्गको प्रगट किये तब भूमिको परम आनन्द भयो जो मो ऊपर श्रीआचार्यजी महाप्रभुकी स्थिति हे. सो यह नाम कहे.

अब कहत हैं जो या भांति अपने दर्शन देयके सेवकन्के भाग्यकुं बढायवेवारे श्रीआचार्यजी महाप्रभु आप हैं यह जतायवेकुं यह नाम कहत हैं:

सहज-सुन्दरः

सेवकन्कुं श्रीआचार्यजी महाप्रभु अपने सहज स्वरूपके दर्शनको उपजावनहारे हैं, कृत्रिम नाहिं. या करि यह कहे जो भक्तन्के भाग्यरूप श्रीआचार्यजी महाप्रभु हैं ॥३२॥

१०० अशेष-भक्त-सम्प्रार्थ्य - चरणाब्ज-रजो-धनः ॥

अब कहत हैं जो भक्तन्को श्रीआचार्यजी महाप्रभुकी चरणरेणु यहलोक सम्बन्धी ओर परलोक सम्बन्धी पदार्थ तिनकी सिद्धि करनवारी हे. यह जतायवेकुं यह नाम कहत हैं:

अशेष-भक्त-सम्प्रार्थ्य-चरणाब्ज-रजोधनः

जिनकी चरणरेणु अशेषभक्तन्को यहलोक तथा परलोक सम्बन्धी पदार्थकी सिद्धि करनवारी हे एसे श्रीआचार्यजी हैं.

सेवकन्के यहलोक सम्बन्धी पदार्थ कोन ? जो सेवाकेलिये स्त्री-पुत्र-धनादिक. परलोक सम्बन्धी पदार्थ कोन ? जो श्रीठाकुरजीको सम्बन्ध. तिनके सिद्ध होइवेकेलिये जतायो जो सब वस्तु सिद्ध होइवेके विषे जो मांगनो सो तो श्रीआचार्यजी महाप्रभुके चरणारविन्दकी रज मांगनी ओर कछू न मांगनो.

या भांति श्रीआचार्यजी महाप्रभुके एकसो आठ नाम कहि अब उपसंहार करत हैं.

इत्यानन्द-निधेः प्रोक्तं नाम्नाम् अष्टोत्तरं शतम् ॥३३॥

इति = या प्रकारसूं

आनन्दनिधेः = आनन्दकी निधिके

नाम्नाम् = नामनकुं

अष्टोत्तरं शतम् = एकसो आठ

प्रोक्तम् = कहे

तदप्राप्तौ वृथा मोक्षः तदाप्तौ तद्गतार्थता ॥
अतः सर्वोत्तमं स्तोत्रं जप्यं कृष्णरसार्थिभिः ॥३५॥

टीका : आनन्दसमुद्ररूप श्रीआचार्यजी महाप्रभु, तिनके एकसो आठ नाम हम श्रीविट्ठलनाथजी, प्रकर्ष करि निरूपण किये. तहां श्रीआचार्यजी महाप्रभूको आनन्दरूप समुद्र हे सो अगाध होई, सदा जलपूर्ण होई, निरन्तर उच्छलित तरङ्गवत् होई ता भांति आपहु भांति - भांति रससम्पूर्ण हैं. ओर जिनमें भावन्के तरङ्ग निरन्तर उठत हैं ऐसे हैं. ओर समुद्रमें जैसे रत्नके समूह होइ ता भांति आपके भावन्में हे ॥३३॥

अब श्रीसर्वोत्तमस्तोत्रके पाठको फल कहत हैं.

श्रद्धा-विशुद्ध-बुद्धिर् यः पठत्यनुदिनं जनः ।
स तदेक-मना सिद्धिम् उक्तां प्राप्नोत्यसंशयम् ॥३४॥

श्रद्धा-विशुद्ध-बुद्धिः = श्रद्धासूं विशेष पठति = पाठ करे हे
करिके शुद्ध हे बुद्धि जाकी एसो सः = वो, असंशयम् = संशय रहित
तदेकमना = एक मात्र विनमें मनवारो उक्तां = कही भयी
जनः = व्यक्ति, यः = जो सिद्धि = सिद्धिकुं
अनुदिनं = प्रतिदिन प्राप्नोति = प्राप्त करे हे

टीका : जो श्रीआचार्यजी महाप्रभुमें श्रद्धा करि शुद्ध हे. अर्थात् दुःसङ्गादिकन् करि दुष्ट न होइ एसी बुद्धिवालो भगवदीय होइ, जो निरन्तर पाठ करे तो पहले आपुनमें एकमन होइ, पाछे श्रीठाकुरजीके अधरामृतको आस्वादनरूप जो सिद्धि ताकी प्राप्ति होइ यह फल सर्वोत्तमके पाठतें होइ यामें सन्देह न करनो. यह प्रतिज्ञा श्रीगुसांईजी करत हैं ॥३४॥

अब कहत हैं जो पुष्टिमार्गको फल मुक्तिहुते अधिक हे यह जताइवेकुं कहत हैं :

तदप्राप्तौ = वो प्राप्त नहिं होवे तो तद्गतार्थता = वाकी गतार्थता हे
मोक्षः = मोक्ष अतः = यासूं
(प्राप्तोपि = प्राप्त होयवेपेहु) कृष्णरसार्थिभिः = कृष्णरसकी
इच्छावारेनुकुं
वृथा = व्यर्थ हे सर्वोत्तमं = सर्वोत्तम
तदाप्तौ = वाकी प्राप्तिमें स्तोत्रं = स्तोत्रकुं, जप्यम् = जपनो

टीका : श्रीआचार्यजी महाप्रभूके सेवकनों यदि पुष्टिमार्गके फलकी प्राप्ति भई तो सायुज्यादिक जे मुक्ति ते वृथा हैं. क्यों जो पुष्टिमार्गको फल सबतें अधिक हे. सो सर्वोत्तमके पाठतें सिद्ध होई. तातें जिनकों श्रीआचार्यजी महाप्रभुकी कृपातें श्रीठाकुरजीके अधरामृतकी वांछना हे तिनकरि सर्वोत्तमस्तोत्रको जप करनो. ताको यह अर्थ जो जब तांइ सन्देह बिना पाठ न आवे तब तांइ पुकारिके पाठ करनो ओर जब भलीभांति आवे तब गुप्त करि जप करनो. ओर यह स्तोत्र पुष्टिमार्गके फलकों सिद्ध करनवारो हे याहीते याको नाम सर्वोत्तम हे. सो निरन्तर जपनो. या भांति अग्निरूप श्रीआचार्यजी महाप्रभु तिनके कुमार श्रीगुसांईजी यह ग्रन्थ प्रगट किये हैं ॥३५॥

एवम् आचार्यनामानि विवृतानि यथामतिः ।
पितृपादाब्जकृपया नान्यसाधनतो मया ॥

अब श्रीगोकुलनाथजी कहत हैं जो या भांति जेसी मेरी बुद्धि हती ता भांति श्रीगुसांईजीके चरणकमलकी कृपातें श्रीआचार्यजी महाप्रभूके एकसो आठ नामन्की टीका मैं कीनी; ओर मोंको कोउ साधन न हतो. सो श्लोक अब कहत हैं :

यद्यत्र बुद्धिदोषेण विवृतावन्यथाकृतिः ।
क्षमन्त्वाचार्यचरणा मद्भृत्योयमिति स्वतः ॥

श्रीगोकुलनाथजी कहत हैं जो कदाचित् बुद्धिके दोषकरिके टीकामें हम अन्यथा किये होंय तोहु श्रीआचार्यजी महाप्रभुके चरणारविन्द हमारी रक्षा करो !

॥ एसें श्रीगोकुलनाथजीकृत सर्वोत्तमस्तोत्रटीकाकी
ब्रजभाषा सम्पूर्ण भई ॥

॥ श्रीवल्लभाष्टकम् ॥

(३)

श्रीगोकुलनाथजीकृत टीकाको ब्रजभाषानुवाद

यत्पादरजमागत्य मनो मे चञ्चलीकृतम् ।

तत्कृताचार्यपद्यानि विवृतौ यत् प्रवर्तते ॥

विवृतेः सफलत्वाय नत्वा पितृपदाम्बुजम् ।

विवृतिः कर्तुमारब्धान् अतिविश्वासतो मया ॥

श्रीगोकुलनाथजी कहत हैं, श्रीगुसांईजीके चरणारविन्दकी रजने मेरे मनकों आयके चञ्चल कर्यो, याहीतें श्रीगुसांईजीके किये श्रीआचार्यजी महाप्रभूके आठ श्लोक तिनकी टीका करिवेकुं मैं उद्यत भयो हुं. तहां कहत हैं जो यह टीका पूरी होय यातें हम श्रीगुसांईजीके चरणकमलकों नमस्कार करत हैं. या नमस्कारके विश्वासतें ही मैं टीका करिवेको आरम्भ कियो हुं.

अब कहत हैं जो श्रीआचार्यजी महाप्रभुको स्वरूप, धर्म ओर आपके सेवक सब यद्यपि अलौकिक हैं पर इनको जन्म लोकमें हे. तहां यह सन्देह होत हे जो लौकिक जन्मादिक तो कर्मके अधीन हैं, सो सामान्य लोकनकी नांइ श्रीआचार्यजी ओर सेवकन् के जन्मादिक क्यों देखियत हैं ? सो सन्देह दूर करिवेकुं श्रीगुसांईजी श्रीआचार्यजी महाप्रभूको स्वरूप जेसो हे तेसो कहत हैं. ओर जा भांति इनको प्रागट्य हे सोउ कहत हैं. ओर श्रीआचार्यजी महाप्रभु प्रगट होयके जो-जो कार्य किए ते सब अपने सेवकन्सों कहत हैं.

श्रीमद् - वृन्दावनेन्दु - प्रकटित - रसिकानन्द - सन्दोहरूप -

स्फूर्जद्-रासादि-लीलामृत-जलधि-भराक्रान्त-सर्वोऽपि शश्वत् ॥

तस्यैवात्मानुभाव - प्रकटन - हृदयस्याज्ञया प्रादुरासीद्

भूमौ यः सन्मनुष्याकृतिरिति - करुणस् तं प्रपद्ये हुताशम् ॥१॥

अन्वयार्थ :

शशवत् = निरन्तर

श्रीमद्-वृन्दावनेन्दु-प्रकटित-रसिकानन्द-सन्दोहरूप-स्फूर्जद्-रासादि -लीलामृत
- जलधि - भराक्रान्त - सर्वः = श्रीवृन्दावनके चन्द्रके द्वारा प्रकटित रसिक
भक्तनके आनन्दके सन्दोहरूपसों विस्तरित होती रास आदि लीलाके अमृतसमुद्रसों
आप्लावित सब होयवेसों

अपि = हु

भूमौ = भूतलपे

सन् = होयवे पर

यः = जो

आत्मानुभाव - प्रकटनहृदयस्य =

अतिकरुणः = अति दयावान

अपने अनुभवकुं प्रकट

मनुष्याकृतिः = मनुष्यकी आकृतिवारे

करिवेके मनवारे

तं = विनकुं

तस्य = विनकी एव = ही

हुताशं = अग्निकुं

आज्ञया = आज्ञासों

प्रपद्ये = शरणागत होउं हुं

भावार्थ : श्रीमद्-वृन्दावनचन्द्र श्रीकृष्णने भक्तिरसिकनके काज जो आनन्दके
समूह जेसी रासादि लीलानके अमृतसिन्धुकों प्रकट कियो तातें सर्वदा जिनको
अङ्ग-प्रत्यङ्ग आप्लावित होयवेपे हु, जा तरहके रूप धारण करि जेसी लीला करनी
हे ताके अनुभव करावन्के आशयवारे श्रीकृष्णकी ही आज्ञातें जो अति करुणा
करि भूमिपे मनुष्याकृति धारण करिके प्रकटे ऐसे, अग्निकी शरणमें मैं जात हूं ॥१॥

टीका : श्रीआचार्यजी महाप्रभु केसे हैं सो कहत हैं. अखिल शोभायुक्त जो
श्रीवृन्दावन, जहां लक्ष्मीजीको सदा वास हे अथवा ब्रजभक्तन् सहित जो वृन्दावन
ताके चन्द्रमारूप जे पूर्णपुरुषोत्तम. याहीतें वृन्दावन अलौकिक हे. काहेतें ?
लौकिक वनको अधिपति लौकिक चन्द्रमा जेसे लौकिक वनकों आनन्द उपजावे
ता भांति या अलौकिक वृन्दावनके चन्द्रमारूप जो रसात्मक पूर्णपुरुषोत्तम सो या
वनकुं आनन्दके उपजावनहारे हैं. ओर वेणुनादद्वारा सब ठोर स्वरूपामृतको प्रवेश
करि सदा रस प्रकट करनवारे ऐसे चन्द्रमारूप जो पूर्णपुरुषोत्तम तिन करि प्रगट
कियो जो ब्रजभक्तनके काज आनन्दसमूह तासों श्रीआचार्यजी महाप्रभुको अङ्ग-
प्रत्यङ्ग भीतर-बाहिरसूं आप्लावित हे.

श्रीवल्लभाष्टकम्

७५

“रासादिक लीला” कहि जे ‘अमृतसमुद्र’ कह्यो सो यातें जो अमृतरस होइ
सो मीठो होइ अरु मरणादिक सब दोषनकों दूरि करि; ओर जे स्वर्गमें होइ तिनहुंको
पावन करिवेकों योग्य हे. या भांति ये लीला हु महा मीठी हे. ओर जीवनके
लौकिक देह दूरि करि अलौकिक अमर देहकी प्राप्ति करावनवारे हैं. ओर समुद्र
जेसे अथाह होइ ओर उच्छलित तरङ्गवत् होइ ता भांति रासादिक लीला हु अथाह
हे; ओर जिनमें भावन्के तरङ्ग उठत हैं, यातें समुद्र हे. ता रासादिक लीलारूपी
जो अमृतको समुद्र ताको जो ज्वार तासों जटित हे सब अङ्ग जिनके ऐसे
श्रीआचार्यजी महाप्रभु हैं. या करि सदा रसरूप स्वरूपको निरूपण किये.

तहां यह पूर्वपक्ष होय जो ऐसे रसरूप श्रीआचार्यजी महाप्रभुको लोकमें तो
प्रागट्य न सम्भवे ! तहां कहत हैं जो कर्मके आधीन श्रीआचार्यजी नहीं, जो ये
तो श्रीठाकुरजीकी इच्छाके आधीन हैं. तातें श्रीठाकुरजीकी आज्ञातें प्रगट भये हैं.
सो कहत हैं, श्रीपूर्णपुरुषोत्तमकी यह इच्छा भइ जो मेरी लीला जानिके सब जीव
लीलासृष्टिमें आवेंगे. तब लीलानकुं तो सोई प्रगट करे जो लीलाके भीतरको होई,
जाकुं लीलाको अनुभव होइ. सो ऐसे तो श्रीआचार्यजी ही हैं. तातें इनहीकों आज्ञा
दिये. तब जेसे पूर्णपुरुषोत्तम प्रगट भये ता भांति श्रीआचार्यजी महाप्रभुहु प्रगट भये.
तातें लौकिक पुरुषकी नांइ प्रागट्य न जाननो. ओर भूमिमें ब्राह्मणभेषसों प्रगट
होयवेकी आज्ञा भइ सो यातें जो ब्राह्मण सब वर्णनमें उत्तम हे. जो भक्तिमार्ग तिनमें
प्रशंसनीय होइ यातें ब्राह्मणमें प्रगट भये.

तहां यह पूर्वपक्ष होय जो एसो रस छांडिके श्रीआचार्यजी महाप्रभु भूतलपे
प्रगट भये सो क्यों ? तहां कहत हैं, श्रीआचार्यजी महाप्रभु अति कारुणिक हैं.
ताको यह अर्थ हे जो ठाकुरकोहु जीवऊपर इतनी इच्छा भइ जो सब जीव मेरी
लीला जानिके लीलासृष्टिमें आवें. यातें श्रीआचार्यजी अपनो रसहु छांडिके जीवके
उद्धारकेलिये प्रगट भये. तातें श्रीठाकुरजीतेहु श्रीआचार्यजीमें अति दया हे, तातें
प्रगट भये.

तहां यह पूर्वपक्ष होय जो स्वरूप जाने बिना शरण क्यों जाइ ? ताकेलिये
स्वरूप कहत हैं. अलौकिक ठाकुरके मुखारविन्दके अधिष्ठाता जो अग्नि ता रूप

श्रीवल्लभाष्टकम्

७६

आनन्दमय श्रीआचार्यजी महाप्रभुको स्वरूप जाननो. सो श्रीगुसांईजी कहत हैं जो एसे श्रीआचार्यजी तिनकी हम शरण जात हैं. या करि यह जताये जो सब सेवक नित्य श्रीआचार्यजीकी शरण जाऊ, जो सब वस्तुकी सिद्धि होई. यह उपदेश किये ॥१॥

या भांति श्रीआचार्यजी महाप्रभुको स्वरूप - प्रागट्य विषे कारण, श्रीठाकुरजीकी आज्ञासों; ओर प्रागट्यको प्रकार कहिके अब श्रीआचार्यजी महाप्रभु प्रगट होयके असाधारण काज किये सो काज काहुसों सिद्ध न होइ सो निरूपण करत हैं:

नाविर्भूयाद् भवांश्चेद् अधि-धरणि-तलं भूतनाथोदितासन् -
मार्गध्वान्तान्धतुल्या निगमपथगतौ दैवसर्गेऽपि जाताः ॥
घोषाधीशं तदेमे कथमपि मनुजाः प्राप्नुयुर् नैव दैवी
सृष्टिर् व्यर्था च भूयान् निजफलरहिता देव ! वैश्वानरैषा ॥२॥

देव ! = हे देव	भूतनाथोदिताऽसन्मार्गध्वान्तान्धतुल्या
वैश्वानर ! = हे वैश्वानर	प्रचारित असन् मार्गरूप
चेद् = यदि, भवान् = आप	अन्धकारसों अन्धसे होय जाते
अधिधरणितलं = भूतलपर	कथमपि = काहु प्राकारसों
न = नाहिं	घोषाधीशं = ब्रजके अधिपतिकुं
आविर्भूयाद् = प्रकट होते	नैव = नहिंही
निगमपथगतौ = वेदके मार्गपि चलिवेमें	प्राप्नुयुः = प्राप्त कर सके होते
दैवसर्गे = देवसर्गमें, अपि = हु	निजफलरहिता = अपने फलसों रहित
जाताः = जनमेभये	सृष्टिः = सृष्टि
इमे = ये एषा = ये,	व्यर्था = अर्थ बिनाकी, च = ही
मनुजाः = मनुष्य	भूयात् = होय जाती

भावार्थ : हे देव, हे अग्निस्वरूप ! यदि आप या भूतलपे प्रकट न होते तो वेदोक्तमार्गकी सरणीमें दैवसर्गमेंहु प्रकट भये, किन्तु श्रीमहादेवके कहे असन्मार्गके अन्धकारते अन्धेनकी तरह भये ये जीव, श्रीनन्दनन्दन श्रीकृष्णकुं कोउ तरहसूं हु प्राप्त नाहीं होते और अपने श्रीहरिरूप फलसूं रहित भई यह दैवी सृष्टि हु व्यर्थ होय जाती ॥२॥

टीका : अब श्रीगुसांईजी कहत हैं, यदि श्रीआचार्यजी भूमिपे प्रगट न होते तो ये दोय भांतिकी दैवी सृष्टि, मर्यादारूप ओर पुष्टिरूप सो व्यर्थ होइ जाती. सो काहेतें ! जो प्रगट न होते तो ये दोय कार्य सिद्ध न होते : पुष्टिमार्गके साधन ओर फलन् को ज्ञान काहुकों न होतो. तहां यह पूर्वपक्ष होय जो मर्यादामार्ग तो वेदने कह्यो हे ताके साधन वेदमें कहे हैं तो वेदके साधन सब कोउ करेंगे, तासूं मुक्ति होयगी. तो श्रीठाकुरजी मर्यादामार्गके साधन ओर फल कहे हैं, ता भांतिको ज्ञान काहुको होय तो फलसिद्धि होय ता भांतिको ज्ञान नाहीं तो फल हु नाहीं तहां संदेह हु नाहीं. तहां यह सन्देह होत हे जो ओर काहुको ज्ञान क्यों नाहीं ? तहां कहत हैं जो मर्यादामार्गके साधन जिनमें कहे हैं एसे जो वेदवाक्य तिनको सब कोउ अपने मनके अनुसार अर्थ करिके कहन लागे, तातें साधनहु अनेक भांतिके कहन लागे. तहां कहत हैं जो अनेक मतन्को मूल कहा ? सो कहत हैं जो श्रीमहादेवकरि प्रगट किये सो मोहशास्त्र तिनमें अपने-अपने मनके अनुसार अर्थ करि मर्यादामार्गके साधन ओर फल कहन लागे. तातें एक भांतिके साधन ओर फल न कहे. ते साधन - फल वेदमार्गसों विरुद्ध हैं. कहा भांति ? जो गीतामें तो यों कह्यो हे “भक्त्या माम् अभिजानाति” (भग.गीता १८।५५) जो भक्तिसों ठाकुरके स्वरूपको जब ज्ञान होइ तब ठाकुरमें जाइके प्रविष्ट होइ. आनन्दको अनुभव होइ. सो यह फल वेदमें कह्यो हे.

परि मायावादी शास्त्रविरुद्ध कहे हैं जो एक निराकार ब्रह्म सत्य हे ओर सब मिथ्या हे. सो कल्पित गुरु जब उपदेश करत हैं जो “अरे ! तू तो निराकार ब्रह्म हे. जीव तो कल्पित हे” सो या भांति जब कहत हैं तब उपदेशकों लेवनवारो कहत हे: “में ब्रह्म हुं -में ब्रह्म हुं”. या भांति जब कहत हे तब जीवको नाश होत हे. याको नाम मुक्ति जो कहत हैं सो न बने. काहेते ? जो मुक्ति तो पुरुषार्थ

हे. तो जीवको नाश भयो तब फलको अनुभव कोन करेगो ? तातैं उनको मत वेदसूं विरुद्ध हे.

यातैं विरुद्ध न्यायशास्त्रको मत हे. वे तो यों कहत हैं जो सोलह पदार्थ हैं: १. प्रमाण २. प्रमेय ३. संशय ४. प्रयोजन ५. दृष्टान्त ६. सिद्धान्त ७. अवयव ८. तर्क ९. निर्णय १०. वाद ११. जल्प १२. वितण्डा १३. हेत्वाभास १४. छल १५. जाति १६. निग्रहस्थान. इन सोलह पदार्थनूको ज्ञान सो मुक्तिमें साधन हे. ओर मुक्तिकों सुख - दुःखको अत्यन्ताभाव करि मानत हैं. वेदमें तो मुक्तिको स्वरूप आनन्दरूप निरूपण कियो हे. तातैं ये मतहु वेदसों विरुद्ध हे.

ओर कर्मवादी कहा कहत हैं जो स्वर्गके आनन्दको कोउ अनुभव करे ताको नाम 'मुक्ति'. सो वेदसों विरुद्ध हे. काहेतैं ? वेदमें ब्रह्मानन्दके अनुभवकों ही मुक्तिरूप मान्यो हे. ओर स्वर्गलोकमें तो कछू ब्रह्मानन्दको अनुभव हे नाहीं. तातैं इन मार्गनूके अनुसरण करिवेपे वेदमें कछ्यो जो मुक्तिमार्ग तामें प्रतिबन्ध आवत हे.

तातैं इन मार्गनूकों अन्धकाररूप मानियत हे. सो काहेते ? जो अन्धकार जब होत हे तब काहुको जा मार्गपे चलनो होय सो मारग सूझत नाहीं. तेसेई असत् शास्त्रनूके कारणहु सांचो मुक्तिमार्ग सूझत नाहीं. ता करि असत् शास्त्रनूको अनुसरण करिवेवारेनूकों अन्धतुल्य जाननो. सो काहेतैं ? आसुरी जीवनों प्रवृत्ति - निवृत्तिको ज्ञान सर्वथा होत नाहीं. तातैं स्वाभाविक अन्धत्व हे. परि दैवी जीवनों तो मुक्तियोग्य मान्यो हे तोऊ असत् शास्त्रनूके अनुसरण करिवेपे तो वेहु अन्धतुल्य बनि जात हैं. परि सत्सङ्गते उनको अज्ञानान्धकार जब दूरि होत हे तब मुक्तिमार्ग फेरि सूझ परत हे. तातैं श्रीगुसाईजी श्रीआचार्यजी महाप्रभूसों कहत हैं जो तुम प्रगट होयके मर्यादामार्गको साधन ओर जो फल हतो सो निरूपण किये. तातैं यदि तुम न प्रगट होते तो मर्यादामार्गको फलहु न होतो. सो कहत हैं जेसे पुष्टिमार्गीय जीव हैं तिनकों हु पुष्टिमार्गके साधनको ज्ञान न होवतो तो विनकों साक्षात् ठाकुरको सम्बन्धरूप फलकी प्राप्ति न होवती.

अहो देव ! तुम क्रीड़ा करिवेकेलिये प्रगट भये हो; ओर अहो वैश्वानर ! अलौकिक अनिरूप यों कही यह जताये जो तुममें मार्गनूके फल देवेको सामर्थ्य

हे. तातैं तिहारे प्रागट्यते पहले कोउ साधन जानत न हतो. सो तुम प्रगट होय साधन सबनकुं जताय फलदान किये. तातैं तुम जो प्रगट न होते तो मर्यादारूप ओर पुष्टिरूप जो दोनों भांतिकी दैवीसृष्टि सो वृथा होय जाती ॥२॥

तहां पूर्वपक्ष होइ जो उत्तम मार्ग जितने हैं ते तो वेदमें कहे हैं. वेदमार्गके जाननवारेनूकों हु वेदके अर्थको ज्ञान तो होइगो. सो मर्यादामारग तथा पुष्टिमार्ग वेदमें कहे होंय तो उनको हु ज्ञान होयगो. तो श्रीआचार्यजी महाप्रभु प्रगट होयके कहा किये ? तहां कहत हैं जो वेदके व्याख्यान करनवारे हैं तिनकुं वेदको तात्पर्यज्ञान नाहीं. काहेतैं ? जो वेद श्रीआचार्यजी महाप्रभुनूके आगे ही अभिप्राय प्रगट करत हैं, तातैं श्रीआचार्यजी महाप्रभु ही वेदके तात्पर्यको जानत हैं ओर कोउ जानत नाहीं. सो कहत हैं:

न ह्यन्यो वागधीशाच् छ्रुतिगणवचसां भावम् आज्ञातुम् ईष्टे
यस्मात् साध्वी स्वभावं प्रकटयति वधूर अग्रतः पत्युरेव ॥
तस्माच् छ्रीवल्लभाख्य त्वदुदितवचनाद् अन्यथा रूपयन्ति
भ्रान्ता ये ते निसर्गत्रिदशरिपुतया केवलान्धन्तमोगाः ॥३॥

वागधीशाद् = वाणिके अधीशसों	श्रुतिगणवचसां = श्रुतिगणकी वाणीके
अन्यः = दूसरे	भावं = भावकों
आज्ञातुं = आछीभांतिसों जानिवेमें	श्रीवल्लभाख्य ! = हे श्रीमहाप्रभु !
नहि = नाहिं	ये = जो
ईष्टे = समर्थ हैं	त्वदुदितवचनाद् = तुम्हारे कहे वचनन्सों
यस्मात् = क्योंकि	अन्यथा = ओर तरहसों
पत्युरेव = पतिकेही	रूपयन्ति = निरूपण करें हैं
अग्रतः = अगाड़ी	ते = वे
साध्वी = सत्	निसर्गत्रिदशरिपुतया = स्वभावसोंही
वधूः = पत्नि	दैवन्के प्रति दुष्मतिके कारण
स्वभावं = अपुने भावकों	भ्रान्ता = भ्रमित

प्रकटयति = प्रकट करे हे
तस्मात् = तासों

केवलान्धतमोगाः = मात्र-
अन्धन्तम-नरककुं प्राप्त होंय हैं

भावार्थ : वाणीके पतिके सिवाय दूसरो कोऊ श्रुतिगणनके वचनके भावकुं जनायवेमें समर्थ नाही हे. क्यों जो पतिव्रता स्त्री अपने पतिके आगे ही अपने आशयकुं प्रकट करे हे. तासूं हे श्रीवल्लभाचार्य ! जो लोग आपके कहे वचनसूं अन्यथा वेदन्को अर्थ कहे हैं, वे स्वभावसूं ही असुरप्रकृति होयवेसूं भ्रान्त होयवेतें केवल अन्धतमकुं प्राप्त होत हैं.

टीका : श्रीगुसांईजी कहत हैं, श्रीआचार्यजी महाप्रभून्ते अन्य कोऊ वेदको अभिप्राय जानिवेमें समर्थ नाही. सो काहेतें ? जेसे पतिव्रता स्त्री होई सो अपनो अभिप्राय पतिहीके आगे प्रगट करे हे ता भांति वेद हु वाक्पति श्रीआचार्यजीके सन्मुख ही अपनो अभिप्राय प्रकट करे हैं. सो काहेतें ? वेदवचन ठाकुरके हैं. श्रीआचार्यजी महाप्रभु ठाकुरके मुखारविन्दरूप हैं. सो वचनको पति तो मुख ही होत हे. तातें श्रीआचार्यजी महाप्रभु वेदके पति हैं. अतएव पुरुषोत्तमको ही मुख्य करि निरूपण करत हैं; दूसरे देवतान्को ठाकुरके अंश करि, विभूति करि, सेवक करि निरूपण करत हैं. तातें पति ही पतिव्रता स्त्रीको अभिप्राय जानत हे. ता भांति श्रीआचार्यजी महाप्रभु ही वेदको अभिप्राय जानत हैं, ओर कोउ जानत नाही. तासों श्रीआचार्यजी महाप्रभु वेदको जो अर्थ किये तासूं जो विरुद्ध कहत हैं ते भ्रान्त हैं, विनकों आसुरी जीव जानने. ओर विनको कह्यो जे करत हैं तेऊ आसुरी जीव हैं. सो आसुरी जीवन्कों तो मायाकी उपासना हे. ताको फल अन्धन्तम ही मिले. स्वर्गादि लोकन्की प्राप्तिमें यद्यपि दुःख नाही परि आनन्दहु नाही. सो श्रीआचार्यजी महाप्रभुन्के प्रागट्यको एक कारण दैवी सृष्टीकुं सार्थक किये सो कहे ॥३॥

अब कहत हैं जो श्रीआचार्यजी या मार्गके प्राकट्यको जो कार्य किये तासूं श्रीठाकुरजीहु प्रसन्न भये.

प्रादुर्भूतेन भूमौ ब्रजपति-चरणाम्भोज-सेवाख्य-वर्त्म -
प्राकट्यं यत् कृतं ते तदुत निजकृते श्रीहृताशेति मन्ये ॥
यस्माद् अस्मिन् स्थितो यत्किमपि कथमपि क्वाप्युपाहर्तुम् इच्छ -
त्यद्वा तद् गोपिकेशः स्ववदनकमले चारुहासे करोति ॥४॥

श्रीहृताश ! = हे अग्नि !, भूमौ = भूमिपे निजकृते = निजभक्तन्के
अर्थ कियो हे

प्रादुर्भूतेन = प्रकट होयके

इति = एसो

ते = वो, यत् = जो

मन्ये = मानुं हुं

ब्रजपतिचरणाम्भोजसेवाख्यवर्त्मप्राकट्यं = यस्माद् = क्योंके

ब्रजपतिके चरणकमलकी सेवाके-

अस्मिन् = यामें

नामवारे मार्गको जो प्राकट्य

स्थितो = रह्यो भयो

कृतं = कियो हे, तद् = वो

यत्किमपि = जो कछुभी

उत = निश्चितरूपसूं

कथमपि = कोईभी तरहसूं

क्वापि = कहुंभी

उपाहर्तुम् = देयवेकुं

गोपिकेशः = गोपीन्के ईश

इच्छति = इच्छा करे हे

चारुहासे = हंसते भये

अद्वा = निश्चितरूपसूं

स्ववदनकमले = अपने मुखकमलमें

तद् = वाकुं

करोति = करे हैं

भावार्थ : हे अग्निस्वरूप ! भूतल पर प्रगट होयके आपने श्रीहरिके चरणकमलकी सेवा करिवेको मार्ग जो प्रकट कियो हे सो निश्चय करके अपने तथा भक्तन्केलिये ही प्रकट कियो हे. यह मैं मानुं हुं. क्यों जो या मार्गमें स्थित भक्त कोउ वस्तु, केसी हु तरहसूं, कहुं हु रहिके अर्पण करनो चाहे तो वा वस्तुकुं श्रीगोपीजन-वल्लभ अपने सुन्दर हास्यवारे मुखकमलमें अङ्गीकार करे हैं ॥४॥

टीका : श्रीगुसांईजी श्रीआचार्यजी महाप्रभून्सों कहत हैं जो तुम प्रगट होयके

ब्रजपति जे श्रीपूर्णपुरुषोत्तम तिनके चरणकमलकी सेवा करिवेको ये जो सेवामार्ग भूमिपे प्रगट किये हे सो अपने सन्तोषकेलिये हे. काहेतें ? पहिले यद्यपि पूजामार्ग हतो परि वामें श्रीआचार्यजी महाप्रभूनों सन्तोष न भयो. क्यों जो सेवामार्गमें पूर्णपुरुषोत्तम सेव्य हैं ओर पूजामार्गमें विभूतिरूप सेव्य हैं. सेवामार्गमें भावसू सेवा होत हे अरु पूजामार्गमें समयकों नियामक कह्यो हे जो सब कर्म करिके मध्याह्नमें पूजा करनी. ओर सेवामें तो समयको नियम नाहीं. जब मनमें आवे सेवा करे. ओर पूजामार्गमें नैवेद्य ठाकुरजीके विभूतिके आगे धरेंतें वह विभूति प्रसन्न होई. तातें अदृष्ट होत हे जो तासूं फल होई, बहोत तो मुक्ति होत हे. ओर सेवामार्गमें तो समर्पित वस्तुकों पूर्णपुरुषोत्तम साक्षात् आरोगिके फलतेंहु अधिक जो फल, जे ब्रजभक्तनों भयो, ताको दान करत हैं. तातें सेवामार्गमें पूजामार्गसों बड़ी विलक्षणता हे. तातें श्रीआचार्यजी महाप्रभुकोंहु पूजामार्गमें सन्तोष न भयो. तातें भक्तिमार्ग प्रगट किये.

तहां श्रीगुसांईजी कहत हैं अहो हुताश ! अग्निरूप कहे. जेसो भक्तिमार्ग प्रगट करिवेको सामर्थ्य हे तेसे तुम हो. ओर हमकों हु तुममें बहोत विश्वास हे. सो काहेतें ? तुम करि प्रगट कियो जो मार्ग तामें जो कोउ कार्य वामें मन करि स्थिति होई. सो कोन भांति ? शरीरको विनियोग ठाकुरकी सेवामें करे ओर वचनसूं ठाकुरके गुणगान गावे, मन ठाकुरहीमें राखे. या भांति जो रहनवारो हे सो या मारगमें अपने होइ आवे सो कछु वस्तु शास्त्रके विधि विनाहु जो ठाकुरकों समर्पिवेकी इच्छा करे तो साक्षात् रुचिसूं हंसत ब्रजभक्तन् सहित पूर्णपुरुषोत्तम अपने मुखारविंदसूं आरोगिके जीवनकों पुष्टिमार्गको फलदान करत हैं. तो श्रीगुसांईजी श्रीआचार्यजी महाप्रभुसों कहत हैं जो तुम यह मारग प्रगट न करते तो जीव कृतार्थ क्यों करि होतो ॥४॥

अब कहत हैं कदाचित् कोउ यों कहे जो श्रीआचार्यजी महाप्रभु रुद्ररूप जे अग्नि हे ता - रूप होंगे ? सो सन्देह दूर करिवेकों कहत हैं जो लौकिक अग्निके धर्म ओर श्रीआचार्यजी महाप्रभूनोंके धर्म विरुद्ध हैं:

उष्णत्वैक-स्वभावोऽप्यति-शिशिर-वचः-पुञ्ज-पीयूष-वृष्टीर्-

आर्तेष्वत्युग्र-मोहासुर-नृषु युगपत् तापमप्यत्र कुर्वन् ॥

स्वस्मिन् कृष्णास्यतां त्वं प्रकटयसि च नो भूत-देवत्वमेतद् -

श्रीवल्लभाष्टकम्

उष्णत्वैकस्वभावोऽपि = उष्णत्व ही स्वभाव अतिशिशिरवचःपुञ्जपीयूषवृष्टिः =
होयवे पेहु, आर्तेषु = दुखीजननृपे अत्यन्त-शीतल वचनरूप अमृत-
की वृष्टि समान हैं भूत-देवत्व = महादेवपनों
उग्रमोहासुरनृषु = उग्र मोहवारे असुरनृपे नः = नहीं
तापं = तापकुं अपि = भी यस्माद् = क्योंके
अत्र = यहां युगपत् = एकसाथ एतत् = ये, श्रीब्रजजननिचये =
कुर्वन् = करते भये ब्रजजनदेय हैं
त्वं = तुम / आप आनन्दम = आनन्द देय हैं
स्वस्मिन् = अपनेमें आसुराग्नेः = आसुरी अग्निके
कृष्णास्यतां = श्रीकृष्णकी मुखारविन्दताकुं
नाशकं = नाश करिवेवारे हैं
प्रकटयसि = प्रकट करो हो, च = ओर च = भी

भावार्थ : उष्णत्वको हे एक स्वभाव जिनको एसेहु, दीननृके ऊपर शीतल वचनरूप अमृतवृष्टिकुं करो हो ओर सङ्ग ही सङ्ग बड़े मोहवारे आसुरनृपे ताप हु करत आप - अपनेमें श्रीकृष्णास्यपनेकुं प्रकट करो हो; किन्तु अग्निपनो प्रगट नाहीं करो हो. कारण के यह आपको स्वरूप ब्रजजनसमूहमें तो आनन्द देवे हे ओर आसुराग्निको नाशहु करे हे ॥५॥

टीका : श्रीगुसांईजी कहत हैं जो तुम ऊग्रप्रतापवारे हो तोउ उष्णता सहित नाहीं हो. ओर लौकिक अग्नि जो उष्णता सहित होत हे ताके तुम घातक हो. लौकिक अग्निरूप कोउ कहे सोऊ न कहनो. काहेतें ? लौकिक अग्निकी उष्णता कबहुक बहोत होई कबहुक थोड़ी होई. ओर श्रीआचार्यजी महाप्रभु तो अलौकिक आनन्दरूप जे अग्नि हे ता रूप हैं. तातें आपमें उष्णता न्यारी हे यह जाननो. ओर श्रीआचार्यजी महाप्रभूनोंमें न्यारी ही रीति हे सो कहत हैं जो आप अपने सेवकनृकी आर्ती देखिके जे वचन कहत हैं सो वचन सेवकनृमें तो शीतल अर्थात् तापकों

श्रीवल्लभाष्टकम्

दूरि करनवारे अमृतरूप होत हैं ओर विन वचनकों जब असुर सुनत हैं तब उनकों बुरो लगत हे. तासों यदि श्रीआचार्यजी महाप्रभु रुद्राग्नि होंइ तो रुद्र तो असुरनके पक्षपाती हैं-असुरनके सेव्य हैं- असुरनके दूरि करनवारे नहीं ! परि श्रीआचार्यजी महाप्रभु तो अपने वचन करि सेवकनों आनन्द उपजावत हैं ओर असुरनों दूरिहु करत हैं. जेसैं पूर्णपुरुषोत्तमको मुखारविन्द ब्रजभक्तनकी आर्ति दूरि करनवारो हे ओर आसुर दावाग्निको पान करनवारो हे. तातें श्रीआचार्यजी महाप्रभूमैं अरु लौकिक अग्निमें बड़ी न्यारी रीति हे ॥५॥

अब कहत हैं जो श्रीआचार्यजी महाप्रभु अलौकिक कार्य करनवारे हैं ताते अलौकिक आनन्दमय हैं. सो कहत हैं:

आम्नायोक्तं यदम्भो भवनमनलतस् तच्च सत्यं विभो ! यत् -
सर्गादौ भूतरूपाद् अभवद् अनलतः पुष्करं भूतरूपम् ॥
आनन्दैकस्वरूपात् त्वदधिभु यद् अभूत् कृष्णसेवारसाब्धिश् -
चानन्दैक-स्वरूपस् तदखिलम् उचितं हेतुसाम्यं हि कार्ये ॥६॥

विभो = हे विभु !

आनन्दैकस्वरूपात् = आनन्दमात्र
स्वरूप

आम्नायोक्तं = वेदको कह्यो

त्वद् = आपसूं

यद् = जो, अनलतः = अग्निसों

अधिभु = पृथ्विपर

अम्भः = जलको, भवनं = होनो

कृष्णसेवारसाब्धिः =

तत् = वो, सत्यं = सत्य

श्रीकृष्णसेवारूपि रसके सागर

च = ओर, यत् = जो

आनन्दैकस्वरूपः = आनन्दमात्रस्वरूप

सर्गादौ = सृष्टिके आरम्भमें

अभूत् = भये, तत् = वो

भूतरूपाद् = भूतरूपसों

कार्ये = कार्यमें

अनलतः = अग्निसों

हेतुसाम्यं = हेतुको समानपनो

भूतरूपं = भूतरूप, पुष्करम् = जल

हि = ही, अखिलम् = सब

अभवद् = भयो, यद् = जो

उचितम् = योग्य हे (एव)

श्रीवल्लभाष्टकम्
८५

भावार्थ : वेदमें अग्निसूं जलको होनो कह्यो हे सो सत्य हे. हे प्रभो ! सृष्टिके आदिमें जेसे भूतस्वरूप अग्निसूं भूतस्वरूप जल भयो तेसैं या भूतलपे आनन्दस्वरूप आपसूं ये श्रीकृष्णसेवारूप रससमुद्र हु आनन्दस्वरूप ही भयो हे. यह उचित हु हे क्यों जो कार्यमें कारणको सादृश्य आवे ही हे ॥६॥

टीका : वेदमें जहां सृष्टिकी उत्पत्ति कही हे तहां पहले आकाश उपज्यो, आकाशते वायु, वायुते अग्नि, अग्निते जल सो या भांति उत्पत्ति कही हे. सो आधिभौतिक पदार्थकी उत्पत्ति कही हे. सो श्रीगुसांईजी कहत हैं, उहां जो अग्नि कह्यो हे तातें जलको प्रागट्य हे. सो लौकिक जलको प्रागट्य हे. काहेतें ? जेसो कारण होई तेसोई कार्य होइ. तो कारण लौकिक प्रगट भयो. ओर श्रीआचार्यजी महाप्रभु आपु तो आनन्दाग्निरूप हैं तातें विनते प्रगट भयो जो भूमिपे श्रीठाकुरजीकी सेवारूपी परमानन्दको समुद्र सोऊ अलौकिक हे ॥६॥

अब ओरहु धर्मनकरि अलौकिक अग्निरूप श्रीआचार्यजी महाप्रभु हैं सो निरूपण करत हैं:

स्वामिन् श्रीवल्लभाग्ने ! क्षणमपि भवतः सन्निधाने कृपातः
प्राणप्रेष्ठ-ब्रजाधीश्वर-वदन-दिदृक्षार्ति-तापो जनेषु ॥
यत् प्रादुर्भावमाप्नोत्युचिततरमिदं यत् पश्चाद् अपीत्थं
दृष्टेऽप्यस्मिन् मुखेन्दौ प्रचुरतरम् उदेत्येव तच्चित्रम् एतत् ॥७॥

स्वामिन् श्रीवल्लभाग्ने ! =

क्षणमपि = क्षणहु

हे स्वामि अग्निस्वरूप श्रीवल्लभ !

सन्निधाने = सन्निधान होयवे पे

भवतः = आपके

कृपातः = कृपासों

जनेषु = लोगनमें

यत् = जो तो, अस्मिन् = ये

प्राणप्रेष्ठब्रजाधीश्वरवदनदिदृक्षार्ति-

मुखेन्दौ = मुखरूप चन्द्रकों

तापो = प्राणनसूंहु प्रिय ब्रजके

दृष्टेऽपि = देखिवे

श्रीवल्लभाष्टकम्
८६

अधिपतिके वदनकों देखिवेकी	पश्चाद् = पीछे, अपि = भी
आर्तिको ताप, यत् = जो	इत्थं = या तरहसू
प्रादुर्भावम् = प्रकट	प्रचुरतरम् = अतिशय तीव्रतासों
आप्नोति = होय हे	एव = ही, उदेति = प्रकट होय हे
इदम् = ये	तद् = वो, एतत् = ये
उचिततरं = उचिततर	चित्रम् = आश्चर्यजनक हे

भावार्थ : स्वामिन् ! अग्निस्वरूप आचार्यवर्य ! आपके क्षणभर सन्निधानसू, कृपा करके भक्तनके प्राणनसूहु प्रिय श्रीहरिके मुखकमलकों देखवेकी इच्छाको ताप होय हे, सो उचितही हे. परन्तु पीछे श्रीहरिके मुखकमलकुं देखिकेहु विशेषतर ताप होय हे ये आश्चर्य हे ! ॥७॥

श्रीगुसांईजी कहत हैं, अहो श्रीवल्लभ ! अहो अग्निरूप ! हमारे स्वामी ! तिहारे पास एक क्षणहु बेठेतें तिहारी कृपातें प्राणहुतें प्रिय जो श्रीपूर्णपुरुषोत्तम तिनके मुखारविन्दको दर्शन जो साक्षात् होत नाही तातें तिहारे सेवकनमें तिहारे पास रहेते ताप होत हे यह बात तो उचित हे. काहेते ? जेसे लौकिक अग्निहुके पास रहेते ताप होत हे ओर अग्निमें ज्यों - ज्यों इंधन अधिक होई त्यों - त्यों तापहु अधिक होत हे तेसे श्रीठाकुरजीकी कृपा अधिक होई त्यों - त्यों तापहु अधिक होइ, यह बात तो उचित हे. परि यह बड़ो आश्चर्य हे जो तिहारो एक बार जो पहले नैकट्य भयो ताके पाछे नैकट्य विनाहु सेवकनकों ताप उदय होई. काहेतें ? लौकिक अग्निमें नैकट्य बिना तो ताप होत नाही ओर यहां तो नैकट्य विना हु अलौकिक ठाकुरके मिलिवेको ताप होत हे यह बड़ो आश्चर्य हे. ओर कहत हैं जो चन्द्रमाके देखेतें तापको निवर्तन होई. यहां तो श्रीआचार्यजी महाप्रभुनके मुखचन्द्रके दर्शनतें अलौकिक ताप प्रगट होत हे. तातें तुम अलौकिक अग्निरूप हो ॥७॥

अब ओर हु धर्मनको निरूपण करि श्रीआचार्यजीको अलौकिक स्वरूप ओर पूर्णपुरुषोत्तम स्वरूप प्रमाण करि निरूपण करत हैं :

अज्ञानाद्यन्धकार-प्रशमनपट्टता-ख्यापनाय त्रिलोक्याम्
अग्नित्वं वर्णितं ते कविभिरपि सदा वस्तुतः कृष्णएव ॥
प्रादुर्भूतो भवान् इत्यनुभव-निगमाद्युक्त-मानैर् अवेत्य
त्वां श्रीश्रीवल्लभमे निखिलबुधजनाः गोकुलेशं भजन्ते ॥८॥

त्रिलोक्यां = तीन लोकनमें	कृष्ण = श्रीकृष्ण, एव = ही
कविभिः = विद्वाननमें	प्रादुर्भूतः = प्रकट भये हैं
अपि = हु, ते = वो	इति = ये
अग्नित्वम् = अग्निपनों	अनुभवनिगमाद्युक्तमानैः = अनुभव वेद
अज्ञानाद्यन्धकार-प्रशमन-पट्टता-ख्यापनाय = आदिमें कहे प्रमाणनसू	
अज्ञान आदि अन्धकारको	अवेत्य = जानिके
आछि भांतिसों शमन करिवेकी	श्रीश्रीवल्लभ = हे श्रीवल्लभ !
चतुराङ्कों प्रकट करिवेके अर्थ	त्वां = आपकुं इमे = ये
सदा = सदा	निखिलबुधजना = सब ज्ञानिलोग
वर्णितं = वर्णन कियो हे	गोकुलेशं = गोकुलके ईशुकुं
वस्तुतः = सत्यमें तो,	भवान् = आप भजन्ते = भजे हैं

भावार्थ : या भूतलपे पण्डितनमें आपको अग्निपनो केवल अज्ञानरूप अन्धकारके दूर करवेको चातुर्य प्रकट करवेकेलिये ही कियो हे. वास्तवमें तो आप श्रीकृष्णही प्रकट भये हो एसे अनुभव ओर शास्त्रादिके प्रमाणनसू जानिके, हे श्रीवल्लभाचार्य ! सर्व विद्वान् आपकुं गोकुलेश जानिके ही भजे हैं.

टीका : अब श्रीगुसांईजी कहत हैं जो तुम कैसे हो ? काम - क्रोध - लोभ - मोह - मद - मत्सरादि भगवन्मार्गकों जानिवेमें प्रतिबन्धरूप दुर्गुणनों दूर करिवेवारे हो. जेसे लौकिक अन्धकार मारगमें जाइवेको प्रतिबन्ध करे सो लौकिक अग्नितें दूर होय ता भांति काम - क्रोधादि रूपी अन्धकार ताके दूर करिवेको तिहारो ही सामर्थ्य हे. सो तुम अलौकिक अग्निरूप हो. याते जे बड़े - बड़े ज्ञानी हैं ते तुमकुं 'अग्नि' कहत हैं. परि जो तिहारो स्वरूप विचारि देखियें तो अलौकिक आनन्दमय

तुम हो. तातें श्रीकृष्ण पूर्णपुरुषोत्तम तेई प्रगट भये हो. तहां प्रमाण कहा ? तहां श्रीगुसांईजी आपु कहत हैं जो एक तो अनुभव प्रमाण हे. हम तुमकुं पूर्णपुरुषोत्तम ही देखत हैं.

ओर श्रीआचार्यजी महाप्रभु पूर्णपुरुषोत्तम हे इहां कृष्णदासने प्रथम पृथ्विपरिक्रमामें श्रीआचार्यजी महाप्रभुकी सेवा बहोत कीनि तब आप प्रसन्न होइके कहे जो तू कछु मांगि, में देउंगो. तब कृष्णदासने तीन वस्तु मांगी: एक तो पूर्ण अपने मार्गके सिद्धान्तको ज्ञान होई. दूसरो मुखरतादोष निवृत्त होई. ओर तीसरो मेरे गुरुके घर पधारो. तब दोग वस्तु तो दीनि ओर गुरुके घर पधारिवेकी नाहीं करी. पाछें कृष्णदास अपने गुरुके घर गयो तब गुरुने पूछ्यो जो तेने मोकुं छांडिके ओर गुरु कीनो हे ? तब कृष्णदास कहे जो गुरु तो मेरे तुम ही हो परि तिहारी कृपातें मेंने पूर्णपुरुषोत्तम पाये हैं. तब गुरुने कही पूर्णपुरुषोत्तम क्यों जानिये ? तब कृष्णदासने जरती अग्नि हाथमें लेके कहे “यदि श्रीआचार्यजी महाप्रभु साक्षात् पूर्णपुरुषोत्तम होंय तो यह अग्नि मोकुं भस्म मति करियो, नातर मेरे हाथ भस्म होय जैयो”. सो यह कहिके दोग घरी तांड वा अग्निकुं अपने हाथमें लिये रहे. तब गुरुने डरपिके वह अग्नि कृष्णदासके हाथमेंते डरवाय दीनो. ओर यह सत्य मान्यो जो श्रीआचार्यजी महाप्रभु साक्षात् श्रीपूर्णपुरुषोत्तम हैं. या ठोर कृष्णदासको अनुभव प्रमाण.

ओर जे सेवक श्रीआचार्यजी महाप्रभुके स्वरूपको अनुभव करत हैं तिनको अन्तःकरण प्रमाण हे. वे यों जानत हैं जो आप पूर्णपुरुषोत्तम हैं. ओर वेदहु प्रमाण हे. काहेतें ? वेदमें साकार स्वरूपको निरूपण किये हैं तो मुखारविन्दरूप श्रीआचार्यजी महाप्रभु हैं तातें वेदहु आपके स्वरूपको पूर्णपुरुषोत्तम कहत हैं. सो श्रीगुसांईजी इतने प्रमाण करि कहत हैं जो श्रीआचार्यजी महाप्रभुको पूर्णपुरुषोत्तम जानिके सेवकको भजन करनो ॥८॥

अब श्रीगोकुलनाथजी कहत हैं

पितृपादाब्जकृपया विवृतं वल्लभाष्टकम् ।

क्षमयन्तु सदाचार्या भृत्ये मयि श्रीवल्लभे ॥

इति श्रीपितृपादाब्ज-परागारक्तचेतसा ।

श्रीवल्लभेन विवृतम् अखिलं वल्लभाष्टकम् ॥

श्रीगुसांईजीके चरणकमलकी कृपा करि श्रीवल्लभाष्टकी टीका हम किये. तातें श्रीआचार्यजी महाप्रभु मोकों अपनो सेवक जानी हम ऊपर कृपा करो. ओर जो मैं यह टीका कीनी सो श्रीगुसांईजीके चरणकमलको जो पराग तासूं रंग्यो हे चित जाको एसो होईके कीनी हे. तातें यह टीका भलीभांति पूर्ण भई.

॥ इति श्रीगोकुलनाथजी विरचित श्रीवल्लभाष्टकम्की टीकाको
ब्रजभाषानुवाद सम्पूर्ण भयो ॥

॥श्रीस्फुरत्कृष्णप्रेमामृतस्तोत्रम् ॥

(४)

(श्रीहरिरायजीकृतव्रजभाषाटीकोपेत)

पुष्टिसम्प्रदायके प्रवर्तक गुरुरूप श्रीवल्लभको सप्तधा वर्णन - धर्मिस्वरूप^१
तथा ऐश्वर्यादि छ गुणधर्मनके रूपमें^{२-७}

तहां श्रीहरिरायजी श्रीआचार्यजीसों-श्रीगुसांईजीसों विनन्ती करत हैं जो
मोंको प्रेमामृतकी टीका करिवेमें योग्यता देउ. सो काहेते ? जो प्रेमामृतग्रन्थ
श्रीआचार्यजीकी कृपातें श्रीगुसांईजी वर्णन किये हैं. तामें पूर्णपुरुषोत्तम धर्मसहित
जैसे श्रीकृष्ण हैं, ताही स्वरूप करिके श्रीआचार्यजीको वर्णन किये हैं. ऐसे
श्रीआचार्यजीकों मैं बारंबार नमस्कार करत हूं. सो एक श्लोक करि मङ्गलाचरण
कहत हैं -

नमो आचार्यलीलाब्धि-प्रेमसीधुमहीधरः ।

पाणिपीयूषसर्वकृत् श्रीविट्ठल ! नमोऽस्तु ते ॥

अब श्रीआचार्यजी आप कैसे हैं ? तहां कहत हैं, जो जितनी श्रीठाकुरजीकी
लीला हे सो परम गम्भीर समुद्रवत् हैं, सो श्रीआचार्यजीके हृदयविषे स्थापित हैं,
सो अमृतरूपी लीलारस हे, तिनके पानकर्ता श्रीगुसांईजी आप हैं. ताते जितनी
श्रीठाकुरजीकी लीला हे सो सब श्रीआचार्यजी आप अनुभव करिके अपने हृदयमें
राखत हैं. ऐसे श्रीआचार्यजीकों मैं बारंबार नमस्कार करत हों. ओर श्रीआचार्यजीके
हृदयके भीतर जो रस हे तिनके पानकर्ता श्रीगुसांईजी हैं, तिनकों मैं बारंबार
नमस्कार करत हों. जो मो ऊपर प्रसन्न होऊ. मेरे जो मनोरथ हैं प्रेमामृतग्रन्थकी
टीका करिवेमें सो पूर्ण होयवेकी योग्यता मोंको देऊ. या प्रकार मङ्गलाचरण करिके
विनती कीनी. अब प्रेमामृतको श्लोक कहत हैं -

(पुष्टिसम्प्रदायप्रवर्तक गुरुरूप श्रीवल्लभको स्वरूपलक्षण : “श्रीकृष्णलीलारूप-

श्रीस्फुरत्कृष्णप्रेमामृतस्तोत्रम्

९१

सेवाकथामें परायण रहत हैं” सो ही धर्मिस्वरूप^१ कहावतहैं)

स्फु रत् - कृ ष्ण - प्रे मा मृ त - र स - भ रे णा ति - भ रि ता
विहारान् कुर्वाणा व्रजपति-विहाराब्धिषु सदा ॥
प्रिया गोपीभर्तुः स्फुरतु सततं ‘वल्लभ’ इति
प्रथावत्यस्माकं हृदि सुभगमूर्तिः सकरुणा ॥१॥

स्फुरत्कृष्णप्रेमामृतरसभरेण = स्फुरायमान होते कृष्णप्रेमरूप अमृतरसके भरसों
अतिभरिता = प्रचूर भरी भई ‘वल्लभः’ = वल्लभ
व्रजपतिविहाराब्धिषु = इति = एसी
व्रजपतिके विहाररूप समुद्रमें प्रथावती = प्रसिद्धि वारी
सदा = सदा सकरुणा = करुणावान्
विहारान् = विहारनकूं सुभगमूर्तिः = सुन्दर मूर्ति
कुर्वाणा = करती भई अस्माकं = हमारे
गोपीभर्तुः = गोपीजननके पति हृदि = हृदयमें, सततं = सतत
प्रिया = प्रिय स्फुरतु = स्फुरायमान होउ

भावार्थ : स्फुरित होते कृष्णप्रेमरूप अमृतरससों अतीव भरी भई, व्रजपति
श्रीकृष्णके विहाररूप सागरमें सदा विहार करिवेवारी गोपीपतिकों प्रिय ‘वल्लभ’
नामसों विख्यात करुणासों भरी भई सुन्दर मूर्ति हमारे हृदयमें स्फुरित होवे ॥१॥

टीका : अब श्रीपूर्णपुरुषोत्तम जे श्रीकृष्ण हैं तिनके हृदयमें - अङ्ग-अङ्गमें प्रेम भर्यो
हे. सो प्रेम परममिष्ट हे, जेसे अमृत परममिष्ट हे, सो श्रीअङ्गमें एसी भर्यो हे जो तहां
समात नाहिं हे.

तब श्रीठाकुरजी मनमें विचार किये जो यह रस कोन-कोनकों दान करों ?
तब यह मनमें बिचार किये जो या रसके पात्र तो व्रजभक्त हैं, तिनकों दान करों.
ता पाछें फेरि विचार किए जो कौन प्रकार दान करों ? ओर कौनद्वारा दान करों ?

श्रीस्फुरत्कृष्णप्रेमामृतस्तोत्रम्

९२

तब एकान्त समय बांसुरी बजाई गोपीजनकों बुलाईके तिनकों भजनानन्दरसको दान दियो. तेसेई श्रीआचार्यजी आप परम कृपा करिके दैवीजीवनके उद्धारार्थ प्रगट होइके पृथ्वी परिक्रमा किये. तहां जीवनकों संसारमें बहोतही मोहित देखे. पाछे आप गोकुल पधारे तहां जीवनके उद्धारको बिचार करत हते ताही समय श्रीपूर्णपुरुषोत्तम प्रगट होइ कहे जो “जाकों ब्रह्मसम्बन्ध कराओगे ताके सकल दोष दूर होइगें, तिनकों मैं अङ्गीकार करूंगो”. तब श्रीआचार्यजी आप प्रसन्न होईके पवित्रा पहराये.

सो श्रीआचार्यजी आप कैसे हैं ? जो जैसे पूर्णपुरुषोत्तमके सम्पूर्ण श्रीअङ्गमें रस भयो हे सो ब्रजभक्तनके हृदयमें वेणुद्वारा दान किये हैं, तेसें ही श्रीआचार्यजीके श्रीअङ्गविषे श्रीठाकुरजीको लीलारूप जो रस हे ताकों दैवीजीवनकों दान करत हैं. सो जा प्रकार श्रीठाकुरजी वेणुद्वारा अपने ब्रजभक्तनकों रसदान किये तेसें ही श्रीआचार्यजी दैवी जीवनकों नामसमर्पणद्वारा रसको दान किये हैं.

“करत कृपा निज दैवी जीवन पर श्रीमुखबचन सुनाई,

वेणुगीत पुनि युगलगीतकी रसबरखा बरसाई”

या प्रकार अपने सेवकनके संग कथारूपी जो अमृत तिनकी वर्षा करत हैं, जीवनकों ब्रह्मसम्बन्ध करावत हैं ओर तिनके घर स्वरूपसेवा पधरावत हैं. सो तहां श्रीआचार्यजी सब वस्तुको भोग करावत हैं. यातें जो वैष्णव सामग्री करिके श्रीठाकुरजीके आगे धरिके या प्रकारसों बिनती करत हैं जो “महाराजाधिराज श्रीआचार्यजीकी कानीतें अङ्गीकार करियें” तब श्रीठाकुरजी श्रीआचार्यजीकी कानीतें सामग्री आरोगत हैं.

जब श्रीठाकुरजी वृन्दावनमें वेणु बजावत हैं तब वृजमें जो जीव हैं पशु-पक्षी तिनमें जाको जेसो अधिकार हे तिनको ताही भांतिसो रसदान करत हैं. तेसेंही श्रीआचार्यजी आप नाम-समर्पणको दान जो जीव शरण आवत हैं तिनको करत हैं. तहां ब्राह्मण-क्षत्रिय-वैश्य-शूद्र-स्त्री सबनकों दान करत हैं. परि जो जा प्रकारको पात्र हे तिनको ता प्रकारको दान करत हैं. तासों श्रीयशोदाजीके घर जो अद्भुत बालक हे वामें काहूको मन लागत हे. जाको श्रीठाकुरजीमें सख्यभावकी वांछना हे ताकों सख्यभाव ही सिद्ध करत हैं. जो भाव गोविन्दस्वामीको सिद्ध भयो तेसें सिद्ध होई. जाको अधिकार शृङ्गाररसमें होई ताको वेसो दान करत हैं.

श्रीस्फुरत्कृष्णप्रेमामृतस्तोत्रम्

ताते आप जा वैष्णवको अधिकार जेसो हे ताही प्रकारको दान करत हैं.

ओर जेसें ब्रजभक्त श्रीठाकुरजीकों देखिके प्रेमसों मोहित होत हैं एसे ही श्रीआचार्यजी महाप्रभु सहजहीमें परम सुन्दर हैं; अरु परम करुणावन्त हैं. जो जा जीवके ऊपर करुणादृष्टिसूं देखत हैं ताके सकल मनोरथ पूर्ण होत हैं. ओर आप परम विरक्तदशामें रहत हैं. (तातें) जापर कृपा करत हैं तिनको विरक्तदशा प्राप्त होत हे. सो काहेतें ?

जो एक दिन श्रीआचार्यजीके इहां भण्डारमें कछू सामग्री नाहीं हती. तब भण्डारीने आपसों कही जो आज भण्डारमें कछु सीधो-सामान नाहीं हे. तब श्रीआचार्यजीने श्रीठाकुरजीकी एक सोनाकी कटोरी काढीके दीनि. ताकों गहने (गिरवी) धरिके सीधो-सामान लाये. सो मङ्गलासों शयनपर्यन्त सामग्री सिद्ध करिके श्रीठाकुरजीकों भोग समर्पे, परन्तु तामें आप घरमें श्रीअक्काजी सहित रंचकहु महाप्रसाद न लिये. वह प्रसाद गायनकों खवाइ दियो. ता पाछे वैष्णव भेटकी मोहोर ले आयो तब श्रीआचार्यजीने भण्डारीकों बुलाइके कह्यो जो कटोरी छुडाइ लावो ओर सीधो-सामग्री ले आवो. ता पाछें दूसरे दिन जब श्रीठाकुरजीकी सेवासूं पहुँचे तब आप सबनने भोजन किये. ता पाछें सब सेवक टहलुवा वैष्णवन् ऊपर प्रसन्न होइके शिक्षा दिये जो या प्रकार सेवामें सावधान रहियो. सो एसे श्रीआचार्यजी आप श्रीठाकुरजीकी सेवा करते ॥१॥

या प्रकार प्रथम श्लोकमें यह सिद्धान्त भयो जो जेते धर्म श्रीठाकुरजीमें हैं ते सर्व धर्म श्रीआचार्यजीमें हैं तातें श्रीकृष्णरूप ही जानिके श्रीआचार्यजीको भजन करनों. अब दूसरो श्लोक

कहत हैं -

(पुष्टिसमप्रदायमें गुरुरूप श्रीवल्लभको ऐश्वर्यरूप गुण : श्रीभागवततत्त्वज्ञता हे)

श्रीभागवत-प्रतिपद-मणिवर-भावांशु-भूषिता मूर्तिः ॥

‘श्रीवल्लभा’भिधा नस् तनोतु निजदासस्य सौभाग्यम् ॥२॥

श्रीस्फुरत्कृष्णप्रेमामृतस्तोत्रम्

श्रीभागवतप्रतिपदमणिवरभावांशुभूषिता = मूर्तिः = मूर्ति, नः = हम
 श्रीभागवतके मणि जैसे प्रत्येक निजदासस्य = निज दासन्के
 पदके भावरूप किरणन्सों शोभित सौभाग्यं = सौभाग्यको
 श्रीवल्लभाभिधा = 'श्रीवल्लभ' नामसों प्रसिद्ध तनोतु = विस्तार करो

भावार्थ : श्रीभागवतके प्रत्येक पदरूप उत्तम रत्नके भावरूप किरणन्सूं विभूषित 'श्रीवल्लभ' नामवारी मूर्ति हमारे काज निजदास्य-सौभाग्यकुं बढ़ावें ॥२॥

टीका : अब श्रीभागवत केसो हे ? जो भगवत्स्वरूप ही है. सो काहेतें ? जो जैसे श्रीठाकुरजी ब्रह्माण्ड विषे अपनो सूक्ष्मरूप करिकें व्यापि रहे हैं, श्रीठाकुरजीके बिना कोई पदार्थ नहीं हे, तेसैं ही श्रीभागवतमें सर्ववस्तून्के वर्णन हैं सो सब श्रीभागवतमें प्रगट हैं. सो काहेतें ? जो श्रीठाकुरजी अवतार लिये हैं सो चोबीस अवतारन्को वर्णन श्रीभागवतमें हे. जो श्रीठाकुरजीके भजनतें ज्ञान होत हे. सो जा जीवको जेसो अधिकार होई ताकों तेसोई अनुभव होई. काहेतें ? जो शेषनागजी सदा श्रीभागवत कहत हैं, ओर श्रीभागवत विदुर-मैत्रेयजी परस्पर कहत हैं - सुनत हैं, ओर क्षीरसागरमें नारायणजी कहत हैं ओर श्रीलक्ष्मीजी सुनत हैं. याहीतें श्रीभागवत भगवत्स्वरूप हे. सो एसी भागवत या पृथ्विपर जीवन्के उद्धारकी नौका हे. ताकी टीका करिवेमें श्रीआचार्यजी आपु (ही समर्थ हैं. क्यों ? जो) साक्षात् पूर्णपुरुषोत्तम हैं. सो काहेतें ? जो श्रीभागवतरूपी पर्वत हे, जो पर्वतमें अनेक प्रकारके वृक्ष-घास होंय ओर मणिहु होई. तेसैं श्रीभागवतरूप जो पर्वत हे तामें श्रीठाकुरजीकी बाललीला-रसलीला हे सो मणि हे. सो पर्वतमें जो जात हे ताहीकों मणि मिले. सो श्रीभागवतमें लीलारूप मणि हे ताकुं श्रीआचार्यजी आपु जानत हैं सो आप श्रीसुबोधिनी इत्यादिक प्रगट किये हैं तामें नाना प्रकारके भाव प्रगट किये हैं. सो श्रीभागवतमें जो मणि हेवोही आभूषण श्रीआचार्यजीके अङ्ग-अङ्गमें परम शोभा देत हैं.

ओर श्रीभागवत केसो हे ? जो महागम्भीर समुद्र हे जैसे क्षीरसमुद्र हे. ताको श्रीआचार्यजी महाप्रभु मन्थन करिके तामेंते जो चौदहमो रत्न हतो भगवल्लीलारूप

जो अमृत ताकों निकारे. ओर उहां समुद्र मन्थन करिके रत्न निकासे जो सुर-देवतान्कों श्रीठाकुरजीने दिये ओर अमृतहु देवतान्कों पान कराये तेसे इहां श्रीआचार्यजी आप श्रीभागवतरूप समुद्रकों मथिके पुरुषोत्तमरूप अमृत निकासे सो अपने दैवी सेवकन्कों अनुभव कराये हैं. ओर जो कर्मजड हते तिनकों कर्म बताये. सो काहेतें ? जो उनकों श्रीपुरुषोत्तमकी लीलाको अधिकार नहीं हे. जेसे उहां राक्षसन्कों वारुणी दीनि हे तेसे इहां कर्मजडन्कों सोई दीनि हे. ओर उहां लक्ष्मीजी आप राखे तेसैं इहां श्रीआचार्यजी आप सब अवतारन्की लीला छोडिके श्रीकृष्ण पूर्णपुरुषोत्तम हैं तिनकी लीलाके भाव हैं तिनकों हृदयमें राखत हैं.

ओर श्रीभगवान् मोहिनीरूप धरिके असुरन्कुं मोह किये हैं तेसैं इहां श्रीआचार्यजी मनुष्यरूप धरिके पृथ्वीऊपर नाना प्रकारकी क्रीडा किये हैं सो जो आसुरीजीव हैं वे नहीं जानत हैं. ओर दैवीजीव हते सो तो पूर्णपुरुषोत्तम जानिके भावसहित भजन करत हैं. तिनकों आप शरण लेत हैं. ओर उहां मोहिनीरूप देखिके महादेव आदि मोहकुं प्राप्त होत हैं तेसैं श्रीआचार्यजीकों देखिके बड़े-बड़े ऋषि-मुनी पण्डित, मायावादी सो सब मोह पावत हैं. ताहीते वाद करिवेको आवत हैं. तब आप ब्रह्मवाद करिके सबन्के वादन्को खण्डन करत हैं. एसे श्रीआचार्यजी अपनो माहात्म्य प्रगट करि पृथ्वीऊपर प्रगट भये हैं सो श्रीभागवत वेद-पुराणकों मथिके श्रीपूर्णपुरुषोत्तमकी लीलारूपी जो अलौकिक आभूषण हैं तिनकरिके श्रीआचार्यजी आप परम शोभायमान होत हैं.

ओर श्रीआचार्यजी केसे हैं ? मूर्तिवन्त हैं. ताको अर्थ यह जो स्वरूपात्मक हैं. यह जो स्वरूपात्मक कोन कहिए ? सो कहत हैं जो जाको स्वरूप अलौकिक होइ सो काहूकी बुद्धिमें, मनमें तथा चित्तमें आवे नहीं. काहेतें ? जो श्रीआचार्यजीके स्वरूपको निर्धार वेदादिकहु नहीं करि सकत हैं, "नेति नेति" करिके स्तुति करत हैं. जो एसो अद्भुत स्वरूप अखण्ड हे जो सदा एकरस होत हे. तातें स्वरूपवन्त हैं.

एसे श्रीआचार्यजीकों 'वल्लभ' कहिए. जो सबन्कों आनन्ददायक हैं. सर्व प्राणिमात्रके हितकर्ता हैं. काहेतें ? जो आप परम कारुणिक हैं, परम दयाल हैं, ताते 'वल्लभ' कहियत हैं. ओर श्रीआचार्यजी आप श्रीठाकुरजीकों अत्यन्त प्रिय

हैं, प्राणवल्लभ हैं. जिनके विना श्रीठाकुरजी एक क्षण रहि सकत नहीं तातें 'वल्लभ' एसो नाम हे.

सो श्रीभागवतमें निरूपित श्रीपूर्णपुरुषोत्तमकी लीलारूप आभूषण तिनके अङ्ग-अङ्गमें जटित हैं, तिनसों आप परम अलौकिक मूर्तिवन्त हैं, प्राणिमात्रके वल्लभ हैं, सबन्के पोषणकर्ता हैं ओर आप दैवीजीव जे आपके सेवक हैं तिनके परम सौभाग्यरूप हैं ॥२॥

(पुष्टिसम्प्रदायमें गुरुरूप श्रीवल्लभको वीर्यरूप गुण : भगवत्सेवामें प्रतिबन्धक वादन्को निराकरण करिके श्रीकृष्णसेवाके प्रेरक होनो हे)

मायावादतमो निरस्य मधुभिर्-सेवाख्य-वर्तमाद्भुतं
श्रीमद्-गोकुलनाथ-सङ्गमसुधा-सम्प्रापकं तत्क्षणात् ॥
दुष्प्रापं प्रकटीचकार करुणा-रागाति-सम्मोहनः
स श्रीवल्लभ-भानुरुल्लसति यः श्रीवल्लवीशान्तरः ॥३॥

यः = जो, मायावादतमो = मायावादरूप- श्रीमद्गोकुलनाथसङ्गमसुधासम्प्रापकम् =
अन्धकारको, निरस्य = नाश करिके श्रीकृष्णके सङ्गमकी सुधाकों
दुष्प्रापं = कठिनतासों प्राप्त होय
सके एसी सहजतासों प्राप्त करायवेवारे अद्भुतं = अद्भुत
मधुभिर्-सेवाख्य-वर्तम = मधुद्वैतके सः = वो, श्रीवल्लवीशान्तरः =
संहारककी 'सेवा' नामको मार्ग गोपीजनन्के ईश जिनके अन्तरमें
प्रकटीचकार = प्रकट कियो बिराजत हैं एस
करुणा-रागाति-सम्मोहनः = करुणा अरु- श्रीवल्लभभानुः = श्रीवल्लभरूप सूर्य
अनुराग सों अतिशय सम्मुग्ध उल्लसति = शोभायमान् होत हैं

भावार्थ : पुष्टिजीवनपें दयाके भावसों तथा पुष्टिप्रभुमें अनुरागके भावसों मुग्ध होयके आपने मायावादरूप अन्धकारको निवर्तन करि सहजतया काहूकों मिलि

न सके एसी, श्रीगोकुलनाथके सङ्गमकी सुधाकों तत्क्षण प्राप्त करायवेवारे अद्भुत श्रीकृष्णसेवाको मार्ग जिनने प्रकट कियो ऐसे आप श्रीकृष्णरूप श्रीवल्लभरूप सूर्य उल्लसित होत हैं ॥३॥

टीका : अब श्रीआचार्यजी आप कैसे हैं ? मायावादरूपि अन्धकार ताकों निवारण करत हैं. जो जेसैं अंधियारो घर होय तहां जब दीपक करिये तब सगरो अन्धकार दूरि होई. ओर जेसैं सूर्यके उदय भये पृथ्वीको अन्धकार बिना श्रमही दूरि होत हे. ओर जो ये मायावाद पृथ्वीपर प्रगट्यो हे सो काहेतें ? जो ये मायावाद हे सो महा अन्धकाररूप ही होइ जीवन्कों परम मोह उपजावे हे. सो वेद-पुराणन्के तात्पर्यविषयीभूत अर्थको निरूपण करिके अरु दशमी-विद्धा एकादशी जीवन्कों कराय ओरहु बहिर्मुख करावत हैं. ऐसे जीवन्कों अन्याश्रयहु करवाय देत हे. तातें सब जीव मायावादके भ्रममें होई वेद-विरुद्ध आचरण किए तब श्रीठाकुरजी विचारे जो अब पृथ्वीऊपर मायावाद बहोत प्रवृत्त भयो हे, ता करिके दैवीजीव हैं सोऊ मायावादके भ्रममें होइ रहे हैं, या प्रकार विचारीके श्रीआचार्यजीकों आज्ञा दिये जो तुम पृथ्वीपर प्रगट होई मायावादको खण्डन करी ब्रह्मवादको स्थापन करो ओर दैवी जीवन्कों शरण लेयके विनके मनमें जे नानाप्रकारके सन्देह होत हैं तिनकों दूरि करो, तब विनकों मेरी प्राप्ति होयगी. तातें तुम पृथ्वीपर पधारो. यह कार्य तुम्हारे बिना ओर काहूसों सिद्ध होत नहीं हे. तातें तुमही यह कार्य करिवेमें समर्थ हो. तब श्रीआचार्यजीकों जीवनपर परमकृपा आई. काहेतें ? जो आप परम दयाल हैं. अपने दैवीजीवन्के दुःख रंचकहु देखि सकत नहीं. तातें श्रीआचार्यजी आप पृथ्वीऊपर प्रगट भये. तब पृथ्वी-परिक्रमाको मिस करिके पधारो. तब आपने अनेक वेद-पुराण-स्मृतिको दृष्टान्त(प्रमाण) देयके मायावाद खण्डन किये.

एक समय आप काशी पधारो. तहां अनेक मायावादी वाद करन आवत हते. तब श्रीआचार्यजीकुं भोजन करनकुं संजा होय जाती, तब तांइ सब सेवक जलहु न लेते. तब आप विचार किये ओर 'पत्रावलम्बन' ग्रन्थ किए. पाछें सब वादी विश्वेश्वरनाथके दर्शनकों नित्य आवते तहां आप 'पत्रावलम्बन'को आरोपण किए. तहां सब वादी ग्रन्थकों देखिके निरुत्तर होई जाते. या प्रकार मायावादको खण्डन भयो. तब सब सेवकन्कों परम आनन्द भयो.

काहेतें ? जो मायावादरूपी तिमिरको नाश भयो. तब दैवी जीव श्रीआचार्यजीकी शरण आई परम सुख पाये. काहेतें ? जो पहिले मायावादके कारण जीवनको सन्देह रहेतो तातें दृढ आश्रय करिके श्रीठाकुरजीको भजन होत नाही. ओर जब आप परम तेजवान सूर्य प्रगट भये तब मायावादरूप अन्धकारको नाश भयो, वैष्णवको सन्देहरूप अन्धकारको नाश भयो. तातें एक दृढ आश्रय करिके एक श्रीठाकुरजीको भजन करन लागे. काहेतें ? जो जहां ताई मनमें सन्देह रहे तहां ताई फलप्राप्ति न होई. ताहीते भगवद्गीतामें अर्जुन प्रति भगवान कहे हैं “संशयात्मा विनश्यति” (गीता ४।४०) ओर जब दृढ आश्रय-अनन्यता होई तहां सर्व फल सिद्ध होई. तातें जब सेवकको सन्देह निवृत्त भयो तब श्रीठाकुरजीको भजन करन लागे.

ता पाछें श्रीआचार्यजी आप भगवत्सेवा पुष्टिमार्गकी रीतिसों प्रगट किये जामें साक्षात् पूर्णपुरुषोत्तमकी सेवा होत हे. तामें समय-स्थानानुसार भगवत्सुखको विचार करिके वस्त्र-आभूषण-सामग्री श्रीठाकुरजीको अङ्गीकार करावत हैं. सो सेवा केसी हे ? जो गोकुलके पति श्रीठाकुरजीको साक्षात् दर्शन-सम्बन्ध होत हे. सो काहेतें ? जो ओर मार्ग हैं यथा ज्ञानमार्ग, कर्ममार्ग, उपासनामार्ग, योगमार्ग सो तामें साधन न्यारे अरु फल न्यारे हैं. काहेतें ? जो साधन करे तब कोइको फल होई. सोउ फल लौकिक होई ओर सोउ कलिके दोष करिकें काहूको सिद्ध होत नाही. तातें श्रीआचार्यजी आप श्रीपूर्णपुरुषोत्तमकी लीला एसी श्रीठाकुरजीकी सेवा बताये. तामें साधनहु फलरूप हे. जामें कदाचित् भूलहु पडे तो श्रीठाकुरजी अप्रसन्न न होई, फल देवेमें अन्तराय न करें. सो काहेतें ? जो आप परम दयाल हैं. जीवकी करी भई रंचकहु सेवाको बहोत करि मानत हैं.

ओर श्रीआचार्यजी आपु श्रीठाकुरजीके मुखारविंदरूप जो अग्नि हे तारूप हैं, तेसोई आपको तापात्मक पुष्टिमार्ग हे. तातें या मार्गमें फलप्राप्तिमें तहां तांइ ढील होइ जहां तांइ हृदयमें ताप न होय. तहां तांइ जीव शरीरकोही सुख चाहत हे. तातें वैष्णव जे हैं तिनको महाप्रसाद लेनो सो श्रीठाकुरजीकी उच्छिष्ट जानिके लेनों, अपने शरीरको पोषण नाही जाननो. काहेतें ? जो शरीरको भोग विचारे तो विषयासक्ति होई. ओर महाप्रसाद उच्छिष्ट जानिके ले तो भगवद्भजनमें मन लागे.

ओर वस्त्रहु ठाकुरजीकु प्रसादी करिके पहेरनो. काहेतें ? जो दासको धर्म हे जो उत्तमवस्तु प्रथम श्रीठाकुरजीकु समर्पनी पाछे प्रसादी होइ ताहीते निर्वाह करनो.

सो एसी भांति श्रीआचार्यजी आप अपनो महात्म्य जगतमें प्रगट कियो हे, पुष्टिमार्गको प्रकाश किये, अपने सेवकको पुष्टिमार्गको फल दिये. तातें श्रीआचार्यजी अलौकिक सूर्यरूप करि बिराजत हैं तेसेई पुष्टिमार्गहु अलौकिक सूर्यरूप प्रगट बिराजत हे. सो पृथ्वीपर प्रकाश भयो हे तातें दैवी जीव हते ते आपके शरण आय कृतार्थ भये ॥३॥

(पुष्टिसम्प्रदायके गुरुरूप श्रीवल्लभको यशो^५रूप गुण : पाण्डित्य, वेदादिशास्त्रपारङ्गता, शास्त्रानुकूल आचरण, वैष्णवमार्गीयता अरु श्रीब्रजपतिमें रतिमान् होनो हे)

क्वचित् पाण्डित्यं चेत् न निगमगतिः सापि यदि न क्रिया सा सापि स्यात् यदि न हरिमार्गं परिचयः ॥
यदि स्यात् सोपि श्रीब्रजपति-रतिर् नेति निखिलैः
गुणैरन्यः को वा विलसति विना वल्लभवरम् ॥४॥

क्वचित् = कहूं,	पाण्डित्यं = पण्डिताई	अपि = हु,	स्याद् = होय
चेत् = होय,	निगमगतिः = शास्त्रन्में प्रवेश	हरिमार्गं = भगवन्मार्ग	विषे
न = न,	यदि = जो	परिचयो = ज्ञान	
सा = वो(निगमगतिः = शास्त्रन्में प्रवेश)		न = न	होय, यदि = जो
अपि = हु (चेत् = होय)		सः(हरिमार्गं = वो भगवन्मार्ग	विषे)
सा = वो,	क्रिया = आचरण	परिचयः = परिचय,	अपि = हु
न = न,	यदि = जो	स्याद् = होय	
सा(क्रिया) = वो	आचरण होय	श्रीब्रजपतिरतिः = ब्रजपतिमें	भक्ति
न = नाही (अस्ति) = हे		वल्लभवरं = वल्लभवर	
इति = एसें		विना = विना,	अन्यः = दूसरो

निखिलैः = सकल

कः = कोन, वा = हे !

गुणैः = गुणन्सों

विलसति! = बिराजत हे!

भावार्थ : कोऊ-कोऊ विद्वानमें पाण्डित्य तो होय सके परि वेदादि शास्त्रन्में गति होत नाही. तेसेही कोऊ-कोऊ वेदादि शास्त्रन्की समज रखिवेवारे विद्वान होत हैं परि तिनको आचरण वेदादि शास्त्रन्के अनुसार होत नाही. कोउन्को वेदादि शास्त्रन्के अनुसार आचरण होत हे तिनको वैष्णव मार्गसों परिचय होत नाही. कोउन्को वैष्णवमार्गसों परिचय होत हे तिनको ब्रजपतिमें आसक्ति होत नाही. तातें इन निखिल गुणन्सों श्रीवल्लभवरके विना अन्य कोन विलसि सकत हे !॥४॥

टीका : अब कहत हैं जो श्रीआचार्यजी महाप्रभुको स्वरूप केसो हे ? जो स्वरूप काहूसों जान्यो न जाय. काहेतें ? जो केसोहु पण्डित होउ निगम-वेद पुराण शास्त्र जानिवेमें चतुर होउ, ओरन्के सन्देहकुं निवृत्त करत होय ओर जगतमें बड़ी बड़ाई होय एसो बुद्धिवन्त पण्डित होउ सोउ श्रीआचार्यजीके स्वरूपको जानिवेमें समर्थ नाही. सो काहेतें ? जो पण्डितन्को अपनी पण्डिताइको बल हे. तातें वे पण्डित अहङ्कारके वश होयके श्रीआचार्यजीके स्वरूपको जानत नाही. अपनी योग्यता बहोत ही जगतमें मानि रहे हैं तातें अभिमानरूपी जो मद हे तामें मत्त होयके जो श्रीआचार्यजी महाप्रभु आपु पूर्णपुरुषोत्तम हैं तिनके स्वरूपको ज्ञान विनको होत नाही हे. श्रीआचार्यजीके स्वरूपको ज्ञान तब होई जब श्रीठाकुरजी आपु अनुग्रह करिके अपनो स्वरूप जतावें. नातर कोटि-कोटि साधन करो परन्तु श्रीआचार्यजीको स्वरूप जान्यो न जाय.

जो श्रीआचार्यजीकी शरण आवत हैं तिनकुं आपु नाम-समर्पण करावत हैं तिनहीकों अपने स्वरूपको अनुभव करावत हैं. तातें श्रीआचार्यजी तथा श्रीठाकुरजी के स्वरूपको अनुभव कछु पढेते होत नाही. जब निःसाधन होय दीनता करि विनती करिके शरण आवे तब परम दयाल, करुणानिधान साक्षात् पूर्णपुरुषोत्तम जा जीवको अनुभव करावें वाकुं फल सिद्ध होय. तातें पुष्टिमार्गको फल कृपासाध्य हे, साधनसाध्य नाही हे.

ओर श्रीमहाप्रभु केसे हैं ? निगम जो वेद ताके हार्दकों आपु जानिवेवारे हैं. ओर आप वेदके कर्मकुंहु करत हैं. त्रिकालमध्या, यज्ञादिक, होम, दान सब करत हैं. सो कोन भांतिसों जो प्रथम श्रीठाकुरजीकी सेवामें पहोंचके पाछे करत हैं. तातें सेवा तो अवश्य ही करनी, तामें अवकाश होय तब कर्मादिक करनो. सो काहेतें ? जो कर्मादिक सो तो लौकिकमें दिखायवेकेलिए करत हैं ओर वेदकी मर्यादा राखिवेकुं करत हैं परन्तु सेवा तो मनपूर्वक परम प्रीतिसों करत हैं. आप तो पूर्णपुरुषोत्तम हैं सो वेदकी मर्यादा आप न राखे तो ओर कोन राखे ? परि मनपूर्वक तो श्रीगोवर्धननाथजीकी सेवा करत हैं.

ब्रजके पति जो श्रीकृष्ण हैं तिनको देखिके कोटि कामदेव लज्जाकों पावत हैं. ओर जिनके स्वरूपको ज्ञान वेदादिकन्कोहु अगम्य हे. वेदहु “नेति नेति” करिके श्रीठाकुरजीको गुणगान करत हैं. सो काहेतें ? जो श्रीठाकुरजीमें तो अनेक गुण हैं. सो एक श्रीआचार्यजी आपु हैं तिनके चरणारविन्दके आश्रय विना ब्रजपति श्रीकृष्णकी लीलाको भाव नाही होत हे. केसेऊ पण्डित वेद-पुराण सबकों जानत होंय परन्तु आपके आश्रय बिना या संसारसमुद्रको तरि नाही सकत हैं तो लीलाको अनुभव कहांते होइ ? सो या श्लोकमें ये सिद्धान्त भयो ॥४॥

(पुष्टिसम्प्रदायमें गुरुरूप श्रीवल्लभको श्रीरूप गुण : श्रीकृष्णसेवामें प्रतिबन्धक एसे वादनको निराकरण करि प्रमाणचतुष्टयकी एकवाक्यता करि स्वसिद्धान्तको उपदेशक होनो, स्वयं श्रीकृष्णकी सेवामें परायण होनो अरु भगवत्सेवोचित निरुपधिस्नेहको उद्बोधक होनो हे)

मायावादि-करीन्द्र-दर्प-दलनेनास्येन्दु-राजोद्गत-

श्रीमद्-भागवताख्य-दुर्लभ-सुधा-वर्षेण वेदोक्तिभिः ॥

राधावल्लभ-सेवया तदुचित-प्रेम्णोपदेशैरपि

‘श्रीमदवल्लभ’-नामधेय-सदृशो भावी न भूतोऽस्त्यपि ॥५॥

वेदोक्तिभिः = वेदके वचनन्सों

मायावादि-करीन्द्र-दर्पदलनेन = मायावादी- तदुचित-प्रेम्णा = विनकों-

सदृश हाथीके घमण्डकों चूर करिके	उचित निर्गुण प्रेम करिके
आस्येन्दुराजोद्गत-श्रीमद्भागवताख्य-दुर्लभ-	उपदेशैः अपि = उपदेश करिके हु
सुधा-वर्षण = भगवन्मुखरूप चन्द्रसों-	‘श्रीमद्वल्लभ’-नामधेय-सदृशो =
प्रकट भई प्रसिद्ध ‘श्रीमद्भागवत’रूप-	‘श्रीमद्वल्लभ’ जिनको नाम हे एसो
दुर्लभ रसकी वर्षा करिके	न = न, भूतो = भयो (न) = न
राधावल्लभ-सेवया = श्रीराधाजीकों-	अस्ति = हे
प्रिय एसे श्रीकृष्णकी सेवा करिके	भावी अपि = होयगो हु

भावार्थ : मायावादीरूप गजेन्द्रके दर्पके दलन करिवेके कारण, वेदन्की श्रुतिके अनुसार श्रीकृष्णमुखेन्दुराजसों उद्गत श्रीमद्भावतरूप दुर्लभ सुधाके बरसावेके कारण, राधावल्लभ श्रीकृष्णकी सेवाके कारण, उपदेशन्के तथा सेवोचित प्रेमके कारणसोंहु ‘श्रीवल्लभ’ नामवारेन्के जेसो न कोइ भयो, न हे अरु न होयगो हु ॥५॥

मायावादरूपी जो मत्त हाथी हे तिनके दर्पकों दलनहारे एसे श्रीआचार्यजी आप प्रगट भये हैं. सो काहेतें ? जो भगवान्की आज्ञा श्रीमहादेवजीकों भई जो मायावाद तुम पृथ्वीऊपर प्रगट करो ओर जीवन्कुं मोह उपजावो. तब श्रीमहादेवजी प्रगट भये सो वेदतें विपरीत शास्त्र बहोत किए. ओर सब देवतान्के ईश्वर जो श्रीभगवान् जिनको शिव-ब्रह्मादिक भजन करत हैं, तिनको भजन छुडायके शिवहीकों मुख्य ईश्वर निरूपण किये. या भांति श्रीशङ्कराचार्यजी वेदतें विरुद्ध एसो मायावाद प्रगट किये. तातें सब जीवन्के संग दैवी जीवहु मायावादको सङ्ग करि भ्रष्ट भये. श्रीठाकुरजीको दृढ आश्रय छूटि गयो. तब श्रीठाकुरजीकों दया आई जो में तो या मायावाद प्रगट करिवेकी आज्ञा शिवकों दई सो तो आसुरी जीवन्कों मोह उपजावेकेलिए परि यातें तो दैवी जीवहु मेरो माहात्म्य भूलि गए हैं. तातें विचारे जो मेरी लीलाको अनुभव जीवन्कों केसें होयगो ? पाछे विचारे जो लीलाको अनुभव करायवेमें तो एक श्रीआचार्यजी समर्थ हैं. जो उनको प्रागट्य पृथ्वीऊपर होय तब मायावादको खण्डन करिके दैवी जीवन्कों अनुभव करायके मेरे पास ले आवें. तब आपने श्रीआचार्यजीतें आज्ञा कीनी जो दैवीजीवन्को उद्धार करिके मेरे निकट लावो. सो आप पृथ्वीऊपर प्रगट भये. ता पाछे आप पृथ्वी-

परिक्रमा किये. सो देखे जो दैवी जीवहु मायावादके भ्रममें होइके वेसोई आचरण करन लागे हैं. सो विचार करत ठकुरानी घाटपे बिराजत हते तब अर्धरात्रिको श्रीठाकुरजी प्रगट होई ब्रह्मसम्बन्धकी आज्ञा किए. पाछें आपने वैष्णवन्कों ब्रह्मसम्बन्ध समजाइवेकेलिए ‘सिद्धान्तरहस्य’ ग्रन्थ प्रगट कियो.

ता पाछें आचार्यजी मायावादकों देखें जो जेसे मत्त हाथी काहूकों गिने नाहीं तेसें विचरी रह्यो हतो. तब आचार्यजी आप सिंहरूप ब्रह्मवाद करि मायावादको विदारण किये. पाछें आप श्रीभागवतमें जो पूर्णपुरुषोत्तमरूप जो दुर्लभ अमृत तिनकी वर्षा अपने सेवकन्के ऊपर किये हैं. सो काहेतें ? जो जीव अनादिकालतें बिछुरे हते तामें फेरि मायावाद करिके बहोत मलिन भये हते. सो या भांति जब मायावाद खण्डन भयो तब सेवक परमानन्द पाईके शरणि आवन लागे. तिनकों पूर्णपुरुषोत्तम श्रीकृष्ण तिनकी सेवाको उपदेश आप करत हैं. आप सेवा करिके जीवन्कों यह बतावत हैं जो या भांति सेवा करो. सो सेवामें ऊपर तो नन्दरायजीके घरकी रीति हे परि भीतर ‘राधावल्लभसेवया’ यातें श्रीस्वामिनीजी सहित श्रीठाकुरजीकी सेवा हे.

जो एसे श्रीकृष्ण जो सारस्वत कल्पमें प्रगट भये सो पूर्णपुरुषोत्तम हैं “**कल्पं सारस्वतं प्राप्य ब्रजे गोप्यो भविष्यथ**” अन्य कल्पमें पूर्ण अवतार नाहीं हे. सो सेवनीय कीर्तनीय एक श्रीकृष्ण ही हैं सो श्रीगोवर्धननाथजी हैं. सो केसे हैं ? सो दक्षिण श्रीहस्तकी मुट्टि बांधी हे तामें अङ्गुष्ठको दर्शन करावत हैं. तामें यह भाव जाननो जो भक्तन्कों हरिके दर्शन करवावें ता पाछें अङ्गुष्ठ दिखावत हैं “अब तुम कहां जाओगे ?” ओर वाम भुजा उठाइके ब्रजभक्तन्कों बुलावत हैं “जो तुम बेगी आओ”. आप निकुञ्जके द्वारे ठाड़े हैं. जामें श्रीआचार्यजीसों यह जतावत हैं जो जब तांइ में यहां ठाडोहूं तब तांइ मेरे दैवी जीव हैं तिनको तुम्हारेद्वारा अङ्गीकार करनो हे. तातें वैष्णवन्कुं एक क्षणहु श्रीगोवर्धननाथजीकों भूलनो नाहीं जो आपु तो जीवकेलिए निकुञ्जके द्वारे ठाड़े हैं ओर जीव जहां-तहां भटक्यो डोलत हे !!! तातें एसो भाव करिके श्रीठाकुरजीसों मिलिवेकों भजन करनो. ताहीतें पुष्टिमार्ग श्रीआचार्यजीने प्रगट कियो जो साक्षात पुरुषोत्तमको सम्बन्ध होइ. तातें पुष्टिमार्गकी रीति कोउ कहा जाने ! जो सेव्यस्वरूप नाना प्रकारकी लीलाके स्वरूप हैं. तिन स्वरूप-लीला-सहित सबन्कों प्रकाश किये हैं.

प्रथम श्रीयशोदाजीके इहां श्रीकृष्ण जो बाललीला करी हे सो स्वरूप श्रीनवनीतप्रियाजीको हे. जो नवनीत श्रीहस्तकमलें लियो हे अरु श्रीयशोदाजीके आंगनमें रिंगनलीला करत हैं.

ओर श्रीयशोदाजीके इहां बड़े भये तब गोचारण लीला किये हैं सो स्वरूप श्रीमथुरानाथजीको हे. सो गोपिकान्के घर माखनचोरिकों जात हैं तासमय उहां श्रीस्वामिनीजी आई. विनने कह्यो जो “में श्रीनन्दरायजी-श्रीयशोदाजीके पास ले जाउंगी” तब आप ओर दो भुजा प्रगट करि बिनती किये जो “में तो तुम्हारे वश हों, तुमकों पास ही राखत हों, मेरी चारोंउ भुजा तुम्हारे आभूषण अरु अङ्ग समान हैं तातें मोकों छोडि देउ”. तब छोडी दिये सो एसी लीलाको भाव श्रीमथुरानाथजीको हे.

कात्यायनी व्रत किये तब चीरहरणकी लीला किये सो स्वरूप श्रीविट्ठलेशरायजीको हे. सो श्रीस्वामिनीजीके भावमें मग्न हैं सो तातें गौर स्वरूप प्रगटे हैं.

अब रासपञ्चाध्यायीमें मुरली बजाईके प्रथम सब ब्रजभक्तनों बुलायके पुलिनमें बेठारे सो स्वरूप श्रीद्वारिकानाथजीको हे. सब गोपिका जो पुलिनमें बैठी हैं ता मध्य श्रीस्वामिनीजी हैं तहां श्रीठाकुरजी अचानक पधारे ओर दोइ श्रीहस्तसों श्रीस्वामिनीजीके नेत्रकमल मूदे अरु दोइ श्रीहस्तसों वेणुनाद किये हैं सो ये लीला श्रीद्वारिकानाथजीके इहां प्रगट हे.

अब श्रीगोकुलनाथजी हैं सो श्रीगोवर्धन धारण किये हैं. सो वाम श्रीहस्तसों श्रीगोवर्धनकों उठायो हे तातें श्रीगोकुलनाथजीको दर्शन करत येही लीलाभाव स्फुरत हे.

अब श्रीगोकुलचन्द्रमाजीको स्वरूप हे सो साक्षात् मन्मथमन्मथ जो गोपिकानें रासपञ्चाध्यायीमें श्रीठाकुरजीको अन्तर्धान भयो ता पाछे गोपीजननें रुदन कियो हे तब प्रगट भये हैं. या भांति श्रीगोकुलचन्द्रमाजीके इहां रासादिक लीला ताको

प्रादुर्भाव होत हे.

अब श्रीमदनमोहनजीके स्वरूपको भाव यह हे जो निकुञ्जादिकके भीतर नाना प्रकारकी लीला करत हैं.

अन्य गोदके श्रीठाकुरजी हैं तहां भांति-भांतिकी लीला हे. अब श्रीद्वारिकानाथजीकी गोदके ठाकुर श्रीबालकृष्णलालजी (वर्तमानमें सुरतस्थ) हैं तिन सकटभञ्जन लीला करि हे. ओर श्रीमथुरानाथजीकी गोदके श्रीनटवरजी (वर्तमानमें राजनगरस्थ) हैं सो तृणावर्तके प्रसङ्गकी लीला प्रगट किये हैं. याही भांति श्रीनवनीतप्रियाजीके पास श्रीबालकृष्णजी हैं तथा श्रीमदनमोहनजी हैं सो जृम्भणलीला करि हे. ओर श्रीगोकुलचन्द्रमाजीके पास श्रीबालकृष्णजी हैं सो उलूखललीला करी हे. ओर ये श्रीआचार्यजी तथा श्रीगुसांईजीके सब स्वरूप हैं सो या भांति सब स्वरूपनकी सेवा हे. सो श्रीआचार्यजी आप प्रगट किए हैं जामें पुष्टिलीला प्रगट हे.

ताहीतें श्रीआचार्यजीने पुष्टिमार्ग प्रगट कियो जामें साक्षात् पुरुषोत्तमको सम्बन्ध हे एसे श्रीआचार्यजी आप हैं. सो एसो कृपाको समुद्र न कोइ भयो, न हे अरु न होईगो. सो काहेतें ? जो कोटानकोटी युग बीते, बड़े-बड़े अवतार भये हैं, ऋषि-मुनि-भगवदीयहु भये हैं परि पुष्टिमार्गकी रीतिकों कोइ जानत न हतो. तातें काहूसों पुष्टिमार्ग प्रगट कियो न गयो. सो श्रीआचार्यजी आप प्रगट किए हैं जामें पुष्टिलीला प्रगट हे. तातें श्रीआचार्यजी समान न कोई हे न भयो न होईगो ॥५॥

(पुष्टिसम्प्रदायमें गुरुरूप श्रीवल्लभको ज्ञानरूप गुण : कलिके बलवान् होयवेकी भीति मिटायके भगवत्प्रीतिकर सेवामार्गके प्रवर्तक

होनो हे)

यदङ्घ्रि - नख - मण्डल - प्रसृत - वारि - पीयूष - युग् -

वराङ्ग - हृदयैः कलिस्तृणमिवेह तुच्छीकृतः ॥

व्रजाधिपतिरिन्दिरा - प्रभृति - मृग्य - पादाम्बुजः

क्षणेन परितोषितः तदनुगत्वमेवास्तु मे ॥६॥

यदङ्घ्रि-नख-मण्डल-प्रसृत-वारि-पीयुष-युग्-वराङ्ग-हृदयैः = जिनके दोउ चरणके नखन्सों प्रसृत अमृतजलकों अपने मस्तक एवं हृदयमें धारण करवेवारेन्सों

तृणम् = घास

इव = जैसे इह = या

ब्रजाधिपतिः = ब्रजके अधिपति

कलिः = कलिकाल

क्षणेन = क्षणमात्रमें

तुच्छीकृतः = तुच्छ बनायो हे (च = अरु)

परितोषितः = प्रसन्न करे हैं

इन्दिरा-प्रभृति-मृग्य-पादाम्बुजः =

तदनुगत्वम् = विनको अनुसारिपनों

लक्ष्मीजी आदि जिनके

एव = ही मे = मोकों

चरणकमलकों खोजत हैं वे

अस्तु = प्राप्त होउ

भावार्थ : जिनके चरणन्के नखमण्डलसों निकरवेवारे चरणामृतसों जिनके मस्तक अरु हृदय अभिषिक्त भये हैं वे तो या कलिकालकों तृणके तुल्य तुच्छ करि जानत हैं. लक्ष्मी आदिहु जिनके चरणकमलन्कों खोजत रहत हैं ऐसे ब्रजाधिपतिकुं जिनने क्षणभरमें प्रसन्न करि राखें हैं ऐसे आचार्यचरणन्कों में अनुगामी (सदा) ही बन्यो रहूं ॥६॥

टीका : सो श्रीआचार्यजीके नखचन्द्रमा जो हैं सो मेरे मनमें जो नाना प्रकारके अज्ञानरूप अन्धकार हैं ताके दूरि करनहारे हैं. सो श्रीआचार्यजीके नखचन्द्रमें बडो प्रताप हे. लौकिक चन्द्रमामें यह हे जो रात्रिको प्रकाश करे ओर पूर्णमासीकी रात्रिकों पूर्ण होई पाछे घटे-बडे ओर सूर्यके आगे प्रकाश मन्द होइ जाय. ओर श्रीआचार्यजीके नखचन्द्र कैसे हैं ? जो सदा एकरस जिनको प्रकाश हे सो जिनके नखचन्द्रमा ऊपर कोटि-कोटि चन्द्रमा वारि डारिये. जिनके नखचन्द्रको प्रकाश जो श्रीआचार्यजीके सेवक हैं तिनके हृदयमें प्रकाश करत हैं. तहां एकरस ही सदा रहत हे. काहेतें ? जो अलौकिक अमृतरूप हैं, तिनकों जो सेवक अपने हृदयमें राखत हैं तिनको हृदयकमल एसो निर्मल निर्विकार होत हे. जो कलिके दोष हैं जो संसारके सुख-दुःखकों तुच्छ करि डारत हैं. काहेतें ? जो जहां चन्द्रमा होत हे तहां अन्धकार आय नहीं सकत हे. जो जा सेवकके हृदयमें रहत हे तिनको हृदय शुद्ध होय जात हे. काहेतें ? जो जहां श्रीआचार्यजी महाप्रभुन्के नखचन्द्र

श्रीस्फुरत्कृष्णप्रेमामृतस्तोत्रम्

१०७

हृदयमें प्रकाश करे हैं तहां तो श्रीठाकुरजीकी लीलाको प्रगट अनुभव होन लागत हे. तहां कलिके धर्म संसारके सुख-दुःखकी कोन कहे ! याहीतें श्रीभागवतमें श्रीशुकदेवजी राजा परीक्षितसों कहत हैं जो जीवकों संसारसुख तहां ताई प्रिय लागत हे जहां ताई श्रीठाकुरजीके चरणारविन्दको सुख नहीं पायो. याहीतें भगवद्गीतामें अर्जुनके प्रति भगवान कहे हैं - “हे अर्जुन ! जहां ताई यह जीव मेरे चरणकमलके सुखकों नहीं जानत हे तहां ताई संसारसुख, जो दुःखरूप हे, ताकों सुख मानिके भोग करत हे ओर जब मेरे चरणारविन्दको माहात्म्य हृदयमें आवत हे तब संसारसुख तुच्छ जानिके छोडि देत हे” (?).

सो श्रीठाकुरजीके चरणारविन्द कैसे हैं ? जो जिनकों श्रीलक्ष्मीजी अपने हृदयसों लगायके परमप्रेमसों सेवन करत हैं. सो जो श्रीआचार्यजीकी शरण आयके दृढता करिके चरणकमलको सेवन करत हैं तिनके हृदयमें श्रीआचार्यजी लीलाको अनुभव करावत हैं. जो केसोहू होई साधनरहित होय, स्त्री होय, शूद्र होय पर श्रीमहाप्रभुजीके चरणकमलके दृढ आश्रयतें सगरी लीलाको अनुभव होई. ऐसे श्रीआचार्यजी परम-दयाल हैं ॥६॥

(पुष्टिसम्प्रदायमें गुरुरूप श्रीवल्लभस्यको वैराग्यरूप गुण : पुष्टिमागीयन्के सकल कलिकालदोषन्कुं मिटायवेके सिवाय अन्य सगरे विषयन्में विरक्त होनो हे)

अघौघ-तमसावृतं

कलि-भुजङ्गमासादितम्

जगद्-विषय-सागरे

पतितमस्वधर्म रतम् ॥

यदीक्षण-सुधा-निधिः

समुदितोऽनुकम्पामृताद्

अमृत्युम् अकरोत् क्षणादरणमस्तु मे तत्पदम् ॥७॥

॥ इति श्रीविठ्ठलेश्वरविरचितं श्रीस्फुरत्कृष्णप्रेमामृतस्तोत्रं सम्पूर्णम् ॥

अस्वधर्म = अपनो नहीं ऐसे धर्ममें

यदीक्षणसुधानिधिः = जिनकी

रतम् = रचे-पचे

देखिवेरूप अमृतनिधि

श्रीस्फुरत्कृष्णप्रेमामृतस्तोत्रम्

१०८

अघौघतमसावृतं = पापरूप अन्धकारसों	अनुकम्पामृतात् =
ढंक्यो भयो	कृपारूप अमृतसों
कलिभुजङ्गमासादितं = कलिरूप सर्पद्वारा ग्रसित	क्षणाद् = क्षणवारमें
जगद्विषयसागरे = जगद्रूप विषयके सागरमें	अमृत्युम् = अमरपनेकों
पतितम् = पड़्यो भयो	अकरोत् = कियो, तत्पदं = वो पद
समुदितः = आछी भांतिसों उदित	(मे = मेरो) अरणम् = शरण,
	अस्तु = होउ

भावार्थ : पापनूके समूहरूप अन्धकारसों आवृत कलिकालरूप काले नागसों ग्रस्त, जागतिक विषयनूके सागरमें पड़्यो भयो अरु जो अपनो धर्म नाहीं एसे कर्ममें निरत जीवकुं, जिनकी अनुकम्पाके अमृतसों प्रकट भयो ईक्षणरूप चन्द्रमा क्षणमात्रमें मृत्युरहित बनाय देत हे, तिनके पद मोकों आश्रयरूप हैं !।७।।

टीका : अब जीव हे सो केसेहु अघकी खान होय ओर तामें तामस क्रोधादिकहु हैं, ओर कलि जो हे सो महामारी सर्प हे. सो या जीवकों नाना प्रकारके नाच नचावत हे. जगतमें विषयादिक जो संसार तामेंहु जीव डूबि रह्यो हे, जाको नाम 'महापतित' कहिये ताको उद्धार वेदहूमें नाहीं हे, धर्ममें रंचकहु ताकी गति नाहीं हे, एसो पापी जाको नाम कोऊ लेत नाहीं, एसो दुष्ट जीव होय सोऊ जो श्रीआचार्यजीकी शरणी आवे तो ताकेहु सकल दोष तत्काल दूर होत हैं. ताकोहू पुष्टिमार्गको जो फल हे ताको दान श्रीआचार्यजी आप करत हैं. एसे श्रीआचार्यजी आप पतितपावन परमदयाल हैं. दैवी जीवनूके उद्धारार्थ जिनको प्रागट्य हे. सो जो वैष्णव आचार्यजीके चरणकमलको दृढ आश्रय करि अपने हृदयकमलमें राखत हैं तिनके, महासर्परूप यह कलिकाल सगरो संसारको जो ग्रास करत हे सो एसो जो काल हे, सो निकटहु नहीं आय सकत. एसे श्रीआचार्यजी महाप्रभुनूके चरणारविन्द हैं जो जिनको दृढ आश्रय करिके जीव यह लोक परलोकमें दोनों ठोर सुख ही पावत हे. या प्रकार 'स्फुरत्कृष्णप्रेमामृत' हे सो श्रीगुसांईजी वरणन किये ताकी टीका श्रीहरिरायजी किये हैं. अब या ग्रन्थको फल कहत हैं.

मयि चेदस्ति विश्वासः श्रीगोपीजनवल्लभे

तदा कृतार्था यूयं हि शोचनीयं न कर्हिचित् ।।

जो एकविश्वास श्रीगोपीजनवल्लभहीको राखत हे सो कृतार्थरूप ही हे. सो

काहेतें ? जो श्रीगोपीजनवल्लभ श्रीगोवर्धनधर हैं तिनके चरणकमलको दृढ विश्वास जब जीवकों भयो तब वाके कृतार्थतामें सन्देह कहा रह्यो ? कृतार्थरूप ही हे. सो जीव उद्धारको शोच नाहीं करत हे.

काहेतें ? जो सतत श्रीठाकुरजीको भजन करत रहे तो श्रीठाकुरजी तो सर्वसामर्थ्यसंयुक्त हैं. सबके अन्तःकरणकों जानत हैं, तातें आपुही करिके फल देइंगे. तातें श्रीठाकुरजीसों कोई वस्तुकी वांछना नाहीं करनी. काहेतें ? जो आपुही फल देइंगे. तातें दृढ विश्वासतें स्मरण करनो. सो काहेतें ? जहां तांइ जीवको विश्वास न होय तहां तांइ कोई क्रिया करो परन्तु कछु फलकी सिद्धि नाहीं हे. ओर विश्वास होय तो श्रीठाकुरजी फलमें ढील नाहीं लगावत हैं. सो केसे ? जो चातकको एक स्वातिजलको विश्वास हे सो यद्यपि मेघ जड हे तोहु वाको मनोरथ पूर्ण करत हैं. ओर मीनको यही स्वभाव के जो जलहीके आश्रय रहत हे. जो वाको जल ही जीवन हे. ताहीते जल वाकी रक्षा करत हे. तेसेई अपनो जीव जानीके श्रीठाकुरजीकी सेवा करनी. क्षण एक श्रीठाकुरजीके चरणारविन्दको भजन छोडनों नाहीं, भूलनो नाहीं ताको नाम दृढ विश्वास. ओर अविश्वासतें सर्वनाश होय. जेसैं पाण्डवनों विश्वास हतो तातें श्रीठाकुरजी उनकी रक्षा किए ओर दुर्योधनको अविश्वास हतो तातें वाको सर्वनाश भयो. तासों जो क्रियामें विश्वास नाहीं सो सब श्रम ही जाननों. तहां कछूहु फलकी सिद्धि नाहीं हे. तातें जाके हृदयमें श्रीठाकुरजीको मिलवेकी चाहना होय ताकों जब दृढ विश्वास होय तब सर्वफलकी प्राप्ति होय. सो दृढविश्वास श्रीआचार्यजीके चरणकमलको कोन प्रकार होय ? सो ताकेलिये श्रीगुसांईजी स्फुरत्कृष्णप्रेमामृत ग्रन्थ श्रीआचार्यमहाप्रभुनूको जामें स्वरूपवरणन हे सो प्रगट किये. या ग्रन्थको पाठ वैष्णवनूको नेमपूर्वक करनो. ता करिके श्रीआचार्यजीके चरणकमलमें दृढ विश्वास आवे ओर हृदय शुद्ध होय. जिनको रंचक अन्याश्रय होय सो दूर होय. ओर श्रीठाकुरजीकी नाना प्रकारकी जो लीला हे विनको अनुभव होय. सो पुष्टिमार्गको फल हे सो पावे.

अब श्रीहरिरायजी कहत हैं जो में यह 'स्फुरत्कृष्णप्रेमामृत' ग्रन्थकी टीका कियोहुं सो श्रीआचार्यजी ओर श्रीगुसांईजीकी कृपाते कियोहुं. जो प्रेमामृत ग्रन्थ केसो हे ? सर्व वेद-पुराण श्रीभागवतमें जो सार हे, फलरूप अमृत हे, ताहीको निरूपण भयो हे. ओर या ग्रन्थमें पुराणपुरुषोत्तम श्रीमहाप्रभुजीको ही वरणन हे, तातें जो वैष्णव 'स्फुरत्कृष्णप्रेमामृत'की टीकाको बांचे-सुने-कहे ताके हृदयमें

सर्वथा श्रीआचार्यजी महाप्रभु आप बिराजें. तातें वैष्णवन्को या ग्रन्थको पाठ भावसहित नित्य-नेमपूर्वक करत रहनो. ओर तादृशी वैष्णव होय तिनसों मिलिके या ग्रन्थको भावार्थ तत्त्व विचारनो. अन्य मार्गीयके आगे या ग्रन्थको पाठ न करनो. सो काहेतें ? जो अपनो मार्ग हे सो गोप्य मार्ग हे. ओर यह ग्रन्थ फलरूप हे तातें गोप्य राखनो.

॥ इति श्रीस्फुरत्कृष्णप्रेमामृतम् की ब्रजभाषा टीका समाप्त भई ॥

ये टीका श्रीहरिरायजीविरचित संस्कृत टीकासूँ कछूक भिन्न स्वतन्त्र भाषाटीका लगे हे. क्योँके याको संस्कृत टीकासूँ कहुँ-कहुँ पार्थक्य स्पष्ट हे. अथवा कोई ओरके द्वारा विरचित श्रीहरिरायजीके नामसूँ प्रचलित हो गई लगे हे. विषय सुन्दर होयवेसूँ कहीं-कहीं संक्षिप्त भी करके प्रकाशित कर रहे हैं (सम्पादक).

॥ नामरत्नाख्यस्तोत्रम् ॥

(५)

श्रीदेवकीनन्दनजी श्रीविट्ठलेशप्रभुचरणन्के १०८ नामन्के विवरणको आरम्भ करिवेसूँ पहिले मङ्गलाचरण करत हैं.

निजैकशरणं श्रीमद्-गोकुलं सर्वतो भयात् ॥

रक्षितं येन तं नित्यम् आश्रये गिरिधारिणाम् ॥१॥

जिनमें अपने शरणमें आये गोकुलकी सब ही तरहके भयन्सूँ रक्षा कीनि हे एसे श्रीगोवर्धनकुं धारण करिवेवारे श्रीगिरिधारीन्को मैं नित्य आश्रय करूँ हुं.

यदुदित-पथवर्ति-देहभाजां भवति वशे किल नन्दगोपसूनुः ॥

अतिकरुणमुपास्य-विट्ठलेशात्मज-रघुनाथम् अहर्निशं नतोऽस्मि ॥२॥

जिनकेद्वारा उपदिष्ट पुष्टिभक्तिमार्गको अनुसरण करिवेवारेन्के वश नन्दगोपकुमार श्रीकृष्ण निश्चय ही होत हैं एसे अतिकरुणावारे श्रीविट्ठलनाथप्रभुचरणन्के पुत्र श्रीरघुनाथजीकों मैं अहर्निश

प्रणाम करूँ हुं.

विविध प्रकारके पापन्के तापसों सन्तप्त होवते ओर अनेक जन्मन्सों भूतलपें फिरवेवारे सभी दैवीजीवन्के उद्धारको सुगम उपाय श्रीविट्ठलनाथप्रभुचरणन्के १०८ नामन्को निरूपण करिवेवारो ये स्तोत्र हे. सो विन नामन्को निरूपण करिवेमेंहु विन नामरत्नन्को ही आश्रय करते भये श्रीरघुनाथचरण मङ्गलाचरण करें हैं:

यन्नामार्कोदयात् पाप-ध्वान्त-राशिः प्रशाम्यति ॥

विकसन्ति हृदब्जानि तन्नामानि सदाश्रये ॥१॥

सामर्थ्यवारे श्रीगुसांईजी या मन्त्रके अधिष्ठाता देव हैं. ओर सर्व पुष्टिभक्तिमार्गीयन्के सर्व प्रकारके मनोरथन्की सिद्धि करिवेमें ही या नाममन्त्रको विनियोग हे.

अब श्रीविट्टलनाथप्रभुचरणके १०८ नाम कहत हैं:

श्रीविट्टलः^१ कृपासिन्धुः^२ भक्तवश्यो^३ऽतिसुन्दरः^४ ॥३॥

श्रीविट्टलः

कर्म, ज्ञान, उपासना आदि मार्गन्में फंसे भये, भगवत्स्वरूपके ज्ञान अरु भगवद्भक्तिके ज्ञानसूं रहित दैवी पुष्टिजीवनपेहु कृपा करिके आप विनको पुष्टिभक्तिमार्गमें अङ्गीकार करे हैं तासूं आप 'विट्टल' कहावत हैं. आपके सभी नाम शुभ हैं तासूं नामके आगे प्रारम्भमें ही 'श्री' कह्यो हे. आप ऐश्वर्यादि षड्गुणयुक्त हैं. जेसैं भगवान् भक्तन्के उद्धारार्थ प्रकटे एसें आपहु दैवी पुष्टिजीवनके उद्धारार्थ भूतलपे प्रकट भये.

कृपा-सिन्धुः

भक्तोद्धारके अर्थ आपकुं प्रकट होयवेकी कहा आवश्यकता हती ? तहां दूसरो नाम कहत हैं: श्रीविट्टलनाथप्रभुचरण कृपाके सागर हैं. समुद्र जेसैं रत्नन्सूं भर्यो भयो हे ओर अगाध हे तेसैं आपहु भक्तिभावरूपी रत्नन्सूं भरे भये ओर अगाध गुणवारे हैं. नदी, सरोवर आदि तो अधिक जल बरसवेसूं छलकि जात हैं ओर जल नहीं बरसे तो सूकि हू जात हैं परि सागर तो सदा पूर्ण ही रहत हे, अपनी मर्यादाको कबहु उल्लंघन नाहिं करत हे. आपकु कृपाके सागर कहिके यह जताय जो जेसैं समुद्र सदा परिपूर्ण रहत हे तेसैं आपुकी कृपाहु पुष्टिजीवनपे सदा पूर्ण रहत हे. आप कृपालु हैं तासों पुष्टिजीवनके उद्धारार्थ प्रकट भये हैं.

भक्त-वश्यः

उपर कह्यो जो आप मर्यादाको कबहु उल्लंघन नाहिं करत हैं. तहां शङ्का होत हे जो मर्यादा कोनसी मर्यादा ? तहां कहत हैं: आप भक्तन्के वश हैं अथवा भक्तन्कुं अपने वशमें राखत हैं. तासों मर्यादा भक्तिरूप जाननी. आशय ये हे जो

नामरत्नाख्यस्तोत्रम् ११४

यन्नामार्कोदयात् = जिनके नामरूप सूर्यके उदयसों विकसन्ति = खिलवे लगत हे
पाप-ध्वान्त-राशिः = पापरूपी अन्धकारको समूह तन्नामानि = विन नामन्को
प्रशाम्यति = सम्पूर्ण नष्ट होय जात हे सदा = सदा
हृदब्जानि = हृदयरूपी कमल आश्रये = आश्रय करूं हुं

भावार्थ : जिनके नामरूपी सूर्यके उदयसों स्वीय जनन्के भक्तिमार्गीय साधन-फलके आड़े आवते दोष - प्रतिबन्धादि रूप अन्धकार पूर्णरूपसों नष्ट होत हे ओर सूर्योदयसों जेसैं कमल खिलि जात हे तेसैं जिनके नामके कीर्तन-श्रवणादिसों स्वीय जनन्के हृदयकमल भगवद्भक्तिके सञ्चारसों प्रफुल्लित होय जात हैं एसे श्रीविट्टलनाथप्रभुचरणन्के नामन्को मैं आश्रय करूं हुं.

(या स्तोत्रके छन्दः ऋषिः देवः विनियोग अरु फलसिद्धि को निरूपण)

आ नु ष्टु भ मि ह च्छ न्दः १ ऋ षि र ग्नि कु मा र जः २ ॥

स र्व श क्ति स मा यु क्तो दे वः श्रीवल्लभात्मजः ३ ॥२॥

विनियोगः स म स्ते ष्ट सि ङ्घ्य र्थे वि नि रू पि तः ४ ॥

इह = यामें ऋषिः = मन्त्रके दृष्टा ऋषि
आनुष्टुभम् = अनुष्टुप् सर्वशक्तिसमायुक्तः =
छन्दः = छन्द, अग्निकुमार-जः = अग्निकुमार सर्व तरहकी शक्तिवारे
श्रीवल्लभात्मजः = श्रीवल्लभाचार्यचरणक समस्तेष्टसिङ्घ्यर्थे = सब प्रकारकी
इष्टकी
आत्मज एसे श्रीविट्टलनाथप्रभुचरण सिद्धिके अर्थ, विनियोगः = उपयोग
देवः = देवता विनिरूपितः = निरूपित कियो हे.

भावार्थ : या नाममन्त्र-स्तोत्रको छन्द अनुष्टुप् हे. अग्निकुमार श्रीविट्टलनाथ-प्रभुचरणके आत्मज श्रीरघुनाथजी या नाममन्त्रके दृष्टा ऋषि हैं. सभी प्रकारके

नामरत्नाख्यस्तोत्रम् ११३

आप कबहु भक्तिमार्गकी मर्यादाको उल्लङ्घन नाहिं करत हैं.

अति-सुन्दर:

आपके स्वरूपको वर्णन करत हैं: आप अत्यन्त सुन्दर हैं. अर्थात् जितनी सुन्दर वस्तु हैं तिन सबन्सों आप सुन्दर हैं. क्यों जो आप आनन्दमय हैं.

कृष्णलीलारसाविष्टः^५ श्रीमान्^६ वल्लभ-नन्दनः^७ ॥

दुर्दृश्यो^८ भक्तसन्दृश्यो^९ भक्तिगम्यो^{१०} भयापहः^{११} ॥४॥

कृष्ण-लीला-रसाविष्ट:

तहां शङ्का होत हे जो आपको आनन्द केसो हे ? सो कहत हैं: पूर्ण आनन्द ही जिनको स्वरूप हे एसे श्रीकृष्णकी लीलारससों आप परिपूर्ण हैं.

गीतामें भगवान्ने कह्यो हे जो “जो जाके उपर श्रद्धावारो होय हे सो तद्रूप होत हे”. श्रद्धामात्रसों जो तद्रूप होत होय तहां जाकों साक्षात् स्वरूप-लीलको सदा आवेश रहतो होय वाकी आनन्दरूपतामें कहा कहनो ! सो जेसैं श्रीकृष्णको स्वरूप ओर लीला अलौकिक हैं तेसैं वा स्वरूप-लीलारससों परिपूर्ण आनन्दहु आपमें अलौकिक ही हे.

श्रीमान्

तहां कहत हैं जो रसावेशको अनुभव तो अन्तःकरणमें ही होत हे. सो केसे जान्यो जाय ? तहां नामान्तर कहत हैं: भगवद्रसावेश होयवेपें जो रोमाञ्च होत हे सो आपमें बाहर हु प्रकट होत हे. एसी शोभावारे होयवेसूं आपको ‘श्रीमान्’ कहे हैं. ओर हु कहत हैं जो जेसैं पात्रमें रस अन्दर पूर्ण भरि जाय तापाछें बाहर उच्छलित होतही हे तेसैं आपमें पूर्णानन्द अन्तःप्रविष्ट होयवेसूं वाको बाहरहु प्रकट होनो युक्त ही हे.

वल्लभ-नन्दन:

अब आपके प्राकट्यके विषे कहत हैं: महाप्रभु श्रीवल्लभाचार्यचरणके घर

प्रकट होयके आप विनकों ओर सबन्के मनोरथ पूर्ण करिके आनन्द देत हैं.

दुर्दृश्य:

सबन्के मनोरथ पूर्ण करत हैं तब सब ही आपको भजन क्यों नहीं करत हैं ? तहां नामान्तर कहत हैं: भक्तजननकुं छांडिके अन्य कोउ आपके अलौकिक स्वरूपको दर्शन कष्टसूंहु करि सकत नाहिं. क्यों जो अलौकिक स्वरूप तो लौकिक इन्द्रियनसूं देख्यो जासके एसो होत नाहिं. सो वा इन्द्रियातीत स्वरूपको दर्शन तो आप स्वयं इच्छा करें तबही होइ सकत हे.

भक्त-सन्दृश्य:

तहां शङ्का होत हे जो इन्द्रियातीत स्वरूपको दर्शन भक्तजन हु केसे करत होइंगे ? तहां कहत हैं: भक्त तो आपुके दर्शन अनायास ही करी सकत हैं. क्यों जो दर्शन आपकी इच्छाके अधीन हैं. भक्तन्के विषे आपकी इच्छा अनुकूल होइवेसों भक्त आपके दर्शन करी सकत हैं.

भक्ति-गम्य:

दर्शन तो इन्द्रियनसों होत हे. इन्द्रियनमें ही अलौकिक स्वरूपके दर्शनको सामर्थ्य नहीं होय तब आपके दर्शन केसे होइ सकें ? तहां नामान्तर कहत हैं: भक्तिसों आपको ज्ञान ओर दर्शन होइ सकत हैं एसैं आप हैं. अर्जुनकुं जब भगवान्के अलौकिक स्वरूपको दर्शन करिवेकी इच्छा भई तब भगवान्ने वासों कह्यो जो तेरे या लौकिक चक्षुसों मेरो दर्शन तोकों होइ नहीं सकेगो. तासों में तोकों दिव्य चक्षु देत हों. यों कहीके भगवान्ने अर्जुनकों भक्तिरूपी दिव्य-अलौकिक द्रष्टि दीनी. तासों अर्जुनने भगवान्के विश्वरूप स्वरूपको दर्शन करे. क्यों जो भगवान् स्वयं गीतामें आज्ञा करत हैं जो “भक्तिसूं मोकु आछी भांतिसूं जाने हे” “अनन्य भक्तिसूं ही मेरे एसे स्वरूपको दर्शन होइ सकत हे”. एसैं ही श्रीविठ्ठलनाथप्रभुचरणके अलौकिक स्वरूपके दर्शनहु आपमें भक्ति होयवेपे होइ सकत हैं.

भयापह:

तहां शङ्का होत हे जो जेसैं कालदोषसूं रात्रिके अन्धकारमें चक्षु विद्यमान् वस्तुकुं हु देखी नाहिं सकत हे तेसैं भक्तको हु आपके दर्शनमें कलिकालादिकके प्रतिबन्ध आय सके हैं. तब भक्त आपके दर्शन नाहिं करि सकेगो. तहां दूसरो नाम कहत हैं: आप काल, कर्म, स्वभाव आदि कृत सर्व प्रकारके प्रतिबन्धनों दूर करिवेवारे हैं.

अ न न्य भ क्त हृ द यो^{१२} दी ना ना थै क सं श्र यः^{१३} ॥

राजीवलोचनो^{१४} रासलीलारसमहोदधिः^{१५} ॥५ ॥

अनन्य-भक्त-हृदयः

बहारके भय तो जानिवेमें आय सकत हैं तासों विनकुं दूर करि सकत हैं परि अन्दरके प्रतिबन्धको ज्ञान होइ सकत नाहिं. सो कैसे निवृत्त होइंगे ? तहां एक ओर नाम कहत हैं ? जो श्रीकृष्णके अतिरिक्त अन्य काहुको भजन नाहिं करत हैं एसैं अनन्यभक्त आपके हृदय हैं. अथवा अनन्यभक्तनके हृदयमें आप बिराजे हैं. तासों विनके अन्दरके प्रतिबन्धनकुं जानिके नाश करत हैं. भागवतमें कह्यो हे जो “साधु पुरुष मेरो हृदय हैं ओर में साधु पुरुषनको हृदय हुं”. तासोंहु आप भगवदीयनके आन्तर्दोषनकुं जानि सकत हैं.

दीनानाथैक-संश्रयः

आप तो ईश्वर हैं, जीवन्सों समानता आप क्यों करत हैं ? आप सर्वसाधनसों हीन एसे दीन ओर जिनको अन्य कोउ आश्रय नाहिं हे एसे अनाथ जीवन्के एकमात्र आश्रय हैं. जो जाको आश्रय बनत हे सो यदि आश्रितके सङ्ग सदाही नहीं रहे तो वो ‘आश्रय’ही नाहिं कहावत हे. ‘संश्रय’ कहीके ये सूचित कियो जो श्रीविठ्ठलनाथप्रभुचरण जो आश्रित होत हैं विनके सदा सङ्ग ही रहत हैं.

राजीव-लोचनः

अब कहत हैं जो आधुनिक जीव भक्तिमार्गमें होयवेपेहु संसारमें पड़े भये होयवेसूं विनके तापकुं मिटानो कठिन हे. तहां आगेको नाम कहत हैं: कमलपत्रके जेसे आपके नेत्र हैं सो कृपापूर्ण दृष्टि करिवेमात्रसों भक्तनके त्रिविध तापनको दूर

करिदेत हैं.

रास-लीला-रस-महोदधिः

कमल तो जहां ताई जलमें रहत हे तहां ताई सरस होत हे तासों तापहारक होत हे जलसों बाहर निकसिवे पाछें तो नीरस होइ जात हे. सो नीरस कमल जेसैं ताप दूर नाहिं करि सकत हे तेसैं कमलतुल्य होवेसों आपकी दृष्टिहु कदाचित् ताप दूर करि न सके ? तहां नामान्तर कहत हैं ? आप रासलीलाके रसके महान् समुद्र हैं. ‘महान्’ वो कहात हे जाकु नापी नाहिं सकात. सरोवरमें होते प्राकृत कमल कदाचित् तापसों सूकी सकत हैं परि रससमुद्र श्रीविठ्ठलनाथप्रभुचरणके श्रीअङ्गमें रहे भये नेत्रकमल तो सदा रससों परिपूर्ण होइवेसों कबहु निरस नाहिं होत हैं. तासों आपके नेत्रकमल भक्तनके तापकुं निश्चय ही हरत हैं.

धर्मसेतुः^{१६} भक्तिसेतुः^{१७} सुखसेव्यो^{१८} व्रजेश्वरः^{१९} ॥

भक्तशोकापहः^{२०} शान्तः^{२१} सर्वज्ञः^{२२} सर्वकामदः^{२३} ॥६ ॥

धर्म-सेतुः

यदि समुद्र उच्छलित होय तो वाको जल सर्वत्र फेल जाय. आप हु रासलीलारसके समुद्र हैं तब सर्वत्र वा रसकु प्रकट क्यों नाहिं करत हैं ? तहां नामान्तर कहत हैं: श्रीविठ्ठलनाथप्रभुचरण धर्म, अर्थ, काम ओर मोक्ष इन चार्यों पुरुषार्थनको पालन करिवेवारे हैं. यदि सर्वत्र वा रसकुं प्रकट करि दें तो अन्य पुरुषार्थनकुं कौन पूछेगो ! तासूं आप एसो नाहिं करत हैं.

भक्ति-सेतुः

भक्तिमार्गनकुं यदि धर्मादि पुरुषार्थनसूं कोउ प्रयोजन नाहिं हे तब धर्मादि पुरुषार्थ विनकुं कर्तव्यहु नाहिं हैं. तब आप विनके पालक कैसे कहवावेंगे ? तहां नामान्तर कहत हैं: श्रीविठ्ठलनाथप्रभुचरण पुष्टिमार्गीय फलरूप भक्तिके पालक हैं. साधनरूपा भक्तिमें वर्णाश्रमादि धर्मनको परित्याग कर्तव्य नाहिं हे. तासों भक्तिमार्गीहु विनको आचरण करत हैं. आप तो धर्म ओर भक्ति दोउनके पालक हैं. तासों जाको जा मार्गमें अङ्गीकार होय वाको वा मार्गकी रीति अनुसार पालन करत हैं.

सुख-सेव्यः

तहां कहत हैं जो भक्तिमार्गमेंहु क्वचित् धर्मादिको त्याग देखिवेमें आवत हे. सो क्यों ? आप सुखसों सेवाकरिवे योग्य हैं. भगवदीयनकोंतो सबही काल सेवार्थ ही होत हे. तासों भगवत्सेवाके कालमें यदि अन्य कर्तव्य प्राप्त होते होंय तो भगवदीयजन वे कर्तव्य सेवाके अनवसरमें करत हैं. या बातको विवेचन श्रीविठ्ठलनाथप्रभुचरणनूने “आदराद् अलोपः” या ब्रह्मसूत्रके भाष्यमें विस्तारसों कियो हे. तासों आपको ‘सुखसेव्यः’ कहे हैं.

ब्रजेश्वरः

तहां कहत हैं जो अब ताई जिन नामनूको निरूपण कियो सो नामनूमें वर्णित गुण तो केवल पूर्णपुरुषोत्तम श्रीकृष्णमें ही होय सके हैं. ओर श्रीविठ्ठलनाथप्रभुचरण तो वेसे दीसत नाहिं हैं. आप तो अन्य अवतारनूकेसे दीसत हैं. तब पूर्वोक्त गुण आपमें केसे सङ्गत होइंगे ? तहां नामान्तर कहत हैं: आप ब्रजके ईश्वर हैं. इतनें, प्रभूनूको साक्षाद् आविर्भाव तो ब्रजमें ही हे सो “नन्दस्त्वात्मज उत्पन्नः”की सुबोधिनीमें श्रीआचार्यचरणनूने निरूपण कीनो हे. श्रीविठ्ठलनाथप्रभुचरणहु स्थिररूपसों सदा ब्रजमें ब्रजेश्वरकी न्याइं बिराजे सो ब्रजेश्वर हैं सो आपको यह नाम यथार्थ ही हे.

भक्त-शोकापहः

श्रीकृष्ण तो भक्तनूके भयकूं हरिवेके अर्थ ब्रजमें पधारे हते. श्रीविठ्ठलनाथप्रभुचरणनू हु कहा वाही हेतुसों ब्रजमें पधारे हते ? तहां आगेको नाम कहत हैं: भक्तनूके शोक इतनें आर्तिकूं दूर करिवेवारे आप हैं. जेसैं भगवान् श्रीकृष्णको आविर्भाव भक्तनूके भयकूं हरिवेके अर्थ भयो हतो तेसैं आपको प्राकट्यहु समझनो.

शान्तः

भगवान् तो भक्तके अनिष्टनूको निवारण सङ्कर्षणव्यूहद्वारा करत हैं, आपु तो भक्तको इष्ट ही करत हैं. परि श्रीविठ्ठलनाथप्रभुचरण भक्तके अनिष्टनूको वारण

करत हैं तब आपमें क्रोधादिकहु सम्भवते होईंगे, सो कहा वे भगवान्के सङ्कर्षणव्यूहरूप हैं ? तहां नामान्तर कहत हैं: आप शान्त हैं, इतनें क्रोधसों रहित हैं. तासों आपको सङ्कर्षणरूप न जानने. अथवा जेसैं-जेसैं भक्तकों इच्छा होत हे तेसैं-तेसैं विनकी इच्छानूकी पूर्ति करत हैं. शान्त कहीके आप भक्तनूके इष्टको सम्पादन करिवेवारे हैं एसैं जतायो.

सर्व-ज्ञः

तहां शङ्का होत हे जो इच्छा तो मनमें होत हे, ताको ज्ञान आपको केसे होत हे ? तहां दूसरो नाम कहत हैं: अन्दर-बाहर सबकछु आप जाने हैं. आप भगवान् हैं तासों आपमें सबकछु उपपन्न हे.

सर्व-काम-दः

आप सर्वज्ञ भले होउ परि विविध प्रकारके भक्तनूकी विविध प्रकारकी इच्छानूकूं पूर्ण करनो तो अत्यन्त कष्टसूं साध्य हे सो आप केसैं करत हैं ? यह शङ्का होय तहां दूसरो नाम कहत हैं: आप भक्तनूकों अभिलषित सब देवेवारे हैं.

रुक्मिणीरमणः^{२४} श्रीशो^{२५} भक्ततरत्नपरीक्षकः^{२६}॥

भक्ततरक्षैकदक्षः^{२७} श्रीकृष्णभक्तिप्रवर्तकः^{२८}॥७॥

रुक्मिणी-रमणः

प्रकारान्तरसों हु श्रीविठ्ठलनाथप्रभुचरणको भगवान्सों साम्य अन्य दो नामनूसों कहत हैं: आप श्रीरुक्मिणीजीके पति हैं.

श्रीशः

आप श्रीलक्ष्मीजी स्वरूप श्रीपद्मावतीजीके पति हैं.

भक्त-रत्न-परीक्षकः

अब शङ्का होत हे जो पुष्टिभक्त अरु साधारण मनुष्य एक सरिखे ही दीसत

हैं तब विनमेंते पुष्टिभक्तनूकों आप कैसे जानत होईगी ? तहां आगेको नाम कहत हैं: आप भक्तरूपी रत्ननूके परीक्षक हैं. इतनें, जैसे जौहरी रत्न जैसे भासित होते काचादिककूं अलग करिके विनमेंसूं रत्ननूकूं पृथक् जानि लेत हे तेसें आप उत्तम पुष्टिभक्तनूकों अन्य साधारण मनुष्यनूसूं जुदे जानि सकत हैं.

भक्त-रक्षक-दक्ष:

जाके पास रत्न होत हे सो वाकी रक्षामें सदा तत्पर रहत हे; भक्तहु रत्नरूप हैं तासों कहा आपहु विनकी रक्षामें सदा तत्पर रहत होईगी ? तहां नामान्तर कहत हैं: आप भक्तनूकी रक्षा करिवेमें प्रवीण हैं. इतनें, आप जो कछु करत हैं सो भक्तकी रक्षाके काज ही करत हैं एसें मूलमें 'एव'कारसों जतायो हे.

श्रीकृष्ण-भक्ति-प्रवर्तक:

एसें करिवेको कारण नामान्तरसों कहत हैं: फलरूप श्रीकृष्णमें सर्वात्मभावरूपा भक्तिके आप प्रवर्तक हैं. भक्तकों जब ताई फलरूप भक्ति सिद्ध नाहिं होत हे तब ताई वाके भगवद्भावकी रक्षा करनी आवश्यक होत हे. सो श्रीविठ्ठलनाथप्रभुचरण जेसें भक्तिमार्गके प्रवर्तक हैं तेसें रक्षकहु हैं.

महासुरतिरस्कर्ता^{२९}

सर्वशास्त्रविदग्रणीः^{३०} ॥

कर्मजाड्यभिदुष्णांशुः^{३१}

भक्तनेत्रसुधाकरः^{३२} ॥८ ॥

महासुर-तिरस्कर्ता

इतर मार्गनूको प्रतिपादन करिवेवारे अनेक विद्वाननूके उपदेशनूको श्रवण करिवेसूं सबनूके चित्त भ्रान्त होय रहे हैं तामें निर्गुण पुष्टिभक्तिमार्गमें प्रवृत्ति कैसें होयगी ? तहां नामान्तर कहत हैं: भागवतोक्त मार्गसों भिन्न मार्गको प्रतिपादन करनो सो असुरपनों जाननो. तामेंहु भक्तिमार्गको विरोध तो महा असुरपनों हे. एसे महा असुरनूको आप तिरस्कार करिवेवारे हैं. इतनें, जिन प्रमाणनूसों इतरमार्गीय पण्डितें स्वमार्गको प्रतिपादन करत हैं वा ही प्रमाणनूसों विनके मार्गनूके अप्रामाण्यको आप प्रतिपादन करत हैं.

सर्व-शास्त्र-विदग्रणी:

इतर मार्गीय पण्डितहु शास्त्र जाने हैं, वे श्रीविठ्ठलनाथप्रभुचरणके आगे कैसें चुप होइ जात हैं ? तहां नामान्तर कहत हैं: सर्व शास्त्रनूके ज्ञातानमें आप अग्रणी हैं इतनें अधिक ज्ञानवान् हैं. तासों आपके आगे अन्य पण्डित चुप होइ जात हैं सो युक्तही हे.

कर्म-जाड्यभिदुष्णांशु:

श्रीविठ्ठलनाथप्रभुचरणकी सर्वाधिक ज्ञानवत्तामें प्रमाण कहत हैं: कर्म, ज्ञान आदि मार्गनूकी जड़ताकों दूर करिवेवारे सूर्यरूप हैं. इतनें, यद्यपि, अग्नि आदि द्वारा हु रात्रिके समय शीतादि जन्य जड़ताको वारण होइ सकत हे तथापि सूर्य सर्वाधिक तेजस्वी होत हे तासों सूर्यसों जेसें जड़ताको सर्वत्र नाश होत हे तेसो अन्य कोउ प्रकारसों नाहिं होत हे. तेसें आप सर्वाधिक ज्ञानवान् हैं तासों कर्मादिमार्गनूमें जड़ताके कारण फंसे भये दैवी जीवन्की जड़ताकों आप ही दूरि करि सकत हैं तासों सूर्यरूप कहे हैं.

भक्त-नेत्र-सुधाकर:

आपकों सूर्य कहे हैं सो कहा भक्तनूकों आप तापरूप नाहिं होईगी ? तहां नामान्तर कहत हैं: श्रीविठ्ठलनाथप्रभुचरण भक्तनूके नेत्रनूकों अपने स्वरूपामृतको दान करिके विनके तापको हरण करिवेवारे सुधाकर इतनें चन्द्ररूप हैं.

महालक्ष्मी-गर्भरत्नं^{३३}

कृष्ण-वर्त्म-समुद्भवः^{३४} ॥

भक्त-चिन्तामणिः^{३५}

भक्तिकल्पद्रुम-नवाङ्कुरः^{३६} ॥९ ॥

महा-लक्ष्मी-गर्भ-रत्नम्

श्रीविठ्ठलनाथप्रभुचरणके प्राकट्यको प्रकार कहत हैं: आप श्रीमहालक्ष्मीजीके गर्भसों प्रकट भये रत्नके सामान् हैं. जेसें रत्न खानमें होत हे परि कोउ भाग्यवानूकों ही प्राप्त होत हे तेसें आप सदाही विद्यमान् हैं परि भक्तनूके भाग्योदयके काज प्रकट भये.

एसें श्रीविठ्ठलनाथप्रभुचरण हु लक्ष्मीजी सहित गोकुलमें बिराजत हैं.

कालिन्दी-पुलिन-प्रियः

आपके गोकुलमें ही बिराजवेको कारण कहत हैं: आपको श्रीयमुनाजीको तट अत्यन्त प्रिय हे. श्रीयमुनाजीके तटमें आपको अभीष्ट भगवल्लीलाको सुख प्राप्त होत हे.

गोवर्धनागम-रतः

श्रीगोवर्धन पधारिवेमें आप सदा उत्सुक रहत हैं.

प्रिय-वृन्दावनाचलः

श्रीगोवर्धन पधारिवेको कारण जनावत हैं: श्रीविठ्ठलनाथप्रभुचरणको वृन्दावन अरु अचल = श्रीगोवर्धन प्रिय हैं. अथवा आप वृन्दावनमें अचल प्रीतियुक्त हैं एसो हु अर्थ हे.

गोवर्धनाद्रि-मखकृन्^{४१} महेन्द्र-मद-भित्-प्रियः^{४२}॥

कृष्णालीलैक-सर्वस्वः^{४३} श्रीभागवत-भाववित्^{४४}॥११॥

गोवर्धनाद्रि-मख-कृन्

श्रीगोवर्धन पधारिकें आप कहा करत हैं? श्रीविठ्ठलनाथप्रभुचरण गोवर्धन सम्बन्धी यज्ञके करिवेवारे हैं. जेसें भगवान् श्रीकृष्णनें अवतारकालमें 'गोसव' नामको यज्ञ कियो हतो तेसें आपहु प्रतिवर्ष ताही प्रकारसें गोवर्धनमें यज्ञ करत हैं.

महेन्द्र-मद-भित्-प्रियः

श्रीकृष्णावतारमें गोवर्धनयज्ञके बखत तो साक्षात् श्रीगोवर्धननें सब सामग्रीको अङ्गीकार कियो हतो, आप जो यज्ञ करत हैं तबहु कहा एसे ही अङ्गीकार करत हे? तहां नामान्तर कहत हैं: इन्द्रके अभिमानको दूर करिवेवारे श्रीकृष्णचन्द्र आपको अत्यन्त प्रिय हैं. इतनें, जो जाको प्रिय होत हे सो अपने कार्यके करते

कृष्ण-वर्त्म-समुद्भवः

भूतलमें प्रकट होईके आपने कहा कीनो सो कहत हैं? आपनें कृष्ण सम्बन्धी निर्गुण पुष्टिभक्तिमार्गको प्राकट्य कियो. अथवा 'कृष्णवर्त्म'को अर्थ अनिहु होत हे. तासों वैश्वानरस्वरूप श्रीवल्लभाचार्यचरणन्सों आपको प्राकट्य हे अतः आपको अग्निकुमारपनों हु सिद्ध होत हे.

भक्त-चिन्तामणिः

पुष्टिभक्तिमार्गान्के भगवान् विषयक मनोरथ तो अनेकविध होत हैं सो सब भक्तन्के सब मनोरथ केसें पूर्ण करत होईगे? तहां नामान्तर कहत हैं: श्रीविठ्ठलनाथप्रभुचरण भक्तन्के चिन्तामणिरूप हैं. इतनें, जेसें चिन्तामणि चिन्तित विषयको प्राप्त करावत हे तेसें, प्रार्थना विना ही आप भक्तन्के चिन्तित विषयको उपलब्ध करि देत हैं.

भक्ति-कल्पद्रुम-नवाङ्कुरः

आप केवल चिन्तित अर्थको ही देत हैं, प्रार्थित अर्थको कहा नाहिं देत हैं? तहां नामान्तर कहत हैं: आप भक्तिरूपी कल्पद्रुमके नवीन अङ्कुररूप हैं. यहां यह भाव जाननो जो भक्तिरूपी कल्पद्रुमके अङ्कुरित होयवे मात्रसों भक्तके सर्व अर्थ सिद्ध होई जात हैं तहां भक्ति जब सिद्ध होय तब कहा अर्थ प्राप्त न होय! तासों चिन्तामणिरूप होईवेसों चिन्तित अर्थको देत हैं अरु कल्पवृक्षरूप होईवेसों प्रार्थित अर्थकोहु देत हैं, एसें आपमें दोउगुणहें.

श्रीगोकुल-कृतावासः^{३७} कालिन्दी-पुलिन-प्रियः^{३८}॥

गोवर्धनागमरतः^{३९} प्रियवृन्दावनाचलः^{४०}॥१०॥

श्रीगोकुल-कृतावासः

आपके बिराजवेके स्थान विषे कहत हैं: श्रीयुक्त गोकुलमें जिननें निवास कियो हे एसे आप हैं. जेसें श्रीकृष्णके जन्ममात्रसों ब्रज सर्व सौभाग्ययुक्त होइ गयो

अपने प्रियके कार्यकों अधिक मानत हे. तासों श्रीविठ्ठलनाथप्रभुचरणके कार्यकों श्रीकृष्ण अधिक मानिके अङ्गीकार करत हैं.

कृष्ण-लीलैक-सर्वस्व:

आपकी कृष्णप्रियता तो अनिर्वचनीय हे, वाको ज्ञान अन्य भक्तनों कैसे होई सकत हे ? तहां नामान्तर कहत हैं: श्रीकृष्णकी लीलाही आपको सर्वस्व हे. आप निरन्तर कृष्णलीलाको ही स्मरण, कथन, श्रवण आदि करत हैं. याहीतें आपकी कृष्णासक्तिको ज्ञान होई जात हे.

श्रीभागवत-भाव-वित्

श्रीकृष्णलीलाको स्मरणादि आप कैसे करत हैं ? तहां नामान्तर कहत हैं: श्रीभागवतके भावकों जानिवेवारे हैं. श्रीभागवत भक्तिशास्त्र हे या तत्त्वकूं जो जानत हैं विनकों ही श्रीभागवतके अध्ययनसों भगवदासक्ति होत हे अन्यकों नाहिं होत हे.

पि तृ - प्र वर्ति त - प थ - प्र चार - सु वि चार कः^{४५}॥

ब्रजेश्वर-प्रीति-कर्ता^{४६} तन्निमन्त्रण-भोजकः^{४७}॥१२॥

पितृ-प्रवर्तित-पथ-प्रचार-सु-विचारकः

आप तो सर्वज्ञ हैं तासों भक्तिशास्त्रके विषे सब कछु जानत हैं परि अन्य तो सर्वज्ञ नाहिं हैं सो वे लोग कैसे समजें ? तहां नामान्तर कहत हैं: श्रीवल्लभाचार्यचरणद्वारा प्रवर्तित पुष्टिभक्तिमार्गके प्रचारके विषे आप बहुत विचार करिवेवारे हैं. इतनें जो मार्गमें आयो भयो हे सो सामान्य व्यक्ति हु भक्तिमार्गके सिद्धान्तकों आछी भांतिसों समुझी सकत हे. अरु कोई पण्डित हु होय परि मार्गमें यदि आयो न होय तो कछु समुझी सकत नाहिं हे यह जाननो.

ब्रजेश्वर-प्रीति-कर्ता

पुष्टिभक्तिमार्गको ज्ञान कराईके आप कहा फल देत हैं ? तहां नामान्तर

कहत हैं: ब्रजके ईश्वर श्रीकृष्णमें सर्वात्मभावरूपा भक्ति करावत हैं. इतनें, सर्वात्मभावरूपा भक्तिसों अधिक पुष्टिभक्तिमार्गमें ओर कोउ फल नाहिं हे. तासों ये मार्ग स्वयं ही फलरूप हे तहां या मार्गमें कहा फल होत हे ये शङ्का ही अप्रस्तुत हे.

तन्-निमन्त्रण-भोजकः

भक्तिमार्गमें कोऊ जीव अधिकारी हे. तासों शूद्रादि हीन योनिके जीव भक्तिमार्गमें आयके प्रभूनों भोगादिक समर्पे तो कहा प्रभु विनद्वारा समर्पित भोगको अङ्गीकार करत होईगे ? तहां नामान्तर कहत हैं: आपके निमन्त्रणके वश श्रीकृष्ण सर्व पुष्टिभक्तिमार्गोंके वहां भोगादिको अङ्गीकार करत हैं. इतनें, शास्त्रमें कह्यो हे जो ब्राह्मण हु यदि भक्त नाहिं हे तो वाके द्वारा समर्पितकोहु भगवान् अङ्गीकार नाहिं करत हैं. ओर शूद्र हु यदि भक्त हे तो वाके द्वारा समर्पितको भगवान् प्रेमसों स्वीकार करत हैं. तासों श्रीवल्लभाष्टकमें कह्यो हे “या पुष्टिभक्तिमार्गमें स्थित जो कोउ भक्त कोउ वस्तुको कहुं हे कैसेहु प्रभूनों समर्पण करत हे वाको गोपीपति भगवान् श्रीकृष्ण प्रसन्नतासों अङ्गीकार करत हैं”.

बाल-लीलादि-सुप्रीतो^{४८} गोपी-सम्बन्धि-सत्कथः^{४९}॥

अति-गम्भीर-तात्पर्यः^{५०} कथनीय-गुणाकरः^{५१}॥१३॥

बाल-लीलादि-सु-प्रीतो

श्रीविठ्ठलनाथप्रभुचरण प्रभूनोंकी बाल, पौगण्ड तथा किशोर लीलामें अतिशय प्रीतिवारे हैं.

गोपी-सम्बन्धि-सत्कथः

एसें श्रीभागवत पुराणके दशमस्कन्धके प्रमाण, प्रमेय तथा साधन प्रकरणमें निरूपित भगवल्लीलामें आपकी आसक्तिको निरूपण करिके अब फल प्रकरणमें निरूपित भगवल्लीलामें आपकी विशेष आसक्ति अगले नामसूं जतावत हैं: श्रीगोपीजननकी उत्तम लीलाकथाकों कहिवेवारे हैं.

अति-गम्भीर-तात्पर्यः

आप जो भगवत्कथा कहत हैं ताको तात्पर्य अत्यन्त गम्भीर होत हे. यों कहिके यह जताय जो भक्त विना अन्य कोउ आपके तात्पर्यको जानि सकत नाहिं हे.

कथनीय-गुणाकरः

श्रीविठ्ठलनाथप्रभुचरण उत्तम प्रकारसों वर्णन करिवे योग्य अनन्त गुणनके भंडार हैं.

पितृ-वंशोदधि-विधुः^{५२} स्वानुरूप-सुतप्रसूः^{५३} ॥

दिक्चक्रवर्तिसत्कीर्ति^{५४} महोज्ज्वल-चरित्रवान्^{५५} ॥१४ ॥

पितृ-वंशोदधि-विधुः

श्रीविठ्ठलनाथप्रभुचरण पिताके वंशरूप समुद्रमेंसों चन्द्रके जैसे प्रकट भये हैं. चन्द्रोदय होयवेपें समुद्रमें वृद्धि होत हे एसें आपके प्राकट्यसोंहु पितृवंशकी वृद्धि भई हे.

स्वानुरूप-सुत-प्रसूः

श्रीविठ्ठलनाथप्रभुचरण अपने तुल्य पुत्रनको प्रकट करिवेवारे हैं.

दिक्चक्रवर्ति-सत्कीर्तिः

आपकी उत्तम कीर्ति सर्व दिशानमें व्याप्त हे.

महोज्ज्वल-चरित्रवान्

श्रीविठ्ठलनाथप्रभुचरण महान् उज्वल चरित्रवारे हैं. इतनें, दिशा जैसे परिमित होत हे तेसें आपकी कीर्तिमेंहु काहुको परिमितताकी शङ्का होय सो ताके वारणके

अर्थ कहत हैं जो आपको चरित्र महान् इतनें अपरिमित गुणनसों पूर्ण निर्दोष चरित्र हे.

अनेक - क्षितिप - श्रेणी-मूर्धासक्त - पदाम्बुजः^{५६} ॥

विप्र-दारिद्र्य-दावाग्निः^{५७} भूदेवाग्नि-प्रपूजकः^{५८} ॥१५ ॥

अनेक-क्षितिप-श्रेणी-मूर्धा-सक्त-पदाम्बुजः

आपके चरणारविन्द अनेक राजानके मस्तकउपर हैं. इतनें आपके अलौकिक प्रभावसों राजा जोतसिंह, राजा आसकरण, राजा टोडरमल, अकबर, पीरजादी, बीरबल जेसें अनेक राजपुरुष आपको मानत हते.

विप्र-दारिद्र्य-दावाग्निः

दानादिकरिके ब्राह्मणकी दरिद्रताको नाश करिवेवारे हैं.

भूदेवाग्नि-प्रपूजकः

यज्ञादिकद्वारा आप पृथ्वी, देवता अरु अग्नि को सत्कार करत हैं. शास्त्रमर्यादाके रक्षणार्थ द्वारकामें भगवान् जेसें यज्ञ-दान-तीर्थ-तर्पणादि शास्त्रीय कर्म करत हते तेसें

श्रीविठ्ठलनाथप्रभुचरणहु लोकमें शास्त्रमर्यादाके रक्षणार्थ यज्ञादि करत हैं.

गो-ब्राह्मण-प्राण-रक्षा-परः^{५९} सत्य-परायणः^{६०} ॥

प्रिय-श्रुतिपथः^{६१} शश्वन् महा-मखकरः^{६२} प्रभुः^{६३} ॥१६ ॥

गो-ब्राह्मण-प्राण-रक्षा-परः

आप गाय अरु ब्राह्मण के प्राणनकी रक्षा करिवेवारे हैं.

सत्य-परायणः

आप सत्य इतने परब्रह्ममें परायण रहिवेवारे भगवदीय हैं. अथवा आप सत्य इतने उत्तम ज्ञानवान् हैं.

प्रिय-श्रुति-पथः

आपको वेदमार्ग अति प्रिय हे. कृष्णावतारमें श्रुतियें गोपीरूपसों प्रकट भई हती. तासों विन श्रुतिरूपा गोपीजनको मार्ग आपको अति प्रिय हे एसोहु भाव या नामको हे.

शश्वन् महा-मख-करः

आप निरन्तर सोमादि महायज्ञ करिवेवारे हैं. इतने, अन्य जन तो स्वर्गलोकादिककी प्राप्तिके अर्थ यज्ञ करत हैं परि आप तो प्रभुको यज्ञरूप जानिके विनकी प्रीतिके अर्थ यज्ञ करत हैं तासों मूलमें 'महा'पद कह्यो हे.

प्रभुः

आप सर्वसमर्थ हैं.

कृष्णानुग्रह - संलभ्यो^{६४} महा - पतित - पावनः^{६५}॥

अनेकमार्ग-संक्लिष्ट-जीव-स्वास्थ्यप्रदो महान्^{६६}॥१७॥

कृष्णानुग्रह-संलभ्यो

आपके द्वारा श्रीकृष्णको अनुग्रह सुलभ होत हे.

महा-पतित-पावनः

श्रीविठ्ठलनाथ प्रभुचरण महापतित जीवनोंहु पावन करिके उद्धार करिवेवारे हैं.

अनेक-मार्ग-संक्लिष्ट-जीव-स्वास्थ्य-प्रदो महान्

आप कर्म-ज्ञान-उपासनादि अनेक मार्गन्में भटकिके क्लेश पायवेवारे

जीवनों स्वस्थता प्रदान करिवेवारे हैं.

नाना - भ्रम - निराकर्ता^{६७} भक्ताज्ञानभिदुत्तमः^{६८}॥

महा-पुरुष-सत्ख्यातिर्^{६९} महा-पुरुष-विग्रहः^{७०}॥१८॥

नाना-भ्रम-निराकर्ता

अनेक प्रकारके मार्गन्के उपदेशकों श्रवणकरिकें भ्रान्त भये जीवन्के भ्रमको निराकरण करिवेवारे आप हैं.

भक्ताज्ञानभिदुत्तमः

आप स्वकीय भक्तन्के सर्वविध अज्ञानकों दूर करिवेवारे उत्तम आचार्य हैं.

महा-पुरुष-सत्ख्यातिर्

आपकी ख्याति महापुरुषन्में हु हे. अथवा आपके कारण महापुरुषन्की ख्याति हे. अथवा आपकी ख्याति महापुरुषन्सों हु अधिक हे.

महा-पुरुष-विग्रहः

आपको विग्रह महापुरुषन्के काज हे. जो भगवत्सम्बन्धि होत हैं वे ही 'महापुरुष' कहवावत हैं. एसे महापुरुषन्के काज आप प्रकट भये हैं. अथवा भगवदीय आपके विग्रह-अङ्गरूप हैं एसो हु अर्थ होत हे.

दर्शनीयतमो^{७१} वाग्मी^{७२} मायावाद-निरास-कृत्^{७३}॥

सदा प्रसन्न-वदनो^{७४} मुग्ध-स्मित-मुखाम्बुजः^{७५}॥१९॥

दर्शनीय-तमो

आप अत्यन्त दर्शनीय-सुन्दर हैं.

वाग्मी

आपकी वाणी मनोहर. आप प्रमाण-युक्ति पुरस्सर जैसे सर्वजननों बोध होय तेसें प्रतिपादन करत हैं.

माया-वाद-निरास-कृत्

आप मायावादको निरास करिवेवारे हैं.

इतनें जगत मायासों बन्यो हे एसे जा मायावादको श्रीशङ्कराचार्यने प्रतिपादन कियो वाको निरास करिवेवारे हैं. यह कहिके यह हु जतायो जो शास्त्रसों विरुद्ध जितने मत-वाद हैं विन सबके आप निरासकर्ता हैं.

सदा प्रसन्न-वदनो

आप सदा प्रसन्नतासों बिराजत हैं. आपके कारण आपके सेवकहु सदा प्रसन्न रहत हैं.

मुग्ध-स्मित-मुखाम्बुजः

आपको मुखारविन्द सुन्दर हास्ययुक्त हे.

प्रेमार्द्रदृग्-विशालाक्षः^{७६} क्षितिमण्डलमण्डनः^{७७} ॥

त्रिजगद्-व्यापि-सत्कीर्ति-धवलीकृत-मेचकः^{७८} ॥२०॥

प्रेमार्द्र-दृग्-विशालाक्षः

प्रेमसों भीजे नेत्रवारे भक्तनपें आप कृपायुक्त विशाल नेत्रनसों देखत हैं.

क्षिति-मण्डल-मण्डनः

आपसों 'क्षितिमण्डल' इतनें पृथ्वी शोभायमान् भई हे.

त्रिजगद्-व्यापि-सत्कीर्ति-धवलीकृत-मेचकः

तीनों लोकनमें व्याप्त कीर्तिसों आपने दैवी पुष्टिजीवनकों पवित्र किये हैं.

वाक्सुधाकृष्ट-भक्तान्तः-करणः^{७९} शत्रु-तापनः^{८०} ॥

भक्त-संप्रार्थित-करो^{८१} दासदासीप्सितप्रदः^{८२} ॥२१॥

वाक्सुधाकृष्ट-भक्तान्तः-करणः

अपने वचनरूपी अमृतसों श्रीविठ्ठलनाथप्रभुचरणनें भक्तनके अन्तःकरणकों वश किये हैं.

शत्रु-तापनः

शत्रुकों अपने प्रतापतें दाह करत हैं. भक्तिमार्गसों विरोधि भावकूं शत्रुभाव जाननो. एसे भावनको जीवमेंते नाश करत हैं.

भक्त-सम्प्रार्थित-करो

भक्त जाकी प्रार्थना करत हैं वाकूं पूर्ण करत हैं. अथवा आपके भक्तहु एसे समर्थ हैं जो विनके सम्मुख कोई प्रार्थना करत हे तो वाकों पूर्ण करत हैं.

दास-दासीप्सित-प्रदः

आपने दास-दासीनके मनोरथ पूर्ण करत हैं.

अच्चित्य-महिमा-ऽमेयो^{८३} विस्मयास्पद-विग्रहः^{८४} ॥

भक्तक्लेशासहः^{८५} सर्वसहो^{८६} भक्तकृते वशः^{८७} ॥२२॥

अच्चित्य-महिमा-ऽमेयो

आपकी महिमा अच्चित्य हे तासों साधारण जीव आपको स्वरूप जानि सकत नाहिं हैं.

विस्मयास्पद-विग्रहः

आपको विग्रह-स्वरूप विस्मय करायवेवारो हे.

भक्त-क्लेशासहः

आप भक्तके क्लेशकों सहि सकत नाहिं हैं.

सर्व-सहो

आप सब कछु सहन करिवेवारे हैं.

इतनें भक्त यद्यपि जानिके अपराध करत नाहिं हे तथापि भक्ततें क्वचित् अज्ञानसों कोउ अपराध होई जात हे तो वाकों आप सहन करत हैं, दण्ड नाहिं देत हैं. जेसें कृष्णदास अधिकारिने आपकों श्रीजीकी सेवामें पधारते रोके तोउ आपने विनको क्षमा दीनी.

भक्त-कृते वशः

आप भक्तन्के अधीन हैं.

आचार्य-रत्नं“ सर्वानुग्रहकृन् ह्य मन्त्रवित्तमः“९१ ॥
सर्व स्वदानकु शलो १०गीतसङ्गीतसागरः ११ ॥२३ ॥

आचार्य-रत्नं

श्रीवल्लभाचार्यचरणके रत्नरूप आप हैं. इतनें अपने पिताके स्नेहपात्र आप हैं. अथवा समस्त आचार्यन्में आप रत्नरूप श्रेष्ठ हैं.

सर्वानुग्रह-कृन्-मन्त्र-वित्तमः

सबन्पे अनुग्रह करिवेवारे आप मन्त्रकों जानिवेवारे हैं. 'मन्त्र'को अर्थ रहस्य होत हे. आप सर्वशास्त्रके रहस्यरूप श्रीकृष्णकुं प्राप्त करिवेके उपायकों आछी भांतिसों जानिवेवारे हैं.

सर्वस्व-दान-कुशलो

सब भक्तन्कों अपनो सब कछु दान करिवेमें कुशल हैं. इतनें, थोरो-बहुत तो कोउ देई सके परि अपने सर्वस्व जो भगवत्स्वरूप सो तो अपने सेवकन्कों आप ही देत हैं.

गीत-सङ्गीत-सागरः

आप गायन-वादन आदि कलाके सागर हैं.

गोवर्धनाचलसखो १२ गोपगो गोपिकाप्रियः १३ ॥
चिन्तितज्ञो १४ महाबुद्धिर् १५ जगद्वन्द्यपदाम्बुजः १६ ॥२४ ॥

गोवर्धनाचलसखो

गोवर्धनमें स्थिर वास करिवेवारे श्रीगोवर्धनधर आपके सखा हैं. अथवा श्रीगोवर्धन पर्वत आपके सखा हैं. श्रीगोवर्धन पर्वत भक्तश्रेष्ठ हैं तेसें आपहु हैं. तासों आप दोउन्को सख्य युक्त ही हे.

गोप-गो-गोपिका-प्रियः

गोप, गाय अरु गोपिका आपकों अत्यन्त प्रिय हैं.

चिन्तितज्ञो

आप भक्त तथा भगवान् के विचारन्कों जानिवेवारे हैं.

महा-बुद्धिः

आप अत्यन्त बुद्धिशाली हैं.

जगद्-वन्द्य-पदाम्बुजः

आपके चरणारविन्द समस्त जगतकों वन्दनीय हैं.

जगदाश्चर्यरसकृत् १७ सदा कृष्ण-कथा-प्रियः १८ ॥

सुखोदरकृतिः^{११} सर्वसन्देह - च्छेददक्षिणः^{१००} ॥२५॥

जगदाश्चर्यरसकृत्

आप सबन्कों आश्चर्य करावत हैं. इतने, लौकिक मनुष्य सदृश दीखवेपेंहु अलौकिक कार्य करत हैं तासों सबन्कों आश्चर्य होत हे.

सदा कृष्ण-कथा-प्रियः

कृष्णकी कथा आपको सदा प्रिय हे.

सुखोदरकृतिः

आपकी कृति सुखद फल उत्पन्न करिवेवारी हे.

सर्व-सन्देह-च्छेद-दक्षिणः

आप भक्तन्के सर्व सन्देहन्को छेदन करिवेमें कुशल हैं.

स्वपक्षरक्षणे दक्षः^{१०१} प्रतिपक्ष-क्षयकरः^{१०२} ॥

गोपिकाविरहाविष्टः^{१०३} कृष्णात्मा^{१०४} स्वसमर्पकः^{१०५} ॥२६॥

स्व-पक्ष-रक्षणे दक्षः

अपने पक्षको आप आछी भांतिसों रक्षण करिवेवारे हैं.

प्रति-पक्ष-क्षयङ्करः

अपने विरोधि पक्षको आप नाश करिवेवारे हैं.

गोपिकाविरहाविष्टः

व्रजभक्तन्के वियोगभावसों आप आविष्ट हैं.

कृष्णात्मा

नामरत्नाख्यस्तोत्रम्
१३५

आपको अन्तःकरण सदा श्रीकृष्णमें रहत हे. अथवा श्रीकृष्ण सदा आपमें बसत हैं.

स्वसमर्पकः

अपनी गृह-देह-धनादिक सब कछु प्रभून्कों समर्पित करत हैं.

निवेदिभक्तसर्वस्व^{१०६} शरणाध्वप्रदर्शकः^{१०७} ॥

श्रीकृष्णानुगृहीतैक ह्य प्रार्थनीयपदाम्बुजः^{१०८} ॥२७॥

निवेदि-भक्त-सर्वस्व

जिन भक्तन्में प्रभून्कों आत्मनिवेदन कियो हे विनके आप सर्वस्व हैं.

शरणाध्व-प्रदर्शकः

आप शरणमार्गके दिखायवेवारे हैं. इतने भगवान्ने भगवद्गीता आदिमें जा शरणमार्गको निरूपण कियो हे वाकों आछी भांतिसों समुझायवेवारे आप हैं.

श्रीकृष्णानुगृहीतैक-प्रार्थनीय-पदाम्बुजः

श्रीकृष्णमें जिनकों अनुग्रहीत किये हैं ऐसे भक्तसों ही आपके चरणकमलकी प्रार्थना होइ सकत हे.

(या स्तोत्रके पाठको फल)

इमानि नामरत्नानि श्रीविट्ठल-पदाम्बुजम् ॥

ध्यात्वा तदेकशरणो यः पठेत् स हरिं लभेत् ॥२८॥

यद्-यन् मनस्यभिध्यायेत् तत्तदाप्नोत्यसंशयम् ॥

श्रीविट्ठलपदाम्बुजम् = श्रीविट्ठलनाथ- नामरत्नानि = नामरूपी रत्नन्को

प्रभुचरणके चरणकमलन्को

पठेत् = पाठकरे हे, सः = वो

ध्यात्वा = ध्यान करिके

हरिम् = हरिकों

नामरत्नाख्यस्तोत्रम्
१३६

तदेकशरणः = एक विनहीके- लभेत् = प्राप्त करे हे
 शरणमें रहिके, यः = जो यद्-यन् = जो-जो, मनसि = मनमें
 इमानि = या अभिध्यायेत् = बिचारे हे
 तत्-तद् = वो-वो, आप्नोति = प्राप्त करे हे, असंशयम् = संशय नहीं हे

भावार्थ : श्रीविठ्ठलनाथप्रभुचरणके चरणकमलनको ध्यान धरिके विनहीके शरणमें रहिके जो आपके इन नामरूपी रत्ननों जपे हे सो श्रीहरिकों प्राप्त करे हे ओर मनमें जो-जो मनोरथ करे हे सो सब मनोरथ पूर्ण होत हे.

नामरत्नाभिधमिदं स्तोत्रं यः प्रपठेत् सुधीः ॥२९॥
 त्वदीयं तं गृहाणाशु प्रार्थ्यम् एतन् मम प्रभो ॥

प्रभो = हे प्रभु ! तं = वाको आप
 इदं = ये त्वदीयं = आपुनो जानिके
 नामरत्नाभिधं = 'नामरत्न' नामको आशु = शीघ्र,
 स्तोत्रं = स्तोत्रको ग्रहाण = स्वीकार करो
 यः = जो एतन् = ये
 सुधीः = बद्धिमान् मम = मेरी
 प्रपठेत् = आछी भांतिसों पाठ करे प्रार्थ्यम् = प्रार्थना हे

भावार्थ : हे समर्थ प्रभो ! मेरी आपसों ये प्रार्थना हे के जो बद्धिमान् भक्त या 'नामरत्न' नामक स्तोत्रको अर्थ-तात्पर्यके ज्ञान तथा श्रद्धा पूर्वक पाठ करे वाकों आप आपुनो जानिके स्वीकार करो.

श्रीविठ्ठल - पदाभोज - मकरन्द - जुषोऽनिशम् ॥
 इयं श्रीरघुनाथस्य कृतिर् विजयतेतराम् ॥३०॥

श्रीविठ्ठल-पदाभोज-मकरन्द-जुषः = श्रीविठ्ठलनाथप्रभुचरणके चरणकमलके परागको सेवन करिवेवारे

श्रीरघुनाथस्य = श्रीरघुनाथजीकी
 इयं = ये
 कृतिः = रचना
 अनिशम् = सदा
 विजयतेतराम् = विजय प्राप्त करती रहे

भावार्थ : श्रीविठ्ठलनाथप्रभुचरणके चरणकमलके परागको सेवन करिवेवारे श्रीरघुनाथजीकी ये कृति सदा विजयको प्राप्त करती रहे.

॥ इति श्रीरघुनाथविरचितं नामरत्नाख्यस्तोत्रं सम्पूर्णम् ॥

॥ श्रीयमुनाष्टकम् ॥

(६)

या श्रीयमुनाष्टकको अर्थज्ञानपूर्वक पाठ करिवेसों भजनानन्दकी सिद्धि होगी या आशयसों श्रीमद्वल्लभाचार्य आठ श्लोकन्के द्वारा श्रीयमुनाजीके स्वरूपको वर्णन करें हैं:

नमामि यमुनामहं सकलसिद्धिहेतुं मुदा
मुरारि-पद-पङ्कज-स्फुरदमन्द-रेणूत्कटाम् ॥
तटस्थ-नवकानन-प्रकट-मोद-पुष्पाम्बुना
सुरासुर-सुपूजित-स्मरपितुः श्रियं बिभ्रतीम्॥१॥

अन्वयार्थ :

सकलसिद्धिहेतुं=सकलसिद्धिके कारणभूत

मुरारिपदपङ्कज-स्फुरदमन्द-रेणूत्कटाम् =मुरदैत्यके शत्रुके चरणकमलमें चमकती
बहोतसी रजसूं भरेभये

तटस्थनवकाननप्रकटमोदपुष्पाम्बुना =तटपर नवीन वनमें प्रकट पुष्पन्के सङ्गसों
सुगन्धित जलसों

सुरासुर-सुपूजित-स्मर-पितुः= सुर ओर असुर सों आछि भांतिसों पूजित
श्रियं=शोभाकुं अहं=मैं

बिभ्रतीं=धारण करिवेवारी मुदा=प्रसन्नतासों

यमुनां=यमुनाजीकों नमामि=नमन करूं हुं

भावार्थ : श्रीयमुनाजीकुं मैं नमन करूं हुं. श्रीयमुनाजी सब सिद्धीन्के कारण हैं. मुरारि जो श्रीकृष्ण तिनके चरणारविन्दकी रज जलसूं अधिक जामें स्फुरायमान हे एसेह्म आपके तटपे उगे भये पुष्पन्सों सुगन्धित वनके कारण ह्मसुगन्धयुक्त जलकरिकें सुरभाव ओर असुरभाव वारे भक्तनकुं प्रभुको स्मरण होय एसी शोभाकुं धारण करे हैं. सो दोउ प्रकारके भक्त भगवान्की प्राप्तिकेलिये श्रीयमुनाजीको पूजन करत हैं.

॥श्रीमत्प्रभुचरणविरचिता

विवृतिः॥

विश्वोद्धारार्थमेवाऽऽविर्भूत-वृन्दावनप्रियाः।

कृपयन्तु सदा तातचरणा मयि विट्टले॥

विविधलीलोपयोगिनीं कालिन्दीं स्तोतुकामाः श्रीगोकुलेशे यथा जीवैः नमनातिरिक्तं न कर्तुं शक्यं, तथा कालिन्द्यामपि इति आशयेन आदौ नमनमेव आहुः 'नमामि' इति. भगवता अष्टविधैश्वर्यं कालिन्धौ दत्तम् इति ज्ञापनाय अष्टभिः श्लोकैः स्तुवन्ति. साक्षाद्- भगवत्सेवोपयोगि-देहाप्ति-तल्लीलावलोकन-तद्रसानुभव-सर्वात्मभावादयः सकलसिद्धयो ज्ञेयाः. अतएव नमनं मुदपि. जलदोषात्मकमुरस्य अरेः पदपङ्कजयोः स्फुरन्तः सेवोपयोगि-देहादि-सम्पादनोन्मुखा ये रेणवो अमन्दा ब्रजसुन्दरी-वृन्द-चरणरेणु-साहित्येन अनल्पाः ते उत्कटा जलापेक्षया अधिका यत्र. एतेन दोषभयं भगवत्प्राप्तिलम्बश्च अपास्तः. अग्रे स्पष्टम्. जलदर्शनस्य भगवत्स्मारकत्वं भावजनकत्वं च ज्ञापयितुं 'स्मरपितु'पदम्॥१॥

टीका : श्रीयमुनाजीकुं मैं नमन करूं हुं. श्रीयमुनाजी केसे हैं सो निरूपण करत हैं जो आप सब सिद्धीन्के कारण हैं. भक्तनमें भगवद्भावकी वृद्धि करे हैं, भगवान्को सम्बन्ध होयवेमें जो-जो प्रतिबन्ध होंय तिन सबनकुं मिटायके भगवान्को अनुभव करिवेमें जितनी शुद्धिकी आवश्यकता हे तितनी शुद्धि करें हैं, बिना ही श्रम भगवान्को सम्बन्ध करावें हैं, भगवान्को प्रियपनो सिद्ध करें हैं, कलिकी निवृत्ति करें एसी भगवदीयन्की बड़ाई धारण करें हैं, नवीन (प्रभुसेवोपयोगी) देह सम्पादन करें हैं इत्यादिक अष्टविध ऐश्वर्य आपकों सिद्ध हैं. ओर प्रभुकी लीलाको दर्शन करावे हैं, प्रभुकी लीलाके आनन्दको अनुभव करावे हैं, सर्वात्मभावकी सिद्धि करें हैं, भगवान्के वियोगमेंहु भगवान्के आवेशवारो देह सिद्ध करें हैं, जिनकी लौकिक सब विषयनमें दृष्टि न होय ओर भीतर दृष्टि होय तिनकुं प्रभुकी लीलाके दर्शनकी सिद्धि करावे हैं. प्रभुको विरह होय तब जेसो सर्वात्मभाव चाहिये तेसो सर्वात्मभाव सिद्ध करें हैं इत्यादिक अनेक सिद्धि हैं. इन सब सिद्धिन्के कारण (=देयवेवारे) श्रीयमुनाजी हैं.

मुरारि जो श्रीकृष्ण तिनके चरणारविन्दकी रज जलसूं अधिक जामें स्फुरायमान

हे (एसे आप हैं). प्रभुके बहोत नाम हैं तिनमें 'मुरारि' नाम लिखिवेको अभिप्राय एसो हे जो जेसें भौमासुरने सोरह हजार राजकन्यानुकुं रोकी हती तिनकुं भगवान्की प्राप्ति होयवेमें प्रतिबन्धरूप जलको दोषात्मक मुरदैत्य हतो. ताकुं मारिके भगवान्नें सबनुकुं अङ्गीकार कीनि. तेसेंहि प्रभुकी प्राप्तिमें प्रतिबन्धरूप जो दोष होय ताकुं मिटायके प्रभु आप भक्तनुको अङ्गीकार करें हैं. एसे प्रभुके चरणारविन्दकी रज श्रीयमुनाजीमें स्फुरायमान हे ये जतायवेकेलिये 'मुरारि' नाम कह्यो हे. तटपे जो उगे भये वन हैं तिनकी सुगन्ध जिनके पुष्पनुमें प्रकट होय रही हे विन पुष्पनुसों सुगन्धित वनके कारण सुगन्धयुक्त जलकरिकें सुरभाव ओर असुरभाव वारे भक्तनुकुं प्रभुको स्मरणश्च*ॐ होय एसी शोभाकुं धारण करे हैं. तामें दैन्यभाववारे भक्त सुरभाववारे हैं ओर मानभाववारे भक्त आसुरभाववारे हैं. एसें दोउ प्रकारके भक्त भगवान्की प्राप्तिकेलिये श्रीयमुनाजीको पूजन करत हैं॥१॥

टिप्पणी:*छान्दोग्य उपनिषद्में 'स्मर'को अर्थ स्मरण लिख्यो हे. तेसें यहांहु समजनो.

श्रीयमुनाजीके प्राकट्यको प्रकार बतावें हैं:

कलिन्द-गिरि-मस्तके पतदमन्द-पूरोज्ज्वला
विलास-गमनोल्लसत्-प्रकट-गण्डशैलोनता ॥
सघोष-गति-दन्तुरा-समधिरूढ-दोलोत्तमा
मुकुन्द-रति-वर्द्धिनी जयति पद्मबन्धोः सुता॥२॥

कलिन्द-गिरि-मस्तके='कलिन्द' नामके पर्वतके शिखरपें

पतद्-अमन्द-पूरोज्ज्वला=गिरते बखत तीव्र वेगके कारण उज्ज्वल फेन तथा प्रवाह वारे

विलास-गमनोल्लसत्-प्रकट-गण्ड-शैलोनता=अपनी विलासपूर्ण गतिसों पर्वतके छोटे-बड़े शिलाखण्डनुकुं ऊपर उछालके प्रकट करिवेमें स्वयंहु उन्नत होइके चलिवेवारी

सघोषगतिदन्तुरा=जलप्रवाहके घोषद्वारा विविध रस-भावनको प्रकट करती भई समधिरूढ-दोलोत्तमा=उत्तम पालकीमें बिराजिके पधारती भई मुकुन्द-रति-वर्द्धिनी=भगवान् मुकुन्दकी रतिकों बढ़ायवेवारी पद्म-बन्धोः=कमलके सखा सूर्यकी

सुता=पुत्रीको

जयति=उत्कर्ष होउ

भावार्थ : सूर्यमण्डलतें कलिन्दपर्वतके उपर गिरवेसूं फेन बहोत होयवेसूं पूर बहोत आवे हे, ताकरिकें उज्वल हैं. ऊंचे-नीचे पर्वतनुपें चढनो-उतरनो हे सो विलासगतिरूपमें सुशोभित हे. जलप्रवाहको वेग पाषाणकुं ऊंचे फेंके हे तासूं वे पाषाण प्रकट दीखे हैं. ताकरिकें श्रीयमुनाजीको प्रवाह ऊंचो दीखवेमें आवे हे. शब्दसहित प्रवाहकी गतिसूं विलासयुक्त उत्तम हिंडोलामें विराजते होंय एसें जान परत हैं. मुकुन्द श्रीकृष्णकी प्रीति भक्तनुमें बढ़ावें हैं ओर भक्तनुकी प्रीति भगवान्में बढ़ावें हैं. ओर कमलके बन्धुरूप सूर्यकी पुत्री हैं. एसे श्रीयमुनाजी सबनुतें बड़ाईसूं विराजित हैं.

विवृति : आविर्भावप्रकारम् आहुः 'कलिन्द' इति. रविमण्डलाद् अतिदूराद् गिरिमस्तके पाते फेनेन प्रवाहजलेन च उज्ज्वला. उच्च-नीच-शैलारोहावरोहौ विलासगतिरूपौ. तत्र उल्लसन्तः शोभां प्राप्नुवन्तः प्रवाहवेगेन उच्चैः क्षिप्ता अतएव प्रकटाः सर्वेषां दृश्याः तैः तादृशैः तथा. उच्चतः पाते शोभाम् उक्त्वा ततो विषमभूमिगतिशोभाम् आहुः 'सघोष' इति. 'दन्तुर'शब्देन विविधविकारवत्त्वम् उच्यते. "विपुल-पुलकभर-दन्तुरितम्" (गीतगोविन्द ११।२२।७) "केतकि-दन्तुरिताशे" (तत्रैव १।३।६) इत्यादि जयदेवोक्तिरपि. ब्रजजन-गोवृन्दादि-विविधगतिभिः तादृशीव.

'घोषः' शब्दो ब्रजो वा. अनतिस्थूलशिलासु गति-शोभया असमधिरूढेव समधिरूढदोलोत्तमा. ततो भूमौ आगत्य मुकुन्दरतिवर्द्धिनी जाता. यतो रसाकर-सखस्य सुता, अतः स्वयमपि रसात्मिका इति भावः॥२॥

टीका : सूर्यमण्डलमें जो नारायण हैं तिनके आनन्दात्मक हृदयसूं द्रवीभूत रसात्मक प्रकट होयके सूर्यमण्डलमें कलिन्द पर्वतके उपर गिरे हैं. तहां कालिन्दीकुं अपनेमें मिलावे हैं. ओर अत्यन्त ऊंचेतें गिरिवेसूं फेन बहोत होय हे. तासूं पूर बहोत आवे हे. ताकारिकें उज्वल हैं. ऊंचे-नीचे पर्वतनपें चढनो-उतरनो हे सो विलासगतिरूप हे. तामें सुशोभित ओर प्रवाहको वेग पाषाणकुं ऊंचे फेंके हे तासूं वे पाषाण प्रकट दीखे हैं. ताकारिकें श्रीयमुनाजीको प्रवाह ऊंचो दीखवेमें आवे हे. शब्दसहित प्रवाहकी गतिसूं विलासयुक्त दीखे हैं. अथवा सब ब्रजवासी जहां जाय हैं वहां ब्रजकुं सङ्ग लेके जाय हैं. एसे ब्रजसहित ब्रजवासीनकी गतिकरिकें विलासयुक्त हैं. हिन्दोलामें नाहीं विराजे हैं तथापि ऊंचे-नीचे स्थलनपें जो प्रवाह चले हे ताकारिकें उत्तम हिन्दोलामें विराजते होंय एसें जान परत हे. यहां 'उत्तमदोला' कहिवेको अभिप्राय यह हे जो दोलाको स्वभाव आयवे-जायवेको हे ओर श्रीयमुनाजीको प्रवाह तो भगवान्के दर्शनकी आतुरता होय तेसें सन्मुख ही जाय हे. तासूं "उत्तम दोलामें अधिरूढ हैं" एसें कह्यो हे. मुकुन्द, जो मोक्ष देवेवारे, श्रीकृष्ण तिनकी प्रीति भक्तनमें बढावें हैं ओर भक्तनकी प्रीति भगवान्में बढावें हैं. ओर कमलके बन्धुरूप सूर्यकी पुत्री हैं. एसे श्रीयमुनाजी सबनतें बड़ाईसूं विराजित हैं।।२।।

श्रीयमुनाजी भूमिपें पधारे ता पीछेके धर्मको निरूपण कहतहें:

भुवं भुवनपावनीम् अधिगताम् अनेकस्वनैः
प्रियाभिरिव सेवितां शुक-मयूर-हंसादिभिः।।
तरङ्ग-भुजकङ्कण-प्रकट-मुक्तिका-वालुका-
नितम्ब-तट-सुन्दरीं नमत कृष्ण-तुर्य-प्रियाम्।।३।।

भुवनपावनीं=भुवनको पावन करिवेवारी

भुवम्=भूमिपें

अधिगतां=आयके

अनेकस्वनैः=अनेक प्रकारके कलरव करिवेवारी

प्रियाभिः=सखिन्सों, इव=समान

शुकमयूरहंसादिभिः=शुक मयूर हंस आदिसों

सेवितां=सेवित

तरङ्ग-भुज-कङ्कण-प्रकट-मुक्तिका-वालुका-नितम्ब-तट-सुन्दरीं=तरङ्गनकी भुजान्में धारण करे भये कङ्कणमें जटित झीने-झीने मोतीनकीसी वालुकावारे नितम्ब समान सुन्दर तटवारी

कृष्णतुर्यप्रियां=श्रीकृष्णकी चतुर्थप्रियाको नमत=नमन करो

भावार्थ : श्रीयमुनाजी पृथ्वीपर पधारिके भक्तनके शरीररूपी भुवनकी भगवत्सेवाके योग्य शुद्धि करे हैं. सब श्रीगोपीजन जेसें श्रीयमुनाजीको सेवन करें हैं तेसें अनेकविध कलरव-शब्द करवेवारे शुक, मयूर ओर हंस प्रभृति सब पक्षीनकरिकेंहु श्रीयमुनाजी सेवित हैं. श्रीयमुनाजीके श्रीहस्तरूपी तरङ्ग जब तीरपें आवे हैं तब श्रीहस्तमें धारण करे कङ्कणमें मुक्ताफलरूपी वालुका प्रकाशित होय हे. उभरे भये नितम्बरूप तटवारे श्रीयमुनाजी प्रभुके चतुर्थ प्रिया हैं. एसे श्रीयमुनाजीकुं तुम सब नमन करो.

विवृति : ततो भुवि आगतायाः धर्मान् आहुः 'भुवम्' इति. प्रयोजनं भुवनपावनीम् इति. अनेकस्वनैः इति शुकदिविशेषणम्. एतेन विभावादिसामग्री उक्ता. यत्र यथा उचितं तत्र तथा कुर्वन्तीति 'प्रिया'पदम्. तीरस्य चाकचक्यवत् सिकताकृतशोभां तत्स्वरूपमपि आहुः 'तरङ्ग' इति. यदा तरङ्गाः तीरम् आगत्य प्रसृताः भवन्ति तदा तीरसिकताः मुक्तावद् भासन्ते. ताः न सिकताः लोकप्रतीतिः परं तथा; किन्तु तरङ्गाएव भुजाः तत्र यानि कङ्कणानि तत्र प्रकटा या मुक्तिका मुक्ताफलानि तान्येव वालुकावत् प्रतीयमानानि तद्युक्तो यो नितम्बएव उच्चदेशात्मकतटः तेन तादृशीम्. भगवति स्नेहातिशयो विशेषणेन उक्तः।।३।।

टीका : श्रीयमुनाजी पृथ्वीपर पधारे हैं सो भक्तनकुं भगवद्भाव सम्पादनकरिकें अन्यभावसूं रहित करे हैं ओर शरीरकी भगवत्सेवाके योग्य शुद्धि करे हैं. एसें (=या प्रकारसूं) लोककुं पवित्र करें हैं. श्रीगोपीजन सब जेसें श्रीयमुनाजीको सेवन करें हैं तेसें अनेक शब्द करवेवारे शुक, मयूर ओर हंस प्रभृति सब पक्षीनकरिकेंहु श्रीयमुनाजी सेवित हैं. तरङ्ग हैं सो श्रीयमुनाजीके श्रीहस्त हैं. सो तरङ्ग जब तीरपें आवे हैं तब पसरि जाय हैं. ता बिरियां जो वालुका प्रकाशित होय हे सो वालुका नाहीं हे किन्तु श्रीयमुनाजीके श्रीहस्तमें जो कङ्कण धारण किये हैं तिन कङ्कणनमें

मुक्ताफल लगे हैं सो प्रकाशित दीखे हैं. ओर श्रीयमुनाजीके जो ऊंचे तट हैं सो नितम्बरूप हैं. तिनमें तरङ्गके बलसूं वालुका लगे हैं. सो श्रीहस्त नितम्बमें लगाये होंय एसें शोभे हैं. तिनमें वालुका प्रकाशे हे सो कङ्कणके मुक्ताफल हैं. भक्तनके चार यूथ मुख्य हैं. तिनमें चतुर्थ यूथमें मुख्य श्रीयमुनाजी हैं. एसेकुं नमनके अतिरिक्त जीव ओर कहा करि सके? तासूं श्रीआचार्यजी सब सेवकनकुं आज्ञा करें हैं जो एसे श्रीयमुनाजीकुं तुम सब नमन करो॥३॥

श्रीयमुनाजीमें भगवान्के समान धर्म हैं एसे जतायवेकेलिये दोउको समान धर्मपनो निरूपण करत हैं:

अनन्त-गुण-भूषिते	शिव-विरञ्चि-देवस्तुते
घनाघननिभे	सदा ध्रुव-पराशराभीष्टदे॥
विशुद्ध-मथुरा-तटे	सकल-गोप-गोपीवृते
कृपा-जलधि-संश्रिते	मम मनस्सुखं भावय॥४॥

अनन्त-गुण-भूषिते=असंख्य गुणन्सों भूषित

शिव-विरञ्चि-देवस्तुते=शिव ब्रह्मा आदि देवता जाकी स्तुति करे हैं एसी

घनाघननिभे=घुमड़ते भये बादलके जेसी श्यामल

ध्रुव-पराशराभीष्टदे=ध्रुव, पराशर जेसेनकुं अभीष्ट फल देवेवारी

विशुद्ध-मथुरा-तटे=विशुद्ध मथुरानगरी जाके तटपें हे एसी

सकल-गोप-गोपीवृते=सकल गोप तथा गोपीन् सूं घिरी भई

कृपाजलधि-संश्रिते=कृपासागर श्रीकृष्णसों मिलवेवारी

सदा=सदा

मम=मेरे

मनःसुखं=मनकुं सुख होय एसो भावय=करो

भावार्थ : अनन्त गुणन्सों भूषित, शिव ब्रह्मा आदि देवतान्सों स्तुति करी गई, सघन मेघ सदृश कान्तिवारीं, ध्रुव पराशर आदि ऋषिन्कों सकल मनोरथके देनवारी, विशुद्ध मथुराजी जाके तटपे हे एसी, समग्र गोप-गोपाङ्गनान्सों शोभित

श्रीयमुनाष्टकम्

१४५

एवं कृपासागर श्रीकृष्णके आश्रयमें रहनवारी हे श्रीयमुनाजी मेरे मनकुं सुख होय तेसें करो.

विवृति : भगवत्समानधर्मत्वं ज्ञापयितुं तथा विशेषणैः आहुः 'अनन्त' इति. प्रभौ सप्तम्यन्तानि विशेषणानि तत्प्रियायां सम्बुद्धिरूपाणि. 'घनाघन'शब्दो निपातरूपो घनसमुदायं वदति. श्यामे. तादृशी इति वा. ध्रुवादेः तत्तीरएव प्रभुप्राकट्यात् तथा. विशुद्धा मथुरा तटे यस्याः. सा निकटे वा यस्य. निरवधिकृपायुक्तो हरिः तस्मिन्. अन्या नदी लौकिकं जलधिं सङ्गता भवति इयं तु तादृशं श्रीव्रजेशं संश्रिता. एतेन त्वत्सङ्गतो भगवत्सङ्गतो भवति इति भावः सूचितः॥४॥

टीका : यामें षट्धर्मयुक्त सप्तम धर्मीको निरूपण हे एसें जतायवेकेलिये सात विशेषण हैं. तामें भगवान्में विशेषण लगावें तब सप्तमी विभक्तिको अर्थ करनो ओर श्रीयमुनाजीमें लगावें तब सब विशेषणमें सम्बोधनको अर्थ करनो. श्रीठाकुरजी असंख्य गुणन्करिकें अलङ्कृत हैं. और श्रीयमुनाजी रासोत्सवादिकन्में अनन्त रूप धरिवेवारे भगवान्के गुणकरिकें अलङ्कृत हैं.^१ शिव ओर ब्रह्मा प्रभृति सब देव भगवान्की तथा यमुनाजीकी स्तुति करें हैं.^२ मन्द-मन्द वर्षायुक्त श्याममेघ जेसी शोभायुक्त दोऊ हैं.^३ ध्रुव ओर पराशरकुं सदा सब प्रकारको वाञ्छित फलदान करिवेवारे दोउ हैं.^४ अत्यन्त शुद्ध श्रीमथुराजी श्रीयमुनाजीके तटपें हैं.^५ श्रीठाकुरजी समग्र गोप ओर श्रीगोपी जनन्करिकें आवृत हैं. ओर श्रीयमुनाजीके तीरपें पहले गोप-गोपीन्कों श्रीठाकुरजीके सम्बन्धको अनुभव भयो हे तासूं समग्र गोप ओर श्रीगोपी जनन्करिकें श्रीयमुनाजीहु आवृत हैं.^६ श्रीठाकुरजी कृपारूप समुद्रके आश्रयको सुन्दर स्थान हैं. इतनें, कृपारूप समुद्र श्रीठाकुरजीको आश्रयकरिके रहे हे ओर श्रीयमुनाजी कृपाके समुद्ररूप श्रीठाकुरजीको आश्रयकरिके रहे हैं.^७ एसे षट्धर्मयुक्त हे श्रीयमुनाजी आप अपार करुणासागर श्रीठाकुरजीमें मिले हो सो आपमें जो मिले सो आपके बलसूं ही श्रीठाकुरजीमें मिले हे. तासूं एसे षट्धर्मयुक्त ओर कृपाको समुद्र जामें रहे हे एसे श्रीठाकुरजीमें मेरो मन भावकरिकें आनन्दको अनुभव केसें करे सो आप विचारो. अथवा भगवत्स्वरूपके अनुभवको मेरे मनमें जो सुख होय ताकी भावना आपके मनमें करो. इतनें, आपके मनमें ये विचार होयगो तब ये सुख मिलेगो॥४॥

श्रीयमुनाष्टकम्

१४६

भावार्थ : गङ्गाजी श्रीयमुनाजीके सङ्ग मिले हैं तासूं मुररिपु भगवान्को अत्यन्त प्रिय भई हैं ओर सेवन करिवेवारेनुकुं समग्र सिद्धि देवेवारी भई हैं. एसे श्रीयमुनाजीकी बराबरीकुं कोऊ प्राप्त होय सके हे तो श्रीलक्ष्मीजी होय सके हैं. क्यों ? जो श्रीलक्ष्मीजी श्रीयमुनाजीकी सपत्नी (सोति) होय हैं. एसे श्रीयमुनाजी भक्तनके दुःख तथा पाप कुं हरिवेवारी हैं तिनकी मेरे मनमें स्थिति होय.

विवृति : अथ भगवदीयानामपि उत्कर्षाधायिका या तदुत्कर्ष को वक्तुं शक्त इति भावेन आहुः यया इति. चरणपद्मजा गङ्गा. तेन भक्तिमार्गीया निर्दोषपूर्णगुणापि यया त्वया सह समागमनतो मिलनतो हरेः तथा अभवत्, सेवतां च तथा. पूर्वं गङ्गाया अन्यसङ्गतिजनितम् उत्कर्षम् उक्त्वा भगवत्सङ्गतिजनित उत्कर्षः पठितः “सा राजन् दर्शनादेव ब्रह्महत्यापहारिणि” इत्यादिरूपः. एतादृश्या त्वया सह सदृशतां किं कापि इयाद् इति काकूक्तिः. यदि इयात्, कमलजा इयात्. तत्र हेतुम् आहुः यद् यस्मात् सा भगवत्पत्नीत्वात् सपत्नी भवति. तत्रापि भवती प्रिया इति इव इति. भक्तानुगुणत्वम् आहुः हरिप्रियाणां कलिं दोषं द्यति खण्डयति ॥५॥

टीका : गङ्गाजी भगवान्के चरणकमलतें प्रकट भई हैं तासूं भक्तिमार्गीय ओर निर्दोषगुणपूर्ण हैं. सोहु श्रीयमुनाजी सङ्ग (प्रयागमें) मिले हैं तासूं मुररिपु, जो भक्तनके प्रतिबन्ध दूर करिवेवारे हरि भगवान् हैं, तिनको अत्यन्त प्रिय भई हैं ओर सेवन करिवेवारेनुकुं समग्र सिद्धि देवेवारी भई हैं. एसे श्रीयमुनाजीकी बराबरीकुं कोऊ प्राप्त होय हे कहा ? कदाचित् प्राप्त होय तो श्रीलक्ष्मीजी होंय. क्यों ? जो श्रीलक्ष्मीजीहु भगवान्की स्त्री हैं तासूं श्रीयमुनाजीकी सपत्नी (सोति) होय हैं. यहां श्रीलक्ष्मीजी श्रीयमुनाजीकी सपत्नी हैं एसे कह्यो हे ताको अभिप्राय एसो हे जो जाकी जो सपत्नी होय सो ताके स्वभावसूं विरुद्ध स्वभाववारी होय हे. तेसें श्रीलक्ष्मीजी श्रीयमुनाजीके स्वभावतें विरुद्ध स्वभाववारी हैं एसो सूचन कियो हे. तासूं कहे हैं जो भक्तनके दुःख तथा पाप कुं हरिवेवारे भगवान्के भक्तनके कलिके दोषनको खण्डन करिवेवारे श्रीयमुनाजी हैं. तिनकी मेरे मनमें स्थिति होय. इतनें, श्रीलक्ष्मीजी भक्तनको अनुकूल नाहीं हैं ओर श्रीयमुनाजी भक्तनको अनुकूल हैं ॥५॥

एसें भक्तनको अनुकूल श्रीयमुनाजी, भगवान्कुं अत्यन्त प्रिय हैं. तिनको

श्रीयमुनाष्टकम्
१४८

टिप्पणी : १. ये ऐश्वर्यको निरूपण हे.

२. ये वीर्यको निरूपण हे. ३. ये श्रीको निरूपण हे.

४. ये यशको निरूपण हे. ५. ये ज्ञानको निरूपण हे.

६. ये वैराग्यको निरूपण हे. ७. ये धर्मीको निरूपण हे.

अब भगवदीयन्कीहु बड़ाई करिवेवारे श्रीयमुनाजी हैं तिनकी बड़ाई कहिवेकुं कोन समर्थ हे ? सो निरूपण करत हैं:

यया चरण-पद्मजा मुररिपोः प्रियम्भावुका
समागमनतोऽभवत् सकल-सिद्धिदा सेवताम् ॥
तया सदृशताम् इयात् कमलजा सपत्नीव यत् -
हरि-प्रिय-कलिन्दया मनसि मे सदा स्थीयताम् ॥५॥

यया = जाके, समागमनतः = सङ्गमसों सेवतां = सेवा करिवेवारेनुकों

चरणपद्मजा = भगवान्के चरणसों प्रकट सकलसिद्धिदा = सकलसिद्धिनुकों

भयी श्रीगङ्गा, मुररिपोः = श्रीकृष्णके देयवेवारी, अभवत् = भई

प्रियम्भावुका = प्रिय कार्यनुकों करिवेवारी तथा = वाकी

सदृशतां = समानताकुं हरिप्रियकलिन्दया = भगवान्के प्रिय

कमलजा = कमलसूं उत्पन्न भई लक्ष्मी भक्तनके दोषनुकों नष्ट करिवेवारी

इयात् = कर सके हे मे = मेरे

यत् = क्योंके मनसि = मनमें

सपत्नि = श्रीयमुनाकी सपत्नि सदा = सर्वदा

इव = जेसी हैं स्थीयताम् = स्थित रहें

श्रीयमुनाष्टकम्
१४७

नमन सिवाय ओर कछु होय सके नार्हीं एसे अभिप्रायसूं कहत हैं.

नमोऽस्तु यमुने सदा तव चरित्रम् अत्यद्भुतं
न जातु यमयातना भवति ते पयःपानतः ॥
यमोऽपि भगिनीसुतान् कथमु हन्ति दुष्टानपि
प्रियो भवति सेवनात् तव हरेर् यथा गोपिकाः ॥६ ॥

यमुने ! = हे श्रीयमुनाजी !

पयःपानतः = जलके पानसों

सदा = सदा, नमः = नमन

जातु = कबहु

अस्तु = हो, तव = आपको

यमयातना = यमद्वारा दी जाती यातना

चरित्रं = चरित्र

न = नार्हीं, भवति = होत हे

अत्यद्भुतं = अत्यन्त अद्भुत हे

यमः = यम, अपि = हु

ते = आपके

दुष्टान् = दुष्ट, अपि = हु

भगिनीसुतान् = बहिनके पुत्रनकुं,

यथा गोपिकाः = गोपीजनके जेसैं

उ = कहो

कथं = केसैं, हन्ति = मारि सके हे

हरेः = प्रभुके, प्रियः = प्रिय

तव = आपके, सेवनात् = सेवनसों

भवति = होय हैं

भावार्थ : हे श्रीयमुनाजी ! आपको सदा नमस्कार हो. आपको चरित्र बहुत अद्भुत हे. आपके जलको पान करिवेसों कबहु यमसम्बन्धी पीड़ा नार्हीं होत हे. क्यों ? जो यमहु बहिनके पुत्र कदाचित् दुष्ट होंय तोहु तिनकुं दण्ड केसैं देय ? आपकी सेवा करिवेसों श्रीगोपीजनकी तरह (जीव हु) श्रीहरिकों प्रिय होयहे.

विवृति : एतादृश्यां त्वयि नमनातिरिक्तं न वक्तुं शक्यम् इति आशयेन आहुः नमो अस्तु इति. त्वयि नमनमपि दुर्लभम् अतः प्रार्थ्यते अस्तु इति. अद्भुतत्वमेव अग्रे उपपादितम् ॥६ ॥

टीका : भगवान्को माहात्म्य तो सब शास्त्रन्में अति प्रसिद्ध हे तासूं भगवान्कुं नमन होय सके हे. ओर श्रीयमुनाजीको माहात्म्य तो लीलासृष्टिमें प्रवेश भये पीछे तेसो भाव प्राप्त होय तब जान्यो जाय ता पीछे नमन होय. तासूं नमन होयवेकी प्रार्थना करत हैं जो हे श्रीयमुनाजी ! आपकुं सदा नमन होउ. आपके पयःपानसूं कोऊ बिरियां यमयातना होय नार्हीं यह आपको चरित्र अति अद्भुत हे. जेसैं भगवान् अद्भुत कर्मवारे हैं सो काम, भय, द्वेष प्रभृति जो भगवान्कुं मिलायवेके साधन नार्हीं हैं, किन्तु उत्तम गतिके प्रतिबन्धक हैं, तथापि श्रीगोपीजन कामतें, कंस भयतें ओर शिशुपालादिक द्वेषतें भगवान्कुं प्राप्त भये हैं. तहां कामादिक असाधन हैं (तथापि) तिनकुं भगवान्नें साधनरूप किये हैं. तेसैं तृषाकी निवृत्तिकेलिये श्रीयमुनाजीको पयःपान करे सो कछू उत्तमगति मिलवेको अथवा यमयातना मिटवेको साधन भयो नार्हीं तथापि यमयातना मिटे हे, ये श्रीयमुनाजीको अद्भुत चरित्र हे. श्रीयमुनाजीके पयःपानते यमयातना मिटे हे तामें युक्ति कहत हैं जो यमहु बहिनके पुत्र कदाचित् दुष्ट होंय तोहु तिनकुं दण्ड केसैं देय ? क्यों जो बहिनको पुत्र तो सर्वदा मान्य (रक्षा / सत्कार करिवे योग्य) हे. ओर यमके उत्पन्न भये पीछे वाके दोषकी निवृत्तिकेलिये श्रीयमुनाजी प्रकट भये हैं तासूं यमकुं अतिमान्य हैं. ओर 'पयस्' शब्दको अर्थ दूध तथा जल दोउ प्रकारको होय हे. तासूं श्रीयमुनाजीको पयःपान करिवेवारे विनके पुत्र भये ओर यमके भानेज भये. तिनकुं यम दण्ड केसैं देय ?

एसैं दोषनिवारक अद्भुत चरित्रको निरूपण करिके फलसम्पादक अद्भुत चरित्रको निरूपण करें हैं जो जेसैं श्रीगोपीजन हरिकुं प्रिय भये हैं तेसैं तुम्हारे सेवनतें जीव हरिकुं प्रिय होय हैं. लोकमेंहु अन्यके सेवनसूं अन्य प्रसन्न होय एसो देख्यो नार्हीं हे ओर यहां तो श्रीयमुनाजीके सेवनसूं प्रभु प्रसन्न होय हैं. जेसैं कात्यायनीव्रतके प्रसङ्गमें कुमारिकान्पे श्रीयमुनाजीके सेवनतें प्रभु प्रसन्न भये हैं. ये श्रीयमुनाजीको अद्भुत चरित्र हे ॥६ ॥

देहको अवश्य धर्म यह हे जो जेसो कर्म करे तेसो दूसरो देह प्राप्त होय. एसो आवश्यक दैहिकधर्ममेंहु जहां तुम्हारो सम्बन्ध भयो इतने पीछे मुक्तितें अधिक भक्तिकी प्राप्ति होय हे. तहां यमयातनाको अभाव होय तामें कहा शङ्का हे यह निरूपण करत हैं:

ममाऽस्तु तव सन्निधौ तनुनवत्वमेतावता
 न दुर्लभतमा रतिर् मुररिपौ मुकुन्दप्रिये ॥
 अतोऽस्तु तव लालना सुरधुनी परं सङ्गमात्
 तवैव भुवि कीर्तिता न तु कदापि पुष्टिस्थितैः ॥७॥

मुकुन्दप्रिये ! = भगवान् मुकुन्दकी प्रिया- अस्तु = होउ
 हे श्रीयमुने !, तव = आपके सुरधुनी = देवतान्की नदी गङ्गा
 सन्निधौ = समीप, मम = मेरो तव = तुम्हारे एव = ही
 तनुनवत्वम् = देह नवीनताकुं प्राप्त सङ्गमात् = सङ्गमसों
 अस्तु = होय भुवि = भूतलके ऊपर
 एतावता = एसो होयवेसूं परं = अधिक
 मुररिपौ = श्रीकृष्णमें, रतिः = भक्ति कीर्तिता = प्रसिद्ध भई हैं
 दुर्लभतमा = दुर्लभतम पुष्टिस्थितैः = पुष्टिमार्गस्थित भक्तद्वारा
 न = नाहीं रहत हे तु = तो कदापि = कबहु
 अतः = तासों, तव = आपकी न = नाहीं
 लालना = स्तुति (कीर्तिता = कीर्तित भई हे)

भावार्थ : हे हरिप्रिय यमुनाजी ! आपकी सन्निधिमें मेरो शरीर दिव्य-नवीन होय जाय, अर्थात् लीलामें प्रवेश करवे लायक अलौकिक होय जाय. इतनेसोंही मुरदानवके मारनवारे श्रीकृष्णमें प्रीति होनी अतिदुर्लभ नाहीं हे, ताकारणसों आपके (स्तुतिरूप) लाड-चाव होय. श्रीगङ्गाजीकी आपके ही समागमसों भूतलमें स्तुति करी गई हे, किन्तु पुष्टिस्थित जीवन्ने या विषयमें आपके सिवाय उनकी स्तुति नाहीं कीनी हे, क्यों ? जो उनसों मुक्ति तो मिले हे परन्तु लीलोपयोगी देह नाहीं मिले हे.

विवृति : आवश्यक-दैहिकधर्मोंऽपि त्वत्सम्बन्धे मुक्त्यधिक-भक्तिप्राप्तिः यत्र,

तत्र का शङ्का यमयातनाभावे इति आहुः ममाऽस्तु इति. तव सन्निधौ तनोः नवत्वं लीलोपयोगि-नूतन-देह-सम्पत्तिः अस्तु. एतेन पूर्वदेहनिवृत्तिः सूचिता. इदमपि त्वत्कृतमेव भवति नतु अन्यथा इति ज्ञापनाय प्रार्थनम् अस्तु इति. एतावता शरीर-परिवर्त-मात्रेणैव मुररिपौ रतिः दुर्लभतमा न भवति इति अर्थः किन्तु तनुनवत्वेन सुलभैव. कदाचित् प्रतिबन्धके विद्यमानेऽपि यथा जलदोषरूपमुरस्य निवारकः तथा त्वत्सम्बन्धात् सर्वदोषनिवारकत्वं 'मुररिपु'पदेन उक्तम्. अतः कारणाद् यावद् आधुनिकशरीरनिवृत्तिः तावत् तव लालना स्तुतिरूपा अस्तु. सापि त्वत्कृपयैव न अन्यथा इति प्रार्थ्यते अस्तु इति. गङ्गाया अपि फलसाधकत्वं त्वत्सम्बन्धादेव इत्यत आहुः सुरधुनी तव सङ्गमात्. परम् अत्यर्थं भुवि कीर्तिता स्तुता इति अर्थः, न तु कदापि त्वद्रहितापि इति अर्थः. ननु क्वचित् पुराणादौ केवलाया अपि स्तुतिः दृश्यते इति स्तुतौ विशेषम् आहुः पुष्टिस्थितैः इति. मर्यादामार्गीयैः केवलापि स्तूयते त्वत्स्वरूपाज्ञानात्. पुष्टिमार्गीयास्तु त्वत्स्वरूपं जानन्तीति त्वत्सम्बन्धादेव स्तुवन्ति इति आहुः पुष्टिस्थितैः इति ॥७॥

टीका : मोकुं तुम्हारे सन्निधानमें लीलोपयोगी नवीन देहसम्पत्ति होय. लौकिक देह मितिकें अलौकिक देह भयेसूं मुररिपु (भगवान्)में प्रीति अत्यन्त दुर्लभ नाहीं रहे हे. कदाचित् प्रतिबन्धक होंङ्गे तोहु तुम्हारे सम्बन्धतें भगवान् आपतेंही दूर करि देंङ्गे अरु घरमें हि मोक्षसुख प्राप्त होय तेसैं चतुर्विध पुरुषार्थके सुखको अनुभव होयगो यह जतायवेके लिये 'मुररिपु' पद तथा 'मुकुन्दप्रिये' एसो सम्बोधन दिये हे. ओर तुम्हारे सन्निधानमें अलौकिक देहकी प्राप्ति होयवेको कह्यो हे. तासूं जहां दुष्टनके सन्निधानतें श्रीयमुनाजीको तिरोभाव हे तहां अलौकिक देहकी प्राप्ति नाहीं होय एसो सूचित किये हैं. तुम्हारे सन्निधानमें ही जहां अलौकिक देहकी प्राप्ति होय तहां यमयातनाको अभाव होयवेमें शङ्का कहा हे ? एसैं जतायो हे. तासूं जब तांई आधुनिक शरीरकी निवृत्ति होय तब तांई, जेसैं माता बालककुं लाड करती बिरियां बालककी प्रशंसा (स्तुति) करे हे सो गुणवर्णन नाहीं हे तेसैं तुम्हारी यह स्तुतिहु लालनरूप होय.

जिनकी बहोत बड़ाई हे एसी गङ्गाजीको कीर्तन जो निःसाधन अनुग्रहमार्गवारे पृथ्वीपर करे हैं सो तुम्हारे हि सङ्गमतें करें हैं. क्यों ? जो गीताजीमें विभूतिके अध्यायमें गङ्गाजी भगवान्की विभूति हैं एसैं लिख्यो हे. ताको ज्ञान न होय अथवा

जो विभूतिके उपासक होंय सो तो कदाचित् विभूतिरूप गङ्गाजीकी स्तुति करें परन्तु पुष्टिमार्गीय भक्त तो पूर्णपूरुषोत्तमके उपासक हैं सो विभूतिरूप केवल गङ्गाजीकी स्तुति करेंही नहीं. तुम्हारे (श्रीयमुनाजीके) सङ्गमते ही गङ्गाजीकी स्तुति करें हैं ॥७॥

सबनुकुं वन्दन करिवे योग्य गङ्गाजीकी स्तुतिहु जब तुम्हारे सम्बन्धते होय हे तहां तुम्हारी स्तुति करिवेकुं कोन समर्थ हे ? एसे अभिप्रायसूं कहत हैं :

स्तुतिं तव करोति कः कमलजा-सपत्नि ! प्रिये !
हरेर् यद् अनुसेवया भवति सौख्यमामोक्षतः ।
इयं तव कथाऽधिका सकल-गोपिका-सङ्गम -
स्मर-श्रम-जलाणुभिः सकलगात्रजैः सङ्गमः ॥८॥

कमलजासपत्नि ! = हे लक्ष्मीके समान	तव = आपकी, इयं = ये
सौभाग्यशालिनी श्रीयमुने !	कथा = कथा, अधिका = श्रेष्ठ
प्रिये ! = हे कृष्णप्रिया श्रीयमुने !	(यतः = क्योंके)
तव = आपकी, स्तुतिं = स्तुति	सकल-गोपिका-सङ्गम-स्मर-श्रम-
कः = कोन	जलाणुभिः = सकल गोपिकान्के
करोति = करि सके हे	सङ्गमसों भये स्मरश्रमसों जन्य
यत् = क्योंके, हरेः = श्रीकृष्णकी	प्रस्वेदरूप जलबिन्दुसों
अनु = पीछे, सेवया = सेवासों	सकलगात्रजैः = भगवान्के समस्त
आमोक्षतः = मोक्ष पर्यन्त	अवयवन्सों, सङ्गमः = आपको
सौख्यं = सुख, भवति = होत हे	सम्बन्ध, भवति = होत हे

भावार्थ : लक्ष्मीकी सपत्नि और हरिकों प्रिय हे श्रीयमुनाजी ! आपकी स्तुति कोन करिवे समर्थ हे ? क्यों ? जो श्रीहरिके पीछे लक्ष्मीकीहु सेवा करे तो ताकों

मोक्षपर्यन्तको सुख मिले हे, परन्तु आपकी तो कथा इतनी अधिक हे के सकल श्रीगोपीजनके सङ्गमसों स्मरसम्बन्धी जो श्रम होय हे ताकरिके जो स्वेदजलके बिन्दु सकल शरीरमेंते उत्पन्न होंय हैं तिनको सङ्ग आपसों हे. सो ताको सम्बन्ध आप भक्तनुकुं कराओ हो.

विवृति : यत्र त्वत्सम्बन्धात् सर्ववन्द्य-गङ्गास्तुतिः तत्र त्वत्स्तुतौ को वा समर्थः इति आहुः स्तुतिं तव इति. अशक्यस्तुतित्वे हेतुम् आहुः कमलजासपत्नि इति. सर्वत्र स्तुत्यत्वं भगवत्सम्बन्धात्. स सर्वत्र लक्ष्यपेक्षया न्यूनएव. त्वं तु तस्याअपि सपत्नी तत्समान-सौभाग्यवती. ननु लक्ष्मी-स्तुतिस्तु लोके दृश्यते. तर्हि तत्साम्यं चेत् कथं स्तुतिः अशक्या इति आहुः प्रिये इति. साम्यमात्रे कर्तुं शक्यतएव. अत्र तु ततोऽपि अधिकं प्रियत्वम् अस्तीति स्तुतिकरणम् अशक्यम्. ननु कथं ज्ञायते लक्ष्यपेक्षया आधिक्यम् अस्ति इति. तत्र हेतुम् आहुः हरेः यद् अनुसेवया इति. हरेः अनुपश्चाद्

यस्याः सेवया मोक्षं मर्यादीकृत्य सुखं भवति, मोक्षप्राप्तिः भवति इति अर्थः. ननु ततोऽपि अधिकं भजनानन्दाख्यं सुखं भवति. तदपि भगवत्सहित-तद्भजनेन ननु केवलायाः, केवलायाः मोक्ष-विघातकत्वात्. 'अनु'शब्दात् मुख्यतया भगवद्भजनं तदनुगुणत्वेन लक्ष्याः. कालिन्द्युत्कर्षम् आहुः इयं तव कथा इति. इयम् अग्रतः उच्यमाना तव कथा अपि सर्वमुक्त्यपेक्षया अधिका. अतएव एतत्कथारसिकानां न मोक्षेच्छागन्धोऽपि. तदेव उक्तं पञ्चमस्कन्धे "अथ ह वा व तव महिमामृतसमुद्रविप्रुषा सकृल्लीढया विस्मारित-दृष्ट-श्रुत-सुखलेशाभासाः परमभागवता एकान्तिनः" (भाग.पुरा. ६।१।३९) इति. सा का इति आकांक्षायाम् आहुः सकलगोपिका इति. सकल-गोपिका-सङ्गमेन स्मरसम्बन्धी यः श्रमः, तेन जनिता ये स्वेद-जलाणवः सकल-गात्रजाः, तैः सङ्गमो यस्याः. एते जलाणवो न

श्रमस्वेदरूपाः किन्तु विविध-सङ्गम-रसस्य सर्वावयवपूर्णस्य अत्युच्छलनेन बहिः आगतस्यैव बिन्दवो, ननु केवल-जलमात्रस्य. अतएव उक्तं सकलगात्रजैः इति. एभिः विशेषणैः परमकाष्ठापन्न-पुष्टिमार्गान्तरङ्ग-भक्तत्वं, सर्वदा एतद्रसपूर्णत्वम्, अन्तरङ्ग-भक्तानुगुणत्वम्, एतल्लीला-मध्यपातित्वादिकं सूचितम्. स्वस्य एतद्रसपूर्णत्वेन केवलैतद्भजनकर्तुरपि एतद्रसं ददातीति स्पष्टमेव वैलक्षण्यम् ॥८॥

टीका : लक्ष्मीजीके सपत्नि (सोति) हरिकों प्रिय एसे हे श्रीयमुनाजी ! आपकी स्तुति कोन कर सके ? कोऊ कर सके नहीं. क्यों ? जो आप लक्ष्मीजीके समान सौभाग्यवारे हो तथापि हरिकों विशेष प्रिय हो. ओर मुख्यतासूं हरिको सेवन करिके ताकी अनुकूलतासूं जब गौणभावसूं लक्ष्मीजीको सेवन करे तब मोक्षपर्यन्त सुख मिले हे, केवल (विभूतिरूप) लक्ष्मीजी तो धनादि सम्पत्तिद्वारा विषयासक्ति करायकें मोक्षको विघात करें हैं. और तुम्हारी तो यह कथा अधिक हे जो आप मोक्ष सुखको अनुभव कराओ हो ओर समग्र श्रीगोपीजनके सङ्गमकरिकें स्मरसम्बन्धी श्रम होय हे ताकरिके जो स्वेदजलके बिन्दु सकल शरीरमें उत्पन्न होंय हैं तिनको सङ्ग जिनकों हे ताको सम्बन्ध भक्तनकुं कराओ हो. एसी तुम्हारी (श्रीयमुनाजीकी) कथा अधिक हे. तासूं लक्ष्मीजीकी स्तुति होय परन्तु आपकी स्तुति तो कोन कर सके ! ॥८॥

एसे श्रीयमुनाजीकी स्तुति करिके या स्तोत्रको पाठ करिवेको फल कहत हैं :

तवाष्टकम् इदं मुदा पठति सूरसूते सदा
समस्त-दुरित-क्षयो भवति वै मुकुन्दे रतिः ॥
तया सकल-सिद्धयो मुररिपुश्च सन्तुष्यति
स्वभाव-विजयो भवेद् वदति वल्लभः श्रीहरेः ॥९॥

॥इति श्रीमद्वल्लभाचार्यविरचितं यमुनाष्टकं सम्पूर्णम् ॥

सूरसूते ! = हे सूर्यपुत्री यमुने ! रतिः = भक्ति, भवति = होय हे

तव = आपकी इदम् = ये तथा = अरु

अष्टकं = स्तुतिरूप अष्टकको सकलसिद्धयः = सकल सिद्धिएं

(यः) = जो सदा = सदा (भवन्ति = प्राप्त होय हैं)

मुदा = प्रसन्नचित्त होयके च = ओर, मुररिपुः = श्रीकृष्ण

पठति = पाठ करे हे सन्तुष्यति = प्रसन्न होय हैं

श्रीयमुनाष्टकम्
१५५

(तस्य = वाके) स्वभावविजयः = स्वभावपे विजय

समस्तदुरितक्षयो = सगरे पापनको नाश भवेत् = होय हे (इति = एसें)

भवति = होय जाय हे, वै = अरु श्रीहरेः = श्रीहरिको

मुकुन्दे = मोक्षदाता भगवान्में वल्लभः = प्रिय, वदति = कहे हे

भावार्थ : हे सूर्यपुत्री श्रीयमुनाजी ! तुम्हारे या अष्टकको आनन्दकरिके जो सदा पाठ करे हे ताके समस्त दूरितको क्षय होय हे अरु मोक्ष देवेवारे भगवान्में निश्चय प्रीति होय हे. ताकरिके पहिले बताई हे सो सब सिद्धि प्राप्त होय हे, प्रतिबन्ध निवृत्त करिवेवारे प्रभु प्रसन्न होय हैं, अन्तःकरणको वासना सहित स्वभाव फिर जाय हे अरु भगवान्को स्वभाव, हे जो ब्रजभक्तनों देवेको आनन्द ओरकुं नहीं देय हैं, सो स्वभावहु फिर जाय हे. एसें प्रभूनों प्रिय श्रीआचार्यजी महाप्रभुजी कहत हैं.

विवृति : एवं कालिन्दीं स्तुत्वा एतत्स्तोत्रपाठफलम् आहुः तवाष्टकम् इति. यद्यपि अन्यकृतान्यपि स्तोत्राणि सन्ति तथापि वक्ष्यमाणं फलम् एतत्स्तोत्रपाठेनैव भवति न अन्यथा इति ज्ञापनाय इदम् इति उक्तम्. अन्यकृतस्तोत्रेषु एवंविध-स्वरूप-निरूपणाभावात् इदं तवाष्टकं यः पठति तस्य पूर्वं समस्तदुरितक्षयो भवति. तदनन्तरं मोक्षदातर्यपि स्नेहो भवति. अतएव उक्तं “नराणां क्षीणपापानां कृष्णे भक्तिः प्रजायते” इति. मुकुन्दपदाद् यद्यपि मोक्षमेव साधारण्येन सर्वेभ्यो ददाति तथापि त्वत्स्तुतिपाठात् प्रसन्नो भक्तिमेव ददाति न तु मोक्षमपि इति भगवत्स्वभाव-परावर्तकत्वम् उक्तम्. ततः किम् इति तत्र आहुः तया सकलसिद्धयः पूर्वोक्ताः सर्वात्मभावादयो भवन्ति इति शेषः. ननु प्रतिबन्धके विद्यमाने सति कथम् एतत्स्तोत्रमात्राद् एतावद् भवति इति चेत् तत्र आहुः मुररिपुश्च सन्तुष्यति इति. यथा दोषरूपं तन्निरुद्ध-कन्या-सुखप्राप्ति-प्रतिबन्धकं निराकृत्य ता अङ्गीकृतवान् एवम् एतत्पाठेनाऽपि प्रतिबन्धं निवार्य तमपि अङ्गीकरोति इत्यपि ज्ञापनाय मुररिपुपदम्. फलान्तरम् आहुः स्वभावविजयो भवेद् इति. स्वभावस्य विजयः परावृत्तिः भवति. सवासना इति ‘वि’ उपसर्गार्थः. दुष्टस्वभावोपि उत्तमस्वभावो भवति इति अर्थः. ननु इदम् अनेक-तपः-साध्यं कथम् एतत्पाठमात्राद् इति चेत् तत्र आहुः वदति वल्लभः इति. तेन आप्तवाक्यत्वेन प्रामाण्यम् उक्तम्. ननु इतः पूर्वं केनापि अनुक्तत्वाद् भवदुक्तिमात्रेण कथं प्रामाण्यम् इति चेत् तत्र आहुः

श्रीयमुनाष्टकम्
१५६

श्रीहरेः इति. साक्षाच्छ्रीपुरुषोत्तम-सम्बन्धी यतः अहम् अतो वदामि इति अर्थः. अत्र अयम् आशयः. साक्षात्स्वरूपसम्बन्धिनां स्वरूपं साक्षात्-तत्सम्बन्धिनएव जानन्ति नतु अन्ये. श्रीकालिन्ध्याः साक्षात्-तत्सम्बन्धित्वं पूर्वं प्रकटमेव उपपादितम्. स्वातिरिक्तानां साक्षाच्छ्रीगोकुलेश-सम्बन्धाभावात् साक्षात् तत्सम्बन्धिन्याः स्वरूपाज्ञानात् तदकथनम्. स्वस्यतु साक्षात्-तरदृशत्वात् तत्स्वरूपज्ञानात् तत्कथनमिति न अनुपपत्तिः काचित् ॥९॥

॥ इति श्रीविट्केश्वरविरचिता (गोस्वामिश्रीगोकुलनाथप्रपूरिता)
श्रीयमुनाष्टकविवृतिः सम्पूर्णा ॥

टीका : इतनें या स्तोत्रको पाठ करिवेवारेकुं ये (श्रीयमुनाजी) आनन्दको दान करत हैं, ऐसें भक्तनके दुःख तथा पापकुं हरिवेवारे प्रभुको प्रिय श्रीआचार्यजी महाप्रभुजी कहत हैं.

यद्यपि श्रीयमुनाजीके अन्य स्तोत्र हैं तथापि या स्तोत्रके पाठसूं ही सब फल मिले हे अन्य स्तोत्रके पाठसूं नहीं मिले हे. क्यों ? जो अन्य स्तोत्रमें एसो स्वरूपनिरूपण नहीं हे. तेसें आनन्दकरिके सदा पाठ करे तब फल मिले, क्यों ? जो अर्थको ज्ञान होय तब आनन्द प्राप्त होय. ओर सदा पाठ करे तब आसुरावेश न होय. तेसें श्रीयमुनाजीके स्तोत्रसूं ही यह फल मिले हे ओरके स्तोत्रसूं नहीं मिले हे. क्यों ? जो भगवान्ने अष्टविध ऐश्वर्य श्रीयमुनाजीको दिये हैं. तासूं श्रीयमुनाजीके या अष्टकको अर्थानुसन्धान पूर्वक आनन्दसूं सदा पाठ करे तो सब फल प्राप्त होय ॥९॥

इति श्रीवल्लभाचार्य विरचित श्रीयमुनाष्टककी
गोस्वामी श्रीनृसिंहलालजी महाराजकृत
ब्रजभाषाटीका सम्पूर्ण भई ॥

॥ बालबोधः ॥

(७)

दूसरे मतमें धर्म, अर्थ, काम ओर मोक्ष ये चारों पुरुषार्थ ही फलरूप हैं ऐसे कहे हैं. तासूं जीवनकी प्रवृत्ति पुरुषार्थ सिद्ध करिवेमें होय हे. परन्तु, भक्तिमें जो बड़ाई हे सो जीव नहीं जाने हे सो जतायवेकेलिये पुरुषार्थके स्वरूपनिरूपणपूर्वक अपनो सिद्धान्तरूप मङ्गलाचरण कहत हैं:

नत्वा हरिं सदानन्दं सर्व-सिद्धान्त-सङ्ग्रहम्।
बाल-प्रबोधनार्थाय वदामि सुविनिश्चितम् ॥१॥

सदानन्दं=सच्चिदानन्द

सुविनिश्चितं=आछि भातिसों

हरिं=श्रीकृष्णकुं

निश्चित कर्यो भयो

नत्वा=प्रणाम करिके

सर्वसिद्धान्तसङ्ग्रहं=सभी

बाल-प्रबोधनार्थाय=बालकनकुं आछी

सिद्धान्तनके सङ्ग्रहको

भातिसों अर्थबोध होय वाकेलिये

(अहं=में)वदामि=कहूं हुं

भावार्थ : भक्तनके दुःख तथा पाप कुं हरिवेवारे सदानन्द (श्रीकृष्ण) भगवानकुं नमन करिके, बालकनकुं आछी भातिसूं बोध होयवेकेलिये, सब प्रमाणसूं निश्चित कियो भयो सर्वसिद्धान्तको सङ्ग्रह कहूं हुं.

टीका : भगवान् 'हरि' हैं तासूं दुःखनकी निवृत्ति करे हैं; ओर सदानन्द हैं तासूं सुखकी प्राप्ति करावे हैं. तिनकुं श्रीआचार्यजी नमन करिके यह जतायो जो जीवनकुं दुःखकी निवृत्ति तथा सुखकी प्राप्तिकी इच्छा होय तो दीनतापूर्वक भगवानको नमन करनो. सो (नमन) करिके सर्वसिद्धान्तको सङ्ग्रह कहूंगो एसे कह्यो हे. इतने (अर्थात्) पुरुषार्थको प्रतिपादन करिवेवारे जो शास्त्र हैं तिनको जामें सिद्धान्त हे एसो ग्रन्थ कहूं हुं.

ये ग्रन्थ बालकनकुं बोध करिवेकेलिये हे. इतने अपनो हित कहा तथा अहित

कहा वो नहीं जाने हैं; ओर भाव शुद्ध हे तासूं दयाके पात्र हैं सो 'बालक' कहे जाय हैं. तिनकों दूसरे फल-साधनविषयक उपाय ग्रहण करिवेको भ्रम मिटायके जेसो अधिकार ता प्रमाण भक्तिमें अथवा शरणागतिमें प्रवेश होयवेको सामर्थ्य होय एसो बोध उत्पन्न करिवेकेलिये यह ग्रन्थ हे।।१।।

या प्रकार ओर(अन्य) फलको सम्बन्ध बतायके पहिलेसूं पुरुषार्थनके विषयमें सन्देह मिटायवेकेलिये संक्षेपसूं तिनको निश्चय कहत हैं:

**धर्मार्थ-काम-मोक्षाख्याश् चत्वारोऽर्था मनीषिणाम्।
जीवेश्वर-विचारेण द्विधा ते हि विचारिताः।।२।।**

मनीषिणां=बुद्धिमाननके	(सन्ति=हैं)ते=वे
धर्मार्थकाममोक्षाख्याः=धर्म, अर्थ,	जीवेश्वर-विचारेण=जीव ओर-
काम ओर मोक्ष नामके	ईश्वर के द्वारा विचारित होयवेसूं
चत्वारः=चार	द्विधा=दो तरहके, हि=निश्चित ही
अर्थाः=पुरुषार्थें	विचारिताः=विचारे गये हैं

भावार्थ : धर्म, अर्थ, काम ओर मोक्ष एसे नामके चार्यों अर्थ बुद्धिमाननके हैं. (इतने साधारणनकुं प्राप्त होय एसे नहीं हैं) सो वेही अर्थ जीवविचारित ओर ईश्वरविचारित एसे दोय प्रकारके हैं.

टीका : तिनमें वेदादिकनमें ऋ११अकरिवेकी अथवा ऋ२अनहीं करिवेकी आज्ञा हे सो 'धर्म' कह्यो जाय हे.

माला चन्दन स्त्री पुत्र देह प्राण आभरण गृह धन प्रभृति सब 'अर्थ' कहे जांय.

शब्द स्पर्श रूप रस गन्ध प्रभृति विषयनमें इन्द्रियनकी अनुकूलतासूं प्रवृत्ति होय सो 'काम' कह्यो जाय हे. ओर

अहन्ता-ममतात्मक संसारकी निवृत्ति होयके अपने स्वरूपमें जो स्थिति सो 'मोक्ष' कह्यो जाय हे.

ये चार्यों नाममात्रसूं ही 'अर्थ' कहे जाय हैं. वस्तुतासूं तो भक्ति ही मुख्य पुरुषार्थ हे. तासूं ही मूलमें "पुरुषार्थ हैं" एसें नहीं कहिके "अर्थ हैं" एसे कह्यो हे. ओर इन पुरुषार्थनको जीवन्ने विचार कियो हे तथा ईश्वरनेहु विचार कियो हे, एसें दोय प्रकारसूं ये विचारित हैं।।२।।

टिप्पणी :

१. "स्वर्गकी कामनावारो ज्योतिष्टोमयज्ञसूं यजन करे" इत्यादिक करिवेकी आज्ञा हे.
२. "ब्राह्मण मारिवेयोग्य नहीं हे" इत्यादिक नहीं करिवेकी आज्ञा हे.

एसें पुरुषार्थनके दोय प्रकारको प्रतिपादन करिके ईश्वरविचारित पुरुषार्थनको स्वरूप कहत हैं :

**अलौकिकास्तु वेदोक्ताः साध्य-साधन-संयुताः ।
लौकिका ऋषिभिः प्रोक्तास् तथैवेश्वरशिक्षया ।।३।।**

साध्यसाधनसंयुताः = साध्य ओर साधनवारे	अलौकिकाः = अलौकिक पुरुषार्थें
तु = तो, वेदोक्ताः = वेदमें कहे हैं	ईश्वरशिक्षया = ईश्वरकी आज्ञासूं
लौकिकाः = लौकिक पुरुषार्थें	ऋषिभिः = ऋषिनके द्वारा
तथा एव = वेसे ही	प्रोक्ताः = कहे गये हैं

भावार्थ : साध्य ओर साधन करिके युक्त अलौकिक पुरुषार्थ तो वेदमें कहे हैं सो ईश्वरविचारित पुरुषार्थ हैं. ओर तेसेंही निरूपण करिवेकी ईश्वरकी आज्ञा हे तासूं ऋषिनद्वारा निरूपित पुरुषार्थ लौकिकपुरुषार्थ (जीवविचारित) हैं.

टीका : साध्य ओर साधन करिके युक्त अलौकिक पुरुषार्थ तो वेदमें कहे हैं. जेसें अमुक साधन करिके अमुक यज्ञादिक धर्म सिद्ध होत हे, अमुक साधन करिके अमुक अर्थ सिद्ध होत हे, अमुक साधन करिके अमुक काम सिद्ध होत हे ओर अमुक साधन करिके मोक्ष सिद्ध होत हे -एसे वेदमें निरूपण कियो हे. ओर वेद ईश्वरप्रोक्त हे तासूं वेदमें कहे हैं सो पुरुषार्थ ईश्वरविचारित पुरुषार्थ हैं ओर ऋषिन्ने कहे हैं सो लौकिकपुरुषार्थ (जीवविचारित) हैं. यद्यपि सब ऋषि वेदकुं जानिवेवारे हैं तथापि तेसेंही निरूपण करिवेकी ईश्वरकी आज्ञा हे तासूं भिन्न निरूपण कियो हे ॥३॥

ऋषिविचारित लौकिक पुरुषार्थको निरूपण करिवेवारे शास्त्रन्की परिगणना :
लौकिकांस्तु प्रवक्ष्यामि वेदाद् आद्या यतः स्थिताः ।

लौकिकान् = लौकिक पुरुषार्थन्कों यतः = कारणके
तु = तो (अहं = मैं) आद्याः = पहिले
प्रवक्ष्यामि = कहत हों वेदात् = वेदसों
(वेदमाश्रित्य = वेदको आश्रय लेके) स्थिताः = स्थित, (सन्ति = हैं)

भावार्थ : अलौकिक पुरुषार्थ तो वेदसूं स्थित हैं. तिनको विचार करिवेकी आवश्यकता नहीं हे. तासूं लौकिक पुरुषार्थकुं तो कहंगो.

टीका : अलौकिक पुरुषार्थ तो वेदसूं स्थित हैं. तिनको विचार करिवेकी आवश्यकता नहीं हे. क्यों जो जिनकुं अलौकिक पुरुषार्थ सिद्ध करिवेकी इच्छा होय वे वेदमें लिखे प्रमाण करें. परन्तु वे पुरुषार्थ सिद्ध होय सकें एसे नहीं हैं ये जतायवेकेलिये “स्थित हैं” एसें कह्यो हे. इतने प्रचलित नहीं हे. तासूं लौकिक पुरुषार्थकुं तो कहंगो.

धर्मशास्त्राणि नीतिश्च कामशास्त्राणि च क्रमात् ॥४॥
त्रिवर्ग-साधकानीति न तन्निर्णय उच्यते ॥

बालबोधः
१६१

धर्मशास्त्राणि = धर्मशास्त्रें त्रिवर्गसाधकानि = त्रिवर्गके साधक हैं
च = ओर इति (हेतोः) = या कारणसूं
नीतिः = नीतिशास्त्रें च = ओर तन्निर्णयः = विनको निर्णय
कामशास्त्राणि = कामशास्त्रें (अस्माभिः = हमारे द्वारा)
क्रमात् = क्रमसों न = नहीं उच्यते = कह्यो हे

भावार्थ : मनुस्मृति आदि धर्मनिरूपण करिवेवारे शास्त्र, कामन्दकीय आदि नीतिशास्त्र (अर्थशास्त्र) तथा वात्स्यायन आदि कामशास्त्र क्रमसों धर्म, अर्थ ओर काम इन त्रिवर्गके साधक हैं. तासों विनको निर्णय हम नहीं करे हैं ॥४॥

टीका : तिनमें धर्मशास्त्र धर्मकुं सिद्ध करिवेवारे हैं, नीतिशास्त्र अर्थकुं सिद्ध करिवेवारे हैं ओर कामशास्त्र कामकुं सिद्ध करिवेवारे हैं. धर्म, अर्थ ओर काम ये तीन्हीं ‘त्रिवर्ग’ कहे जाय हैं. सो शुद्धभाववारे अनन्यभक्तन्कों तो प्रभुही सिद्ध करि देत हैं. ओर यदि साधारण भक्तन्कोंहु प्रभु त्रिवर्ग सिद्ध करें तो इतनेहीमें अटक जाय. तासूं तिन(त्रिवर्ग)में (साधारण भक्तन्के) श्रम(प्रयत्न)को प्रभु नाश करे हैं. तासूं तिनको निर्णय (यहां) नहीं कह्यो हे ॥४॥

एसें त्रिवर्गकी व्यवस्थाको सूचन करिके मोक्षरूप फल एक हे किंवा अनेक हे ? एसें जानिवेकी इच्छा होय तहां कहत हैं:

मोक्षे चत्वारि शास्त्राणि लौकिके परतः स्वतः ॥५॥
द्विधा द्वे-द्वे स्वतस् तत्र सांख्य-योगौ प्रकीर्तितौ ।
त्यागात्याग-विभागेन सांख्ये त्यागः प्रकीर्तितः ॥६॥

स्वतः = आपही / स्वयंही त्यागात्याग-विभागेन =
परतः = अन्य द्वारा त याग ओर अत्याग के भेदसों
द्विधा = दो प्रकारके सांख्य-योगौ = सांख्य ओर योग

बालबोधः
१६२

लौकिके = लौकिक	स्वतः = खुद / आप करिके
मोक्षे = मोक्षमें, द्वे-द्वे = दो-दो	प्रकीर्तितौ = कहे गये हैं
(कृत्वा इति यावत् = ऐसे करिके)	सांख्ये = सांख्यमें, त्यागः = त्याग
चत्वारि = चार, शास्त्राणि = शास्त्रें	प्रकीर्तितः = आछी भांतिसों कह्यो
(सन्ति = हैं) तत्र = उनमें	(अस्ति = हे)

भावार्थ : लौकिक मोक्षमें दोग्य शास्त्र (मार्ग / उपाय / साधन) परतः मोक्ष सिद्ध करिवेवारे हैं ओर दोग्य शास्त्र स्वतः मोक्ष सिद्ध करिवेवारे हैं. एसें करिके स्मार्तमोक्ष विषयक चार शास्त्र हैं. विनमेंसूं स्वतः (जीवके स्वाधीन) मोक्षमें त्याग ओर अत्याग के भेदसूं सांख्य ओर योग शास्त्र कहे हैं.

टीका : जामें शास्त्रमें कही रीतिप्रमाण साधन करिवेतें जीव कृतार्थ होय सो स्वतः मोक्षसाधक शास्त्र हैं. ओर जा शास्त्रमें कही रीतिप्रमाण साधन करिवेतें कोउके प्रसादसूं (कृपासूं) जीव कृतार्थ होय सो परतः मोक्षसाधक शास्त्र हैं. तामें स्वतः (जीवके स्वाधीन) मोक्षमें त्याग ओर अत्याग के भेदसूं सांख्य ओर योग शास्त्र कहे हैं. इतने त्याग करिवेसूं मोक्ष सिद्ध होय एसो प्रतिपादन करिवेवारो एक शास्त्र हे. ओर त्याग किये बिना मोक्ष सिद्ध होय एसो प्रतिपादन करिवेवारो एक (दूसरो) शास्त्र हे. तामें सांख्याशास्त्रमें त्याग कह्यो हे. इतने नित्यानित्यवस्तुको विवेक होय तब वैराग्य भयेसूं त्याग करे तब मोक्ष होय. एसे त्याग करिके मोक्ष जीवके स्वाधीन हे एसो बतायवेवारो सांख्यशास्त्र हे ॥५-६॥

देहादिक सङ्घात विद्यमान हे तब त्यागमात्रतें केसें मुक्ति होय ? एसी शङ्का करिके मुक्तिको प्रकार कहत हैं:

अहन्ता-ममता-नाशे सर्वथा निरहङ्कृतौ ।
स्वरूपस्थो यदा जीवः कृतार्थः स निगद्यते ॥७॥

अहन्ता-ममतानाशे (सति) = यदा = जब, जीवः = जीव

अहन्ता-ममताको नाश भये	स्वरूपस्थः = स्वरूपमें स्थित
सर्वथा = सब प्रकारसूं	(भवति तदा = होवे हे तब)
निरहङ्कृतौ (सति) = अहङ्कार	सः = वो, कृतार्थः = कृतार्थ
रहित भये (जीवे इति शेषः)	निगद्यते = कह्यो जाय हे

भावार्थ : अहन्ता-ममताको नाश भयेतें सर्वथा अहङ्कारशून्य होयवेपे जब जीव अपने स्वरूपमें रहे तब सो जीव 'कृतार्थ' कह्यो जाय हे.

टीका : इतने, स्थूलशरीर तथा लिङ्गशरीर की अहन्ता ओर इनके परिकर जो गृहादिक तथा प्राण, इन्द्रिय प्रभृति हैं तिनमें ममताको त्याग होय तब बुद्धितत्त्वमें जो प्रतिबिम्ब रह्यो हे तामें अभिमान मिट जाय. तब कर्त्तापनो तथा भोक्तापनोहु मिटि जाय. तब जीव अपने स्वरूपमेंही प्रकाशमान होय. सो जीव मुक्त भयो एसें सांख्याचार्यनने कह्यो हे ॥७॥

गौतमादिकनके मतमें जैसे वेदविरुद्ध अंश हैं तेसे सांख्यमेंहु वेदविरुद्ध अंश हैं. तब सांख्यमें जो मोक्षको प्रतिपादन कियो हे तामें शिष्टनको आदर केसे हे ? ओर गौतमादिकननें जो मोक्षको प्रतिपादन कियो हे तामें शिष्टनको अनादर क्यों हे ? एसें जानिवेकी इच्छा होय तहां कहत हैं:

तदर्थं प्रक्रिया काचित् पुराणेऽपि निरूपिता ।
ऋषिभिर् बहुधा प्रोक्ता फलम् एकम् अबाह्यतः ॥८॥

तदर्थं = वाकेलिये	पुराणे = पुराणनमें, अपि = भी
ऋषिभिः = ऋषिनने	निरूपिता = निरूपित हे
बहुधा = बहोत तरेहसूं	अबाह्यतः = शास्त्रसूं अविरुद्ध प्रकारसूं
प्रोक्ता = कह्यो हे	एकं = एक, फलम् = फल
काचित् = कोऊ, प्रक्रिया = प्रक्रिया	(भवति = होय हे)

भावार्थ : अन्यथा-रूपको त्याग करिके अपने स्वरूपसों जो स्थिति हे सो मुक्ति हे. एसे मोक्षकेलिये कोउ प्रक्रियाको पुराणमेंहु निरूपण भयो हे. अनीश्वर सांख्यकुं छांडिके सबको फल एक होय हे.

टीका : पुराण वेदके अर्थकी वृद्धि करिके स्पष्ट निर्णय करिवेवारो हे. ताके अनुकूल सांख्यको मोक्ष हे तासूं तामें शिष्टनको आदर हे. ओर गौतमादिकनने मोक्षको जेसो प्रतिपादन कियो हे सो पुराणसूं अनुकूल नाहीं हे. तासूं तामें शिष्टनको आदर नाहीं हे. यद्यपि ऋषीननें बहोत प्रकारकी सांख्यकी प्रक्रिया कही हे तथापि निरीश्वर सांख्यकुं छांडिके अन्य सब सांख्यमें आत्मव्यतिरिक्त सबनको त्याग करना ये अन्तरङ्ग साधन एक(समान) हे तथा अपने स्वरूपमें स्थितिरूप मोक्षफलहु एक(समान) हे. तासूं (शास्त्रसूं) बाह्य सांख्यकुं छांडिके सब सांख्य शिष्टनको आदर करिवेयोग्य हे. अथवा पुराणोक्त सांख्यमें आत्मदर्शनरूप प्रथम एक फल होय हे ओर पीछे ज्ञानद्वारा मोक्षरूप दूसरो फल होय हे. तामें ऋषीनने जो विचार कियोहे वाको आत्मदर्शनरूप एक फल होय हे. सोहू निरीश्वर सांख्य सिवायके सांख्यको फल हे. निरीश्वर सांख्यको फल तो नरकप्राप्तिरूपही हे ॥८॥

एसें स्वतः(स्वाधीन) मोक्षके साधक एक शास्त्रको निरूपण करिके (स्वाधीन मोक्षके साधक) दूसरे शास्त्रको निरूपण करतहैं:

अत्यागे योगमार्गो हि त्यागोऽपि मनसैव हि ।

यमादयस्तु कर्तव्याः सिद्धे योगे कृतार्थता ॥९॥

अत्यागे = त्याग न करिवेपे (कर्तव्यः = करना)
 हि = निश्चितरूपसूं यमादयः = यम इत्यादि, तु = तो
 योगमार्गः = योगमार्ग हे कर्तव्याः = करनें, योगे = योग भये
 हि = ओर फिर, त्यागः = त्याग सिद्धे(सति) = सिद्ध भये
 अपि = हु, मनसा = मनसूं, एव = ही कृतार्थता = कृतार्थपनों(भवति=होय हे)

भावार्थ : त्याग नाहीं करिवेमें योगमार्ग कह्यो जाय हे, यह बात निश्चित हे. ओर त्यागहु मनसूं करना; अर्थात् मानसिक त्याग करे. ओर योगमार्गमेंहु यम, नियम आदि अङ्ग तो अवश्य साधने चाहिये. योग सिद्ध भयेसूं आत्माके स्वरूपमें स्थितिरूप मोक्ष सिद्ध होय हे.

टीका : जाकुं त्याग किये विना मोक्षको साधन करना होय तो ताकेलिये योगमार्ग हे. इतनें चित्तवृत्तिको निरोध करके आत्माको बोधक मार्ग हे सो पूराणसूं अनुकूल हे. तामें त्यागहु मनसूं ही हे. यम, नियम, आसन, प्रणायाम, प्रत्याहार, ध्यान, धारणा ओर समाधि रूप साधन तो करनें. तब योग सिद्ध भयेसूं आत्माके स्वरूपमें स्थितिरूप मोक्ष सिद्ध होय हे ॥९॥

एसें स्वतः (जीवके स्वाधीन) मोक्षमें दूसरे शास्त्रको निर्णय कियो. अब, परतः (पराश्रय) मोक्षके दोय शास्त्रको निर्णय करिवेकेलिये तामें मोक्षको जो स्वरूप हे ताके निरूपणपूर्वक विस्तार बतावत हैं. ब्रह्माजी मोक्षकुं नाहीं देत हैं तामें प्रमाणहु कहत हैं:

पराश्रयेण मोक्षस्तु द्विधा सोऽपि निरूप्यते ।
 ब्रह्मा ब्राह्मणतां यातस् तद्रूपेण सुसेव्यते ॥१०॥
 ते सर्वार्था न चाद्येन शास्त्रं किञ्चिद् उदीरितम् ।

पराश्रयेण = परमात्माको आश्रय करिके ब्राह्मणतां = ब्राह्मणपनेंकुं
 मोक्षः = मोक्ष, तु = तो यातः = प्राप्त भये हैं
 द्विधा = दोय प्रकारसूं(अस्ति = हे) तद्रूपेण = वा रूपसूं
 सो = वाको, अपि = हु सुसेव्यते = पूजित हैं, ते = वे
 निरूप्यते = निरूपण करें हैं सर्वार्था = सभी अर्थ
 ब्रह्मा = ब्रह्माजी आद्येन = ब्रह्माजीसूं
 न = नाहीं(यतः = क्योके) शास्त्रं = शास्त्रकुं

किञ्चित् = थोड़ासो

उदीरितं = कह्यो (अस्ति = हे)

भावार्थ : पराश्रय करिके मोक्ष तो शिव तथा विष्णु के आश्रयसूं होत हे. तासों दोय प्रकारको निरूपित कियो जाय हे. ब्रह्माजी वेद अथवा परब्रह्म के जानिवेवारे होइवेसूं अथवा ब्राह्मणकी जातिके अभिमानवारी देवतापनेकुं प्राप्त भये हैं तासों विनकी सेवा ब्राह्मणस्वरूपसूं होय हे. तासों धर्म-अर्थ-काम-मोक्षरूप अर्थ ब्रह्माजीसूं प्राप्त नहीं होत हैं. ओर विननें वैखानसमन्त्ररूप शास्त्र कछुक कह्यो हे.

टीका : पराश्रय करिके मोक्ष तो शिव तथा विष्णु के आश्रयसूं होत हे. तासों दोय प्रकारको निरूपित कियो जाय हे. यद्यपि गुणावतारनमें ब्रह्माहु हैं अरु गुणाभिमानपनेसूं (विष्णु-शिव-ब्रह्मा) तीनों समान हैं; तथापि सरस्वतीके शापादिकसूं ब्रह्माको पूज्यपनो मिटि गयो हे. तासूं वेदके जानिवेपनेकुं अथवा परब्रह्म जानिवेपनेकुं अथवा ब्राह्मणकी जातिके अभिमानवारी देवतापनेकुं प्राप्त भये हैं. तिनकी सेवा ब्राह्मणस्वरूपसूं होय हे. मोक्षकेलिये ब्रह्माजीको सेवन नहीं हे. क्यों जो ब्रह्माजीको कार्य सृष्टि करिवेको हे ओर मोक्ष हे सो तो सृष्टिकार्यसूं विरुद्ध हे. तासूं ब्रह्माजी मोक्षकुं नहीं देय हैं. ये (धर्म-अर्थ-काम-मोक्षरूप) सब अर्थ ब्रह्माजीसूं प्राप्त नहीं होत हैं. अर्थात् दोय-तीन अर्थ प्राप्त होत हैं. अथवा ब्रह्माजीकुं सेववेवारे सब अर्थवारे नहीं होय हैं किन्तु यत्किञ्चित् अर्थवारे होय हैं. ओर विननें वैखानसमन्त्ररूप शास्त्र कछुक कह्यो हे ॥१०॥

शिव ओर विष्णु को स्वरूप समुझावत हैं:

अतः शिवश्च विष्णुश्च जगतो हितकारकौ ॥११॥

वस्तुनः स्थिति-संहारौ कार्यौ शास्त्र-प्रवर्तकौ ।

अतः = तासों

शिवः = शिवजी च = ओर

वस्तुनः = वस्तु(मात्र)को

विष्णुः = विष्णु, च = हु

स्थिति-संहारौ = पालन ओर प्रलय

(द्वौ अपि = दोऊ)

बालबोधः
१६७

कार्यौ = दो कार्य

जगतः = जगत्को

शास्त्र-प्रवर्तकौ =

हितकारकौ = हित करिवेवारे

शास्त्रको प्रवर्तन करिवेवारे हैं

(स्तः = हैं)

भावार्थ - टीका : (ब्रह्माजीसों मोक्ष नहीं मिले हे) तासूं शिव ओर विष्णु जगत्को हित करिवेवारे हैं. ओर वस्तुको पालन विष्णुको अवश्य कर्तव्य हे तथा वस्तुको संहार शिवाजीको अवश्य कर्तव्य हे. तेषें ही चतुर्वर्ग विषयक शास्त्रके प्रवर्तकहु ये दोऊ हैं; तामें जेसो जाको अधिकार हे ताप्रमाण प्रवृत्ति होय एसे शास्त्र करिवेवारे दोऊ हैं ॥११॥

शिवके शास्त्रमें शिवको सर्वात्मकपनो कह्यो हे ओर विष्णुके शास्त्रमें विष्णुको सर्वात्मकपनो कह्यो हे; तब विष्णुको (सृष्टि)पालनरूप एक कार्य हे ओर शिवाजीको (सृष्टि)संहाररूप एक कार्य हे एसें केषें सम्भवे ? एसी शङ्का होय तहां कहत हैं:

ब्रह्मैव तादृशं यस्मात् सर्वात्मकतयोदितौ ॥१२॥

निर्दोष-पूर्ण-गुणता तत्-तच्छास्त्रे तयोः कृता ।

यस्मात् = क्योंके, तादृशं = वा रूप

सर्वात्मकतया = सर्वात्मकरूपसूं

ब्रह्म = ब्रह्म, एव = ही (हे)

उदितौ = कहे हैं (किंच = ओर)

(तस्मात् तौ = या कारणसूं शिवविष्णुको)

तत्-तत् = वा-वा

शास्त्रे = शास्त्रमें, तयोः = दोनोंकी

निर्दोष-पूर्ण-गुणता =

कृता = निरूपित करी

निर्दोषता ओर पूर्णगुणरूपता

(अस्ति = हे)

बालबोधः
१६८

भावार्थ : ब्रह्म ही विष्णु ओर शिव रूप होय गयो हे तासों शास्त्रमें उन दोनोंको सर्व जगत्के मूलकारण कहे हैं. ओर अपने-अपने शास्त्रमें उन दोनोंको दोषरहितपनो ओर सर्वगुणसम्पन्नपनो कह्यो हे. अर्थात् गुणावतार विष्णु ओर शिव को जो उन-उनके शास्त्रमें सर्वात्मकपनो आदि परब्रह्मके गुण बताये हैं वे सब गुण परब्रह्मकेही हैं उनके नाही.

टीका : अथर्वशिर, श्वेताश्वतर प्रभृति उपनिषदन्में शिवरूपसू ओर महानारायणोपनिषद्, नारायणोपनिषत् प्रभृति उपनिषदन्में विष्णुरूपसू ब्रह्मको ही प्रतिपादन हे. तिनसू अविरोद्धतासू पाशुपत तथा पाञ्चरात्रादिकन्में सर्वात्मकपनेसू दोऊन्को निरूपण हे. तासू ब्रह्म ही तेसो हे.

शिवजीके (पाशुपतादिक) शास्त्रन्में शिवजी निर्दोषपूर्णगुण हैं एसें निरूपण कियो हे ओर विष्णुके (पाञ्चरात्रादिक) शास्त्रमें विष्णु निर्दोषपूर्णगुण हैं एसें निरूपण कियो हे. सो (निरूपण)हु शिवरूपसू तथा विष्णुरूपसू परब्रह्मको ही निरूपण हे, गुणावतारन्के अभिप्रायसू नाही हे. तासूही महाभारतमें मोक्षधर्म(पर्व)में कह्यो हे जो सांख्य, योग, पञ्चरात्र, वेद तथा पाशुपत ये पांचोकी निष्ठा अन्तमें नारायण प्रभु हैं. परन्तु या अभिप्रायकुं नाही जानिवेवारे अज्ञानी हैं तासू तिनमें जा-जा देवताको प्रतिपादन हे सो-सो देवताही अन्तमें निष्ठारूप हैं एसें माने हैं. तासू विनकुं फलहू तिन-तिन देवतान्में सायुज्यादिक होय हे; परन्तु भगवान्को आनन्द अथवा भजनानन्द नाही मिले हे. एसी तरहसू जीवविचारित लौकिक मोक्षको निरूपण कियो ॥१२॥

शिव तथा विष्णु के भजनको फल एक हे किंवा भिन्न-भिन्न हे एसें जानिवेकी इच्छा होय तहां कहत हैं:

भोग-मोक्ष-फले दातुं शक्तौ द्वावपि यद्यपि ॥१३॥

भोगः शिवेन मोक्षस्तु विष्णुनेति विनिश्चयः ॥

यद्यपि = जोके

भोगः = भोग, तु = तो

बालबोधः
१६९

भोग-मोक्ष-फले = भोग-मोक्ष फलनुकुं शिवेन = शिवजीसू, मोक्षः = मोक्ष
दातुं = देयवेकुं, द्वा = दोउ विष्णुना = विष्णुसू, इति = एसो
अपि = ही, शक्तौ = शक्तिमान् विनिश्चय = प्रको निश्चय
(स्तः = हैं) (तथापि = तोऊ) (अस्ति = हे)

भावार्थ : भोग तथा मोक्ष के देयवेमें यद्यपि दोऊ समर्थ हैं तथापि शिवजीके भजनतें भोग ओर विष्णुके भजनतें मोक्ष मिले हे, एसें विशेष निश्चय हे.

टीका : श्रीभागवतके दशमस्कन्धके ८८ में अध्यायमें कह्यो हे जो शिवजी शक्तियुक्त हैं ओर गुणनकरिके आवृत हैं. तासू शिवजीके भजनतें गुणन्की विभूतीन्को भोग मिले हे. ओर हरि साक्षात् निर्गुण अर्थात् मायातें पर हैं. तिनके भजनतें निर्गुण होय अर्थात् मोक्ष मिले हे. तासू श्रुतीन्में तथा पुराणादिकन्में कोउ-कोउ स्थलन्में शिवजी मोक्ष देय हैं तथा विष्णु भोग देय हैं एसे लिख्यो हे सो एसो सामर्थ्य बतायवेकेलिये हे. देवेके अभिप्रायसू नाही हे ॥१३॥

शिवजी भोग देय हैं ओर विष्णु मोक्ष देय हैं तामें बालकनुकुहु समुझिवेमें आवे एसी युक्ति कहत हैं:

लोकेऽपि यत् प्रभुभुंक्ते तन्न यच्छति कर्हिचित् ॥१४॥

लोके = लोकमें, अपि = हुहू तत् = वो (वस्तु = वस्तु)
यत् = जो (वस्तु = वस्तु) कर्हिचित् = कबहु
प्रभुः = स्वामी, भुंक्ते = भोग करे हे न = नाही, यच्छति = देत हे

भावार्थ : लोकमेंहु जो वस्तु स्वामी स्वयं भोगे हे वा वस्तुको कबहु काहुको नाही देत हे.

टीका : लोकमेंहु एसी रीति हे जो स्वामी होय सो अपने भोगवेकी जो वस्तु होय

बालबोधः
१७०

सो ओरकुं नाही देत हे. तेसैं शिवजी सदा वैराग्ययुक्त रहिके मोक्षकुं भोगे हें ओर विष्णु सर्वदा लक्ष्मीजीके सङ्ग भोग भोगे हें. तासूं शिवजीको भोग्य मोक्ष हे सो ओरनकुं देवें नाही हें. ओर विष्णुको भोग्य 'भोग' हे सो ओरनकुं देवें नाही हें, ये लौकिक युक्ति बताई. परन्तु वास्तविक अभिप्राय एसो हे जो शिवजी घोर-शक्ति सहित फिरे हें तथा विनके उपासक तामस होय हें. तासूं शिवजी मोक्ष नाही देवें हें. ओर जो भगवद्भक्त निर्गुण होंय तिनकों लौकिक समृद्धि देयवेतें पात होय एसैं जिनकुं जानें तिनकों भगवान् भोग नाही देत हें. परि जिनकों समृद्धिको मद होय नाही एसे जानें तिनकों (सुदामाकी नांइ) भोगहु देवेहें. सो अगाड़ी आवेगो जो "अतिप्रियकों देतहें".

अथवा वैष्णवजनकों मोक्षकी इच्छा तो होत नाही हे तासूं वे विष्णुको भजन नाही करेंगे ओर भगवत्सेवामें भोग सिद्ध होय एसी समृद्धिकी इच्छा होत हे तासूं शिवजीको भजन करेंगे एसी शङ्का होय तहां कहत हें जो प्रभु श्रीकृष्ण अपने भक्तसम्बन्धी जा वस्तुको अङ्गीकार करत हें सो वस्तु कोउ बिरियां शिवजी नाही देत हें. क्यों जो भगवान् भक्तकामपूरक हें ओर विनकी भक्ति कल्पवृक्ष सदृश हे, सो सब इच्छा पूर्ण करत हें. (यदि शिवजी भगवत्सेवामें सर्म्पिंवेकी वस्तु भगवत्सवेककों प्रदान करें तो भगवान् अरु भगवद्भक्ति को कल्पतरुपनों ही खण्डित ह्वे जाय) तेसैं प्रभुकी भक्तिसूं जो प्राप्त होय हे ताकुं अलौकिकपनो हे ओर अलौकिककोही प्रभु अङ्गीकार करें हें. तासूं प्रभुकों अङ्गीकार करिवेकी वस्तु अलौकिक हे सो शिवजी नाही देत हें, प्रभु ही देत हें ॥१४॥

शिवजी मोक्ष नाही देवें तो पाशुपत शास्त्रको मोक्षशास्त्रपनों मिटि जायगो ओर विष्णु भोग नाही देवें तो "पुत्र धन स्त्री हार महेल घोड़ा हाथी स्वर्ग ओर मोक्ष हरिभक्तते दूर नाही हें" इत्यादिक वाक्यनमें भगवद्भक्तितें ऐहिक-पारलौकिक सब सुख मिलिवेको लिख्यो हे सो तामें बाध आवेगो एसी शङ्का होय ताकी निवृत्तिकेलिये कहत हें:

अतिप्रियाय तदपि दीयते क्वचिदेव ही ।
नियतार्थ-प्रदानेन तदीयत्वं तदाश्रयः ॥१५॥

हि = किन्तु, तत् = वो, अपि = हु तदाश्रयः = भगवदाश्रय
अतिप्रियाय = अतिप्रियकुं (सिद्धयति = सिद्ध होवे हे)
क्वचित् = कबहुक एतत् = ये, प्रत्येकं = प्रत्येक फलको
एव = हि दीयते = देत हें साधनं = साधन हे
नियतार्थप्रदानेन = नियत पदार्थनकुं देवेसूं द्वितीयार्थं = दूसरे पुरुषार्थनकुं देयवेमें
तदीयत्वं = भगवदीयता महान् = बड़ो, श्रमः = श्रम (भवति = होतहे)

भावार्थ : शिवजीकुं जो अत्यन्त प्रिय होय ताकुं शिवजी कोउ समय मोक्ष देत हें. ओर विष्णुकुं जो अत्यन्त प्रिय होय ताकुं विष्णु भोग देत हें, ये बातहु लोकसिद्ध हे. शिवभजन भोगकुं सिद्ध करे हे ओर विष्णुभजन मोक्षकुं सिद्ध करे हे; ये प्रत्येक साधन हे. दूसरे-दूसरे पुरुषार्थकों देयवेमें शिव ओर विष्णु कुं (गुणपरिवर्तन करवेसों) अतिश्रम होय हे ॥१५॥

टीका : शिवजीकुं जो अत्यन्त प्रिय होय ताकुं शिवजी कोउ समय मोक्ष देत हें. ओर विष्णुकुं जो अत्यन्त प्रिय होय ताकुं विष्णु भोग देत हें, ये बातहु लोकसिद्ध हे. तासूं शिव ओर विष्णु में भोग तथा मोक्ष दोउ देयवेकी शक्ति हे. तिनको भक्त होय ओर तिनको आश्रय करिके अति प्रिय जब होय तब शिवजी तथा विष्णु दोऊ वा भक्तको जेसो अधिकार होय ताके अनुसार भोग ओर मोक्ष देत हें. अथवा शिवजी यदि भोगकुंही देते होंय तब विष्णुके भक्तनकुंहु भोगकेलिये शिवजीकी भक्ति तथा आश्रय करनो पड़े ओर विष्णु यदि मोक्षकुं ही देते होंय तब शिवजीके भक्तनकों मोक्षकेलिये विष्णुको आश्रय करनो पड़े. सो एसो न होय तासूं जो अत्यन्त प्रिय होय ताकुं दोय पदार्थ दोऊ देत हें.

जो भगवद्भक्त न होय वाकु यदि भोगकी इच्छा होय तो वो शिवजीको भजन करे तथा मोक्षकी इच्छा होय तो वो विष्णुको भजन करे. ओर जो भगवद्भक्त होय ताकुं तो सब पदार्थ भगवान्सूंही सिद्ध होंय. तासूं प्रत्येकको अतिप्रियपनो होय तेसो तदीयपनो तथा तिनको आश्रय करनो येही एक साधन हे.

वाही साधनसूं सब सिद्ध होय.

शिवजीकों मोक्ष देवेमें तथा विष्णुकों भोग देवेमें बड़ो श्रम होय हे. अथवा शिवभजन भोगकुं सिद्ध करे हे ओर विष्णुभजन मोक्षकुं सिद्ध करे हे; ये प्रत्येक साधन हे. एसें लौकिक मोक्षकी व्यवस्था कही. ओर अलौकिक मोक्ष भक्तिमार्गीय हे. ताकेलिये जो श्रम हे सो साधनसूं, फलसूं तथा स्वरूपसूं अति उत्तम हे ॥१५॥

शिवजीकों मोक्ष देवेमें तथा विष्णुकों भोग देवेमें बड़ो श्रम हे एसें कह्यो ताको कारण कहत हैं:

जीवाः स्वभावतो दुष्टा दोषाभावाय सर्वदा ॥१६॥
श्रवणादि ततः प्रेम्णा सर्वं कार्यं हि सिद्ध्यति ।

जीवाः = जीव मात्र	श्रवणादि = श्रवण आदि
स्वभावतः = स्वभावसूं	(कर्तव्यं = करने)
दुष्टाः = दोषवारे (सन्ति = हैं)	ततः = वासूं, प्रेम्णा = प्रेमसूं
दोषाभावाय = दोष दूर करिवेकू	सर्वं = सब, कार्यं = कार्य
सर्वदा = निरन्तर	हि = अवश्य, सिद्ध्यति = सिद्ध होय हैं

भावार्थ : जीव भगवान्के अंश हैं तासूं स्वरूपसूं दुष्ट नाहिं हैं परन्तु स्वभावसूं दुष्ट भये हैं. वा दोषकी निवृत्तिकेलिये सर्वदा श्रवणादिक करनों. ताकरिके प्रेम होय. ओर प्रेमसूं सब कार्य सिद्ध होय हे.

टीका : इतने श्रुतिमें लिख्यो हे जो “स्वभावसूं देव, मनुष्य ओर असुर एसें तीन प्रकारके जीव हैं”. तेसें मत्स्यपुराणमें सङ्कीर्ण, सात्विक, राजस ओर तामस एसें चार प्रकारके कल्प बतायके अग्नि तथा शिव को माहात्म्य तामस कल्पमें अधिक कह्यो हे, ब्रह्माको माहात्म्य राजस कल्पमें अधिक कह्यो हे, सरस्वती तथा पितृ

बालबोधः
१७३

को माहात्म्य सङ्कीर्ण कल्पमें अधिक कह्यो हे ओर सात्विक कल्पमें हरिको माहात्म्य अधिक कह्यो हे. एसें चार्योंके लक्षण बतायके सात्विक कल्पमें मोक्षफल सहजमें होय हे एसे लिख्यो हे. तेसें “विष्णुभक्ति करिवेवारे सात्विक हैं ओर शिवभक्ति करिवेवारे तामस हैं” एसें वामन पुराणके दशमाध्यायमें लिख्यो हे. तासूं विष्णुभक्ति करिवेवारे सात्विक होंय हैं. तिनकों सत्वगुणकी निवृत्ति होयके शीघ्रही गुणातीतपनो होयवेसूं मोक्ष होय हे. तासों तामें विष्णुकों श्रम न होय. ओर भोग देयवेमें तो विनको शान्त स्वभाव होय सो फिरावनो पड़े, तामेंहु भोगमें आसक्ति होयके दोष उत्पन्न न होय एसो स्वभाव करिवेमेंहु विष्णुकों श्रम होय.

तेसें शिवजीके भक्त तामस होय हैं तिनकों तो तमोगुणके रजोगुणके ओर सत्वगुणके धर्म मिटावें तब गुणातीतपनो होय तब मोक्ष होय. तामें शिवजीकों बहोत श्रम होय हे. ओर तामस स्वभाववारेनों भोग देयवेमें भक्तनको स्वभाव फिरावनो नाहिं पड़े हे तासूं शिवजीकों श्रम न होय. तासूं जीवन्के दोषकी निवृत्तिकेलिये श्रवणादिक सर्वदा करनों. तासूं प्रेम होय ओर ताकरिके तदीयत्व ओर तदाश्रयत्व सिद्ध होय. अथवा जीव भगवान्के दास हैं. तिनकों भगवत्सेवा करनी ये स्वधर्म हे. सो नाहिं करत हैं तासूं दोषयुक्त भये हैं. वा दोषकी निवृत्तिकेलिये श्रवणादिक करनो तासूं भगवान्में प्रेम होय ओर प्रेमकरिके सब कार्य सिद्ध होय हे ॥१६॥

एसें सामर्थ्य तथा साधन की व्यवस्था बतायके ताकरिके जो सिद्ध भयो सो कहत हैं:

मोक्षस्तु सुलभो विष्णोर् भोगश्च शिवतस् तथा ।
समर्पणेन आनात्मनो हि तदीयत्वं भवेद् ध्रुवम् ॥१७॥

मोक्षः = मोक्ष, तु = ता	(भवति = होवे हे) आत्मनः = आत्माके
विष्णोः = विष्णुसूं, सुलभः = सुलभ	समर्पणेन = समर्पणद्वारा, हि = निश्चय ही
(भवति = होवे हे) तथा = ओर	ध्रुवं = निश्चल, तदीयत्वं =

बालबोधः
१७४

भोगः = भोग, च = हु, शिवतः = शिवसूं भगवदीयपनों, भवेत् = होय हे

भावार्थ : मोक्ष तो विष्णुसूं सुलभ हे, तेसैं भोग शिवसूं सुलभ हे. आत्मीय सर्व वस्तु सहित आत्माकुं भगवच्चरणारविन्दमें अर्पण करिवेसों निश्चय करके निश्चल तदीयपनो होय हे.

टीका : उपर द्वितीय अर्थमें शिव ओर विष्णु कों श्रम बतायो हे. तासूं मोक्ष तो विष्णुसूं सुलभ हे ओर भोग शिवसूं सुलभ हे. ओर अतिप्रियत्व होयवेकेलिये तो जो आत्माको समर्पण करे ताकारिकें निश्चित तदीयपनो होय. क्यों जो मेरो ओर ममताविषयक जितने हैं तिनको प्रभुकी इच्छाप्रमाण विनियोग करना एसी बुद्धि आत्मसमर्पणमें कारण हे. सो होय तब तदीयपनो निश्चित होय ॥१७॥

आत्मसमर्पण कियेतें तदीयपनो होय एसैं कह्यो. तब, आत्मसमर्पण नाहिं कियो होय ओर केवल आश्रय मात्र होय, तामें उपर बताई एसी बुद्धि जाकी भई न होय तासूं तदीयपनोहु भयो न होय ताकुं फलसिद्धि केसैं होय ? एसैं जानिवेकी इच्छा होय तहां कहत हैं:

अतदीयतया चापि केवलश् चेत् समाश्रितः ।

तदाश्रय-तदीयत्वबुद्ध्यै किञ्चित् समाचरेत् ॥१८॥

स्वधर्मम् अनुतिष्ठन् वै भार-द्वैगुण्यम् अन्यथा ।

च = ओर,

अतदीयतया = भगवदीयपनों सिद्ध भयो

न होय

अपि = तो हु, चेत् = यदि

स्वधर्म = स्वधर्मको

केवलः = केवल

अनुतिष्ठन् = पालन करते भये

समाश्रितः = सम्यक्तया

किञ्चित् = कछुक

आश्रित होय

समाचरेत् = आचरण करे

(तर्हि = तो)

अन्यथा = नहिं तो

बालबोधः

१७५

तदाश्रयतदीयत्वबुद्ध्यै = भगवदाश्रय भार-द्वैगुण्यं = दुगनो भार

ओर भगवदीयपनों जानिवेकेलिये (भवति = होय हे)

भावार्थ : तदीयपनो भयो न होय ओर केवल (प्रभु मेरे रक्षक हैं ऐसे अनुसंधानवारो) आश्रित होय तोहु अपने वर्णाश्रमके धर्मको आचरण करे. ओर आश्रय तथा तदीयपने की बुद्धि होयवेकेलिये कछुक श्रवणादिक करे. अन्यथा दुगनो भार होय.

टीका : क्यों जो वर्णाश्रमधर्म करे नाहिं तो ताके कारण अधर्मको दोष तथा ऊपर बताये प्रमाण “जीव स्वभावतें दुष्ट हैं” सो स्वभावकृत दोष मिलिकें द्विगुण (दुगनो) दोष होय. तब ताको उद्धार करिवेवारे (प्रभु)कों श्रम अति बड़ो होय.

अथवा “वर्णाश्रमधर्म छांडिके प्रभुके चरणको भजन करतो होय सो अपूर्ण रहे तोहु ताको अकल्याण न होय. ओर भगवच्चरणको भजन करते न होंय तिनकों वर्णाश्रमके धर्मसूं कहा अर्थ प्राप्त होय हे ? कछू नही” एसैं प्रथमस्कन्धमें नारदजीको वाक्य हे. तासूं वर्णाश्रमके धर्म करतें - करतें हु आश्रय तथा तदीयपने की बुद्धिकेलिये श्रवणादिक करनों. तेसैं करे नाहिं ओर केवल वर्णाश्रमधर्म करे तो तासूं कछू फल न होय (ये एक भार) ओर आश्रय तथा तदीयपने की बुद्धिकेलिये श्रवणादिक करे नाहिं इतने प्रभु हु उद्धार न करें एसैं दुगनो भार होय.

अथवा भक्तिमार्गमें श्रीआचार्यजीद्वारा प्रभुकी शरणागति करनी येही जीवको ‘स्वधर्म’ हे. सो स्वधर्म करे. ओर आश्रय तथा तदीयपनेकी बुद्धिकेलिये श्रवणादिक करे तो फलसिद्धि होय. ओर एसैं न करे तो दुगनो भार होय. इतने श्रवणादिक साधन करे ताको फलहु न होय ओर भक्तिमार्गीय धर्मको आचरण नाहिं करिवेसूं प्रत्यवायहु होय ॥१८॥

एसी तरहसूं बालकनों बोध होयवेकेलिये संक्षेपमें निरूपण करिके उपसंहार करत हैं:

इत्येवं कथितं सर्वं नैतज्ज्ञाने भ्रमः पुनः ॥१९॥

बालबोधः

१७६

॥ इति श्रीवल्लभाचार्यविरचितो बालबोधः सम्पूर्णः ॥

इति एवं = या प्रकारसूं, सर्व = सब ज्ञाने = जानिवेपे, पुनः = फिरसूं
कथितं = कह्यो, एतत् = ये भ्रमः = भ्रम, न = नाहिं (भवति = होत हे)

भावार्थ : एसें पूर्वोक्त प्रकारसूं अपने ओर दूसरेनुके सिद्धान्तके सङ्ग्रहरूप सब कह्यो हे. ताको ज्ञान होय तो पुरुषार्थनुको स्वरूप समुझिवेमें अन्यथा ज्ञान फेरि न होय.

टीका : इतने प्रथम यदि अन्यथा ज्ञान होय सो यामें लिखे प्रमाण समुझे तो ता पाछें अन्यथाज्ञान न रहे ॥१९॥

॥ इति श्रीवल्लभाचार्य विरचित बालबोधकी
गोस्वामि श्रीनृसिंहलालजी महाराज विरचित
व्रजभाषामें भावार्थ टीका सम्पूर्ण भई ॥

॥ सिद्धान्तमुक्तावली ॥

(८)

निबन्धमें भगवान्की प्राप्तिकेलिये वैदिकमार्ग तथा भक्तिमार्ग को निरूपण कियो हे. ओर दशमस्कन्धके श्रीसुबोधिनीजीमें स्वतन्त्र भक्तिमार्गको निरूपण कियो हे. सो भगवत्प्राप्तिके तीन मार्गनुमेंसूं अमुककुं अमुक मार्ग मुख्य हे, एसे बतायवेकेलिये हे; किंवा तीनोंनुमें अमुक मार्गही मुख्य हे एसे बतायवेके लिये हे ? एसो सन्देह अपने भक्तनुकुं होय. तेसेई वा (स्वतन्त्रभक्तिमार्गके) प्रसङ्गमें सेवाको स्वरूप कहा हे ? ओर वाके अधिकारी कोन हैं ? इत्यादिक सन्देह होय ताकी निवृत्तिकेलिये यह (सिद्धान्तमुक्तावली) ग्रन्थ श्रीआचार्यजी महाप्रभुजी करत हैं:

नत्वा हरिं प्रवक्ष्यामि स्वसिद्धान्तविनिश्चयम् ॥

कृष्णसेवा सदा कार्या मानसी सा परा मता ॥१॥

हरिं = हरिकुं कृष्णसेवा = श्रीकृष्णकी सेवा
नत्वा = नमन करिकें सदा = हमेशा
स्वसिद्धान्तविनिश्चयं = कार्या = अवश्य करनी
अपुने सिद्धान्तके विशेष निश्चयकों सा = वो मानसी = मानसी
(अहं = मैं) (चेत् तदा = होय तब)
प्रवक्ष्यामि = आछी भांतिसों कहत हों परा = फलरूप, मता = मानी जाय

भावार्थ : सर्व दुःख दूर करिवेमें समर्थ श्रीहरिकुं नमन करिके, अपने सिद्धान्तके निश्चयकों मैं कहूंगो. श्रीकृष्णकी सेवा सर्वकालमें करनी चाहिये. सो सेवा यदि मानसी होय तो फलरूपा मानी जाय ॥१॥

॥ श्रीमत्प्रभुचरणकृतविवृति ॥

प्रणम्य पितृपादाब्ज - परागम् अनुरागतः ।
कृपया विशदीकुर्मस् तद्वाङ्मुक्ताफलावलीम् ॥

स्वसिद्धान्त इति. अग्रे वक्ष्यमाणैः बहुभिः मिथो विरुद्धैः सिद्धान्तैः शास्त्रार्थसन्देहे तन्निरासाय स्वसिद्धान्तरूपं शास्त्रार्थनिश्चयं वक्ष्यामि इति अर्थः. तमेव आहुः कृष्णसेवा इति. फलात्मकनामोक्त्या स्वतःपुरुषार्थत्वेन सेवाकृतिः स्वसिद्धान्तो, न तु अन्यशेषत्वेन इति ज्ञाप्यते. सेवा हि सेवकधर्मः. तदुक्त्या जीवानाम् अशेषाणां सहजदासत्वं ज्ञापितम्. अतएव न कर्मणि इव अत्र कालपरिच्छेदो अस्ति इति आहुः सदा इति. आवश्यकार्थ'ण्यत्'प्रत्ययान्त'कार्य'पदोक्त्या तद् अकरणे प्रत्यवायी भवति इति भावो ज्ञाप्यते. साच फलरूपा साधनारूपा च आस्ते. तत्र मानसी सा परा = फलरूपा इति अर्थः, यथा ब्रजसीमन्तिनीनाम्. तदेव तत्प्राणनाथेन गीतं "ता नाविदन् मय्यनुषङ्गबद्धधियः स्वम् आत्मानम् अदस् तथेदम्" इत्यादिना ॥१॥

टीका : भक्तनके दुःख तथा पाप कुं हरिवेवारे प्रभूनों नमन करिके अपने सिद्धान्तको विशेष करिके जो निश्चय कियो हे सो कहूंगो. यहां "विशेषकरिके निश्चय कियो हे" एसे कह्यो हे ताको अभिप्राय एसो हे जो श्रीभागवतके द्वितीयस्कन्धमें कह्यो हे जो "भगवान् ब्रह्माने तीन बिरियां वेद देखिके यह निश्चय कियो जो आत्मरूप भगवान्में प्रीति होय एसो साधन करने येही समग्र वेदको अभिप्राय हे" सो निश्चय जतावत हैं जो श्रीकृष्णकी सेवा सदा करनी. सो तनुवित्तजा तथा मानसी एसे दोय प्रकारकी हे. तामें मानसी फलरूपा मानी हे. श्रीकृष्ण फलात्मक हैं तिनकी सेवा सदा करनी एसे कह्यो हे; ताको अभिप्राय एसो हे जो सेवाकरिके ओर(अन्य) फलकी इच्छा नाहीं राखनी. सेवाही स्वतः फलरूप हे. सेवा सदा करिवेको लिख्यो हे ताको अभिप्राय एसो हे जो अपनेमें दासपनेको अनुसन्धान करिके सेवा हे सो स्वतन्त्र फलरूपा हे; ओर जीवनको अवश्य कर्तव्य हे, एसे समझके सेवा सर्वकाल करनी ॥१॥

“सेवा सदा करनी” एसे लिख्यो हे सो राजाकी अथवा गुरून्की सेवा शरीरसूं मनुष्य करत हैं तेसेही प्रभून्की सेवाहु शरीरसूंही करिवेको सिद्ध होय हे. सो सर्वकाल कैसे बने ? एसी शङ्का होय तहां कहत हैं:

चेतस् तत्प्रवणं सेवा तत्सिद्ध्यै तनुवित्तजा ॥
ततः संसार-दुःखस्य निवृत्तिर् ब्रह्मबोधनम् ॥२॥

तत्प्रवणं = वामें पिरोने संसारदुःखस्य = संसारदुःखकी
चेतः = चित्तको सेवा = सेवा हे निवृत्तिः = निवृत्ति
तत्सिद्ध्यै = वाकी सिद्धिकेलिये (किञ्च = ओर)
तनुवित्तजा = तनुवित्तजा ब्रह्मबोधनं = ब्रह्मको बोध
(कर्तव्या = करनी) ततः = तासूं (भवति = होवे हे)

भावार्थ : श्रीहरिमें चित्तको एकतान होनोही सेवा कही जाय हे. वेसी सेवाकी सिद्धिकेलिये शरीरसों ओर द्रव्यसों सेवा(भक्ति) करनी चाहिये. वा मानसिक भक्तिसों, अहन्ता-ममतात्मक संसारकी निवृत्ति ओर भगवन्माहात्म्यको ज्ञान, ये दो अवान्तर फल मिले हैं ॥२॥

विवृति : एतदेव सेवास्वरूपम् इति आहुः चेतः इति. उक्तसेवासाधने इतरे इति आहुः तद् इति. वित्तं दत्त्वा अन्येन पुरुषेण कृत्वा करिता एका. एतादृशेन पुंसा कृता च अपरा. एतादृश्यौ ते तत्साधिके न इति अभिप्रायज्ञापकं समस्तं पदम्. एतेन भगवदर्थं निरुपधि - स्वसर्वस्व - निवेदन - पूर्वकं तत्रैव स्वदेहविनियोगे प्रेम्णि जाते सा भवति इति भावः. एतादृशस्य अवान्तरफलं भवति इति आहुः ततः इति. अहन्ता - ममतात्मकः संसारो, नतु प्रपञ्चात्मकः, तस्य ब्रह्मात्मकत्वात्, तन्निवृत्त्या अनिष्टनिवृत्तिः उक्ता. इष्टप्राप्तिम् आहुः अग्रे. स्वात्मनि प्रपञ्चे च अक्षरब्रह्मात्मकत्वेन ज्ञानम्. भगवत्सेवायाम् अभिनिविष्टस्य यद्यपि अनभिलषिते ते, तथापि वस्तुस्वभावात् भवतः इति भावः ॥२॥

टीका : श्रीकृष्णमें चित्त प्रथम कछुक लग्न होय, पीछे श्रीकृष्णके आधीन होय ओर ता पीछे श्रीकृष्णमें एकतानरूपकुं प्राप्त होय (इतने तल्लीन होय) सो सेवा कहिये. एसी सेवा सिद्ध होयवेकेलिये तनुवित्तजा सेवा हे. अर्थात् श्रीकृष्णमें चित्तकी एकतानता होयवेकेलिये तनुजा(शरीरसूं) तथा वित्तजा(धनसूं) सेवा हे. यहां 'तनुजा तथा 'वित्तजा' एसे भिन्न - भिन्न पद न कह्यो ओर 'तनुवित्तजा' एसो समस्त पद कह्यो हे ताको अभिप्राय एसो हे जो अन्यकुं मूल्यरूप धन देके सेवा करावे सो वित्तजा सेवा भई; परन्तु ताकारिके चित्तमें राजस (अहङ्कार) आय जाय तासूं मानसी सेवा सिद्ध न होय. ओर मूल्यरूप धन लेके शरीरसूं सेवा करे सो तनुजा सेवा भई; परन्तु सोहु मानसी सेवाकुं सिद्ध करे नाहीं. जेसैं यज्ञमें ब्राह्मणनको वरण होय हे परि तिनकों यज्ञको फल होत नाहीं हे, तेसैंई मूल्य लेके सेवा करे ताकों तनुजासेवाको फल(मानसी) सिद्ध न होय. तासूं भगवान्में निष्काम स्नेह होय ओर शरीरसूं तथा धनसूं संगही जो सेवा करे ताकु मानसी सिद्ध होय. तासूं अहन्ता-ममतात्मक संसारके दुःखकी निवृत्ति ओर अपनो आत्मा तथा ये प्रपञ्च सब अक्षरब्रह्मात्मक हे एसो ज्ञान होय. यद्यपि भगवत्सेवामें जाको अभिनिवेश हे ताकुं इन फलनकी इच्छा होत नाहीं, तथापि मानसी सेवाही एसी हे जो संसारके दुःखकी निवृत्ति तथा सर्व अक्षरब्रह्मरूप हे एसो ज्ञान, ये दोय अवान्तर फलनकुं सिद्ध तो करेही हे ॥२॥

अक्षरब्रह्म हे सोही परब्रह्म हे एसे कोउके मनमें आवे तासूं कहत हैं:

परं ब्रह्म तु कृष्णो हि सच्चिदानन्दकं बृहत् ॥

द्विरूपं तद्धि सर्वं स्याद् एकं तस्माद् विलक्षणम् ॥३॥

परं ब्रह्म = परब्रह्म, तु = तो एकं = एक, सर्वं = सर्व
 कृष्णो = श्रीकृष्ण, हि = ही(अस्ति = हैं) स्याद् = होवे हे
 सच्चिदानन्दकं = सत्-चित् ओर अल्प आनन्दवारो अपरं = दूसरो
 बृहत् = विषाल अक्षरब्रह्म (अस्ति = हे) तस्माद् = वासूं
 तद् हि = वो ही विलक्षणम् = विलक्षण(अस्ति = हे)

भावार्थ : तैत्तिरीयोपनिषत्की आनन्द-ब्रह्म-वल्लीमें अक्षरब्रह्मके आनन्दकी गणना करी हे. किन्तु वाके आगे कह्यो हे के परब्रह्मके आनन्दमें मनवाणी भी नाहिं पहुंचे हे. तासूं शास्त्रमें श्रीकृष्णकुंही परब्रह्म कहे हैं. तासूं परब्रह्म तो श्रीकृष्णही हैं. सत् - चित् - गणितानन्द अक्षरब्रह्म हे. सो अक्षरब्रह्म निश्चयकरके दो प्रकारको हे. एक सर्वजगद्रूप हे ओर दूसरो वा जगद्रूपसों जुदो हे, जाको ज्ञानी विचार करें हैं ॥३॥

विवृति : इदमेव परं ब्रह्म इति न ज्ञेयम् इति आहुः परं ब्रह्म तु इति. यशोदोत्सङ्ग-लालितो नतु अन्यः इति ज्ञापनाय मूलनाम उक्तम्. अत्र भेदकं रूपम् आहुः सच्चिद् इति. एते भगवद्गर्मात्मकाः, प्रकट - तत् - त्रियात्मकम् अक्षरं ब्रह्म. अतएव प्रपञ्चः तदात्मकइति सच्चिदानन्दात्मकत्वं तस्मिन् उच्यते. एतावान् परं विशेषो; जडे सदंशः प्रकटः इतरौ आच्छन्नौ, जीवेतु आद्यौ प्रकटौ आनन्दांशः तिरोहितः, परमात्मनि त्रयं स्फुटम् इति. 'क'प्रत्ययेन गणितानन्दत्वमेव नतु पुरुषोत्तमवत् पूर्णानन्दत्वम् इति ज्ञाप्यते. कृष्ण शब्देनैव पुरुषोत्तमस्वरूपं निरूपितम् इति अक्षरस्वरूपं निरूपयन्ति द्विरूपम् इति. तद् = अक्षरं ब्रह्म. तदेव रूपद्वयं विशदयन्ति सर्वं स्याद् इति. प्रपञ्चरूपेण आविर्भूतम् एकम् इति अर्थः. एकं रूपं तस्मात् = प्रपञ्चरूपाद् - एकरूपत्वेन श्रुतिप्रतिपाद्यत्वेन ज्ञान्युपास्यत्वेन तन्मुक्तिस्थानत्वेन पुरुषोत्तमाधिष्ठानत्वादिभिः - विलक्षणम् इति अर्थः. नच विरुद्धधर्मैः भेदो अत्र शङ्कनीयः, उभयोः धर्मयोः एकत्र प्रमाणसिद्धत्वेन विरोधाभावात्. विरुद्धधर्माश्रयत्वस्य ब्रह्मणि "तदेजति तन्नैजति" इत्यादिश्रुतिभिः निरूप्यमाणत्वात्. लोकएव विरोधः शङ्कनीयो नतु अलौकिके ब्रह्मणि. इदं यथा तथा ब्रह्मसूत्रभाष्ये निरूपितमिति न अत्र प्रपञ्च्यते ॥३॥

टीका : श्रीयशोदोत्सङ्गलालित श्रीकृष्णही परब्रह्म हैं. क्यों जो आप तो पूर्णानन्द हैं ओर अक्षरब्रह्मके आनन्द गिनतीमें आवे हैं. सो तैत्तिरीय उपनिषद्में आनन्दकी गिनती करी हे, तामें मनुष्यनके आनन्दसूं लेके अक्षरब्रह्मताईं सोगुने आनन्द गिने हैं. सो अक्षरब्रह्मताईं गिने हैं. तापीछे मन ओर वाणी में आवे नाहीं एसो (अगणित) आनन्द लिख्यो हे. तासूं श्रीकृष्णमें अगणित आनन्द हे ओर अक्षरब्रह्ममें गिनतीमें आवे तितनो आनन्द हे. सो अक्षरब्रह्म दोय रूपवारो हे. तामें (एक) सर्व

प्रपञ्चात्मक इतने जगतमें जितने नामरूप हैं सो अक्षरब्रह्मकोही एक रूप हे; ओर दूसरो रूप प्रपञ्चसूं विलक्षण हे. अर्थात् श्रुतिन्में जाको प्रतिपादन हे, ज्ञानी जाकी उपासना करें हैं, ज्ञानीन्की मुक्तिको जो स्थान हे ओर श्रीपुरुषोत्तमके रहिवेको जो स्थान हे सो अक्षरब्रह्मको दूसरो स्वरूप हे ॥३॥

विरोध मिटायवेके अर्थ अपनो सिद्धान्त कहिवेकुं ओरन्के मतन्को स्वरूप बतावत हैं:

अपरं तत्र पूर्वस्मिन् वादिनो बहुधा जगुः ॥
मायिकं सगुणं कार्यं स्वतन्त्रं चेति नैकधा ॥४॥

तत्र = तामें	सगुणं = गुण सहित
पूर्वस्मिन् = पूर्वमें	कार्यं = कार्य
वादिनः = वाद करिवेवारे	स्वतन्त्रं = स्वतन्त्र च = ओर
अपरं = दूसरो	इति = या प्रकारसूं
बहुधा = बहोत प्रकारसूं	न एकधा = एक प्रकारसूं नहीं
मायिकं = मायिक	जगुः = कहे हैं

भावार्थ : अक्षरब्रह्मके उन दोनों रूपन्मेंसूं पहले जगद्रूप ब्रह्मके विषयमें वादी अनेक प्रकारसों कहे हैं. कितनेही या जगत्कुं मायासों दीखतो कहे हैं. कितनेही त्रिगुणात्मक अर्थात् सत्त्व-रजस्-तमस् इन तीन गुणन्सूं बन्यो हे ऐसे कहे हैं. ओर कोउ कहे हैं के ये जगत् ईश्वरने परमाणुसूं बनायो हे अर्थात् ईश्वरको कार्य हे. कितनेही कहे हैं के प्रवाहकी तरह ये जगत् अनादिकालसूं स्वतन्त्र ही चल्यो आवे हे ऐसे एक प्रकारसों नहीं कहे हैं ॥४॥

विवृति : विरोधपरिहाराय स्वसिद्धान्तं वक्तुं परमतानि आहुः अपरम् इति. वेदमताद् अपरं = भिन्नं मतम्. पूर्वस्मिन् = प्रपञ्चरूपेण आविर्भूते. तत्र = अक्षरे ब्रह्मणि इति अर्थः. मायिकम् इति हि मायावादिनः. सगुणं = गुणकार्यम् इति साङ्ख्याः. कार्यं = द्रव्यणुकादिक्रमेण ईश्वरकार्यम् इति नैयायिकाः. स्वतन्त्रं = “न कदाचिद्

अनीदृशं जगत्” इति मीमांसकाः. चकारेण वेदबाह्यमतानि सङ्गृह्यन्ते ॥४॥

टीका : अक्षरब्रह्म जगत्के रूपसूं प्रकट भयो हे तामें बहोत वादी लोग वेदमतसूं भिन्न मत कहत हैं. रस्सीमें सर्पकी भ्रान्ति होय हे, अथवा शुक्तिका(सीप)में रजत(चांदी)की भ्रान्ति होय हे तेसैं निर्गुण ब्रह्ममें जगत्की भ्रान्ति भई हे; अथवा मायायुक्त ईश्वरने जगत् बनायो हे एसैं मायावादी माने हैं. ओर सांख्यमतवारे ऐसे मानें हैं जो सत्त्वगुण, रजोगुण तथा तमोगुण इन तीन गुणन्सूं जगत् भयो हे. सांख्यमत कहिवेसूं पातञ्जल(योग) मतहु यामें आय गयो. ओर तर्कशास्त्रवारे ऐसे कहे हैं जो पृथ्वी, जल, तेज, तथा वायु इन सबन्के परमाणुन्(अत्यन्त झीने - झीने कणन्)में ईश्वरकी इच्छासूं क्रिया उत्पन्न होयके इनके आपसमें मिलवेसूं, कार्यरूप ये जगत् भयो हे. तार्किकमत कहिवेसूं जो “जगतमें सोलहही पदार्थ हैं” एसो प्रतिपादन करे हैं, जाके प्रवर्तक गौतम ऋषि हैं, एसो न्यायमत; तथा “जगतमें सातही पदार्थ हैं” एसो जो प्रतिपादन करें हैं, जाके प्रवर्तक कणाद मुनि हैं, एसो वैशेषिकमतहु यामें आय गयो. ओर कर्ममार्गवारे मीमांसक ऐसे कहे हैं जो ये जगत् जेसो दीखे हे तेसोही जगत् सर्वदासूंही चल्योही आवे हे. याको कोउ कर्ता नाहीं हे. मूलमें ‘च’कार हे तासूं बौद्ध, आर्हत, लोकायतिक प्रभृति नास्तिकमत तथा वाम, शाक्तादि मतहु आय गये. एसैं अनेक प्रकारसूं कहत हैं ॥४॥

परन्तु ये मत वेदसूं भिन्न हैं. तासूं ऐसे वेदमतसूं भिन्न मतको निरूपण जो करे हैं तिनको खण्डन तो वेदके बलसूंही होय जाय हे. तासूं जुदो खण्डन करिवेको प्रयोजन नाहीं हे ऐसे अभिप्रायसूं वेदके सिद्धान्तरूप स्वसिद्धान्तको निरूपण करत हैं:

तदेवैतत्-प्रकारेण भवतीति श्रुतेर् मतम् ।
द्विरूपं चापि गङ्गावज् ज्ञेयं सा जलरूपिणी ॥५॥
माहात्म्यसंयुता नृणां सेवतां भुक्तिमुक्तिदा ।
मर्यादा-मार्ग-विधिना तथा ब्रह्माऽपि बुद्ध्यताम् ॥६॥

तद् = वो एव = ही	(एका = एक) सा = वो
एतत्प्रकारेण = या प्रकारसू	जलरूपिणी = जलरूपवारी
भवति = होय हे	(अपरा = दूसरी)
इति = एसो श्रुतेः = वेदको	माहात्म्यसंयुता = माहात्म्यसू संयुक्त
मतं = मत हे च = ओर	मर्यादामार्गविधिना = मर्यादामार्गीयविधिसू
द्विरूपं = दो रूपवारो	सेवतां = सेववेपे नृणां = पुरुषकुं
अपि = भी	भुक्ति-मुक्तिदा = भोग-मोक्ष देयवेवारी
गङ्गावत् = गङ्गाजीकी तरेह	(अस्ति = हे) तथा = वा तरेहसू
ज्ञेयं = जाननो	ब्रह्म अपि = ब्रह्म हु बुद्ध्यताम् = जाननो

भावार्थ : वो अक्षरब्रह्म ही या जगत्प्रकारसों होय हे ये वेदको मत हे. ओर दोय रूपवारो अक्षरब्रह्म हु गङ्गाकी तरह जाननो. एक गङ्गा जलरूप हे; ओर दूसरी माहात्म्यसंयुक्त तीर्थरूप जो मर्यादामार्गकी रीतिसू सेवन करिवेवारे मनुष्यनकुं भोग ओर मोक्ष देवेवारी हे. एसेही अक्षरब्रह्म हु दोय प्रकारको जाननों ॥५-६॥

विवृति : तानि मतानि श्रुतिबलेनैव निराकृतानि सन्तीति नात्र पार्थक्येन निराकरणीयानि, स्वमतनिरूपणेनैव निराकरणसम्भवात् इति आशयेन स्वसिद्धान्तम् आहः तदेव इति. “स हैतावानास” “सर्वं खल्विदं ब्रह्म तज्जलान्” इत्यादिश्रुतिभ्यः तथा इति अर्थः. एकस्यैव अक्षरस्य उक्तं द्विरूपत्वं दृष्टान्तेन उपपादयन्ति द्विरूपम् इति. प्रपञ्च-तद्भिन्नरूपाभ्यां द्विरूपं तद् ब्रह्म गङ्गावज् ज्ञेयम्. अस्ति गङ्गायां त्रिरूपत्वम्. आधिभौतिकं जलरूपम् एकम्, यद् वृष्ट्यातपाभ्यां वृद्धि-हासौ भजते सर्वव्यवहारयोग्यत्वं च. अग्रिमा द्वितीया आध्यात्मिकी तीर्थरूपा यः उद्धृतजलाविशेषेऽपि मर्यादामार्गसम्बन्धी यो विधिः तेन तत्रैव स्नान-पूजादिभिः फलदा. एवमेव प्रपञ्च-तद्भिन्नरूपमपि एकमेव तद् अक्षरं ब्रह्म इति तथा बुद्ध्यताम् इति अर्थः ॥५-६॥

टीका : जाको वेदमें प्रतिपादन हे सोही अक्षरब्रह्म नाम-रूपात्माक जगत्के प्रकारसू होय हे. अर्थात् प्रपञ्चसू भिन्न जो अक्षरब्रह्मको स्वरूप ऊपर कह्यो हे

सोही अक्षरब्रह्म या जगत्के रूपसू होय हे. जेसैं गङ्गाजीके आधिभौतिक ओर आध्यात्मिक दोय रूप हैं. तामें जो वृष्टिसू बढे हे ओर धूपसू घटे हे सो जलरूप गङ्गाजीको आधिभौतिक रूप हे. ओर जो तीर्थरूप हे, जाके महात्म्यको निरूपण शास्त्र करे हे, सो गङ्गाजीको आध्यात्मिक रूप हे, जो मर्यादामार्गके विधिसू सेवन करिवेवारेनकुं भोग ओर मोक्ष देत हे. इतने गङ्गाजीको तीर्थरूप जो आध्यात्मिक स्वरूप हे सोहु गङ्गाप्रवाहमेंही रहत हे. तासू प्रवाहमेंते जल भरिके दूसरे देशमें ले जांय सो जलमें तारतम्य नाहीं हे जल तो वोही हे तथापि अन्यत्र वा जलके स्नानादिकसू तीर्थस्थानादिकको फल होय एसो कोउ ग्रन्थमें दीखवेमें नाहीं आवे हे. यदि वा जलसू तीर्थस्थानादिकको फल होतो होय तो राजा तथा ओर द्रव्यपति प्रभृतीनकुं वहां जायवेको प्रयोजनही नाहीं रहतो. तासू प्रवाहमेंही तीर्थस्थानफल लिख्यो हे. तासों तीर्थरूप गङ्गाजी जलरूपसू भिन्न हैं. तेसैं अक्षरब्रह्म जगद्रूप हे ओर जगत्सू भिन्नहु हे एसे जाननों ॥५-६॥

अब आधिदैविक रूपको निरूपण करत हैं :

तत्रैव देवतामूर्तिर् भक्त्या या दृश्यते क्वचित् ।
गङ्गायां च विशेषण प्रवाहाभेदबुद्ध्यै ॥७॥
प्रत्यक्षा सा न सर्वेषां प्राकाम्यं स्यात् तथा जले ।
विहिताच्च फलात् तद् हि प्रतीत्यापि विशिष्यते ॥८॥

तत्र = वहां, एव = ही	प्रत्यक्षा = प्रत्यक्ष, न = नहीं
या = जो, देवतामूर्तिः = देवीस्वरूप	तथा = वाके, जले = जलमें
(सा = वो) भक्त्या = भक्तिसू	प्राकाम्यं = उत्तम कामनासू
गङ्गायां = गङ्गामें, विशेषण = विशेषसू	स्यात् = होवे तद् = वो
अभेदबुद्धि होयवेसू	हि = तो, विहितात् = शास्त्रमें बताये
च = भी, क्वचिद् = कभी	फलात् = फलसू, च = ओर
दृश्यते = दीखे हे, सा = वो	प्रतीत्या = प्रतीतिसू, अपि = हु
सर्वेषां = सबनकुं	विशिष्यते = विशेष होय हे

भावार्थ : वा तीर्थरूप ओर जलरूप गङ्गामेंही जो देवतारूप गङ्गाकी मूर्ति हे वो गङ्गा, भक्तिके उत्कर्ष होयवेसूं ओर विशेष करिके जाकुं प्रवाह ओर मूर्ति में अभेदबुद्धि होय वा भक्तकुंही कोई समय गङ्गामें दीखे हे. वो देवमूर्ति गङ्गा सबनकुं प्रत्यक्ष नाहीं दीखे हे. वा गङ्गासूंही जलमें स्नान, आचमन आदि उत्तम कार्य करनो सिद्ध होय हे. कारणके वो जल, शास्त्रमें कहे फलकुं देयवेसूं ओर महात्मान्के विश्वाससूं हु अन्य जलकी अपेक्षा उत्तम समज्यो जाय हे ॥७-८॥

विवृति : आधिदैविकं रूपम् आहुः तत्रैव इति. उक्तद्विरूपायां गङ्गायामेव देवतारूपा सा तद्भिन्ना अस्ति इति अर्थः. तत्र मानम् आहुः मूर्तिः इति. भक्त्याएव नतु मर्यादामार्गविधिना उपासनया इति अर्थः. तदपि **क्वचिदेव** = भक्त्युद्रेकदशायामेव. अथवा यत्रक्वचिद् = गृहादिष्वपि इति अर्थः. भक्तविशेषे विशेषम् आहुः गङ्गायाम् इति. देवतारूपायां गङ्गायां भक्त्युद्रेकेण दृश्यमानप्रवाहाद् अभिन्नत्वेन यस्य बुद्धिः तस्मै गङ्गायां प्रवाहमध्यएव (देवतारूपा गङ्गा) प्रत्यक्षा भवति इति अर्थः. एतेन प्रपञ्चमध्यएव भगवदाकार-भगवद्भक्तयोः दर्शने भगवति स्नेहातिशयेन तत्र भगवदभेदबुद्धये तत्र भगवत्प्राकट्यं भवति इति भावः सूच्यते. अग्रिमव्यवस्थाम् आहुः **प्राकाम्यम्** इति. स्वाभीष्ट-स्वसर्वस्व-रूपायाः स्थानभूतत्वेन ज्ञानात् तत् जले सर्वत्र अनिषिद्ध-यथेष्ट-व्यवहारः स्याद् इति अर्थः. एवमेव उक्तप्रकारक-भगवद्दर्शने सर्वत्र तद्भावः स्फुरति इति भावः. **विहिताद्** इति. भक्त्या गङ्गादर्शनानन्तरं प्रवाहरूपाया अपि दर्शनं विहितात् स्वर्गापवर्गरूपात् फलात् विशिष्यते तद् हृदि इति अर्थः. यद्वा येषां न प्रत्यक्षा तेषामपि तथा देवतारूपया सा तत्र अस्ति इति तत्सम्बन्धानुभावेनैव तज् जले **प्राकाम्यं** = प्रकृष्टकामविषयत्वं श्रद्धाविशेष-पूर्वक-स्नानादि-व्यवहारो भवति इति अर्थः. किञ्च पुराणादिषु तज् जलदर्शनादिभिः फलं यद् उक्तं तद् अनुभवेन महताम् अन्तःकरण-प्रतीत्यापि तज् जलम् अन्येभ्यो जलेभ्यो विशिष्यते इति अर्थः. एवं येषां हृदि भगवत्सानिध्यं ते भक्ता अन्येभ्यो विशिष्यन्ते. अतएव “**मल्लिङ्ग-मद्भक्तजन-दर्शन-स्पर्शनार्चनम्**” इति भगवता उक्तम् ॥७-८॥

टीका : ऊपर गङ्गाजीको जो आधिभौतिक ओर आध्यात्मिक रूप कह्यो तामेंही

देवतारूप गङ्गाजी भिन्न हैं सो मूर्तिरूप हैं. इतने भीष्मपितामहकी माता जो भई हती ओर भगीरथ राजाकुं जाको दर्शन भयो हतो सो गङ्गाजीकी आधिदैविक मूर्ति हे. सो गङ्गाजीको स्वरूप भक्तिकरिके गङ्गाद्वारप्रभृति स्थलमें अथवा भक्तिकी अत्यधिक वृद्धि होय तब गृहादिकमेंहु दीखवेंमें आवत हे. सो देवतारूप गङ्गाजी प्रवाहसूं भिन्न नाहीं हैं एसी जाकी बुद्धि हे ताकों प्रवाहमेंही देवतारूप गङ्गाजी प्रत्यक्ष होय हैं. ताकारिके एसे अभेदबुद्धिवारेको निषिद्ध नाहीं एसो बहोत व्यवहार वा जलमें होय हे. एसें ही जगत्मेंही भगवान्के स्वरूप तथा भगवद्भक्तमें विशेष स्नेह जब होय तब “ये भगवान्सूं भिन्न नाहीं हैं” एसी जाकी बुद्धि भई होय ताकेलिये भगवान् प्रकट होय हैं. तब अपने इच्छित प्रभुको ये स्थान हे एसो ज्ञान होय तब सर्वस्थलमें भगवद्भाव स्फुरायमान होय हे. इतने तेसी भक्ति करिके गङ्गाजीको दर्शन भयो तापीछे- स्वर्ग ओर मोक्ष रूप फल शास्त्रमें कहे हैं तासूंहु ओर प्रतीति करिकेहु -प्रवाहरूपको दर्शन वाकों विशेष जानिवेमें आवत हे. तेसें जगत्में भगवान्को साक्षात्कार भये पीछे ज्ञानिको फल मोक्ष हे. तासूंही (जगत्में) सर्वत्र भगवान्को ये अधिष्ठान हे एसो ज्ञान विशेष हे एसे जानिवेमें आवत हे. तब सर्वत्र अनिषिद्ध इच्छानुकूल व्यवहार होय हे ॥७-८॥

जल - तीर्थ - देवीरूपा गङ्गाकी नाई ब्रह्मकेहु आधिभौतिक, आध्यात्मिक तथा आधिदैविक तीन रूप हैं सो कहत हैं:

**यथा जलं तथा सर्वं यथा शक्ता तथा बृहत् ।
यथा देवी तथा कृष्णस् तत्राप्येतद् इहोच्यते ॥९॥**

यथा = जेसे, जलं = जल (ब्रह्म सर्वशक्तं = सर्व समर्थ अक्षरब्रह्म)
तथा = तेसें. सर्वं = सब यथा = जेसे, देवी = देवी(गङ्गा)
यथा = जेसे, शक्ता = शक्तिमान तथा = तेसें, कृष्णः = श्रीकृष्ण(परब्रह्म)
(गङ्गा पवित्रीकर्तृ = पावनकारी गङ्गाजी) तत्रापि = वामेंहु, इह = यहां
तथा = तेसें, बृहत् = विशाल एतद् = ये, उच्यते = कहेहें

जगत् तु त्रिविधं प्रोक्तं ब्रह्म-विष्णु-शिवास् ततः ॥
देवता-रूपवत्-प्रोक्ता ब्रह्मणीत्थं हरिर् मतः ॥१० ॥

जगत् = जगत् तु = तो	त्रिविधं = तीनप्रकारको
प्रोक्तं = कह्यो हे	प्रोक्ताः = कहे हैं
ततः = तासूं	इत्थं = या प्रकारसूं
ब्रह्मविष्णुशिवाः = ब्रह्मा-विष्णु-शिव	ब्रह्मणि = ब्रह्ममें हरिः = श्रीकृष्ण
देवतारूपवत् = देवतारूपसों	मतः = मानेगये हैं

भावार्थ : तासूं जेसैं सङ्कोच-विकासी गङ्गाको जल हे तेसैंही यह जगद्रूप ब्रह्म हु आविर्भाव-तिरोभाव धर्मवारो हे. ओर जेसैं पवित्र करिवेवारी सामर्थ्यरूप गङ्गा हे तेसैं सर्वशक्तिमान् अक्षरब्रह्म हे. तथा जेसैं आधिदैविक देवीरूप गङ्गा हे वेसैंही परब्रह्म श्रीकृष्ण हु आधिदैविक स्वरूप हैं. तामेंहु यहां इतनो ओर कह्यो जाय हे (या गङ्गाजीके दृष्टान्तसूं ये समझनो के गङ्गाके जलमें ओर श्रीगङ्गाजीमें यद्यपि भेद नाहीं हे तथापि वा जलमें यदि तीर्थबुद्धि न होय तो स्नानादि करिवेमेंहु फल नाहीं होत हे. तेसैं जगत्में ओर ब्रह्ममें यद्यपि भेद नाहीं हे तोउ जगत्में जाकी ब्रह्मबुद्धि नाहीं हे एसो जो याकी उपासना करे तो ब्रह्मोपासनाको फल होत नाहीं. तासूं जो लोग कहे हैं के जो “जगत् ब्रह्मही होय तो हम अपनी स्त्रीसूं स्नेह करे हैं वाको फलहु ब्रह्मोपासनाके फलके जेसो मिलनो चाहिये” ये शङ्का दूर भई) जगत् तो सत्वादि गुणके भेदसूं तीन प्रकारको हे, तासूं वा जगत्के अधिष्ठाता ब्रह्मा, विष्णु ओर शिव लोकमें उपास्य देवता कहे हैं. ओर अक्षरब्रह्ममें श्रीकृष्णही सेव्य देवता माने हैं. अर्थात् ब्रह्मज्ञानी मुक्त जीवकुं भजवे लायक तो श्रीकृष्ण हैं ॥१९-१० ॥

विवृति : (एवं दृष्टान्त-दार्ष्टान्तिकयोः साधर्म्यं निरूप्य उक्तम् अर्थं स्पष्टयन्ति यथा जलम् इत्यादिना. तत्रापि इति साधर्म्येपि. एतद् इति किञ्चित्तरतम्यम्. इह = प्रपञ्चरूपे दृष्टान्ते, त्रिविधत्वाभावाद् अत उच्यते.) **जगत्** इति त्रिविधं त्रिगुणात्मकं त्रिस्वभावत्वेन प्रकटं, (तुशब्देन जले तथात्वं व्यावर्तितम्. ततः = तस्माद्धेतोः जगति इति वा, रूपवद्यथा जगतो रूपं त्रिविधं तथा तत्रत्य

त्रिविधानां देवताः = उपास्याः ब्रह्मादयः त्रयः प्रोक्ताः = तत्-तत् शास्त्रे निरूपिताः. देवता इति स्त्रीलिङ्गप्रयोगात् तेषाम् अस्वात्त्रयं द्योतितम्) तेन तद्गुणनियामकत्वेन ब्रह्मादयो भगवतैव कृता इति अर्थः. (ते तु प्राकृतानामेव नियामकाः नतु ज्ञानिनामपीति आहुः ब्रह्मणीत्थम् इति) ब्रह्मैकरूपम् इति तन्निष्ठानां नियामको हरिरेव ॥१९-१० ॥

टीका : जेसैं गङ्गाजीको प्रवाहरूप जल हे तेसैं ये सब जगत् हे. जेसैं (पाप मिटायवेमें तथा फल देवमें) समर्थ तीर्थरूप गङ्गाजी हैं तेसैं अक्षरब्रह्म हे. ओर जेसैं मूर्तिवारी गङ्गाजी देवी हैं तेसैं श्रीकृष्ण हैं.

इतने गङ्गाजीको दर्शन जिनकों भयो होय तिनकों प्रवाहित होतो जल ही गङ्गाजीको स्थान हे एसो ज्ञान होय हे तासूं अनिषिद्ध इच्छानुसार व्यवहार होय हे. ओर तीर्थके दर्शनमें अन्यसूं अधिकपनेको ज्ञानहु होत हे. तेसैंई भगवत्स्वरूप तथा गुरु प्रभृति करिके जिनकों जगत्में भगवान्के दर्शन भये हैं तिनकों सब जगत्में प्राणिमात्रमें भगवद्भावकी स्फूर्ति होय हे. ओर अक्षरब्रह्ममें ज्ञानीन्के मोक्षसूंहु अधिक भगवद्भावपनेको ज्ञान होय ये फल होय हे. ओर जिनको गङ्गाजीको दर्शन नाहीं भयो हे परि आप श्रद्धावारे हैं वे जलमें श्रद्धासहित स्नानादिव्यवहार करे हैं ओर तीर्थकरिके जलमें अन्यसूं अधिकताको ज्ञानरूप फल क्रमसूं होय हे. या ही प्रकारसों जगत्में भगवान्के दर्शन जिनकों नाहीं भये हैं ओर आप श्रद्धावारे हैं तिनकों भगवान्के स्वरूपादिकन्में श्रद्धापूर्वक सेवादिव्यवहार होय हैं. ओर ज्ञानीन्के मोक्षसूं अधिकपनेसूं अक्षरब्रह्ममें भगवान्के धामपनेको परोक्ष ज्ञान होय हे. तामें आधिदैविकके दृष्टान्तके विचारमेंहु या सिद्धान्तमें यह कह्यो जाय हे जो जगत् तो त्रिगुणात्मक कह्यो हे. क्यों जो तीन स्वभाववारो प्रकट भयो हे. तासूं, अक्षरब्रह्मके अंशरूप ब्रह्मा, विष्णु ओर शिव ये तीनों तीन गुणके नियामक भगवान्ने किये हैं. सो कूर्मपुराणादिकन्में आधिदैविकपनेसूं कहे हैं. परन्तु भगवान्नेही आधिदैविक जेसे किये हैं तासूं भगवान् एकही नियामक हैं. त्रिगुणात्मक जगत्के नियामक जेसैं त्रिगुणाभिमानी ब्रह्मादिक तीनोंकुं भगवान्ने किये हैं तेसैं अक्षरब्रह्ममें नियामक भगवान् ही हैं एसैं युक्ति करिके निश्चय कियो हे ॥१९-१० ॥

विशेषः १. गङ्गाजीके दृष्टान्तसूं एसो सिद्ध भयो जो तीर्थरूपकी उपासनासूं जो

फल होय हे सो जलरूपकी उपासनासूं नाही होय हे तेसैं अक्षरब्रह्मकी उपासनासूं जो फल होय हे सो जगत्की उपासनासूं होत नाही.

गङ्गाजीके दृष्टान्तसूं एसो सिद्ध भयो जो जलरूप तथा तीर्थरूप को मात्र नियामकपनो जेसैं देवीरूप गङ्गाजीकुं हे परन्तु भक्तनको आपतें फल देवेपनो नाही हे तेसैंही श्रीकृष्णसूंहु भयो. तब विनकी सेवाको उपदेश क्यों करो हो? एसे काहुको शङ्का होय तहां कहत हैं:

**कामचारस्तु लोकेऽस्मिन् ब्रह्मादिभ्यो न चाऽन्यथा ॥
परमानन्दरूपे तु कृष्णे स्वात्मनि निश्चयः ॥११॥**

अस्मिन् = या, लोके = लोकमें	स्वात्मनि = आत्माके विषयमें
कामचारः = भोग, तु = तो	तु = तो, परमानन्दरूपे = परमानन्द
ब्रह्मादिभ्यः = ब्रह्मा आदिनसूं	कृष्णे = कृष्णमें
(भवति = होय हे) च = परन्तु	निश्चयः = निश्चित
अन्यथा = ओर कोई प्रकारसूं, न = नहीं	(भवति = होवे हे)

अतस्तु ब्रह्मवादेन कृष्णे बुद्धिर् विधीयताम् ।

ब्रह्मधर्माः इति बोधनार्थं च. उपाधिनाशे इति. तेषां मध्ये यं जीवं येन प्रकारेण प्रभुः उद्दिधीर्षुः भवति तत्प्रकारक - गुरुपदेशादिभिः अविद्यालक्षणोपाधेः ब्रह्मात्मकत्वावबोधन-प्रतिबन्धकस्य अविद्यात्मकस्य नाशे ब्रह्मात्मकत्वावबोधन-लक्षणे विज्ञाने अनुभवे सम्पन्ने पुरुषोत्तमाविर्भाव-योग्यता जाते इति तस्मिन् जाते स्वात्मनि तं प्रकर्षेण पश्यति इति अर्थः. तस्य सर्वस्वरूपो हरिरेवेति न तदतिरिक्तम् अपेक्षते. भजनोपयोग्यथापि क्षायामपि प्रभुगैव सर्वं सम्पद्यतेति न कदाचित् दुःखी भवति. एतज् ज्ञापनार्थं दृष्टान्तः. (गङ्गातीरस्थितो इति. यद्द्रु यथा गङ्गातीरस्थितः तत्र प्रवाहमध्ये देवताम् आधिदैविकीं तां पश्यति, तथा ज्ञानी स्वस्मिन् आत्मनि परं ब्रह्म कृष्णं पश्यति, परं भक्त्या इति विशेषः उभयत्र ज्ञातव्यः. तदभावेतु दर्शनमपि

दुर्लभं कुतस्तरां भजनम् इति भावः. “भक्त्या या दृश्यते क्वचिद्” इति पूर्वम् उक्तत्वात् “भक्त्याहमेकया ग्राह्य” (भाग.पुरा.११।१४।२१) इति प्रभुवचनात् च).

टीका : जितने जीव हैं तिनमेसूं जा जीवको जा प्रकारसूं उद्धार करिवेकी प्रभूकी इच्छा होय हे वा प्रकारके गुरुनके उपदेशादिकनसूं अविद्यारूप उपाधिको नाश होय तब नाम-रूप सहित (जड-जीवात्मक) सब जगत् अक्षरब्रह्मरूप हे एसो ज्ञान होय हे. तब गङ्गाजीके तीरपे रहिवेवारो गङ्गाजीको भक्त भक्तिकी अधिकतासूं जेसैं गङ्गाप्रवाहमेंही मूर्तिरूप गङ्गाजीको दर्शन करे हे तेसैं जगत् तथा अपने आत्माकुं अक्षरब्रह्मात्मक जानिवेवारो ज्ञानी अपनेमें परब्रह्मरूप श्रीकृष्णकुं देखे हे. क्यों जो अक्षरब्रह्म हे सो पुरुषोत्तमको निवासस्थान हे तासूं निवासस्थानरूप अक्षरब्रह्मके ज्ञानसूं तामें रहिवेवारे पुरुषोत्तमको दर्शन सहजमें होय हे ॥१३॥

जो सेवाको दृढ आग्रही न होय ओर लौकिक ईच्छावारो होय वाकुं कहा फल होय सो लिखे हैं:

**संसारी यस्तु भजते स दूरस्थो यथा तथा ॥१४॥
अपेक्षित-जलादीनाम् अभावत् तत्र दुःखभाक् ॥**

यथा = जेसे	तथा = तेसैं, यः = जो
दूरस्थः = दूर रह्यो भयो	संसारी = संसारमें रह्यो भयो
अपेक्षितजलादीनां = अपेक्षित जल	तु = तो (श्रीकृष्णं = श्रीकृष्णकुं)
आदिकके	
अभावात् = अभावसूं	भजते = भजे हे, सः = वो
तत्र = वहां	(दर्शनाभावात् = दर्शनके अभावमें)
दुःखभाक् = दुःखको भागी	दुःखभाक् = दुःखको भागी
(भवति = हाय हे)	(भवति = होय हे)

भावार्थ : जेसैं गङ्गासों दूर स्थित मनुष्य, इच्छित जल ओर दर्शन के न होयवेसों वहां दुःखी होय हे, तेसैंही जो अहन्ता-ममतामें बंध्यो जीव कृष्णकोहु भजन करे तो वो भगवद्दर्शन न होयवेसों केवल दुःखी होय हे.

विवृति : (ननु उक्त-प्रकारक-ज्ञानाभावेऽपि लोके भजनं दृश्यते तत् कथम् ? इति अपेक्षायाम् आहुः संसारी इति.) यस्तु प्रपञ्चासक्तो गुरुपदेशमात्रेण भजते, संसार-निवृत्ति-हेतुत्वं ज्ञात्वा भजते, नतु ब्रह्मभावसम्पत्त्या, पुरुषोत्तमाविर्भावाभावात्, सतु गङ्गातो दूरस्थो यथा तां भजते, तत्र अपेक्षित-तज्जलाप्राप्त्या दुःखी भवति, तथा अयं भक्तिमार्गस्थइति साक्षात्-स्वरूप-सम्बन्धयथपिक्षायां तदप्राप्त्या क्लेशभाग् भवति इति अर्थः. तथापि न स भजनं त्यजति, अङ्गीकारात्प्रभोः. अनङ्गीकारेतु मध्ये भजनप्रतिबन्धेऽपि कृत-भजन-वैयर्थ्यासम्भवात् जन्मान्तरे तत् फलिष्यति इति ज्ञेयम्.

टीका : 'संसारी' इतने जाकी अहन्ता-ममता छूटी नाहीं हे एसो यदि प्रभुको भजन करे हे, सो जेसैं गङ्गाजीतें दूर रह्यो होय ताकुं इच्छित जल प्रभुतिको अभाव होय तासूं दुःखही भुगते हे तेसैं आप (संसारपतित) भक्तिमार्गमें रह्यो होय ताकुं साक्षात् स्वरूपसम्बन्धी अर्थकी अपेक्षा होय ओर मिले नाहीं तब क्लेश भुगते हे. तथापि यदि वाकी सेवाको प्रभूनै अङ्गीकार कियो होय तो वो भजनकुं छोडे नाहीं हे ओर कालान्तरमें प्रभु वाकी संसारासक्ति छुडाय देवे हैं. ओर यदि प्रभूनै वाकी सेवाको अङ्गीकार कियो न होय तो बीचमें प्रतिबन्ध होय. तोहु जो भजन कियो हे सो तो कबहु व्यर्थ होय नाहीं. तासूं जन्मान्तरमें फल होय हे ॥१४॥

निरुपाधिक भावतें भगवत्सेवा करवेवारेनुकुं उपदेश देत हैं:

तस्मात् श्रीकृष्ण-मार्गस्थो विमुक्तः सर्वलोकतः ॥१५॥

आत्मानन्द-समुद्रस्थं कृष्णमेव विचिन्तयेत् ॥

सिद्धान्तमुक्तावली

१९३

तस्मात् = तासूं

श्रीकृष्णमार्गस्थः = श्रीकृष्णके मार्गमें रह्यो भयो

सर्वलोकतः = सभी लोकसूं

विमुक्तः = विशेष करिके मुक्त होय (सन् = होयके)

आत्मानन्दसमुद्रस्थं = आत्मानन्दरूपि समुद्रमें रहे भये

कृष्णं = श्रीकृष्णको एव = ही

विचिन्तयेत् = विशेषरूपसों चिन्तन करे.

भावार्थ : तासों श्रीभगवन्मार्गमें रहिवेवारो पुरुष तो अहन्ता-ममतारूप संसारसूं अलग रहतो, निज आनन्दसमुद्रमें विहार करते श्रीकृष्णकोही स्मरण करे. अर्थात् लौकिक इच्छानको परित्याग करके केवल प्रभुसेवा करे.

विवृति : (तेन प्रवाहभक्तिमार्गीयः अयं निरूपितः, अन्यथा मध्ये अनङ्गीकारः तेन भजन-प्रतिबन्धादिकं न स्यात्. ननु पुष्टिमार्ग परित्यज्य किं तत्कथनेन इति आशङ्क्य आहुः तस्माद् इति. यस्मात् प्रवाहस्थभक्तेऽपि एवम् अङ्गीकारः प्रभोः यत् जन्मान्तरेऽपि तं न त्यजति. तस्माद् हेतोः श्रीकृष्णमार्गस्थः पुष्टिमार्गस्थः सर्वलोकतोऽपि मुक्तो भिन्नो विशिष्टः च इति अर्थः. 'सर्व'पदात् ज्ञानितः, प्रावाहिकभक्ततः कैमुतिकन्यायेन साधारणलोकतः च इति ज्ञेयम्. ज्ञानिनः संसाराभावात् संसारिणो ज्ञानाभावेन दुःखभाक्त्वम्. पुष्टिमार्गस्थ इव प्रभुस्वरूपं ज्ञात्वा सर्वस्वनिवेदनपूर्वकं सर्वात्मभावेन भजनं स्वप्नेपि दुर्लभम्. पुष्टिमार्गीयस्य प्रभ्वनुग्रहैक-नियम्यत्वात् सर्वतः उपपद्यत इति ततो वैशिष्ट्यम्. एतावत् सर्वं श्रीकृष्णमार्गस्थः पदेन द्योतितम्. अतः सर्वम् अवदातम्. ननु वित्ताद्यभावे पुष्टिमार्गीयस्यापि भजनासम्भवे दुःखित्वात् कथम् उक्तवैशिष्ट्यम् ? इति अपेक्षायाम् आहुः) आत्मानन्दसमुद्रस्थम् इति. 'श्रीकृष्ण'पदात् पुष्टिमार्गीय-भक्त-प्रकटित-निरवध्यानन्देषु विहरन्तम् इति अर्थः. तेतु ब्रजरत्नात्मका इति मन्मतिः. स आनन्दो भगवत्स्वरूपात्मकः तद्दत्तएव. अतः 'आत्म'पदं भगवत्परम्.

टीका : अहन्ता-ममतात्मक संसारयुक्त भजन करत हैं सो क्लेश भुगते हैं एसैं

सिद्धान्तमुक्तावली

१९४

उपर कह्यो हे. तासूं श्रीकृष्णको मार्ग जो पुष्टिमार्ग हे तामें जो रह्यो हे ओर सर्वलोकसूं विमुक्त हे सो आत्माके आनन्दरूप समुद्रमें रहे ऐसे श्रीकृष्णकोहि चिन्तन करे. इहां श्रीकृष्णकोहि चिन्तन करिवेको लिख्यो हे ताको अभिप्राय एसो हे जो पुष्टिमार्गीय भक्तनूकों निरवधि आनन्द जहां प्रकट होय तहां विहार करिवेवारेको चिन्तन करनो. इतने ब्रजभक्तनूमें विहार करिवेवारे श्रीकृष्णको चिन्तन करिवेतें ब्रजभक्तनूकीसी नाई लौकिकमेंते मनोवृत्ति निकसिके

श्रीकृष्णमेंहि लगे ॥१५॥

लौकिक कामनानूकी पूर्ति करिवेके दुष्टभावसों भगवद्भजनमें प्रवृत्त होयवेवारेको फल कहत हैं:

लोकार्थी चेद् भजेत् कृष्णं क्लिष्टो भवति सर्वथा ॥१६॥

क्लिष्टोऽपि चेद् भजेत् कृष्णं लोको नश्यति सर्वथा ॥

(यः = जो)	लोकार्थी = लोकार्थी	क्लिष्टः = क्लेशवारो
(सन् = होयके)	चेत् = जो	अपि = भी (जनः = लोग)
कृष्णं = श्रीकृष्णको,	भजेत् = भजे	चेत् = जो, कृष्णं = श्रीकृष्णकुं
(तर्हि = तो, सः = वो)		भजेत् = भजे(तस्य = वाको)
सर्वथा = सब तरेहसूं		लोकः = लोक, सर्वथा = सब तरेहसूं
क्लिष्टः = क्लेशवारो, भवति = होय हे		नश्यति = नष्ट होवे हे

भावार्थ : जो पुरुष लौकिक कामनानूके प्रयोजनसूं कदाचित् श्रीकृष्णकी सेवा करे तो वो सब तरेहसूं क्लेश पावे हे. ओर क्लेश सहन करतोहु पुरुष यदि भगवद्भजन करे जाय तो वाको सब तरेहसों अहन्ता-ममतारूप संसार दूर होय हे ॥१६॥

विवृति : (बहिरसम्भवेऽपि अन्तरेव भजेत्. अतो न उक्तानुपपत्तिः इति भावः. ननु कश्चित् जीविकाद्यर्थमपि भजते तस्य का गतिः ? इत्यत आहुः लोकार्थी

इति. 'लोक'पदेन लौकिकः अर्थः उच्यते, तदर्थी चेत् कृष्णं भजेत् तदा व्यापारवद् अर्थे सिद्धे, तस्यापि अनर्थरूपत्वेन, तत्कृतभजनस्य भक्तित्वाभावात्, तत्कृतं सर्वं क्लेशरूपमेव. अतः क्लिष्टो भवति इति अर्थः. न केवलम् ऐहिकः क्लेशः किन्तु परलोकोपि नश्यति, निषिद्धाचरणादिति सर्वथा इति उक्तम्. यस्य स्वल्पमपि ज्ञानम् स न एवं करोति, सर्वथा तद् रहितः कश्चिद् एवं कुर्यादपि ! इति चेद् इति उक्तम्. अत्र मूलनामोक्तिः भजनकर्तुः अभिप्रायेण, अन्यथा तदसम्भवात्. तर्हि लोकार्थित्वाभावेपि तद् रहितस्य भजनासम्भवात् को विशेष ? इत्यत आहुः क्लिष्टोऽपि इति. लौकिकार्थाभावेन क्लिष्टोऽपि गीतायां नवमे अध्याये "पत्रं पुष्पं फलं तोयम्" (भग.गीता ९।२६) इति वचनात् कृष्णं चेत् भजेत्, तदा यथासम्भवं भजनम् अर्थादेव सिध्यति, परं लोको नश्यति. लौकिकं न सिध्यति, नतु स्थितं नश्यति, भजनसिद्धौ न तावता कापि हानिः इति भावः. भगवतः तथा इच्छेति सर्वथा इति निरूपितम्. चेद् इति तथा भजनम् अशक्यम् इति ज्ञापनाय ॥१६॥

टीका : लौकिक अर्थकी इच्छा राखिके जो भगवद्भजनमें प्रवृत्त होय हे सो सर्वथा क्लेश पावे हे. इतने कछु लाभकेलिये पूजादिकमें प्रवृत्त होय सो तो 'पाखण्डी' ओर 'देवलक' कह्यो जाय हे. तासूं लाभ-पूजार्थयत्न सिवाय जामें निषेध नाहीं हे एसी रीतसूं "मेरो लौकिक सिद्ध होय" एसी इच्छासूं जो भजनमें प्रवृत्त भयो होय सो 'लोकार्थी' कह्यो जाय हे. सो श्रीकृष्णको भजन करे तब वाकेउपर प्रभूनों अनुग्रह होय. तासूं लौकिकमेंते आसक्ति छुडायवेकेलिये प्रभु वाकी उपेक्षा करें तब सब प्रकारसूं क्लेशकुं प्राप्त होय ओर क्लेशकुं प्राप्त होतो भयोहु श्रीकृष्णकुं जो भजतो रहे हे ताको भीतर तथा बाहिर को लौकिक आग्रह नष्ट होय जाय हे.

संसारी जो भजे हे ताकी व्यवस्था प्रथम लिखी हे. तामें तीन भेद हैं. प्रथम तो संसारकी निवृत्तिकी इच्छावारो, दूसरो लौकिक इच्छायुक्त परि सेवाको आग्रही; ओर तीसरो सेवाको अनाग्रही ऐसे तीनके फल यहां ताई कहे ॥१६॥

अपनो स्वरूप तथा भगवान्को स्वरूप नाहीं जानिवेवारे भक्तहु पुष्टि ओर मर्यादा के भेदसूं दोय प्रकारके होत हैं विन दोऊनूको चित्त चञ्चल न होयवेकेलिये कहत हैं:

ज्ञानाऽभावे पुष्टिमार्गी तिष्ठेत् पूजोत्सवादिषु ॥१७॥
 मर्यादास्थस्तु गङ्गायां श्रीभागवतत्परः ।
 अनुग्रहः पुष्टिमार्गे नियामक इति स्थितिः ॥१८॥

पुष्टिमार्गी = पुष्टिमार्गमें रह्यो भयो तु = तो, ज्ञानाभावे = ज्ञानके अभावमें
 ज्ञानाभावे = ज्ञानके अभावमें श्रीभागवततत्परः = श्रीभागवतपरायण
 श्रीभागवततत्परः = श्रीभागवत परायण (सन् = होयके) गङ्गायां = गङ्गाजीपे
 (सन् = होयके) तिष्ठेत् = रहे पुष्टिमार्गे = पुष्टिमार्गमें
 पूजोत्सवादिषु = पूजा-उत्सवादिमें अनुग्रहः = कृपा, नियामकः = नियामक हे
 तिष्ठेत् = रहे इति = या प्राकारकी
 मर्यादास्थः = मर्यादामें रह्यो भयो स्थितिः = स्थिति (अस्ति = हे)

भावार्थ : पुष्टिमार्गीय भक्त ज्ञानके अभावमें अर्थात् अपने स्वरूप ओर भगवत्स्वरूप को ज्ञान न होय तो, श्रीभागवतमें तत्पर रहतो एकादशस्कन्धमें कही पूजाकी रीति ओर पर्वन् में अनेक उत्सव जहां होते होंय वहां रहे. ओर मर्यादामार्गीय भक्त तो ज्ञानके अभावमें श्रीभागवतमें तत्पर रहतो श्रीगङ्गातटपे रहे. अनुग्रहमार्गमें भगवान्को अनुग्रहही स्थान आदिको नियम करिवेवारो हे यह भगवन्मार्गकी मर्यादा हे.

विवृति : स्वस्वरूपज्ञान - प्रभुस्वरूप - ज्ञानाभाववान् भक्तोऽपि पुष्टि - मर्यादाभेदेन द्विविधः. उभयोः चित्तचाञ्चल्याभावाय आहुः ज्ञानाभावे इति.

(पुष्टिमार्गी पूजोत्सवादिषु तिष्ठेत्, पुष्टि - पुष्टिमार्गे 'पूजा'पदं तस्य ज्ञानाभावात् प्रथमप्रवृत्त्यभिप्रायेण उक्तम्. मनसः तन्निष्ठतायां कृतिः अर्थादेव सिध्यतीति "तत् कुर्याद्" इति अनुक्त्वा "तत्र तिष्ठेद्" इति उक्तम्. मर्यादायां प्रकारान्तरम् आहुः मर्यादास्थ इति. गङ्गायां गङ्गासमीपे श्रीभागवततत्परः तिष्ठेद् इति पूर्वेण सम्बन्धः. उभयोः अन्यतरधर्मव्यावृत्त्यर्थं तु शब्दः. तत्र भेदकं किम् ? इति आकाङ्क्षायां)

सिद्धान्तमुक्तावली
१९७

पुष्टिमार्गीये विशेषम् आहुः अनुग्रहः इति. तस्य स्थितौ न देशनियमः, किन्तु प्रभुः अनुग्रह्य यत्रैव यथा स्थापयति तत्रैव तिष्ठति तथा. तस्य विधिः न नियामकः इति भावः.

टीका : अपने स्वरूपको तथा भगवान्के स्वरूपको ज्ञान न होय तोहु पुष्टिमार्गीय भक्त श्रीभागवतमें तत्पर होयके पूजा तथा उत्सवादिकन्में रहे. इतने श्रीभागवत एकादशस्कन्धके उन्नीसमें अध्यायमें श्रीकृष्णने उद्धवजीकों अपने धर्म कहे हैं जो "मेरो स्मरण करे, सब कार्य मेरेलिये करे, मेरी अमृतरूप कथामें श्रद्धा राखे" तिनमें रहे. ओर मर्यादामार्गीय भक्त तो भगवान्के चरणरजके सम्बन्धवारी गङ्गाजीमें श्रीभागवतमें तत्पर होयके रहे. इतने जहां परीक्षितकुं तथा विदुरजीकुं श्रीभागवतमें सिद्धि भई हे तहां रहे. ओर पुष्टिमार्गीय भक्तनकों रहिवेमें देशको नियम नाहीं हे. जहां प्रभु अनुग्रह करिके राखें तहां रहे. इतने जहां रहिके भगवद्भजनादिकमें आछी रीतसूं प्रवृत्ति रहे तामें प्रतिबन्धादिक कछु न आवे तहां रहे ॥१७-१८॥

मर्यादामार्गीय ज्ञानी ओर भक्त होय तिनके उपर प्रभु विशेष अनुग्रह करें तो मर्यादामार्गीय ज्ञानी तथा भक्त ये दोऊ पुष्टिमार्गकुं प्राप्त होयके पुष्टिभक्तिकुं प्राप्त होय हैं सो कहत हैं:

उभयोस्तु क्रमेणैव पूर्वोक्तैव फलिष्यति ।
 ज्ञानाधिको भक्तिमार्ग एवं तस्मान् निरूपितः ॥१९॥

उभयोः = दोनोनकुं (यतः = क्यों) भक्तिमार्गः = भक्तिमार्ग
 तु = तो, क्रमेण = क्रमसूं, एव = ही ज्ञानाधिकः = ज्ञानसूं अधिक हे
 पूर्वोक्ता = पहिले कहीभयी तस्मात् = यासूं, एवं = या प्रकारसूं
 एव = ही, फलिष्यति = फलित होयगी निरूपितः = निरूपण किया

भावार्थ : मर्यादामार्गीय ओर पुष्टिमार्गीय भक्तनकुं क्रमसूं पूर्वमें कही मानसी सेवाही प्राप्त होयगी. भेद इतनोही हे के मर्यादामार्गीयकुं अनुग्रहमार्गमें आयवेसूं प्राप्त होयगी. क्योंकि "क्लेशोधिकतरस् तेषां" (भग.गीता १२।५) इत्यादि

सिद्धान्तमुक्तावली
१९८

वचननसों यह सिद्ध हे. ओर अतएव भक्तिमार्ग ज्ञानमार्गसूं अधिक हे तासूंहीं एसो निरूपण कियो हे.

विवृति : मर्यादास्थावपि ज्ञानिभक्तौ चेद् अनुगृह्णाति विशेषतः, तदा आदौ पुष्टिमार्गं प्राप्य तन्मार्गीयां भक्तिं प्राप्नुत इति आहुः उभयोः इति. यदि मर्यादायामेव अङ्गीकारः, तदा उभयोः मुक्तिरेव फलिष्यति इति आशयः. एवं निरूपणे तात्पर्यम् आहुः **ज्ञानाधिकः** इति. लोके अधुना भक्तेरपि ज्ञानं फलं, तस्य मुक्तिरेव इति सर्वे वदन्ति. तत्र ज्ञानं हि ब्रह्मात्मैक्यज्ञानम्. ब्रह्म च अक्षरात्मकम्, तदात्मकत्वेन सर्वज्ञानं च. एतावतापि पुरुषोत्तमसम्बन्धस्तु दूरतरः, तस्य अक्षरातीतत्वात्. अतएव अर्जुनेन पुरुषोत्तमाक्षरभजनयोः तारतम्यं पृष्टः स्वभजन आधिक्यम् आह गीतासु द्वादशोऽध्याये. गङ्गायां च क्षराक्षर-पुरुषोत्तम-तारतम्यदृष्टान्तः स्पष्टः. न हि देवी तीर्थात्मिका जलात्मिका वा, किन्तु जलएव तीर्थात्मकत्वं जानन् ज्ञानी भवति. तदतीत-देवतात्मक-दर्शने भक्तत्वम्. न हि भक्त्या देवताद्रष्टृसमः पूर्वो भवति. अतएव पुरुषोत्तमं मां जानन् मामेव सर्वभावेन भजति इति **“यो मामेवमसंमूढः”** इति उपक्रम्य **“भजति मां सर्वभावेन”** (भग.गीता १५।१९) इति प्रभुः उक्तवान्. अतो ज्ञानमार्गीयस्यापि पुरुषोत्तमविदोपि भक्तिनिष्ठैव फलम् इति किम् इतो अधिकं वाच्यम्, अनेकप्रमाणसिद्धत्वाद् इति विद्वद्भिः ज्ञेयम्. ऋग्वेदेपि पठ्यते **“तमु स्तोतारः पूर्वं यथाविद ऋतस्य गर्भं जनुषा पिपर्तन, आस्य जानन्तो नाम चिद्विवक्तन महस्ते विष्णो सुमतिं भजामहे”** ‘हे स्तोतारो!’ भगवदुत्कर्षवर्णनपराः ‘पूर्वं’ सर्वकारणकारणरूपं तं लोकवेदप्रसिद्धं पुरुषोत्तमं भवन्तो यथावद् विदन्ति तत्स्वरूपमिति तथाभूताः ‘ऋतस्य’ सूनृतवाणीरूपस्य वेदस्य गर्भरूपम्. स्वोदरस्थं वेदं विश्वहितार्थं ब्रह्मणः उपदिष्टवानिति तथा. ‘जनुषा’ स्वजन्मनैव सम्पूर्णेन, नतु क्षणयाममात्रेण. ‘पिपर्तन’ पूर्तियुक्तं सन्तुष्टं कुरुत. अत्र यथावित्त्वोक्त्या पूर्णज्ञानानां देहेन्द्रिय-प्राणान्तःकरण-जीवान् तदर्थमेव तद्भजनार्थमेव उपयुक्तान् कुरुत इति भक्तिमार्गे विनियोगम् उपदिशति. तेन स्फुटमेव ज्ञानमार्गाद् भक्तिमार्गस्य आधिक्यम् अवगम्यते. भक्त्या विना न कोपि पुरुषार्थः सिध्यति इति हृदयेन आह अग्रे देहादि-सर्व-विनियोगाशक्तौ आसमन्ताज् जानन्तो अखण्ड-शब्द-ब्रह्मरूपं, नतु लौकिकशब्दरूपम् इति. नामस्वरूपं जानन्तः तदेव ‘विवक्तन’ विशेषेण वदन्तु. अधिक-माहात्म्याद्यज्ञाने नाममात्रम् उत कीर्तयन्तु. एतेनैव भगवत्स्वरूप-तन्माहात्म्यादिकं ज्ञातं भविष्यति इति आशयेन आह नामस्वरूपम् ‘चिद्’ इति.

‘चिद्’ इति उपलक्षणम्. सच्चिदानन्दात्मकम् इति अर्थः. नामस्वरूपाज्ञाने तदुपदेष्ट-गुरूपसत्तिः कार्या इति आशयेन आह ‘महस्ते’ इत्यादि. ‘ते’ त्वत्सम्बन्धिनं ‘सुमतिं’ निर्दोषपूर्णगुणत्वेन भवन्तं जानन्तं भगवद्भक्तं भजामहे. स च स्वतेजसा पराज्ञाननिरासकः इति आह ‘महः’ इति. तेजोरूपम् इति अर्थः. स्वहृदि सदा श्रीकृष्णप्राकट्येन उत्सवात्मकम् इति वा. एतेन ज्ञानिनां भक्तिमार्गप्रवेशएव उपदिष्टो भवति. एवमेव **“तद्विष्णोः” “तद्विप्रासः”** इत्यादिश्रुतिसहस्रैः निगद्यत इति सुष्ठुक्तं ज्ञानमार्गाद् अधिको भक्तिमार्गः इति ॥१७-१९॥

टीका : मर्यादामार्गीय ज्ञानी तथा मर्यादामार्गीय भक्त होंय विनको पुष्टिमार्गमें अङ्गीकार होयगो तो क्रमसूं मानसी सेवाको फल मिलेगो ओर यदि मर्यादामें अङ्गीकार होयगो तो सायुज्यमुक्ति मिलेगी. एसें भक्तिमार्ग हे सो श्रीपुरुषोत्तमकी प्राप्ति करिवेवारो हे तासूं ज्ञानमार्गसूं उत्तम हे सो गङ्गाजीके दृष्टान्तसूं निरूपण कियो हे.

इतने लोकमें कितनेक कहत हैं जो भक्तिसूं ज्ञान मिले ओर ज्ञानसूं मुक्ति मिले. परन्तु आत्मा तथा अक्षरब्रह्म की एकताको ज्ञान तथा सब जगत् अक्षरब्रह्मरूप हे एसे जाननो सो ‘ज्ञान’ कह्यो जाय हे. सो ज्ञान होय तोहु श्रीपुरुषोत्तमको सम्बन्ध तो अतिदूर रहे हे. क्यों जो श्रीपुरुषोत्तम तो अक्षरातीत हे. तासूंहि गीताजीके बारमें अध्यायमें लिख्यो हे जो अक्षरकी उपासनावारेनको क्लेश अधिक होय हे; ओर **“जो सब कर्मनको मेरेमें अर्पण करिके मेरे परायण होयके मेरी उपासना करत हैं तिनको उद्धार में शीघ्रहि करूंहुं”** एसें श्रीकृष्णनें कह्यो हे. तासूं ज्ञानसूं अधिक भक्ति मार्ग हे ॥१९॥

गङ्गाजीको दृष्टान्त दियो हे ताको दूसरो तात्पर्य कहत हैं:

भक्त्यभावेतु तीरस्थो यथा दुष्टैः स्वकर्मभिः ॥

अन्यथाभावम् आपन्नस् तस्मात् स्थानाच्च नश्यति ॥२०॥

यथा = जेसे

आपन्नः सन् = प्राप्त होयके

तीरस्थः = तीरपे रह्योभयो तस्मात् = वा स्थानात् = स्थानसूं
 भक्त्यभावे = भक्तिके अभावमें नश्यति = नष्ट होवे हे
 तु = तो, दुष्टैः = दुष्ट (तथा = वेसैं)
 स्वकर्मभिः = खुदके कर्मन्सूं भक्तोऽपि = भक्त हु
 अन्यथाभावम् = अन्यथाभावकुं नश्यति = नष्ट होवे हे

भावार्थ : जेसैं गङ्गातीरपे रहतो पुरुष, भक्ति न होय तो अपने दुष्टकर्मन्सूं पाखण्डीपनेकुं प्राप्त होयके ओर तीर्थरूप स्थानसूंहु नष्ट होय जाय हे तेसैं भक्तहु भक्तिके अभावमें अपने दुष्टकर्मन्सूं वा स्थानसूं भ्रष्ट होयके नीच योनीन्में जन्म ले हे ॥२०॥

विवृति : गङ्गादृष्टान्तस्य तात्पर्यान्तरम् आहुः भक्त्यभावे इति. भगवत्सान्निध्यदेशेऽपि स्थितौ भक्त्यभावे तथा भवति इति भावः. एतेन भक्तेः आवश्यकत्वम् उक्तं भवति ॥२०॥

टीका : गङ्गाजीके तीरमें रह्यो होय ओर अपने दुष्टकर्मन्करिके विपरीत भावकुं प्राप्त भयो होय सो जेसैं वा स्थानसूं नष्ट होय हे तेसैं भक्तिको अभाव होय तो भगवान्के सन्निधानवारे देशमें रहत होयतोहु अपने दुष्ट कर्मन्सों पाषण्डीपनेकुं प्राप्त भयो होय सो आरूढपतित होयहे.

इतने जेसैं कोउ ऊंचे स्थलपें चढिके गिरे हे तेसैं भक्तिमार्गमें आयो होय ओर भक्ति न होय तो दुष्ट कर्मन्सूं पाषण्डी होयके वा मार्गतिं भ्रष्ट होय हे ॥२०॥

एसैं भक्तिको अवश्यपनो निरूपण करिके उपसंहार करतहैं:

एवं स्वशास्त्र-सर्वस्वं मया गुप्तं निरूपितम् ॥

एतद् बुध्वा विमुच्येत पुरुषः सर्व-संशयात् ॥२१॥

॥ इति श्रीवल्लभाचार्यविरचिता सिद्धान्तमुक्तावली सम्पूर्णा ॥

एवं = या प्रकारसूं, मया = मेरे द्वारा गुप्तं = गुप्तको, निरूपितं = निरूपण कियो
 स्वशास्त्रसर्वस्वं = अपने शास्त्रके सर्वस्व एतत् = याकु, बुध्वा = जानिके
 पुरुषः = पुरुष
 ससंशयसूं
 विमुच्येत = विशेषकरिकें मुक्त होय हैं

विवृति : (सप्रयोजनम् उक्तम् उपसंहरन्ति एवम् इति. उक्तप्रकारेण स्वशास्त्ररूपं स्वशास्त्रस्य वा सिद्धान्तरूपसर्वस्वं गुप्तं स्वल्पेन बहु निरूपितत्वात् गम्भीरतात्पर्यं बहिर्मुखानाम् अज्ञापनीयं वा. किं तेन ? इत्यत आहुः एतद् इति. एतज्ज्ञानेन स्वमार्गसम्बन्धि-सर्वसंशयनिवृत्तिः भवति. अन्यथा “संशयात्मा विनश्यति” इति बुद्धिः अन्यथा भवेद् इति अर्थः.) ॥२०-२१॥

इति श्रीपितृपादाब्ज - परागरससिक्तहृत् ।

श्रीविट्ठलस्तत्सिद्धान्त - वाङ्मालां हृदये दधौ ॥१॥

भावार्थ : या रितिसों मेंने अपने शास्त्रको गोप्य सेवारूप सिद्धान्त कह्यो. याकुं जानिके पुरुष सर्वसन्देहन्सूं मुक्त होय हे ॥२१॥

टीका : एसैं अपने शास्त्रको सर्वस्व जो गुप्त हतो सो मेंने निरूपित कियो हे. ये जो निरूपित कियो हे ताकुं जानिके पुरुष सब संशयन्सूं मुक्त होय ॥२१॥

या ग्रन्थमें इतनो सिद्ध भयो जो तनुवित्तजा सेवाहि प्रथम साधन हे. सो यथार्थ बने तो प्रभुमें चित्त लीन होय जाय एसी मानसी सिद्ध होय. तब प्रभुसम्बन्धीहि सब कामना होय. तासूं सब ब्रह्मात्मक हे एसे ज्ञानसूं भगवान्में बुद्धि राखनी - ये साधनकी प्रथम (मुख्य) कक्षा हे. यामें अधिकार न होय तो जे मर्यादापुष्ट हैं तिनको अक्षरब्रह्मात्मक अपनो स्वरूप हे ओर अक्षरब्रह्ममें श्रीकृष्ण

विराजत हैं एसो ज्ञान जेसें होय तेसो यत्न करनो - ये साधनकी द्वितीय (मध्यम) कक्षा हे. यामेंहु जाको अधिकार नाही हे सो शरीर, पुत्र, धनादिकन्में अभिमानवारो 'संसारी' कह्यो जाय हे. एसो पुरुष सेवा करतो होय तामें भगवान्को उपयोगी पदार्थ मिले नाही तब दुःख पावे तब सेवाहु आछीरीतसूं न बने. एसेकों संसारमेंतें आसक्ति छुटवेकेलिये लीलाविशिष्ट भगवान्को चिन्तन करनो - ये साधनकी तीसरी (हीन) कक्षा हे. ओर जाकों लौकिककी इच्छा निवृत्त नाही होय सो तनुवित्तजा सेवा करतो होय तब वाकी परीक्षाकेलिये अथवा प्रारब्धभोगकेलिये प्रभु विलम्ब करे तब लौकिकतें क्लेश होय तोहु भगवत्सेवा छोडे नाही तो लौकिकासक्ति छूट जाय. एसो जो पुष्टिमार्गीय होय तो श्रीभागवतके पाठ श्रवणादिकमें तत्पर होयके इच्छानुकुल देशमें रहिके पूजोत्सवादिक करनो. ओर एसो यदि मर्यादामार्गीय होय तो गङ्गाजीके तीरमें रहिके श्रीभागवत्को श्रवण अथवा पाठ वारंवार कर्यो कर- ये साधनकी चोथी (अतिहीन) कक्षा हे. ओर जो तनुवित्तजा सेवा करतो होय तामें भक्तिहु न होय सो पांचमों आरूढपतित कह्यो जाय हे. सो वारंवार जन्मकुं प्राप्त होयके संसारको अभिनिवेश शिथिल होय तब मुक्त होय. ओर यदि संसारको अत्यन्त अभिनिवेश होय तो मुक्तहु न होय. तासूं संसारावेश छोड़िके भक्तिकेलिये तनुवित्तजा सेवामें यत्न करनो.

॥ इति श्रीवल्लभाचार्यविरचित सिद्धान्तमुक्तावलीकी
गोस्वामि श्रीनृसिंहलालजीमहाराज विरचिता
भावार्थसंक्षेपटीका सम्पूर्ण भई ॥

॥ पुष्टिप्रवाहमर्यादाभेदः ॥

(९)

या जगत्में जितने जीव हैं तितने सब चिदंशरूपसों तथा भगवदंशपनेसों समान हैं. तिनमें कितनेकन्कों श्रीपुरुषोत्तमकी प्राप्ति होय हे, कितनेकन्कों अक्षरब्रह्मकी प्राप्ति होय हे, कितनेकन्कों स्वर्गादिकन्की प्राप्ति होय हे ओर कितनेकन्कों अन्धतमकी प्राप्ति होय हे. तहां शङ्का होय हे जो एसें फलमें भेद क्यों होय हे ? ओर स्वभावमें भेद क्यों हे ? ओर कितनेकन्के स्वभावतें विरूद्ध देह तथा क्रिया हे तो कितनेकन्के स्वभावानुकूल देह तथा क्रिया हे इत्यादिक भेद क्यों हे ? एसें सन्देहवारनके सन्देह मिटायवेकेलिये विनके उपायभूत मार्ग तथा मार्गके साङ्कर्य को निरूपण करिवेकेलिये, सबन्को भेद जानिवेतें सब सन्देहन्की निवृत्ति होयगी एसें विचारिके, तीन मार्गन्के भेदको निरूपण करत हैं:

पुष्टि-प्रवाह-मर्यादा विशेषण पृथक्-पृथक् ॥
जीव-देह-क्रिया-भेदैः प्रवाहेण फलेन च ॥१॥
वक्ष्यामि सर्वसन्देहा न भविष्यन्ति यत् श्रुतेः ॥

पृथक्-पृथक् = अलग-अलग	पुष्टि-प्रवाह-मर्यादाः = पुष्टि,
विशेषण = विशेषरूपसों	प्रवाह ओर मर्यादा (अहं = मैं)
जीव-देह-क्रिया-भेदैः = जीव देह	वक्ष्यामि = कहि रह्यो हुं
ओर क्रियाके भेदसों	यत् = जो श्रुतेः = सुनिवेशूं
प्रवाहेण = प्रवाहसों	सर्वसन्देहाः = सब प्रकारके सन्देह
च = ओर फलेन = फलसों	न = नाही भविष्यन्ति = होंयगे

भावार्थ - टीका : पुष्टि, प्रवाह ओर मर्यादा ये तीनों जुदे जानिवेमें आवें एसे -
१. विनके धर्मकरिके, २. जीवादिकन्के भेदन्सूं सृष्टिकी परम्परा अविच्छिन्न चली आवे हे ताकरिके; ओर ३. विनकों फल मिले हे ताकरिके - कहंगो, जाके श्रवणतें सब सन्देह न होंयगे. इतने विनके धर्म, जीवको स्वरूप, देह, क्रियाके भेद, सृष्टि तथा विनके फलको ज्ञान होयगो तब सब सन्देह निवृत्त होंयगे ॥१^{१/२} ॥

भक्तिमार्गस्य कथनात् पुष्टिर् अस्तीति निश्चयः ॥२॥

भक्तिमार्गस्य = भक्तिमार्गके
कथनात् = कहिवेसूं
पुष्टिः = पुष्टि
अस्ति = हे इति = एसो
निश्चयः = निश्चय
(अस्ति = हे)

भावार्थ : शास्त्रनमें भक्तिमार्ग जुदोही कह्यो हे तासूं निश्चय होय हे के भगवान्को अनुग्रह हे. ओर ताहीसूं यहहु मालुम पड़े हे के पुष्टि(अनुग्रह) मार्गहु जुदोही हे.

टीका : यालोककी तथा परलोककी कामना छांडिके प्रभुमें मन लगावनों सो 'भक्ति' कहि जाय हे. सो भक्ति प्रभुनके अनुग्रहसूं मिले हे. तासूंही पञ्चमस्कन्धमें ऋषभदेवजीके चरित्रकी समाप्तिमें कह्यो हे जो "मोक्ष देयवेवारे भगवान् भजनकरिवेवारेनको मुक्ति देंय हे परन्तु काहु समय भक्तियोग नाही देंय हैं". तेसैं श्रीदेवकीजीने स्तुति करी तब प्रभुनके माहात्म्यको ज्ञान हतो तासूं सब माहात्म्यको वर्णन कियो ता पाछें सुदृढ स्नेह भयो तब माहात्म्यकुं भूलिकें कह्यो जो "आपकेलिये मेरी बुद्धिमें धैर्य नाही रहे हे, में कंससूं डरपुं हुं". सो ये सुदृढ स्नेहको स्वरूप हे. तासूं प्रभुनको जब अनुग्रह होय तब एसी भक्ति मिले हे. वा अनुग्रहको नाम 'पुष्टि' हे. जेसैं कोऊने पाप कियो होय ताको निवारण (प्रायश्चित) कष्टसूं बने एसे होय परन्तु ताकेलिये विद्वाननकी सभा भरी होय सो अनुग्रहसूं सुगम प्रायश्चित कहे तो सुगमतासूं वाको निवारण होय सके हे. जेसैं कर्ममार्गमेंहु अनुग्रहकी प्रार्थना होय हे सो फल सिद्ध होयवेकेलिये हे तेसैं सुकर साधनरूप भक्तिमार्ग

श्रीकृष्णभगवान्ने उद्धवजीप्रति कह्यो हे, तासूं ताके मूलभूत पुष्टि हे एसो निश्चय हे ॥२॥

एसैं पुष्टिकी विद्यमानताको निरूपण करिके प्रवाह तथा मर्यादा की विद्यमानताको निरूपण करत हैं:

पुष्टिप्रवाहमर्यादाभेदः
३०५

“द्वौ भूतसर्गा” वित्युक्तेः प्रवाहोऽपि व्यवस्थितः ॥
वेदस्य विद्यमानत्वात् मर्यादापि व्यवस्थिता ॥३॥

द्वौ = दो
भूतसर्गा = जीवसृष्टि
इति = एसो, उक्तेः = कहिवेसूं
प्रवाहः = प्रवाह
अपि = हु
व्यवस्थितस्थित
(अस्ति = हे) (किंच = ओर)
वेदस्य = वेदके
विद्यमानत्वात् = विद्यमान होयवेसूं
मर्यादा = मर्यादा, अपि = हु
व्यवस्थिता = विशेषरूपसूं स्थित
(अस्ति = हे)

भावार्थ : गीताजीमें श्रीकृष्णने अर्जुनसूं कही हे के "या लोकमें दैव ओर आसुर भेदसों प्राणीनकी दो तरहकी सृष्टि हैं" (या वचनमें आसुर जीवनकी पृथक् गणना करी हे) तासूं प्रवाहमार्गहु सिद्ध हे. ओर कर्मादिकी व्यवस्था करिवेवारो वेद विद्यमान हे तासूं सिद्ध हे के मर्यादामार्गहु अनादिकालसूं चल्यो आवे हे.

टीका : दैव ओर आसुर एसे विभागसूं जो सृष्टिकी परम्परा अविच्छिन्न चली आवे हे ताको नाम 'प्रवाह' हे. इतने नदीको प्रवाह जेसैं आरम्भसूं अन्त ताई चल्यो जाय हे तेसैं दैव ओर आसुर ये दोय प्रकारकी सृष्टिको प्रवाह प्रलय पर्यन्त चल्यो जाय हे. नाही तो श्रीकृष्णने दोऊको विभाग कियो हे सो व्यर्थ होय जाय. गीताजीमें कह्यो हे जो "दैव ओर आसुर एसैं दोय प्रकारके भूतसर्ग हैं". तासूं सिद्ध होय हे जो प्रवाहहु रह्यो हे. ओर कर्म तथा ज्ञानादिकनके प्रकारको जो नियम हे ताको नाम 'मर्यादा' हे. सो पूर्वकाण्ड तथा उत्तरकाण्ड रूप वेद जगतमें विद्यमान हे तासूं कर्म तथा ज्ञानादिकनके प्रकारको नियम रह्यो हे. तासूं मर्यादाहु रही हे.

यहां एसैं समजनो जो भगवान्के अनुग्रहप्रयुक्त भक्तिमार्ग जितने हैं तिन सबनको अन्तर्भाव पुष्टिमार्गमें हे तथा यालोक तथा परलोक की कामनावारे(मार्ग) जो सृष्टिकी परम्पराको नाही तोड़े हैं सो सब मार्ग प्रवाहमें अन्तर्भूत हैं. ओर जितने मार्ग वेदकी मर्यादाको उल्लङ्घन नाही करें हैं तितने सब मार्ग मर्यादामें अन्तर्भूत

पुष्टिप्रवाहमर्यादाभेदः
३०६

हैं. इतने जगतमें जितने मार्ग हैं तिन सबन्को अन्तर्भाव (पुष्टि-मर्यादा-प्रवाह) इन तीन मार्गन्में हे ॥३॥

अब पुष्टिमार्ग एक विलक्षण मार्ग हे तामें प्रमाण बतावत हैं. तथा (प्रथम शङ्का) सब मार्गमें भिन्न-भिन्न प्रकारसूं भजन तो रह्योही हे, तासूं भजनको प्रकार भिन्न-भिन्न हे परन्तु मार्ग तो सब भक्तिकेही हैं एसें कोऊ कहे तहां (ताको समाधान) कहत हैं.

(दूसरी शङ्का) ऊपर कहे एसे तीनों मार्ग विद्यमान हैं एसें कहिवेसूं तीनों (पुष्टि-प्रवाह-मर्यादा) मार्गन्को परस्पर भेद सिद्ध नहीं होयगो. क्यों जो “सब फल भगवान्सूंही होंय हैं” एसें व्याससूत्रादिकन्सूं सिद्ध हे. तासूं दूसरे देवको भजन करिवेवारे प्रवाहमार्गीयहु फलप्राप्तिकेलिये प्रभून्कोही भजन करे हैं. क्यों जो ब्रह्मवादकी रीतिसूं चैतन्यमें भेद नहीं हे ओर फल तो प्रभून्सूंही प्राप्त होय हे; तासूं प्रावाहिकहु भक्त हे एसें कहनो चाहिये. ओर अनुग्रहप्रयुक्त सब भक्तिमार्ग पुष्टिमार्गमें अन्तर्भूत हैं एसें उपर कह्यो हे सो अनुग्रह सबन्कों समान हे; तासूं प्रवाहसूं पुष्टिमार्ग भिन्न नहीं होयगो. ओर मर्यादा तो वेदोक्त नियमसूं हे तासूं मर्यादामार्ग पुष्टिमार्गसूं अवश्य भिन्न हे. इतने मार्ग दो हैं एसें कहनो चाहिये एसी कोऊ शङ्का करे तहां कहत हैं:

कश्चिदेव हि भक्तो हि “यो मद्भक्तः” इतीरणात् ॥

सर्वत्रोत्कर्षकथनात् पुष्टिर् अस्तीति निश्चयः ॥४॥

न सर्वोऽतः प्रवाहाद्धि भिन्नो वेदाच्च भेदतः ॥

“यदा यस्ये”ति वचनात् “नाहं वेदैर्”इतीरणात् ॥५॥

यो = जो, मद् = मेरो

न = नहीं, अतः = यासूं

भक्तः = भक्त, इति = एसो

प्रवाहात् = प्रवाहसूं

ईरणात् = कहिवेसूं (किंच = ओर)

हि = भी (पुष्टिमार्गः = पुष्टिमाग)

सर्वत्र = सब जगह

भिन्नः = अलग(अस्ति = है)

पुष्टिप्रवाहमर्यादाभेदः

६०७

उत्कर्षकथनात् = श्रेष्ठता कहिवेसूं

च = ओर, यदा = जब

पुष्टिः = पुष्टि

यस्य = जाकु, इति = या

हि = निश्चित ही

वचनात् = वचनसूं

अस्ति = हे, इति = एसो

न = नहीं, अहं = में

निश्चयः = निश्चय

वेदैः = वेदसूं, इति = ये

भक्तः = भक्त, कश्चित् = कोइ

ईरणात् = कहिवेसूं

एव = ही, सर्वः = सब

वेदतः वेदसूं(अपि = भी)

भेदतः = अलग होयके

(स्थितः इति शेषः = स्थित हे एसो आशय हे)

भावार्थ : गीताजीमें भगवान्ने “जो मेरो भक्त हे सो मोकुं प्रिय हे” यह कह्यो हे तासूं; ओर सर्वशास्त्रन्में भक्तिको उत्कर्ष कह्यो हे तासूं हु पुष्टिमार्ग भिन्न हे यह सिद्ध होय हे. “भक्त कोईक ही होय हे, सब नहीं होंय हैं” तासूंहु पुष्टिमार्ग प्रवाहमार्गसूं भिन्न हे यह निश्चय हे. तथा “जब भगवान् अनुग्रह करें हैं तब भक्त लोकमार्ग ओर वेदमार्ग में बुद्धि नहीं लगावे हे” या भागवतके वचनसूं तथा “मेरो एसो दर्शन वेदादिसों नहीं होय हे” या भगवान्के वचनसूंहु यह निश्चय होय हे के पुष्टिमार्ग मर्यादामार्गसोंहु भिन्नतया स्थित हे, अर्थात् भिन्न हे.

टीका : “सन्तोषवारो, हमेंशा प्रभुमें चित्त जानें जोड्यो हे, मन जाके स्वाधीन हे, प्रभु अपने स्वामी हैं एसो जाको दृढ निश्चय हे ओर मेरेमें जाने मन तथा बुद्धि अर्पण करें हैं एसो जो मेरो भक्त हे सो मोकुं प्रिय हे” एसें गीताजीमें कह्यो हे. तामें “जो मेरो भक्त हे” एसें कहिवेसूं भक्त कोई होत हे (सब भक्त नहीं होत हैं) एसें जान्यो जाय हे. जो बहोत भक्त होंय तो जो मेरो भक्त हे सो मोकुं प्रिय हे एसे नहीं कहते. ओर गीताजीमें तपस्वी, ज्ञानी तथा कर्ममार्गीन्सूं योगीकुं अधिक लिखिकें “सब योगिन्मेंहु जो अन्तःकरण पूर्वक श्रद्धायुक्त होयके मोकुं भजे हे सो अत्यन्त युक्त मान्यो हे” एसे श्रीकृष्णने कह्यो हे. तेसें फेरि पञ्चदशम अध्यायमें कह्यो हे जो “आछी रीतिसूं मोहरहित जो पुरुष मोकुं पुरुषोत्तम करिके जाने हे सो सब जानिवेवारो हे. सो सर्वभावकरिके मोकुं भजे हे” एसें कह्यो हे. सो सर्वभावसूं भजन पुष्टिमार्गमेंहि हे. ओर एसे भजनकुं सबस्थलन्में उत्तम कह्यो

पुष्टिप्रवाहमर्यादाभेदः

२०८

हे. तासूं पुष्टि हे एसो निश्चय हे.

उपरके श्लोकमें गीताजीको प्रमाण देयके भक्त बहोत नाही होत हें परन्तु कोई ही होत हें एसे निरूपण कियो हे. तासूं सब, भक्त नाही होत हें. तब जा मार्गमें ये भक्त हें एसो पुष्टिमार्गहु प्रवाहसूं भिन्न हे एसें अर्थात् सिद्ध होय हे.

तहां एसी शङ्का होय जो प्रवाहसूं पुष्टिमार्ग भिन्न हे एसें सिद्ध भयो परन्तु पुष्टिमार्गके प्रतिपादक जो-जो वाक्य हें सो-सो वेद, स्मृति अथवा पुराणादिकनके हें. सो सब वेदविधिमेंही आय जाय हें; तासूं मर्यादासूं पुष्टिमार्ग भिन्न नाही होय सकेगो ! एसी शङ्काकी निवृत्तिकेलिये कहत हें जो “आत्मासूं जाकी भावना करी हे एसे भगवान् जाके उपर अनुग्रह करत हें सो लोकमें तथा वेदमें लागी रही एसी मतिकों छोड़े हें” एसें श्रीभागवतमें कह्यो हे. तेसेंही “वेद तप दान ओर ज्ञान - यज्ञ द्वाराहु मेरे वा स्वरूपको दर्शन नाही होय सके हे के जाको तेनें कियो; मेरे एसे स्वरूपको दर्शन तो केवल अनन्यभक्तिकरके ही होय सके हे” एसें गीताजीमें कह्यो हे. इतने सब स्थलमें पुष्टिमार्गको प्रतिपादन हे तासूं वेदके नियमरूप मर्यादासूंहु पुष्टिमार्ग भिन्न हे ॥४-५ ॥

जामें भगवद्भक्ति होय नाही एसे धर्म, कर्म तथा ज्ञान की निन्दा सर्वशास्त्रमें लिखी हे; परन्तु भक्ति सहितकी निन्दा नाही हे तासूं गीताजीमें “निबन्धायाऽऽसुरी मता” इत्यादिक वाक्यन्सूं प्रावाहिक जीवन्की निन्दा लिखी हे सो भक्ति रहितकी हे. भक्ति सहित प्रावाहिक तो दैवीमें गिने जाय हें तासूं सब मार्ग भक्तिमार्गके अङ्गभूत हें एसी मूलमेंहि शङ्का करिके समाधान करत हें:

मार्गैकत्वेऽपि चेद् अत्यौ तनू भक्त्यागमौ मतौ ॥

न तद् युक्तं सूत्रतो हि भिन्नौ युक्त्या हि वैदिकः ॥६ ॥

मार्गैकत्वे = मार्ग एक होयवेपे

युक्तं = ठीक

अपि = भी

न = नाही हे

अत्यौ = अन्तिम दो

हि = क्योके

तनू = अङ्ग

सूत्रतः = सूत्रसों

पुष्टिप्रवाहमर्यादाभेदः

२०९

भक्त्यागमौ = भक्ति देयवेवारे

युक्त्या = युक्तिसों

मतौ = माने हें इति = एसो

वैदिकः = वैदिक (मार्गः = मार्ग)

चेत् = यदि होवे तो

हि = निश्चय ही

तत् = वो

भिन्नः = अलग (अस्ति = हे)

भावार्थ : भक्तिमार्ग एकही हे ओर प्रवाह तथा मर्यादा, भक्तिके अङ्गरूप हें ओर भक्तिकी प्राप्तिके साधनरूप हें एसें शास्त्रमें मान्यो हे - एसें वादी कहे तहां कहत हें जो एसें कहेनो सूत्र ओर युक्ति सूं हु युक्त नाही हे. तासूं वैदिकमार्ग भिन्न हे ओर अनुग्रहप्रयुक्त मार्ग भिन्न हे.

टीका : इतने भक्तिमार्गमें “श्रीपुरुषोत्तममें निष्ठावारेकुं अमृतपनो होय हे” (“तत्संस्थस्य अमृतत्वोपदेशात्” शण्डिल्यसूत्र) एसें भक्तिसूत्रमें लिख्यो हे. जैमिनीयसूत्रमें लिख्यो हे जो ज्योतिष्टोमादिक यज्ञरूप कर्म स्वर्गादिक फलकुं उत्पन्न करिके निवृत्त होय हे. तासूं सो कर्म, भक्तिके अङ्गभूत होय सके नाही. तेसें ज्ञानमार्गहु मोक्षरूपफलकुं प्राप्त करे हे, भक्तिकुं प्राप्त नाही करे हे एसें (“तन्निष्ठस्य मोक्षोपदेशात्”) व्याससूत्रमें लिख्यो हें. सो (ज्ञानमार्गहु)भक्तिके अङ्गभूत नाही होय सके हे. तासूं वैदिकमार्ग भिन्न हे ओर अनुग्रहप्रयुक्त मार्ग भिन्न हे. तेसें दैवसर्गरूप प्रवाहहु मोक्षफल देयवेवारो हे ओर आसुरसर्गरूप प्रवाह बन्धन करिवेवारो हे तासों वोहु भक्तिके अङ्गरूप होय सके नाही. (एसें फलभेद अरु प्रमाणभेद सूं मार्गभेदको निश्चय करिके अब युक्तिसूं हु मार्गभेदको प्रतिपादन करत हें).

यदि प्रवाहमार्ग भक्तिके अङ्गरूप होवतो तो श्रीकृष्णभगवान्नें गीताजीमें दैवीसम्पत्तिको भाव कहिके आसुरीसम्पत्तिको भाव कह्यो हे सो नाही कहते.

तेसें (यदि मर्यादामार्ग ओर पुष्टिभक्तिमार्गके अङ्गभूत होवतो तो) गीताजीमें द्वादशाध्यायमें कह्यो हे जो “अक्षरब्रह्मके उपासकन्को क्लेश अधिक हे” ओर “पूर्णपुरुषोत्तमके उपासकन्को उद्धार प्रभु शीघ्रही करे हें”; तेसें श्रीभागवतदशमस्कन्धमें कह्यो हे जो

“श्रीयशोदानन्दन श्रीकृष्ण भक्तिवारेन्को सुखसूं जेसें प्राप्त होंय तेसें देहीन्को

पुष्टिप्रवाहमर्यादाभेदः

२१०

तथा ब्रह्मकुं अपनी आत्मारूप मानिवेवारे ज्ञानीन्को सुखसूं प्राप्त नाही होय हें” इत्यादिक युक्तीन्करिकेहु पुष्टिमार्गसूं प्रवाहमार्ग तथा मर्यादामार्ग भिन्न हे ॥६॥

एसें प्रवाह तथा मर्यादामार्गते पुष्टिमार्ग भिन्न हे सो सूत्र तथा युक्तिसूं सिद्ध करिके विन (मार्गन्)के जीव, (जीवन्के) देह तथा कृति के भेदको निरूपण करत हें:

जीव-देह-कृतीनां च भिन्नत्वं नित्यता श्रुतेः ॥

यथा तद्वत् पुष्टिमार्गं द्वयोरपि निषेधतः ॥७॥

प्रमाणभेदाद् भिन्नो हि पुष्टिमार्गो निरूपितः ॥

यथा = जेसें	नित्यता = नित्यपनों
पुष्टिमार्गं = पुष्टिमार्गमें	च = हु (सिद्धयति = सिद्ध होय हे)
श्रुतेः = वेदसूं	द्वयोः = दोनोंको अपि = भी
जीवदेहकृतीनां = जीव-देह-कृतिको	निषेधतः = निषेधसूं (किञ्च = ओर)
भिन्नत्वं = अलगपनों (अस्ति = हे)	प्रमाणभेदात् = प्रमाणके भेदसूं
तद्वत् = वेसें	पुष्टिमार्गः = पुष्टिमार्ग
भिन्नः = अलग	निरूपितः = निरूपित कियो हे

भावार्थ : जेसें तीनोंके जीव, देह तथा कृति भिन्न-भिन्न हें तेसें श्रुतिके प्रमाणसूं ब्रह्मवादमें जीवन्की नित्यता हे तेसी नित्यताको प्रवाह तथा मर्यादा मार्गी जीवन्के विषे निषेध होयवेसूं प्रमाणके भेदसूंहु पुष्टिमार्ग दोउ मार्गन्सूं भिन्न हे.

टीका : प्रवाहमार्गवारे जीव आसुर हें, विनके देह भगवद्भजनसूं प्रतिकूल हें, विनकी क्रिया स्वार्थकेलिये ओर दूसरेको दुःख देयवेकी हे.

ओर मर्यादामार्गीय जीव दैव हें, विनके देह वैदिकधर्म तथा भगवत्पूजादिक

पुष्टिप्रवाहमर्यादाभेदः

२११

शास्त्रोक्त धर्मके अनुकूल हें. विनकी कृति अग्निहोत्रादिक श्रौत-स्मार्त कर्म करिवेकी तथा ज्ञानादिकके अनुकूल त्यागादिक करिवेकी हे.

ओर पुष्टिमार्गीय जीव हें सो दैव*हें तथापि भगवान्के अनुग्रहविशिष्ट हें. विनके देह भगवत्सेवामें अनुकूल तथा भगवत्स्वरूपमेंही आसक्त (हे). विनकी कृति लौकिक-वैदिक फलन्की इच्छासों रहित होयके भगवत्सेवा करिवेकी तथा साक्षात् पुरुषोत्तम सम्बन्धि फल मिलवेकी हे.

एसें तीनोंके जीव, देह तथा कृति जेसें भिन्न-भिन्न हें तेसें श्रुतिके प्रमाणसूं ब्रह्मवादमें जीवन्की नित्यता हे. विशिष्टाद्वैत तथा द्वैतमार्ग में अनित्यता हे ओर मायावादमें मायिकत्व हे. यद्यपि एसें अपने-अपने मतके अनुसार सबजीवनकुं सब समानही माने हें; तथापि “भगवान्को कीर्तन करिवेवारे जीव ध्रुव (नित्य) हें” एसें श्रुतिमें लिख्यो हे. ओर “जेसें भक्तिवारेन्को भगवान् सुखसूं प्राप्त होय हें तेसें ओर देहीन्को तथा ज्ञानीन्को प्राप्त नाही होय हें” एसें श्रीभागवतमें लिख्यो हे. तासूं प्रवाही तथा ज्ञानीन् को निषेध करिके “जिनको सुखसूं प्राप्त होय हे” एसें लिख्यो हे तासूं अनुग्रह विशिष्ट पुष्टिमार्गीय जीव भिन्न हें एसो सिद्ध होय हे. एसें प्रमाणके भेदसूं पुष्टिमार्ग भिन्न निरूपित कियो हे वाहि रीतिसूं प्रवाह ओर मर्यादाकोहु भेद समजनो ॥७^{१/२}॥

अब (आगे जायके) प्रमाणबलकरिके तथा साधनके भेदकरिके तीनों मार्गन्को भेद (बतावनो हे. सो भेद) सिद्ध करिवेकेलिये ऊपर बताये एसे जीवादिकन्के भेदयुक्त अविच्छिन्नसर्गको जो भेद हे ताकरिके पुष्टिको भेद सिद्ध करिवेकेलिये (या श्लोकमें) सामान्य(रूप)सूं सर्गके भेदको निरूपण करत हें:

सर्गभेदं प्रवक्ष्यामि स्वरूपाङ्ग-क्रियायुतम् ॥८॥

इच्छामात्रेण मनसा प्रवाहं सृष्टवान् हरिः ॥

वचसा वेदमार्गो हि पुष्टिं कायेन निश्चयः ॥९॥

स्वरूपाङ्ग-क्रियायुतं = स्वरूप अङ्ग- वचसा = वाणिसूं

पुष्टिप्रवाहमर्यादाभेदः

२१२

ओर क्रिया के साथ	वेदमार्ग = वेदमार्गकुं
सर्गभेद = सृष्टिको भेद	हि = निश्चयही
प्रवक्ष्यामि = आछी भांतिसों कहुं हूं	कायेन = शरीरसूं
हरिः = श्रीकृष्ण	पुष्टिं = पुष्टिकुं
इच्छामात्रेण = इच्छामात्रसूं	सृष्टवान् = रच्यो हे(इति = एसो)
मनसा = मनसूं, प्रवाहं = प्रवाहकुं	निश्चयः = निश्चय (अस्ति = हे)

भावार्थ : स्वरूप = जीव, अङ्ग = देह ओर क्रिया युक्त सृष्टिको भेद कहुंगे। जिनको सर्वदा एकीभाव हे एसे हरि इच्छामात्रसूं मनकारिके प्रवाहमार्गकुं, वचनकारिके वेदमार्ग (मर्यादामार्ग) कुं ओर कायाकारिके पुष्टिमार्गकुं सृजतभये।

टीका : इतनें एकादशस्कन्धमें “वैकारिक अहङ्कारके कार्यरूप मनसूं सृष्टि भई हे” एसें लिख्यो हे। तेसें वेदमेंहु मनसूं सृष्टि भई हे एसें लिख्यो हे सो प्रवाहसृष्टि हे। तामें मायाहु सङ्ग कारणभूत हे सो आसुररूप मायिक सृष्टि हे। वा सृष्टिके अभिप्रायसूं हि जगत् मायिक हे एसें कितनेक माने हें।

वचनसूं मर्यादासृष्टि भई हे सो माण्डूक्य उपनिषद्में लिख्यो हे जो “ॐ कारसूं हि सबनकी उत्पत्ति हे। भूत भविष्यत् ओर वर्तमान जो कछु हे सो सब ॐ कारकोही उपव्याख्यान हे”। तेसें एकादशस्कन्धमेंहु परा, पश्यन्ति, मध्यमा ओर वैखरी ये चारों प्रकारकी वाणीकी उत्पत्ति लिखिके वासूंही जगतकी उत्पत्ति लिखि हे। सो प्रभुकी वाणी वेदरूप हे ओर वेद हे सो साक्षात् नारायण हे, तासूं वेदसूं सृष्टि भई हे सो मर्यादामार्गकी सृष्टि हे।

ओर पुरुषविधब्राह्मणकी श्रुतिमें “एक आत्माके दो विभाग किये। तामेंसूं पति ओर पत्नी भये” एसें लिख्यो हे। तासूं आनंदात्मक स्वरूपसूंही अनेक प्रकारके भये, सो कायासूं सृष्टि भई हे सो पुष्टिसृष्टि हे।

इतनें प्रभूनों वीररसको अनुभव करिवेकी इच्छा भई तब अपनो अंश होय

पुष्टिप्रवाहमर्यादाभेदः

२१३

सो अपनी विरूद्ध होय नहीं तासूं मायामेंसूं आसुरी जीव उत्पन्न किये, सो प्रवाहसृष्टि भई। तथा जीवन्के दुःखकी निवृत्ति केलिये वेदमार्ग प्रकट कियो तामें प्रीतिवारे जीव अक्षरब्रह्मसूं भये सो मर्यादासृष्टि भई। ओर जीवनों

भजनानन्दको दान करिवेकेलिये अपने आनन्दात्मक स्वरूपसूं जीव उत्पन्न किये सो पुष्टिसृष्टि भई।

अर्थात् प्रावाहिक सृष्टि प्रभुके मनतें मायासूं उत्पन्न भई हे, मर्यादासृष्टि प्रभुके मनपूर्वक वचनतें अक्षरब्रह्मसूं भई हे ओर पुष्टिसृष्टि प्रभुके मन तथा वचनपूर्वक स्वरूपसूं भई हे। एसें तीनों प्रकारकी सृष्टि प्रभूनों करी हे ॥८-९॥

विशेष :

१. सहज आसुर तथा आसुरावेशी एसे दोय प्रकारके प्रावाहिक जीव हें। तिनमें आसुरावेशी मुक्त होय हें ओर सहज आसुर हे सो अन्धन्तममें जाय हें।

२. सङ्कर्षण हें सो वेदरूप हें ओर शब्दब्रह्म तथा अक्षरब्रह्म संकर्षणकोही स्वरूप हें तासूं अक्षरब्रह्मसूं सृष्टि हे सो वेदसूंही सृष्टि भई हे एसे समजनी।

प्रावाहिक सृष्टिको उपादानकारण माया हे तथा मर्यादासृष्टिको उपादानकारण अक्षरब्रह्म हे ओर पुष्टिसृष्टिको उपादानकारण प्रभुको स्वरूप हे -९० एसें तीनों सृष्टिको उपादानकारण भिन्न-भिन्न हे तथापि जेसें ताम्र, रूप्य ओर सुवर्ण रूप भिन्न-भिन्न उपादानकारणसूं तीन घट भये होंय परन्तु जललायवेरूप कार्य तो तीनों घटको समान ही होय हे; ओर व्रीहि तथा यव के पुरोडाशसूं यज्ञ तथा फल समानही होय हे तेसें तीनों सृष्टिकुं फल समानही होयगो एसी कोउ शङ्का करे तहां कहत हें:

मूलेच्छातः फलं लोके वेदोक्तं वैदिकेऽपि च ॥

कायेन तु फलं पुष्टौ भिन्नेच्छातोऽपि नैकधा ॥१०॥

लोके = लोकमें

फलं = फल(भवति = होय हे)

पुष्टिप्रवाहमर्यादाभेदः

२१४

मूलेच्छातः = मूल इच्छासूं,	च = ओर, वैदिके = वैदिकमें
अपि = तोफलं =	फल (एवं = एसे)
वेदोक्तं = वेदमें कह्यो भयो	भिन्नेच्छातः = इच्छाके भिन्न होयवेसूं
(फलं = फल) पुष्टौ = पुष्टिमें	अपि = भी
तु = तो, कायेन = कायासूं	एकधा = एक प्रकारसों, न = नाही

भावार्थ : अविच्छिन्न सृष्टि चली जाय एसी मूल इच्छासूं प्रावाहिक जीवनकों लौकिक फल होय हे. मर्यादामार्गीय जीवनकों वेदमें कह्यो हे सो फल मिले हे. ओर पुष्टिमार्गीय जीवनकों प्रभूके स्वरूपकरिके फल मिले हे. ऐसैं फलहु एक प्रकारसों नाही होत हे.

टीका : अविच्छिन्न सृष्टि चली जाय एसी मूल इच्छासूं प्रावाहिक जीवनकों लौकिक फल होय हे. तामें सहज आसुरजीव हैं सो जन्म - मरणतें लेके अन्ततो गत्वा अन्धन्तममें जाय हैं ओर आसुरावेशी हैं सो कामनामें आसक्त होयकें धूममार्गमें यज्ञादिककरिके आवागमन करत - करत आसुरावेश मिट जाय तब मुक्त होंय हैं. तथा मर्यादामार्गीय जीवनकों वेदमें कह्यो हे सो फल मिले हे. तामें निष्काम यज्ञादिक करिवेवारेन्कों आत्मसुख मिले हे ओर सकाम करिवेवारेन्कों स्वर्गादिक लोकको सुख मिले हे. पुष्टिमार्गीय जीवनकों प्रभूके स्वरूपकरिके फल मिले हे. इतने वेणुगीतमें श्रुतिरूपा श्रीगोपीजननने इन्द्रियवारेन्कों भजनानन्दरूप जो उत्तम फल कह्यो हे सो फल मिले हे. ऐसैं भिन्न - भिन्न इच्छा हे तथा फलकोहु भेद हे तासूं एक प्रकारकी सृष्टि तथा एक प्रकारके मार्ग नाही हैं.

मूलमें 'नैकता' एसोहु पाठ हे ताको अर्थ एसो हे जो सर्ग तथा मार्गन् की एकता नाही हे ॥१०॥

तीनों मार्गन्के जीवनकों चिद्रूपनो समान हे तथापि तीनोंके जूदे-जूदे धर्म हैं तासूं फलमें भेद हे ऐसैं सिद्ध करनो हे. तामें प्रावाहिक जीवनको धर्म अत्यन्त भिन्न हे तासूं प्रथम प्रावाहिकनको निरूपण करत हैं:

पुष्टिप्रवाहमर्यादाभेदः

२१५

“तानहं द्विषतो” वाक्याद् भिन्ना जीवाः प्रवाहिणः ॥
अत एवेतरौ भिन्नौ सान्तौ मोक्षप्रवेशतः ॥११॥

तान् = विनकुं, अहं = मैं	अतः = यासूं, एव = ही
द्विषतो = द्वेष करिवेवारे (इति = या)	इतौरौ = दूसरे दो
वाक्यात् = वाक्यसूं	मोक्षप्रवेशतः = मोक्षमें प्रवेश
प्रवाहिणः = प्रवाही	करिवेवारे होयवेसूं
जीवाः = जीव	सान्तौ = अन्तवारे
भिन्नाः = अलग (सन्ति = हैं)	भिन्न = अलग (स्तः = हैं)

भावार्थ : गीताजीमें कह्यो हे जो “द्वेष करिवेवारे ... प्रवाहिनकों मैं सर्वदा आसुरी योनिमें डारूं हूं” (भग.गीता १६।१९) तासूं प्रावाहिक जीव मर्यादामार्गीय तथा पुष्टिमार्गीय जीवनसूं भिन्न हैं. ओर मर्यादामार्गीय जीवनकों अक्षरब्रह्मप्राप्तिरूप मोक्ष होय हे तथा पुष्टिमार्गीय जीवनकों पुरुषोत्तममें प्रवेश होय हे तासूं ये अन्त सहित हैं; इतने विन दोउन्को जीवभाव निवृत्त होय हैं.

टीका : इतने भगवान्को द्वेष करनो येही जिनको धर्म हे सो आसुरीजीव हैं. तिनको अन्तमें अन्धन्तममें प्रवेश हे. एक मूलरूप तथा अवताररूप को द्वेष, दूसरो विभूति प्रभृतीन्को द्वेष ओर तीसरो जगद्रूपको द्वेष - ऐसैं तीन प्रकारको भगवान्के प्रति द्वेष हे. तामें मूलरूप तथा अवातररूप को द्वेष करिवेवारेन्कों बहोत करिके भगवान्ही मारे हैं, तासूं मुक्त होय हैं. तथा विभूत्यादिकको द्वेष करिवेवारे द्वेषको त्याग करें तब मुक्त होंय हे. ये दोय आसुरावेशी हैं. ओर जगद्रूपको द्वेष करिवेवारे सहज-आसुर हैं सो काउ दिन मुक्त न होंय. विनको अन्धन्तममेंही प्रवेश होय हे. क्योँ जो जगतको द्वेष करिवेमें भगवद्भक्तनकोहु द्वेष होय हे. तासूंही दशमस्कन्धमें अक्रूरजीने धृतराष्ट्रकुं कह्यो हे जो

“अधर्मकरिके जाको पोषण करे हे सो पोषण करिवेवारेकों छोड़त हैं”. ताको श्रीसुबोधिनीजीमें निर्णय कियो हे जो “प्राण, स्त्री, पुत्रादिकको अधर्मसूं पोषण कियो होय सो सब वाकों छोड़ देत हैं ओर केवल जीव अन्धन्तममें जाय हे”. एसे द्वेष करिवेवारे प्रवाहिजीव हैं. तासूंही मर्यादामार्गीय तथा पुष्टिमार्गीय जीव

पुष्टिप्रवाहमर्यादाभेदः

२१६

भिन्न हैं. ओर मर्यादामार्गीय जीवनों अक्षरब्रह्म प्राप्तिरूप मोक्ष होय हे तथा पुष्टिमार्गीय जीवनों पुरुषोत्तममें प्रवेश होय हे. तासूं ये अन्त सहित हैं; इतने विन दोउनोंको जीवभाव निवृत्त होय हे ॥११॥

एसें तीनों मार्गनके लक्षण तथा फलके भेदको निरूपण कियो. ता करिके जो सिद्ध भयो सो कहत हैं:

**तस्माज् जीवाः पुष्टिमार्गे भिन्नाएव न संशयः ॥
भगवद्-रूपसेवार्थं तत्सृष्टिर् नान्यथा भवेत् ॥१२॥**

तस्मात् = यासूं	तत्सृष्टिः = वो सृष्टि
पुष्टिमार्गे = पुष्टिमार्गमें	भगवद्-रूपसेवार्थं = श्रीकृष्णकी-
जीवाः = जीव, भिन्नाः = अलग	रूपसेवाकेलिये, (अस्ति = हे)
एव = ही (सन्ति = हैं)	अन्यथा = ओर तरहसूं
संशयः = शङ्का	न = नाही
न = नाही (अस्ति = हे)	भवेत् = होवे हे

भावार्थ : तासूं पुष्टिमार्गीय जीव हैं सो दूसरे मार्गनके जीवनों भिन्न हैं वामें संशय नाही हे. यदि पुष्टिमार्गीय जीव भिन्न न होंय तो भगवद्रूपकी सेवाकेलिये पुष्टिमार्गीय जीवनोंकी सृष्टि न होय.

टीका : तासूं पुष्टिमार्गीय जीव हैं सो दूसरे मार्गनके जीवनों भिन्न हैं वामें संशय नाही हे. इतने वाराहपुराणमें कह्यो हे जो “ब्रह्माजीकी सृष्टिसूं जुदी ये सृष्टि कोउ अन्यही हे” एसो वाक्य हे. तासूं पुष्टिमार्गीय जीव सबनसूं भिन्नही हैं. यदि पुष्टिमार्गीय जीव भिन्न न होंय तो भगवद्रूपकी सेवाकेलिये पुष्टिमार्गीय जीवनोंकी सृष्टि न होय. इतने “प्रभु अकेले आत्मरमणमेंही हते. तब बाहिर कोउ नाही हतो. तासूं रमण नाही करत भये. क्यों जो अकेले हते तब रमण नाही करत हते सो (रमण करिवेकेलिये) दूसरेकी इच्छा करतभये” एसे श्रुतिमें कह्यो हे. तासूं

पुष्टिप्रवाहमर्यादाभेदः

२१७

इच्छाकरिके सबजगद्रूप भये हैं सो न होते. अर्थात् नामसेवा तो मर्यादासृष्टि करत हे परन्तु रूपसेवा वासूं बराबर नाही होय सके तासूं रूपसेवाकेलियेही पुष्टिसृष्टि हे. सो प्रवाह ओर मर्यादा सूं भिन्न न होय तो पुष्टिसृष्टि करिवेको जो प्रयोजन हतो सो सिद्ध न भयो तब पुष्टिसृष्टि न होय तब रमण करिवेकेलिये प्रभु जगद्रूप भये हैं एसें श्रुतिमें कह्यो हे सो व्यर्थ होय. तासूं प्रभुनके रमणार्थ ये पुष्टिसृष्टि हे सो सबनसूं भिन्न हे ॥१२॥

एसें सृष्टिके भेदसूं सबनके साधन भिन्न - भिन्न हैं, तासूं एक-दूसरेके साधन मिल नाही जाय हैं. तोहु लीलासृष्टिमें उत्पन्न भये एसे भक्तनके स्वरूप, देह तथा क्रियामें कछु तारतम्य नाही दिखवेमें आवत हे; तब उपर(के श्लोकनमें) जो सृष्टि प्रभृतीनको भेद सिद्ध कियो हे सो व्यर्थ हे एसी काहुको शङ्का होय ताकी निवृत्तिकेलिये तारतम्य कहत हैं:

**स्वरूपेणावतारेण लिङ्गेन च गुणेन च ॥
तारतम्यं न स्वरूपे देहे वा तत्क्रियासु वा ॥१३॥
तथापि यावता कार्यं तावत् तस्य करोति हि ॥**

स्वरूपेण = स्वरूपसूं	तत्क्रियासु = उनकी क्रियामें
अवतारेण = अवतारसूं	तारतम्यं = भेद
लिङ्गेन = चिह्नसूं, च = ओर	न = नाही (अस्ति = हे)
गुणेन = गुणसूं, च = भी	तथापि = तोहु, यावता = जितनो
(पुष्टिजीवानां = पुष्टिजीवनके)	कार्यं = कार्यकु, तावत् = उतनो
स्वरूपे = स्वरूपमें, वा = अथवा	तस्य = वाको, करोति = करे
देहे = देहमें, वा = अथवा	हि = हि

भावार्थ = भक्तनके स्वरूप देह अथवा क्रियानमें स्वरूपकरिकें अवतारकरिकें, चिह्नकरिकें ओर गुणकरिकें भगवानसूं यद्यपि तारतम्य नाही हे तथापि जितने तारतम्यसूं रमणात्मक कार्य सिद्ध होय तितनो भक्तनमें तारतम्य भगवान् करें हैं.

पुष्टिप्रवाहमर्यादाभेदः

२१८

टीका : इतने भगवान् जेसैं आनन्दरूप रसघन हें तेसैं भक्तहु हें. जेसैं अलौकिक रीतिसूं शुद्धसत्त्वमेंही भगवान्को अवतार होय हे तेसैंही भक्तन्को अवतार हे. जेसैं ध्वजा वज्र यव अङ्कुश कमल प्रभृति भगवान्के चिह्न हें तेसैंही भक्तन्केहु होत हें. जेसैं भगवान्के ऐश्वर्यादिक ओर सौकुमार्यादिक गुण हें तेसैंही भक्तन्के हें. तासूं, इन सब धर्मन्करिकें भगवान्के स्वरूपसूं भक्तन्के स्वरूपमें तथा भगवान्के देहसूं भक्तन्के देहमें तथा भगवान्की क्रियासूं भक्तन्की क्रियामें तारतम्य नाहीं हे. अर्थात् भगवान्के समानही हें. तथापि जितने तारतम्यसों सब प्रकारकी लीला सिद्ध होय तितनो तारतम्य भगवान् भक्तन्में करत हें ॥१३^{१/२}॥

एसैं स्वभावके भेद प्रभृति सब सन्देहनकुं दूर करिके कितनेकन्की भगवान्के कहे भये भक्तिमार्गमें प्रवृत्ति होत हे, कितनेकन्की भगवान्के कहे भये ज्ञानमार्गमें प्रवृत्ति होय हे ओर कितनेकन्की भगवान्के कहे भये कर्ममार्गमें प्रवृत्ति तथा आसक्ति होय हे. तामेंहु कितनेकन्को, शास्त्रमें करिवेको लिख्यो हे तासूं यामें अवश्य प्रवृत्ति करनी चाहिये, एसैं शास्त्रविधिके बलसूं प्रवृत्ति होय हे ओर कितनेकन्को स्नेहसों प्रवृत्ति होय हे. तेसैं कितनेकन्के स्वभावसूं विरुद्ध देहादिक होय हें ओर कितनेकन्के स्वभावके अनुकूल देहाहिक होय हें, सो क्यों हें ? इत्यादिक सन्देहनकुं मिटायवेकेलिये पुष्टिजीवनको विभाग कहत हें :

ते हि द्विधा शुद्ध-मिश्र-भेदान् मिश्रास् त्रिधा पुनः ॥१४॥

प्रवाहादि-विभेदेन भगवत्-कार्यसिद्धये ॥

पुष्ट्या विमिश्राः सर्वज्ञाः प्रवाहेण क्रियारताः ॥१५॥

मर्यादया गुणज्ञास्ते शुद्धाः प्रेम्णाऽतिदुर्लभाः ॥

ते = वे, हि = अवश्यही

शुद्ध-मिश्रभेदात् = शुद्ध ओर

मिश्रके भेदसों, द्विधा = दोय प्रकारके

पुनः = ओर फिर

भगवत्कार्यसिद्धये = भगवत् कार्यकी-

प्रवाहेण = प्रवाहसूं

विमिश्राः = विशेषकरिकें मिश्र

क्रियारताः = क्रिया परायण

(भवन्ति = होंय हे)

मर्यादया = मर्यादासूं

पुष्टिप्रवाहमर्यादाभेदः

२१९

सिद्धिकेलिये, मिश्राः = मिश्र

प्रवाहादिविभेदेन = प्रवाह आदिके भेदसूं

त्रिधा = तीन प्रकारके (सन्ति = हें)

पुष्ट्या = पुष्टिसूं

विमिश्राः = विशेषकरिकें मिश्र

सर्वज्ञाः = सबकछु जानिवेवारे

(भवन्ति = होंय हे)

(विमिश्राः = विशेषकरिकें मिश्र)

गुणज्ञाः = गुणनकुं जानिवेवारे

(भवन्ति = होंय हें)

(किंच = ओर) प्रेम्णा = प्रेमकरिकें

शुद्धाः = शुद्ध, ते = व

अतिदुर्लभाः = अत्यन्त दुर्लभ

(भवन्ति = होंय हें)

भावार्थ : शुद्धपुष्ट ओर मिश्रपुष्ट एसैं भेदसूं वे पुष्टजीव दोय प्रकारके हें. तामें पुनः भगवान्के कार्यकी सिद्धिकेलिये प्रवाहादिकके भेदकरिकें मिश्रपुष्ट तीन प्रकारके हें. तामें पुष्टिकरकें मिश्र जो पुष्टजीव हें सो सर्वज्ञ हें अर्थात् भगवान्के अभिप्रायकु जानिवेवारे हें. तथा प्रवाहकरिकें मिश्र पुष्टजीव हें सो क्रियामें प्रीतिवारे हें. ओर मर्यादाकरिकें मिश्र जो पुष्टजीव हें सो भगवान्के गुणकुं जानिवेवारे हें अर्थात् भगवान्के गुणन्मेंही आसक्त रहे हें. एसैं मिश्रपुष्टके तीन भेद हें. ओर शुद्धपुष्ट हें सो केवल प्रेमकरिकें हें; अर्थात् शुद्धपुष्टजीवन्को भगवान्में अत्यन्त प्रेम होय हें एसैं भक्त अतिदुर्लभ हें.

टीका : इतने मिश्रपुष्ट तथा शुद्धपुष्ट एसैं दो प्रकारके पुष्टजीव हें तामें मिश्रपुष्टके मुख्य तीन भेद हें.

अर्थात् जिनके ऊपर अनुग्रह हे एसे जीवके ऊपर दूसरो अनुग्रह मिले तब ये जीव 'पुष्टिमिश्र पुष्टजीव'^१ कहे जाय हें. अनुग्रहयुक्त जो जीव होंय सो शास्त्रोक्त ज्ञानादिक मर्यादामें प्रीतिवारे होंय सो 'मर्यादामिश्र पुष्टजीव'^२ कहे जाय हें. ओर प्रवाहकरिकें मिश्रित जो पुष्टजीव हें सो क्रियामें ही प्रीतिवारे होय हें. अर्थात् पञ्चरात्रादिक तन्त्रन्में जो पूजाको प्रवाह कह्यो हे वाही प्रकारसूं पूजादिक क्रिया करिवेमें प्रीतिवारे जो जीव हें सो 'प्रवाहमिश्र पुष्टजीव'^३ कहे जाय हें.

पुष्टिप्रवाहमर्यादाभेदः

२२०

*इतने प्रथमसू सामान्य रीतिसू जिन जीवनके ऊपर अनुग्रह होय हे सो फिर विशेषानुग्रहको प्राप्त होय हैं सो 'पुष्टिमिश्र पुष्टिजीव' जाननें. सो भगवान्के अभिप्रायतांड सब जानिवेवारे होय हैं. ओर पुष्टिजीव मर्यादा मिश्रित होय सो भगवान्के धर्मकुं कछुक जानिके तीर्थाटन परायण होय हैं.

प्रवाहिजीव पुष्टि मिश्रित हैं सो भगवान्के भजनके अनुकूल क्रियाकुं अनुसरिवेवारे होय हैं. तथा प्रवाहिजीव मर्यादा मिश्रित हैं सो कर्म करिवेवारे होय हैं. ओर प्रवाहिजीव प्रवाह मिश्रित हैं सो केवल लौकिकक्रियामें प्रीतिवारे होय हैं, वेही आसुरीजीव कहे जाय हैं.

ओर मर्यादामार्गीय पुष्टि मिश्रित हैं सो भगवान्के माहात्म्यकुं जानिके भगवान्की प्रीतिकेलिये कर्म करिवेवारे होय हैं. तथा मर्यादामार्गीय जीव मर्यादा मिश्रित हैं सो स्वर्गादिक फलकेलिये कर्म करिवेवारे होय हैं. ओर मर्यादामार्गीय जीव प्रवाह मिश्रित हैं सो लौकिक फलकेलिये कर्म करिवेवारे होय हैं.

एसें मिश्रजीवके नव भेद हैं. ओर अत्यन्त प्रेमकरिकें भगवान् सिवाय अन्यस्फूर्ति रहित हैं सो शुद्धपुष्टिजीव हैं. एसे भक्त अति दुर्लभ हैं. भगवान्के रमणको पात्र यह जगत् हे तासूं रमणरूप भगवान्को कार्य सिद्ध होयवेकेलिये एसे जुदे-जुदे प्रकारके जीवनकी सृष्टि हे. क्यों जो विचित्रता विना रमण सिद्ध होय नाहीं तासूं विचित्र जीवनकी सृष्टि करी हे ॥१५^{१/२} ॥

विशेष : * इहांसूं श्रीकल्याणरायजीकी टीकाके अनुसार जीवनके भेद लिखे हैं.

एसें जीवनमें जुदे - जुदे भेद हैं. तासूं विनके देह तथा क्रियादिकनमेंहु जुदो - जुदो भेद दीखवेमें आवे हे. तिनमें पुष्टिजीवन्को फल कायाकरिकें हे एसें प्रथम निरूपण कियो हे. तामें कितनेक भक्तनकुं भगवान्की बाल्यावस्थाको सुख मिले हे, कितनेकनकुं पौगण्डावस्थाको सुख मिले हे ओर कितनेकनकुं किशोरादिक अवस्थाको सुख मिले हे. एसें शुद्धपुष्टिजीवोंहु जुदे-जुदे प्रकारको फल दीखवेमें आवे हे. सो शुद्धपुष्टिभक्तनको जुदो-जुदो फल क्यों होय ? एसी शङ्का मिटायवेकेलिये कहत हैं:

पुष्टिप्रवाहमर्यादाभेदः

२२१

एवं सर्गस्तु तेषां हि फलं त्वत्र निरूप्यते ॥१६ ॥
भगवानेव हि फलं स यथाविर्भवेद् भुवि ॥
गुण-स्वरूप-भेदेन तथा तेषां फलं भवेत् ॥१७ ॥

एवं = या प्रकारसूं	फलं = फल, स = वो
तेषां = विनकी, सर्गः = सृष्टि	भुवि = पृथ्वीपे
तु = तो (निरूपितं = निरूपित करी)	गुणस्वरूपभेदेन = गुण ओर-
अत्र = यहां, तु = तो	स्वरूपके भेदसों, यथा = जा प्रकारसों
फलं = फलको	आविर्भवेत् = प्रकट होय हे
निरूप्यते = निरूपण करे हैं	तथा = वा प्रकारसों
हि = निश्चय	तेषां = विनकुं, फलं = फल
भगवान् एव = भगवान् ही	भवेत् = होय हे

भावार्थ : एसें जीवनको सर्ग जुदो - जुदो हे. तामें पुष्टिमार्गीय जीवनके फलको निरूपण करत हैं. पुष्टिमार्गमें गुण ओर स्वरूप के भेदकरिकें भगवान् जेसें प्रकट होय तेसें पुष्टि जीवनको फल होय हे.

टीका : इतने भगवान्के स्वरूपहीमें आसक्तिवारे जो पुष्टिजीव हैं तिनके हृदयमें अथवा गृहमें अथवा वृन्दावनादिक स्थानमें इनकुं अपने स्वरूपको आनन्द देवेकेलिये बाल्य, किशोरादिक अवस्थायुक्त स्वरूपकरिकें भगवान् जेसें प्रकट होय हैं तेसो सुख तिनको प्राप्त होय हे. परन्तु सब पुष्टिभक्तनकुं भगवान्को स्वरूपानन्दात्मकही फल मिले हे ॥१७ ॥

एसें पुष्टिमार्गको फल अन्य मार्गसूं नाहीं मिले हे एसें सिद्ध कियो. अब मिश्रपुष्टि जीवनमें कोउ स्थलमें शाप भयो होय एसो दीखवेमें आवे हे. सो गर्भस्तुतिमें कह्यो हे जो "ज्ञानमार्गीय जीव जेसें उत्तम पदकुं चढिके फेरि वहांसूं गिरत हैं तेसें आपके भक्त कबहु नाहीं गिरत हैं". तब पुष्टिमार्गीय जीवनको शाप

पुष्टिप्रवाहमर्यादाभेदः

२२२

होयके गिरनो योग्य नहीं हैं तो क्यों गिरत हैं ? एसी शङ्का होय तहां कहत हैं :

महानुभावाः प्रायेण शास्त्रं शुद्धत्वहेतवे ॥१९॥

आसक्तौ भगवानेव शापं दापयति क्वचित् ॥
अहङ्कारेऽथवा लोके तन्मार्गस्थापनाय हि ॥१८॥

आसक्तौ = आसक्ति होयवेपे

अथवा = या, अहङ्कारे = अभिमान- क्वचित् = कबहुक

होयवेपे, लोके = भूतलपे भगवान् = भगवान्

तन्मार्गस्थापनाय = वा मार्गकी एवं = एसें, शापं = शाप

स्थापनाकेलिये दापयति = दिवावे हैं

भावार्थ : मिश्रपुष्टजीवन्को अन्यमें आसक्ति होय अथवा अहङ्कार होय तो कोउ समय भगवान्ही विनको शाप दिवावे हैं. तेसें कोउ समय लोकमें मर्यादाको स्थापन करिवेकेलियेहु भगवान् शाप दिवावे हैं.

टीका : इतनें जेसें नलकूबर तथा मणिग्रीव कुं अप्सरामें आसक्ति भई तब नारदद्वारा शाप दिवायो. तेसें चित्रकेतुकुं तथा परीक्षितकुं अहङ्कार भयो तब चित्रकेतुकुं पार्वतीजीद्वारा ओर परीक्षितकुं शमीकके पुत्र शृङ्गीद्वारा शाप दिवायो. ओर इन्द्रद्युम्न राजाने अगस्त्यमुनि आये तब अभ्युत्थानादिक कियो नाहीं तब लोकमें मर्यादाको स्थापन करिवेकेलिये अगस्त्यद्वारा शाप दिवायो. एसें जहां मिश्रपुष्टजीवन्को शापादिक (अपराध ?) होय हे, (वहां) भगवान्ही तिनको दण्ड दिवायके फेरि पुष्टिमार्गहीमें स्थापन करे हैं; अथवा लोकमें मर्यादाको अतिक्रम न होय तासूं शापदिवावे हैं ॥१८॥

मिश्रपुष्टन्को भगवान्ही शाप दिवावे हैं एसें क्यों जानियें ? एसी शङ्का होय तहां कहत हैं :

न ते पाषण्डतां यान्ति न च रोगाद्युपद्रवाः ॥

पुष्टिप्रवाहमर्यादाभेदः

२२३

ते = वे

पाषण्डतां = पाखण्डपनेकुं

न यान्ति = प्राप्त नाहीं होय हैं

च = ओर (तेषां = विनकुं)

रोगाद्युपद्रवाः = रोग आदि उपद्रव

न = नाहीं (भवन्ति = होय हैं)

प्रायेण = अधिक करके (ते = वे)

महानुभावाः = महानुभाव

(भवन्ति = होय हैं)

शास्त्रं = शास्त्रकी

शुद्धत्वहेतवे = शुद्धिके कारण

(भवति = होवे हैं)

भावार्थ : जिनको भगवान् शाप दिवावे हैं वे भक्त, फारि लोक-वेद-भक्तिमार्गसूं विरुद्ध नाहीं होय हैं. तथा उनकुं रोगादि उपद्रवहु नाहीं होय हैं. बहोतकरके वे महानुभाव होय जाय हैं. विनकुं भगवान् शापरूप जो शिक्षा देय हैं सो केवल विनको मिश्रभाव मिटायके शुद्धप्रेमी करिवेकेलियेही समजो.

टीका : जिनको शाप होय सो भक्त पाषण्डी नाहीं होय हैं किन्तु अत्यन्त भक्त होय हैं. तासूंही भगवान्नेही दण्ड दियो हे एसें जानो. तेसें विनकुं रोगादिक उपद्रवहु नाहीं होय हैं. बहुतकरके वे महानुभाव होय हैं. तासूं अन्यकेलिये भगवान् भक्तन्को दुःख देय हैं ये दोषहु नाहीं हे. तथापि अल्पकारणमें इतनो दण्ड देनो कृपालु प्रभुकुं योग्य नाहीं हे एसें कोउ कहे तहां कहत हैं जो भगवान् शाप दिवावे हैं सो मिश्रपुष्टन्को शुद्धपुष्ट करिवेकेलिये दिवावे हैं. यदि भगवान् विनको शाप नाहीं दिवावे तो विनके मिश्रपनेकी निवृत्ति होय नाहीं, तब शुद्धपुष्टपनो होय नाहीं. तासूं शुद्धपुष्टपनो करिवेकेलिये शाप दिवावे हैं तामें विनको फलदेवेकी कृपाही कारण हे ॥१९॥

मिश्र पुष्टभक्तन्में जिनको शुद्ध करिवेकी इच्छा हे विनको उत्तम कहने चहिये तब एसेनकुं एसो भाव क्यों भयो ? एसें कोउ कहे तहां कहत हैं :

भवत्-तारतम्येन तारतम्यं भजन्ति हि ॥

पुष्टिप्रवाहमर्यादाभेदः

२२४

भगवत्तारतम्येन = प्रभुके स्वरूपके तारतम्यं = तर - तम भावकुं
 तारतम्यसौ, (ते = वे) हि = हु भजन्ति = प्राप्त होवे हैं

भावार्थ : “यदेकमव्यक्तमनन्तरूपं” या श्रुतिसौं मालुम पड़े हे के भगवान् अनेक रूपवारेहु हैं. तासौं भगवान् जेसे-जेसे स्वरूपभेदको स्वीकार करे हैं, विनके भक्तहु वेसे-वेसे भावके तारतम्यकौं ग्रहण करे हैं.

टीका : भगवान् अनन्तरूप हैं तासूं जा भगवत्स्वरूपमें भक्तिवारे मिश्रपुष्टजीव होंय वा स्वरूपमें जितनो तारतम्य होय वितनो तारतम्य जीवहु भुगते हैं. इतनें, व्यूहमें, कलामें, आवेशमें ओर पूर्णमें सूं जिनमें विनकी भक्ति होय तिन सबनके तारतम्यसूं मिश्रपुष्टभक्तकोहु तारतम्य होय हे. तासूंही सङ्कर्षणके उपासक चित्रकेतु पार्वतीके शापसूं वृत्रासुर होयके इन्द्रसूं जब युद्ध करत हते तब विनने सङ्कर्षणके चरणमेंही मनको निवेश कियो हतो. ओर इन्द्रद्युम्नराजा निर्गुणस्वरूपके उपासक हते, सो अगस्त्यमुनिके शापसूं गजेन्द्र भये तबहु स्तुतिमें (विननें) निर्गुण(स्वरूप)कोही वर्णन कियो हे. तेसैं भगवान्को स्वरूप तथा विनके भजनके प्रकारके तारतम्यसूं भक्तनकौं फलमेंहु तारतम्य होय हे. इतनें जेसी भक्ति होय तेसो भगवत्स्वरूपको आविर्भाव होय हे ओर वाही प्रमाण फल होय हे ॥१९१२॥

पुष्टभक्तनकौं जब केवल भगवत्परायणपनोही हे तब विनकौं श्रौत-स्मार्त कर्माचरण कर्तव्य हे किंवा नाहीं ? तेसैं जो भक्त श्रौत-स्मार्त कर्म करत हैं सो क्यौं करत हैं ? एसी शङ्काकी निवृत्तिकेलिये अब पुष्टजीवको स्वरूप जानिवेमें आवे तेसैं विनको लक्षण कहत हैं. तासूं वाही प्रसङ्गसौं सबनको लक्षण कहत हैं:

वैदिकत्वं लौकिकत्वं कापट्यात् तेषु नान्यथा ॥२०॥
 वैष्णवत्वं हि सहजं ततोऽन्यत्र विपर्ययः ॥

तेषु = विनमें न = नाहीं(अस्ति = हे)

वैदिकत्वं = वैदिकपनों (च = ओर) वैष्णवत्वं = वैष्णवपनो
 लौकिकत्वं = लौकिकपनों हि = ही, सहजं = सहज
 कापट्यात् = कपटसूं(अस्ति = हे) अन्यत्र = अन्य सब जगह
 अन्यथा = ओर तरहसूं ततः = वासूं, विपर्ययः = विरुद्ध
 (अस्ति=हे)

भावार्थ : पुष्टभक्तनमें वैदिकक्रिया ओर लौकिकक्रिया हे सो कपटपनेसूं हे, आसक्तिपनेसूं नाहीं हे. ओर वैष्णवपनो हे सो विनको स्वभावही हे. परन्तु मर्यादा जीव ओर लौकिक जीवन् में यासूं विरुद्ध होय हे. अर्थात् वैष्णवपनो कपटपनेसूं ओर वैदिकपनो स्वभावसूं तथा वैष्णवपनो कपटपनेसूं ओर व्यवहारासक्ति स्वभावसूं होय हे

टीका : सो गीताजीमें कह्यो हे जो “कर्ममें आसक्तिवारे अज्ञानी जन जेसैं कर्म करे हैं तेसैं कर्ममें आसक्त न होय सोहु लोककौं शिक्षा देवेकेलिये करे”. सो अपुनो भक्तपनो गुप्त राखिवेकेलिये वैदिककर्म तथा लौकिककर्म करिके अपनो वैदिकपनो तथा लौकिकपनो जतावे. तेसैंही भक्तनकुं हु वैदिक-लौकिक कर्म करिवेको कछु प्रयोजन नाहीं होत हे, तथापि विनकुं देखिके दूसरे लोगहु वैदिक तथा लौकिक मर्यादामें रहैं तासूं करनो, परन्तु आसक्तिसूं करनौं नाहीं. “कपटपनेसूं करनो” एसें जो कह्यो हे ताको येही अभिप्राय हे.

तथा मर्यादामार्गीय जीवन्को वैष्णवपनो तथा लौकिकपनो कपटसूंही होय हे ओर वैदिकपनो (मर्यादामार्गीयपनो) स्वाभाविक हे. ओर प्रवाही जीवन्को वैष्णवपनो तथा वैदिकपनो कपटपनेसूं हे ओर लौकिकपनो स्वाभाविक हे ॥२०१/२॥

पुष्टि, प्रवाह ओर मर्यादा एसें तीन प्रकारके जब जीव हैं तब कितनेक सबनमें समानदृष्टिवारे ओर सब धर्मनमें अभिनिवेशवारे क्यौं देखवेमें आवत हैं ? एसें जानिवेकी इच्छा होय तहां कहत हैं:

सम्बन्धिनस्तु ये जीवाः प्रवाहस्थास् तथाऽपरे ॥२१॥
 'चर्षणी'शब्द-वाच्यास् ते ते सर्वे सर्व-वर्त्मसु ॥
 क्षणात् सर्वत्वम् आयान्ति रुचिस् तेषां न कुत्रचित् ॥२२॥
 तेषां क्रियाऽनुसारेण सर्वत्र सकलं फलम् ॥

प्रवाहस्थान् प्रवक्ष्यामि स्वरूपाङ्ग-क्रियायुतान् ॥२३॥
 जीवास्ते ह्यासुराः सर्वे "प्रवृत्तिं चेति" वर्णिताः ॥
 ते च द्विधा प्रकीर्त्यन्ते ह्यज्ञ-दुर्ज्ञ-विभेदतः ॥२४॥
 दुर्ज्ञास्ते भगवत्प्रोक्ता ह्यज्ञास् तान् अनु ये पुनः ॥

ये = जो, सम्बन्धिनः = सम्बन्धवारे 'चर्षणी'शब्दवाच्याः = 'चर्षणी'नामसू-
 जीवाः = जीव, तथा = ओर(ये=जो) पहेचाने जांय हैं
 प्रवाहस्थाः = प्रवाहमार्गमें रहे भये ते = वे, सर्वे = सब जगह
 अपरा = दूसरे(जीवाजांय हैं सर्ववर्त्मसु = सबतरहसू बरतवेवारे
 ते = वे, तु=तो, सर्वे=सभी क्षणात् = क्षणभर, सर्वत्व = सर्वपनेकुं
 आयान्ति = प्राप्त होय हैं सर्वत्र = सब जगह, तेषां = विनकुं
 तेषां = उनकी, रुचिः = रुचि क्रियानुसारेण = क्रियाके अनुसार
 कुत्रचित् = कहुं, न = नाहीं सकलं = सकल, फलं = फल
 (भवति = होत हे) (भवति = होय हे)

भावार्थ : पुष्टि, प्रवाह ओर मर्यादा ये तीनों मार्गसू सम्बन्धवारे (मार्गके नाहीं)
 जो जीव हैं ओर विनसूह हीन दूसरे जो प्रवाहिजीव हैं सो सब मार्गमें क्षण - क्षणमें
 आवें-जावें हैं. परन्तु कोउ मार्गमें विनकी रुचि होत नाहीं हे. विनकों जेसी क्रिया
 करे ताप्रमाण सब मार्गमें किञ्चित् - किञ्चित् फल होय हे.

टीका : इतने पञ्चरात्रमें मध्यम ओर अधम जीव कहें हैं सो ये 'चर्षणीजीव' कहे
 जाय हैं. विनकी गति यमके आधीन हे. विनमेंसू जो तीनों मार्गके सम्बन्धवारे जीव
 हैं सो जन्म-मरणही लियो करत हैं. ओर प्रवाहिमें हैं तिनकी गति नरकमें
 हे ॥२२^{१/२} ॥

एसें प्रसङ्गसू आई भई सब हकीकत कहिके प्रवाहको भेद क्रमसू प्राप्त भयो
 हे ताको निरूपण करत हैं:

पुष्टिप्रवाहमर्यादाभेदः
 २२७

स्वरूपाङ्ग-क्रिया-युतान् = स्वरूप- प्रवक्ष्यामि = आछी भांतिसों कहूंगो
 अङ्ग ओर क्रिया सहित ते = वे, सर्वे = सभी
 प्रवाहस्थान् = प्रवाहमार्गिनकुं जीवाः = जीव, हि = निश्चितरूपसू
 आसुराः = आसुर (सन्ति = हैं) द्विधा=दो प्रकारके
 प्रवृत्तिं च = प्रवृत्ति ओर प्रकीर्त्यन्ते = कहे जांय हैं (ये = जो)
 इति = या प्रकारसू भगवत्प्रोक्ताः = भगवान्द्वारा कहे गये हैं
 वर्णिताः = वर्णित ते = वे, दुर्ज्ञाः = दुर्ज्ञ
 (सन्ति = हैं) च = ओर ये = जो, पुनः = फिर
 अज्ञ-दुर्ज्ञविभेदतः = अज्ञ तान् = विनकुं, अनु = अनुकरण हैं
 ओर दुर्ज्ञ एसे भेदसू ते=वे, अज्ञाः=अज्ञ हैं

भावार्थ : स्वरूप देह क्रियासू युक्त प्रवाहमार्गीय जीवनकुं मैं कहूंगो. "प्रवृत्तिं च
 निवृत्तिं च जना न विदुरासुराः" इत्यादि श्लोकन्सों गीताजीमें जिनको वर्णन
 भगवान्ने कियो हे वे सब 'आसुर' (प्रवाही) जीव हैं. वे जीव अज्ञ ओर दुर्ज्ञ इन
 दो भेदन्सों दो प्रकारके कहे हैं यह निश्चय हे. जो जीव उन आसुरनको अनुकरण
 करें हैं वे 'अज्ञ' कहे जांय हैं.

टीका : इतने, भगवान्ने गीताजीके षोडशाध्यायमें "आसुरीजीव प्रवृत्ति-निवृत्तिकुं
 नाहीं जाने हैं" इहांसू आरम्भ करिके "ता पाछें अधमगतिकुं प्राप्त होय हैं" यहां
 ताई जिन जीवनको निरूपण कियो हे सो सब आसुरीजीव हैं. तिनमें सब लक्षण
 यद्यपि सबन्में न होंय तथापि जितने लक्षण लिखे हैं तिनमेंसू कछुक लक्षणवारेहु
 जीव होंय तोहु आसुरजीव जाननें. सो जीव अज्ञ ओर दुर्ज्ञ एसे भेदसू दो प्रकारके

पुष्टिप्रवाहमर्यादाभेदः
 २२८

हैं. तामें गीताजीमें भगवान्नें जिनको स्वरूप लिख्यो हे सो 'दुर्ज्ञ' जाननें. ओर विन दुर्ज्ञ जीवनकुं अनुसरिवेवारे जो जीव हैं सो 'अज्ञ' जाननें. सो अज्ञ जीवनकुं दुर्ज्ञके सङ्गसूं भगवान् तथा भक्तनमें द्वेष भयो होय सो द्वेष जब छूटे तब अपनी प्रकृतिमें आय जाय हैं. विनको भगवान्के सङ्ग द्वेष होय तब यदि भगवान् स्वयं मारें तब मुक्त होंय. तासूं भगवान्ने मारे एसे जो-जो असुर मुक्त भये हैं सो सब अज्ञ जाननें ॥२४^{१/२}॥

ऊपरके निरूपणमें प्रावाहिकसर्ग आसुर ओर हीन कह्यो हे. तब एसी आसुर सृष्टिमें तो आसुर जीवकीही उत्पत्ति होनी चाहिये, भगवान्के अनुग्रहयोग्य जीवकी उत्पत्ति नहीं होनी चाहिये! ओर बलिराजा तथा प्रह्लाद आदिककी उत्पत्ति आसुरी कुलमें देखिवेमें आवत हे, ओर विनके ऊपर भगवान्को अनुग्रह देखिवेमें आवत हे सो केसें? एसें जानवेकी कोउकु इच्छा होय तहां कहत हैं:

प्रवाहेऽपि समागत्य पुष्टिस्थस् तैर् न युज्यते ॥२५॥

सोऽपि तैस् तत्कुले जातः कर्मणा जायते यतः ॥

॥ इति श्रीवल्लभाचार्यविरचितः पुष्टिप्रवाहमर्यादाभेदः सम्पूर्णः ॥

पुष्टिस्थः = पुष्टिमार्गमें रह्यो भयो	तैः = विनसूं (न = नहीं)
प्रवाहे = प्रवाहमार्गमें	युज्यते = मिलिजाय हे)
समागत्य = आयके, अपि = हु	यतः = क्योंके
तैः = विनके (सह = सङ्ग)	कर्मणाः = कर्मन्सूं
न=नाहीं, युज्यते=मिलिजाय हे	तत्कुले = वा कुलमें
सः = वो, अपि = हु	जातः = जन्मयो (अस्ति = हे)

भावार्थ : जो पुष्टिमार्गीय जीव हैं सो भगवान्को अथवा भक्तको अपराध करें तो आसुरकुलमें विनको जन्म होय हे. तथापि प्रवाहमें आयकेहु वे आसुरधर्ममें आसक्त नहीं होय हैं.

टीका : इतनें, पुष्टिमार्गीय जीव यदि प्रवाहमें आय जावे तोहु प्रवाहीनमें आगमन भयेसूं वे आसुरधर्मसों युक्त नहीं होय हैं. ओर भगवद् अपराध अथवा भक्तको अपराध कियो होय तो एसे कर्मकरिकें आसुरकुलमें जन्म होय हे. परन्तु, आसुरधर्म विनमें नहीं आवे हे. ओर जन्म होनों सो तो कर्मसूं होय हे. येही निबन्धमें भक्तिप्रकरणमें कह्यो हे जो “या भक्तिमार्गमेंहु वेदकी निन्दा करें अथवा अधर्म करें तो नरकमें तो प्राप्त न होय परन्तु हीन योनिमें जन्म होय” ॥२५^{१/२}॥

इहांसूं अगाड़ी प्रवाहमार्गीय जीवन्के प्रयोजन, स्वरूप, साधन, अङ्ग, क्रिया ओर फल तथा मर्यादामार्गीय जीवन्के प्रयोजन, स्वरूप, अङ्ग, क्रिया, साधन ओर फल विषे जितने ग्रन्थसूं जानिवेमें आवें तितनों ग्रन्थ होनो चाहिये. परन्तु आधुनिक जीवन्के प्रारब्धवश इहांसूं अगाड़ी ग्रन्थ मिले नहीं हे यासूं जितनो ग्रन्थ मिले हे तितनेको व्याख्यान लिख्यो हे (एसें श्रीपुरुषोत्तमजी लिखत हैं).

इति श्रीवल्लभाचार्य विरचित पुष्टिप्रवाहमर्यादाकी

गोस्वामि श्रीनृसिंहलालाजीमहाराज विरचित

टीका व्रजभाषामें सम्पूर्ण भई ॥

॥ सिद्धान्तरहस्यम् ॥

(१०)

जब श्रीठाकुरजीनें अपने मनमें इच्छित प्रकारवारो शुद्ध पुष्टिमार्ग प्रकट करिवेकी इच्छा करी तब, अपने मुखारविन्दरूप श्रीआचार्यजी श्रीमहाप्रभूजीको ही एसो भक्तिमार्ग प्रकट करिवेको सामर्थ्य जानिके, पृथ्वीके ऊपर प्रकट होयवेकी आज्ञा दीनी. तब श्रीआचार्यजीहु भगवान्को अभिप्राय जानिके, विनकी आज्ञाके अनुसार प्रकट होयके, भगवान्को इच्छित प्रकारवारो पुष्टिभक्तिमार्ग प्रकट करते भये. तामें अपने मार्गकी भक्तिको स्वरूप, सेव्य प्रभुको स्वरूप; तथा सेवाको प्रकार कहं दूसरे मार्गके प्रकारतें मिल न जावे ताकेलिये प्रमाणपूर्वक विलक्षणतासूं निरूपण कियो. एसें दूसरेहु धर्म, अर्थ, काम ओर मोक्ष ये चारों पुरुषार्थ तथा त्याग-विवेकादिक हु दूसरे मार्गसूं भिन्न निरूपण किये हैं. तथापि पूजामार्गमें दोषनिवृत्तिकेलिये भूतशुद्धि प्रभृति जेसें किये जाय हैं तेसें स्वमार्गमें सर्वदोषकी निवृत्तिपूर्वक सेवाके प्रकारको विचार नहीं कियो हे - एसें चिन्ता करिके जब श्रीआचार्यजी विचारमें परायण भये तब आनन्दमात्र कर-पाद-मुखोदरादिरूप श्रीठाकुरजी प्रकट होयके सेवामें प्रतिबन्ध करिवेवारे दोषन्की निवृत्तिको यथार्थ प्रकार जामें आय जाय हे; ओर जेसें अगाड़ीहु जीवन पर्यन्त सेवामें दोषको प्रवेश न होय तेसें उपदेश करत भये. वाही उपदेशकु अपने हृदयमें समझिके जा मासमें, जा पक्षमें, जा तिथिमें ओर जा समयमें श्रीठाकुरजीनें उपदेश कियो सो सब अपने भक्तनकुं जतायवेकेलिये कहत हैं:

श्रावणस्याऽमले पक्षे एकादश्यां महानिशि ॥

साक्षाद् भगवता प्रोक्तं तदक्षरश उच्यते ॥१॥

श्रावणस्य = श्रावणके	साक्षात् = साक्षात् (यत् = जो)
अमले अमल, पक्षे = पक्षमें	प्रोक्तं = कह्यो
एकादश्यां = एकादशीकुं	तद् = वो
महानिशि = मध्यरात्रिमें	अक्षरशः = अक्षर-अक्षर
भगवता = भगवान्द्वारा	उच्यते = कहिवेमें आवे हे

भावार्थ : श्रावणमासके शुक्लपक्षमें, एकादशी तिथिमें, मध्यरात्रिके समय साक्षात् भगवान्नें अपने अभिप्रायपूर्वक जो कह्यो हे सो एक-एक अक्षरसूं या ग्रन्थमें कह्यो जाय हे.

टीका : श्रवण नक्षत्रके देवता विष्णु हैं. सो श्रवण पूर्णिमाके दिन अथवा पूर्णिमाकी सन्निहित तिथिमें आवे हे तासूं 'श्रावणमास' कह्यो जाय हे. इतनें, श्रवण नक्षत्र विष्णुसम्बन्धि हे. वाके सम्बन्धसूंही मासको नाम 'श्रावण' भयो हे. तासूं मासको भगवत्सम्बन्धिपनों जतायो हे. ओर 'शुक्लपक्ष' कहनेो चाहिये ताके स्थानपे 'अमलपक्ष' कहिवेको अभिप्राय एसो हे जो भगवान्के पक्षवारे सब निर्दुष्ट होय हैं, काहु प्रकारको दोष विनमें नहीं होत हे. ओर एकादश इन्द्रियन्के दोषकी निवृत्ति करिवेवारी एकादशी तिथि हे. तासूं वाही तिथिमें श्रीठाकुरजीने उपदेश कियो हे. ओर श्रीगोकुलके अन्तरङ्ग भक्तनकुं सर्व पुरुषार्थकी सिद्धिकेलिये जेसे मध्यरात्रिके समय प्रादुर्भाव हे, तेसें इहांहु श्रीआचार्यजीकेलिये प्रकट होयके, विनके द्वारा तदीय भक्तनकुं सर्व पुरुषार्थ सिद्ध करिवेकेलिये मध्यरात्रिके समय प्रकट भये हैं. श्रीगोकुलमें जेसें व्यूह रहित साक्षात् पूर्ण पुरुषोत्तमकोही प्राकट्य होयके भक्तनको अभिलषित कियो हे, तेसें इहांहु भक्तनको अभिलषित सिद्ध होयवेकेलिये पूर्ण पुरुषोत्तमको प्राकट्य हे एसें जतायवेकेलिये 'साक्षात्' पद कह्यो हे. ओर सेवकद्वारा, स्वप्नद्वारा किंवा आकाशवाणीद्वारा उपदेश नहीं कियो हे किन्तु श्रीआचार्यजीकी प्रार्थनाके विनाही साक्षात् पुरुषोत्तमरूप प्रगट होयके ब्रह्मसम्बन्धरूप साधनको उपदेश कियो हे.

ओर शुक्लपक्षमें जेसें दिन-दिन प्रति चन्द्रकी कला अधिक होय हे तेसें ब्रह्मसम्बन्धसूं देहके दोष - इतने आधिभौतिक दोष - निवृत्त होयके दिन - दिन प्रति अधिक शुद्धता होयगी. तथा एकादशीके दिन उपवास होय हे. ताकरिके ज्ञानेन्द्रिय पांच, पांच कर्मेन्द्रिय ओर एक मन एसें एकादश इन्द्रियन्के दोष निवृत्त होय हैं - ये आध्यात्मिक दोषकी निवृत्ति कही हे. ओर अपने भक्तनकुं स्वरूपानन्दको दान करिवेकेलिये तथा इनकी रक्षा करिवेकेलिये मध्यरात्रिके समय प्रभु प्रकट भये हैं तासूं मध्यरात्रिको समय आधिदैविक दोषन्की निवृत्ति करिवेवारी हे. एसें ब्रह्मसम्बन्ध करिवेवारे जीवनमें तीन प्रकारके दोष सब निवृत्त होय हैं एसें जतायो हे.

श्रीठाकुरजीने जो वाक्य कहे हैं विनके अभिप्रायरूप यह ग्रन्थ हे एसें प्राचीन टीकाकारन्को अभिप्राय हे. ओर श्रीपुरुषोत्तमजीको अभिप्राय एसो हे जो एकादशस्कन्धमें द्वितीयाध्यायमें कवियोगेश्वरने तथा तृतीयाध्यायमें प्रबुद्धयोगेश्वरने सब भगवान्को अर्पण करिवेको लिख्यो हे, तेसें ग्यारहमें अध्यायमें सदादृत (= सत्पुरुषन्ने जाको आदर कियो हे सो) भक्तिको निरूपण हे, तहां दासपनेसूं आत्मनिवेदन करिवेको लिख्यो हे; ओर उन्नीसमें अध्यायमें महद्विमृग्य (= महत्पुरुषन्को दूँदिवे योग्य) भक्तियोगको निरूपण हे, वहांहु भगवद्धर्मके अधिकाररूप आत्मनिवेदन लिख्यो हे; विनकोही अनुवाद या ग्रन्थमें होयगो एसी शङ्काकी निवृत्तिकेलिये ब्रह्मसम्बन्धकी आज्ञाको मास, पक्ष, तिथि प्रभृति कह्यो हे.

ओर श्रीठाकुरजीने प्रकट होयके पञ्चाक्षर मन्त्र तथा वाकी टीकारूप गद्य तथा श्लोकरूप ये वाक्य कहे हैं. तिनमेंसूं पञ्चाक्षर मन्त्र तथा वाकी टीकारूप गद्यमन्त्र, मन्त्ररीतिके अनुसार गूढ राखने चाहिये तासूं विनकुं नाहीं कहे हैं. ओर सिद्धान्तरूप श्लोक जो श्रीठाकुरजीने कहे हैं सो या ग्रन्थमें लिखे हैं ॥१॥

एसे श्रीठाकुरजीने जा समय उपदेश कियो हे वा समयको निरूपण करिके स्वमार्गीय सेवाके प्रतिबन्धरूप जो असाधारण दोष हैं तिनकी निवृत्तिको प्रकार जो भगवान्ने कह्यो हे सो कहत हैं:

ब्रह्मसम्बन्ध-करणात् सर्वेषां देहजीवयोः ॥
सर्वदोष-निवृत्तिर् हि दोषाः पञ्चविधाः स्मृताः ॥२॥
सहजाः देश-कालोत्थाः लोक-वेद-निरूपिताः ॥
संयोगजाः स्पर्शजाश्च न मन्तव्याः कथञ्चन ॥३॥

ब्रह्मसम्बन्धकरणात् = ब्रह्मसम्बन्ध

सहजाः सहज

करिवेसूं, सर्वेषां = सबन्के

देश-कालोत्थाः = देश-कालसूं

देहजीवयोः = देह ओर जीव के	जनित
सर्वदोषनिवृत्तिः = सब दोषन्की निवृत्ति	संयोगजाः = संयोगसूं जनित
हि = निश्चितही (भवति = होय हे)	च = ओर
दोषाः = दोष	स्पर्शजाः = स्पर्शसूं जनित
पञ्चविधाः = पांच प्रकारके	कथञ्चन = कोइभी तरहसूं
स्मृताः = हैं	(हरिसेवायां = प्रभुकी सेवामें,
लोक-वेदनिरूपिताः = लोक-	प्रतिबन्धकाः = प्रतिबन्धक)
वेदमें निरूपित	न = न, मन्तव्याः = मानने

भावार्थ : ब्रह्मसम्बन्ध करिवेसूं सबन्के देह ओर जीव के सब दोषन्की निवृत्ति होय हे. सो दोष पांच प्रकारके प्रसिद्ध हैं. सहज दोष, देशसूं उत्पन्न भये दोष, कालसूं उत्पन्न भये दोष, संयोगसूं भये दोष ओर स्पर्शसूं भये दोष - एसें पांच प्रकारके दोष लोकमें तथा वेदमें निरूपण किये हैं. अथवा सहजदोष, देश - कालसूं उत्पन्न भये दोष, लोक तथा वेद में निरूपण किये एसे दोष, संयोगसूं भये दोष ओर स्पर्शसूं भये दोष - एसें पांच प्रकारके दोष हैं. सो काहु रीतिसूं नाहीं मानने.

टीका : यहां श्रीपुरुषोत्तमके संग बहोत कालसूं तिरोहित भयो सम्बन्ध फेरि प्रकट होय हे तथापि वाको नाम 'ब्रह्मसम्बन्ध' हे ताको अभिप्राय एसो हे जो जेसें ब्रह्म निर्दोष ओर सर्वत्र समान हे तेसें यह सम्बन्धहु निर्दोष तथा समान होय हे.

- देह पञ्चमहाभूतन्को हे ओर पञ्चमहाभूतन्में भगवान्को सम्बन्ध न होयवेसूं दोष होय हे. सो पूजा मार्गमें जो भूतशुद्ध्यादिकसूं निवृत्त होय हे सो 'सहजदोष' हे.
- ओर पूजाके स्थानमें भूतादिकन्को अपसरण करे हैं ओर आसनादिककी शुद्धि करे हैं सो 'देशदोष' कहे जाय हैं.
- तेसें प्रातःकालको होम करिके अथवा ब्रह्मयज्ञ करिके अथवा माध्याह्निक कर्म करिके पुरुषोत्तमको पूजन करनो एसें 'मन्त्रराज - अनुष्ठप'के विधानको वाक्य हे. तासूं दूसरे कालमें पूजा करिवेमें 'कालदोष' आवे हे.

- ओर “पूजादिकसूं ब्रह्मलोक मिले हे” एसो वाक्य हे. तासूं पूजासूं ब्रह्मलोक प्राप्त होय. फेरि “ब्रह्मलोक पर्यन्त पुनरावृत्ति होय हे” एसो गीताजीमें कह्यो हे, तासूं पुनरावृत्तिरूप दोष कह्यो हे (सो ‘लोकनिरूपित दोष’ जाननो).
- ओर वैदिक मन्त्रनसूं पूजादिक करिवेमेंहु न्यूनातिरिक्त दोषकी सम्भावना हे. ताकेलिये विष्णुस्मरण करनो परे हे. ये ‘वेदनिरूपित दोष’ हे.
- ओर पूजामें अभिषेकादिककेलिये वैदिक मन्त्रके संस्कारवारो शङ्खोदक होय तामें साधारण जलको संयोग होय सो ‘संयोगजदोष’ हे.
- ओर मूलमें ‘च’कार हे तासूं नैवेद्य प्रभृतिमें ओरहु जो सब आगन्तुक दोष हें सो सब कहि गये हें.
- ओर पूजादिकमें उपयुक्त पात्रादिक पदार्थ, पुष्प ओर चन्दनादिकन् कों स्त्री - शूद्रादिकको स्पर्श होय सो ‘स्पर्शदोष’ हे.
- एसें पांच प्रकारके दोष भक्तिमार्गमें नाहीं माननें एसें श्रीगोकुलनाथजीको अभिप्राय हे.
- ओर देहके संग उत्पन्न भये एसे कुष्ठ, अपस्मार आदि रोग हें, तेसें जीवके संग उत्पन्न भये एसे काम - क्रोधादिक दोष हें सो ‘सहजदोष’ कहे जाय हें.
- ओर मगधदेश तथा म्लेच्छादिकन्के देशमें तीर्थयात्राके सिवाय जांय तो फेरि संस्कार करनो परे एसें धर्मशास्त्रमें लिख्यो हे सो दोष ‘देशोत्थ’ कहे जाय हें.
- ओर रौद्रकाल तथा कलि प्रभृति काल हे तासूं धर्मकी निवृत्तिरूप जो दोष हें सो ‘कालोत्थ’ दोष कहे जांय हें.
- ओर पतितादिकन्को संसर्ग होय सो ‘संयोगदोष’ कह्यो जाय हे.
- ओर इन्द्रिय तथा पदार्थ को संयोग होय सो ‘स्पर्शजदोष’ कह्यो जाय हे.
- मूलमें जो ‘च’कार लिख्यो हे तासूं कर्मसूं जो दोष होय हे सो ‘कर्मजदोष’हु आय जाय हें.

- सो सब दोष लोक तथा वेद में कहे हें. जेसें केश, भस्म प्रभृतीनसूं दूषित देशमें रहनो, स्रध्याके समय चोहटेमें बेठनो, म्लेच्छादिकन्को स्पर्श करनो, मुखमें मैथुन करनो, द्वार सिवाय गृहमें प्रवेश करनो इत्यादिक दोष ‘लोकप्रसिद्ध’ हें.
- ओर अग्निहोत्रवारो अपनेलिये ऊषर भूमिमें न जाय, अमावस्या तथा पूर्णिमा प्रभृति तिथिमें स्त्रीके पास न जाय, मलयुक्त होय तब बोले नाहीं इत्यादिक दोष ‘वेदसिद्ध’ हें.
- ये सर्वसिद्ध दोष निवृत्त होंय एसे नाहीं हें तथापि काहु रीतिसूं मानने नाहीं. इतनें भगवान्को सम्बन्ध सिद्ध होय तब ये दोष कहा करि सकें ? कछुहु नाहीं करि सकें एसें श्रीरघुनाथजीको अभिप्राय हे.
- ओर अविद्याको सम्बन्ध भयेसूं अभिमानादिक होय हे सो जीवके सहज दोष हें. तथा काम-क्रोधादिक लिङ्गदेहके सहज दोष हें. ओर माता - पितामें जो दोष तथा रोग रहे होंय सो सन्ततिमें आवें सो स्थूलदेहके सहज दोष हें.
- ओर देश तथा काल सूं जो-जो दोष होय हें सो देहकुं हें जीवकुं नाहीं हें. जेसें मगध देशमें गयाजी प्रभृति पवित्र स्थल हें, अन्य सब अपवित्र हें. जेसें मरुदेश सगरो अपवित्र हे. एसे अपवित्र देशमें जन्म भयेसूं तथा विन देशन्में गमन करिवेसूं जो दोष होंय हें सो ‘देशोत्थदोष’ कहे जांय हें.
- ओर कलिकालसूं, दुष्टमुहूर्तसूं तथा अवस्थासूं जो दोष होय हें सो ‘कालोत्थदोष’ कहे जांय हें.
- ओर ज्ञानपूर्वक कामकी प्रवृत्तिसूं मनको योग भयेसूं जो दोष उत्पन्न होय हें सो ‘संयोगजदोष’ कहे जांय हें.
- ओर काहुके स्पर्शसूं जो दोष उत्पन्न होंय हें सो ‘स्पर्शजदोष’ कहे जांय हें.
- सो सब दोष लोकमें तथा वेदमें निरूपित हें. तथापि भक्तिमार्गमें देह, इन्द्रिय, अन्तःकरण ओर विनके धर्म सहित सबन्को अर्पण भगवान्कुं कियो हे,

तासूं सब भगवान्के भये हैं, सो भगवान्की सेवामें प्रतिबन्ध नहीं करें हैं. तासूं इन दोषन्की निवृत्तिमें प्रयत्न नहीं करनो. क्यों जो सब भगवदीय हैं एसो अनुसन्धान रहे तब ये दोष बाधक नहीं होंय एसो श्रीपुरुषोत्तमजीको अभिप्राय हे.

ओर प्रथमस्कन्धके सप्तमाध्यायमें अर्जुनकी स्तुतिमें श्रीसुबोधिनीजीमें- कर्मज, कालज, स्वभावज, मायोद्भव ओर देशोद्भव -एसें जो पांच दोष लिखे हैं सो ओर यहां लिखे पांच दोष एक ही समजने. तामें वहां 'स्वभावज' लिखे हैं सो यहां 'सहज' दोष लिखे हैं. वहां 'कालज' दोष लिखे हैं सो यहां 'कालोत्थ' दोष समजने. वहां 'देशोद्भव' दोष लिखे हैं सो यहां 'देशोत्थ' दोष समजने. वहां 'मायोद्भव' दोष लिखे हैं- सो अविद्याके संयोगसूं स्वधर्म तथा भगवद्धर्म को अज्ञान होय हे -सो यहां 'संयोगज' दोष समजने. ओर वहां 'कर्मज' दोष लिखे हैं सो यहां 'स्पर्शज' दोष समजने - एसें श्रीलालूभट्टजीने लिख्यो हे.

(उपर कहे) सो सब दोष दीखवेमें आवे हैं तथापि दग्ध भये वस्त्रकीसि नाइं कछु कार्य करि सके नहीं हैं. तासूं वे दोष भगवत्सेवामें प्रतिबन्ध करेंगे एसें नहीं माननो. क्यों जो भगवान् निर्दुष्ट हैं. विनको सम्बन्ध भयेसूं देह, इन्द्रिय, अन्तःकरण ओर विनके सर्व धर्म निर्दुष्ट होय जांय हैं ॥२-३॥

भगवान् निर्दुष्ट हैं तासूं जो दोषरहित होय ताकोही सम्बन्ध भगवान्सूं होनो चाहिये, परन्तु जब तांइ देह तथा इन्द्रिय आदिके दोष निवृत नहीं भये होंय तहां तांइ विनको सम्बन्ध प्रभून्सों केसें होय सके ? तासूं प्रथम दोषरहित करिके पाछें भगवान्को अर्पण करिवेमें कहा हरकत हे ? एसें कोई कहे तहां कहत हैं:

अन्यथा सर्वदोषाणां न निवृत्तिः कथञ्चन ॥
असर्मपित-वस्तूनां तस्माद् वर्जनम् आचरेत् ॥४॥

अन्यथा = नहीं तो
सर्वदोषाणां = सब दोषन्की
निवृत्तिः = निवृत्ति
तस्मात् = तासूं
असर्मपित-वस्तूनां = समर्पित-
न होय एसो वस्तून्को

सिद्धान्तरहस्यम्
२३७

कथञ्चन = कोईभी प्रकारसूं
वर्जनं = त्याग
न = नहीं (भवति = होत हे)
आचरेत् = करनो

भावार्थ : देह, इन्द्रिय, प्राण, अन्तःकरण आदि सब भगवान्को अर्पण किये बिना सर्व दोषन्की निवृत्ति काहु अन्य प्रकारसूं नहीं होय हे. तासूं जाको समर्पण भगवान्को नहीं भयो होय एसो असमर्पित वस्तु अपने उपयोगमें नहीं लेनी, असमर्पित वस्तुको त्यागही करनो.

टीका : इतने श्रीमद्भागवतके षष्ठस्कन्धमें श्रीशुकदेवजीने कह्यो हे जो तप, ब्रह्मचर्य, शान्ति, इन्द्रियनिग्रह, दान, सत्य, पवित्रता इन सबन्सों धीर पुरुष श्रद्धायुक्त होयके देह, वाणी ओर बुद्धि सूं उत्पन्न भयो एसो बड़ो पाप होय ताकुंहु, अग्नि जैसे काष्ठकुं दग्ध करे हे तेसें दग्ध करे हे". अर्थात् अग्नि काष्ठकुं दग्ध करे हे तामें भस्म प्रभृति शेष रहे हैं तेसें तप आदिसूं पाप दग्ध होयपेहु तामें मलिनता करिवेवारो कछुक दोष तो बाकी रहे ही हे. तासूं वहांही फेरि कह्यो हे जो "वासुदेव भगवान्के परायण कितनेक भक्त, जैसे सूर्य रात्रिमें भये ओसके जलको निःशेष नाश करे हे तेसें, केवल भक्तिकरिकें समग्र पापको नाश करे हैं". तासूं भक्तिसूं पापको जेसो नाश होय हे एसो दूसरे साधनसूं नहीं होय हे. तासूं असमर्पित वस्तुको त्यागही करनो ॥४॥

एसें असमर्पित वस्तुको त्याग करें तब लौकिक-अलौकिक व्यवहार केसें सिद्ध होय ? तहां अर्धभुक्तके निवेदनको निषेध करिके सर्वदा कर्तव्यको प्रकार कहत हैं:

निवेदिभिः समर्प्यैव सर्वं कुर्याद् इति स्थितिः ॥
न मतं देवदेवस्य सामिभुक्त-समर्पणम् ॥५॥

समर्प्य = समर्पण करके
इति = एसो
एव = ही
स्थितिः = सिद्धान्त (अस्ति = हे)

सिद्धान्तरहस्यम्
२३८

निवेदिभिः = निवेदितके द्वारा देवदेवस्य = देवकेभी देवकुं
 (पदार्थैः = पदार्थनसूं) सामिभुक्तसमर्पणं = अर्धभुक्तको समर्पण
 सर्व = सब कछु न = नाही
 कुर्यात् = करे मतं = सम्मत हे

भावार्थ : पुष्टिमार्गकी रीतिसू आचार्यद्वारा जा जीवको निवेदन भयो हे वा जीवकुं भगवान्को अर्पण करिकेही सब कार्य करने, एसी भक्तिमार्गकी दोषरहित मर्यादा हे. तामें जो अर्धभुक्त पदार्थ होंय सो देवन्के देव प्रभून्को समर्पण करिवेयोग्य नाही हें.

टीका : इतनें, निवेदन दान ओर अर्पण एसें तीन प्रकार हें. तामें वस्तुको नाम लेके प्रभून्को जताय देनों सो 'निवेदन' कह्यो जाय हे. तथा विधिपूर्वक अपनी सत्ताको छांड़िके द्रव्यादिकन्में दूसरेकी सत्ता उत्पन्न करनी सो 'दान' कह्यो जाय हे. ओर सेवक जेसें रसोई सिद्ध करिके अपने मालिकको अर्पण करे हे तेसें स्वामिको भोगिवेयोग्य पदार्थ स्वामिको जतावनो सो 'अर्पण' कह्यो जाय हे. वाही रीतिसू (पुष्टिभक्तिमार्गी सेवाकर्ताको ये कर्तव्य हे के) प्रथम प्रभूको निवेदित भई एसी वस्तु फेरि (प्रभुको) अर्पण करिके (ता पाछें) लौकिक तथा वैदिक सर्व कार्य करनो एसी भक्तिमार्गकी मर्यादा हे. ताही रीतिसू करिवेमें दोष नाही आवे हें. क्यो जो जाको दान कियो हे सो वस्तु अपने उपयोगमें नाही आय सके तेसेंहि जो वस्तु प्रभून्को भेट करी हे सो वस्तुहु अपने उपयोगमें नाही आय सके. परन्तु जाको अर्पण कियो हे सो वस्तु अपने उपयोगमें लेवेमें दोष नाही हें.

तामें एक पदार्थमेंसू थोड़ो भाग अपने उपयोगमें लेके बाकी बच्यो जो भाग हे सो 'सामिभुक्त' - 'अर्धभुक्त' कह्यो जाय हे, सो प्रभून्को अर्पण करिवेयोग्य नाही हे. अर्थात् "ये सब वस्तु प्रभून्की हे" एसो अनुसन्धान राखिके फेरि प्रभून्को अर्पण करिके "ये प्रभून्को महाप्रसाद हे" एसो समजिके अपने उपयोगमें लेनी. ओर अर्धभुक्त होय सो प्रभून्को नाही समर्पनी ॥५॥

(अर्धभुक्त वस्तुके समर्पणको ओर असमर्पितके उपभोगको दोष नाही लगे

तदर्थ) अपने उपभोगमें पूर्वही सब वस्तुन्को प्रभुकी सेवामें साक्षात् अथवा परम्परया उपयोग करि पाछे अपने उपयोगमें लावनी सो समुझावत हें:

तस्माद् आदौ सर्वकार्ये सर्ववस्तु-समर्पणम् ॥
 दत्तापहारवचनं तथा च सकलं हरेः ॥६॥
 न ग्राह्यम् इति वाक्यं हि भिन्नमार्गपरं मतम् ॥

तस्मात् = तासों	सर्वकार्ये = सब कार्यके
आदौ = आरम्भमें	इति = एसे
सर्ववस्तु-समर्पणम् = सर्व वस्तुन्को	'दत्तापहार'वचनम् = "हरिकुं दियो
समर्पण (कर्तव्य = करनो)	भयो कछुभी लेनो नाही" एसो
तथा = ओर, हरेः = हरिको	जो श्रीभागवतको वचन
सकलं = सब, न = नाही	(तत् = वो) वाक्यं = वाक्य
ग्राह्यं = ग्रहण करिवे योग्य	भिन्नमार्गपरं = जुदेमार्गसम्बन्धि हे

भावार्थ : निवेदित पदार्थ प्रभून्को समर्पिकेही सर्वकार्य करनो एसी भक्तिमार्गकी मर्यादा हे. तासू प्रथम सर्वकार्यमें सर्व वस्तु अर्पण करनी. ओर तेसेंही भगवान्की निवेदित वस्तु अपने उपयोगमें न लावनी इत्यादि जो "अपि दीपावलोकं मे नोपयुञ्ज्यात् निवेदितम्" एकादश स्कन्धके वाक्य हें वे वाक्य भक्तिमार्गसों जुदे मार्गकेलिये हें.

टीका : इतनें, स्त्री पुत्र धन प्रभृति सब प्रभून्को समर्पिके "ये सब भगवान्के हें" एसो अनुसन्धान राखिके अपने उपयोगमें लेनी. एसें प्रभून्को जा वास्तुको अर्पण भयो हे सो वस्तु प्रभून्की हे एसी बुद्धि रहिवेसू अपनो अभिमान छूट जाय हे. ओर प्रभून्के सम्बन्धमें विनमें आसक्ति रहिवेसू अपनी भक्तिकी दृढ़ता होय हे.

अन्य मार्गन्में निवेदन तथा समर्पण को प्रकार* नाही हे. केवल दानकोही प्रकार

हे. तासूं “भगवान्को जो पदार्थ दियो होय सो पदार्थ अपने नहीं लेनो” एसो वाक्य वा मार्गिके अभिप्रायको हे, भक्तिमार्गको नहीं हे. भक्तिमार्गमें तो सर्व वस्तु भगवान्को समर्पिकेही उपयोगमें लेनी एसी मर्यादा हे ॥६॥

टिप्पणी : *‘अन्य मार्ग’ इतने पूजामार्ग. तातें जिन मन्दिरन्में देवमूर्तिकी परार्थप्रतिष्ठा भइ होय तहां सब कोऊ दर्शनार्थी अपनी – अपनी भावनाके अनुसार अपनो स्वत्व त्यागिके दानरूपेण देवमूर्तिको जो कछु भेंट धरत होय तो ताको प्रसाद लियो न जाइ, देवमूर्तिको दानरूप दीनी द्रव्य – सामग्री देवद्रव्य बनि जाती होयवेतें; परन्तु अपने स्वत्वको त्याग किये बिना, इतने अर्च्य मूर्तिको न दीनों होय; किन्तु अर्चनार्थही कछुक दीनो होय तो ताको प्रसाद लियोही जावे हे. जेसे पुरुषोत्तमक्षेत्रके श्रीजगन्नाथजीके मन्दिरमें सखड़ी प्रसादहु लेयवेकी मर्जाद निजमार्गमेंहु परंपराप्राप्त हे. कितेक पूजामार्गीहु अपने पुष्टिमार्गकी नांइ निजगृहमेंहु निवेदन – समर्पणकी रीतिवारी देवमूर्तिकी पूजा करत हैं. तहां स्वनिवेदितकेही अर्पणको नियम जाननो. अन्य काहुते निजगृहमें स्वार्थ – प्रतिष्ठापित देवमूर्तिकेलिये कछुक स्वीकार कियेतें नैवेद्य – सामग्री देवमूर्तिको दानरूपेण प्राप्त देवद्रव्य होत हे सो ताको प्रसाद लियो न जाइ.(सम्पादक)

एसें भक्तिमार्गसूं दूसरे मार्गमें भगवान्को अर्पण भई एसी वस्तुको उपयोग नहीं करनो ओर भक्तिमार्गमें तो भगवान्की प्रसादी वस्तुसूंही भगवदीयन्कुं सर्व कार्य कर्तव्य हे एसे जतायवेकेलिये कहत हैं:

सेवकानां यथा लोके व्यवहारः प्रसिद्ध्यति ॥७॥

तथा कार्य समर्प्यैव सर्वेषां ब्रह्मता ततः ॥

यथा = जेसैं, लोके = लोकमें
 सेवकानां = सेवकन्को
 व्यवहारः = व्यवहार
 प्रसिद्ध्यति = प्रचलित होवे हे
 तथा = वा तरहसूं
 समर्प्य = समर्पण करिके
 एव = ही
 (सर्व = सब) कार्य = करनो
 ततः = वासूं, सर्वेषां = सबकी
 ब्रह्मता = ब्रह्मता, स्यात् = होय हे

भावार्थ : लोकमें सेवकन्को व्यवहार जेसैं सिद्ध होय हे तेसैं प्रभून्को अर्पण करिकेही सब कार्य करनो. एसैं करिवेतें सबन्को ब्रह्मरूपपनो होय हे.

टीका : इतने, जेसैं लोकमेंहु जो सेवक होय हैं सो सब कार्य अपने मालिककी आज्ञासूंही करें हैं, मालिककुं बिना पूछे कछु कार्य नहीं करें हैं; ओर शिष्य होय सो गुरुकी आज्ञाप्रमाणही सब कार्य करें हैं, तेसैं, अपनो देह आत्मादिक सब भगवान्को अर्पण करनो, तब सब भगवान्के भये, तासूं भगवान्कुं अर्पण करिकेही सब कार्य करनो. एसैं करिवेसूं सबन्में निर्दोषपनो तथा समान(रूपसूं) भगवदीयपनो सिद्ध होय हे. यद्यपि ब्रह्मके अनन्त धर्म हैं तथापि गीताजीमें निर्दोष ओर सम ये दोय धर्म ब्रह्मके कहे हैं. ओर यहां सेवामेंहु ये दोय धर्मकोही उपयोग हे; तासूं ये दोय धर्मको ले “सबन्को ब्रह्मपनो होय” एसे कह्यो हे ॥७॥

भक्तिमार्गमें प्रवेश भयो होय तोहु सत्त्वादिक गुणन्के भेदकरिकें सबन्की प्रवृत्ति भिन्न – भिन्न होय हे, समान नहीं होय हे. तासूं भगवदीयपनो भयो होय तोहु सबन्को समानपनो केसैं होय ? एसी शङ्काको गङ्गाजीके दृष्टान्तसूं निवृत्त करत हैं:

गङ्गात्वं सर्वदोषाणां गुणदोषादि-वर्णना ॥८॥

गङ्गात्वेन निरूप्या स्यात् तद्वद् अत्रापि चैव हि ॥

सर्वदोषाणां = सब दोषन्को
 गङ्गात्वं = गङ्गापनो
 च = ओर
 गुणदोषादिवर्णना = गुण-दोष
 आदिको वर्णन
 गङ्गात्वेन = गङ्गारूपसूं, एव = ही
 निरूप्या = निरूपण योग्य
 स्यात् = होवे हे
 हि = तातें, तद्वत् = वेसे
 अत्र = यहां, अपि = हु

भावार्थ : परनाला प्रभृतिको जल गङ्गामें मिले तब परनाला प्रभृतिमें रहे ऐसे सब दोषन्कों गङ्गापनों होय हे, तासूं वाके गुण - दोषन्को वर्णनहु गङ्गापनेसूंही होय हे. तेसैं ब्रह्मसम्बन्ध भये पिछें यहांहु सबन्को ब्रह्मपनों होय हे.

टीका : इतनें, परनालाके जलके स्पर्शसूं स्नानादिक करनो परे हे; परन्तु वोही जल गङ्गाजीमें मिल्यो होय तब वाकी यत्किञ्चित् मलिनता दीखवेमें आवती होय तथापि वाके पानसूं पाप निवृत्त होंय हैं. क्यों जो सब गङ्गारूप होय गयो हे. इतने फेरि आछे - बुरे जलको वर्णन होय हे सो गङ्गाजीकेही जलको वर्णन होय हे, “परनाला प्रभृतिको जल खराब हे” एसें कोउ नाहीं कहत हे. तेसैं गङ्गाजीमें आछो जल मिल्यो होय तोहु “गङ्गाजीको जल आछो हे” एसें कहत हे, परन्तु जो जल मिल्यो हे वाको नाम नाहीं लेत हैं. एसें ब्रह्मसम्बन्ध भये पिछे ब्रह्मसम्बन्ध करवेवारेमें जो दोष अथवा गुण रहे हैं सो सब ब्रह्मरूप होय हैं. अर्थात् परनालाको जल गङ्गाजीमें मिले तब वाके सब दोष नष्ट होय जाय हैं तेसैं ब्रह्मसम्बन्ध करवेवारेमेंहु जो दोष होंय सो सब नष्ट होय जाय हैं ॥८॥

ब्रह्मसम्बन्ध करिवेसूं सब दोषन्की निवृत्ति होय हे. तासूं पांचों प्रकारके जो दोष हैं सो माननें नाहीं एसें प्रथम कह्यो हे. तापीछे सबन्को ब्रह्मपनों होय हे एसें कह्यो हे. येही सेवाको आनुषङ्गिक फल सिद्धान्तमुक्तावलीमें कह्यो हे. “ब्रह्मसम्बन्धसूं सब दोषन्की निवृत्ति होय हे” एसें कहिके अगाड़ी दोष नाहीं होयवेकेलिये सब अर्पण करिकेही कार्य करिवेको जो कह्यो हे तामें भगवद्धर्मके अनुसार तथा लौकिकव्यवहारके अनुसार एसें दोय प्रकारको समर्पण कह्यो हे. तामें भगवद्धर्मके अनुसार समर्पण करे तो ब्रह्मतारूप फल होय ओर लौकिकव्यवहारके अनुसार समर्पण करे तो, गङ्गाजीमें मिले भये मोरीके जलकी नांइ, ब्रह्मसम्बन्ध करिवेवारेमें जो दोष रहे हैं विनकी निवृत्तिमात्रही फल होय हे.

इति श्रीमद्वल्लभाचार्य विरचित सिद्धान्तरहस्यकी

संक्षिप्त ब्रजभाषाटीका

गोस्वामि श्रीनृसिंहलालजीमहाराज विरचित समाप्त भई

॥ नवरत्नम् ॥

(११)

गोस्वामिश्रीविट्ठलनाथप्रभुचरणविरचिता नवरत्नविवृतिः

चिन्ता-सन्तान-हन्तारो यत्पादाम्बुज-रेणवः॥

स्वीयानां तान् निजाचार्यान् प्रणमामि मुहुर् मुहुः॥१॥

ननु भगवदीयानां कथं चिन्तोद्भवः? इत्थम्. आत्मनिवेदिनो हि भगवद्भजनार्हाः, न इतरे. तत्र च ऐहिक-पारलौकिकयोः अर्थयोः न अवशिष्टं किञ्चित् असमर्पितम्. एवं सति देहादिनिर्वाहः केन कार्यः? किं निवेदितार्थेन उत इतरेण वा? तत्र न आद्यः, तदीयार्थस्य तदिच्छां विना ग्रहीतुम् अशक्यत्वात्, इच्छायाः च ज्ञातुम् अशक्यत्वात्. वस्तुतस्तु इच्छायामपि सत्यां तदुपयोगो अनुचितः सेवकस्य. न च तदीयानां देहादीनां तदीयार्थेन पोषणं न दोषाय इति वाच्यम्. स्वतः तथाकृतेः दोषावहत्वात् तदिच्छायाश्च ज्ञातुम् अशक्यत्वात् इति उक्तम्. न द्वितीयः, अस्वधर्मत्वात्, निवेदितस्य अर्थस्य स्थित्याद्यर्थं स्वस्य विचारस्यापि अनुचितत्वात्, तदभिमाने तत्सम्भवात्. एवं सति देहादिनाशसम्भवेन भजनासम्भवात् तद्वैयर्थ्यापातः. मार्गएव च अयम् उच्छिद्येत. अतो निवेदने भजनाधिकारः, तस्मिन् सति तदनिर्वाह इति उभयतः पाशा रज्जुः इति चेत्, अत्र वदामः. “दारान् सुतान् गृहान् प्राणान् यत् परस्मै निवेदनम्, एवं धर्मैर् मनुष्याणाम् उद्धृत्वात्मनिवेदिनाम्, मयि सञ्जायते भक्तिः कोन्योर्थोस्यावशिष्यते” इत्यादिवाक्यैः तद् आवश्यकम्, साक्षात् श्रीगोकुलेश-भजनाधिकाररूपत्वात्, द्विजस्य वैदिककर्मणि गायत्र्युपदेशज-संस्कारवत्. (‘निवेदनस्य सार्थकत्वाय भजनसिद्ध्यर्थम् आवश्यक-व्यवहारार्थं निवेदितस्यैव स्वार्थं विनियोगः कार्यः’). अन्यथा दारपरिग्रहोत्तरक्षणएव तन्निवेदने अकृते, अग्रे तदविनियोगे प्राप्ते, तत्परिग्रह-वैयर्थ्यापत्तिः. अपरं च, दाने हि न स्वविनियोगः, नतु निवेदने. अन्यथा निवेदितान्नादेः भोजनं न स्यात्. अनिवेदितस्य निषिद्धत्वात्. निवेदितानाम् अर्थानां भगवद्भोगार्थं विनियोगे जाते तददत्तप्रसादत्वेन स्वोपभोगकृतिः उचिततरा, दासधर्मत्वात्. “उच्छिष्टभोजिनो दासाः” इत्यादिवाक्यैः आत्मशोधकत्वात् च. किन्तु प्रभौ निवेदितार्थस्य विनियोगे जाते अग्रे तदर्थं यत्नः कार्यो नवा इति भवति चिन्ता. तत्करणे बाहिर्मुख्यसम्भवः सेवाप्रतिबन्धश्च. “त्रैवर्गिकायास ...” इति वाक्यात् भगवत्कृतप्रतिबन्धश्च तत्र स्यात्. अकरणे

निवेद्याभावेन भवति च दुःखम्, एवंभूतान् स्वान् उपदिशान्ति चिन्ता कापि न कार्या इति.

टीका : भगवदीयनकों चिन्ताकी निवृत्तिकेलिये ये ग्रन्थ हे. तब (= तहां शङ्का होत हे जो) भगवदीय तो अनन्यभक्त होय हैं ओर “अनन्य होयके जो मनुष्य मेरी भक्ति करे हैं ओर नित्य सब तरेहसूं मेरेमेंही चित्तवृत्ति राखत हैं विनकों जो पदार्थको उपयोग हे सो मैं मिलाय दऊं हूं; ओर जो उपयुक्त पदार्थ मिल्यो होय वाकी मैं रक्षाहु करूं हूं” एसें गीताजीमें अर्जुनके प्रति श्रीकृष्णने आज्ञा करी हे. तासूं भगवदीयनकुं केसे चिन्ता उत्पन्न होय? एसी शङ्काकी निवृत्तिकेलिये श्रीगुसांईजीने आज्ञा करी हे: जो आत्मनिवेदन करिवेवारेही भगवद्भजनकुं योग्य हैं. जिननें आत्मनिवेदन नाहीं कियो हे सो भगवद्भजनकों योग्य नाहीं हैं.

तामें (पुनः शङ्का होत हे जो) जिननें आत्मनिवेदन कियो हे विनके यालोक तथा परलोक सूं सम्बन्धित, भगवान्को जाको अर्पण नाहीं कियो हे एसी कोई वस्तु नाहीं हे. तब देहादिकनको निर्वाह निवेदित वस्तुनसों करनो किंवा अनिवेदित वस्तुनसों करनो? यदि कहे के निवेदित वस्तुनसोंही करनो तो ये पक्ष योग्य नाहीं हे. क्यों जो भगवान्की वस्तुको ग्रहण भगवान्की इच्छा विना होय सके नाहीं. ओर भगवान्की इच्छा जानिवेमें आय सके नाहीं. यथार्थ विचार करो तब तो भगवान्की इच्छा होय तोहु सेवककों भगवान्की वस्तुको उपयोग करनो उचित नाहीं हे. ओर कदाचित् एसें कहे जो देहादिकहु भगवान्के भये हैं (तासों) विनको पोषण भगवान्की वस्तुसों करिवेमें दोष नाहीं हे, तो एसेंहु नाहीं कहि सके हैं. क्यों जो अपने विचारसूं (अन्यकों समर्पित वस्तुको उपयोग) करिवेमें स्वतन्त्रतारूप दोष आय जाय हे. ओर भगवान्की इच्छा जानिवेमें आवत नाहीं हे ये तो कह्योही हे, तासूं जो वस्तु निवेदित नाहीं भई हे वाहीसूं निर्वाह करनो, एसें कोऊ कहे तहां कहत हैं जो ये पक्षहु उचित नाहीं हे. क्यों जो जा वस्तुको निवेदन नाहीं भयो हे सो आपुने उपयोगमें लेवेको सेवकको धर्म नाहीं हे, तेसेंही भगवान्को निवेदित नाहीं भई एसी वस्तु राखिवेकोहु अपनो धर्म नाहीं हे. देहादिकनको निवेदन ह्वे गयो हे तासों ताके निर्वाहकेलिये अपने विचार करनोहु योग्य नाहीं हे. तेसेंही देहादिकनको निवेदन करिवेके समय वाके निर्वाहकेलिये कितनिक वस्तु भगवान्को निवेदित नाहीं करिवेको विचार करनो येहु योग्य नाहीं हे. क्यों जो सबन्मेंते अपनो

अभिमान छूटिवेकेलिये निवेदन हे. ओर देहादिकके निर्वाहको विचार करनो सो तो वामें अपनो अभिमान राखे तबही होय! तासूं अनिवेदित वस्तुनसूं देहादिकनको निर्वाह करनो ये पक्षहु योग्य नाहीं हे. एसें जब देहादिकनको निर्वाह निवेदित वस्तुनसों अथवा अनिवेदित कोउ वस्तुनसों होय सके नाहीं तब देहादिकनके निर्वाहको साधन नाहीं रहीवेसूं देहादिकनके नाशको सम्भव होय, तब देहादिकनसों भजन करनो सो बन सके नाहीं, तब भजन् करिवेकेलिये वाके अधिकाररूप निवेदनकीहु व्यर्थता आय जाय हे, तब पुष्टिकी मर्यादारूप यह भक्तिमार्गही उच्छिन्न होय जायगो! तासूं निवेदन करेतें भगवद्भजनको अधिकार होय ओर निवेदन भये पाछें भगवद्भजन होय सके नाहीं तब दोई आड़ीसूं पाश आवे हे एसें कोऊ कहे तहां कहत हैं:

“स्त्री पुत्र गृह प्राण ये सब भगवान्को अर्पण करने” एसें प्रबुद्धयोगेश्वरने निमिराजा प्रति भगवान् सम्बन्धि धर्मके प्रसङ्गमें कह्यो हे. ओर उन्नीसमे अध्यायमें श्रीकृष्णभगवान्ने उद्धवजी प्रति महद्विमृग्य भक्तियोग कह्यो हे. तामें “मेरी अमृतरूप कथामें श्रद्धा राखनी” यहांसूं लेयके साडेचार श्लोकनसूं आत्मनिवेदीनके धर्म कहे हैं. वहां अधिकाररूप निवेदन कह्यो हे. तासूं निवेदन तो आवश्यक हे. तासूं जेसें ब्राह्मण, क्षत्रीय तथा वैश्य कों वैदिक कर्ममें अधिकार सिद्ध करिवेवारो, गायत्रीके उपदेशसूं भयो एसो, यज्ञोपवीत संस्कार हे तेसें भगवद्भजनमें अधिकार सिद्ध करिवेवारो आत्मनिवेदन हे. तासूं निवेदनकी सफलताकेलिये भगवद्भजन सिद्ध करिवेकों जितनी वस्तुनको आवश्यक उपयोग होय तितनी निवेदित वस्तुही उपयोगमें लेनी. यदि एसो अभिप्राय न होय तो, स्त्रीको पाणिग्रहण किये पीछे वाकु अवश्य निवेदित करनी चाहिये. तेसेंही पुत्रादिकनको निवेदनहु करनो चाहिये. सो यदि न भयो तब वे सब अपने उपयोगमें आय सके नाहीं. तब स्त्रीको ग्रहण कियो हे ताकी व्यर्थता आय जाय हे. तासूं जो वस्तु दानमें दीनी हे सो वस्तु अपने उपयोगमें आवे नाहीं परन्तु निवेदित वस्तुको उपयोग करिवेमें बाध नाहीं हे. जो निवेदित वस्तुके उपयोगमें बाध होतो होय तो भगवान्कुं निवेदित किये गये अन्नादिकनको (महाप्रसाद मानीके) भोजन करिवेको सर्वत्र लिख्यो हे सो न होय सके. ओर भगवान्को निवेदित किये सिवाय वस्तु लेवेको सर्वत्र निषेध हे, तासूं जो वस्तु भगवान्को निवेदित भई हे ताको भगवद्भोगकेलिये विनियोग भये पाछें “ये भगवान्ने दियो भयो महाप्रसाद हे” एसें समजिकें अपने उपयोग करनो सो

युक्त हे. क्यों जो यामें दासधर्म सिद्ध रहे हे. तासूंही उद्धवजीने श्रीकृष्णसूं कह्यो हे: “आपको उच्छिष्ट लेवेवारे हम दासन्में आपकी माया जीती हे” इत्यादिक वाक्यन्करिकें भगवान्को प्रसाद आत्माको शुद्ध करिवेवारो हे ये सिद्ध हे.

तासूं या विषयकी चिन्ता तो होय नहीं. परन्तु निवेदित अर्थको प्रभुमें विनियोग होय जाय तापीछें अगाड़िहु भगवत्सेवामें विनियोग करिवेकेलिये वस्तु सम्पादन करिवेको यत्न करना किंवा नहीं करना? एसी चिन्ता भगवदीयन्को होय. क्यों जो भगवान्के विनियोगमें उपयुक्त वस्तुकुं सम्पादन करिवेको प्रयत्न करें तब भगवान्मेंसूं चित्त निकसिके वा वस्तुमें चलयो जाय. एसेंही सब इन्द्रियन्को व्यापार वाहीके अनुकूल होय तब बहिर्मुखता होयवेको सम्भव हे. ओर जितनो वामें यत्न करे तितनो सेवामें प्रतिबन्ध होय. तेसेंही धर्म, अर्थ ओर काम ये त्रिवर्गकेलिये भक्त यदि श्रम करे तो भगवान् वाकु निष्फल करत हैं, तासूं भगवत्कृत - प्रतिबन्धहु तामें होय. ओर जो यत्न न करे तो भगवान्को विनियोग करिवेको कछु होय नहीं तब दुःख होय, एसें भगवदीयन्को चिन्ता होय, ताकी निवृत्तिकेलिये उपदेश करत हैं:

चिन्ता काऽपि न कार्या निवेदितात्माभिः कदाऽपीति ॥

भगवानपि पुष्टिस्थो न करिष्यति लौकिकीं च गतिम् ॥१॥

निवेदितात्माभिः = आत्मनिवेदन किये भक्तनकुं

कदा = कोई कालमें

आपि=निश्चित रूपसूं

अपि = हु, का = कोउ

पुष्टिस्थः = कृपामें स्थित हैं

अपि = हु, चिन्ता = चिन्ता

लौकिकीं = लौकिक

न = नाही, कार्या = करनी

गतिं = गतिकुं, न = नाही

इति = क्योंके, भगवान् = श्रीकृष्ण

करिष्यति = करेंगे

भावार्थ : जिनमें अपने आत्मादिक सब निवेदित किये हैं विनकों काहु समय कोउ बातकी चिन्ता कर्तव्य नाही हे. क्यों जो ये जीव पुष्टिमार्गमें रह्यो हे तासूं भगवान्

वाकी लौकिक गति कबहु नाही करेंगे.

प्रकाश : लौकिक-तदभावेऽपि भगवदर्थोऽपि सा न कार्या. एतद् आहुः कापि इति शब्देन. अङ्गीकारेणैव सर्वैव करिष्यति इति विश्वासो यतः तस्य आवश्यकः. भगवतोऽपि तथानियमिः. कदाचित् परीक्षार्थं प्रारब्धभोगार्थं वा प्रभुः चेत् विलम्बते, तदापि न कार्या इति आहुः कदापि इति पदेन. ननु लोकवत् कुटुम्बाद्यासक्त्या स्वस्याऽपि लौकिकीं गतिं कदाचित् प्रभुः कुर्यात्, तत्र आहुः भगवानपि इति. यतः पुष्टिस्थो अतो मर्यादामार्गीय-वैराग्याद्यभावेऽपि “महापुरुषेण निवेदिता” इति स्वकीयत्वेन अङ्गीकारात् तथा न करिष्यति इति अर्थः.

टीका : इतनें, लौकिक चिन्ता न होय. तथापि भगवान्केलिये हु चिन्ता न करनी. अङ्गीकार भयेसूंही भगवान् आपही सब सिद्ध करेंगे एसो विश्वास जीवकों अवश्य राखनो चाहिये. ओर भगवान्कोहु एसो नियम हे जो जाको अङ्गीकार कियो वाको पालन अवश्य करना. तासूं कदाचित् परीक्षाकेलिये अथवा प्रारब्धके भोगकेलिये प्रभु विलम्ब करें तोहु चिन्ता न करनी. जीव पुष्टिमार्गमें रह्यो हे तासूं, वामें मर्यादामार्गीय वैराग्यादिक होय नाही तोहु, आचार्याद्वारा भगवान्को निवेदित भयो हे तासूं भगवान्ने “ये जीव स्वकीय हे” एसें बिचारिके वाको अङ्गीकार कियो हे. तासूं दूसरे लोककिसी नाई कुटुम्बादिकन्में आसक्ति होयगी तोहु भगवान् लौकिकगति नाही करेंगे ॥१॥

एसें चिन्ता छोड़िवेसूं स्वच्छन्दपनेको व्यवहार आय जायगो, तासूं बहिर्मुखता होयगी एसें कोउ कहे तहां कहत हैं:

निवेदनं तु स्मर्तव्यं सर्वथा तादृशैर् जनैः ॥

सर्वेश्वरश्च सर्वात्मा निजेच्छातः करिष्यति ॥२॥

तादृशैः = तादृशी

सर्वेश्वरः = सबन्के ईश्वर

जनैः = लोगनकुं

च = ओर

निवेदनं = निवेदनको

सर्वात्मा = सबन्के आत्मारूप

तु = तो (भगवान् = भगवान्)
 सर्वथा = सब प्रकारसूँ निजेच्छातः = अपनी इच्छाके अनुसार
 स्मर्तव्यां = स्मरण करना करिष्यति = करेंगे

भावार्थ : सर्वथा जो तादृश भये हैं इतने निवोदितात्मा भये हैं तिनको अवश्य निवेदनको स्मरण करना. प्रभु सबन्के ईश्वर हैं ओर सबन्के आत्मा हैं. सो अपनी इच्छातें करेंगे.

प्रकाश : एवं चेत्, स्वाच्छन्द्य-व्यवहारापत्या बाहिर्मुख्यं स्यात् अत आहुः निवेदनम् इति.

सर्वदा सर्वांशेन दीयत्वानुसन्धानेन तथा न भविष्यति इति भावः. अशक्यता सेवाद्यसम्भवेऽपि इदं कार्यमेव इति ज्ञापनाय 'तु'शब्दः. 'च'कारपक्षे समुच्चयः. सर्वथा इत्यस्य आवश्यकत्वज्ञापनाय. अथवा सर्वथा ये तादृशा निवेदितात्मत्वेन तत्पराः तैः सह तथा. एतेन सङ्गदोषो निवारितः. अतादृशेषु एतद्गोपनं सूच्यते. सर्वदा इति पाठे कालापरिच्छेदः तत्र उच्यते. अन्यथा तदैव आसुरप्रवेशः स्यात् इति भावः. कदाचित् अलौकिकार्थस्य लौकिकस्य वा सिद्धयर्थं प्रभुः प्रार्थनीयः इति प्रश्ने, न इति आहुः सर्वेश्वरः इति. अत्र 'सर्व'शब्दो निवेदितात्म-सर्वपरः. यथा "सर्वे ब्राह्मणा भोजयितव्या" इत्यत्र निमन्त्रिताएव 'सर्व'पदेन उच्यन्ते, नतु अन्येपि. 'सर्वात्म'पदेपि एवं ज्ञेयम्. तेन सेवकाः सर्वे यथा-यथा प्रपन्नाः तथा-तथा प्रभुरपि तेषु अङ्गीकृतस्वामित्व आत्मीयत्वमेव तेषु मनुतइति तद्विदितकृतौ न प्रार्थनाम् अपेक्षते इति ज्ञाप्यते. अथवा कालादिनियामकत्वेन न तत्कृतोऽपि प्रतिबन्धसम्भवः इच्छायाम् इति ज्ञापनाय 'सर्व'पदं कालादिपरम्. प्रार्थितोऽपि स्वविचारितमेव करिष्यतीति प्रार्थनापि अप्रयोजिका इति ज्ञापनाय निजेच्छा इति उक्तम्. अथवा निजाः स्वीयत्वेन अङ्गीकृताः सेवकाः तेषां प्रचुरेच्छातः स्वयमेव अपेक्षितं करिष्यतीति न प्रार्थनापेक्षा इति अर्थः. परन्तु इच्छाया अतिकृतत्वमेव अपेक्षितम् इति ज्ञापनाय अव्ययप्रयोगः.

टीका : सर्वथा जो तादृश भये हैं, इतने, निवोदितात्मा भये हैं, तिनको अवश्य

निवेदनको स्मरण करना. अथवा सर्वथा जो तादृशजन होंय इतने भगवदीय होंय तिनके संग निवेदनको स्मरण करना. मूलमें 'सर्वदा'पद होय तो हमेशा निवेदनको स्मरण करना एसो अर्थ समजना. एसें सर्वकाल स्मरण न करे तो आसुरावेश होय. कदाचित् अलौकिक अथवा लौकिक अर्थकी सिद्धिकेलिये प्रभूकी प्रार्थना करनी के केसें ? एसी शङ्का होय तहां कहत हैं जो प्रार्थना नाहीं करनी. क्यों जो जिनमें निवेदन कियो हे वे सबन्के ईश्वर हैं ओर सबन्के आत्मा हैं सो अपनी इच्छातें करेंगे. अथवा जिनकी इच्छामें विकार नाहीं होय तिन भक्तनकी इच्छा प्रमाण प्रभु करेंगे.

देहादिक सब भगवान्को अर्पित किये हैं ताको विनियोग स्त्री-पुत्रादिकन्में होय तब स्वधर्मकी हानि होय एसी चिन्ता होय तहां कहत हैं :

**सर्वेषां प्रभुसम्बन्धो न प्रत्येकम् इति स्थितिः ॥
 अतोऽन्यविनियोगेऽपि चिन्ता का स्वस्य सोऽपि चेत् ॥३॥**

सर्वेषां = सबन्को अपि = हु, का = केसी
 प्रभुसम्बन्धः = प्रभुके संग सम्बन्ध चिन्ता = चिन्ता, चेत् = यदि
 प्रत्येकं = एक-एकको, न = नाहीं, स्वस्य = अपुनो
 इति = एसो, स्थितिः = सिद्धान्त हे सः = वो(अन्यविनियोग होय तो)
 अतः = यासूँ अपि = हु(का = केसी;
 अन्यविनियोगे = ओर कहूं विनियोग चिन्ता = चिन्ता !)
 होयवेपे

भावार्थ : आत्मा सहीत आत्मीय समग्र पदार्थनकुं श्रीहरिको सम्बन्ध समानही हे, अलग-अलग नाहीं हे. तासूँ आत्मीय वस्तून्को अपनेमें; ओर अपनो आत्मीय वस्तून्में विनियोग होय तोहु कहा चिन्ता करनी ! अर्थात् कोइ तरहकी चिन्ता नाहीं हे.

प्रकाश : ननु भगवते समर्पितदेहादेः स्त्री-पुत्रादिषु विनियोगेन स्वधर्महानिचिन्ता

बाधते. तत्र आहुः सर्वेषाम् इति.

स्वात्मना सह यावन्तो निवेदिताः तैः सहैव स्वस्य अङ्गीकारात् तेषां सर्वेषामेव प्रभुसम्बन्धो, न तु प्राधान्यात् स्वस्यैवेति तत्र उपयोगे स्वस्य का चिन्ता ! न कापि इति अर्थः. इयं निवेदने अङ्गीकारमर्यादा इति आहुः स्थितिः इति. कस्यचित् विशेषतो अङ्गीकारः चेत् सा पुष्टिः इति भावः. अथवा पुत्रादीनाम् अन्यविनियोगदर्शनेऽपि स्वस्य का चिन्ता ! तेषामपि अङ्गीकारेणैव कृतार्थतासम्भवात् इति अर्थः. किञ्च, 'स्वस्य' इतिपदम् आवृत्तम् 'अपि'शब्देन सम्बध्यते.

टीका : सबन्सों प्रभुको सम्बन्ध हे, एकको मुख्य सम्बन्ध हे ओर अन्यको गौण सम्बन्ध हे एसें नाहीं हे. एसी निवेदनमें अङ्गीकारकी मर्यादा हे. यासूं जो विलक्षण होय - इतनें सबन्को अङ्गीकार समान होय तथापि कोउके ऊपर विशेष कृपा दीखवेमें आवे - तो तामेंहु अपनें सन्तोष माननो. अर्थात् निवेदन करिवेके समय तो एक मुख्य होयके अपने संग दूसरे सबन्कों अर्पण करे हे, तब अपनी मुख्यता होय हे. परन्तु निवेदन भये पीछे तो अपनो आत्मा, देह, प्राण, इन्द्रिय, अन्तःकरण, स्त्री, पुत्र, धन सबन्को समान निवेदन होय हे. तामें जेसें धनादिक अचेतन पदार्थनको परस्पर विनियोग होय हे तामें जेसें चिन्ता नाहीं होय हे तेसें स्त्रीपुत्रादिक चेतनको परस्पर विनियोग होयवेमेंहु अपनकों चिन्ता कहा हे ! तेसेंही अपनोहु अन्यमें विनियोग होय तोहु चिन्ता कहा हे !

यासूं एसो सिद्ध भयो जो अपन् समर्पण कियो तब अपने संग स्त्री-पुत्रादिककोहु समर्पण भयो सो विनमें अपनो सम्बन्ध हतो ताको समर्पण भयो हे. ओर स्त्रीपुत्रादिकनकी जो स्वतन्त्र सत्ता हे सो समर्पण करिवेकेलिये तिनकों भिन्न-भिन्न समर्पण करना चहिये. तब 'सिद्धान्तरहस्य'में कहे प्रमाण अपने-अपने पञ्चदोषनकी निवृत्ति होय. ओर धनादिक जड़ पदार्थमें अपनी स्वतन्त्र सत्ता रहे हे, तासूं अपने समर्पणके संगही विनको समर्पण होय गयो ओर वे निर्दुष्ट होय गये एसें जाननो ॥३॥

जेसें पुत्रादिकनके अन्यविनियोगमें चिन्ता नाहीं करनी तेसें अपनो अन्य

विनियोग होय तोहु चिन्ता न करनी या विषयमें कहत हैं:

अज्ञानाद् अथवा ज्ञानात् कृतम् आत्मनिवेदनम् ॥

यैः कृष्णसात्कृतप्राणैस् तेषां का परिदेवना ॥४॥

यैः = जिननें	ज्ञानात् = ज्ञानसूं
कृष्णासात्कृतप्राणैः = जिननें अपने	आत्मनिवेदनं = आत्मनिवेदन
प्राण श्रीकृष्णके संग एकमेक	कृतं = कियो हे
करि दीने हैं विननें	तेषां = विनकुं
अज्ञानात् = अज्ञानसूं	का = केसी
अथवा = अथवा	परिदेवना = चिन्ता

भावार्थ : जिन भक्तननें ज्ञानसों अथवा अज्ञानसों हु एक बेर जब आत्मनिवेदन कर दियो हे पाछें विनकुं चिन्ता करिवेकी नाहीं रहि जाय हे तब जिननें श्रीहरिके अधीन प्राण कर दिये हैं एसे भक्तनकुं कोनसी चिन्ता करिवेकी रही जाय हे ! अर्थात् उनकुं कोई तरहकी चिन्ता नाहीं करनी.

प्रकाश : यथा पुत्रादीनाम् तथा स्वस्यापि सः = अन्यविनियोगः चेत् तदापि चिन्ता न कार्या इति आहुः अज्ञानाद् इति.

हीन - मध्यमाधिकारिभिरपि निवेदितात्मभिः चिन्ता न कार्या भवति यत्र, तत्र कृष्णसात्कृतप्राणैः चिन्ता न कार्या इति किमु वाच्यम् ! इति अर्थः. केवलं प्रभ्वधीनीकृतप्राणानां चिन्ताविषयाभावादेव न सा इति भावः. अतएव 'का' इति शब्दः उक्तः. पदसम्बन्धस्तु - अज्ञानाद् अथवा ज्ञानात् यैः तत् कृतम् तेषां सा न इति शेषः. कृष्णसात्कृतप्राणैः यैः तत्कृतम् तेषां सा का इति उक्तम् ॥४॥

टीका : भगवान् सर्वरूप हैं, मार्गके प्रवर्तक हैं, उपदेशक = गुरु हैं, निरवधि सच्चिदानन्दस्वरूप हैं; तथा भगवान्को सब निवेदन करनो सो परमफलरूप

हे – इत्यादिक ज्ञान जिनकों नहीं हे ऐसे हीनाधिकारी, ओर एसो ज्ञान जिनकों हे ऐसे मध्यमाधिकारी हु निवेदितात्मा होंय तो विनकों चिन्ता कर्तव्य नहीं हे तब जिनने केवल प्रभूनोंही अपने प्राण आधीन किये हैं एसें जो उत्तमाधिकारी हैं तिनकों तो चिन्ताही कहा हे !॥४॥

श्रवणादिक नव भक्तिन्मेंसू श्रवण, कीर्तन ओर स्मरण ये जीवके आधीन हैं. तथा पादसेवनके दोय भेद हैं. तामें एक तो अपने पादकरिकें भगवन्मन्दिरादिकमें जानो. सो तो जीवके आधीन हे. परि, दूसरो, भगवान्के चरणारविन्दको सेवन करनो, सो प्रभूनेके आधीन हे. तेसेंही अर्चन, वन्दन ओर दास्य हे सोहु सेव्यस्वरूपमें चैतन्यको प्राकट्य न होय तोहु बन सके हे. परन्तु सख्य ओर आत्मनिवेदन तो सेव्यस्वरूपमें चैतन्यको प्राकट्य होय ओर प्रभु आपु स्वीकार करें तबही होय सके हे. ओर अब तो प्रभुको वेसो सानुभाव हे नहीं तब, अपने जो आत्मनिवेदन कियो हे वाको प्रभूनें अङ्गीकार कियो हे किंवा नहीं कियो हे ? एसी चिन्ता तो होय तहां कहत हैं :

तथा निवेदने चिन्ता त्याज्या श्रीपुरुषोत्तमे ॥
विनियोगेऽपि सा त्याज्या समर्थो हि हरिः स्वतः ॥५॥

निवेदने = निवेदनके विषयमें

श्रीपुरुषोत्तमे = श्रीकृष्णके विषयमें

चिन्ता = चिन्ता

सा = वो(चिन्ता)

त्याज्या = छोड़नी

त्याज्या = छोड़नी

तथा = ओर

ही = निश्चितरूपसू

विनियोगे = विनियोग विषयमें

हरिः = श्रीकृष्ण, स्वतः = आपु

अपि = भी

समर्थः = सब प्रकारसू शक्तिमान् हैं

भावार्थ : “मेरो निवेदन श्रीहरिने स्वीकार कियो के नहीं” एसें श्रीपुरुषोत्तमसम्बन्ध विषयक चिन्ताकोहु परित्याग करनो. तथा कदाचित् अन्य कार्यादिकमें विनियोग

होय जाय तोहु चिन्ताको त्याग करनो. क्यों, श्रीहरि स्वयं समर्थ हैं.

प्रकाश : ननु सख्यात्मनिवेदने हि भगवदङ्गीकारेणैव सम्पद्येते. तथा च स्वयम् आत्मनिवेदने कृतेऽपि प्रभुः अङ्गीकृतवान् नवा इति चिन्ता भवत्येव, इत्यतः आहुः तथा इति.

पुरुषोत्तमो अङ्गीकृतवान् नवा इति निवेदनविषयिणी या सा त्याज्या, उक्तनिवेदनवत् इति अर्थः. पुरुषोत्तमेन निरोधलीलायां स्वतोऽन्यभजनं क्रियमाणा भक्ताः तन्निवार्य स्वयम् आत्मसात्कृतेति तादृशे स्वयं सर्वात्मना निवेदने कृते सा शङ्का न उचिता इति ज्ञापनाय ‘पुरुषोत्तम’पदम्. तत्रापि स्वरूपानन्ददानेन अनिशं पोष्यमाणानां भक्तानां तदितरत्र उपयोगासम्भवेनैव न शङ्कोदयः इति ज्ञापनाय ‘श्री’पदम्. तथा च तद्युक्ते तत्र निवेदने सा त्याज्या इति भावः. कदाचित् लोकभयाद्युपस्थितौ तन्निवारणाय जीवस्वभाववशात् अन्यविनियोगेऽपि तथा इति आहुः विनियोगेऽपि इति. प्रमादात् तथासम्भवेऽपि प्रभुः न त्यक्ष्यति. यतः तत्स्वभाववशात् तथाभूतमपि उद्धर्तुं

तत्साधनानपेक्षः.

टीका : श्रीयुक्त पुरुषोत्तममें निवेदन विषयक चिन्ता छोड़नी. इतनें जेसें सब गोप इन्द्रको यज्ञ करत हते तिनकों निवृत्तकरिके अपने आधीन किये तेसें अपने सर्वात्मासों प्रभूनें सब निवेदन कियो हे तब चिन्ता करनी योग्य नहीं हे. तामेंहु श्रीयुक्त पुरुषोत्तम हैं सो अपने स्वरूपानन्दको दान करिके भक्तनको पोषण करत हैं. तिनमें निवेदन कियो सो प्रभूनें अङ्गीकार कियो हे अथवा नहीं कियो हे ? एसी चिन्ता छोड़नी. कदाचित् कालभयादिक आय जाय तब वाको निवारण करिवेकेलिये जीवस्वभावसू अन्यविनियोग होय तोहु चिन्ता छोड़नी एसें कहत हैं. यदि प्रमादसू एसें अन्यविनियोग होय जाय तोहु प्रभु न छोड़ेंगे. क्यों जो स्वभावके वशसू जीव एसें भयो तोहु वाको उद्धार करिवेमें वासू साधनकी अपेक्षा प्रभु नहीं राखत हैं, आप-स्वतः ही समर्थ हैं. ओर सबनके दुःख तथा पापके हरण करिवेवारे हैं ॥५॥

भगवान्ने अङ्गीकार कियो होय तामें दूसरो लक्षण कहत हैं:

लोके स्वास्थ्यं तथा वेदे हरिस्तु न करिष्यति ॥

पुष्टिमार्गस्थितो यस्मात् साक्षिणो भवताऽखिलाः ॥६॥

यस्मात् = क्योंके (जीव / हरि) तु = तो, न = नहीं
पुष्टिमार्गस्थितः = पुष्टिमार्गमें रहे भये हैं करिष्यति = करेंगे
(तस्मात् = तासूं) (तस्मात् = तासूं, लोक-वेदकर्मसु =
हरिः = श्रीकृष्ण लौकिक-वैदिक कर्मनमें)
लोके = लोकमें, तथा = ओर अखिलाः = सब, साक्षिणः = साक्षी
वेदे = वेदमें, स्वास्थ्यं = स्वस्थता भवत = होउ / बनो

भावार्थ : क्योंके जीव ओर प्रभु अनुग्रहमार्गमें स्थित हैं तासों श्रीहरि लोक ओर वेद में आसक्ति नहीं करावेंगे. तासों लोक-वेद सम्बन्धि कार्य साक्षिमात्र रहिके करने.

प्रकाश : अङ्गीकारे लक्षणान्तरमपि आहुः लोके इति.

कदाचित् प्रवाहवशात् लौकिके वाणिज्यादौ, वैदिके आश्रमधर्मादौ वा स्थितौ तत्र विघ्नएव भवति, नतु तत्फलम् इति अर्थः. तत्र हेतुः पुष्टि... इति. तद्विनापि स्वबलेनैव सर्वकर्ता यतः इति भावः. पुष्टिमार्गाङ्गीकारे मर्यादां न सहते इति ज्ञेयम्. एवं सति किं कार्यम् इति आकाङ्क्षायाम् आहुः - साक्षिवत् तत्कृतं पश्यत.

टीका : लौकिक वाणिज्यादिकनमें तथा वैदिक आश्रमधर्मादिकनमें भक्तनके दुःखहर्ता = हरि स्वस्थता न करेंगे. अर्थात् लौकिक तथा वैदिक में काया, वाणी तथा मन सूं आछी रीतिसूं स्थिति होय तामें विघ्न होय. इतनें लौकिक तथा वैदिक कार्यहु यथार्थ न होय तहां वाको फल तो कहांसूं होय ? क्यों जो प्रभु आप हरि हैं. सो अपने बलकरिकेही सब सिद्ध करिवेवारे हैं. तासूं

पुष्टिमार्गमें अङ्गीकार भयो तब मर्यादाकों सहन नहीं करत हैं. एसें लौकिक तथा वैदिक में विघ्न होय तब कहा करनो ? एसी शङ्का होय तहां कहत हैं : जो सब भक्त साक्षिवत् होय जाओ. इतनें लौकिक तथा वैदिक में भगवान् कहा करत हैं येही देखनो. अर्थात् सप्तम स्कन्धमें भगवदीय गृहस्थके लक्षणमें लिख्यो हे जो “ज्ञातिके मनुष्य, माता-पिता, पुत्र ओर दूसरे सम्बन्धी जैसे कहें ओर जेसी इच्छा करें वामें ममता छोड़िकें अनुमोदनही करनो” ये वाक्यके अनुसार रहनो. एसें रहे सोहु भगवान्के अङ्गीकारको लक्षण हे ॥६॥

लौकिक - वैदिकमें विघ्न होय तोहु साक्षिवत् भगवान्की कृति देखनी, एसो उपदेश कियो. ताकरिकें आधिभौतिक, आध्यात्मिक ओर आधिदैविक एसें तीन प्रकारको धैर्यही साधनरूप कह्यो एसो सिद्ध होय हे. इतनोही कर्तव्य होय तब यथार्थ सेवा तो बन सके नहीं, तब निवेदनकी व्यर्थता होय, येहु धर्मकी हानि हे, एसी चिन्ता होय ताकी निवृत्तिको उपाय कहत हैं :

सेवाकृतिर् गुरोर् आज्ञा बाधनं वा हरीच्छया ॥

अतः सेवापरं चित्तं विधाय स्थीयतां सुखम् ॥७॥

गुरोः = गुरुकी (सेवाकृतिः = सेवाको कार्य)
आज्ञाऽबाधनं (यथास्यात्तथा) = अतः यासूं
आज्ञाको बाध जेसे नहीं होय एसे सेवापरं = सेवामें परायण
सेवाकृतिः = सेवाको कार्य चित्तं = चित्तकुं
वा = अथवा विधाय = रखिके
हरीच्छया = श्रीकृष्णकी इच्छा प्रमाण सुखं = सुख, स्थीयताम = रहा

भावार्थ : गुरुकी आज्ञानुसार सेवा करनी. किन्तु प्रभु कबहुक आपुनी विशेष इच्छा भक्तकुं जतावे तो प्रभुकी इच्छाके अनुसारही करनो. एसेमें गुरुकी आज्ञाके बाध होयवेमें अथवा अबोधमें प्रभुसेवामेंही चित्तकुं तत्पर रखिके सुखसूं रहनो.

प्रकाश : सेवाकृतिः इती. गुर्वाज्ञाया अबाधनं यथा भवति तथा सेवाकृतिः पूर्वम् अपेक्षिता. एवं वर्तमानानां कदाचिद् विशेषतो भगवदाज्ञा चेत् गुर्वाज्ञा विरूद्धा भवेत् तदा तथा कार्यम् इति आशयेन आहुः **बाधनं वा हरीच्छया.** विकल्पेन अबाधनम् इति अर्थः. एवं सति गुर्वाज्ञाया अबाधने बाधने वा सेवाएव मुख्या यतो अतः तथैव स्थेयम् इति आहुः अतः इति. एवं सति पर्यवसितं सुखमेव इति आशयेन **सुखम्** इति उक्तम्.

टीका : “देवमें जेसी उत्तम भक्ति होय हे तेसी भक्ति गुरुमें राखनी” एसें श्वेताश्वतरश्रुतिमें लिख्यो हे. तासूं गुरुकी आज्ञाप्रमाण सेवा करनी सो आत्मनिवेदीन्को धर्म हे. सो जेसें साक्षिवत् रहीवेमें सिद्ध रहे तेसें साक्षिवत् रहनो. परंतु सेवाकी विरूद्धतासूं साक्षिवत् नाहीं रहनो. तामेंहु गुरुकी इच्छासूं विरूद्ध प्रभून्की इच्छा सेवामें होय तो गुरुकी इच्छाको बाध होय.

इतनें जा प्रमाण सेवा करिवेकी गुरुन्की आज्ञा हे वाही प्रमाण सेवा करनी. ओर सेवामें सामग्री प्रभृति विषयमें अन्तःकरणद्वारा, स्वप्नद्वारा अथवा साक्षात् भगवान्की विशेष आज्ञा होय तब गुरुन्की आज्ञाको बाध होय, प्रभून्की आज्ञाको बाध न होय. प्रभून्की आज्ञाप्रमाण सेवा करिवेतें स्वधर्मकी हानि न होय. अर्थात् गुरुन्की आज्ञा सिद्ध रहे तेसें अथवा प्रभून्की इच्छासूं गुरुन्की आज्ञाको बाध होय तेसें सेवाही करनी. क्यों जो आत्मनिवेदीन्को सेवाही मुख्य हे. तासूं सेवापरायण चित्त राखिकेही रहनो तब पर्यवसानमें वाकों सुखही होय ॥७॥

अल्प दुःख होय तब तो एसें साक्षिवत् रह्यो जाय परन्तु महादुःख आय पड़े तब साक्षिवत् रही सक्यो न जाय, तब तो चिन्ता होय ! एसी कोऊ शङ्का करे तहां कहत हैं :

**चित्तोद्वेगं विधायाऽपि हरिर् यद्यत् करिष्यति ॥
तथैव तस्य लीलेति मत्वा चिन्तां द्रुतं त्यजेत् ॥८॥**

चित्तोद्वेगं = चित्तमें उद्वेगकुं

तथा एव = वेसी ही

विधाय = करिके, अपि = हु

लीला = लीला, इति = एसो

हरिः = श्रीकृष्ण, यत्-यत् = जो-जो

मत्वा = मानिके

करिष्यति = करेंगे (तत् = वो)

चिन्तां = चिन्ताकुं, द्रुतं = तुरन्त

तस्य = विनकी

त्यजेत् = छोड़ दे

भावार्थ : भगवान् चित्तमें उद्वेग करिके हु जो - जो करेंगे सोहु हरिकी लीला हे एसें मानिके चिन्ताकुं शीघ्रही छोड़े.

प्रकाश : कदाचित् पुत्रादि-वियोग-शङ्काजनित-दुःखेन चिन्तासम्भवे गतिम् आहुः चित्तोद्वेगम् इति.

टीका : जेसें लोकमर्यादाके रक्षणकेलिये यादवन्कों शाप दिवायके भगवान्नें प्रभासीयलीला करी, क्यों जो अगाड़ी यादवन्कों नित्यसुख दियो हे, तेसें भक्तन्के प्रारब्धादिरूप पाप हरिवेकेलिये हरि = भगवान् जो करेंगे, सो ऊपरसूं शुभ अथवा अशुभ दीखवेमें आवतो होय, तामें चित्तकों उद्वेग होय. सो उद्वेग करिके हरि जो - जो करेंगे सो अपनो (भक्तके) महत्पाप होय ताको नाश करिवेकेलिये हरिकी लीला हे, एसें मानिके उद्वेग करायवेवारी अथवा उद्वेगसूं भई एसी चिन्ताकुं शीघ्रही छोड़े. क्यों जो बोहोत समय चिन्ता रहिवेमें काल, कर्म ओर स्वभाव की प्रबलतासूं चित्तमें आसुरधर्मको प्रवेश होय जाय तो फलमें प्रतिबन्ध तथा विलम्ब होय. तासूं चिन्ताकुं शीघ्रही छोडनी ॥८॥

या नवरत्नग्रन्थमें जितनो लिख्यो हे सो सब होय सकें नाहीं एसो दीखे हे. क्यों जो नवधाभक्तिमें प्रथम एसी जो श्रवणभक्ति वहांसूं आरम्भ करिके सख्यभक्ति पर्यन्त पहुंचे तब जायके अन्तमें आत्मनिवेदनकी बारी आवे. तहां नवधाभक्तिकी श्रवणादि प्रत्येक भक्तिकी सिद्धि होनी जब दुष्कर हे तब निवेदनकी तो दिशाहु मिलनी अत्यन्त दूरकी बात हे. तासूं निवेदनविषयक तथा अन्यविनियोगविषयक चिन्ताको जो समाधान अब ताईं कियो सो सब व्यर्थ दीखे हे - एसो विचारिके साधन ओर फल एक करिके सबन्को समाधान कहत हैं :

तस्मात् सर्वात्मना नित्यं श्रीकृष्णः शरणं मम ॥
वदद्भिर् एवं सततं स्थेयम् इत्येव मे मतिः ॥९॥

तस्मात् = तासूं	सततं = सतत
सर्वात्मना = सब तरहसूं	वदद्भिः = बोलते भये
नित्यं = हमेशा, मम = मेरो	एवं = या प्रकारसूं, स्थेयं = रहनो
श्रीकृष्णः = श्रीकृष्ण	इति = एसो, एव = ही
शरणं = आश्रय (इति = एसो)	मे = मेरो, मतिः = माननो हे

भावार्थ : ऊपर कही एसी रीतिसूं जीवनकों आपसूं सब होनो अशक्य हे तासूं सर्वात्माकरिकें “श्रीकृष्णः शरणं मम” एसें नित्य सर्वकाल बोलतेही रहनो एसी मेरी मति हे.

प्रकाश : ननु इदम् अखिलम् अशक्यमिव भाति. तथाहि. श्रवणम् आरभ्य सख्यपर्यन्तागतौ हि पश्चात् निवेदनवार्ता. तत्र प्रत्येकं तदेव दुरापमिति दूरतरा निवेदनदिगपि. अतः तत्कृतचिन्तान्यवियोगचिन्तादिसमाहितः निरर्था इति विचार्य साधन-फले एकीकृत्य सर्वसमाधानम् आहुः तस्मात् इति.

यस्मात् उक्तरीत्या स्वतः सर्वम् अशक्यम् अतः सर्वात्मना शरणागतौ प्रभुरेव सम्पादयिष्यति इति हृदयम्. भक्तिमार्गीयान् सर्वान् अंशान् विचार्य तत्र प्रतिबन्धं स्वाशक्तिं च स चेत् पश्यति तदा सर्वात्मना तथा भवति. नित्यम् इति नैरन्तर्यम् उच्यते. अन्यथा कालेन आसुरधर्मप्रवेशः स्यात्. अन्तःकरणे तथाभावे अतथाभवे वा तथा वदनम् आवश्यकम् इति ज्ञापयितुं सततम् एवं वदद्भिः इति उक्तम्. एवं सति लोकशिक्षापि आनुषङ्गिकी सिध्यति. एवम् उक्तप्रकारेण सेवापरतया स्थेयम् इति अर्थो वा. ननु इदमपि न स्वशक्यम् इति आशङ्क्य “यमेवैष वृणुते” इति श्रुतेः मे मतिः इत्येव एवंप्रकारिकैव इति अर्थः.

भक्तिमार्गं प्रवृत्तस्य दाढ्यार्थम् इदमुच्यते ॥

अन्धस्य सूर्य इव तद्-विमुखस्यात्र नार्थिता ॥१॥
भक्तिमार्गसुधासिन्धोर् विचारमथनैः स्वयम् ॥
स्फुटीकृतानि रत्नानि श्रीमदाचार्यपण्डितैः ॥२॥
मयोज्वलीकृतानीत्थं हृदि धृत्वा व्रजाधिपम् ॥
भजन्तु भक्ता येनासौ न विमुञ्चति कर्हिचित् ॥३॥

॥ इति श्रीविट्ठलदीक्षितविरचितो नवरत्नप्रकाशः समाप्तः ॥

टीका : इतनें, भक्तिमार्गमें प्रवेश भयो तथा भक्तिमार्गमें रुचि भई तामें भगवान्को अनुग्रहही कारण हे. एसें भक्तिमें प्रवेश भये पीछेही सेवामें प्रतिबन्धको सम्भव होय, तब प्रारब्ध तथा कालादिकसूंही होय. ताकी निवृत्ति तो सबन्के नियामक एसे प्रभूसूंही होय ओर तामें शरणागतिही साधन हे. सो जीव प्रभुके शरण गयो होय ओर सब करिवेमें प्रभु ताकी अशक्ति देखें तब प्रभुही सब सिद्ध करें. तासूं सर्वात्माकरिकें शरणागति होयगी तो प्रभुही सब सिद्ध करेंगे, ये गूढ अभिप्राय हे. तब प्रथमसूंही शरणागतिको उपदेश क्यों नाहीं कर्यो ? एसी शङ्काकी निवृत्तिकेलिये सर्वात्माकरिकें शरणमन्त्र कह्यो करनो एसो कह्यो हे. इतनें भक्तिमार्ग सम्बन्धी जितने विषय हें तितने विषयको बिचार करिके तामें प्रतिबन्ध तथा अपनी अशक्ति कों जब देखे तब सर्वात्माकरिकें शरणागति होय. (शरणमन्त्रको रटण) निरन्तर कर्यो करनो एसें बतायवेकेलिये मूलमें ‘नित्य’ पद कह्यो हे. अन्तःकरणमें तेसो भाव होय अथवा न होय तथापि तेसें बोलनो आवश्यक हे – एसें जतायवेकेलिये “सतत बोलनो” एसें कह्यो हे. एसें कह्यो करे तामें लोककों शिक्षाहु होय जाय हे. अथवा यह अष्टाक्षर मन्त्र सतत कह्यो करनो ओर सेवापरायण होयके रहनो – एसोहु अर्थ होय हे.

येहु अपनसूं होय सके एसो नाहीं हे, एसी शङ्का होय तहां कहत हें जो “एसी मेरी मति हे”. इतनें दशमस्कन्धमें अक्रूरजीनें श्रीकृष्णकों कह्यो हे जो “आपके चरणारविन्दके शरणमें आयो हुं सो आपको अनुग्रह हे एसें मानुं हुं”. तासूं भगवान्को अनुग्रह होय तबही जीव भगवान्की शरण जाय. सो जो हमारे भक्त भगवान्के शरण गये हें विनके ऊपर भगवान्को अनुग्रह हे एसें समझिके हमनें जो

इति श्रीमद्वल्लभाचार्य विरचित नवरत्नकी

संक्षिप्त भाषाटीका

गोस्वामी श्रीनृसिंहलालजी महाराज विरचित समाप्त भई

(अथ श्रीपुरुषोत्तमजी या ग्रन्थकी विवृतिमें आज्ञा करत हैं जो) श्रीआचार्यमहाप्रभूनों सेवाको उपदेश कियो ताके निर्दोषपनेकेलिये सिद्धान्तरहस्य ग्रन्थ कह्यो. तामें ब्रह्मसम्बन्धसों सेवा करिवेवारेनुके सर्वदोष अकिञ्चित्कर होय जाय हैं, ओर अगाड़ी दोषको संसर्ग नाहीं लगे हे- एसी भगवान्की आज्ञा भई ताको निरूपण कीनो. तापाछें सेवाको आधिदैविकपनो सिद्ध होयवेकेलिये नवरत्न ग्रन्थमें चिन्ताकी निवृत्तिको उपाय कह्यो. ताकारिके उद्वेगरूप प्रतिबन्ध ओर ताकी निवृत्तिके प्रकारको निरूपण कर्यो. सो जब एसे प्रतिबन्धकी निवृत्ति पूर्वक सेवा करे तब भगवान्को सानुभाव अवश्य होय. ओर जब सो होय तब प्रारब्धादिकके वशसूं प्रथमके दोष यदि शेष होय तब जेसें छोटे पात्रमें अधिक जल ठहरे नाहीं तेसें एसो भक्तहु बड़ी कृपाकुं धारण नाहीं कर सके. तब वाकों अपनी बड़ाईकी स्फूर्ति होय. तब भगवत्सानुभावमें क्वचिद् होती भगवान्की आज्ञाको भङ्ग आदि अपराध वासूं होय सके हे. सो जब आज्ञाको भङ्ग करे तब भगवान्की अप्रसन्नता होय. परन्तु जो भगवद्गुणरूप सेवा सदा करत हे ताको नाश होय नाहीं. तथापि भगवान्को अपराध भयो होय तासूं पश्चात्ताप होय तब चिन्ता होयवेको सम्भव हे. एसी चिन्तित अवस्थामें करी जाती सेवा तथा चिन्तित मनसूं भविष्यमेंहु जो सेवा करेगो ताको अधिदैविकीपनो नाहीं होय. या दोषकी निवृत्तिकेलिये या ग्रन्थमें विचाररूप साधनको उपदेश करे हैं. आपके कथनमें विश्वास होयवेकेलिये बीचमें अपनी आख्यायिका कहिके, मनमें दुष्टवृत्ति उत्पन्न न होय तो एसो न होय ये निश्चय करिके, अपने अन्तःकरणकों बोध करिवेके मिषतें अपने भक्तनुके अन्तःकरणकों सावधान करिके कहत हैं:

(श्रीगोकुलनाथजीनें श्रीआचार्यजीकी आख्यायिका या ग्रन्थकी विवृतिके उपोद्घातमें या प्रमाण लिखी हे) श्रीठाकुरजीनें अपनी वाणीके अधिपतिरूप श्रीआचार्यजीमहाप्रभूनों प्रकट करिके श्रीभागवत्को यथार्थ अर्थ प्रकट करिवेकी आज्ञा देयकें श्रीआचार्यजीद्वारा 'श्रीसुबोधिनीजी' टीका करवाई. तामें तृतीयस्कन्ध तांई श्रीसुबोधिनी भई तब भगवान् श्रीआचार्यजीके वियोगकुं सहन न करि सके तासूं स्कन्धको क्रम छोड़िके सूधे दशमस्कन्धको विवरण लिखिवेकी आज्ञा कीनी. तब आप एसे ही किये. दशमस्कन्धको विवरण पूरो भये पाछें यदि

श्रीआचार्यजी सम्पूर्ण श्रीभागवतको विवरण लिखें तब तो अत्यधिक विलम्ब होय जाय सो विलम्ब असह्य जानिके प्रभूने श्रीआचार्यजीकुं दो बेर स्वधाम पधारिवेकी आज्ञा दीनी. किन्तु, सम्पूर्ण श्रीभागवतको विवरण पूर्ण भयो न होइवेसों श्रीआचार्यजीने वा आज्ञाको पालन नहीं कियो. तब भगवान्कुं श्रीआचार्यजीके मिलनकी आवश्यकता होयवेसूं अति कृपायुक्त रोषपूर्वक अपने पास पधारिवेकेलिये तीसरी बेर आज्ञा कीनी. तब श्रीआचार्यजी महाप्रभुजी भगवान्को आग्रह देखिकें, प्रथम दोय आज्ञाको उल्लङ्घन कियो हे सो श्रीभागवतकी टीका करिवेकी प्रथम आज्ञा भई हती ताकी दृढता अन्तःकरणमें हती तासूं दोय आज्ञाको उल्लङ्घन कियो तब तीसरी आज्ञा भयेसूं भगवान्को आग्रह जानिकें एसी दृढताको स्थान अन्तःकरणही हे एसो दिखायवेकेलिये अन्तःकरणको प्रबोध करत हैं:

**अन्तःकरण ! मद्वाक्यं सावधानतया शृणु ॥
कृष्णात् परं नास्ति दैवं वस्तुतो दोषवर्जितम् ॥१॥**

अन्तःकरण = हे अन्तःकरण !	मद्वाक्यं = मेरे वाक्यकुं
सावधानतया = सावधानतासूं	वस्तुतो दोषवर्जितं = वस्तुतः दोषसूं रहित
शृणु = सुन	दैवं=देव, न=नहीं
कृष्णात् = कृष्णसूं, परं = दूसरो	अस्ति=हे

भावार्थ : हे अन्तःकरण ! मेरे वाक्यकुं तू सावधान होयके सुन, कृष्णसूं अन्य वास्तवमें दोषरहित देवता कोई नहीं हे.

टीका : हे अन्तःकरण ! सावधानतासूं मेरे वाक्यको श्रवण कर. यहां 'अन्तःकरण' मात्र लिख्यो हे. तासूं अपनो तथा दूसरे को अन्तःकरण समझवेमें आवत हे. तथापि समाप्तमें कह्यो हे जो "ये सुनिकें भक्त निश्चिन्तपनेकुं प्राप्त होय" तासूं भक्तनके अन्तःकरणको बोध करिवेकेलियेही अपने अन्तःकरणके मिषसूं ये वाक्य कहे हैं.

अन्तःकरणप्रबोध:
२६३

एसें अन्तःकरणको सावधान करिके, ब्रजभक्तनके दृष्टान्तसूं, अपने वैष्णव भगवान्की आज्ञामें प्रमादयुक्त होय सो नहीं होयवेकेलिये प्रथम भगवान्की बड़ाईकी भावना करिवेको कहत हैं जो लोक तथा वेद में कहे एसे दोषनकरिके विवर्जित, जिनको रासक्रीड़ाको सुख प्राप्त भयो हे एसे ब्रजभक्तहु श्रीकृष्णसों श्रेष्ठ नहीं हे. तासूं विनको दृष्टान्त लेयके भगवान्की आज्ञामें प्रमाद नहीं राखनो. (अर्थात् प्रभुके वेणुनादकुं सुनिके ब्रजभक्त जब वनमें प्रभूके निकट पधार तब प्रभूने विनकुं पाछें स्वगृह जायवेकी आज्ञा दीनी. परि ब्रजभक्तनमें वा आज्ञाको पालन नहीं कीनो. या प्रसङ्गसूं आधुनिक भक्तहु कबहुं भगवदाज्ञा किंवा भगवदाज्ञातुल्य श्रीआचार्यजीकी आज्ञाको अनुसरिवेमें प्रमाद दिखावे तो वाको अनिष्ट होय).

यद्यपि भगवान्की सेवामें सर्व इन्द्रियनको उपयोग हे तासूं सब इन्द्रियनको बोध करनो योग्य हे. तथापि जेसें राजाके स्वाधीन भयेसूं राज्यके सब मनुष्य तथा प्रजाहु स्वाधीन होय जाय हे तेसें, मन हे सो सब इन्द्रियनको राजा हे तासूं मन वशमें आयवेसूं सब इन्द्रियें वसमें होय जांय हैं एसें जतायवेकेलिये अन्तःकरणकोही बोध कियो हे ॥१॥

एसें अपने अन्तःकरणमें भावकी बड़ाइ आय जाय ताकी निवृत्ति करिके जीवकुं दैन्यकी सिद्धि होयवेकेलिये, जीव स्वभावसूंही हीन हे एसें जतायवेको दृष्टान्त कहत हैं:

**चाण्डाली चेद् राजपत्नी जाता राज्ञा च मानिता ॥
कदाचिद् अपमानेऽपि मूलतः का क्षतिर् भवेत् ॥२॥**

चाण्डाली = चण्डाल स्त्री	कदाचित् = कबहुक
चेत् = यदि	अपमाने = अपमान होय
राजपत्नी = राजाकी पत्नि	अपि = तोहु,
जाता = होय, च = ओर	मूलतः = मूलसूं
राज्ञा = राजाद्वारा	का = कहा, क्षतिः = हानी

अन्तःकरणप्रबोध:
२६४

मानिता = अधिक सम्मानित भवेत् = होय

भावार्थ : चाण्डाली यदि राजाकी रानी होय; और राजाने दूसरी रानीन् करतें वाकुं अधिकहु मानी होय, और फिर कोई समय वाहीके अपराधसूं राजाद्वारा वाको अपमान होय तो राजपत्नीपनेमें कहा हानि भई? अर्थात् कछु नाहीं. एसेही हे अन्तःकरण ! फल देयवेमें कदाचित् प्रभु विलम्बहु करें तथापि अङ्गीकारमें काहु प्रकारकी हानि नाहीं हे, तासूं चिन्ता नाहीं करनी.

टीका : चाण्डाली होय सो कछु गुणसों कदाचित् राजाकी पत्नी भई होय ओर दूसरी पत्नीन्की अपेक्षा राजाने वाकुं मानयुक्तहु करी होय. फिर कछुक अपराध भयेसूं राजानें यदि वाको अपमान कियो होय तामें, मान होयवेके मूलरूप राजपत्नीपनेसूं कहा क्षति होय हे ?

इतने (राजाद्वारा क्वचिद् वाको अपमान कियो जाय तोहु) राजा विना ओर कोऊ वाकुं देखि न सके, स्पर्श न करि सके ओर अन्यके विनियोगमें न आवे; तथा राजपत्नीपनेकी बड़ाई इत्यादिक जो धर्म आये सो न्यून नाहीं होय हे. तेसैंही चाण्डाल जाति अपमानके कारणरूप हे तासूं वामें तो क्षति हे ही नाहीं परन्तु राजपत्नीपनेसूंहु क्षति नाहीं हे. यज्ञमें पतिके सङ्ग बेठिवे योग्य होय सोही पत्नी कही जाय हे. तासूं ये चाण्डाली राजाकी स्त्री भई तोहु पत्नी नाहीं कहि जाय; तथापि जेसैं पत्नी त्यागयोग्य नाहीं हे तेसैं येहु त्यागयोग्य न होय एसैं जतायवेकेलिये यहां 'पत्नी'शब्द कह्यो हे ॥२॥

एसैं दृष्टान्त कहिकें सिद्धान्तमें याकी बरोबरता जतायकें तेसी समझको फल कहत हैं :

समर्पणाद् अहं पूर्वम् उत्तमः किं सदा स्थितः ॥

का ममाधमता भाव्या पश्चात्तापो यतो भवेत् ॥३॥

अहं = में, समर्पणात् = समर्पणसूं का = कहा

अन्तःकरणप्रबोधः

२६५

पूर्व = पहिले, किं = कहा

भाव्या = बिचारनी

सदा = सदा, उत्तमः = श्रेष्ठ

यतः = जासूं

स्थितः = रह्यो हतो ?

पश्चात्तापः = पश्चात्ताप

मम = मेरी, अधमता = अधमता

भवेत् = होय

भावार्थ : समर्पणसूं पूर्व कहा में सदा उत्तमही हो ? तासूं फलविलम्बमेंहु मेरी अधमता कहा विचारनी, जासूं पश्चात्ताप होय ! अर्थात् फलविलम्बकी दशामेंहु "में पहलेसूं तो अच्छो हुं" यों विचारिके अपनो हलकोपन न विचारनो; ओर पश्चात्तापहु न करनो.

टीका : सेवाके अधिकाररूप ब्रह्मसम्बन्ध भयेके पहिले में चाण्डालीवत् सर्वदोष सहित हतो. तब कहा में सर्व काल उत्तम हतो ? किन्तु उत्तम नाहीं हतो. जेसैं चाण्डाली राजपत्नी भई तेसैं मेंहु समर्पणसूंही उत्तम भयो हुं. तासूं कदाचित् भगवान्की अप्रसन्नता होय तोहु मेरो अङ्गीकार तो कियोही हे. तासूं भगवान् सर्वथा मेरो त्याग न करोंगे ओर में अधम न होउंगो. जेसैं चाण्डाली राजपत्नी भई होय ताको राजा त्याग न करे; ओर फिर चाण्डाली न होय, तेसैं अब मेरी अधमता कहा होयवेवारी हे के जासूं मोकुं पश्चात्ताप होय ! इतने, कोऊ राजकुमारी रानी बने ओर कबहुक वाको अपमान होय तो वाकुं पश्चात्ताप होय. क्यों जो दोऊ (राजकुमारीको स्थान ओर रानीको स्थान) समान हे. परन्तु चाण्डालीको राजाने राजपत्नी करी ओर फिर वाको अपमान होय वामें वाको पश्चात्ताप करनो योग्य नाहीं हे. तेसैं जीव प्रथम तो अत्यन्त हीन हतो. ताको अङ्गीकार करिके भगवदीय कियो, तब वाको भावकी बड़ाई होयवेसूं अभिमान भयो, तब प्रभु अप्रसन्न भये. तामें जीवकी मानहानि कहा हे जो पश्चात्ताप होय ! तासूं पश्चात्ताप न करनो ॥३॥

एसैं जीवके धर्मानुसार बिचार करिवेको उपदेश करिके, भगवान्की इच्छा कोई मिटाय सके नाहीं हे एसो अनुसन्धान रहिवेकेलिये भगवान्के धर्मको विचारसों उपदेश करत हैं :

सत्यसङ्कल्पतो विष्णुः नान्यथा तु करिष्यति ॥

अन्तःकरणप्रबोधः

२६६

आज्ञैव कार्या सततं स्वामिद्रोहोऽन्यथा भवेत् ॥४॥

विष्णुः = श्रीकृष्ण	सततं = निरन्तर
सत्यसङ्कल्पतः =	आज्ञा = आज्ञा, एव = ही
सत्यसङ्कल्पवारे होयवेसूं	कार्याकरनी
अन्यथा = ओर तरहसूं	अन्यथा = नाहीं तो
तु = तो, न = नाहीं	स्वामिद्रोहः = स्वामिको द्रोह
करिष्यति = करेंगे(तस्मात् = तासूं)	भवेत् = होयगो

भावार्थ : सर्वत्रव्यापक श्रीहरि सांचे विचारवारे हैं. तासूं फल देयवेके विषयमें ओर तरहसूं तो नाहीं करेंगे. तासूं सर्वदा प्रभुकी आज्ञाके अनुसारही सेवा करनी. वेसैं नाहीं करिवेसूं स्वामीको द्रोह होय हे.

टीका : भगवान् 'विष्णु' हैं, इतने बाहिर-भीतर सर्वत्र व्याप्त हैं. तासूं अपने अन्तर्यामिपनेसूं सबनके भीतर प्रविष्ट हैं. ओर सत्यसङ्कल्प हैं. सो अपनो जो सत्य सङ्कल्प हे तासूं दुसरे प्रकारसों तो न करेंगे, जेसो सङ्कल्प होयगो तेसैंही करेंगे. अथवा भगवान् सत्यसङ्कल्प हैं तासूं अन्यथा न करेंगे; इतने फलदानमें विलम्ब न करेंगे. तासूं सर्वदा प्रभुकी आज्ञाके अनुसार सब करनो. जो एसैं न करे तो स्वामिद्रोहरूप बड़ो अपराध होय ॥४॥

सेवकपनेको विचार करिके अपनो धर्म करिवेसूं स्वामिपनेके विचारसूं प्रभु अपनो धर्म करेंगे सो कहत हैं:

सेवकस्य तु धर्मोऽयं स्वामी स्वस्य करिष्यति ॥

सेवकस्य = सेवकको, तु = तो	अयं = ये, धर्मः = धर्म
(अस्ति = हे)स्वामी = स्वामी	स्वस्य = अपनो, करिष्यति = करेंगे

भावार्थ : सेवकको धर्म तो श्रीहरिकी आज्ञानुसार कार्य करनो सो ही हे. श्रीहरि अपने भक्तके सर्व कार्य स्वयं करेंगे.

टीका : सेवकमें यदि वाको धर्म होय तो स्वामी जो प्रभु सोहु अपने स्वामीपनेको धर्म सेवकमें करेंगे. अथवा प्रभु अपने स्वामी हैं, आपुन् विनके सेवक हैं. या सम्बन्धसूं अपने विनके आत्मीय हैं. तासूं भगवान्ने जो विचार्यो होयगो सो अपने हितकोही होयगो; ओर सोही करेंगे एसे समझनो. येही सेवकको तो धर्म हे ॥

अपन् प्रभुके सेवक हैं एसो विचार अवश्य करनो चाहिये एसैं जतायवेकेलिये दो श्लोकसों अपनी अख्यायिका कहत हैं:

आज्ञा पूर्वं तु या जाता गङ्गा-सागर-सङ्गमे ॥५॥
याऽपि पश्चात् मधुवने न कृतं तद्द्वयं मया ॥
देह-देश-परित्यागः तृतीयो लोकगोचरः ॥६॥
पश्चात्तापः कथं तत्र सेवकोऽहं नचान्यथा ॥

पूर्वं = पहले, तु = तो	न = नाहीं, कृतं = करी
गङ्गासागरसङ्गमे = गङ्गासागरके सङ्गाममें	देहदेशपरित्यागः = देह-देशको
या = जो, आज्ञा = आज्ञा	परित्याग, तृतीयः = तीसरी
जाता = भई, पश्चात् = पीछे	लोकगोचरः = लोकमें प्रसिद्ध
मधुवने = मधुवनमें, अपि = हु	(परित्याग = स्रयास)
या = जो, जाता = भई	अहं = में, सेवकः = सेवक हुं
तद् द्वयं = वो दोउ	अन्यथा = ओर कछु
मया = मेरे द्वारा	न = नाहीं, तत्र = तहां
पश्चात्तापः = पश्चात्ताप	कथं = क्यों

भावार्थ : पहिले तो गङ्गासागरके सङ्गामे देहपरित्यागरूप आज्ञा भयी; ओर पीछें

मधुवनमेंहु जो देशपरित्यागरूप आज्ञा भई. मेंने देह-देशके परित्यागकी दोउ आज्ञा नाहीं पाली. परन्तु तीसरी, लोकमें प्रसिद्ध स्रयासग्रहण पूर्वक गृहको परित्याग करिवेकी आज्ञा पाली. (प्रथम दो आज्ञा नाहीं पाली तासों प्रभु मेरो त्याग करि देइंगे एसे बिचारसूं) वाको पश्चात्ताप मोकुं नाहीं करना चाहिये. क्यों जो में तो प्रभुको (अत्याज्य) सेवक हुं, ओर कछु नाहीं हुं. तासों माकों पश्चात्ताप क्यों करना !

टीका : प्रथम गङ्गासागरसङ्गमके प्रदेशमें जो आज्ञा भई हती ओर तापीछे मथुराजीमें जो आज्ञा भई सो दोउ आज्ञा प्रमाण मेंने नाहीं कियो. क्यों जो प्रभून्के स्वरूपको अनुभाव प्रकट करिवेकी तथा श्रीभागवतको गूढार्थ प्रकट करिवेकी मोकुं पूर्वसूंही आज्ञा भई हती. सो दोउ आज्ञान्को मेंने उल्लङ्घन कियो. क्यों जो प्रथम आज्ञा देहके परित्यागविषयकी भई हती ओर दूसरी आज्ञा देशके परित्यागके विषयकी हती, सो दोउ आज्ञाको पालन करतो तो स्वात्मानुभाव तथा श्रीभागवतको गूढार्थ प्रकाश करिवेकी आज्ञा सिद्ध न होती.

अब लोकके अनुभवमें आवे एसो परित्याग (स्रयास) करिवेकी तीसरी आज्ञा भई तामें मोकुं पश्चात्ताप भयो. क्यों जो में सेवक हुं, तासूं स्वामीकी आज्ञाके प्रमाण करना योग्य हे; परन्तु स्वामीकी आज्ञाको उल्लङ्घन करना योग्य नाहीं हे, एसे विचारतें पश्चात्ताप भयो. अथवा (स्रयासग्रहण पूर्वक गृहको परित्याग करिवेकी आज्ञा भई ताप्रमाण स्रयासग्रहण पूर्वक गृहको परित्याग कियो. यद्यपि दोय आज्ञाको उल्लङ्घन कियो हे तासूं अपराध होयवेको सम्भव हे; तथापि तृतीय आज्ञाप्रमाण त्याग कियो तासूं प्रथमकी दोय आज्ञाहु सिद्ध भई एसें मानिकें पश्चात्ताप करना योग्य नाहीं हे. कदाचित् दो आज्ञाकोहु उल्लङ्घन कियो हे ताकरिके जो अपराध भयो हे तासूं प्रभु फलमें विलम्ब करे तोहु, ये फलको विलम्ब कियो हे सोही दण्ड दियो हे एसो जानिके सेवकको पश्चात्ताप करना योग्य नाहीं हे. ओर में सेवक हुं अन्यथा नाहीं हुं. क्यों जो प्रभु यदि मेरेमें सेवकपनो नाहीं मानते तो अपराध भयो तासूं उपेक्षा ही करते, स्वीयपनो जानिकें तीसरी आज्ञा न करते ! परन्तु तीसरी आज्ञा करी हे; ओर दोय आज्ञाको उल्लङ्घन भयो तासूं फलमें विलम्ब होयगो: एसो ताप होय हे तासूं प्रभून्ने “ये अपनो सेवक हे” एसें मान्यो हे, तासूं पश्चात्ताप करना योग्य नाहीं हे ॥५-६॥

ये विचार कियो जो पश्चात्ताप न करना सो तो योग्यही हे, तथापि प्रथम दोय आज्ञाको उल्लङ्घन भयो हे सो तो अपराध भयो हे. तासों भगवान्की अप्रसन्नता भई होयगी. ताकी निवृत्ति न होय, तब प्रभु कहा करेंगे ? एसो जो भय होय सो कैसें निवृत्त होय ? ऐसी शङ्का होय ताकेलिये दूसरे विचारको उपदेश करत हैं:

लौकिकप्रभुवत्-कृष्णो न द्रष्टव्यः कदाचन ॥७॥
सर्व समर्पितं भक्त्या कृतार्थोऽसि सुखी भव ॥

कृष्णः = श्रीकृष्णकों	द्रष्टव्यः = देखिवे योग्य
लौकिकप्रभुवत् = लौकिक स्वामिकी	भक्त्या = भक्तिसूं
तरह, कदाचन = कबहु, न = नाहीं	सर्व = सब, समर्पितं = समर्पित
कृतार्थः = कृतार्थ, असि = हे	सुखी = सुखी, भव = होउ

भावार्थ : में प्रभुको सेवक हुं, अन्य जेसो नाहीं हुं, तासूं फलमें विलम्ब होय तोहु पश्चात्ताप क्यों करना ! ओर श्रीहरिकुं लौकिकराजा आदिकी तरह चलचित्त कबहु नाहीं जाननें. भक्तिसूं आत्मासहित सब अपनी वस्तुन्को अर्पण तेनें कियो हे तासूं तू कृतार्थ हे, तासूं पहिलेकी तरह सुखी होउ.

टीका : लौकिक स्वामी जेसें सेवकको अपराध भयो होय तो वाको त्याग करत हे तेसें प्रभु अपनो त्याग करेंगे एसो सन्देह नाहीं करना - एसें जतायवेकेलिये कहत हैं जो “लौकिकस्वामिवत् फलरूप श्रीकृष्ण काहुदिन नाहीं जाननें”. इतनें, लौकिकमें स्वामी प्राकृत होयवेसूं अङ्गीकृतको परित्याग करे सो सम्भवित हे; परन्तु यहां तो प्रभु अलौकिक स्वामी होयवेसूं विनको अङ्गीकार कालत्रयमें नित्य हे. अङ्गीकृतको त्याग करिवेकी सम्भावनाहु नाहीं हे. ओर तेरे उपर प्रभुकी कृपा हती तासूंही तेनें भक्तिमार्गके अनुसार सर्व समर्पण कियो हे. इतनें तु कृतार्थ हे. अर्थात् सर्व साधनरूप तथा फलरूप अर्थकुं प्राप्त भयो हे. तासूं मनमें चिन्ता छोड़िके सुखी हो ॥७॥

न लगावे तो भगवान्हु प्रसन्न न होंय ॥८॥

भगवान्को अङ्गीकार नित्य हे तासूं यद्यपि फल देइंगे, तथापि प्रथम फल दियो हतो तेसें देइंगे किंवा नहीं देइंगे? एसे सन्देहसूं जो क्लेश होय ताकी निवृत्तिकेलिये दृष्टान्त देत हैं:

प्रौढापि दुहिता यद्वत् स्नेहात् न प्रेष्यत वरे ॥८॥
तथा देहे न कर्तव्यं वरस् तुष्यति नान्यथा ॥

यद्वत् = जेसें, प्रौढा = बड़ी	अपि = भी, दुहिता = पुत्री
स्नेहात् = स्नेहके कारण	न = नहीं
वरे = पतिके पास	कर्तव्यं = करना
न = नहीं	अन्यथा = नहिंतो
प्रेष्यते = भेजवेमें आवे	वरः = पति
तथा = वेसे	न = नहीं
देहे = देहविषे	तुष्यति = सन्तुष्ट होवे हे

भावार्थ : हे अन्तःकरण ! जेसें कितनेक अज्ञानी, पतिके यहां जायवे लायक कन्याकोहु स्नेहसों वाके पतिके यहां नहीं भेजे हैं तेसें देहत्यागके विषयमें तोकुंहु विलम्ब नहीं करना चाहिये. विलम्ब करिवेसूं प्रभु प्रसन्न नहीं होइंगे.

टीका : जेसें पुत्री बड़ी भई होय, अर्थात् पतिके सर्वकार्यके योग्य भई होय, तथापि मातापिताकुं वाके उपर स्नेह होय तासूं एसें जानें जो ये तो अबहु बालक हे ओर पतिके घरमें तो कार्य विशेष हे सो करिवेमें थक जायगी अथवा क्लेशयुक्त होयगी - एसें जानिकें वाके पतिके समीप भेजे नहीं तब वाको पति अप्रसन्न होय हे. तेसें, अपने देहमें स्नेह राखिके, प्रभुको कार्य (सेवा) करिवेमें देहकुं क्लेश होयगो, एसें जानिके प्रभुके कार्यमें देहको विनियोग न करे तो प्रभु अप्रसन्न होंय. तासूं देहमें वेसो स्नेह न करना. क्यों जो पुत्री बड़ी भई ताकुं वरकी पास न पठावे तो जेसें वर प्रसन्न न होय तेसें देहके ऊपर स्नेह राखिकें भगवान्की सेवामें देहकुं

अन्तःकरणप्रबोधः
२७१

यद्यपि भगवान्की आज्ञामें हठ करना योग्य नहीं हे तथापि श्रीभागवत्को अर्थ प्रकटकरिवेको भगवान्को अभिप्राय हे ताप्रमाण अर्थ प्रकट करिवेतें लोकमें बड़ाई होय तामें कदाचित् थोरी-बहोत फल देयवेमें विलम्बकी इच्छा सम्भवे हे. क्यों जो श्रीभागवत्को अर्थ प्रकट करें तामें प्रभुकेपास पधारिवेमें विलम्ब होय; तासूं श्रीभागवत्को अर्थ प्रकट करिवेको प्रभुको अभिप्राय हे तापेंसूं विलम्बेच्छाको सम्भव हे. एसी शङ्काको निराकरण करत हैं:

लोकवत् चेत् स्थितिर् मे स्यात् किं स्याद् इति विचारय ॥९॥
अशक्ये हरिरेवाऽस्ति मोहं मागाः कथञ्चन ॥

लोकवत् = लोककी तरह	अशक्ये=अशक्य '
चेत् = यदि, मे = मेरी	हरिः=श्रीकृष्ण, एव=ही
स्थितिः = स्थिति, स्यात् = होय	अस्ति=हे (अतः = यासूं)
किं = क्या, स्यात् = होय	कथञ्चन = कोइभी तरहके
इति = ये(त्वं = तुम)	मोहं = मोहकुं, मा = मत
विचारय = विचारो	गाः = प्राप्त होउ

भावार्थ : हे अन्तःकरण ! अन्य लोककीतरह मेरीहु यदि लौकिक उत्कर्षादिकेलिये लोकमें स्थिति होय तो कहा होय, ये तूही विचार कर. अर्थात् लौकिक उत्कर्षकेलिये प्रभुकी अप्रसन्नता करनी योग्य नहीं हे. अशक्य कार्यमें श्रीहरिही पुरुषार्थ सिद्ध करिवेवारे हैं. तासूं कोई तरहकी चिन्ताकुं प्राप्त मत होउ.

टीका : लोकवत् मेरी स्थिति यदि होय तो कहा फल होय ? सो विचार कर. ओर जहां अशक्य होय तहां प्रभु हरिही हैं; अर्थात् भक्तनके दुःख तथा पाप कुं हरिवेवारे हैं, तासूं काहु प्रकारसूं मोहकुं प्राप्त मति हो.

अन्तःकरणप्रबोधः
२७२

इतने भगवान्कुं अभिप्रेत श्रीभागवत्को अर्थ प्रकटकरिवेतें यद्यपि लोकमें बड़ाई होय - जेसैं जैमिनि तथा व्यास आदिकनने वेदसूं अवरूद्ध मीमांसा करी तासूं विनकी लोकमें बड़ाई भई - तेसैं मेंहु वेदादिकनसूं अवरूद्ध एसो श्रीमद्भागवत्को अर्थ प्रकट करूं तामें जैमिनि तथा व्यासादिक वत् मेरीहु बड़ाई होय. परन्तु ये तो लौकिक बड़ाई हे कछु स्वमार्गीय अलौकिक बड़ाई नाहीं हे. ओर स्वमार्गीय फलको विचार करें तब तो मुक्ति आदि फलहु फलरूप नाहीं माने जाय हैं तहां लौकिक फल तो गिनतीहुमें कहां आवें ? एसैं विचार कर. अथवा संसारमें आसक्त लोग अपने-अपने स्वभावके अनुसार जेसैं तत्-तत् शास्त्रनको अनुसरत हैं तेसैं मेरी स्थिति होती तब एसो पश्चात्ताप नाहीं होतो तब कहा होतो ? निश्चय ही में लोकतुल्य होतो. परन्तु लोक जेसी मेरी स्थिति नाहीं भई हे तासूं मेरे उपर भगवान् दयालु हैं एसो विचार कर. ओर भगवान्ने आज्ञा करी हे ताप्रमाण होय सके नाहीं एसैं दीखतो होय तो भगवान् 'हरि' हैं; इतने स्मरण करिवेवारेनके सब पापनके हर्ता हैं. सो अपनेहु रक्षक हैं एसो विचार कर. परन्तु काहु रीतिसूं मोहको मति प्राप्त हो ॥१९^{१/२}॥

एसैं सब विचारके वाक्य कहिके उपसंहार करत हैं :

इति श्रीकृष्णदासस्य वल्लभस्य हितं वचः ॥१०॥
चित्तं प्रति यदाकर्ण्य भक्तो निश्चिन्ततां व्रजेत् ॥

श्रीकृष्णदासस्य = श्रीकृष्णके दासके	वचः = वचन, यत् = जो
वल्लभस्य = श्रीवल्लभके	आकर्ण्य = सुनिके
चित्तं = चित्तके	भक्तः = भक्त
प्रति = प्रति	निश्चिन्ततां = निश्चिन्तपनेकुं
इति = ये, हितं = हितकारी	व्रजेत् = प्राप्त होउ

भावार्थ : श्रीहरिके दास श्रीवल्लभाचार्यके अन्तःकरणके प्रति ये हितकारी (यथार्थ) वचन हैं, जाकुं अच्छीतरह सुनके भक्तजन चिन्तारहित होय जांय हैं.

टीका : एसैं श्रीकृष्णके दासको सुखसम्पादन करिवेवारे, भगवान् तथा भक्तन् के प्रिय एसे श्रीमद्वल्लभाचार्यजीके चित्तके प्रति वचन हैं, जो सुनिके भक्त निश्चिन्तपनेको प्राप्त होय.

या ग्रन्थमें इतनो सिद्ध भयो जो -

श्रीआचार्यजी - महाप्रभूने जेसैं भगवान्की आज्ञाको उल्लङ्घन कियो तेसैं वैष्णवन्कुं श्रीआचार्यजीको दृष्टान्त लेयके भगवान्की आज्ञाको उल्लङ्घन नाहीं करनो.

जीव स्वभावसूंही दुष्ट हे; तथापि समर्पणसूं उत्तम होय हे. तासूं भगवान्की कृपा विशेष होय तोहु अपनी बड़ाई न माननी.

भगवान् सत्यसङ्कल्प हैं, सो कहा करिवेकी इच्छा करत हैं सो जानिवेमें नाहीं आवत हे; तासूं सर्वदा विनकी आज्ञाहिमें रहनो. जो आज्ञाको उल्लङ्घन होय तो स्वामिद्रोहरूप बड़ो अपराध होय. ओर, में सेवक हों तासों मेरे योग्यही मेरे स्वामी करेगे - एसो विचार करिके सेवककुं स्वामीकी आज्ञाहिमें रहनो.

श्रीआचार्यजीने अपनी प्रौढीसों दोय आज्ञानको उल्लङ्घन कियो तामें पश्चात्तापही कह्यो हे, तासूं अपने आज्ञाको उल्लङ्घन करनो नाहीं.

लौकिकस्वामी जेसैं अपराधके कारण सेवकको त्याग करे हे तेसैं भगवान् सेवकको नाहीं छोड़ेंगे. भगवान्को अङ्गीकार नित्य हे सो समर्पणादिकनसूं सिद्ध भयो तब कृतार्थताही होयगी, एसी भावना राखनी, वामें सन्देह नाहीं करनो.

ओर प्रौढ पुत्रीमें स्नेह जेसैं राखे हे तेसैं देहमें स्नेह नाहीं राखनो, प्रभुके विनियोगमें लगावनो. क्यों जो प्रौढ पुत्री वरके पास भेजवेयोग्य होय तथापि वाकुं

स्नेहकरिके वाके वरके पास भेजे नहीं तो वर प्रसन्न होय नहीं तेसें देह प्रभून्की सेवाके योग्य हे तथापि याकुं श्रम होयगो एसें विचारिके देहके ऊपर स्नेह राखिके प्रभून्की सेवामें राखे नहीं तो प्रभु प्रसन्न होय नहीं.

तेसें ही अपनी सेवाकेलिये प्रभून्में देह दियो हे ओर प्रभून्में अङ्गीकार कियो हे, तथापि जो सेवा न करे तो दूसरे लोककी बराबरी अपनकुं होय.

ओर सेवामें देहको विनियोग करिवेमें प्रतिबन्ध आयवेको सम्भव होय तो भगवान्ही रक्षक हैं एसी भावना राखनी. या बिना दूसरो उपाय नहीं हे.

॥ इति श्रीमद्वल्लभाचार्यविरचित अन्तःकरणप्रबोधकी
संक्षिप्त ब्रजभाषाटीका

श्रीमद्गोस्वामि श्रीनृसिंहलालजीमहाराज कृत सम्पूर्ण भई ॥

॥ विवेकधैर्याश्रयः ॥

(१३)

भक्तिमार्गमें अङ्गीकारभयेसूं जीव भगवान्के दासपनेकुं प्राप्त भयो ओर भगवत्सेवामें प्रवृत्त भयो. तब सेवाकरिके भक्तिकी दृढता होयवेकेलिये 'नवरत्न'ग्रन्थमें प्रकार कह्यो हे ताप्रमाण (चिन्ताको) त्याग करिवेको निरूपण करिवेमें यद्यपि विवेक, धैर्य ओर आश्रय संक्षेपसूं कहे हते तथापि जब ताई विवेकादिकन्को विशेष ज्ञान न होय तब ताई सेवामें तेसी दृढता होय नहीं. तासूं या ग्रन्थद्वारा अपने सेवकन्केलिये विवेक, धैर्य ओर आश्रय को विस्तारसूं निरूपण करत हैं:

विवेक-धैर्ये सततं रक्षणीये तथाऽश्रयः ॥

विवेकस्तु "हरिः सर्वं निजेच्छातः करिष्यति" ॥१॥

विवेक-धैर्ये = विवेक ओर धैर्य	(रक्षणीयः = रक्षण करिवेयोग्य हे)
सततं = निरन्तर	तु = ओर, हरिः = श्रीकृष्ण
रक्षणीये = रक्षण करिवेयोग्य हैं	निजेच्छातः = निज इच्छासों
तथा = एसें ही	सर्वं = सबकछु, करिष्यति = करेंगे
आश्रयः = आश्रय	(इति = ये), विवेकः = विवेक

भावार्थ : विवेक ओर धैर्य सर्वदा राखने तेसें. ये दोउन्की सिद्धिकेलिये आश्रयहु सर्वदा राखनो. प्रभु अपनी इच्छासूं सबकछु करेंगे ये विवेक हे.

टीका : प्रभु 'हरि' हैं अर्थात् भक्तन्के दुःख तथा पाप कों हरिवेवारे हैं एसें समजनो सो प्रथम विवेक हे. इतनें, अपने प्रयत्नसूं सिद्ध होय एसो लौकिक ओर भगवत्सेवामें उपयोगमें आवे एसो अलौकिक सब भगवान् ही सिद्ध करगें तासूं सेवा छोड़िके अपनो प्रयत्नादिक नहीं करनो सो प्रथम विवेक हे. येहि नवरत्नमें "चिन्ता काऽपि न कार्या" या श्लोकमें निरूपण कियो हे.

तहां शङ्का होय जो प्रार्थना किये विना भगवान् केसें सिद्ध करगें ? तहां

कहत हैं जो प्रभु अपनी इच्छासूं करेंगे अथवा अपने भक्तनकी विकाररहित इच्छा होयगी तो भक्तनकी इच्छाप्रमाण करेंगे ऐसे समझनो. तासूं अपने भक्तनकुं जो इच्छित हे तामें विकार नाही होयगो तो भक्तनको अभीष्ट प्रभु अपनी इच्छासूंही सिद्ध करेंगे, प्रार्थनाकी अपेक्षा नाही रखेंगे. तातें प्रार्थना नाही करनी ये द्वितीय विवेक हे. येहि “सर्वेश्वरश्च सर्वात्मा” ये नवरत्नके श्लोकमें निरूपण कियो हे ॥११॥

वारंवार प्रार्थना क्यों नाही करनी ? ऐसे जानिवेकी इच्छा होय तहां कहत हैं:

प्रार्थिते वा ततः किं स्यात् स्वाम्यभिप्रायसंशयात् ॥
सर्वत्र तस्य सर्वं हि सर्वसामर्थ्यमेव च ॥२॥

स्वाम्यभिप्रायसंशयात् =

स्वामिके अभिप्रायमें संशय होयवेसूं

प्रार्थिते = प्रार्थना करिवेसूं

सर्वत्र = सब ठिकानें

वा = हु, ततः = वासूं

च = ओर, सर्वं = सब कछु

किं = क्या, स्यात् = होय

सर्वसामर्थ्य = सब सामर्थ्य

हि = निश्चितरूपसूं

तस्य = वाको, एव = ही

भावार्थ : प्रार्थना कियेते कहा होय ? कछुहु न होय. क्यों ? जो स्वामिको अभिप्राय कहा हे सो अपन नाही जाने हैं. सब स्थलनमें सर्व वस्तु भगवान्कीही हे ओर जो वस्तु न होय सो सिद्ध करिवेको सामर्थ्यहु भगवान्में हे.

टीका : प्रार्थना कियेते कहा होय ? कछु हु न होय. क्यों ? जो स्वामिको अभिप्राय कहा हे सो अपन नाही जाने हैं. भगवान् अपनी इच्छासूंही देयंगे, इच्छा नाही होयगी तो नाही देयंगे; तासूं प्रार्थना करिके स्वधर्मकी हानि क्यों करनी ? ऐसे समजनो सो **तृतीय विवेक** हे.

विवेकधैर्याश्रयः

२७७

सब स्थलनमें सर्व वस्तु भगवान्कीही हे ओर जो वस्तु न होय सो सिद्ध करिवेको सामर्थ्यहु भगवान्में हे. तसें जाकु जो वस्तु अपेक्षित हे सो साक्षात् अथवा परम्परासूं प्रभुही देत हैं परन्तु जीव अज्ञानी हे सो “मेनें यत्न करिके सिद्ध करी” ऐसे मानत हे. तासूं जीवकुं ऐसे समजनो जो “में शरण नाही गयो हतो तब मेरी पास जो वस्तु हती सोहु प्रभूने ही दीनी हती, तब अभी तो प्रभूने मेरो अङ्गीकार कियो हे तासूं प्रार्थना किये विनाही प्रभुही देयंगे” एसो निश्चय करिके सेवाही करनी; परन्तु सेवा छोड़िके अपनो प्रयत्नादिक नाही करनो सो **चतुर्थ विवेक** हे ॥२॥

यहां एसी शङ्का होय जो कछुक समय सेवा करनी ओर बाकीके समयमें दूसरो कार्य करे तो कहा दोष हे ? तहां कहत हैं:

अभिमानश्च स्रत्याज्यः स्वाम्यधीनत्वभावान्त ॥

स्वाम्यधीनत्वभावनात् = स्वामिके अधीन होयवेकी भावनासों

अभिमानः = अभिमान, च = तो

स्रत्याज्यः = आछि भांतिसों त्यागवे योग्य हे

भावार्थ : स्वामिके आधीन सब हैं एसी भावनासूं वासना सहित अभिमानको त्याग करनो.

टीका : इतनें, याको अभिप्राय यह हे के समर्पण भये पीछे देहादिकनमें अपनेपनको अभिमान नाही रखनो. क्यों ? जो देहादिकनमें स्वतन्त्रताकरिकें अभिमान होय तो तिनमें देह तथा इन्द्रियन् को विनियोग होय. तासूं तिन देहादिकनमेंसूं अभिमानको त्याग करिके देहादिक सब भगवान्में आर्पित किये हैं तातें सब भगवान्के आधीन हैं एसी भावना करनी. ओर जब एसी भावना भयी तब केवल भगवान्के आधीनपनेको अनुसन्धान सर्वदा रहे. इतनें, भगवत्कार्य विनाके ओर सब कार्यनमें दोषकी स्फूर्ति होयगी. ताकरिकें अपने स्वामी जो भगवान् तिन सम्बन्धि कार्यनमेंहि

विवेकधैर्याश्रयः

२७८

स्वधर्मपनेकी स्फूर्ति होयगी. तब वह वैष्णव प्रभुसेवाहि करेगो, दूसरेमें दोषरूप बुद्धि होयवेसूँ दूसरो कार्य करेगो नाही ये **पंचम विवेक** हे. येहि नवरत्नमें “निवेदनन्तु स्मर्तव्यम्” या श्लोकके विवरणमें श्रीगुसांईजीने निरूपण कियो हे. अपनो अङ्गीकार जेसें प्रभूने कियो हे तेसें स्त्री, पुत्रादिक सबनको अङ्गीकार अपने सङ्गहि प्रभूने कियो हे तासूँ तिनकेलियेहु अपनो प्रयत्नादिक नाही होयगो. येहि नवरत्नमें “चिन्ता काऽपि” या श्लोकके व्याख्यानमें “लौकिकी तथा अलौकिकी चिन्ता छोड़नी” एसी पंक्तिसूँ निरूपण कियो हे.

**विशेषतश्चेद् आज्ञा स्याद् अन्तःकरणगोचरः ॥३॥
तदा विशेषगत्यादि भाव्यं भिन्नं तु दैहिकात् ॥**

अन्तःकरणगोचरः = अन्तःकरणमें जानिवेमें आवे एसी
चेत् = जो, विशेषतः = विशेष प्रकारकी कर्तव्यम् = करना, तु = ओर
आज्ञा = आज्ञा, स्यात् = होय दैहिकात् = देहसम्बन्धसूँ
तदा = तब भिन्नं = अलग
विशेषगत्यादि = विशेष गति आदि (भाव्यम् = करना)

भावार्थ : सेवा करत अन्तःकरणसूँ जानिवेमें आती कोउ विशेष भगवदाज्ञा होय तो तदनुसार करनो. एसी विशेष आज्ञाहु अपने देहादिकके सम्बन्धसूँ भिन्न होय तबही वा आज्ञाप्रमाण विशेष करनो.

टीका : एसें श्रीआचार्यजी महाप्रभूकी आज्ञानुसार विवेकादिकनसूँ सेवा करतो होय तामें प्रभूकुं अपेक्षित वस्तु होय ताकी आज्ञा श्रीआचार्यजीकी आज्ञासूँ विशेष होय तो प्रभूकी आज्ञाप्रमाण विशेष करनो. ओर यदि विशेष आज्ञा होय नाही तो श्रीआचार्यजीकी आज्ञानुसारहि सेवा करनी.

प्रभूकी विशेष आज्ञा केसें जानिवेमें आवे ? एसी शङ्का होय तहां कहत हैं जो (प्रभु अन्तःकरणगोचर हैं इतनें अन्तर्यामी हैं तासूँ) अन्तःकरणमें जानिवेमें

विवेकधैर्याश्रयः
२७९

आवे एसी आज्ञा होय. अर्थात् स्वप्नादिद्वारा प्रभु जतावे अथवा भक्तनके अन्तःकरणमें प्रभु बिराजत हैं तासूँ आत्मापनेसूँहु भक्तनकुं स्फूर्ति रहे हे इतनें भगवान्की आज्ञाहु जानिवेमें आवत हे.

भगवान्के स्वरूप तथा लीलाके सम्बन्धमें प्रभूकी विशेष आज्ञा होय तो ताप्रमाण सेवामें कृति करनी, नाही तो श्रीआचार्यजीकी आज्ञानुसारही करनी. प्रभूकी विशेष आज्ञाहु यदि अपने देहादिकके सम्बन्धसूँ भिन्न होय तब ही वा आज्ञाप्रमाण विशेष करनो. इतनें, स्त्रीके सम्बन्धको अथवा पुत्रादिकके विवाहादिकके सम्बन्धको जो कार्य होय तामें विशेष आज्ञा होयवेको सम्भवहु नाही सो मूलमें ‘भिन्न’पदसूँ जतायो हे. येहि निरूपण नवरत्नमें “सेवाकृतिर् गुरोर् आज्ञा बाधनं वा हरीच्छया” या श्लोकमें कियो हे. तासूँ समर्पण किये पीछे तदीयपनेको अनुसन्धान राखिके प्रभूके प्रसादपनेसूँ जितनो आवश्यक होय तितनोही लौकिक सब करनो परन्तु आग्रह करिके विशेष नाही करनो ये **छठो विवेक** हे.

सेवामें धन प्रभृति चाहिये सो न होय तब करज करिके सामग्री प्रभृति सब करिवेको आग्रह राखनो के नाही ? एसें जानिवेकी इच्छा होय तहां कहत हैं :

**आपद्गत्यादिकार्येषु हठस् त्याज्यश्च सर्वथा ॥४॥
अनाग्रहश्च सर्वत्र धर्माधर्माऽग्रदर्शनम् ॥
विवेकोऽयं समाख्यातो धैर्यं तु विनिरूप्यते ॥५॥**

च = ओर, आपद्गत्यादिकार्येषु = धर्माऽधर्माऽग्रदर्शनं =
आपत्ति आय पड़े ऐसे कार्यमें धर्म ओर अधर्म को अग्रदर्शन
सर्वथा = सब प्रकारसों (कर्तव्यं = करना)
हठः = हठ, त्याज्यः = त्याज्यहे अयं = ये, विवेकः = विवेक
सर्वत्र = सब जगह समाख्यातः = आछी भांतिसों कह्यो
अनाग्रहः = आग्रहको त्याग तु = अब तो, धैर्यं = धैर्य
(कर्तव्यः = करिवेयोग्य हे) विनिरूप्यते = विशेषरूपसूँ निरूपण करे हैं

विवेकधैर्याश्रयः
२८०

भगवद्भक्तनकुं कर्मादिक करनो हे एसें जाननो.

भावाथ : आपत्ति प्राप्त होय तब हठ सर्वथा छोड़नी. आग्रहको हु त्याग करनो. सर्वत्र धर्म और अधर्म को पूर्वविचार करनो. या प्रकारसू विवेकको आछी भांतिसू व्याख्यान कियो. अब धैर्यको विस्तारसू निरूपण करत हों.

टीका : आपत्ति प्राप्त होय तब प्रथम जो सामग्री प्रभृतिको नियम बांध्यो होय ताही प्रमाण करिवेकी हठ सर्वथा छोड़नी. इतनें, करज करिके नियमानुसार सब करनोही एसी हठ सर्वथा नाहीं करनी किन्तु विना प्रयत्न जो मिले तामें सन्तोष राखिके तितनोहि प्रभूनों अर्पण करनो, विशेषको आग्रह नाहीं राखनो. क्यों ? जो पुष्टिमार्गकी मर्यादासू प्रभूनुं भक्त जो समर्पेगो सो प्रभु साक्षात् अङ्गीकार करेंगे. जहां प्रभुसम्बन्धि कार्यमेंहु हठ नाहीं करनी तहां लौकिक कार्यमें हठ सर्वथा नाहीं करनी तामें तो कहा कहेनो ? ये **सप्तम विवेक** हे.

वैदिक कार्यमें केसे करनो ? एसें जानिवेकी इच्छा होय तहां कहत हें जो स्मार्त तथा वैदिक सर्व स्थलनमें आग्रह नाहीं करनो. इतनें, भगवत्सेवाकुं छोड़िकेहु स्मार्त-श्रौतादिक धर्मनुंको आचरण करनो एसो आग्रह सर्वथा नाहीं करनो. किन्तु भगवान्की आज्ञासू प्राप्त भयो जो आवश्यक कर्म हे सो सेवाके अनवसरमें करनो. मूलमें 'च'कार हे तासू साक्षात् भगवान्को सम्बन्ध जामें न होय एसे सब कार्यनमें अनाग्रहही राखनो ये **अष्टम विवेक** हे.

वैदिक धर्मनमें अनाग्रह केसें होय ? एसें जानिवेकी इच्छा होय तहां कहत हें जो धर्म ओर अधर्म को अग्रदर्शन करनो. इतनें, परिणामको विचार करनो. सो या प्रमाण के जेसें श्रौत-स्मार्तादिक धर्म, ओर ये नाहीं करिवेतें पाप लगे सो अधर्म, ताको परिणाम विचारिके जाके परिणाममें अधर्म दीखवेमें आवे सो नाहीं करनो. जेसें स्मार्त-श्रौत धर्म ओर भगवद्धर्म, तिनमें उत्तरोत्तर बलवान हे. तासू श्रौत (वैदिक) धर्म करिवेमें स्मार्त धर्मको त्याग होय तामें दोष नाहीं हे. तेसें भगवद्धर्म करिवेमें स्मार्त तथा श्रौत धर्मको त्याग होय तो दोष* नाहीं हे. क्यों ? जो सबसू अधिक बलबारी भगवद्धर्म हे एसें विचारिके स्मार्त तथा श्रौत धर्मनमें आग्रह नाहीं करनो ये नवम विवेक हे. भगवान्की आज्ञा हे जो "कर्म करनो" ताकुं या मार्गमें प्रमाण नाहीं माने हें एसी काहूकुं शङ्का होय सो नाहीं होयवेकेलिये

विवेकधैर्याश्रयः

२८१

एसें विवेक विस्तारसू कह्यो. अब धैर्यको निरूपण विस्तारसू करत हें. इतनें, नवरत्नमें "चित्तोद्देगं विधायापि" ये श्लोकमें धैर्यको निरूपण कियो हे. परन्तु अब विस्तारसू निरूपण करत हें ॥५॥

टिप्पणी : * यहां स्मार्त तथा वैदिक धर्मको त्याग होय तामें दोष नाहीं हे एसें कहिवेको अभिप्राय एसो हे के जो भक्त सर्वकाल भगवद्धर्ममें रहतो होय ताकुं स्मार्तादिक धर्ममें जितनो समय जाय तितनो समय भगवद्धर्म छूटे तब एसे भक्तके मनमें क्लेश होय. तासों स्मार्तादिक धर्मको फल होय नाहीं. ओर भगवद्धर्म छोड़िके स्मार्तादिक धर्म करे तोहु ताको फल न होय ओर उलटो पाप लागे. ता करिके निरन्त भगवद्धर्ममेंही मग्न जो रहतो होय ताकुं स्मार्तादिक धर्म छूट जाय तो हरकत नाहीं.

अब धैर्यको लक्षण कहत हें:

त्रिदुःख-सहनं धैर्यम् आमृतेः सर्वतः सदा ।

तक्रवद्-देहवद्-भाव्यं जडवद्-गोपभार्यवत्* ॥६॥

आमृतेः = मरण पर्यन्त

सर्वतः = सब प्रकारसों

सदा = निरन्तर

देहवत् = देहकी न्याई

त्रिदुःखसहनं = तिनो प्रकारके

जडवत् = जड़की न्याई

दुःखनुं सहन करनो, धैर्य = धैर्य

गोपभार्यवत् = ग्वालेकी पत्निकी न्याई

तक्रवत् = छासकी न्याई

भाव्यम् = भावना करनी

भावाथ : मरण जेसो कष्ट आय जाय तहां ताई अथवा आयुष्य रहे तहां ताई आधिभौतिकादिक तीन्यो प्रकारके दुःखनुं सब तरेहसू सदा सहन करनो ताको नाम 'धैर्य' हे.

विवेकधैर्याश्रयः

२८२

टीका : इतने, देहसम्बन्धी जो दुःख होय सो आधिभौतिक, कामादिकन्सू इन्द्रियसम्बन्धि जो दुःख होय सो आध्यात्मिक ओर जीवमें कितनोक धैर्य हे एसें परीक्षाके अर्थ अथवा दुःख भुगतवेको जीवको प्रारब्ध होय ताके अर्थ भगवदिच्छासूहि दुःख प्राप्त होय हे सो अथवा प्रभून्कुं विनियोग करिवेकेलिये जा वस्तुकी अपेक्षा होय सो वस्तु मिलिवेमें विलम्ब होय ता करिकें जो दुःख होय सो आधिदैविक दुःख समजनो. ये तीन्यो प्रकारके दुःख होंय तब देह, इन्द्रिय ओर चित्त व्याकुल होंय. तब सेवा सिद्ध न होय. तासूं सेवाकी सिद्धिकेलिये तीन्यों प्रकारके दुःखकों सहन करनो. सोहु मरण पर्यन्त कष्ट आय परे तहां तांई अथवा आयुष्य रहे तहां तांई सहन करनो. सोहु एक प्रकारके अथवा दोय प्रकारके दुःखकों सहन करनो एसें नाहीं किन्तु सब तरेहके दुःखनों सहन करनो.

तामें दृष्टान्त कहत हैं जो तक्र (छाछ)मेंसूं नवनीत (माखन) निकासले हैं तब तक्र सार रहित होय जाय हे. पिछे यदि छाछ ढुल जाय तो जेसें वामें अभिमान नाहीं होयवेसूं दुःख नाहीं होय हे तेसें देहके सम्बन्धीन्मेंसूं तक्रकिसीन्यांई अभिमान छोड़िवेसूं वे अपमानादिक करेगें ताको दुःख नाहीं होयगो एसे अभिप्रायसूं देहवारेन्कुं वाके सम्बन्धी जो स्त्रीपुत्रादिक तिनमें तक्रकी भावना राखिवेको कह्यो हे. इतने, देहादिकन्सूं जो भगवत्सम्बन्धि कार्य होय सोहि नवनीत (माखन) हे एसें समजके भगवत्सम्बन्धि कार्यन्मेंहि नवनीतवत् अभिमान राखनो.

एसें आधिभौतिक दुःख सहन करिवेमें दृष्टान्त कहिके आध्यात्मिक दुःख सहन करिवेमें दृष्टान्त कहत हैं जो काम-क्रोधादिकन्सूं इन्द्रिय सम्बन्धि जो दुःख होय हे तामें जडभरतकी भावना करनी. इतने, जडभरतकुं जेसें भगवद्भावकरिकें आविष्ट सब इन्द्रिय भयी हती तासूं दुःखको भान नाहीं हतो ओर जडपनो भयो हतो तेसें सेवामें जो प्रवृत्त भयो होय सो सब इन्द्रिय भगवत्सम्बन्धि हैं एसो अनुसन्धान राखिके भगवान्मेंही विनको विनियोग करे तब निरन्तर प्रभून्की सेवा तथा गुणन्के कीर्तन-स्मरणादिकन्कोही आवेश रहे इतने, काम-क्रोधादिकन्को दुःख न होय एसे अभिप्रायसूं जडकी भावना करिवेको कह्यो हे.

एसें आध्यात्मिक दुःख सहन करिवेमें दृष्टान्त कहिके आधिदैविक दुःख

विवेकधैर्याश्रयः

२८३

सहन करिवेमें दृष्टान्त कहत हैं जो प्रारब्धके भोग भुगतायवेकी प्रभून्की इच्छा होय अथवा परीक्षाके अर्थ प्रभु फल देवमें विलम्ब करे तब गोपभार्यान्की भावना करनी. इतने, जेसें अन्तर्गृहगतानकुं सकामबुद्धि हती तासूं दुःख भुगतवेको प्रारब्ध हतो सो प्रभून्के सङ्ग रासमें मिलवेके फलके विलम्बमें कारण भयो. तातें गृहमेंसूं निकसिवेको रस्ता मिल्यो नाहीं तब नेत्र मूंदिके प्रभून्को ध्यान कियो तब प्रभून्के विरहको दुःख एसो भयो जो कोटान्-कोटि वर्ष तांई कुम्भीपाकादिक नरक भुगतवेमें जितनो दुःख होय तितनो दुःख विनकुं भगवान्के विरहसूं एक क्षणमें भयो. सो भुगतयो तब पापन्की निवृत्ति होयवेसूं ध्यानमें प्रभु पधारे तब प्रभून्को आश्लेष कियो. तामें एसो सुख भयो जो कोटान्-कोटि वर्ष तांई स्वर्गादिक भुगतवेमें जितनो सुख होय तितनो सुख भगवान्के आश्लेषसूं एक क्षणमें भयो. ता पाछें सगुण देहको परित्याग भयो तब भगवान्की प्राप्ति भई. तेसें मोकुंहु प्रारब्धभोग भये पिछे भगवान् फल देहिगें एसे धैर्यसूं दुःख सहन करनो. तेसें जिनको निर्गुण देह हतो तिनकुं प्रतिबन्ध न भयो ओर भगवान्की पास पहाँचे तब प्रभून्में घर जायवेकेलिये कितनेक वचन कहे ता समय यज्ञपत्निवत् अन्यथाभाव विनको न भयो किन्तु जो इच्छा मनमें हती सो पूर्ण नाहीं होयवेको सम्भव भयो ताके दुःखकों सहन करिके धैर्यसूं भक्तिमार्गके अनुसार उत्तरही दियो, परन्तु गृहगमनकी इच्छाहु न भयी. तेसेंही साम्प्रतहु विलम्बजनित दुःखकों सहन करिके निरवधि स्नेहसूं मार्गकी मर्यादामें रहिवेसूं भगवान् फल देहिगें एसो धैर्य राखिके दुःखकों सहन करनो ॥६॥

टिप्पणी : हत्वा नृपं पतिमवेक्ष्य भुजङ्गदंष्ट्रं देशान्तरे विधिवशाद् गणिकाऽस्मि जाता । पुत्रं पतिं समधिगम्य चितां प्रविष्टा शोचामि गोपगृहिणी कथमद्य तक्रम् ॥ इति आख्यायिका अत्र अनुसन्धेया.

अब इहां तो आधिभौतिक दुःख सहन करिवेमें देहादिकन्के सम्बन्धी जो भार्या-पुत्रादिक अपमानादिक करे ताकुं सहन करिवेको कह्यो हे ओर निबन्धमें स्त्रीप्रभृति अनुकूल होंय तो विनकी पास सेवादिक करावनी; उदासीन होंय तो अपने हाथसूं करे ओर प्रतिकूल होंय तो गृहको त्याग करे एसें कह्यो हे. परन्तु तिरस्कारादिकन्सूं भार्यादिक अपनकुं दुःख दे नाहीं तथापि त्याग ही करनो कहा ! एसी शङ्का होय तहां कहत हैं:

विवेकधैर्याश्रयः

२८४

प्रतीकारो यदृच्छातः सिद्धाश्चेन् नाग्रही भवेत् ॥
भार्यादीनां तथाऽन्येषाम् असतश्चाक्रमं सहेत् ॥७ ॥

यदृच्छातः = दैव इच्छासौ	भार्यादीनां = पत्नि आदिके
चेत् = यदि	च = ओर
प्रतीकारः = प्रतिकार	अन्येषां = अन्यन्के
सिद्धः = होय सके तो	च = ओर
आग्रही = आग्रहवारो	असतः = असत् लोगन्के
न = नाही	आक्रमं = तिरस्कार / पीड़ाकुं
भवेत् = होय	सहेत् = सहन कर

भावार्थ : भगवदिच्छासू दुःखकी निवृत्तिको उपाय सिद्ध होय जाय तो गृहको त्याग करिवेमें आग्रहवारो न होय. एसेही स्त्री प्रभृतीन्को, दूसरेन्को ओर असत्पुरुषन्को हु तिरस्कार सहन करे.

टीका : इतने स्त्री प्रभृति भगवदिच्छासू अनुकूल अथवा उदासीन होंय तो विनको त्याग करिवेमें आग्रहवारो न होय. अनुकूल होंय तो विनकीपास प्रभृन्की सेवा करावे ओर उदासीन होंय तो स्वयं ही सेवा करे. तथापि विनको योग-क्षेम तो अवश्य करना, त्याग नाही करना. सेवामें प्रतिकूल होयके प्रतिबन्ध करें तोही त्याग करे, नाही तो त्याग सर्वथा न करे. क्यों ? जो हठकरिकें विनको त्याग करे तामें स्त्री प्रभृतीन्कुं क्रोधको आवेश होय तब अपनो द्वेष करे. तासूं सेवामें प्रतिबन्ध होय तब सेवा बन सके नाही. सो सेवामें प्रतिबन्धक आपही भये. तासूं आग्रहसूं सर्वथा त्याग नाही करना. ये आधिभौतिक दुःखके प्रतिकारमें व्यवस्था कही.

अब आध्यात्मिक दुःखके प्रतिकारमें व्यवस्था कहत हैं जो सब इन्द्रियनुकुं अपने-अपने भोग्यवस्तुके त्यागमें दुःख होय हे. सो भगवदिच्छासूं प्रथमसूं हि

विवेकधैर्याश्रयः
२८५

इन्द्रियन्की प्रवृत्ति विषयमें न होय तब विनको त्याग करिवेमें आग्रहवान् न होय. क्यों ? जो सेवामें अन्तराय नाही होय हे. ओर प्रभृन्केलिये माला, चन्दन प्रभृति तथा भोग-सामग्री अवश्य अपेक्षित हे. सो प्रभृन्नें अङ्गीकार किये पीछें महाप्रसाद दियो हे सो अपने सौभाग्यरूप हे एसें जानिके विनको उपभोग करिवेमें बाह्य तथा भीतर की शुद्धि होय हे. तासूं भगवद्धर्ममें आवेश होय हे. तातें विनको त्याग नाही करना. क्यों ? जो 'सेवाफल'ग्रन्थमें सेवाके तीन फल लिखे हैं तामें ये अलौकिकभोग मुख्यफलमें गिन्यो हे.

एसें आध्यात्मिक दुःखके प्रतिकारमें व्यवस्था कहिके आधिदैविक दुःखके प्रतिकारमें व्यवस्था कहत हैं जो प्रारब्धभोग भये पीछे अथवा प्रभु परीक्षाकेलिये विलम्ब करत होंय सो परीक्षा भये पीछे कृपा करिके प्रभु सेवोपयोगि धनादिक साक्षात् अथवा परम्परासूं देवेकी इच्छा करें तब विनको त्याग करिवेमें आग्रहवारो न होय किन्तु भगवान्नें अपने उपभोगकेलिये यह दियो हे एसें मानिके सब भगवान्के अर्थ ही उपयोग करना, स्वार्थोपयोग नाही करना.

ऊपर आधिभौतिकादिक दुःखकों सहन करिवेको कह्यो हतो. ताकी हकीकत लिखिके अब देहादि सम्बन्धि दुःख देवेवारे कोन ? एसें जानिकेकी इच्छा होय तहां कहत हैं जो स्त्री प्रभृति 'भार्या'दिक कहे जाय हैं. तासूं भरण-पोषण करिवेमें अपने समान हैं. तिनकों भरण-पोषणही अपेक्षित हे, धर्म अपेक्षित नाही हे. इतनें, देहादिक सब वस्तुन्को अपने विषे विनियोग होय वाको नाम 'भरण-पोषण' हे. सो न होय तब वे अतिक्रम करें ताकों सहन करना, परन्तु क्रोधादिक करना नाही. तेसें अपने सेवा पधरायी न होय तब सबन्के सङ्ग मिलनादिकको जेसो व्यवहार करते होंय तेसो व्यवहार सेवा पधाराये पीछे न रहे तब मित्रादिक तथा ओरहु लोक ईर्ष्या करिके अतिक्रम करें ताकों सहन करना. अथवा अपने भ्राताप्रभृति बन्धुलोग वैष्णव होंय तथापि बन्धुपनेसूं धनादिकके विभागादिकन्में द्वेष होयवेसूं वेहु अतिक्रम करें तो वाकों सहन करना. तेसें अपने दास होंय, सो स्त्री-पुत्रादिकन्कीसी नाई पोषण करिवेयोग्यमें अन्तर्भूत हैं, सोहु विनके सङ्गसूं अतिक्रम करें तो वाकों सहन करना. ये सब धर्मविरोधी कहे हैं. ओर मूलमें 'च'कार हे तासूं धर्मके अनुरोधी शिष्य-भक्तादिक होंय वेहु प्रमादसूं जीवस्वभावकरिकें अतिक्रम करें तब, यह प्रारब्धादिक भोग हे एसी भावनाकरिकें, धैर्य राखिके ताके दुःखकों

विवेकधैर्याश्रयः
२८६

सहन करना, परन्तु विनके उपर क्रोधादिक नहीं करना. क्यों ? जो शिष्य-भक्तनकुंहु अपनेही प्रभुसम्बन्ध करवायो हे, फिर विनकी उपर क्रोध करिवेमें विनको अनिष्ट होय. भगवदीयनको यह धर्म नहीं हे जो अपने जिनको अङ्गीकार कियो होय तिनको अनिष्ट करें. तासूं विनके अतिक्रमकों सहनही करना ॥७॥

एसें सेवाके प्रतिबन्धकपनेसूं स्त्री प्रभृतिनके अतिक्रमणकुं सहन करिवेको निरूपण करिके सेवाके प्रतिबन्धकपनेसूं भोगको त्याग करिवेमेंहु तत्तद् इन्द्रियजनित आध्यात्मिक दुःख होय ताकों सहन करिवेको प्रकार कहत हैं:

**स्वयम् इन्द्रियकार्याणि काय-वाङ्-मनसा त्यजेत् ॥
अशूरेणाऽपि कर्तव्यं स्वस्यासामर्थ्य-भावनात् ॥८॥**

स्वयं = आपु	अपि = हु, स्वस्य = आपुनी
इन्द्रियकार्याणि = इन्द्रियनके कार्यनकुं	असामर्थ्यभावनात् = सामर्थ्य
काय-वाङ्-मनसा = काया-वाणि-मनसूं	विहीन होयवेकी भावनासों
त्यजेत = त्याग दे, अशूरेण = असमर्थद्वारा	कर्तव्यम् = करना

भावार्थ : काया, वाणी ओर मन करिके अपने भोगकेलिये इन्द्रियनके कार्यनकुं छोड़ने. दुःख सहन करिवेमें अपनी शक्ति न होय तोहु अपना सामर्थ्य नहीं हे एसी भावना करिके दुःख सहन करना.

टीका : इतने, अपने भोगकेलिये इन्द्रियनको कार्य करे तामें सेवामें प्रतिबन्ध होय तासूं कायिक, वाचनिक ओर मानसिक इन्द्रियनके कार्यनकुं छोड़ने. इतने, प्राकृतिक विषयमें इन्द्रियनकी प्रवृत्ति भयी होय सो छुड़ायेके अलौकिकमें प्रवृत्ति करावनी. तामें जब ताई अलौकिकमें प्रवृत्ति भयी न होय तब ताई प्राकृतिक विषय छुड़ायेमें दुःख होय ताकों सहन करना. ओर प्रारब्धभोगकेलिये अथवा परीक्षाकेलिये प्रभु विलम्ब करते होंय तब इच्छित वस्तुनकी प्राप्ति होय नहीं. तब वाको दुःख होय सो सहि सक्यो जाय नहीं. क्यों ? जो एसो धैर्य होय नहीं.

विवेकधैर्याश्रयः
२८७

जेसें, जाकु नित्य कछुक द्रव्य मिले तब निर्वाह होय एसो दरिद्र होय ताकुं एक दिना कछु मिले नहीं तब सवेरमें लेवे (खावे)को कछु होय नहीं तब दुःख होय. परन्तु वामें (वो दरिद्र जेसें अपना असामर्थ्य बिचारिके वा दुःखकों सहन करत हे एसें भक्तहु) अपना सामर्थ्य नहीं हे एसी भावना करिके दुःखकों सहन करे. येही हकीकत 'नवरत्न'में "चित्तकों उद्वेग होय तबहु भक्तनके दुःखके हरिवेवारे हरि जो-जो करेंगे सो एसी ही विनकी लीला हे एसें मानिके चिन्ताकुं शीघ्र ही छोड़े" एसी जो आज्ञा करी हे वाको अनुसन्धान करिके धैर्य ही राखनो ॥९॥

अपनसूं जो दुःख निवृत्त होय सके एसो होय सोहु सहन होय सके नहीं तब जहां अपना सामर्थ्य ही न होय एसो दुःख होय ताको सहन तो सुतरां होय सके ही नहीं, तब अशक्य उपदेश क्यों कर्यो हे ! एसी शङ्का होय तहां कहत हैं:

**अशक्ये हरिरेवास्ति सर्वम् आश्रयतो भवेत् ॥
एतत् सहनम् अत्रोक्तम् आश्रयोऽतो निरूप्यते ॥९॥**

अशक्ये = अशक्यमें	भवेत् = होय हे
हरिः = श्रीकृष्ण, अस्ति = हैं	अत्र = यहां, एतत् = ये
एव = ही (यतः = जाके)	सहनं = धैर्य, उक्तं = कह्यो
आश्रयतः = आश्रयसूं	अतः = यासूं अब, आश्रयः = आश्रयको
सर्वं = सब कछु	निरूप्यते = निरूपण करें हैं

भावार्थ : जब अपनी अशक्ति होय तब हरिही रक्षक हैं एसें आश्रय राखे तो सब सिद्ध होय. यह धैर्यको स्वरूप कह्यो. अब आश्रयको निरूपण करत हैं.

टीका : इतने, जो जीव सेवामें प्रवृत्त भयो हे ताकुं विवेक-धैर्यादिकनकी स्थितिमें शक्ति न होय तब हरि ही शरण हैं एसी भावना करनी. क्यों ? जो हरि भक्तनके सर्वदुःखहर्ता हैं सो कृपा करिके सब सम्पादन करेंगे. तासूं कहत हैं जो आश्रयसूं सब सिद्ध होय. इतने, जो अशक्य होय सोहु हरिके आश्रयसूं सब सिद्ध होय. ओर

विवेकधैर्याश्रयः
२८८

आश्रय न होय तो अपनसूं शक्य होय सोहु सिद्ध न होय. अर्थात् निःसाधनपनेसूं शरणागति होय तब प्रभूकी कृपासूं विवेक और धैर्य एकहि समयमें सब सिद्ध होय. एसें धैर्यको स्वरूप निरूपण करिके, आश्रयसूं सब सिद्ध होय एसें कह्यो हे तासूं, आश्रयको निरूपण करत हैं.

प्रथम समुदायकरिके आश्रयको स्वरूप कहत हैं:

ऐहिके पारलोके च सर्वथा शरणं हरिः ॥
दुःख-हानौ तथा पापे भये कामाद्यपूरणे ॥१०॥
भक्तद्रोहे भक्त्यभावे भक्तैश्चाति क्रमे कृते ॥
अशक्ये वा सुशक्ये वा सर्वथा शरणं हरिः ॥११॥

ऐहिके = या लोकमें	च = ओर, भक्तैः = भक्तद्वारा
पारलोके = परलोकमें, च = ओर	अतिक्रमे = अतिक्रमण
दुःखहानौ = दुःखकी हानिमें	कृते = करिवेपे, वा = अथवा
तथा = ओर	अशक्ये = अशक्य, वा = अथवा
पापे = पापमें, भये = भयमें	सुशक्ये = सहजतासों शक्यमें
भक्तद्रोहे = भक्तके द्रोह / अपमानमें	सर्वथा = सब प्रकारसों
भक्त्यभावे = भक्तिके न होयवेमें	हरिः = श्रीकृष्ण, शरणम् = शरण हैं

भावार्थ : या लोकमें ओर परलोकमें सब स्थलनमें हरि शरण हैं. दुःखकी हानि, पापके निवारणमें, भयमें, कामके अर्थके पूरणमें, भक्त अपनो द्रोहकरे अथवा अपनसूं भक्तको द्रोह होय जाय तामें, भक्तिके अभावमें, भक्त अतिक्रम करे तामें, अशक्यमें और सुशक्यमें सर्वथा हरि ही शरण हैं.

टीका : इतने, भक्तिमार्गमें जाको अङ्गीकार भयो हे ओर सेवामें प्रवृत्त भयो हे ताकों सेवा सिवाय दूसरो कर्म करनो सो स्वधर्म नहीं हे. तासूंही ऐहिक तथा पारलौकिक साधन करे नहीं. क्यों ? जो तामें सेवामें अन्तराय होय. तासूं ऐहिक

विवेकधैर्याश्रयः

२८९

तथा पारलौकिक की सिद्धिकेलिये हरिके शरणकीही भावना करनी, परन्तु सेवा छोडिके दूसरो साधन नहीं करनो. एसें समुदायकरिके आश्रयको स्वरूप कहिके अब जूदे-जूदे भेदसूं आश्रयको स्वरूप कहत हैं:

भक्तिमार्गीय जीव सेवामें प्रवृत्त भयो होय ताकूं देह-इन्द्रियादि सम्बन्धि आधिभौतिकादिक दुःख होय तासूं चित्तमें उद्वेगादिक नहीं होयवेकेलिये शरणकीही भावना करनी. तेसें भक्तिमार्गमें प्रवृत्तभयेकी पहले प्रमादसूं कछु पाप भयो होय अथवा सेवामें प्रवृत्त भये पीछे देह तथा इन्द्रियादिकनसूं भगवदपराधादिरूप पाप होय जाय तो ताकी निवृत्तिकेलिये शरणकीही भावना करनी, प्रायश्चितादिक करनो नहीं. क्यों ? जो प्रायश्चित्तादिक करिवेसूं शरणधर्म जातो रहे. एसें राजा तथा चौरादिकनसूं किंवा पापादिकनसूं भय होय तामेंहु शरणकी भावना करनी. तेसें इच्छित कामना होय तिनके जो पदार्थ होंय तिनकी प्राप्तिमें शरणकी भावना करनी. तेसें प्रमादसूं भक्तको द्रोह होय जाय अथवा भक्त अपनो द्रोह करे तो तामेंहु शरणकी भावना करनी. तेसें सेवामें प्रवृत्त भयो होय परन्तु भगवत्स्वरूपमें स्नेह उत्पन्न न होय ताकेलिये भक्त अतिक्रम करे अथवा तेसीही कोइ धर्मके विषयमें भक्त अतिक्रम करे तब अपनो दोष विचारिके शरणकी भावना करनी. तेसें अपनसूं होय सके नहीं एसे कार्यमें अथवा अपनसूं होय सके ऐसे कार्यमेंहु शरणकीही भावना करनी. अपने सामर्थ्यसूं यह कार्य भयो हे एसो अभिमान करे तो शरणधर्म जाय. तासूं सर्वात्माकरिके तदीयपनेको अनुसन्धान राखीके हरिशरणकीही भावना करनी ॥१०-११॥

अहङ्कारकृते चैव पोष्य-पोषण-रक्षणे ॥
पोष्यातिक्रमणे चैव तथाऽन्तेवास्यतिक्रमे ॥१२॥
अलौकिकमनःसिद्धौ सर्वार्थे शरणं हरिः ॥
एवं चित्ते सदा भाव्यं वाचा च परिकीर्तयेत् ॥१३॥

अहङ्कारकृते = अहङ्कार करिवेपे	च = ओर, एव = निश्चितरूपसूं
च = ओर, एव = निश्चितरूपसूं	पोष्यातिक्रमणे = पोष्यकेद्वारा
पोष्यपोषणरक्षणे = अपनेपे निर्भरके	

विवेकधैर्याश्रयः

२९०

पोषणमें होते अतिक्रमणमें

तथा = ओर, अन्तेवास्यतिक्रमे = शरणं = शरण हैं, एवं = यों
शिष्यकेद्वारा होते अतिक्रमणमें सदा = निरन्तर
अलौकिकमनःसिद्धौ = मनकी चित्ते = चित्तमें
अलौकिकताकी सिद्धिकेलिये भाव्यं = भावन करनो
सर्वार्थे = सब अर्थमें च = ओर, वाचा = वाणिसूं
हरिः = श्रीकृष्ण परिकीर्तयेत् = आछि भांतिसों बोलनो

भावार्थ : जीवस्वभावसूं कोईके सामने अहङ्कार करिवेमें, पोषण करिवेके योग्यनको पोषण तथा रक्षण करिवेमें, स्त्रीप्रभृति पोष्यनके द्वारा होते अतिक्रममें तथा शिष्यके द्वारा होते अतिक्रममें ओर मनके अलौकिक सिद्ध होयवेमें एसें सर्व अर्थमें हरिही शरण हैं एसी चित्तमें सदा भावना करे ओर वाणीसूं एसें कह्यो करे.

टीका : इतने, जीवस्वभाववश कोईके सङ्ग अथवा भक्तके सङ्ग अहङ्कार होय, ताकरिके आसुरावेश होय, ताको विवेक पीछेसूं होय तब पश्चाताप होय, तब शरणकीही भावना करनी. अथवा प्रभुकी अत्यन्त कृपा होय तब प्रभून्के सङ्गही अहङ्कार होय तबहु ताके दोषकी निवृत्तिकेलिये शरणकीही भावना करनी. तेसें अपने पोषण करिवेयोग्य जो स्त्री-पुत्रादिक हैं तिनको पोषण तथा रक्षण करिवेमें तथा पोष्य एसे स्त्री-पुत्रादिकनको अतिक्रम होय. अथवा मूलमें 'च'कार हे तासूं बन्धू तथा दासपर्यन्तनकोहु अतिक्रम होय तामें, तथा शिष्य अपनो अतिक्रम करे तामें शरणकीही भावना करनी, परन्तु क्रोध न करनो. तेसें मनकी अलौकिकताकी सिद्धिकेलिये शरणकी भावना करनी. यहां 'मन' लिख्यो हे सो सब इन्द्रियनको जतायवेवारो हे. इतने, देह-इन्द्रियादिक सबनको प्राकृत अंश निवृत्त होयके जेसें अलौकिकपनो सिद्ध होय ओर सो सिद्ध भये पीछे अलौकिक सकल पदार्थनकी सम्पत्तिकेलियेहु हरिही शरण हैं एसी भावना करनी. इतने, ज्ञानरूप जो चित्त हे तामें शरणकी भावना करनी ओर वाणीकरिके उच्चार करनो. क्षणमात्रहु उच्चार न करे तो वाहि समय आसुरभावको प्रवेश होय. चित्तकूं ज्ञानरूपनो भयो न होय तोहु वाणीसूं "श्रीकृष्णः शरणं मम" एसें कह्यो ही करनो. मूलमें 'च'कार हे तासूं कायाकरिके सेवा करनी, मनकरिके भावना करनी ओर वाणीकरिके उच्चार

विवेकधैर्याश्रयः
२९१

करनो एसें तीन्यो प्रकारकी शरणागति निरूपित करी हे ॥१२-१३ ॥

तहां शङ्का होय के कोईसूं होय सके नाहीं एसे बड़े अर्थमें तो हरिकी शरणागतीकी भावना करनी परन्तु अपनसूं होय सके एसे अर्थमें भगवान्के उपर भार क्यों देनो चाहिये ? साधारण अर्थ(कार्यकी सिद्धिकेलिये)में तो देवान्तरको भजन करे तो कहा अडचन हे ? एसी शङ्का होय तहां कहत हैं :

अन्यस्य भजनं तत्र स्वतो गमनमेव च ॥
प्रार्थना कार्यमात्रेऽपि ततोऽन्यत्र विवर्जयेत् ॥१४ ॥

अन्यस्य = ओर काहुकी च = ओर, कार्यमात्रे = कार्यमात्रमें
भजनं = सेवा, तत्र = वहां अपि = हु, ततः = वासूं
स्वतः = स्वयं चलाके अन्यत्र = ओर कहूं, प्रार्थना = प्रार्थना
एव = ही, गमनं = जानो विवर्जयेत् = विशेषरूपसूं त्यागने

भावार्थ : अन्यदेवको भजन तथा अन्यदेवके सन्निधान आपु चलायके जानो, ओर प्रार्थनाके कार्यमात्रमें अपने स्वामी हरि सिवाय देवतान्तरकी पास सब छोड़नो.

टीका : इतने, अन्यदेवको भजन तथा भजनकेलिये गमनहु नाहीं करनो. मूलमें 'च'कार हे तासूं दूसरो प्रेरणा करे तोहु अन्यदेवके सन्निधान जाय नाहीं. क्यों ? जो देवान्तरभजन ओर देवान्तरकी पास गमन छोडे नाहीं तो शरणपदार्थ (आश्रय) जातो रहे. येही 'न्यासादेश'में लिख्यो हे जो प्रभून्सूं अन्यको भजन ओर विनकीपाससूं अपेक्षाहु छोड़नी.

तहां एसी शङ्का होय जो प्रभुकीपास प्रार्थना करनी ये तो योग्य नाहीं हैं, तासूं कछुक पदार्थकी अपेक्षा होय तब दूसरे देवकी पास प्रार्थनामात्र करे, भजन-गमनादिक करे नाहीं तो कहा अडचन ? एसी शङ्का होय तहां कहत हैं जो दूसरे

विवेकधैर्याश्रयः
२९२

देवको भजन ओर विनके पास गमनादिक जेसें छाड़े तेसें स्वल्प तथा बड़े कार्यमेंहु दुसरे देवकीपास प्रार्थना छोड़े. मूलमें 'विवर्जयेत्' एसें लिख्यो हे ताको अभिप्राय एसो हे जो सर्वथा प्रार्थना न करे. मूलमें बहुवचन हे तासूं काहु प्रकारकी प्रार्थना न करनी एसो अभिप्राय जतायो हे.

यहां एसी शङ्का होय जो परम प्रेम, आसक्ति ओर व्यसन पर्यन्त प्राप्त भये एसे ब्रजवासीन्नेहु दावानलकी निवृत्तिकेलिये क्षुधाकी निवृत्तिकेलिये ओर वृष्टिकी निवृत्तिकेलिये हु प्रार्थना करी हे. तेसें कितनेक मुक्ति प्रभृतीन्कीहु प्रार्थना करत हैं. तो यहां प्रार्थनाको निषेध क्यों कर्यो हे ? एसी शङ्काको समाधान यह हे जो ब्रजवासीन्ने दावानलके प्रसङ्गमें दोय बिरियां प्रार्थना करी हे. तामें प्रथमकी प्रार्थनामें कह्यो हे जो "हम आपके चरणकूं छोड़िवेमें समर्थ नाहीं हैं" इतने, दावानल सह्यो जाय हे परन्तु आपके चरणको विप्रयोग सह्यो नाहीं जाय हे. ओर दूसरी बिरियां प्रार्थना करी हे ताको अभिप्राय एसो हे जो प्रभून्के सङ्ग क्रीडामें साम्यबुद्धि भयी सो अपराध भयो हे. परन्तु आप सिवाय हमकूं तथा हम विना आपकूं क्रीडा न होयगी ओर हमारो जीवनहु आप विना न रहेगो. तासूं दावानलको भय हमकूं नाहीं हे, परन्तु आपके स्वरूपको अन्तराय हमसूं नाहीं सह्यो जाय हे एसे अभिप्रायसूंही प्रार्थना करी हे. तासूंही "हमारी रक्षा करो" एसे नाहीं कहिके "रक्षा करिवे योग्य हो" एसे कह्यो हे सो व्यसनभावसूं कह्यो हे, अपने सुखकी अभिलाशासूं कह्यो नाहीं हे. तेसें श्रीगोकुल तो फलस्वरूप हे. सो भगवान्ने अपनी लीलाकेलिये फलोपयोगी सर्व रसात्मक प्रकट कियो हे. तासूं वहांकी लीला बाहिर लोकानुसारिणी हे. ओर भितर तो बहोत प्रयोजनयुक्त अलौकिक लीला हे. तासूं भगवान्कूं जब-जब जा प्रकारकी लीला करिवेकी इच्छा होय हे तब-तब तेसो कार्य सम्पादन करत हैं. जेसें यज्ञपत्निके उपर अनुग्रह करिवेकी इच्छा भयी तब गोपनकों सहसा क्षुधा उत्पन्न करी. तेसेंही श्रीगोकुलमें सबन्के निरोधकेलिये ही भगवान् सब करत हैं तासूं वामें पूर्वपक्ष करिवेको अवकाश नाहीं हे ॥१४॥

सब देवन्को तथा धर्मन्को त्याग करिके भगवान्की शरणागति करिवेको उपर कह्यो, परन्तु एसे करिवेमेंहु अपनो इच्छित होयगो सो भगवान् देइगें किंवा नाहीं देइगें एसे कोन जानत हे ? एसी शङ्का होय तहां कहत हैं:

अविश्वासो न कर्तव्यः सर्वथा बाधकस्तु सः ॥
ब्रह्मास्त्र-चातकौ भाव्यौ प्राप्तं सेवेत निर्मम ॥१५ ॥

अविश्वासः = अविश्वास	बाधकः = बाधक(भवति = होय हे)
तु = तो, न = नाहीं	ब्रह्मास्त्र-चातकौ = ब्रह्मास्त्र ओर चातककी
कर्तव्यः = करिवेयोग्य हे	भाव्यौ = भावना करनी
सः = वो, सर्वथा = सब तरहसूं	निर्ममः = ममता रहित
प्राप्तं = प्राप्त भयेको	सेवेत = भोग करे

भावार्थ : अविश्वास नाहीं करनो. क्यों ? जो सो सर्वथा बाधक हे. तासूं अविश्वासमें ब्रह्मास्त्रकी ओर विश्वासमें चातककी भावना राखनी. ओर जो प्राप्त होय तामें ममता रहित होयके प्रभुसेवा करे.

टीका : इतने, शरणागत भयेपें अविश्वास नाहीं करनो. क्यों ? जो जितने दूसरे बाधक हैं विन सबन्की अपेक्षासूं अविश्वास अधिक बाधक हे. अविश्वास करिके दूसरे धर्मको सम्बन्ध होय तो शरणधर्म नष्ट होय, तासूं अविश्वासमें ब्रह्मास्त्रकी भावना करनी. इतने, हनूमानजी श्रीजानकीजीकी सुधी लेवेकूं लङ्का प्रति गये हते तब गिरे भये फलादिकन्को भक्षण करिवेकी श्रीजानकीजीने आज्ञा करी तब उपवनके वृक्षको नीचे पटके तब जो फल नीचे गिरे ताको भक्षण करे. एसे करत-करत सब वृक्षन्को नाश हनूमानजीने कियो. सो सुनिके रावणने अपने पुत्र इन्द्रजीतकूं पठायो. सो आयके अनेक शस्त्र-अस्त्र हनूमानजीके उपर छोड़वे लाग्यो. फेरि ब्रह्मास्त्र नाख्यो. परन्तु वाके उपर विश्वास नाहीं राखिकें नागपाशादिक डारे. ब्रह्मास्त्रकी उपर विश्वास राखिके यदि दूसरो अस्त्र नाहीं डारतो तो ब्रह्मास्त्र अपनो कार्य करतो परन्तु ब्रह्मास्त्रकी उपर अविश्वास करिके दूसरे अस्त्र डारे तासूं ब्रह्मास्त्र निष्फल भयो. तेसेंही शरणगमनमेंहु अविश्वास राखे तो शरणधर्म न रहे. तासूं अविश्वास नाहीं करनो. ओर विश्वासमें चातकपक्षीकी भावना करनी. इतने, स्वातिजलके विश्वासपे चातकपक्षी रहत हे तासूं मेघ वर्षत हे ओर चातकपक्षी जलको पान करत हे. तेसें शरणागतिमें विश्वास करे तो भगवान् सब सिद्ध करेंगे

एसे विश्वास करिके शरणमें स्थिति राखे. तामें प्रयत्न विना भगवदिच्छासूं जो प्राप्त होय तामें ममता रहित होयके प्रभुसेवा करे परन्तु विशेषप्राप्तिकेलिये यत्न करे नाहीं. जो प्राप्त होय सो सब प्रभून्में विनियुक्त करे, स्वार्थदृष्टि राखे नाहीं ॥१५॥

दूसरे धर्मको सम्बन्ध होय तो शरणपदार्थ चलयो जाय, एसे कह्यो, तब आवश्यक लौकिक ओर वैदिक कर्मन्कोहु त्याग होय, तब तो यह (पुष्टिभक्ति) मार्ग अप्रमाण हे एसी शङ्का होय सो न होयवेकेलिये लौकिक-वैदिक कर्म करिवेको प्रकार कहत हैं:

यथाकथञ्चित् कार्याणि कुर्याद् उच्चावचान्यपि ॥
किं वा प्रोक्तेन बहुना शरणं भावयेद् हरिम् ॥१६॥

उच्चावचानि = श्रेष्ठ ओर अश्रेष्ठ	बहुना = बहुत
कार्याणि = कार्य, अपि = हु	प्रोक्तेन = कहिवेसूं
यथाकथञ्चित् = जेसें बनि आवे तेसें	किम् = कहा, हरिं = श्रीकृष्णको
कुर्यात् = करे, वा = अरु	शरणं = शरण, भावयेत् = बिचारे

भावार्थ : उच्च-उवच कार्यहु जेसें (बनि आवे) तेसें करने. विशेष कहिवेसूं कहा फल सिद्ध होय ? हरिही शरण हैं एसी भावना करनी.

टीका : इतने, लोगनकुं यह मार्ग अप्रमाण हे एसी शङ्का न होय वाकेलिये अतिआवश्यक लौकिक-वैदिक कार्य करे. अर्थात् मार्गकी प्रमाणताकेलिये, प्रभुकी आज्ञा जानिके लौकिक-वैदिक कर्म करने, स्वधर्मपनेसूं नाहीं करने. जेसें गीताजीमें अर्जुनने अन्तमें कह्यो जो “जेसो वचन हे ताप्रमाण करूंगो” एसें कहिके भगवान्की आज्ञा मानिके युद्ध कियो हे, एसें करे तो शरण पदार्थ जाय नाहीं. येही ‘पुष्टिप्रवाहमर्यादा’में कह्यो हे जो “लौकिक तथा वैदिक पनो पुष्टभक्तन्में

कपटपनेसूं हे, स्वधर्मबुद्धिसूं नाहीं हे” जेसें गीताजीमें कह्यो हे जो “लौकिकमें आसक्त अज्ञानी मनुष्य जा प्रकार कर्म करे हे तेसें ज्ञानीहु लोकन्को सिखायवेकेलिये कर्म करे”. अथवा, शरणधर्म सिद्ध राखिवेकेलिये कर्म करने नाहीं तोहु दोष नाहीं हे. क्यों ? जो सर्वधर्मरूप शरणधर्म हे. विशेष कहिवेसूं कहा सिद्ध होय हे ? सर्वत्र शरणकी ही भावना राखनी. लोकसंग्रहकेलियेहु कर्म करने नाहीं. क्यों ? जो लोकसंग्रहकेलियेहु विधिरूपपनेसूं यदि कर्म करे तो शरणपदार्थ न रहे. इतने, प्रभून्की आज्ञा मानिके कर्म करने, विधिरूप जानिके करने नाहीं. एसें सर्वात्माकरिके सर्वधर्मको त्याग करे तब पापकी सम्भावना होय. तहां कहत हैं जो हरिकी शरणभावना करे. इतने, सर्वदुःख तथा पापन्को हरण करिवेवारे ‘हरि’ हैं सो पापादिकनकुं दूर करेंगे. येही अर्जुनके प्रति श्रीकृष्णने गीताजीमें “सर्वधर्मान् परित्यज्य” या श्लोकमें कह्यो हे जो सब पापन्सूं में तोकुं छुड़ाउंगो ॥१६॥

एसें आश्रयके स्वरूपको निरूपण करिके उपसंहार करत हैं:

एवम् आश्रयणं प्रोक्तं सर्वेषां सर्वदा हितम् ॥
कलौ भक्त्यादिमार्गाही दुस्साध्या इति मे मतिः ॥१७॥

एवं = या प्रकारसूं	हि = निश्चितरूपसों
सर्वेषां = सबनकुं	कलौ = कलिकालमें
सर्वदा = हमेशा	भक्त्यादिमार्गाः = भक्ति आदि मार्ग
हितं = हितकारी	दुस्साध्याः = कष्टसों सिद्ध होय एसें हैं
आश्रयणं = आश्रयकुं	इति = एसी, मे = मेरी
प्रोक्तम् = आछि भांतिसों कह्यो	मतिः = मति(अस्ति = हे)

भावार्थ : एसें सब जीवनकुं सर्वदा हितरूप आश्रय कह्यो हे. कलियुगमें भक्तिप्रभृति मार्ग दुःसाध्य हैं एसी मेरी मति हे.

टीका : इतने, सब जीवनकुं सब वर्ण तथा आश्रमन् में शरण सर्वदा हितकारी हे

तथा साधन विनाहु ऐहिक तथा पारलौकिक सम्पत्तिको साधक हे. सब युगनमें साधनकरिकेही फल होय हे ओर यहां सब साधनकुं छोड़िके केवल शरणको ही उपदेश क्यों करत हैं ? एसी शङ्का होय तहां कहत हैं जो अन्य युगनमें धर्मको ही प्राधान्य हतो तासूं मर्यादाभक्ति प्रभृतिनकुं साधनकरिके ही साध्यपनो हतो. तासूं साधन करिकेही विहितभक्ति, उपासना ओर कर्मादिकन् को फल होतो हतो. ओर कलियुग तो पापप्रधान हे तासूं साधननके अभावसूं विहित भक्तिप्रभृति मार्गहु होय सके एसें नाहीं हे, इतनो ही नाहीं परन्तु साधन-सम्पत्ति बिना यत्किञ्चित् करिवेमेंहु पाषण्डको प्रवेश होयवेसूं पापहु होय हे तासूं सर्वथा दुःसाध्य हे. सत्ययुगादिकनमेंहु साधनकरिके जो मार्ग साध्य हते सोहु कलियुगमें साधनके अभावसूं दुःसाध्य भये तब सत्ययुगादिकनमेंहु जो भक्तिमार्ग साधनकरिके साध्य नाहीं हतो, केवल भगवान्के अनुग्रहकरिकेही साध्य हतो, सो कलियुगमें तो सुतरां दुःसाध्य होय तामें कहा कहनो ? तासूं सर्वात्माकरिके शरणागति करिवेमें एसे भक्तिमार्गमेंहु भगवान् अनुग्रह करेंगे. तासूं सर्वात्माकरिके शरणकीही भावना करनी, दूसरो कछु नाहीं करनो एसो अपनो सिद्धान्त जतायवेकेलिये “एसी मेरी मति हे” एसो कह्यो हे. श्रीआचार्यचरणनूने “मेरी मति हे” एसो कह्यो हे तासूं स्वमार्गीय भक्तनकुं तो शरणकीही भावना करनी, दूसरो कछु नाहीं करनो, एसो अभिप्राय हे.

॥इति श्रीमद्वल्लभाचार्य विरचित 'विवेकधैर्याश्रय'की
गोस्वामी श्रीनृसिंहलालजी महाराज विरचित
ब्रजभाषामें संक्षिप्त टीका समाप्त भई ॥

॥ कृष्णाश्रयः ॥

(१४)

श्रीकृष्णके आश्रयकुं सर्व सिद्ध करिवेपनो हे तासूं अपने भक्तनकुं वरदान देवेकीसी नांई श्रीआचार्यचरण श्रीकृष्णाश्रय स्तोत्रको निरूपण करत हैं. तामें अब कलिकालके प्रभावसूं देश काल द्रव्य कर्ता मन्त्र ओर कर्म ये षट्साधन पुरुषार्थ सिद्ध करिवेवारे नाहीं हैं एसें बताते भये, भक्तनकुं भगवान्ही सर्वसाधनरूप हैं, देशादिक षट्साधन तथा चार प्रकारके पुरुषार्थ रूपहु भगवान्ही हैं, दशविध लीलाकरिके निरूप्यहु भगवान् ही हैं, सत्व-रजस्-तमोगुणनके भेदसूं नव तथा दशम निर्गुण एसें दशविध भक्तन् करिके सेव्य भगवान् हैं, ओर शरीरकुं सब सिद्धि करिवेवारे जेसें दश प्राण हैं तेसें भक्तकुं सब सिद्ध करिवेवारे यह स्तोत्र हे एसें उपर लिखे सब कारण जतायवेकेलिये दश श्लोकनसों निरूपण करत हैं. तामें प्रथम मुख्य अङ्ग काल हे. तासूं कालधर्मको निराकरण करिके आश्रयकी प्रार्थना करत हैं:

सर्वमार्गेषु नष्टेषु कलौ च खलधर्मिणि ।
पाषण्डप्रचुरे लोके कृष्णएव गतिर् मम ॥१॥

खलधर्मिणि = पाषण्ड धर्मवारे	पाषण्डप्रचुरे = पाषण्डकी
कलौ = कलिकालमें	अधिकता होयजावेसूं
सर्वमार्गेषु = सभी मार्ग	मम = मेरो
नष्टेषु = नष्ट होयजावेसूं	कृष्ण = कृष्ण
च = ओर	एव = ही
लोके = लोकमें	गतिः = आश्रय (अस्ति = हे)

भावार्थ : खल धर्मवारे कलियुगमें सर्व मार्ग नष्ट होय गये हैं ओर लोक बहोत पाषण्डवारे होय गयो हे तामें श्रीकृष्णही मेरी गति हों.

टीका : इतने उपरसूं अच्छो देखिवेमें आवे ओर भीतरसूं दुष्ट होय सो 'खल' कह्यो

जाय. एसो धर्म कलियुगमें हे. तामें श्रीकृष्णही मेरे गतिरूप होंय. यह कहिवेको अभिप्राय एसो हे जो सत्तावाचक 'कृष्' शब्द हे ओर आनन्दवाचक 'ण' शब्द हे. दोयकी एकतासूं 'सदानन्द' शब्द बने हे. सो सदानन्द श्रीकृष्ण ऐहिक तथा पारलौकिक अर्थके सिद्ध करिवेवारे मोकुं होंय.

खलधर्मको स्वरूप कहत हैं: जो लोकमें पाषण्ड अत्यधिक भयो हे तामूंहि कर्म - ज्ञानादिक मार्ग (जासूं पुरुषार्थके उपाय खोजे जायें वाकुं 'मार्ग' कह्यो जाय हे) नष्टप्राय: भये हैं. यज्ञादिकनसूं स्वर्गकी प्राप्ति होयवेको वेदमें लिख्यो हे. तामें 'स्वर्ग' पद आत्मसुखको वाचक हे सो नहीं जानिके लोकको वाचक हे एसो भ्रम पाषण्डी लोग उत्पन्न करत हैं. (एसी मिथ्या कामनासूं कर्ये कर्मसूं) चित्तकी शुद्धि नहीं होयवेसूं कर्ममार्ग नष्ट भयो हे.

मायावाद आदि वादन्के अभिनिवेशसूं ज्ञानमार्ग ओर निरीश्वरवादके अङ्गीकारसूं योगमार्ग नष्ट भये हैं. विभूतिपरक होय जावेसूं उपासनामार्ग नष्ट भयो हे. मूलमें 'च'कार हे तामूं कलिकालकुं महादेवादिक अनुगुण (सहायक) भये हैं. तामूं श्रीकृष्ण हि गति हों. मूलमें 'एव'कार हे सो अन्यके योगको व्यवच्छेदक हे. तामूं अंश - कलादिक गतिरूप मति हों एसो अभिप्राय हे ॥१॥

पुण्यदेशमें स्थितिमात्रसूंहि पुरुषार्थकी सिद्धि होय हे तब दूसरेको निषेध करिके आश्रयकीही प्रार्थना क्यों करत हो ? एसी शङ्का होय तहां कहत हैं:

म्लेच्छाक्रान्तेषु देशेषु पापैक-निलयेषु च ॥
सत्पीडा-व्यग्र-लोकेषु कृष्णएव गतिर् मम ॥२॥

देशेषु = देश / स्थान
पापैकनिलयेषु = एकमात्र पापके घररूप
बन जायवेसूं, च = ओर
म्लेच्छाक्रान्तेषु = म्लेच्छन्के द्वारा
सत्पीडाव्यग्रलोकेषु = सत्पुरुषनकुं
पीडित देखिके लोगन्के अधीर
होय जावेसूं, मम = मेरो
कृष्ण = कृष्ण, एव = ही

पराभूत होय जावेसूं

गतिः = आश्रय(अस्ति = हे)

भावार्थ : सब देश म्लेच्छन्करिके आक्रान्त होय गये हैं. ओर विनमें पापीन्कोही निवास हो गयो हे. ओर सत्पुरुषनकुं पीडा होयवेसूं सब लोग व्यग्र होय गये हैं. एसे समयमें श्रीकृष्णही मेरी गति हों.

टीका : इतने सब देशन्में म्लेच्छादिक हीन जातीन्की सत्ता हो गई हे. ओर वे म्लेच्छहु धर्ममें वर्तिवेवारे नहीं हे किन्तु पापमेंही विनको मुख्य स्थानक हे. अथवा अङ्ग-बङ्ग-कलिङ्ग आदि देश एसे हैं जो विनमें गमनमात्रसूंही पुनः संस्कार करनो पड़े हे. एसे देशन्में म्लेच्छादिकनें आक्रमण कियो हे तामूं तीर्थयात्रादिकके प्रसङ्गते जायवेमेंहु पाप लगे हे. ओर सत्पुरुषनकुं पीडा होय हे ताकरिके सब लोगहु व्यग्र होय रहे हैं. क्यों जो स्वधर्मादिकको आचरण करिवेवारेनकुं पीडा होती देखिके ओरनकुं धर्ममार्गमें श्रद्धादिक नहीं रहे हे. एसे समयमें श्रीकृष्णही मेरी गति हों ॥२॥

गङ्गादिक तीर्थन्सों हु सर्व पुरुषार्थकी सिद्धि होय हे तब केवल आश्रय करिवेको कहा प्रयोजन हे ? एसी शङ्का होय तहां (तीर्थादिरूप)द्रव्यकी असाध्यता कहत हैं:

गङ्गादि-तीर्थ-वर्षेषु दुष्टैरेवावृतेष्विह ।
तिरोहिताधिदैवेषु कृष्णएव गतिर् मम ॥३॥

इह = यहां, गङ्गादितीर्थ-वर्षेषु = तिरोहिताधिदैवेषु = अधिदेवता
गङ्गाजी आदि मुख्य तीर्थ तिरोहित होयजावेसूं, मम = मेरो
दुष्टैः = दुष्ट लोगन्सूं कृष्ण = श्रीकृष्ण, एव = ही
एव = ही, आवृतेषु = धिरजायवेसूं गतिः = आश्रय(अस्ति = हे)

भावार्थ : गङ्गादिक उत्तम तीर्थहु दुष्टन्सों आवृत्त होय गये हैं. तामूं विनको

आधिदैविक स्वरूप तिरोहित भयो हे. ऐसे समयमें श्रीकृष्णही मेरी गति हो.

टीका : इतने, तीर्थमें श्रेष्ठ जो गङ्गादिक हैं सो दुष्टन्सों आवृत्त भये हैं. तासूं तीर्थन्सूं पुरुषार्थकी सिद्धि होय ऐसे नाहीं हे.

ब्राह्मणादिकहु तीर्थन्में रहे हैं तब तीर्थ दुष्टन्करिकेही आवृत्त भये हैं एसें क्यों कहो हो ? एसी शङ्का होय तो ताको समाधान एसो हे जो विन (ब्राह्मणादिकन्)कुं अति परिचय होयवेसूं तीर्थन्में आदर नाहीं रहे हे. तासूं वामें भक्ति नाहीं होय हे. ओर वहां दानादिक लेवेकेलियेही विनकी स्थिति हे. तासों विनकोहु दुष्टपनो हे. क्यों जो “श्रद्धारहित, पापात्मा, नास्तिक, जिनकुं संशय निवृत्त नाहीं भयो हे ओर वामें तीर्थपनेको कारण शोधिवेवारो होय विनकुं तीर्थको फल नाहीं मिले हे” एसें वायुपुराणमें कह्यो हे. श्रद्धारहित नास्तिक होंय वे यदि तीर्थमें हु रहते होंय तोहु विनको दुष्टपनो नाहीं मिटे हे. तहां शङ्का होय जो तीर्थमें तो सब दोषनकुं निवृत्त करिवेकी शक्ति होय हे तासूं जेसें अग्नि जो वाके संसर्गमें आवे वा सबको दाह करे हे तेसें तीर्थकी शक्तिसूंही दुष्टपनो क्यों नाहीं मिटे हे ? तहां कहत हैं जो देवतारूप तीर्थको आधिदैविकस्वरूप तिरोहित होय गयो हे सो सत्पुरुषनके प्रतिही प्रकट होय हे, दुष्टपुरुषनके प्रति तीर्थको आधिदैविक स्वरूप तिरोहित ही रहत हे. तासूं श्रीकृष्णही मेरी गति हों.

धर्म करिवेवारे कर्ता यदि समीचीन (आछे) होंय तो सर्व फलकी सिद्धि होत हे तब आश्रय करिके कहा कर्तव्य हे ? एसी शङ्का होय तहां कर्ताको असाधकपनो बतायके आश्रयकी प्रार्थना करत हैं :

अहङ्कार-विमूढेषु सत्सु पापानुवर्तिषु ।
लाभ-पूजार्थ-यत्नेषु कृष्णएव गतिर् मम ॥४॥

सत्सु = सत्पुरुषें

अहङ्कार-विमूढेषु = अहङ्कारसूं
विशेषकरके मूढ होयजावेसूं

पापानुवर्तिषु = पापको अनुसरण
करिवेवारे होय जावेसूं, मम = मेरो

कृष्णाश्रयः
३०१

लाभपूजार्थयत्नेषु = लाभ ओर सन्मानके कृष्ण = श्रीकृष्ण, एव = ही
अर्थ यत्न करवेवारे होय जावेसूं गतिः = आश्रय(अस्ति = हे)

भावार्थ : पण्डित लोग अहङ्कारसों विशेष मूढ भये हैं, पापी पुरुषनकों अनुसरीवेवारे भये हैं ओर लाभपूजाके अर्थही विनको यत्न हे. तामें श्रीकृष्णही मेरी गति हों.

टीका : इतने पण्डित लोग “हम शास्त्र जानें हैं” एसे अभिमानसूं दूसरेकुं पूछतहु नाहीं हैं. ओर मयावादादिकनके अभिनिवेशसूं विशेषकरिके मूढ भये हैं. तेसें ही स्वयंकु लाभ होय अथवा अपनी प्रतिष्ठा बढे तो अपनो सत्कार होय एसे स्वार्थकेलियेही यत्न करत हैं; अर्थात् पारमार्थिक कर्महु लाभ-पूजार्थही करत हैं. ओर पापीपुरुष अथवा पापकुंही अनुसरीवेवारे भये हैं. तासूं श्रीकृष्णही मेरी गति हों ॥४॥

मन्त्रसूं फलसिद्धि होय हे एसे मन्त्रशास्त्रमें लिख्यो हे. तब, आश्रय करिके कहा कर्तव्य हे ? एसी शङ्का होय तहां मन्त्रनको असाधकपनो कहिके आश्रयकी प्रार्थना करत हैं :

अपरि-ज्ञान-नष्टेषु मन्त्रेष्वव्रत-योगिषु ।
तिरोहितार्थ-देवेषु कृष्णएव गतिर् मम ॥५॥

मन्त्रेषु = मन्त्र

अपरिज्ञाननष्टेषु = अपूर्ण ज्ञानके

कारण नष्ट होयजावेसूं

अव्रतयोगिषु = व्रतनियम नहीं अनुसरिवेसूं

तिरोहितार्थदेवेषु = अर्थ ओर-देवता

तिरोहित होयजावेसूं, मम = मेरो

कृष्ण = श्रीकृष्ण, एव = ही

गतिः = आश्रय(अस्ति = हे)

भावार्थ : मन्त्रको परिज्ञान नाहीं होयवेसूं, व्रतादिकनको योग नाहीं होयवेसूं ओर अर्थ तथा देवता तिरोहित होयवेसूं मन्त्र नष्टप्रायः भये हैं. ऐसे समयमें श्रीकृष्णही मेरी गति हों.

कृष्णाश्रयः
३०२

टीका : इतने, वैदिक तथा तन्त्रोक्त मन्त्रको तात्पर्य, फल ओर देवता के स्वरूपको ज्ञान नहीं होयवेसू मन्त्र नष्टप्रायः होय गये हैं. गुरुकुलमें वास करे, ब्रह्मचर्यादिक व्रत राखे, शूद्रकी सन्निधिमें अध्ययन न करे इत्यादिक नियमन्सू वैदिकमन्त्रकुं पढे तब मन्त्र फलसाधक होय. सो नियम अब रहे नहीं हैं तासू फलसाधक नहीं हैं. ओर तन्त्रोक्त मन्त्रके तात्पर्यको ज्ञान नहीं होयवेसू विनके अर्थ तथा देवता को तिरोभाव होय गयो हे. तासू मन्त्र फलसाधक नहीं रहे हैं. ओर भगवदाश्रयमें तो “यस्य स्मृत्या च नामोक्त्या तपोयज्ञक्रियादिषु, सर्व सम्पूर्णां याति सद्यो वन्दे तमच्युतम्” इत्यादि वाक्यन्करिके न्यून होय सोहु सब पूर्ण होय हे. तासू श्रीकृष्णही मेरी गति हों ॥५॥

मीमांसादिक (विचार)शास्त्रसों मन्त्रन्के तात्पर्यको निर्धार होय सके हे तासू कर्मन्सोंही फलकी सिद्धि होयगी, आश्रयकरिके कहा करनो हे ? एसी शङ्का करिके कर्महु फलसाधक नहीं रहे हैं एसो बतायके आश्रयकी प्रार्थना करत हैं :

नाना-वाद-विनष्टेषु सर्व-कर्म-व्रतादिषु ।
पाषण्डैक-प्रयत्नेषु कृष्णएव गतिर्मम ॥६॥

सर्वकर्मव्रतादिषु = कर्म, व्रत आदि सभी

नानावादविनष्टेषु = विविध प्रकारके वादन्सों नष्ट होयजायवेसू

पाषण्डैकप्रयत्नेषु = केवल पाषण्डके अर्थ ही प्रयत्नशील होयजायवेसू

मम = मरो, कृष्ण = श्रीकृष्ण एव = ही, गतिः = आश्रय(अस्ति = हे)

भावार्थ : सर्व कर्म ओर व्रतादिक भिन्न-भिन्न प्रकारके वादसों विनष्ट भये हैं. ओर प्रायः वादन्को पाषण्डकेलियेही मुख्य यत्न हे एसे समयमें श्रीकृष्णही मेरी गति हों.

टीका : इतने सोमयागादिक कर्म ओर व्रतादिकन् में भिन्न-भिन्न वाद भये हैं.

अर्थात् कोई कहे हे के कर्म एसें करो तो दूसरो दूसरी रीतिसू बतावे हे. तेसें ही व्रतादिकन्मेंहु एकने व्रत बतायो तो दूसरो वाकी ईर्ष्या करिके दूसरी रीतिसू बतावे हे. फेरि परस्पर वाद करे हैं. तामें कोन सत्य बतावे हे ओर कोन असत्य बतावे हे सो अज्ञ लोग जान नहीं सके हैं. तासू सब कर्म तथा व्रतादिक नष्ट होय गये हैं.

मायावादी कहे हैं जो सगरो प्रपञ्च मिथ्या हे. अपने अज्ञानसू कल्पित हे. प्रपञ्चमें रहे भये होयवेसू वेदहु व्यवहारमात्रमें प्रमाण हैं-एसें मायावादीन्को वाद हे.

ब्रह्मादीकन्कुंहु यज्ञसोंही बडप्पन प्राप्त भयो हे. पूर्वकी वासनासू उत्तरोत्तर प्रवृत्ति होतीजाय हे तासों कर्मही कर्तव्य हे. फलहु कर्मसू ही मिले हे. फलको देवेवारो उपासना करिवेयोग्य चेतनरूप कोउ देवता नहीं हे, किन्तु मन्त्रमयही देवता हे एसें मीमांसकन्को वाद हे.

षोडश पदार्थन्के ज्ञान भये पीछे श्रवण, मनन तथा निदिध्यासन करिके अपने आत्माको साक्षात्कार भये दुःख नहीं होय हे, येही फल हे एसें नैयायिकन्को वाद हे.

ओर प्रकृति तथा वाके विकार को लय होय तब पुरुष-चैतन्यको अपने स्वरूपसों रहनो येही फल हे, कोउ देव सेव्य नहीं हे एसो सांख्यन्को वाद हे.

एसे प्रकारके भिन्न-भिन्न वादन्सों कर्म तथा व्रत नष्ट होय गये हैं. वस्तुतासू तो सब जगत् जो दीखवेमें आवे हे सो भगवद्रूपही हे. भगवान् सबन्कुं अपने वशमें राखत हैं. भगवान्सूही सबन्की उत्पत्ति, स्थिति ओर लय होत हे. तासू भगवान्ही सेव्य हैं. “देव असुर मनुष्य यक्ष ओर गन्धर्व जो कोउ भगवान्के चरणको भजन करत हैं सो कल्याणको प्राप्त होते हैं” एसो श्रीभागवतजीको वाक्य हे. तासू भगवान्ही सेव्य हैं. प्रपञ्च सब भगवद्रूप हे, भगवान्को सायुज्यादिक होय सोही फल हे इत्यादिक शास्त्रप्रतिपादित अर्थसू उपर कहे सब वाद विरुद्ध

हैं. तथापि अपने-अपने मतके आग्रहसूँ शास्त्रविपरीत कर्म ओर दशम्यादिकके वेधवारी एकादशी प्रभृतिको व्रत करे हैं तासूँ कर्म ओर व्रत नष्ट होय गये हैं.

तहां शङ्का होय जो एसो करिवेवारे आप करें हैं ओर दूसरेनुकुंहु बोध करत हैं. सो वे लोग यदि वामें मिथ्यापनो, निष्फलपनो तथा शास्त्रविरुद्धपनो जानते होंय तो आप क्यों करते होयेंगे ? तथा ओरनुकुं बोध कैसे करते होयेंगे ? क्यों जो वे मतहु शङ्कराचार्य, जैमिनि, गौतम आदिक पण्डितनुं ही प्रवृत्त किये हैं एसी शङ्का होय तहां कहत हैं जो पाखण्डके निमित्तही विनको मुख्य प्रयत्न हे. सो पद्मपुराण तथा वाराहपुराण में कह्यो हे जो श्रीभगवान्नुं महादेवजीकुं मोहशास्त्र करिवेकी आज्ञा करी हे.

एसैं ही भगवान्नुं महादेवजीकी आराधना करिकें, आप विनकी पाससूँ वर मांगिके जगतमें महादेवजी की आराधनाकी महत्ताकी वृद्धि किये हैं. सो देखिके लोक भ्रमित होय जाय हैं, परन्तु एसे नाहीं जाने हैं जो कोउ मार्ग देवादिकनुं प्रवृत्त कियो होयवेसूँ सन्मार्ग नाहीं होत हे किन्तु वेदादिकनुं विरुद्ध न होय ओर वेदानुसारी होय तो ही सन्मार्ग कहवावे हे. ये अभिप्रायकुं साधारण लोग नाहीं जानत हैं ओर देवादिकनुंकी प्रवृत्तिसूँ आपही मोहित होयके प्रवृत्त होय हैं. यदि देवादिकनुं प्रवर्तित होयवेसूँ ही कोई मार्ग सन्मार्ग होतो होय तब तो बृहस्पतिद्वारा प्रवर्तित कौलमार्ग तथा बुद्धावतारद्वारा प्रवर्तित बौद्धमत हु सन्मार्ग कहवावेगो ! परि वे मार्ग तो सन्मार्ग नाहीं कहवावे हैं एसी सबनुंकी समज हे. सो एसे समयमें श्रीकृष्णही मेरी गति हो ॥६॥

“धर्मसों पाप मिटे हे” “धर्ममें सब कछु रह्यो हे” एसैं श्रुतिमें कह्यो हे. तासूँ प्रथम तो दोष दूर होंय वाकेलिये धर्मको आचरण करनो. ताकारिके चित्त शुद्ध होय तब भगवान्को माहात्म्य तथा स्वरूपको ज्ञान होय तब आश्रयादिक करने. चित्तमें दोष होय तब ताई आश्रय नाहीं करनो. क्यों जो योगीनुं ध्यान करिवेयोग्य प्रभु कहां ओर दुष्ट जीव कहां ! एसी आशङ्का होय तहां कहत हैं :

अजामिलादि-दोषाणां नाशकोऽनुभवे स्थितः ॥

कृष्णाश्रयः
३०५

ज्ञापिताऽखिल-माहात्म्यः कृष्णएव गतिर् मम ॥७॥

अजामिलादि-दोषाणां = अजामिल आदिकनुंके

दोषनुंको, नाशकः = नाश करिवेवारे

अनुभवे = अनुभवमें, स्थितः = रहे भये कृष्ण = श्रीकृष्ण

ज्ञापिताखिल-माहात्म्यः = जिनने सर्व- एव = ही, मम = मेरो

माहात्म्य दिखायो हे एसे गतिः = आश्रय(अस्ति = हैं)

भावार्थ : अजामिलादिकनुंके दोषनुंको नाश करिवेवारे प्रभु अनुभवमें रहे हैं. ओर जिनने अपनो समग्र माहात्म्य जतायो हे सो श्रीकृष्णही मेरी गति हों.

टीका : इतने, वेदमें लिख्यो हे के “प्रवचनादिकसों प्रभु प्राप्य नाहीं हे परन्तु जिनको वरण(स्वीकार) प्रभु करत हैं विनकुंही प्राप्य होय हैं”. ओर गीताजीमें अनन्य भक्तिसूँ प्रभु प्राप्त होयवेको लिख्यो हे. तासूँ प्रभूनुंद्वारा अङ्गीकार होयगो ओर भगवद्भक्तको अनुग्रह होयगो तो दोषवारेकुंहु भक्तिसों प्रभु गम्य हैं. महापुरुषद्वारा शरणागति होयगी तो सब सिद्ध होयगो. जेसैं अजामिलने विष्णुके पार्षदनुंको वाक्य सुन्यो तब प्रथम जो कृत्य किये हते ताको पश्चाताप करिके गङ्गाद्वारमें जायके भगवद्भक्ति करी. ताकारिके वाके सब पापनुंकी निवृत्ति होयके उत्तम गति भयी. ये केवल पुत्रके उपचारसूँ ‘नारायण’नामको ग्रहणकरिवेमें भगवान्के पार्षदको भगवद्भक्तिरूप वाक्य सुनिवेको समय अजामिलकुं प्राप्त भयो ताको फल मिल्यो तो बुद्धिपूर्वक शरणागति करिवेवारेनुंके सब पापनुंकी निवृत्ति होयवमें कहा संशय हे ! तासूँ, दोष प्राप्त भयो होय तोहु केवल भगवान्कोही आश्रय करनो, परन्तु आश्रयकुं छोडिके ओर कछु नाहीं करनो ॥७॥

“स्वाध्यायको अध्ययन करनो”, “जो-जो कृतुको अध्ययन करे ताको फल वाकुं प्राप्त होय” इत्यादिक वेदके वाक्य हैं. ताकारिके कर्ममार्गमेंहु ब्रह्मयज्ञ ओर अध्ययनादिकनुं सायुज्यप्राप्ति होय हे. ओर ब्रह्मज्ञानकारिके अक्षरब्रह्मके सङ्ग सायुज्य होयवेको श्रीगीताजीमेंहु लिख्यो हे. तब, श्रीकृष्णके आश्रयमें विशेष कहा हे जो वाकीही प्रार्थना करत हो ? एसी शङ्काकी निवृत्तिकेलिये

कृष्णाश्रयः
३०६

वाके तारतम्यज्ञानार्थ सर्वस्वरूप भगवान्ही हैं ऐसे स्वरूपके निरूपणपूर्वक अर्थरूपपनेसूं आश्रयकी प्रार्थना करत हैं:

प्राकृताः सकला देवा गणितानन्दकं बृहत् ।
पूर्णानन्दो हरिस् तस्मात् कृष्णएव गतिर् मम ॥८॥

सकला = सभी, देवाः = देवताएं गणितानन्दकं = गणितानन्द जेसो
प्राकृताः = प्राकृत, (सन्ति = हैं) (अस्ति = हे) हरिः = श्रीकृष्ण
बृहत् = अक्षरब्रह्म पूर्णानन्दः = पूर्ण आनन्द (अस्ति = हैं)
(अतः = यालिये) कृष्णएव = कृष्ण ही, मम = मेरो, गतिः = आश्रय
(अस्ति = हैं)

भावार्थ : सब देव प्राकृत हैं तथा अक्षरब्रह्मके आनन्दकीहु गणना होय हे. ओर हरि पूर्णानन्द हैं तासूं श्रीकृष्णही मेरी गति हों.

टीका : इतने, सब देव सात्विक अहङ्कारसूं उत्पन्न भये हैं तासों प्राकृत कहे जाय हैं. ओर तैत्तिरीयोपनिषद्में आनन्दकी गणनाके प्रसङ्गमें “समग्र पृथ्वी द्रव्यसूं पूर्ण होय सो मनुष्यको एक आनन्द हे. ऐसे मनुष्यके एकसो आनन्दको मनुष्यगन्धर्वनको एक आनन्द होय हे” या रीतिसूं शतगुणित आनन्दकी गणना करी हे. तहां ब्रह्माजीके एकसो आनन्द होय हे तब अक्षरब्रह्मको एक आनन्द होय हे ऐसे अक्षरब्रह्मके आनन्दकी गणना करी हे. तासूं अक्षरब्रह्म गणितानन्द कह्यो जाय हे. ओर भक्तनके दुःखहर्ता श्रीकृष्ण हैं सो तो पूर्णानन्द हैं. तासूं श्रीकृष्णही मेरी गति हों.

देवादिकनके सायुज्यमेंहु देव प्राकृत होयवेसूं विनकी मुक्तिकुं सगुणपनो हे. ओर ब्रह्मलोक पर्यन्तकुं फेरि संसारमें आयवेको गीताजीमें लिख्यो हे तासूं अल्पानन्दपनो हे. तेसैं ज्ञानमार्गमें अक्षरब्रह्मके सङ्ग सायुज्य होय हे तामें गणितानन्द होयवेसूं बहोत क्षुधितकुं अल्प भोजन होय सो अभोजनतुल्य होय हे तेसैं अक्षरसायुज्यको

अल्पपनो होयवेसूं कछु उपयोगी प्रतीत नहीं होय हे. ओर श्रीकृष्ण तो जेसैं पूर्ण आनन्दरूप हैं तेसैं निर्गुणमुक्तिकुंहु देयवेवारे हैं तासूं विनकीही शरणभावना करनी ॥८॥

विवेक ओर धैर्य सूं रहिके भक्ति करिवेमें भगवानहु वश होत हैं तब दैन्यकरिके आश्रयकी प्रार्थना क्यों करत हो ? एसी शङ्का करिके, भगवान् सर्वमनोरथके पूरक हैं ओर सर्वफलकेलिये इच्छित हैं तासूं भगवान्को इच्छितरूपपनो हे एसैं भगवान्को कामरूपपनो कहते भये आश्रयकी प्रार्थना करत हैं:

विवेक-धैर्य-भक्त्यादि-रहितस्य विशेषतः ।
पापासक्तस्य दीनस्य कृष्णएव गतिर् मम ॥९॥

विवेक-धैर्य-भक्त्यादि-रहितस्य = विवेक-दीनस्य = दीन

धैर्य-भक्ति आदिसूं रहित मम = मेरो

विशेषतः = विशेष करके कृष्ण = श्रीकृष्ण, एव = ही

पापासक्तस्य = पापमें आसक्त गतिः = आश्रय (अस्ति = हैं)

भावार्थ : विवेक धैर्य ओर भक्त्यादि सों रहित, विशेषकरिके पापमें आसक्त ओर दीन एसो जो में ताकुं श्रीकृष्णही गतिरूप हों.

टीका : इतने, प्रथम जो निरूपण कियो सो प्रभुके स्वरूपको विचार करिके कियो हे. अब जीवके स्वरूपको विचार करिके कहत हैं जो भगवान् अपनी इच्छासूं सब करेंगे एसैं जानिके प्रार्थना नाहीं करनी एसो निश्चय होय सो ‘विवेक’ कह्यो जाय हे. तथा भक्तिविरोधि जो दुःख होंय ताकी निवृत्तिको उपाय नाहीं करिके आधिभौतिक, आध्यात्मिक ओर आधिदैविक एसे तीन्वों प्रकारके दुःखकों सहन करनो सो ‘धैर्य’ कह्यो जाय हे. ओर साधनरूप भक्ति श्रवणादिक कहि जाय हे. मूलमें ‘आदि’ पद हे तासूं पुण्य हु समजनो. सो मेरे पास कछु नाहीं हैं, तेसैं विनके साधनहु मेरेमें नाहीं हे. पापमें आसक्त हुं अर्थात्, विपरीत साधन करूं हुं. ओर

दीन (दरिद्र) हुं. एसो जो में हुं ताकुं श्रीकृष्णही गतिरूप हों.

यहां “मेरेमें विवेक-धैर्यादिक नहीं हैं” ओर “में पापमें आसक्त हुं” इत्यादिक जो वाक्य कहे हैं सो वाक्य कहिवेवारे श्रीआचार्यचरण हैं. विनकों ऐसे विशेषण योग्य नहीं हैं एसी शङ्का मनमें होय ताको समाधान एसें करना जो वेदमें “में हाथ जोड़िके गुरुकी शरण जाउं हुं” “में नमन करूं हुं” “मेरो कल्याण होय” इत्यादिक वाक्यन् यजमानके अधिकारसों कहे जाय हैं तेसें यहां श्रीआचार्यचरणनमें भक्तनके अधिकारसों उपर्युक्त वाक्य कहे हैं एसे समजनो ॥९॥

सर्वथा जो साधनरहित होंय तिनकुं शरणागतिमेंहु इच्छित फलकी सिद्धि कैसें होयगी ? क्यों जो भगवान् तो जीवकी कृतिके अनुसार फल देत हैं. सब साधन छोड़िवेमें देवतान्तरकोहु अनादर होयवेसूं देवताहु विघ्न करेंगे एसी आशङ्का करिके शरणागतिमें मोक्षरूपपनो हे एसें सिद्धकरिवेकेलिये विज्ञापन करत हैं:

सर्व-सामार्थ्य-सहितः सर्वत्रैवाखिलार्थकृत् ॥
शरणस्थ-समुद्धारं कृष्णं विज्ञापयाम्यहम् ॥१०॥

(यः = जो) सर्वसामर्थ्यसहितः = शरणस्थ-समुद्धारं = शरणमें आयेको
सर्व सामर्थ्यवारे (च = ओर) उद्धार करिवेवारे (तं = उन्)
सर्वत्र = सब जगे, एव = ही कृष्णं = श्रीकृष्णकुं, अहं = में
अखिलार्थकृत् = सब कछु करवेवारे विज्ञापयामि = प्रार्थना करूं हुं

भावार्थ : श्रीकृष्ण सर्वसामर्थ्ययुक्त हैं ओर सर्वत्र समग्र अर्थके करिवेवारे हैं. तासूं शरण आये एसे जीवन्को उद्धार करिवेकेलिये में श्रीकृष्णकी बिनति करत हों.

टीका : इतने, प्रभु सर्वसामर्थ्य सहित हैं. तासूं आपके सामर्थ्यसूंही सब कर सके हैं. सो यदि मर्यादा राखिवेकी इच्छा होयगी तो ज्ञानादिकन्को दान करिकेहु फल देयेंगे. अथवा सर्वसामर्थ्य जामें हैं एसे सुदर्शनादिक सहित श्रीकृष्ण हैं. तासूं सुदर्शनादिकसोंहु भक्तनको अनिष्ट निवृत्त करें हैं. ओर सब देशनमें, वर्णनमें,

आश्रमनमें तथा कर्मादिकनमें हु सब अर्थके करिवेवारे श्रीकृष्णही हैं. सो विनके शरण जो जीव आये होंय विनकुं फलदान करेंगे. क्यों जो “जो जा रीतिसूं मेरि शरण आवे हे ताकुं वाही रीतिसूं में भजतहुं” एसी गीताजीमें आपकी प्रतिज्ञा हे. तासूं शरणागतिकी मर्यादा ही एसी हे जो शरण आयो होय ताकी सब तरहसूं रक्षा प्रभु करतही हैं. तासूं दीनभावसों शरणागति ही करनी ॥१०॥

“पशुके दश प्राण हैं, आत्मा ग्यारहमी हे” एसे श्रुति में कह्यो हे. तासूं प्राणनकीसीनाई उपर कहे सब श्लोक सब सिद्ध करिवेवारे हैं एसें जतायवेकेलिये दश श्लोकसों स्तोत्रको निरूपण करिके आत्माकीसी नाई फल अक्षय्य हे एसें जतायवेकेलिये आत्मरूप ग्यारहमें श्लोकसों स्तोत्रपाठको फल कहत हैं:

कृष्णाश्रयम् इदं स्तोत्रं यः पठेत् कृष्णसन्निधौ ॥
तस्याश्रयो भवेत् कृष्णः इति श्रीवल्लभोऽब्रवीत् ॥११॥

॥ इति श्रीवल्लभाचार्यविरचितम् कृष्णाश्रयस्तोत्रम् सम्पूर्णम् ॥

यः = जो, इदं = या पठेत् = पढ़ेगो, तस्य = वाको
कृष्णाश्रयं = कृष्णाश्रय कृष्णः = श्रीकृष्ण
स्तोत्रं = स्तोत्रकु आश्रयः = आश्रय
कृष्णसन्निधौ = श्रीकृष्णके पासमें भवेत् = होयगो, इति = ये
श्रीवल्लभः = श्रीमहाप्रभुजीने अब्रवीत् = कह्यो

भावार्थ : यह कृष्णाश्रयस्तोत्र श्रीकृष्णकी सन्निधिमें जो पढे ताकुं आश्रयरूप श्रीकृष्ण होंय एसें श्रीवल्लभाचार्यजीने कह्यो हे.

टीका : इतने, श्रीकृष्णके आश्रयको यथार्थ निरूपण करिवेवारे येही स्तोत्र हे, दूसरो एसो स्तोत्र नहीं हे. तासूं याके पाठसूंही आश्रय दृढ होय हे. श्रीकृष्णकी सन्निधिमें पाठ करे अथवा श्रीकृष्णके निमित्त पाठ करे तोहु आश्रय दृढ होय.

॥ चतुःश्लोकीः ॥

(१५)

केवल स्तोत्रके पाठमात्रसूँ एसो फल कैसे होय ? एसी शङ्का होय ताको समाधान एसेँ हे जो नलकूबर तथा मणिग्रीव नारदजीके शापतेँ यमलार्जुन भये तब श्रीनारदजीनेँ देवतानुके सोवर्ष पीछेँ श्रीकृष्णको सान्निध्य होयवेको कह्यो हतो. सो वाक्य सिद्ध करिवेकेलिये श्रीकृष्ण आपु वहाँ पधारिके नलकूबर - मणिग्रीवको उद्धार कियो. तब श्रीआचार्यजी साक्षात् आपके मुखारविन्दस्वरूप हेँ, आपके स्वरूपकुं यथार्थ जानिवेवारे हेँ ओर दैवीजीवनके उद्धारार्थ आपुने प्रकट किये हेँ विनके वचनसूँ तो आप अनुग्रह करेँहीगेँ ये जतायवेकेलिये मूलमें आपको नाम धर्यो हे. तासों तामें संशय नाहीं राखनो ॥१२॥

॥ इति श्रीमद्वल्लभाचार्यविरचित श्रीकृष्णाश्रयस्तोत्रकी

ब्रजभाषामें संक्षिप्तटीका

गोस्वामि श्रीनृसिंहलालजीमहाराज कृत सम्पूर्ण भई ॥

लोकमें धर्म, अर्थ, काम ओर मोक्ष एसेँ चार पुरुषार्थ कहे गये हेँ. सो ये पुरुषार्थ पूजामार्गके अनुसार स्मृतिमें कहे साधनसूँ प्राप्त होय हेँ. तहां स्मृतिनमें एसे कह्यो गयो हे के ब्राह्मणदेहके विना मुक्ति नाहिँ होय हे. तामें हु बुद्ध्यादिकनकी शुद्धिपूर्वक साङ्गोपाङ्ग साधननुको निर्वाह होय तब मुक्ति होत हे. सो मुक्तिहु अक्षरकी प्राप्तिरूप होय हे. सोहु क्वचित् होय हे. सुसाधन जीवन्की हु यदि एसी दशा होय तब निःसाधननुको जन्म तो वृथाहिँ होय ! सो एसो न होय ताकेलिये श्रीप्रभूने अपने श्रीमुखरूप वाणीके पति श्रीमहाप्रभूनुको भूतलपे प्रकट किये. विन् श्रीमहाप्रभूने पुष्टिमार्गीयजीवनको स्वसिद्धान्त जतायवेकेलिये 'चतुःश्लोकी' नामक ग्रन्थको निरूपण कियो हे; जासूँ मर्यादामार्गीय धर्म, अर्थ, काम ओर मोक्ष सूँ जुदे पुष्टिमार्गीय धर्म, अर्थ, काम ओर मोक्ष को बेगी बोध होय हे. तामें चारश्लोकनुसूँ चार्यो पुरुषार्थनुको निरूपण कियो हे. तामें प्रथमश्लोकसूँ धर्माचरणरूप पहिले पुरुषार्थको निरूपण अनुष्टुप् छन्दसों करत हेँ:

सर्वदा सर्वभावेन भजनीयो ब्रजाधिपः ।

स्वस्यायऽमेव धर्मो हि नान्यः क्वापि कदाचन ॥१॥

सर्वदा = सदा	स्वस्य = अपना, अयं = ये, एव = ही,
सर्वभावेन = सभी भावनुसूँ	धर्मः = धर्म हे, क्व = कहुं हु
ब्रजाधिपः = ब्रजके अधिपति	कदाचन = कबहु, अपि = भी,
भजनीयः = भजनकरिवे योग्य हेँ	अन्यः = दूसरो, न = नाहीं (अस्ति = हे)

भावार्थ : निरन्तर सर्वभावकरिकेँ ब्रजाधिप (श्रीकृष्ण) सेवनकरिवे योग्य हेँ. पुष्टिमार्गीय जीवन्को कृष्णसेवनही धर्म हे, कोउ कालमें अथवा कोउ स्थलमें अन्य कोउ धर्म नाहिँ हे.

टीका : इतने ब्रजाधिप जो सच्चिदानन्द श्रीकृष्ण सोही पुष्टिमार्गीयनुको सेवनीय

हैं। सो श्रीभागवतके दशमस्कन्धके जन्मप्रकरणविवरणमें श्रीमहाप्रभूने आज्ञा करी हे जो “श्रीगोकुलमें निःसाधनकुं फलरूप एसे श्रीकृष्ण प्रकटे हैं तासूं हम सब ओरसूं निश्चिन्त भये हैं”। तासूं निःसाधनकेलियेही भगवान्को प्रागट्य होयवेसूं दैवीसृष्टिमें उत्पन्न भये एसे साधन-सम्पत्ति रहित जो जीव हैं उनकुं श्रीकृष्ण अवश्य सेवाकरिवेयोग्य हैं।

सो सेवा सर्वभावसूं करनी। इतने देह, इन्द्रिय, प्राण, स्त्री, पुत्र, धन ओर गृह आदि सब भगवान्केही हैं मेरे नाहिं हैं एसो जो भाव हे सो अहन्ता-ममतात्मक संसारकु मिटायवेवारो हे। जीवमें जब एसो भाव आवे तब जीव निश्चिन्त होय। सो जीव भगवन्मय ओर मुक्त कह्यो जाय हे। एसे जीवकी दशाको वर्णन ‘भक्तिवर्धिनी’में कियो हे: “जब प्रभूमें दृढासक्ति होय तब गृहमें स्थित (अभगवदीय) जो स्त्री, पुत्र आदि उनको बाधकपनो ओर विनमें अनात्मपनो दीखवेमें आवे हे। ओर प्रभुमें व्यसन; इतने प्रभु सिवाय रह्यो न जाय एसी दशा, जब होय तब सो जीव कृतार्थ होय हे”। तासूं सर्वात्मभाव हे सो दैवीजीवनको मुख्य धर्म हे। सो निःसाधनकुं अवश्य करिवेयोग्य हे। एसे भावसूंही सब कार्य सिद्ध होय हे। सो श्रीभागवतमें कह्यो हे जो “केवल भावकरिकेही श्रीगोपीजन, गाय, यमलार्जुन प्रभृति वृक्ष, जाम्बवान प्रभृति मृग ओर मूढबुद्धिवारे कालीयप्रभृति सर्प हु सिद्ध होयके मोको प्राप्त भये हैं”। सो एसे श्रीभगवान्के वचनसूंही सर्वात्मभावकुं मुख्यधर्मपनो सिद्ध होय हे।

यहां शङ्का होय जो ऊपर कह्यो जो धर्म सो एक काल अथवा देश में करिवेयोग्य धर्म होयगो ओर सर्वदा करिवेको धर्म कहा वातें न्यारो होयगो ? एसी शङ्का नाहिं होयवेकेलिये मूलमें ‘नान्यः’ ओर ‘कदाचन’ एसे दोय पदको ग्रहण करिके ये दिखायो हे जो हमने कह्यो सोही धर्म हे तासूं अन्य कोउ धर्म पुष्टिमागीयनको कार्य सिद्ध करिवेवारो नाहिं हे। क्यो जो मर्यादामागीय धर्म विभूतिपर्यवसायी हे। इतने मर्यादामागीय साधनसूं भगवान्की विभूतिकी प्राप्ति होय सके परन्तु पुरुषोत्तमकी प्राप्ति न होय। ओर देश - कालके धर्ममेंहु विपर्यास देखिवेमें आवे हे। तासूं येही धर्म कर्तव्य हे एसो मूलके ‘क्व’ शब्दसूं सूचित होय हे। कालान्तरमेंहु ये धर्म त्याज्य नाहिं हे प्रत्युय विधेय हे एसे मूलके ‘कदाचन’ पदसूं सूचित होय हे ॥१॥

पूर्वश्लोकमें प्रथम धर्मपुरुषार्थ जो पुष्टिमागीयनकुं पुरुषोत्तमसेवनरूप हे ताको निरूपण करिके अब द्वितीयश्लोकसूं द्वितीय अर्थपुरुषार्थको निरूपण करत हैं:

एवं सदा स्म कर्तव्यं स्वयमेव करिष्यति ।
प्रभुः सर्वसमर्थो हि ततो निश्चिन्ततां व्रजेत् ॥२॥

सदा = नित्य	स्म = प्रसिद्ध हे, हि = क्योके
एवं = या प्रकारसूं	प्रभुः = स्वामी
कर्तव्यं = करनो चाहिये	सर्वसमर्थः = सब करिवेको समर्थ हैं
(हरिः = दुःख हरिवेवारे श्रीकृष्ण)	ततः = तासूं
स्वयं = खुद, एव = ही	निश्चिन्ततां = चिन्ता रहित
करिष्यति = करेगे	व्रजेत् = रहो

भावार्थ : सदा भगवदीयनको कर्तव्य पूर्वोक्त प्रकारको हे। फलदानादि श्रीहरिको कर्तव्य हे तासूं स्वयं ही करेगे। क्यो जो प्रभु कर्तुम्-अकर्तुम्-अन्यथाकर्तुं सर्वसमर्थ हैं। तासूं ऐहिक-पारलौकिक मनोरथनके विषयमें निश्चिन्त होयके रहनो ॥२॥

टीका : उपर कह्ये प्रमाण भगवत्सेवा-स्मरण निरन्तर कर्तव्य हे। ओर भक्तनके लौकिक-वैदिक कार्यनकुं तो आप सर्वसामर्थ्ययुक्त प्रभु हैं तासूं प्रार्थना किये विनाहि सम्पादन करेगे। तासूं भगवद्भक्तकु यहलोक-परलोककी चन्ता छांडिके निश्चिन्त रहनो। भगवान् आपहि प्रमेयबलतें भक्तके सर्व अर्थकुं सम्पादन करत हैं; तासूं पुष्टिमागीयनकुं अर्थरूपहु प्रभुही हैं ॥२॥

या प्रकार अर्थको निरूपण करिके तृतीय श्लोकसूं पुष्टिमागीय काम पुरुषार्थको निरूपण करत हैं:

यदि श्रीगोकुलाधीशो धृतः सर्वात्मना हृदि ।
ततः किम् अपरं ब्रूहि लौकिकैर् वैदिकैर् अपि ॥३॥

अतः सर्वात्मना शश्वद् गोकुलेश्वर-पादयोः ।
स्मरणं भजनं चाऽपि न त्याज्यम् इति मे मतिः ॥४॥

॥ इति श्रीवल्लभाचार्यविरचिता चतुःश्लोकी सम्पूर्णा ॥

यदि = जो	लौकिकैः = लौकिकसू
श्रीगोकुलाधीशः = श्रीगोकुलके राजाकुं	वैदिकैः = वैदिकसू
सर्वात्मना = सब तरहसू	अपि = भी. अपरं = दूसरो
हृदि = हृदयमें	(फलं = फल) किम् = कहा
धृतः = धारण किये हैं	(अस्ति = हे) (इति = ये)
ततः = तो फिर	त्वं = तुम, ब्रूहि = बोलो

अतः = तासूं, शश्वत् = हमेंशा	भजनं = सेवाको, अपि = भी
गोकुलेश्वरपादयोः = श्रीगोकुलके	न = नाहिं
स्वामी ऐसे श्रीकृष्णके चरणनको	त्याज्यं = त्याग करनो
सर्वात्मना = सब तरेहसूं	इति = एसी, मे = मेरी
स्मरणं = स्मरणको, च = ओर	मतिः = बुद्धि (अस्ति = हे)

भावार्थ : जब श्रीगोकुलाधीशकुं सर्वभावकरिकें जीवने हृदयमें स्थापित करि लिये हैं तब वाकुं श्रीपुरुषोत्तमसूं उत्कृष्ट सर्वकाम पूर्णकरिवेवारो कहा पदार्थ शेष रहे हे ?

भावार्थ : श्रीगोकुलेश्वर हृदयमें बिराजें ता पीछेहु सर्वात्मकरिके विनके चरणकमलको स्मरण ओर भजन (सेवा) न छोड़नो एसी मेरी मति हे.

टीका : अर्थात् प्रभु सिवाय कोउ ओर भक्तके कामपूरक नाहिं हे, वेही सर्वकामपूरक हैं. विनकुंहि जब हृदयमें स्थापित करि लये हैं तब, लौकिक सिद्ध करिवेवारी युक्तीनसूं ओर वैदिक यागादिसाधक वचननसूं कहा कर्तव्य हे ? कछु कर्तव्य नाहिं हे. सोहि श्रीमहाप्रभूने 'अन्तःकरणप्रबोध' ग्रन्थके प्रथम श्लोकमें कह्यो हे जो "हे अन्तःकरण ! मेरो वाक्य सावधान होयकें सुन. जो श्रीकृष्णसूं अधिक कोउ दैवत, दोषकरिकें रहित, नाहिं हे". इतने प्रभु एकहि निर्दोष हैं, ओर सब सदोष हैं. तासूं निर्दोषकों हृदयमें स्थापित कियेसूं भक्तके सब कामकी सिद्धि हे. ओर पूर्व जो नारदादिक मुनियें भये हैं विननेहु भगवत्प्राप्तिकेलिये प्रभुकी सेवा करिवेको उपदेश कियो हे. जब ऐसे प्रभुहि जाके हृदयमें बिराजे वा भक्तकु सेवाके फलमें कहा न्यूनता रहि जाय हे ? सब काम पूर्ण हि होय हे ॥३॥

टीका : इतने औषधके सेवनसूं सुखी भयो एसो पुरुषहु औषध खाय तो आगें रोग होयवेको सम्भव न रहे ताप्रकार प्रकृतमेंहु प्रभुकी प्राप्ति भये पीछेहु जीवकुं आसूर जीवके सङ्गसूं आसुरावेश नाहिं होयवेकेलिये प्रभुको स्मरण ओर भजन रूप साधन औषधकीनाई सदा कर्तव्य हे. एसें श्रीमहाप्रभुजी दैवीजीवनके उपर कृपा करिकें विनकुं जतायवेकेलिये "मेरी एसी मति हे" या प्रकार आज्ञा करे हैं ॥४॥

॥ इति श्रीचतुःश्लोकीकी गोस्वामि श्रीनृसिंहलालजी महाराज कृत
ब्रजभाषा टीका समाप्त ॥

एसें कामरूप तृतीय पुरुषार्थको निरूपण करिके मुक्तिरूप चतुर्थ पुरुषार्थको अब निरूपण करत हैं:

॥ भक्तिवर्धिनी ॥

(१६)

अथ पुष्टिमार्गमें अङ्गीकृत ओर भक्तिकी वृद्धिके प्रकारकुं नहीं जानिवेवारे जीवनके उपर कृपा करिवेवारे श्रीआचार्यजी, स्वप्रकटित मार्गमें प्रवर्तमाना भक्ति ओर ताकी वृद्धिके प्रकार कहिवेकी प्रतिज्ञा करत हैं:

यथा भक्तिः प्रवृद्धा स्यात् तथोपायो निरूप्यते ॥

बीजभावे दृढे तु स्यात् त्यागात् श्रवण-कीर्तनात् ॥१॥

यथा = जा प्रकारसूं	बीजभावे = बीजभाव
भक्तिः = भक्ति	दृढे = दृढ (सति = भयेपे)
प्रवृद्धा = प्रकर्षकरिके वृद्धिगत	तु = तो, त्यागात् = त्यागसों
स्यात् = होय, तथा = वा प्रकारके	श्रवण-कीर्तनात् = श्रवण-कीर्तनसों
उपायः = उपायको	(भक्तिः = भक्ति, प्रवृद्धा = प्रकष्टरूपसों वृद्धिगत)
निरूप्यते = निरूपण कियो जाय हे	स्यात् = होय हे

भावार्थ : श्रीआचार्यजी आज्ञा करत हैं जो स्वमार्गीय भक्तिकी वृद्धि होयवेके उपायको निरूपण होय हे. सो तो स्वमार्गमें कहे भये साधनसूं ओर जो मर्यादामार्गीय साधन हैं विनको परित्याग तथा स्वमार्गीय श्रवण ओर कीर्तन को परिशीलन करिवेसूं भाव दृढ होय तब भक्तिकी वृद्धि होय हे.

टीका : यहां कोउ कहे जो भक्तिकी उत्पत्ति ओर ताकी वृद्धिके उपाय तो श्रीभागवत तथा गीताजी प्रभृति ग्रन्थनमें विस्तारसूं वर्णित हैं. तब श्रीआचार्यजी ताकेलिये नूतन ग्रन्थ करिवेको परिश्रम क्यों करत हैं ? एसी शङ्काको समाधान तो यह हे जो श्रीभागवतादिकनमें “दान व्रत तप होम जप स्वाध्याय संयम ओर इतर श्रेय उनकरिके श्रीकृष्णमें भक्ति सिद्ध होय हे” इत्यादि श्लोकनसूं जो भक्तिकी उत्पत्तिको प्रकार ओर “आपकी कथाके पान करिवेसूं जिनकुं भक्तिकी वृद्धि ओर

निर्मल अन्तःकरण भये हैं वे, वैराग्य हे सार जामें एसे, ज्ञानकुं प्राप्त होयके आपके स्थानकुं प्राप्त होय हैं” इत्यादिक वाक्यनसूं ताकी वृद्धि निरूपित हे सो दान-व्रतादिक मर्यादामार्गीय साधननसूं होय सके हे. ओर वृद्धिको फल ज्ञान अथवा मर्यादामार्गीयभक्ति हे, तासूं अक्षरकी प्राप्ति करायवेमें वो भक्ति उपक्षीण होय जाय हे. तासूं पुरुषोत्तमलीलाको अनुभव करायवेवारी जो पुष्टिभक्ति ओर ताकी वृद्धिके उपायको या ग्रन्थसूं श्रीआचार्यजी निरूपण करत हैं सो उचिततर हे.

अब पहिले बीजभाव दृढ होयवेको कह्यो ताको स्वरूप कहत हैं जो पुष्टिमार्गके आचार्यद्वारा मार्गरीति अनुसार प्रभुकुं आत्मा प्रभृतिको निवेदन भये पीछे प्रभु स्वतः वा जीवकों शरण सिद्ध करत हैं ताकू या ग्रन्थमें ‘बीजभाव’ कह्यो जाय हे. जेसैं क्षेत्रमें बीज बोये पीछे जलसेचनादिक होय तब अङ्कुरादि होय हे, केवल जलसेचन अङ्कुरकी उत्पत्तिमें जेसैं असमर्थ हे एसें भक्तिमार्गमें आगे कह्यो बीजभाव भये पीछे श्रवण-मननादि भक्तिकुं उत्पन्न करि सके हैं. विना बीजभाव वे अकिञ्चित्करप्रायः हैं एसें श्रीहरिरायजी आज्ञा करत हैं ॥१॥

एसें बीजकी दृढताको प्रकार प्रथमश्लोकसूं कहिके अन्य व्यापारसूंहु वामें विघ्न नहीं आयवेकेलिये भगवद्भजनरूप उपायकी दृढता सिद्धिकेलिये अब कहत हैं:

बीजदाढ्यप्रकारस्तु गृहे स्थित्वा स्वधर्मतः ॥

अव्यावृत्तो भजेत् कृष्णं पूजया श्रवणादिभिः ॥२॥

बीजदाढ्यप्रकारः = बीजकी दृढताको	(सन् = होयके)
प्रकार, तु = तो, गृहे = धरमें	पूजया = पूजासों
स्थित्वा = रहिके, स्वधर्मतः = अपने-	श्रवणादिभिः = श्रवण आदिसों
धर्मके अनुसार, अव्यावृत्तः = अव्यावृत्त	कृष्णं = श्रीकृष्णकों, भजेत् = भजनो

भावार्थ : स्वधर्माचरणपूर्वक गृहमें रहिके, सेवाप्रतिकूल उद्योगकुं छांडिके, पूजा

ओर श्रवणादिक सूं श्रीकृष्णको भजन (सेवा) करना सो बीजभावकी दृढताको (उपाय) प्रकार हे.

टीका : इतने, पुष्टिमार्गमें उक्त साधनसूं अन्य मर्यादिक साधनको परित्याग करिवेको मूलके 'तु' शब्दसूं सूचित होय हे. ओर पुष्टिमार्गीय साधनमें मुख्य सेवा सो भजनानुकूल गृहमें रहे विना होय सके नहीं. तासूं मूलमें गृहमें रहिवेको कह्यो हे. ओर धर्म दोय प्रकारके हैं. तामें एक तो जाको शरीरमें अन्त आवे सो (देहधर्म) ओर दूसरो आत्मामें जाको अन्त आवे हे सो (आत्मधर्म). तामें स्रध्यावन्दनसूं लेयके यागपर्यन्त धर्म स्वर्गादिभोगरूप फलकुं देवेवारे हैं सो फल शरीरसूं अनुभूत होय हैं, ओर गीताजीमें कहे प्रमाण फलभोग होयचुके तब पृथ्वीउपर गिरे हे. तासूं 'स्वधर्म' पदसूं यह धर्म नहीं लेनो किन्तु आत्मधर्म, जो काहु प्रकारसूं विकृत नहीं होयवेवारो भगवद्धर्म हे, सो लेनो एसें सूचित होय हे. सो धर्म प्रभुकी सेवा हे. सो श्रीभागवतमें प्रह्लादजीको वचन हे जो "आदर्श(काच)में प्रतिबिम्बित मुखकुं देखिके अपने मुखमें जो-जो शृंगार होय सोहि प्रतिबिम्बस्थानीय मुखकुं होय. तेसें मनुष्य प्रभुकुं जो-जो मान देय हे सो आत्माकेलियेहि हे" एसें वर्णित भगवत्सेवारूप जो आत्मधर्म सो 'स्वधर्म' पदसूं लियो जाय हे. ओर 'स्वधर्मतः' एसें 'तसिल्' प्रत्ययान्त रूप लिखवेको अभिप्राय तो यह हे जो 'तसिल्' प्रत्ययान्त शब्द अव्यय होयवेसूं जेसें वामें काहु प्रकारकी विकृति नहीं होय हे एसें यहांहु अव्ययको प्रयोग कर्यो हे तासूंहु काहु प्रकारसों विकृत न होय एसो धर्म लेवेको अभिप्राय दीसे हे. ओर फलात्मक 'श्रीकृष्ण'के उपादानसूं यह भजन मेरे फलरूप हे एसें जानिके करिवेको बोध होय हे. यामें जो 'पूजा' शब्द हे तासूं आगमोक्त पूजाको ग्रहण करिवेको नहीं हे किन्तु श्रीगोपीजनने "प्रणय पूर्वक दर्शनसूं ये हरिणीये श्रीकृष्णको पूजन करत भई" एसें दशमस्कन्धमें कह्यो हे वहां प्रेम पूर्वक दर्शनको 'पूजा'के अर्थरूप गिन्यो हे, एसी पूजा यहांहु लेवेकी हे. ओर श्रवणकी जो मूलमें आज्ञा हे सो सेवाके अनोसरमें करिवेकी हे ॥२॥

अब प्रभुमें दृढविश्वास होय तो प्रभुही वाको योग-क्षेम चलावत हैं परन्तु दृढविश्वास न आवे एसे जीवनकुं गौणपक्षमें व्यावृत्ति (उद्योग) करिवेकी आज्ञा करत हैं.

व्यावृत्तोऽपि हरौ चित्तं श्रवणादौ यतेत् सदा ॥
ततः प्रेम तथाऽऽसक्तिर् व्यसनं च यदा भवेत् ॥३॥
बीजं तद् उच्यते शास्त्रे दृढं यन् नाऽपि नश्यति ॥

व्यावृत्तः = व्यावृत्त होयवेपें	(आसज्य = जोड़िके)
अपि = हु, हरौ = श्रीकृष्णमें	श्रवणादौ = श्रवण आदिमें
चित्तं = चित्तकुं	सदा = सदा
यतेत् = प्रयत्नशील रहेंनो	(तर्हि=तब) तत् = वो
ततः = तासूं, प्रेम = प्रेम	शास्त्रे = शास्त्रमें, दृढं = दृढ
आसक्तिः = आसक्ति	बीजं = बीज, उच्यते = कह्यो जाय हे
च = ओर, व्यसनं = व्यसन	यत् = जो, न अपि = कबहु नहीं
यदा = जब, भवेत् = होय	नश्यति = नष्ट होवे हे

भावार्थ : अब कछु उद्योग करना पड़े तोहु चित्तकुं श्रवणादिसूं प्रभुमेंहि राखिके करना. एसें करिवेसूं प्रथम प्रेम हृदयमें स्फुरे हे, तापीछे प्रभुमें आसक्ति होय हे, तापीछे प्रभुमें व्यसन होय हे. एसें व्यसन पर्यन्त भाव बढे तब बीजभाव दृढ भयो एसें जाननो. जा जीवकुं आगे कहे प्रमाण बीजभावकी दृढता भई होय सो केसेंहु भक्तिमार्गसूं सरके नहीं हे.

टीका : भगवत्सेवामें प्रतिकूल व्यापारको त्याग करिवेकी आज्ञा आगेके श्लोकसूं करी. अब कछु उद्योग करना पड़े तोहु चित्तकुं प्रभुमेंहि राखिके करना. ओर व्यावृत्तिमें तथा व्यावृत्तिसूं मुक्त होयके श्रवणादि करने. 'आदि' शब्द मूलमें लिख्यो हे तासूं श्रवण, स्मरण, चिन्तन, कीर्तन प्रभृति अनोसरमें करने. एसें भक्तिमार्गीय भक्तिकी वृद्धि होयवेको उपाय कहिके अब भक्ति बढवेको क्रम कहत हैं. जो प्रथम तो श्रीआचार्यजीके कुलद्वारा भगवदङ्गीकार सिद्ध होय तब प्रेम इतने स्वतः प्रभुमें प्रवृत्ति करायवेवारो स्नेहको अङ्कुर हृदयमें स्फुरे हे. तापीछे प्रभुमेंही मनकूं लगायवेवारी आसक्ति होय हे, ताकूं 'प्रौढस्नेह' कहे हैं. तापीछे एक क्षणहु प्रभुको वियोग सह्यो न जाय एसो प्रभुमें व्यसन होय हे. एसें व्यसन

पर्यन्त भाव बढ़े तब बीजभाव दृढ भयो ऐसें जाननो. जा जीवकुं आगे कहे प्रमाण बीजभावकी दृढता भई हे सो दुःसङ्गादि लौकिकदोष आय मिलवेसूं ओर कालादिकनकी प्रतिकूलतारूप अलौकिक दोषसूंहु भक्तिमार्गसूं सरके नहीं हे ॥३॥

ऐसें क्रमसूं स्नेह बढ़वेकी रीति कहिके अब स्नेह होयवेमें बाधकरूप प्रभुसिवाय ओर वस्तुनमें स्नेह, गृहमें आसक्ति ओर प्रभुविनाहु कालनिर्वाह ये तीन दोष हैं, सो जब प्रभुमें एक भाव बढ़े तब एक बाधक मिटे, दूसरो भाव बढ़े तब दोय बाधकदोष निवृत्त होय ओर जब प्रभुमें व्यसन पर्यन्त भाव होय तब भावविघातक सब दोष दूरी होय हैं सो जा क्रमसूं एक भावकी वृद्धिमें एक दोषकी निवृत्ति होय सो क्रम कहत हैं :

स्नेहाद् रागविनाशः स्याद् आसक्त्या स्याद् गृहारुचिः ॥४॥
गृहस्थानां बाधकत्वम् अनात्मत्वं च भासते ॥
यदा स्याद् व्यसनं कृष्णे कृतार्थः स्यात् तदैव हि ॥५॥

स्नेहात् = स्नेहसों	च = ओर
रागविनाशः = रागको विनाश	अनात्मत्वं = अनात्मपनो
स्यात् = होय हे	भासते = भासे हे, यदा = जब
आसक्त्या = आसक्तिसों	कृष्णे = श्रीकृष्णमें
गृहारुचिः = घरमें अरुचि	व्यसनं = व्यसन, तदा = तब
स्यात् = होय हे	एव = ही (भक्तः)
गृहस्थानां = घरमें रहेभयेनको	कृतार्थः = कृतार्थ
बाधकत्वं = बाधकपनो	स्यात् = होय, हि = ही

भावार्थ : प्रभुमें प्रीति होयवेसूं अन्यत्र स्नेहको नाश होय हे, और प्रभुमें आसक्ति होयवेसूं गृहादिकमें अरुचि होय जाय हे और गृहमें रहे भये पदार्थ भक्तिमें बाधक ओर अनात्मीय दीखवे लगा हैं. ओर जब श्रीकृष्णमें व्यसन होय जाय हे तबही भक्त कृतार्थ भयो कह्यो जाय हे, ये निश्चय हे.

टीका : जब प्रभुमें स्नेह होय तब लौकिकमें स्नेह न रहे. ऐसें जब प्रभुमें आसक्ति होय तब गृहमेंसूं आसक्ति छूटि जाय हे इतनोहि नहीं किन्तु गृहमें रहे ऐसे स्त्री-पुत्र प्रभृति (भगवदीय न होय तो) मोकों भगवद्धर्म करिवेमें ये सब बाधक हैं ऐसें दीखे हैं ओर विनमें अनात्मताकीहु स्फूर्ति होय हे. इतने, भगवदीयके आत्मा तो श्रीकृष्ण हैं तासूं जो भगवत्सम्बन्धवारे जीव हैं तिनमें अपनेपनेकी स्फूर्ति होय हे, (भगवत्सम्बन्ध रहित) स्त्री-पुत्रादिकनमें अपनेपनेकी स्फूर्ति नहीं होय हे. क्यों जो वे तो लौकिकासक्तिके कारणरूप हैं. वेहु यदि भगवदीय होय तो भगवदीयपनेसूं आसक्ति बाधक नहीं हे तासूं विनको बाधकपनो दीखवेमें नहीं आवे हे.

अब स्नेहवृद्धिकी पराकाष्ठा कहत हैं जो जब प्रभुमें व्यसन भयो तब सो जीव कृतार्थ होय हे. इतने, 'अर्थ' जो भक्तिमार्गकी रीतिके अनुसार प्रभुको फलरूपसम्बन्ध सो जाकुं भयो हे एसो जीव होय जाय हे ॥५॥

ऐसें प्रभुमें व्यसनवारेकी योग्यता, भाव ओर फल को निरूपण करिके अब वाके आगेकी व्यवस्था कहत हैं:

तादृशस्याऽपि सततं गृहस्थानं विनाशकम् ॥
त्यागं कृत्वा यतेद् यस्तु तदर्थार्थैकमानसः ॥६॥
लभते सुदृढां भक्तिं सर्वतोऽप्यधिकां पराम् ॥

तादृशस्य = वेसेकुं	गृहस्थानं = घरमें रहनो
अपि = हु, सततं = निरन्तर	विनाशकं = विनाशक हे
(तस्मात् = तासों) त्यागं = त्याग	तु = तो, सुदृढां = सुदृढ
कृत्वा = करके, यः = जो	सर्वतः = सबसों, अपि = भी
तदर्थार्थैकमानसः = वाकेलियेही मन	अधिकां = अधिक
हे जाको एसो (सन् = होयके)	परां = श्रेष्ठ, भक्तिं = भक्तिकुं
यतेत् = यत्न करे (सः = वो)	लभते = प्राप्त करे हे

भावार्थ : ऐसे भाववारे जीवकुंहु तादृश भगवदीयके सङ्ग विना घरमें स्थिति हे सो भावको नाश करिवेवारी हे तासूं वाकुं गृहमें रहनो उचित नाहीं हे. तासूं वा भाववारो गृहको त्याग करिके, मनमें एक प्रभुकोहि मिलवेकी अभिलाषा राखिके, भावकुं वढायवेको यत्न करे तो एसें करते-करते सुदृढ एसी परा भक्तिकुं प्राप्त करे हे.

टीका : इतने, जो जाको नाश करिवेवारो हे सो वाके समीप रहि न सके. जेसे “हे कमल सरीखे नेत्रवारे ! जबसूं आपके चरणारविन्दको स्पर्श भयो हे तबसूं ओर लोगके आगें हम ठाड़े रहि सकें नाहीं हैं” एसें ब्रजरत्नरूप श्रीगोपीजनन्ने श्रीठाकुरजीसूं कह्यो हे. ताकी विवृत्तिमें श्रीआचार्यजी आज्ञा करे हैं जो जेसें देहके अभिमानवारो पुरुष व्याघ्रकुं देहविघातक समझिके वाकी पास ठाड़ो नाहीं रहि सके हे एसें तादृशीकुं लौकिकासक्तके पास रहिवेसूं भावकी हानि होय जाय हे. तासूं वा भाववारो गृहको त्यागकरिके, मनमें एक प्रभुकेहि मिलवेकी अभिलाषा राखिके, भावकुं वढायवेको यत्न करे तो एसें करते-करते सुतरां दृढ एसी भक्तिकुं सम्पादन करे हे.

यहां प्रथम व्यसन पर्यन्त भावकरिके सर्वापनोद्य (सर्व लौकिकासक्तिकुं छुडायवेवारी) भक्ति कहिके पुनः सुदृढ भक्ति कहिवेको अभिप्राय यह हे जो पहिलेकी भक्तिहु फलरूप तो हे परन्तु ‘सुदृढ’ इतने सर्वात्मभावरूप साक्षात् स्वरूपको अनुभवरूप फल जामें हे एसी भक्तिकुं प्राप्त होय हे. मूलश्लोकमें “लाभ होय हे” एसें कह्यो हे वाको अभिप्राय यह हे जो पूर्व कह्यो जो अत्यन्त गाढभाव ताकरिके विद्यमान देहको जब नाश होय तब लीलामें उपयोगी अलौकिकदेह वाकी होय जाय हे पीछे वा देहसूं साक्षात् स्वरूपसम्बन्धि फलकुं प्राप्त होय हे. यह भक्ति फलरूप हे एसें जतायवेकेलिये ‘सर्वसूं अधिक’ ओर ‘पर’ एसें मूलमें दोय विशेषण दिये हैं. इतने, मुक्त्यादिकसूं अधिक ओर अगणित परमानन्दरूप पुरुषोत्तममें जाको सम्बन्ध हे एसी भक्ति हे, एसें विशेषणद्वयसूं सूचित होय हे ॥६॥

अब कदाचित् कोउ भक्तिमार्गीय पूर्वोक्त त्यागको स्वरूप समझे विनाहि

“हमहु गृहको त्याग करिके भक्ति बढावेंगे” एसो मनमें निश्चय करिके अधिकार विना यदि गृहको त्याग करे ताकुं एसें करिवेको निषेध (“त्यागे ... तथान्तः” श्लोकसूं) करत हैं. अरु एसे अपक्वभाववारेकुं कोऊ दोष न आवे ओर कालहु निकस जाय एसो सुलभ रस्ता उत्तरश्लोक (“अतः स्थेयं ... न दुष्यति”)में कहत हैं:

त्यागे बाधकभूयस्त्वं दुःसंसर्गात् तथाऽन्नतः ॥७॥
अतः स्थेयं हरिस्थाने तदीयैः सह तत्परैः ।
अदूरे विप्रकर्षे वा यथा चित्तं न दुष्यति ॥८॥

त्यागे = त्यागमें	हरिस्थाने = श्रीकृष्णके स्थानमें
दुःसंसर्गात् = दुष्टके संसर्गसूं	तत्परैः = वाके परायण
तथा = ओर, अन्नतः = अन्नसूं	तदीयैः = तदीयके, सह = सङ्ग
बाधकभूयस्त्वं = बहोत बाधकपनो हे	स्थेयं = रहनो, (किंवा = अथवा)
अतः = यालिये	अदूरे = दूर नाहिं एसें
वा = ओर, विप्रकर्षे = दूर	यथा = जा प्रकारसों, चित्तं = चित्त
(स्थेयं = रहनो)	न = नाहिं, दुष्यति = दूषित होय

भावार्थ : जाकुं व्यसन पर्यन्त भाव बढ्यो नाहीं हे एसे पुरुषकुं भक्ति वढायवेकेलिये गृह छोड़िवेमें दुःसङ्ग ओर अन्नदोष बहोत बाधक हे. सो दोष न आयवेकेलिये जहां सेवाको प्रवाह चलतो होय एसे प्रभुके स्थानमें प्रभुकी सेवा-स्मरण परायण भगवद्भक्तके सङ्ग निरन्तर रहे; तामेंहु प्रभुमें ओर भक्तमें दोषबुद्धि न होय एसें समीपमें अथवा दूरमें रहनो.

टीका : जाकुं व्यसन पर्यन्त भाव बढ्यो नाहीं हे एसे पुरुषकुं भक्ति वढायवेकेलिये गृह छोड़िवेमें बाधक बहोत हे. पहिले कह्यो जो गृहत्यागी वाकुं बीजभावकी एसी दृढता हे जो वाकुं दुःसंसर्गादि दोष कछु बाधा करि सके नाहीं हे. परन्तु याकुं तो विशेष भाव नाहीं होयवेसूं दुःसंसर्ग दोष बहोत बाधा करे हे. ओर शरीरनिर्वाहकेलिये

लोकमें काहु जगे जानो पड़े वहां जो देय सो सब लेनो पड़े तब वामें प्रभुकुं न समर्प्यो भयो अन्नहु आवे ताके ग्रहणसूं बहिर्मुखपनो होय जाय. एसें ओरहु बहोत दोष होय हे. विनमें मुख्य तो दुःसङ्ग ओर अन्नदोष हे तासूं मूल श्लोकमें दोउको उपादान कियो हे.

तासूं कालनिर्वाह होय ओर दोष न आयवेकेलिये सो (एसे अपक्वभाववारो) जहां स्वमार्गकी (=वैष्णव आगमशास्त्रमें लिखी भई)रीतिके अनुसार सेवाको प्रवाह चलतो होय एसे प्रभुके स्थान जो गोवर्द्धन (तिरुपति, श्रीरङ्गजी, पाण्डुरङ्ग विट्ठलनाथजी, शङ्खोद्वार बेटद्वाराका, द्वारका, रणछोड़जी, जगन्नाथरायजी, बद्रीनाथजी) आदि तामें रहे. तामेंहु भगवद्भक्तके सङ्ग निरन्तर रहे; तामेंहु प्रभुकी सेवा-स्मरण परायण रहे. वहांहु एसे न करे तो दुःसङ्गादिक दोष लग जांय तो सब जीवन छिनमें व्यर्थ होय जाय.

अब निरन्तर एसें स्थिति करिवेसूं कदाचित् कोऊ भगवदीयको अतिपरिचितपनेसूं दोष दीखवेमें आवे तोहु आछो नहीं तासूं प्रकारान्तरसूं रहिवेकी आज्ञा करे हैं जो जेसें प्रभुमें ओर प्रभुके भक्तमें दोषबुद्धि न होय एसें समीपमें अथवा दूरमें रहेनो, परन्तु भगवदीयके सङ्ग विना क्षणवारहु रहेनो नहीं. तेसें विनकुं अपनीउपर तथा अपनकुं विनकीउपर अभाव आयवे देनो नहीं. तासूं एसें रहेनो के जामें मनमें कोउ प्रकारको दोष आयवेकुं न पावे ॥८॥

एसें प्रभुमें अत्यन्त भाव बढ़वेसूं गृह छूट जाय वाकी ओर अज्ञानसूं गृह छोड़े वाकी सिद्धिके उपाय ओर वाको फल कहे. अब पुष्टिमार्गीय सेवा ओर कथा वामें अन्यतर(दोमेंसूं कोई एक)में आसक्ति राखिवेवारेकुंहु फलकी सिद्धि होय सो कहत हैं:

सेवायां वा कथायां वा यस्याऽऽसक्तिर् दृढा भवेत् ॥

यावज्जीवं तस्य नाशो न क्वाऽपीति मतिर् मम ॥९॥

यस्य = जाकी

तस्य = वाको

भक्तिवर्धिनी

३२५

सेवायां = सेवामें, वा = अथवा

नाशः = नाश, क्व = कहां

कथायां = कथामें, वा = हु

अपि = हु, न = नहीं

दृढा = दृढ, आसक्तिः = आसक्ति

(स्यात् = होत हे)

यावज्जीवं = जीवन पर्यन्त

इति = एसी, मे = मेरी

भवेत् = होय हे

मतिः = मति (अस्ति = हे)

भावार्थ : प्रभुकी सेवामें तथा भगवत्कथामें जाकी दृढ आसक्ति जीवन पर्यन्त रहे हे वाको काहु प्रकारसूं नाश न होय ओर पुष्टिमार्गीय फल वाकुं सिद्ध होय वामें संशय नहीं हे एसें मेरी बुद्धिमें आवे हे.

टीका : श्रीआचार्यजी प्रकटित पुष्टिमार्गानुसारी एसी प्रभुकी सेवामें तथा एतन्मार्गीय भगवल्लीलाकी कथामें जाकी आसक्ति (चित्तके व्यासङ्गपूर्वक दृढ आग्रह) रहे; इतने, काहुकु सेवामें तो काहुकु कथामें ओर काहुकु दोयमें आसक्ति होय सोहु 'यावज्जीवन' नाम जहां ताई देहमें प्राण रहे तहां ताई रहे तो वाको काहु प्रकारसूं नाश न होय ओर पुष्टिमार्गीय फल वाकुं सिद्ध होय वामें संशय नहीं होयवेकेलिये श्रीमहाप्रभुजी आज्ञा करें हैं जो मेरी बुद्धिमें एसें आवे हे जो वाको कोऊ प्रकारसूं नाश न होय. ये कहिवेसूं फलकी निःसन्दिग्धताको बोध होय हे ॥९॥

एसें सेवासक्त ओर कथासक्त कुं देखिके कोउ आसक्तिके अभावमेंहु उत्साहसूं सेवा करे तो वाकुं बाधा होय सो ओर ताकी निवृत्तिको उपाय अब कहत हैं:

बाधसम्भावनायां तु नैकान्ते वास इष्यते ॥

हरिस्तु सर्वतो रक्षां करिष्यति न संशयः ॥१०॥

बाधसम्भावनायां = बाधकी

हरिः = श्रीकृष्ण, तु = तो

सम्भावनामें, तु = तो

सर्वतः = सब तरहसूं

एकान्ते = एकान्तमें

रक्षां = रक्षा, करिष्यति = करेंगे

भक्तिवर्धिनी

३२६

वासः = रहनो, न = नाहिं

(तत्र = वामें) संशयः = सन्देह

इष्यते = अपेक्षित हे

न = नाहिं (अस्ति = हे)

यः = जो, एतत् = याकुं

(हरौ = श्रीकृष्णमें)

समधीयेत = आछी भांतिसों

दृढा = अविचल, रतिः = प्रीति

अध्ययन करेगो, तस्य = वाकु

स्यात् = होयगी

भावार्थ : सेवामें बाधकी सम्भावनामें सेवा छांडिके एकान्तवास करिवेमें हित नाहीं हे. क्यों ? जो प्रभु सर्वके दुःखको हरण करिवेवारे हैं तासूं प्रभु सब बाधानकुं दूर करिके भक्तके भावकी रक्षा करेंगे वामें संशय नाहीं हे.

टीका : सेवा करिवेमें दृढता नाहीं होयवेसूं उद्वेग होय सो ओर भोगकी आसक्ति होय सो सेवामें बाधक समजने. “एसे बाधकी सम्भावनामें मोसूं सेवा नाहीं बनी सके हे तासूं में गृहकुं छांडिके कोउ एकान्त (स्थल)में जायके भगद्भजन करूंगो” एसो विचारिके सेवाकु न छोड़े. क्यों ? जो प्रभु सर्वके दुःखको हरण करिवेवारे हैं तासूं हरिनाम हे सो उद्वेगादिककुं मिटायके सेवामें आसक्ति दृढ करेगो. तासूं जेसैं बने तेसैं सेवा ही करे. एसैं करनहारको प्रभु भाव बढ़ावेंगे वामें काहु प्रकारको संशय न करनो. एसैं ही कथामें आसक्त होय वाकुं विघ्न आवे तोहु वाकुं कथा न छोड़नी. (यदि एसैं करेगो) तो प्रभु सब बाधानकुं दूर करिके जामें जाकी प्रवृत्ति होयगी वामें वाके मनकुं निश्चल करेगें एसैं विश्वासपूर्वक समजनो ॥१०॥

अब उपसंहार करत हैं :

इत्येवं भगवच्छास्त्रं गूढतत्त्वं निरूपितम् ॥

य एतत् समधीयीत तस्यापि स्याद् दृढा रतिः ॥११॥

॥ इति श्रीमद्बल्लभाचार्यविरचिता भक्तिवर्द्धिनी सम्पूर्णा ॥

इत्येवं = या प्रकारसूं

गूढतत्त्वं = गूढतत्त्वको

भगवच्छास्त्रं = भगवत्शास्त्रके

(मया = मेरे द्वारा)

निरूपितं = निरूपण भयो

अपि = हु

भक्तिवर्द्धिनी

३२७

भावार्थ : ऊपर कहे प्रमाण जो वाणीमेंहु नाहीं आय सके किन्तु अनुभवसूं जानिवेलायक गूढ हे तत्त्व जाको एसी भक्तिकी वृद्धिको शास्त्र निरूपित कियो हे. या शास्त्रकुं सम्यक प्रकारसूं अर्थानुसन्धानपूर्वक जो पाठ करे ताकुंहु एसैं करत-करत निष्पाप अन्तःकरण जब होय तब प्रभुमें दृढ प्रीति होय.

टीका : इतने, याको अर्थानुसन्धानपूर्वक नित्य पाठ करिवेसूं मार्गमें रुचि होय ओर भक्तिमार्गीय आचार्यद्वारा शरणागति होयवेसूं प्रभुमें दृढरति, इतने रसभावयुक्त स्नेह होय ॥११॥

इति श्रीवल्लभाचार्यजीविरचित ‘भक्तिवर्द्धिनी’की

गोस्वामी श्रीनृसिंहलालजीमहाराज विरचित

ब्रजभाषामें संक्षिप्त टीका समाप्त भई ॥

भक्तिवर्द्धिनी

३२८

॥ जलभेदः ॥

(१७)

अपने (पुष्टिमार्गीय - वैष्णवकुं) सेव्य श्रीकृष्ण केवल भाव करिके हि प्राप्त होय सके हैं. विना भावसूं सम्पादित ज्ञानादिकहु प्रभुप्राप्तिमें बाधक हैं सो श्रीभागवतादिक सब ग्रन्थनमें विदित हे. तासूं भावरहित कृति, अस्नेह (विना घृतके) भोजनकी नाई फलसम्पादक नहीं होयवेसूं श्रीआचार्यजी महाप्रभुजी निजजनके उपर कृपा करिके विनके भावकी वृद्धि होयवेकेलिये आप भावको निरूपण करिवेकी प्रतिज्ञा करत हैं.

नमस्कृत्य हरिं वक्ष्ये तद्गुणानां विभेदकान् ।
भावान् विंशतिधा भिन्नान् सर्व-सन्देह-वारकान् ॥१॥

हरिं = श्रीहरिकुं	भिन्नान् = भिन्न - भिन्न
नमस्कृत्य = नमन करिके	सर्वसन्देहवारकान् = सब सन्देह
तद्गुणानां = विनके गुणनके	दूर करिवेवारे
विभेदकान् = विभेद करिवेवारे	भावान् = भावनकुं
विंशतिधा = बीस प्रकारके	वक्ष्ये = कहुंगो

भावार्थ : प्रभूंकुं नमन करिके भक्तिके साधनमें जो-जो सन्देह हैं विनकुं मिटायवेवारे; ओर रजोगुण, तमोगुण ओर सत्त्वगुण विनकुं निवृत्त करिवेवारे न्यारे-न्यारे बीस प्रकारके भावनकुं में आगे निरूपण करूं हूं.

टीका : इतने जीव प्रभूंकुं नमन विना ओर कार्य नहीं कर सके हे ऐसे जतायवेकेलिये आप प्रथम नमन करिवेकी आज्ञा करत हैं. “तद्गुणानां विभेदकान्” या मूलके वाक्यके दो-चार अर्थ होय सके हैं.

जेसैं प्रभूंकुं जो सर्वसमत्वादि गुण विनके मिटायवेवारे भाव हैं. इतने भक्त यदि भावकुं बढ़ायकें भक्ति करे तो प्रभु आपुनो सर्वसमत्वरूप जो गुण हे ताकुं

जलभेदः
३२९

छांडिके वा जीवके उपर पूर्ण कृपा करे हैं. सो बात श्रीगीताजीमें “मैं सर्वप्राणीनुकुं समान हूं. मेरे कोउ शत्रु ओर मित्र यद्यपि नाहीं हैं तोहु जो मेरोहि भजन करे हे सो मेरेमें हे ओर विनमें मैं हूं” एसी आज्ञा स्पष्ट करी हे. अथवा जीवके जो धर्म वामें विलक्षणता करिवेवारे अथवा प्रभुके जो गुण विनको आकर्षण करिके जीवमें दिखायवेवारे सब भाव हैं. एसे या वाक्यके अनेक प्रकारके अर्थ श्रीकल्याणरायजी प्रभृति बालकनने किये हैं. ‘भाव’शब्दके यद्यपि अनेक अर्थ होय हैं, तोहु यहां तो स्नेह ओर तासूं होयवेवारी अवस्था ही ‘भाव’शब्दसूं जाननी. क्यों जो नाट्याचार्य भरतमुनि प्रभृतीनने ‘भाव’को अर्थ स्नेहरूप ही कियो हे. सो “रतिर् देवादिविषया भाव इति अभिधीयते” (देवादिकनमें जो रति = प्रीति हे ताकुं ‘भाव’ कहे हैं) या वाक्यसूं कह्यो हे. गुणनके भेद करिके वे भाव बीस प्रकारके हैं. जब प्रभुमें भाव बढ़े तब आपहि सर्वसन्देह नष्ट होय जाय हैं. तासूं मूलमें ‘सर्वसन्देहवारकान्’ एसे कह्यो हे ॥१॥

वेदकी तैत्तिरीय श्रुतिमें “कूप्याभ्यः स्वाहा” वहांसूं लेयकें “सर्वाभ्यः स्वाहा” (कृष्णयजुर्वेद तै.सं.७।४।१२) वहां ताई जलके भेदको निरूपण हे. ता प्रमाण गुणहु भेदकुं प्राप्त होय हैं सो कहत हैं.

गुणभेदास्तु तावन्तो यावन्तो हि जले मताः ।

यावन्तः = जितने	तावन्तः = उतने,
(भेदाः = भेद)	तु = ही
जले = जलके विषयमें	गुणभेदाः = गुणनके भेद
मताः = माने गये हैं	(सन्ति = हैं) हि = ही

भावार्थ : “कूप्याभ्यः स्वाहा कूल्याभ्यः स्वाहा” (कृष्णयजुर्वेद तै.सं.७।४।१२) इत्यादि तैत्तिरीय संहितामें जलके जितने भेद कहे हैं उतनेही श्रीहरिके गुणनके भेद हैं यह निश्चय हे.

टीका : जितने जलके भेद तैत्तिरीय श्रुतिमें प्रतिपादित हैं वितने हि भावके हु भेद

जलभेदः
३३०

हैं. जेसैं जलमें तापनिवर्तकपनो, शुद्धि करिवेपनो, पुष्टि करिवेको इत्यादि गुण हैं एसे गुण भावमें हु हैं एसें जतायवेकेलिये जलको दृष्टान्त हे।।

प्रभुकुं गायन विशेष प्रिय होयवेसूं प्रथम गायकके भावको निरूपण करत हैं:

गायकाः कूपसङ्काशा 'गन्धर्वा' इति विश्रुताः ॥२॥

कूपभेदास्तु यावन्तस् तावन्तस् तेऽपि सम्मताः ॥

गन्धर्वा = गन्धर्व	यावन्तः = जितनें
इति = यों	कूपभेदाः = कूवाके भेद
विश्रुताः = प्रसिद्ध	तावन्तः = वितनें
गायकाः = गायन करिवेवारे	ते = वे, अपि = हु
कूपसङ्काशाः = कूवाके जलके जेसे हैं	सम्मताः = माने गये हैं

भावार्थ : गान करिवेवारे 'गन्धर्व'के नामसूं प्रसिद्ध हैं. वे गायक कूपके जेसे हैं. वे सब गायकें तुल्य नहीं हैं. किन्तु जितने कूवाके भेद हैं वितने ही गायकन्के भेद हैं.

टीका : इतने कूपके जलकीनाई विन गायकन्को भाव हे. कूपको जल शीतकालमें उष्ण ओर उष्णकालमें शीतल रहे हे, तापकुं दूर करे हे ओर व्यय करिवेसूं आछो होय हे एसें इन गायकन्को भावहु जड़ पुरुषकी जड़ताकुं मिटावे हे, संसारके तापसूं तप्त भये पुरुषन्के तापकुं निवृत्त करे हे ओर गान करवेसूं बढ़े हे तथा आछो होय हे. रज्जु (रस्सा) करिके जेसे कूवाको जल ग्रहण कियो जाय हे एसें गान करिके ही गायकके भावको ग्रहण करिवेको अभिप्राय यहां दीखे हे. वे सब गायकें तुल्य नहीं हैं. किन्तु जितने कूवाके भेद हैं वितने ही गायकन्के भेद हैं. इतने, जेसैं कोउ कूवाको जल खारो होय, कोउको फीको होय, कोउको तिक्त जल होय, कोउ परिणाममें सुख देयवेवारे होय ओर कोउ परिणाममें दुःख देयवेवारे होय हे; तेसैं

गायकहु पुरुषोत्तम, विनकी विभूति, गुणावतार, ओर अंशादिकन्की लीलाके भेदकरिके गान करे हैं. तेसैं ही सत्त्वादिक गुणन्के भेदकरिके कोउ अकाम, कोउ मोक्षकाम, कोउ स्वर्गकाम ओर कोउ लौकिक कामनावारे हैं. तासूं विनको भाव कूपके जलकी तुल्य हे. इन भावन्को विवरण कपिलदेवजीने देवहुतीजीकुं श्रीभागवतके तृतीयस्कन्धमें कीनो हे. तासूंहि (भावके भेदसूं हि) भक्तिके हु ८२ प्रकार होय हैं सो श्रीप्रभुचरणन्ने 'भक्तिहंसादिक'में निरूपण किये हैं: "श्रवणादि नवकहु अधिकारिके भेदसूं कर्म, ज्ञान, उपासना ओर भक्तिमार्गीयपन्के भेदसूं अनेक प्रकारके होय हैं" इत्यादि.

अब यहांसूं द्वितीय ओर तृतीय भावको निरूपण करत हैं:

कुल्याः पौराणिकाः प्रोक्ताः पारम्पर्ययुता भुवि ॥३॥

क्षेत्र-प्रविष्टास् ते चाऽपि संसारोत्पत्ति-हेतवः ॥

भुवि = भूतलपे	अपि = हु
पारम्पर्ययुताः = परम्परासूं युक्त	(यदि = जो)
पौराणिकाः = पुराणकथा करिवेवारे	क्षेत्रप्रविष्टाः = खेतमें प्रविष्ट
कुल्याः = नहर	(तर्हि = तो)
प्रोक्ताः = कहे गये हैं	संसारोत्पत्तिहेतवः = अहन्ता-
ते च = ओर वे	ममताको कारण बने हैं

भावार्थ : कृत्रिम नदी 'कुल्या' नामसूं प्रसिद्ध हे. वाकी नाई पौराणिक हैं सो पारम्पर्ययुक्त हैं. शरीर ओर स्त्रीको वाचक 'क्षेत्र' शब्द हे. तासूं वे पौराणिक जो देहनिर्वाह अथवा स्त्री-कुटुम्बादिक केलिये पुराण बांचिवेको कार्य करें तो वेहु संसारोत्पत्तिके कारणरूप होय हैं.

टीका : इतने जलाशयसूं लेयकें क्षेत्रपर्यन्त कुल्या परम्परागत जलप्रवाहयुक्त होय हे. एसें ही पुराणके अर्थ राखिवेमें पौराणिक परम्परासूं अर्थको सङ्ग्रह करिवेवारे

होय हैं. सद्गुरुन्के पास उपदेश ग्रहणकरिके पुराणके अर्थकुं गुरुसों पढे हैं. परि जो पुराणपाठी सद्गुरुसों उपदेश ग्रहणकिये बिना ओर सद्गुरुसों अर्थ जाने बिना, श्रीभागवतादिकमें भाषात्रय ओर आसुरव्यामोहादि लीला वर्णित हे ताके अज्ञानसूं पुराणको अर्थ समझावे तो वासूं कोउ अर्थ सिद्ध नाहिं होत हे. तासूं गुरुपदेशादिककी पौराणिकनकुं अत्यावश्यकता रहे हे. ता बिना कथा करे तो सो कथा श्रोताकुं फल देयवेवारी नाहिं होय हे. जेसैं कृत्रिम नदी (नहेर) प्रतिदिन प्रयत्न करिवेसूं (अर्थात् बड़े जलाशय अथवा बड़ी नदी सूं जल मिलिवेपे ही) आछी रीतिसूं बहे हे तेसैं पौराणिककुं निरन्तर पुराणके पाठ करिवेसूं भावको उदय होय हे, अन्यथा नाहिं होत हे एसेहु यापेसूं जान्यो जाय हे ॥३॥

शरीर ओर स्त्रीको वाचक 'क्षेत्र' शब्द हे. तासूं वे पौराणिक जो देहनिर्वाह अथवा स्त्री - कुटुम्बादिककेलिये पुराण बांचिवेको कार्य करें तो वेहु संसारोत्पत्तिके कारणरूप होय हैं. इतने, जेसैं कुल्याको जल क्षेत्रमें जाय तो धान्य उत्पन्न करिवेमें समर्थ होय हे तेसैं पौराणिकहु वृत्तिकेलिये पुराण वाचन करे ओर भीतर भावरहित होय तो श्रोताकुं संसारकी उत्पत्तिके कारण बने हैं. जेसे पौराणिक स्त्री - कुटुम्बादिकके पोषणार्थही पुराणको उपयोग करे ओर आप वाप्रमाण चले नाहिं तो संसारकी उत्पत्तिके कारण होंय तेसैं पूर्वश्लोकमें कहे गायक प्रभृतिहु यदि स्त्री - पुत्रादिककेलिये गान करें तो वेहु संसारोत्पत्तिके कारणरूप होंय एसें मूलके 'अपि' शब्दसूं सूचित होय हे.

अब चतुर्थ-पञ्चम भावको निरूपण करत हैं:

वेश्यादि-सहिता मत्ता गायका 'गर्त'सञ्ज्ञिता: ॥४॥

जलार्थमेव गर्तास्तु नीचा गानोपजीविनः ॥

वेश्यादिसहिता: = वेश्या आदिके सङ्ग गानोपजीविनः = गायनसूं
मत्ता = उन्मत्त, गायका: = गायकें आजीविका चलायवेवारे,
गर्तसञ्ज्ञिता: = गड्ढेके समान तु = तो, जलार्थमेव = जलके अर्थ
किञ्च = ओर, नीचा: = नीच गर्ता: = गड्ढाके जेसे जानने

जलभेदः
३३३

भावार्थ : गायक जो वेश्यादियुक्त होंय, मदमें मत्त होंय विनको भाव गर्तके जलकी तुल्य होय हे. गानकरिके हि आजीविका करिवेवारे नीच पुरुषन्को भाव उच्छिष्ट (जूठे) जलसमान होय हे.

टीका : इतने "जेसैं वारांगनाको ओर स्त्रीको संसर्ग करिवेवारेन्के सङ्गसूं मोह ओर बन्ध होय हे तेसैं या जीवकुं ओरके सङ्गमें नाहिं होय हे" एसें श्रीकपिलदेवजीने आज्ञा करी हे. तासूं वेश्यादिकन्को सङ्ग महाबाधक हे. स्त्रीको सङ्ग करिकेहु जो प्रभुको भजन करे तो आछो होय सके परन्तु वे भजन (सेवा)हु नाहिं करें हैं. क्यों जो मत्त हैं. तासूं विनकुं स्वामि - सेवकभावको अनुसन्धान नाहिं रहे हे. एसे गायक श्रीकृष्णके गुणको गान यदि करे हैं तो सोहु माहात्म्य जानिके नाहिं करें हैं किन्तु उत्तम स्वर ओर गीत में वश होयकें करे हैं. तासूं विनको भाव खाड़ाके जलकीनाई कलुषित मान्यो जाय हे. परन्तु जो निर्मत्सर होयकें प्रभुके गुणगान करिवेवारे हैं विनको भाव तो कूपके जलकी तुल्य जाननो ॥४॥

गानकरिके हि आजीविका करिवेवारे नीच पुरुषन्को भाव उच्छिष्ट (जूठे) जलसमान होय हे. इतने जूठे बासन प्रभृति खासा करें तब सब जूठो जल जा खाड़ामें जमा होय हे वा खाड़ाको जल जेसे शुद्धि करिवेके कार्यमें अयोग्य होत हे तेसैं गानोपजीवी नीच पुरुषन्को भावहु सत्पुरुषन्कुं आदर करिवेयोग्य नाहिं होत हे.

अब षष्ठ-सप्तम भावको निरूपण दृष्टान्तपूर्वक करत हैं:

हृदास्तु पण्डिता: प्रोक्ता भगवच्छास्त्र-तत्परा: ॥५॥

सन्देह-वारकास् तत्र सूदा गम्भीर-मानसा: ।

जलभेदः
३३४

भगवच्छास्त्रतत्पराः = भगवत् शास्त्रमें तत्पर तत्र = उनमें
 पण्डिताः = पण्डितें, तु = तो गम्भीर-मानसाः = गम्भीर मनके
 हृदाः = ओंडे जलवारो खाड़ा सन्देह-वारकाः = सन्देह दूर करिवेवारे
 प्रोक्ताः = कहे गये हैं सूदाः = सुन्दर जलके कुंडके समान हैं

भावार्थ : भगवच्छास्त्र, जो श्रीभागवत - गीता इत्यादि, तामें तत्पर ऐसे जो पण्डित लोग हैं विनको भाव हृद (दह)के जलकी तुल्य हे. गम्भीर हे मन जिनको इतने अन्तर्निष्ठावारे ओर भगवच्छास्त्रमें सन्देहकुं मिटायवेवारे जो पण्डित हैं विनको भाव आछे जलवारे हृदकी तुल्य हे.

टीका : इतने नदी प्रभृतिमें जहां जल बहोत ओंडो निरन्तर रहेतो होय वाकुं 'हृद' कह्यो जाय हे. हृदमें जैसे जल निरन्तर शीतल रहे हे ओर पश्वादिकनके प्रवेश-पानादिकसूंह मलिन नाहिं होय हे तेसें पण्डित वक्तानको भावहु सांसारिक तापसूं तप्त नाहिं होय हे ओर कुतर्कादिकसूं हु शंशयवारो नाहिं होय हे - एसो जतायवेकेलिये जलके हृदको दृष्टान्त यहां श्रीमहाप्रभुजीने दीयो हे ॥५॥

गम्भीर हे मन जिनको इतने अन्तर्निष्ठावारे ओर भगवच्छास्त्रमें सन्देहकुं मिटायवेवारे जो पण्डित हैं विनको भाव आछे जलवारे हृदकी तुल्य हे. इतने जैसे बहोत सुन्दर जलको इकठो समुदाय देखिवेसें ही मनकु प्रसन्न करिवेवारो होय हे तेसें या श्लोकमें कहे ऐसे पण्डितहु मनके सर्व सन्देहनुकुं मिटायके मनकु प्रसन्न करिवेवारे हैं एसें समजनो.

अब अष्टम - नवम भावको निरूपण करत हैं :
 सरः - कमल - सम्पूर्णाः प्रेमयुक्तास् तथा बुधाः ॥६॥
 अल्पश्रुताः प्रेमयुक्ता 'वेशन्ताः' परिकीर्तिताः ॥

प्रेमयुक्ताः = प्रेमयुक्त

प्रेमयुक्ताः = प्रेमयुक्त

जलभेदः
 ३३५

तथा = ओर, बुधाः = ज्ञानि अल्पश्रुताः = अल्पज्ञानि
 कमलसम्पूर्णाः = कमलसूं भयो भयो वेशन्ताः = छोटे तलावके जैसे
 सरः = सरोवर जैसे परिकीर्तिताः = कहे हैं

भावार्थ : पूर्वश्लोकमें कहे ऐसे अन्तर्निष्ठावारे ओर सन्देहकुं निवृत्त करिवेवारे पण्डितहु यदि प्रभुमें प्रेमवारे होय तो कमलसों युक्त तलावके जलकी तुल्य विनको भाव जाननो. प्रभुके विषे प्रेमवारे ओर शास्त्रके थोरे अध्ययनवारे पुरुष 'वेशन्त' (छोटे तलाव) जैसे भाववारे होय हैं.

टीका : इतने जामें कमल प्रफुल्लित होय रहे हैं ऐसे तलावको जल दर्शनमात्रसूंहि सर्व इन्द्रियनुकुं सुख करिवेवारो होय हे, वा जलमें सुगन्ध बहोत होयवेसूं भ्रमरादिक हु कमलपे आवे हैं ओर बहोत सुन्दर जल होयवेसूं सारस प्रभृति पक्षीहु वाके सौन्दर्यकुं बढ़ायवेवारे होय हैं तेसें अन्तर्निष्ठावारे पण्डित, सर्व सन्देहकुं मिटायवेवारे पण्डित ओर प्रभुमें प्रेमवारेनु को भावहु ऐसे जलकी तुल्य होय हे ॥६॥

प्रभुके विषे प्रेमवारे ओर शास्त्रके थोरे अध्ययनवारे पुरुष 'वेशन्त' (छोटेतलाव) जैसे भाववारे होय हैं. इतने छोटे तलावको जल बहोत पशु प्रभृतिके आक्रमणकरिके कलुषित होय हे तेसें, वे पुरुष यद्यपि प्रेमवारे हैं तोहु शास्त्राध्यन बहोत नाहिं होयवेसूं, दुःसङ्गादिक दोष होय जाय तो विनको भाव क्षीण होय जाय हे एसें जतायवेकेलिये छोटे तलाव जेसो विनको भाव कह्यो हे.

अब दशम - एकादशम भावको निरूपण करत हैं :

कर्मशुद्धाः पल्वलानि तथाल्प-श्रुत-भक्तयः ॥७॥
 योग-ध्यानादि-संयुक्ता गुणा वर्ध्याः प्रकीर्तिताः ॥

कर्मशुद्धाः = कर्मनुके द्वारा शुद्ध

योगध्यानादिसंयुक्ताः = योग, ध्यान

तथा = ओर, अल्प-श्रुत-भक्तयः =

आदिसुं सम्पन्न, गुणाः = गुणें

जलभेदः
 ३३६

अल्प ज्ञान ओर भक्तिवारे वर्या = वर्षाको जल
पल्वलानि = छोटी तलैया जेसे हैं प्रकीर्तिता = कहे जाय हैं

भावार्थ : कर्मकरिके शुद्ध परन्तु शास्त्राध्ययन तथा भक्ति जिनकी अल्प हे विनको भाव अतिछोटे तलावके जलकी तुल्य जाननो. योग, ध्यान आदिकरिके संयुक्त पुरुषनके भाव वृष्टिजलके समान गिने जाय हैं.

टीका : इतने, विशेष छोटे तलावके जल जेसे वे वक्ताहु कर्मकरिके ईश्वरकुं अर्पणकरें तासूं विनको चित्त शुद्ध होय जाय हे. परन्तु छोटे तलावमें जेसे वराह प्रभृति फिरें तब सब जल कीचयुक्त होयके पान करिवे लायक नाहिं रहे हे तेसें विन वक्ताको भाव - “अग्निहोत्रकुं होमें” “स्वर्गकी कामनावारो अग्निष्टोम याग करे” इत्यादि श्रुतिके वाक्यनसूं सकामकुं यागको अधिकार हे, जामें फलको श्रवण न होय वामेंहु विश्वजितन्यायसूं फलकी कल्पना होय सके हे तासूं कर्म इश्वरकुं अपर्ण करिवेकेलिये करिवेको नाहिं हे किन्तु फलकेलिये हे, ओर जाकुं याग करिवेको अधिकार नहीं हे सोहि भक्तिको अधिकारी हे इत्यादिक कर्मजडकी असद् (खोटी)बातनके अभिनिवेशसूं-कलुषित (मलिन) होय जाय हे. विनको भाव एसो क्यो होय जाय हे सो कहत हैं जो “मेरे लिये कर्म करिवेवारो हो” “मेरे लिये कर्म करिवेसूं हि तु सिद्धिकुं प्राप्त होयगो” “मेरेमें मनकुं धारण कर” इत्यादि-प्रभूनके श्रीमुखके वाक्यके अज्ञानसूं विनको भाव एसो होय जाय हे.

‘पल्वल’ ओर ‘वेशन्त’ ये दो पर्याय शब्द हैं तोहु “वेशन्तेभ्यः स्वाहा पल्वलेभ्यः स्वाहा” या रीतिसूं वेदमें पृथक् गिने हैं तासूं यहां श्रीआचार्यजीनेहु पृथक् दृष्टान्तरूप माने हैं. तासूं जलके स्वादके भेदसूं यहां विनको भेद समजानो ॥७॥

अब ग्यारहमें भावको निरूपण करत हैं: योग, ध्यान आदिकरिके संयुक्त पुरुषनके भाव वृष्टिजलके समान गिने जाय हैं. इतने, वृष्टिको जल जब पृथ्वीपे गिरे हे तब सर्व देशमें व्याप्त होय जाय हे, सर्व स्थलमें सुलभ रीतिसूं मिलि सके हे, ओर क्षेत्रादिमें पड़े तो आछो धान्य हु उत्पन्न करि सके हे. तेसें ही योगीकुं हु जेसे योग करती बिरीयां विनको भाव सकल देह, इन्द्रिय प्रभृतीनकुं व्याप्त होय जाय

हे तेसें सत्पात्रकुं योगाभ्यास करावे तो स्वसमान (आपके भावकी तुल्य) भावकुं उत्पन्न करि सके हे.

अब बारहमें भावको प्रतिपादन करत हैं.

तपो-ज्ञानादि-भावेन स्वेदजास्तु प्रकीर्तिताः ॥८॥

तपोज्ञानादिभावेन = तप, ज्ञान आदि भावनसु (संयुक्ताः = संयुक्त)
तु = तो, स्वेदजाः = पसीनाके समान, प्रकीर्तिता = कहे जाय हैं

भावार्थ : ‘तप’ इतने पञ्चाग्नि प्रभृतिकुं सहन करनो ओर ‘ज्ञान’ इतने जीव ओर इश्वर के स्वरूपकुं जाननो. सो एसे तपोमार्गी, ज्ञानमार्गी वक्तानके भाव पसीनाके जलकी बराबर जानने.

टीका : इतने, कितनेक लोग तपसूंहि प्रभुकी आराधना करिवेको कहे हैं. कितनेक “वा ब्रह्मकुं जानिवेवारे मोक्षकुं प्राप्त होय हे” इत्यादि श्रुतीनको सांचो अर्थ (भाव) नाहिं जानिवेवारे ज्ञानसूंहि मोक्ष मिलवेकी बात करत हैं. परन्तु श्रीभागवतके “धन कुल रूप शास्त्र बल तेज प्रताप पुरुषार्थ ओर बुद्धि प्रभृति प्रभुकुं प्रसन्न करिवेवारे नाहिं हे. किन्तु गजेन्द्रकी भक्ति देखिकेहि प्रभुने कृपा करी हे. तासूं भक्तिकरिके हि प्रभु प्रसन्न होय हैं एसें में जानुं हुं” ओर “श्रेयकुं स्रववेवारी आपकी भक्तिकुं छोड़िके केवल ज्ञान सम्पादनमेंहि जो क्लेशकुं धारण करे हे तिनकुं, तुष (छिलका) कूटवेवारेकुं जेसें चोखा कोउ दिन नहीं मिले हे तेसें वाकुं, भगवानुं क्लेश ही देयवेवारे होय हैं” इत्यादि वाक्यनमें बिना भक्ति केवल ज्ञान ओर केवल तप तथा ‘आदि’शब्द मूलमें हे तासूं वर्णाश्रमके धर्म सब व्यर्थ प्रयासरूप गिन्ये हैं. भगवत्सम्बन्धसों रहित वर्णाश्रमधर्मकी श्रीभागवतमें निन्दा करि हे. तासूं प्रभुकी भक्ति मुख्य हे. वाकुं छांडिके तप ओर ज्ञान में निष्ठावारे वक्तानके भाव पसीनाके जलकीनाइ, केवल क्लेशकुंहि प्राप्त होय हैं. पसीनाको जल जेसे स्नान, आचमन, ताप मिटायवेमें ओर अन्य कार्यनके उपयोगमें नाहिं आवे हे किन्तु केवल क्लेशकुं देवेवारो होय हे तेसें विन वक्तानको भाव हु

समजनो ॥११॥

अब तेरहवें भावको निरूपण करत हैं:

अलौकिकेन ज्ञानेन ये तु प्रोक्ता हरेर् गुणाः ।
कादाचित्काः शब्दागम्याः पतच्छब्दाः प्रकीर्तिताः ॥११॥

अलौकिकेन = अलौकिकसूं ये = जो
ज्ञानेन = ज्ञानसूं (युक्ता = युक्त) हरेः = हरिके
कादाचित्काः = कभी - कभी गुणाः = गुण (ते = वो)
होयवेवारे, तु = तो पतच्छब्दाः = पड़वेसु होते अवाज
शब्दागम्या = शब्दसूं जाने जाते प्रकीर्तिता = कहे जाय हैं

भावार्थ : महदनुग्रहपूर्वक प्राप्त कियो जो अलौकिक ज्ञान ताकरिके, कदाचित् प्रतीत होयवेवारे ओर वेदसूं जानिवेमें आयवेवारे, प्रभुके गुणनकुं जो कहिवेवारे हैं विनको भाव पर्वतादिसूं पड़ते झरना जैसे होय हैं.

टीका : पर्वतादिसूं पड़तो झरनाको जल जैसे दूरसूं वाकी ध्वनि सुनिके जानिवेमें आवत हे ओर कदाचित् ही प्रतीतिमें आवत हे तेसैं ही इन वक्ताके भावहु समझने. ओर धाराको जल जेसैं निर्मल, शीतल, माधुर्यवारो ओर स्नान-आचमन-पान करिवेमें मनोहर, तापकुं मिटायवेवारो होय हे तेसैं ही एसे वक्तानुके द्वारा होते भगवद्गुणकीर्तन हु होते हैं.

अब चौदहवें भावको निरूपण करत हैं:

देवाद्युपासनोद्भूताः पृष्वा भूमेर् इवोद्गताः ।

जलभेदः
३३९

देवाद्युपासनोद्भूताः = देव आदिन्की उपासनासूं उत्पन्न

भूमेः = भूमिसूं

इव = जैसे

उद्गताः = उत्पन्न होयवेवारे

पृष्वाः = ओसके जल जैसे

भावार्थ जलभेदः जलभेदः : देवादिकन्की उपासनाकरिके उत्पन्न होयवेवारे भाव पृथ्वीपेसूं निकसे जलबुद्बुद् अथवा हिमकण समान होय हैं.

टीका : इतने जो मनुष्य देवादिकके पूजनमेंहि “में प्रभुको भजन करूं हूं” एसैं मानिवेवारे हैं, ओर मूलमें ‘आदि’शब्द हे तासूं पितृ, मातृ प्रभृतिन्की सेवाकुहु भगवद्भजनन्तःपाति गिनवेवारे हैं, विनको भाव हिमकण अथवा जलपे होयवेवारे बुद्बुद् जेसो समजनो. क्यों जो देवादिकनकी उपासनासूं विभूतिको आराधन होय, पिता प्रभृतिन्की सेवाको फल स्वर्गादिक हे ओर प्रभुकी भक्तिको फल तो स्वरूपानन्दरूप हे. तासूं देवादिककी भक्तिमें ओर प्रभुभक्तिमें जो बड़ो अन्तर हे. वाके अज्ञानसूं वे देवादिककी उपासना करे हैं सो विनकी भ्रान्ति हे. ओर जो महापुरुषन्को ओर भक्तन्को पूजन करिवेकी श्रीभागवतप्रभृति शास्त्रन्में आज्ञा देखिवेमें आवे हे सो तो भगवत्प्रीति, शुद्धि प्रभृतिके साधक होयवेसूं देखिवेमें आवे हे. वा आज्ञाकुं पूर्व देवादिपूजनसूं भिन्न माननी. क्यों जो जेसे भक्तादिके पूजनमें पुरुषोत्तमकी भक्तिको साधकपनो हे तेसैं देवादिकके पूजनमें नहीं होयवेसूं वाकुं भ्रान्तिकल्पित गिन्यो हे. तासूं पुरुषोत्तमकी प्राप्तिकुं इच्छवेवारेनकुं पुरुषोत्तमको भजन (सेवा) हि मुख्य हे. सो बात प्रमाणपुरःसर टीकाग्रन्थन्में निरूपित हे. सो ग्रन्थके विस्तारके भयसूं यहां लिखे नहीं हे. जेसैं तुषारकण अथवा जलबुद्बुद् स्नान, आचमन ओर पानादि में उपयुक्त नहीं होय हैं तेसैं देवादिककुं पूजवेवारेन्को भावहु पुरुषोत्तमकी प्राप्तिमें अनुपयुक्त होयवेसूं जल बुद्बुद्को दार्ष्टान्तिक यथार्थ होय हे.

पञ्चदशम भावको अब निरूपण करत हैं:

साधनादिप्रकारेण नवधा भक्तिमार्गतः ॥१०॥
प्रेमपूर्त्या स्फुरद्धर्माः स्यन्दमानाः प्रकीर्तिताः ॥

जलभेदः
३४०

साधनादिप्रकारेण = साधनादिकनके- स्फुरद्धर्माः = जाकु-
 प्रकारसूं (युक्तत्वात् = युक्त होयवेसूं) भगवान्के धर्म स्फुरित भये हैंवो
 नवधाभक्तिमार्गतः = नवधाभक्तिमार्गसूं स्यन्दमानाः = निर्झरके जलके समान
 प्रेमपूर्त्या = प्रेमसूं परिपूर्ण होय प्रकीर्तिताः = कहे गये हैं

भावार्थ : वर्णाश्रमादिधर्मरूप साधन पूर्वक नवप्रकारकी भक्तिरूप मार्गसूं, प्रेमपूर्ण होयवेसूं, जिनकों प्रभुके धर्मकी स्फुर्ती होय एसेन्को भाव पर्वतादिपेसूं गिरते जलकी तुल्य हे.

टीका : याको स्पष्टार्थ यह हे जो जा जीवको प्रभुने मर्यादामें अङ्गीकार कियो होय सो सब कामनाकुं छांडिके जब वर्णाश्रमधर्मको आचरण करे तब तासूं वाके अन्तःकरण शुद्ध होय हैं ओर तब वाकु प्रभुकी भक्ति ही पुरुषार्थरूप हे एसी बुद्धि होय हे. सो वो पूर्वोक्तसाधनके विचारसूं हि श्रवणादिमें प्रयास करे हे. एसेन्को भाव प्रस्रवणके जलकी तुल्य हे. इतने पर्वतके उपर वृष्टि होयवेसूं अथवा पर्वतपे तलाव प्रभृति जलाशय होयवेसूं ता पर्वतपेसों प्रस्रवणको जल बहोत गिरे हे ओर विनके अभावमें कमती गिरे हे. तेसैं पूर्व कहे भाववारे वक्तान्में हु साधन ओर चित्त की शुद्ध्यादिककी अपेक्षासूं भावको वृद्धि-हास होय हे एसे समजनो. सो बात श्रीप्रभुचरणने 'भक्तिहंस' ग्रन्थमें कहि हे जो

“प्राथमिक (पहिलो) तो भक्तिके साधन (श्रवण-कीर्तनादि)में प्रवृत्त होय हे. क्योँ जो प्रभुद्वारा वाको मर्यादामें हि अङ्गीकार भयो हे. सोहु जहां ताई प्रभुमें स्नेह उत्पन्न भयो होय तहां ताई मर्यादामें रहिके सेवा करे हे. प्रभुमें स्नेह भये पाछें तो सब उपचार स्नेह पूर्वक होयवे लग जाय हे, तब विधिको अप्रयोजकपनी होय हे”.

एसैं एकादशस्कन्धमेंहु “श्रद्धामृतकथायाम्” यहांसूं लेयकें “कोन्योऽर्थोऽस्यावशिष्यते” यहां ताईमें हु निरूपण कियो हे. नवधाभक्ति तो ^१श्रवण, ^२किर्तन, ^३स्मरण, ^४पादसेवन, ^५अर्चन, ^६वन्दन, ^७दास्य, ^८सख्य ओर ^९आत्मनिवेदन सो प्रह्लादजीने दैत्यपुत्रन्कों सप्तमस्कन्धमें कहि हे.

अब सोलहवें भावको निरूपण करत हैं :

यादृशास् तादृशाः प्रोक्ता वृद्धि-क्षय-विवर्जिताः ॥११॥
 स्थावरास् ते समाख्याता मर्यादैक-प्रतिष्ठिताः ।

यादृशाः = जा प्रकारके मर्यादैक-प्रतिष्ठिताः = केवल मर्यादामें
 प्रोक्ताः = कहे रहे भये(भवेयुः = होंय,
 तादृशाः = ता प्रकारके (यदि = जो) तर्हि = तो)ते = वे
 वृद्धि-क्षय-विवर्जिताः = वृद्धि- स्थावराः = स्थिर जल जेसे
 ओर क्षय सूं रहित समाख्याताः = कहे जांय हैं

भावार्थ : आगे जो वक्ता कहे उनको प्रेम वृद्धि - हासयुक्त कह्यो. एसे वृद्धि ओर क्षय (न्युनता) जिनके भगवत्प्रेममें नाहीं होत हे ओर जिनको केवल मर्यादामेंहि अङ्गीकार हे एसनको भाव स्थावर (स्थिर) जलके तुल्य हे.

टीका : इतने जेसैं स्थिर रह्यो जल बहोत ताप पडवेसूं सूखे नहीं हे ओर स्नानादि सब कार्यमें उपयोगी होय हे तेसैं जिनको स्थिर प्रेम हे विनको भाव हु संसारताप ओर कुतर्कादिक सूं कमती नहीं होय हे ओर शुद्ध्यादिकको हेतु हे.

अब सत्रहवें भावकुं स्फुट करत हैं :

अनेक-जन्म-संसिद्धा जन्म-प्रभृति सर्वदा ॥१२॥
 सङ्गादि-गुण-दोषाभ्यां वृद्धि-क्षययुता भुवि ।
 निरन्तरोद्गमयुता नद्यस् ते परिकीर्तिताः ॥१३॥

अनेकजन्मसंसिद्धाः = अनेक जन्मसूं- वृद्धि-क्षययुताः = वृद्धि ओर क्षय वारे

उत्तम सिद्धिकुं प्राप्त (किंच = ओर) निरन्तरोद्गमयुताः =
जन्मप्रभृति = जन्मसूं लेके निरन्तर जन्मलेवेवारे
भुवि = पृथ्विमें, सर्वदा = हमेशा (ये व्याख्यातृगुणाः = जो व्याख्या करवे
सङ्गादिगुणदोषाभ्यां = सङ्ग- वारेनके गुण) ते = वो, नद्यः = नदि समान
इत्यादि गुण-दोषन्सूं परिकीर्तिताः = कहे जाय हैं

भावार्थ : अनेक जन्म करिके आछीरीतिसूं सिद्ध भये गुणवारे ओर जन्मसों ही सत्सङ्ग ओर दुःसङ्ग के गुण ओर दोष करिके प्रेमकी वृद्धि ओर क्षीणता वारे ओर निरन्तर जन्म लेयवेवारेनके भाव नदीकी तुल्य हैं.

टीका : इतने नदीको जल वृष्टि ओर घाम (गरमी) करिके बढे ओर घटे हे. भूमि ओर पर्वतादिक के गुण ओर दोष करिके जलहु गुण - दोषयुक्त होय हे, शुद्धि ओर तृप्ति प्रभृतिकुं करे हे. तैसें, उपर कह्यें तिनको भावहु तप-ध्यान-समाधिकरिके पापक्षयद्वारा शुद्ध्यादिककों उत्पन्न करे हे. सत्सङ्गकरिके गुणकुं ओर दुःसङ्गकरिके दोषकुं उत्पन्न करे हे, ओर बढे हे घटे हे. तासूं नदीप्रमाण गिन्ये हैं ॥१३॥

अब अठारहवें भावको निरूपण करत हैं:

एतादृशाः स्वतन्त्राश् चेत सिन्धवः परिकीर्तिताः ।

एतादृशाः = एसे (तर्हि = तो)
चेत् = जो सिन्धवः = बड़ी नदी जेस
स्वतन्त्राः = स्वतन्त्र होय परिकीर्तिताः = कहे जाय हैं

भावार्थ : पूर्वश्लोकमें कहे भाव यदि स्वतन्त्र (उपाधि रहित स्वयंके ही) होय तो वे आपतेंहि समुद्रमें जायवेवारी नदीकी तुल्य हैं.

टीका : जेसें महानदीके जलमें प्रविष्ट भये जलचर समुद्रमेंहु जाय सके हैं तैसें उपर

जलभेदः
३४३

कह्ये निष्काम प्रेमवारेहु दयाके समुद्ररूप प्रभुमें प्रवेश करे हैं. महानदीके जलकी नाई वे भाव सर्व प्रकारकी शुद्धिकुं उत्पन्न करिवेवारे हैं.

अब उन्नीसवें भावको प्रतिपादन होय हे:

पूर्णा भगवदीया ये शेष-व्यासाग्नि-मारुताः ॥१४॥

जड-नारद-मैत्राद्यास् ते 'समुद्राः' प्रकीर्तिताः ।

शेषव्यासाग्निमारुताः = सङ्कर्षण, -

व्यास, अग्नि, वायु

भगवदीयाः = भगवदीय

जडनारदमैत्राद्याः = जडभरत, नारद, मैत्र आदि

ते = वो, समुद्राः = समुद्र

ये = जो, पूर्णाः = पूर्ण

प्रकीर्तिताः = कहे जाय हैं

भावार्थ : शेष, व्यास, अग्नि, हनुमान, जडभरत, नारद, मैत्रेय प्रभृति जो पूर्णभगवदीय हैं वे 'समुद्र' कह्ये हैं.

टीका : इतने समुद्रके जलकी तुल्य विन सबनको भाव हे. भक्ति जो सेवा ता करिके पूर्ण होय तिनकुं भगवदीय कहे जाय हैं.

इतने जिनकुं प्रभुसेवा व्यतिरिक्त ओर स्वार्थ नहीं हे, जिनकुं प्रभुकेलियेही देहादिककी अपेक्षा हे, परंतु देहादिककेलिये प्रभुकी सेवा करिवेकी नाहिं हैं एसे भगवदीय रत्नाकरके तुल्य हैं. विनको भाव रत्नाकरके जलकी तुल्य समजनो. इन भगवदीयन्की गणना मूलश्लोकमें करी हे. तामें मुख्य शेष हैं. सो भगवद्गुणगानमें तत्पर हैं. भगवान्की शय्या बनिक्के सेवा करे हैं सो भगवान्की विभूतिरूप हैं. प्रभून्में विनको "सर्पन्में अनन्त मेरो रूप हे" एसें कहीके अपनी विभूतिरूप गिने हैं. व्यासजी प्रभुके कलावतार हैं, सदा भगवद्धर्मके निरूपणमें तत्पर हैं. अग्नि श्रीकृष्णके मुखारविन्दरूप आप श्रीमहाप्रभुजी जो सर्वांशसूं श्रीकृष्णरूपही हैं.

जलभेदः
३४४

हनुमान् श्रीरामचन्द्रजीके गुणगानमें तत्पर हैं. जडभरतजी अन्तःकरणमें भावपूर्ण होयवेसूं बहारसूं जड जैसे दीखे हैं. नारदजी सदा पुरुषोत्तमके गुणगानमेंहि एकतान हैं. पराशरके शिष्य मैत्रेय भगवद्गुणके वक्ता हैं. मूलमें 'आदि'पद हे तासूं उद्भवादिकको भावहु समुद्रजलके तुल्य समजनो. जेसैं समुद्रको जल चन्द्रकुं देखिकें तरङ्गित होय हे तेसैं पूर्व कहे भगवदीयहु प्रभुके मुखचन्द्रके दर्शनसों प्रवृद्धभाववारे होयके सेवा व्यतिरिक्त ओरकुं तुच्छ गिने हैं. सो श्रीकपिलदेवजीने "सालोक्य, सार्ष्टी, सामीप्य, सारूप्य ओर एकत्व कुंहु मेरे भक्त नाहिं चाहत हैं" एसैं आज्ञा करी हे.

समुद्रमें भी क्षार ओर मिष्ट दो भेद हैं तासूं स्वरूपभेद ओर ज्ञानभेद करिकें विलक्षण एसे पूर्ण भाववारेन्को निरूपण अब करत हैं:

लोक-वेद-गुणैर् मिश्र-भावेनैके हरेर् गुणान् ॥१५॥

वर्णयन्ति समुद्रास् ते क्षाराद्याः षट् प्रकीर्तिताः ॥

एके = कितनेक	लोकवेदगुणः =	लोक ओर वेदके गुणनसूं
(किंच = ओर)		वर्णयन्ति = वर्णन करे हैं
मिश्रभावेन = मिश्रभावसूं		ते = वे, क्षाराद्याः = खारे आदि
हरेः = हरिके		षट् = छे, समुद्राः = समुद्र
गुणान् = गुणनको		प्रकीर्तिताः = कहे जाय हैं

भावार्थ : कितनेक वक्ता लोकमिश्रभावसूं, वेदमिश्रभावसूं ओर गुणमिश्रभावसूं प्रभुके गुणनको वर्णन करे हैं. वे क्षारादि षट्समुद्रके तुल्य हैं.

टीका : इतने रामकृष्णादि मनुष्य हैं परन्तु विनमें बलादि बहोत हे तासूं मनुष्यसूं अधिक मान्ये जाय हैं एसैं जानिके प्रभुको वर्णन करिवेवारन्को भाव क्षारसमुद्रके जलकी तुल्य समजनो. क्षारजल जेसैं तृषानिवृत्ति, तृप्ति प्रभृति सुखदानमें अनुपयोगि होवे हे तेसैं पूर्वोक्त वक्तानको भावहु समजनो. एसैं ही भगवान् वैराग्यपूर्ण होयवेसूं

कोईकी पाससूं कछु ग्रहण नाहिं करे हैं ओर इच्छाहु नाहिं करे हैं, मनुष्य पवित्र होयवेकेलिये भगवानकुं भजे एसो विधि होयवेसूं लौकिक स्वार्थकेलिये भजन, स्तुति, अर्पण प्रभृति करे हैं एसैं जानिके वर्णन करिवेवारेन्को भाव क्षारोदके जलकी तुल्य अग्राह्य जेसो हे.

कितनेक "सो हाथवारे श्रीकृष्णने वराहरूप धरिकें तुम्हारो उद्धार कियो हे" इत्यादि वाक्यनको आश्रय करिकें जगत्कर्ताहि विविध शरीरनमें प्रवेशकरिकें कार्य करे हे ओर कार्य करिके वा शरीरकुं छोड देय हे एसैं जानिके हरिके गुणको गान करे हैं उनको भाव दधिमण्डोदतुल्य हे. इतने दधिमण्ड साररहित होयवेसूं पोषण करिवेमें निरूपयोगी हे तेसैं विनको भाव हु समजनो. एसैंही भगवान् चिद्रूप विज्ञानपूर्ण सर्वसम ओर मोक्षकेलिये सेवनकरिवेयोग्य हैं एसैं जानिके वर्णनकरिवेवारेन्को भावहु दधिमण्डोदतुल्य हे.

मायाके गुणकरिकेंहि प्रभुमें कर्तापनो हे ता बिना नाहिं हे. तासूं मायाके गुणकरिकेंहि हरि सब करे हैं एसैं जानिके जो भगवद्गुणको वर्णन करे हे ताको भाव सुरोदके जलतुल्य हे. जेसैं सुराको स्वभाव विस्मरण करायवेको ओर दोष उत्पन्न करिवेको हे तेसैं प्रकृत भाववारेन्को भाव हु समजनो.

प्रभु सबके ईश्वर ओर सर्वकार्य करिवेमें समर्थ हैं एसैं जानिकें जो प्रभुको वर्णन करे हे ताको भाव क्षीरोदके जल जेसो हे. दूधके गुण सरिखे वा भाववारेके गुण हैं.

प्रभु महाबलवत्तर हैं तासूं अपने भक्तनकुंहु बलवारे बनावे हैं एसैं जानिकें वर्णन करिवेवारेन्को भाव घृतोदके जलकी तुल्य हे. इतने विन भाववारेन्को भाव घृतके समान गुणवारो हे.

प्रभु लक्ष्मीजीके पति हैं सेवकनकुं भोग - मोक्ष देवेवारे हैं एसे जानिकें वर्णन करिवेवारेन्को भाव इक्षुरसोद समुद्रके जलकी तुल्य हे. सो इक्षुको रस जेसैं मधुर ओर भीतरके तापकुं दूर करिवेवारो होय हे तेसैंही गुणवारो इनको भावहु होत हे.

ओर शरण आये जीव चाहे जैसे होय तोहु श्रीकृष्ण विनको उद्धार करे ही हैं, शरणागतकुं छांडि देत नाहिं हैं ऐसे जानिकें वर्णन करिवेवारेन्को भाव शुद्धोदकके जलकी तुल्य गुणवारो जाननो.

अब पूर्णभगवदीयन्मेंहु जे उत्तम हैं तिनकी गणना करत हैं:

गुणातीततया शुद्धान् सच्चिदानन्दरूपिणः ॥१६॥
सर्वानेव गुणान् विष्णोर् वर्णयन्ति विचक्षणाः ।
तेऽमृतोदाः समाख्यातास् तद्वाक्पानं सुदुर्लभम् ॥१७॥

ये = जो, विचक्षणाः = बुद्धिमान गुणान् = गुणान्को
गुणातीततया = गुणातीतरूपसूं वर्णयन्ति = वर्णन करे हैं
शुद्धान् = शुद्ध ते = वे, अमृतोदाः = अमृतजल
सच्चिदानन्दरूपिणः = सच्चिदानन्द- समाख्याताः = कहे गये हैं
स्वरूपवारे, विष्णोः = विष्णुके तत् = विनकी, वाक्पानं = वाणीको पान
सर्वान् = सब, एव = ही सुदुर्लभम् = अत्यन्त दुर्लभ है

भावार्थ : जो विचक्षण वक्ता गुणतें पर, तासूं हि सत् चित् ओर आनन्द रूप ऐसे प्रभुके सर्व गुणन्को जानिके विन सब भगवद्गुणन्को वर्णन करिवेवारे हैं सो अमृतके समुद्रतुल्य हैं. तिनकी वाणीको पान (श्रवण) अत्यन्त दुर्लभ है.

टीका : इतनें “तमुस्तोतारः” ऐसें वेदके, “जो क्षरसूं पर ओर अक्षरसूं हु उत्तम है” ऐसें गीताके, “मेरेमें रह्यो सब निर्गुण जाननो” ऐसें श्रीभागवतके ओर “लोककीं नांइ लीला मोक्षरूप है” ऐसे व्याससूत्रके वाक्यसूं ऐसें श्रुति, स्मृति, पुराण ओर न्याय करिकें प्रभुके नाम, रूप ओर धर्मन् को निर्गुणपनेको निश्चय करिकें भगवन्नाम सच्चिदानन्दात्मक है, भगवान् अक्षरातीत पुरुषोत्तम हैं, ताकी सब सामग्री निर्गुण है, ताकी लीला हू फलरूपा है, स्मरण करिवेसूं मोक्ष देवेवारी

जलभेदः
३४७

हे ऐसें निरूपण करिकें प्रभुके सर्व गुण- नवनीतचौर्य, वेणुनाद, गावर्द्धनोद्धारण आदिकनकुंहु गुणातीतपनेसूं जानिकें वर्णन करिवेवारेन्को भाव अमृतके समुद्रतुल्य है. वे भगवत्कृत् चौर्यादिक (लीला)न्के कारणकुं जानिवेवारे हैं तासूं मूलमें ‘विचक्षण’ कहे हैं. तिनको वाक्पान इतने वाणिको मनमें धारण करनो तथा उपदेश ग्रहण करनो ओर ताको आदरपूर्वक श्रवण करनो सो बहोत दुर्लभ है. तासूं हि नामके स्वरूप जानिवेकेलिये ऐसे गुरुन् (उपदेशकन्के)के शरणमें जायवेकी वेदादिकमें आज्ञा करी है. ता बिना स्वतः प्राप्तकिये ऐसे ज्ञान - कर्मादिककुं व्यर्थ कह्यो है. गुरुपसत्तिपूर्वक भगवद्उपदेश ग्रहण करिकें प्रभुमें पुरुषोत्तमपनेको ज्ञान होय तबही सर्वज्ञता होय. सो बात गीताजीमें आपनेहि कही है “जो विचक्षण मोकुं पुरुषोत्तम जाने है सो सब जानिवेवारो सर्वभावकरिकें मेरी सेवा करे है”. ता प्रमाण पूर्वोक्त भक्तहु प्रभुको भजवेवारो होय है ॥१७॥

अब वे विचक्षण भक्तन्की वाणीकी महिमाकुं कहत हैं:

तादृशानां क्वचिद् वाक्यं दूतानामिव वर्णितम् ।
अजामिलाकर्णनवद् बिन्दुपानं प्रकीर्तितम् ॥१८॥
रागाज्ञानादिभावानां सर्वथा नाशनं यदा ।
तदा लेहनम् इत्युक्तं स्वानन्दोद्गमकारणम् ॥१९॥

तादृशानां = ऐसेन्के रागाज्ञानादिभावानां =
वाक्यं = वाक्यनकुं, क्वचित् = कभी राग, अज्ञान आदि भावन्को
दूतानां = सन्देशवाहककी सर्वथा = सब तरेहसूं
इव = जैसे, वर्णितकियो है नाशनं = नाश, तदा = तब
(तथा = ओर) अजामिलाकर्णनवत् = (तद्वाक्पानं = उनकी वाणीको पान)
अजामिलने सुन्यो वा तरेहसूं स्वानन्दोद्गमकारणं = अपने आनन्दके
(तच्छ्रवणमपि = वाको श्रवण भी) उद्गमको कारणरूप बने है
बिन्दुपानं = बिन्दुपानके समान (इति हेतोः = तासों) लेहनं = चाटनो
प्रकीर्तितं = कहे गये हैं, यदा = जब इति उक्तं (भवति) = ऐसे कह्यो जाय है

जलभेदः
३४८

कही हे. ता प्रमाण जीवकुं भक्तिको पूर्णफल तब (व्यसन होयवेसूं ही) प्राप्त होय हे।१८-१९॥

अब बीसवें भावको निरूपण करत हैं:

उद्धृतोदकवत् सर्वे पतितोदकवत् तथा ।
उक्तातिरिक्त-वाक्यानि फलं चाऽपि तथा ततः ॥२०॥

उक्तातिरिक्तवाक्यानि = कहे भये- पतितोदकवत् = पड़े जलकी तरेह
वचनसूं अलग वाक्यें, तथा = ओर (तेषां = विनको)फलं = फल
सर्वे = सब, उद्धृतोदकवत् = बहार- अपि = भी
निकास्ये भये जलकी तरेह(च=ओर) ततः = वासूं, तथा = वेसो

भावार्थ : पूर्वमें कहे भये भावसूं युक्त वाक्य अथवा उनके कहवेवारे वक्ता ये सब पात्रमें निकासे अथवा धरतीमें पड़े जलकी तरह हैं. अर्थात् निकास्यो जल जैसे पात्रके अनुसार होय जाय हे एसेही उनको भावहु उनके अनुसार होय हे. ओर एसे वाक्य अथवा भावको फलहु वेसोही अर्थात् अल्प ही होय हे.

टीका : पूर्व कहे जो अमृतोदतुल्य भाववारे हैं विनकुं छोड़िकें ओर भाववारेनके भाव विनकी अप्रत्यक्ष दशामें उद्धृतोदककी तुल्य फलकुं सिद्धकरे हैं. ओर विन भाववारेनके वाक्य उपरसूं गिरे जलकी बरोबर फलकुं सिद्ध करिवेवारे हैं. जेसें कूप प्रभृतिनमेंसूं ग्रहण कियो जल जा स्थानसूं आयो होय वा स्थानके गुणके तुल्य गुणवारो होय हे. अमृत तो सर्वदा एकरस हे तासूं वाकु छाड़िकें ओर भाववारेनकी अप्रत्यक्ष दशामें वे भाव उद्धृतोदक (कूवादिकनमेंसूं लायो भयो जल) तुल्य गुणवारो होय हे एसें कहे ॥२०॥

अब ग्रन्थकी समाप्ति करे हैं:

भावार्थ : एसे भगवदीयनकी प्रसन्नतायुक्त जो आज्ञा हे सो भगवान्के दूतकी आज्ञाके समान कही हे. इनके वाक्यको श्रवण अमृतबिन्दुके समान हे. जेसें अजामिलने भगवद्दूतनके वाक्यको श्रवण कियो हतो ताकीसी नाई विनके वाक्यको श्रवण अमृतबिन्दुके पानकी तुल्य हे. ओर राग (विषयादिकमें प्रीति) ओर अज्ञानादिक भावको जब नाश होय तब स्वरूपानन्दकुं प्रकट करे हे. ताको नाम 'लेहन' कह्यो हे.

टीका : इतनें पूर्वश्लोकमें कहे पूर्णभगवदीय कृपाकरिकें विना आग्रहसूं कहत हैं सो वाक्य प्रभुकोहि समजनो. जेसें राजा चाकरद्वारा आज्ञा करे हे तेसें प्रभुहु भगवदीयद्वारा उपदेश करत हैं. दूत जेसे राजाके गुणवर्णनमें शङ्कित नहीं होय हे तेसें भगवदीयनकुंहु प्रभुके गुणवर्णनमें शङ्का नहीं होय हे. तासूं, प्रभुकी कृपा ओर भविष्यमें फल मिलवेको योग होय तबही एसे भगवदीयनको समागम होय हे. तासूंहि तिनके मुखसूं उपदेश प्राप्त होनो, श्लोकमात्रको श्रवण करनो, शिक्षा सुननी सो अमृतबिन्दुके पानरूप ओर अजामिलके श्रवणकी तुल्य हे. जेसें अजामिलने दूतनके मुखसूं भगवद्धर्मके बलको श्रवण कियो ता पीछे वाकुं नरकको सम्बन्ध छूटिकें भगवद्धर्मके श्रवणतें उत्तमफलकी प्राप्ति भई तेसें अमृतबिन्दुको पान करिवेवारेनकुंहु उत्तमफलकी प्राप्ति होयवेको सूचन या दृष्टान्तसूं होय हे.

या बिन्दुपानसूं अधिक रसास्वाद हे सो कहत हैं जो राग (गृहादिमें स्नेह) ओर अज्ञान (भगवत्स्वरूपकुं नहिं पहेचाननो अथवा अविद्या) आदि ओर शोक-मोहादिक को जब नाश होय जाय; इतनें जब रागादिककी वासनाहु न रहे, तब रसास्वाद होय हे. इतनें पूर्व कहे बिन्दुपान जब रागादिककी अस्फूर्तिसूं कियो जाय ताकुं लेहन (चाटनो) कह्यो हे. सो जीवकुं भगवदानन्दको अनुभव करायवेवारो हे. जब श्रवणादिकमें व्यसन होय जाय तब जो कथारसको आस्वाद अनुभवमें आवे हे सो अमृतरूप होय हे. तबही जीवमें जो आनन्दको तिरोभाव भयो हे ताको आविर्भाव होय हे ओर प्रभुमें क्रमसूं प्रेम, आसक्ति ओर व्यसन होयवेसूं प्रपञ्चकी विस्मृति होयके जीव कृतकृत्य होय हे. सो बात श्रीभागवत्के ११वें स्कन्धमें "भक्तिं लब्धवतः साधो किमन्यद् अवशिष्यते" या श्लोकसूं ओर श्रीमहाप्रभुजीने स्वकृत 'भक्तिवर्द्धिनी' नामक ग्रन्थमें "स्नेहाद् रागविनाशः स्याद्" या श्लोकसूं

इति जीवेन्द्रियगता नाना-भावं-गता भुवि ॥
रूपतः फलतश्चैव गुणा विष्णोर् निरूपिताः ॥२१॥

॥ इति श्रीमद्ब्रह्मसंहिताभाष्यविरचितो जलभेदः सम्पूर्णः ॥

इति = या तरेहसूं
रूपतः = रूपसूं
फलतः = फलसूं, एव = भी
भुवि = पृथिव्ये
नानाभावंगताः = अनेक भावनकुं प्राप्तभये एसे
जीवेन्द्रियगताः = जीवन्की इन्द्रियन्में रहे भये
विष्णोः = विष्णुके, गुणाः = गुण
निरूपिताः = निरूपित किये

भावार्थ : या तरेहसूं स्वरूप ओर फल करिके पृथ्वीमें अनेक भावनकुं प्राप्त भये तथा जीवन्के मनमें रहिवेवारे जो श्रीहरिके गुण हैं सो हमने कहे.

टीका : या प्रकार जीव ओर इन्द्रिय में आयके पृथ्वीमें अनेकविध भावरूप भये एसे विष्णु (भगवान्)के गुणन्को स्वरूप ओर फल सूं निरूपण कियो एसें श्रीमहाप्रभुजी आज्ञा करे हैं. सो जलके भेद श्रुतिमें जो कहे हैं ता प्रमाण गुणके भेदको या ग्रन्थमें वर्णन होयवेसूं याको 'जलभेद' नाम हे.

॥ इति श्रीमद्ब्रह्मसंहिताभाष्यविरचित जलभेद ग्रन्थकी
गोस्वामि श्रीनृसिंहलालजी महाराज विरचित
ब्रजभाषा भावार्थटीका समाप्त भई ॥

॥ पञ्चपद्यानि ॥
(१८)

जलभेदमें २० प्रकारके विभिन्न भक्त ओर विनके भावन् को जलको दृष्टान्त देयके निरूपित किये हैं. सो जेसें जल शुष्क वस्तुकुं आर्द्र करे हे तेसें ऊपर लिख्ये भक्तन्के भावहु श्रवण करिवेवारे मनुष्यन्के हृदयकुं आर्द्र करे हे एसें जतायवेकेलिये जलको दृष्टान्त देयके निरूपण कियो हे. शास्त्रमें जो अष्टादश विद्या लिखी हे ताकरिके प्रतिपादित एसे भगवान्के गुणहु अठारह प्रकारके हैं, तासूं वे भक्तहु अष्टादश विद्याप्रतिपादित गुणमें तत्पर होयवेसूं केवल मर्यादामार्गीय अष्टादश प्रकारके हैं. ओर पुष्टिमार्गीय, शुद्ध तथा मिश्र एसे भेदसूं दो प्रकारके हैं. इतने अष्टादश प्रकारके मर्यादामार्गीय भक्त ओर दो प्रकारके पुष्टिमार्गीय शुद्ध तथा मिश्र मिलिके भक्तन्के २० प्रकार भये. अथवा सात्विकादिक तीन गुणन्के परस्पर मिश्रणसूं भावके ९ भेद ओर १ निर्गुण एसें सब मिलिके १० भेद भये. सो मर्यादा ओर पुष्टि के दश-दश भेद मिलिके २० प्रकारके भक्त भये. तिनके भावहु विनमेंही रहे हैं. तासूं बीस प्रकारसूं जलभेदमें निरूपित किये हैं.

अब जलभेदमें कहे बीस प्रकारके भक्तन्के मुखसूं विनके भावन्कुं ग्रहणकरिवेवारे श्रोतान्को या ग्रन्थमें निरूपण करत हैं. सो पुष्टि तथा मर्यादाके भेदसूं दो प्रकारके हैं. तामें पुष्टिमार्गीय श्रोता उत्तम हैं सो एक प्रकारके हैं; ओर मर्यादामार्गीय मध्यम अधम ओर उत्तम एसे भेदसूं तीन प्रकारके हैं. एसें कुल चार प्रकारके भक्तन्को निरूपण करिवेकेलिये प्रथम मुख्यपनेसूं पुष्टिमार्गीय श्रोतान्को निरूपण करत हैं.

श्रीकृष्णरसविक्षिप्त - मानसा रतिवर्जिताः ॥
अनिर्वृता लोक-वेदे ते मुख्याः श्रवणोत्सुकाः ।१।

श्रीकृष्ण-रस-विक्षिप्त-मानसाः = श्रीकृष्णके- लोक-वेदे = लोक ओर वेदमें
रसमें जिनको मन विक्षिप्त रहतो- अनिर्वृताः = आनन्दरहित
होय एसे भक्त(अन्यत्र=अन्य कहुं) (ये = जो) श्रवणोत्सुकाः =
सुनिवेमें-

रतिवर्जिताः = आसक्तिसूँ रहित उत्सुक, ते = वे, मुख्याः = मुख्य हैं

भक्तिमात्रको आश्रय करिके रहत हैं, ते मुख्य हैं.

भावार्थ : श्रीकृष्णको जो भजनानन्दरूप रससों जिनको मन विक्षिप्त होय गयो हे, ओर तासों भगवान्के चरित्रनकुं सुनिवेमें अप्रीतिसूँ वर्जित इतने प्रीतिवारे ओर लोक तथा वेद में जिनकुं आनन्द प्राप्त नाहीं होय हे एसे जो श्रवणमें उत्साहवारे श्रोताजन हैं सो मुख्य हैं.

टीका : इतने, भगवान्के चरित्र नाहीं सुनिवेरूप जो अप्रीति हे सो मर्यादा ओर पुष्टि एसें मार्गके भेदसूँ दो प्रकारसूँ निवृत्त होय हे. तामें मर्यादामार्गमें जाकुं श्रवण करिवेकी इच्छा होय ओर श्रद्धायुक्त होय ताकुं महत्पुरुषकी सेवासों ओर पुण्यतीर्थके सेवनसों रुचि उत्पन्न होय हे एसें प्रथमस्कन्धमें कह्यो हे. ओर पुष्टिमार्गमें तो जेसें भ्रमरगीतमें ब्रजभक्तनूने कह्यो हे जो “विनकी कथाको अर्थ दुस्त्यज हे” सो रसके स्वभावसूँ ही भगवत्कथामें रस उत्पन्न होय हे. तासूँ जो भगवत्कथामें अतिकरिके वर्जित कहे हैं वे पुष्टिमार्गीय हैं एसें समजवेकेलिये ये लक्षण कह्यो हे. एसें पुष्टिमार्गीयश्रोतानकुं भगवच्चरित्रके श्रवणमें अप्रीति नाहीं हे एसो निरूपण करिवेकेलिये लोकवेदमें इनकुं आनन्द नाहीं होय हे सो कहत हैं; जो प्रवृत्तिमार्गको बोध करिवेवारे अथवा भगवान् विना ओरको भजन बतायवेवारे लोक ओर वेदमें स्वस्थ नाहीं हैं. सो भगवान्ने उद्धवजीकुं ब्रजमें सन्देश लेयके पठाये तब कह्यो हे जो “जिनने लोकके धर्म छोडे हैं उनको पोषण में करुं हुं”. तासूँ यहां “लोकवेदमें अनिवृत्त” (लोकवेदे) एसें समस्तपद कह्यो हे सो त्याज्यपनेमें (लोकवेद) दोयनकी तुल्यता जतायवेकेलिये हे. तासूँही पञ्चाध्यायीमें श्रीगोपीजनूने कह्यो हे जो “दुःखकुं देयवेवारे पतिसुतादिकन्करिके कहा हे?” ओर भ्रमरगीतमें कह्यो हे जो “दुःखके समुद्रमें मग्न भये ब्रजको उद्धार करो”. इतने दुःखसागरमें निमग्न ब्रज हे वाको उद्धार आपही करो परन्तु आपने उद्धृत किये एसे वेदसों हम उद्धार करिवेयोग्य नाहीं हैं एसे अभिप्रायसूँ प्रार्थना करी हे. एसें पुष्टिमार्गके प्रकारकरिके अप्रीतिके अभावपूर्वक प्रीतियुक्त हैं ते मुख्य हैं.

अथवा ‘मुख्य’शब्दको दूसरो अभिप्राय कहत हैं: मुखरूप जो पुष्टिमार्गीय भक्ति हे तामें वे भये हैं; इतने भक्तिरूप जो भगवान्को मुखारविन्द हे तिनमें संलग्न एसे, अलकावलीपनेसूँ कहीवेमें आवते एसे, पुष्टिमार्गीय जीव केवल

तहां सन्देश होय जो मूलमें तो “लोक-वेदमें अनिवृत्त हैं” एसें कहिके भगवान्में प्रीतियुक्त एसो अर्थ होय हे, श्रवणादिकमें प्रीतियुक्त हैं एसो अर्थ तो गौणरीतिसूँ आवे हे तासूँ मुख्यश्रोतापनो केसें ? एसी शङ्का करिके कहत हैं जो भगवान्में प्रीतिवारे हैं तोहु वियोगकालमें तो श्रवणमेंही उत्साहवारे हैं. क्यों जो परोक्षमें विनको सन्देश लायवेवारेमें प्रीति देखिवेमें आवत हे, तासूँ श्रवणमें उत्साह स्पष्ट जान्यो जाय हे. तासूँ ही भ्रमरगीतके अध्यायमें कह्यो हे जो “उद्धवजीकुं देखिकें; ये प्रभुके चरणाविन्दके आश्रयवारे हैं एसें जानिकें सब आडिसूँ मिलिकें विनकुं घेरलिये”. इतने श्रोताजन आप भगवान्के रसमें मग्न हैं, भगवान्के रससूँ विनको मन विक्षिप्त हे, भगवान्के चरित्र सुनिवेमें सहज भावयुक्त हैं, भगवान्के विप्रयोगकी आर्तिकरि युक्त हैं ओर भगवान्की वार्ताके श्रवणमात्रमेंही एकबुद्धिवारे हैं सो पुष्टिमार्गीय श्रोता हैं ॥१॥

एसें पुष्टिमार्गीय भक्तनको निरूपण करिके मर्यादामार्गीयनको निरूपण करत हैं. तामें उत्तम बहोत दुर्लभ हे तासूँ मध्यको निरूपण करत हैं:

विक्लिन्नमनसो ये तु भगवत्-स्मृतिविह्वलाः ॥
अर्थैकनिष्ठास् ते चाऽपि मध्यमाः श्रवणोत्सुकाः ॥२॥

तु = ओर, विक्लिन्नमनसः = श्रवणोत्सुकाः = सुनवेमें उत्साहवारे
विशेषकरिके कोमल मनवारे(च=ओर) ये = जो, अर्थैकनिष्ठाः = अर्थमात्रमें-
भगवत्स्मृतिविह्वलाः = प्रभुकी- निष्ठावारे, अपि = हु, ते = वे
स्मृतिसूँ विकल होयजावेवारे मध्यमाः = मध्यम

भावार्थ : विशेषकरिके जिनको आर्द्र मन हे, भगवान्की स्मृतिसों विह्वल हैं ओर अर्थमें मुख्यनिष्ठा हैं एसे श्रोताजन मध्यम कहे जाय हैं.

टीका : इतने भगवान्में परायण होयवेसूं जिनको मन कोमल होय सो 'आर्द्र' कह्यो जाय हे. जेसैं आर्द्र (भीज्यो) वस्त्र होय सो सूकेमें धरिवेसूं सूकेकुंहु आर्द्र करत हे तेसैं जिनको मन अपने सम्बन्धवारे रूक्षकुंहु आर्द्र करत हे सो शुकदेव आदि जेसे समजनें. मूलमें 'ये' कह्यो हे तासूं सर्वत्र प्रसिद्ध एसे मर्यादामार्गीय कहे हैं. ओर 'तु' शब्दसूं पुष्टिमार्गीयनको व्यावर्त्तन किया हे. विक्लिन्नमन तो पुष्टिमार्गीयनकोहु होय हे तासूं पुष्टिमार्गीयनके धर्मसूं भिन्न धर्म कहत हैं: भगवान्की स्मृतिसों विह्वल हैं. इतने श्रवणके समयमें ऐश्वर्यादि षड्गुणसम्पूर्ण एसैं भगवान्की स्मृतिसों विह्वल होय हैं. ऊपर लिखे एसे दोय धर्मकरिके उत्तमपनो विनमें भासत हे. तासूं स्पष्टरीतिसूं मध्यमपनो बतायवेवारो धर्म कहत हैं: अर्थमेंही मुख्य निष्ठावारे हैं. इतने मोक्षादि पुरुषार्थ अथवा अपनी कृतार्थता होय येही विनको मुख्य प्रयोजन हे, वामेंही निष्ठावारे हैं. मुख्यपनेसूं चरित्रमें निष्ठावारे नाहीं हैं. अर्थात् फलकी अपेक्षावारे हैं तासूं मध्यम गिने हैं.

अब कहत हैं जो एसे श्रोताही होय नाहीं. क्यों जो श्रोतान्को अर्थमें तात्पर्य होय नाहीं. एसी आशङ्का होय तहां कहत हैं जो श्रवणसूं साध्य एसो जो फल तामें इनको तात्पर्य हे. मोक्षादि फलमें तात्पर्यवारे हैं तोहु भगवान्के चरित्रमें उत्कंठावारे हैं तासूं मध्यमपनो हे. जेसैं परीक्षितादिकनकुं दूसरे करतें पूर्णिणं वैराग्य होयवेसूं उत्तमपनो हे तथापि उपाधिसहीत प्रवृत्ति होयवेसूं विदुर तथा उद्धवादिककी अपेक्षासूं मध्यमपनो हे. तासूंही गङ्गाजीमें परीक्षितने प्रायोपवेश कियो सो तीर्थके कारणसूं कियो हे. यदि वाके मनमें तीर्थकी अपेक्षा नाहीं होती तो भगवान्को चरित्र, दूसरे साधनकी अपेक्षा नाहीं राखिके, जहां बैठके श्रवण करे तहां फलकुं सिद्ध करिवेवारो हे. क्यों, जो भगवान्कुं जेसैं तीर्थकी अपेक्षा नाहीं हे तेसैं उनके चरित्रकुंहु नाहीं हे. ओर विदुरजी तो चरित्र सुनिवेकेलिये जहां मैत्रेयजी हते वहां गये हैं; इतने वक्ताके सन्निधान जायवेको उद्देश हतो, गङ्गाजीमें जायवेको उद्देश नाहीं हतो, तासूं उत्तमपनो हे. परीक्षित् ओर विदुरजी दोउन्को मर्यादापनो तो समान हे तथापि मर्यादामार्गमें जितनी शुद्धि होय तितनी फलमें विशेषता होय; तासूं विदुरजीमें तीर्थाटन ओर सत्सङ्ग सूं श्रवणको अधिकार सिद्ध भयो हे ओर परीक्षितमें तो स्पष्टही हे. तासूंही सिद्धान्तमुक्तावलीमें मर्यादामार्गीनकुं गङ्गाजीके तटपे श्रीभागवतमें तत्पर होयके रहीवेकी आज्ञा करी हे ॥२॥

एसैं मध्यम श्रोताको निरूपण करिवेके पीछे अधम श्रोतान्को निरूपण करिवेको प्रयोजन नाहीं हे, तथापि भिन्न रीतिसूं विनको निरूपण नहीं करिके उत्तमके निरूपणमें ही कोउ धर्मसों अधमन्को निरूपण करिवेकेलिये उत्तमन्कोही प्रथम निरूपण करत हैं:

निःसन्दिग्धं कृष्णतत्त्वं सर्वभावेन ये विदुः ॥
तत्त्वावेशात्तु विकला निरोधाद् वा न चाऽन्यथा ॥३॥
पूर्णभावेन पूर्णार्थाः कदाचिन् न तु सर्वदा ॥
अन्यासक्तास्तु ये केचिद् अधमाः परिकीर्तिताः ॥४॥

ये = जो, कृष्णतत्त्वं = श्रीकृष्णरूप तत्त्वकुं	ये = जो, केचित् = कोई
निःसन्दिग्धं = सन्देह रहित	कदाचित् = कबहुक
सर्वभावेन = सब भावसूं, विदुः = जाने	पूर्णभावेन = पूर्णभावसूं
ते तु = वेतो, आवेशात् = आवेशसूं	पूर्णार्थाः = पूर्ण अर्थवारे, तु = तो
वा = अथवा, निरोधात् = निरोधसूं	सर्वदा = हमेशा, न = नाहीं
विकलाः = विकल, च = परन्तु	(किंच=ओर) अन्यासक्ताः = अन्यकुंहु
अन्यथा = ओर तरहसूं	आसक्त, ते = वे, अधमाः = हीन
न = नाहीं, तु = ओर	परिकीर्तिताः = कहे जांय हैं

भावार्थ : सन्देह रहित जो श्रीकृष्णरूप तत्त्वकुं सर्वभावसों जो जानिवेवारे हैं वे आवेशसूं अथवा निरोधसूं ही विकल होय हैं. ओर पूर्णभावसों पूर्णअर्थवारे कबहुंक ही होय हैं, सर्वदा नाहीं होय हैं. ओर अन्यमें आसक्तवारे हैं वे अधम कहे हैं.

टीका : इतने सदानन्द श्रीकृष्णके स्वरूपकुं - अर्थात् रसात्मक करपादादियुक्त, साकार ओर मायाकुं दूर करिके प्रकट भयो हे एसो शास्त्र ओर अनुभव सों संदेहरहित होयके जेसो हे तेसो - जानिवेवारे श्रवणके उत्तमधिकारी हैं.

यहां शङ्का होय जो एसे दृढ ज्ञानवारेनकुं श्रवण करिवेकी अपेक्षा न रहे तासूं उनकुं श्रोतापनो केसें ? एसी शङ्काके निराकरणमें कहे हैं जो वे ज्ञानवारेहु जब ज्ञानसों हृदयमें भगवदावेश होय तब विकल होय जाय हैं. तब “हम जानिनेवारे हैं” एसी स्फूर्ति विनकुं होय नाही हे. तब श्रवण करिवेकी उनकुं योग्यता सिद्ध होय हे. तासूंही श्रीभागवतके प्रथमस्कन्धमें कह्यो हे जो “सतत भगवद्भक्त जिनकुं प्रिय हैं ओर प्रभुके गुणनूनें जिनकी मतिको आकर्षण कियो हे एसे श्रीशुकदेवजी श्रीभागवतरूप आख्यान पढे”. तासों एसें पूर्णज्ञानवारेनकुंहु श्रवणकी योग्यता कही हे. मूलमें ‘तु’शब्द कह्यो हे तासूं रसावेशवारेनकुं उपर कहे प्रमाण मतिविक्षेप नहीं होय हे एसें कह्यो हे. क्यों जो उनकुं तो निरन्तर रसावेश रहिवेसूं ज्ञान कबहु नहीं होय हे. क्यों जो ज्ञान हे सो रसके उदयको प्रतिबंधक हे. तासूंही सर्वव्यापक ओर अपने हृदयमें बिराजिवेवारे प्रभून्को शोध करिवेकी प्रवृत्ति होय हे. सोही बात सिद्धज्ञानवारे श्रीशुकदेवजीनें श्रीभागवतके दशमस्कन्धके फलप्रकरणमें कही हे. तासूंही श्रीटिप्पणीजीमें श्रीगुसांईजीनें आज्ञा करी हे जो “बहिर्मुखनकुं आकाशकीसी नाई सर्वत्र व्याप्त हैं एसो प्रभुको ज्ञान होय हे. ओर भक्तनकुं तो बाहिर प्रकट प्रभुकोही आनन्द अपेक्षित होय हे”. तासूं एकादशस्कन्धमें श्रीभगवान्नें आज्ञा करी हे जो “ज्ञान-वैराग्य बहोतकरिके भक्तके श्रेयसाधक नाही हैं”.

यहां शङ्का होय जो भगवदावेशमें तो भगवान्की नाई सर्वज्ञपनो होनो योग्य हे, तब उनकुं विकलता केसें होय, जासूं श्रवणादिकमें प्रवृत्ति होय हे ? एसी शङ्का करिके कहे हैं जो उनकुं प्रभुके गुणकरिके निरोध होय हे. प्रपञ्चके विस्मरण पूर्वक प्रभुमें जो आसक्ति वाकुं ‘निरोध’ कहत हैं. सो केवल गुणश्रवणसूंही होय हे. तासूं निरोधसों वैकल्य होय जाय हे ओर रीतिसूं नाही होय हे. एसें श्रोतापनेको उपपादन करिके उनकुं कदाचित् मोक्षादिक अर्थमें निष्ठा होय तब, अर्थमें निष्ठा होय सो तो मध्यममें गिन्ये जांय तासूं मध्यमपनेकी निवृत्तिकेलिये अब कहत हैं जो सर्वत्र पूर्ण एसो जो भगवद्भाव (भगवदावेश ओर निरोधसूं भयो भगवान्को ज्ञान) इतने सर्वत्र भगवान्की स्फूर्ति, ताकरिकेही जाके सब अर्थ समाप्त भये हैं, तासूं ओर स्वार्थ उनकुं नाही हे तासूंही (स्वार्थनिष्ठाके अभावसूंही) उनको मध्यमपनो नाही हे किन्तु उत्तमपनोही हे. क्यों जो एक भगवान्मेंही निष्ठावारे हैं.

जब एसें भयो तब तो पुष्टिमार्गीयनसूं विनमें जुदाई न भई. क्यों जो

पुष्टिमार्गीय जेसें प्रभुमेंही निष्ठावारे हैं एसें वेहु हैं ! एसी शङ्का होय तहां कहत हैं जो उनको एसो भाव सर्वदा नाही रहे हे किन्तु कोउ बखत ही रहे हे. इतनें जब भगवद्गुणको श्रवण करें तबही निरोध होयके प्रभुनिष्ठ होय जाय हैं. ओर पुष्टिमार्गीय तो सदाही भगवन्निष्ठ होयवेसूं सबनसूं न्यारेही हैं. तासूंही शुकादिकनकुं सर्वदा लीलानुसन्धान नाही हे. जो होय तो “मथुराजीसूं ब्रज प्रति गये” एसें तटस्थ रहीके कथन असङ्गत होय. पुष्टिमार्गीयनके भावको सार्वदिकपनो तो एकादशस्कन्धमें प्रभुनेही कह्यो हे जो “मेरे विषेही जिनकी अनुषङ्गकरिके बुद्धि बंधाई हे एसे श्रीगोपीजन अपनो आत्मा, यह जगत् ओर परलोक उन सबनकुं न जानें जेसें समाधिमें मुनिजन ओर समुद्रके जलमें जेसें नदिये अपनो नाम-रूप छोड़िके प्रवेश करे हैं तेसें”. यहां नदीके दृष्टान्तसों समुद्रमें प्रवेश करिवेवारी नदी पूर्वरूपकुं कभी प्राप्त नाही होय हे ओर स्वरूपसूं रहे हे तोहु भेदसूं कथन नाही होय हे; तासूंही पुष्टिमार्गीयनके विषे भगवदितर स्फूर्तिके अभाववारो भाव, भगवदीयपनो ओर भगवान्में ओतप्रोत होयके रहनो हे. ओर मर्यादामार्गीयमें तो श्रवणादिकसूं भगवदीयपनो हे तासूं पुष्टिमार्गीय ओर मर्यादामार्गीय में बहोत भेद हे; तासूं विशेष कहा कहनो ?

एसें बहिःसंवेदनके अभावकी दशामें मर्यादामार्गीय उत्तमनको निरूपण करिके; बहीःसंवेदनापन्नको निरूपण करिवेकेलिये, बहीःसंवेदनके प्रसङ्गसूं, अधमनको निरूपण करत हैं: जो कितनेक अन्यासक्त इतनें ब्राह्मणत्व, क्षत्रियत्व आदिसों उत्कर्षापकर्षयुक्त ओर गृहादिकमें आसक्त इतनें वृत्ति सम्पादनकेलिये अथवा लोककुं सुनायवेकेलिये श्रवण करिवेवारेनकुं जलभेदमें “क्षेत्रप्रविष्टास्तेचापि संसारोत्पत्तिहेतवः” या श्लोकमें कह्ये भाववारे ‘अधम’ कहे हैं. मूलमें ‘तु’शब्द कहिवेको यह अभिप्राय हे जो प्रभुकी सेवा करिवेकेलिये जो घरमें आसक्तहोंय सो अधम नाही हैं. उनकोंतो पुष्टिमार्गीय मोक्षरूपपनेसूं उत्तमपनो हे ॥४॥

एसें मध्यमें अधमनको निरूपण करिके अब बहीःसंवेदन दशाके विषेहु जिनको अन्यत्र मन नाही हे एसे उत्तमनको निरूपण करत हैं:

अनन्यमनसो मर्त्या उत्तमाः श्रवणादिषु ॥

देश-काल-द्रव्य-कर्तृ-मन्त्र-कर्म-प्रकारतः ॥५॥॥॥

इति श्रीमद्ब्रह्मभाचार्यविरचित पञ्चपद्यानि समाप्ता ॥

(ये = जो) मर्त्याः = मरणशील

श्रवणादिषु = श्रवण आदिमें

देश-काल-द्रव्य-कर्तृ-मन्त्र-कर्म-प्रकार = स्थान अनन्यमनसः = दृढ मनवारे हैं
काल द्रव्य कर्ता मन्त्र ओर कर्मके प्रकारसूं ते = वे, उत्तमाः = उत्तम हैं

भावार्थ : देश, काल, द्रव्य, कर्तृ, मन्त्र ओर कर्म के प्रकारसूं जो अनन्य मनवारे हैं सो श्रवणादिकमें उत्तम हैं.

टीका : इतनें सर्वत्र बहारके पदार्थनको ज्ञान होय तबहु प्रभु सिवाय अन्यत्र जिनको मन न होय वे 'अनन्य' कहे जाय हैं. तहां शङ्का होय जो प्रभु सिवाय अन्यत्र जिनको मन नाहीं हे तिनकुं अन्तःसंवेदनमें विशेष कहा ? एसी आशङ्का करिके अनन्यचित्तपनेमें प्रकारभेद कहत हैं जो देश, काल, द्रव्य, कर्ता, मन्त्र ओर कर्म इतने प्रकारसूं अनन्यमनवारे चहियें. इतने अन्तःसंवेदनमें भगवद्रूपसूंही देशादिकनकी स्फूर्ति होय हे, देशादिकपनेसूं नाहीं होय हे. क्यों जो केवल भगवदाकार अन्तःकरण भयो होय तब सर्वत्र आवरणको नाश होय जाय हे. ओर बाहिरके पदार्थको ज्ञान होय तब तो ये देशादिक सब भगवद्रूप हैं एसी स्फूर्ति होय हे. तामें देशादिकनमें भावनामात्रसों भगवद्बुद्धि होय हे. अर्थात् अन्तःसंवेदनमें देशादिकनकी स्फूर्तिही नाहीं होय हे ओर बहीःसंवेदनमें देशादिकनकी स्फूर्तिके सङ्ग भगद्बुद्धि होय इतनो अन्तःसंवेदनमें विशेष हे.

तहां शङ्का होय जो अन्तःसंवेदनमें प्रभुपनेसूं देशादिकनमें स्फूर्ति होय ओर बहीःसंवेदनमें देशादिकनकी स्फूर्तिमें भावनामात्रकी बुद्धि रहे, इतनो तारतम्य क्यों रहे हे ? अन्तःसंवेदन ओर बहीःसंवेदन में अन्तःकरणको स्वरूप तो एक ही हे ! एसी शङ्का करिके कहत हैं जो ये मर्त्य हैं तासूं एसें होय हे. अन्तःसंवेदनमें भावनाकारिके भगवद्रूपही होय जायवेसूं अन्यस्फूर्ति नाहीं रहे हे. ओर बहीःसंवेदनमें तो मर्त्यपनेसूं देशादिकनकी स्फूर्ति रहीवेसूं शास्त्रकारिके उनमें भगवद्बुद्धि रहे हे. एसें जो होय सो मर्यादामार्गमें श्रवणादिकनमें ओर कीर्तन प्रभृतीनमें उत्तम हैं ॥५॥

॥ इति श्रीमद्ब्रह्मसंहिताभाष्यविरचित पञ्चपद्यानकी

गोस्वामि श्रीनृसिंहलालजीमहाराज कृता

ब्रजभाषाटीका समाप्त भई ॥

पञ्चपद्यानि

३५९

॥ स्रयासनिर्णयः ॥

(१९)

टीका : पश्चात्तापकी निवृत्तिकेलिये परित्यागको विचार कियो जाय हे. यहां भक्तिमार्गीय जो परित्याग हे तासूं दूसरे सर्वपदार्थनको विचार करिके त्याग करनो. एसो विचार किये बिना परित्याग कियो होय तासूं जो पश्चात्ताप होय ताकी निवृत्तिकेलिये भक्तिमार्गीय-परित्यागके विचारको प्रारम्भ करत हैं, एसें कोउ कहत हैं.

दूसरे एसें कहत हैं जो कर्ममार्गीयनकुं वृद्धपनो होय तोहु संसारसूं वैराग्य होयवेको सम्भव होय नाहीं हे, तासूं एसे कर्ममार्गीयनके सङ्गकरिके कदाचित् भगवदीयहु एसें न होय जांय ताके सुखरूप जाको उपाय हे एसे स्रयासके निरूपणकी प्रतिज्ञा हे- एसें कहिके, शरीर अशक्त होय तब पूर्वदशाको स्मरण करिके वाके मनमें एसो विचार होय जो में प्रथमतेही भगवान्केलिये क्यों यत्न न कियो ? एसो जो भगवदीयनकुं ताप होय सोही यहां 'पश्चात्ताप' शब्दसूं कह्यो जाय हे.

कितनेक एसे कहे हैं जो भक्ति ओर ज्ञान मार्गमें साधनदशामें ओर सिद्धदशामें कर्तव्यपनेसूं परित्याग कह्यो हे. तामें साधनदशामें पूर्ण वैराग्य नाहीं होयवेसूं आच्छी भांति परित्यागको सम्भव नाहीं हे, तासूं पाषण्डिपनेके प्रसङ्गकरिके पश्चात्तापकेलियेही यह परित्याग होय एसो तारतम्य नाहीं जानते होंय एसे भगवदीयहु प्रथम परित्याग करिके पीछे तापयुक्त होंय. तेसें एसे तत्पर भगवदीयनकुं देखिकें श्रीआचार्यचरण पश्चात्तापकुं प्राप्त होंय एसें दोउ प्रकारको पश्चात्ताप नाहीं होयवेकेलिये यह प्रतिज्ञा हे.

कितनेक एसें कहत हैं जो निबन्धमें आचार्यचरणनमें त्रिदण्ड धारण करिकेकी आज्ञा करी हे सो बांचिके पुष्टिमार्गीय जीवहु स्रयासाश्रमपनेसूं त्रिदण्डको ग्रहण करिके पश्चात्तापकुं प्राप्त होय ताकी निवृत्तिकेलिये पुष्टिमार्गीय स्रयासके विचारको आरम्भ करत हैं.

स्रयासनिर्णयः

३६०

कितनेक तो एसें कहत हैं जो श्रुतिप्रभृति प्रमाणकरिके सिद्ध एसे रसात्मक जो भगवान् ताको विरहात्मक भावको जो अनुभव सो सर्वात्मभावकरिके शरणागति होय तबही प्राप्त होय सो सर्वपरित्याग बिना होय नहीं एसो त्यागको स्वरूप नहीं जानिवेवारे जो पुष्टिमार्गीय जीव हैं तिनकुं ज्ञानादिक मार्गन्मेंहु परित्याग कह्यो हे. तासूं संदेहयुक्त होंय विनकुं विनाविचारसूं परित्याग भयो होय सो पश्चात्तापकेलियेही होय, ताके अभावकेलिये विचारको आरम्भ हे - एसें कहत हैं.

ओर श्रीपुरुषोत्तमजी महाराजने तो एसो अभिप्राय कह्यो हे जो अन्तःकरणप्रबोधमें जो 'पश्चात्ताप' ओर 'परित्याग' पदको लेख हे सो जा अभिप्रायसूं हे सोही अभिप्राय यहां लेनो चाहिये. सो अभिप्राय एसो दीसे हे जो प्रभून्में देह ओर देश के परित्याग विषयक जब श्रीआचार्यचरणकुं आज्ञा करी तब पुरःस्फूर्तिक विचारकरिके श्रीआचार्यचरणन्में जब वाको पालन नहीं कियो. तब आपकुं पश्चात्ताप भयो. तब लोकत्याग विषयक तीसरी आज्ञा भई ता समय आप विचार करत हैं जो भगवान् मेरी उपर प्रसन्न हैं किंवा अप्रसन्न हैं ? जो अप्रसन्न होंय तो मेरी उपेक्षाही करें, परन्तु आज्ञा नहीं करें. ओर यहां तो तीसरी आज्ञा भई तासूं प्रसन्न हैं एसो तो निश्चय होय हे. परन्तु प्रथम दोय आज्ञाको उल्लंघन कियेसूंहु प्रसन्न रहिवेको कहा कारण होयगो ? एसो विचार करिवे लगे तब श्रीभागवत्की सूक्ष्मटीकाकी निवृत्ति भई, तासूं दानरूप - देशत्याग ओर माधवभट्ट काश्मीरीकी देहनिवृत्तिसूं वृद्धिरूप - देहत्याग प्रभून्मेंही करवायो हे. तासूं प्रथमकी दोउ आज्ञा प्रभून्मेंही सिद्ध करी दीनी हे. तेसें तीसरी आज्ञाको अभिप्रायहु जानिवेमें नहीं आवत हे एसो निश्चय करिके, यद्यपि दोय आज्ञा सिद्धभई हे तथापि प्रभून्में सिद्ध करी हे कछु आपने नहीं करी, तासूं जो पश्चात्ताप भयो हे ताकी निवृत्ति केसें होय ? एसो विचार करिके तीसरी आज्ञा कहा विषयकी हे ? एसे विचारसूंही प्रथमकी दोय आज्ञा नहीं करिवेको पश्चात्ताप भगवान् निवृत्त करेंगे एसो निश्चय करिके अपनी अवस्थाके सूचन पूर्वक परित्यागके निरूपणकी प्रतिज्ञा करत हैं :

पश्चात्ताप-निवृत्त्यर्थ परित्यागो विचार्यते ॥

पश्चात्ताप-निवृत्त्यर्थ = पश्चात्ताप दूर करिवेके अर्थ

स्रयासनिर्णयः

३६१

परित्यागः = सम्पूर्ण त्याग, विचार्यते = बिचारत हैं

भावार्थ : पश्चात्तापकी निवृत्तिकेलिये जो परित्याग हे ताको विचार कियो जाय हे.

टीका : अथ श्रीआचार्यचरण स्रयासनिर्णयग्रन्थको प्रारम्भ करत हैं. यहां विचारको लिख्यो हे तासूं विधि-निषेध नहीं हे. यदि विधानकी आज्ञा करते तो विधि-निषेधसूं सबनकुं कर्तव्यपनो आवतो तासूं विधानकी नहीं करिके विचारकी आज्ञा करी हे.

स्वरूपसूं, साधनसूं ओर फलसूं भक्तिमार्गीय स्रयास तथा अन्यमार्गीय स्रयास पृथक्तया जानिवेमें आवे तो अन्यमार्गीय त्यागको स्वरूप तथा यहां जाको विचार होय हे ताको तारतम्य जान्यो जाय ताकेलिये प्रथम अन्यमार्गीय त्यागकुं कहत हैं :

स मार्गद्वितये प्रोक्तौ भक्तौ ज्ञाने विशेषतः ॥१॥

सः = वो

ज्ञाने = ज्ञानमें (इति = एसें)

विशेषतः = विशेषकरिके

मार्गद्वितये = दो मार्गमें

भक्तौ = भक्तिमें (च = ओर)

प्रोक्तः = कह्यो हे

भावार्थ : सो त्याग भक्तिमार्गमें ओर ज्ञानमार्गमें विशेषकरिके एसें दोय मार्गन्में कह्यो हे.

टीका : विशेषसूं त्याग, पुष्टिमार्गमें रासमण्डलमण्डनभूत जो ब्रजभक्त हैं विननेंही कर्यो हे. तासूं "सब विषयनकुं छोडिकें हम आपके चरणारविन्दके मूलप्रति प्राप्त भये हैं" एसें फलप्रकरणके प्रथमाध्यायमें ब्रजभक्तन्में कह्यो हे. ओर विनकी लीलामेंही चतुर्थाध्यायमें ब्रजभक्तन् प्रति प्रभून्में कह्यो हे जो "मेरेलियेही लोक

स्रयासनिर्णयः

३६२

वेद ओर सम्बन्धीन् को तुमने त्याग कियो हे” वहां विशेषसूं त्याग कह्यो हे.

तेसेंही ज्ञानमार्गमेंहु परित्याग विशेष(रूप)सूं कह्यो हे. तामें एक विविदिषा-
स्रयास ओर एक विद्वत्-स्रयास एसे भेदसूं ज्ञानमार्गके शास्त्रमें निरूपण कियो हे.
तासूं ‘विशेषतः’ एसें कह्यो हे ॥११॥

ज्ञान, कर्म ओर भक्ति एसें तीन मार्ग एकादशस्कन्धमें भगवान्ने कल्याण
करिवेवारे कहे हैं तामे कर्ममार्गहु गिन्यो हे. तासूं कर्ममार्गमेंहु परित्यागकी प्राप्ति
होय हे एसी आशङ्का करिके ताको निषेध करत हैं:

कर्ममार्गे न कर्तव्यः सुतरां कलिकालतः ॥
अत आदौ भक्तिमार्गे कर्तव्यत्वाद् विचारणा ॥२॥

कर्ममार्गे = कर्ममार्गमें	अतः = या कारणसूं
कलिकालतः = कलिकाल होयवेसूं	भक्तिमार्गे = भक्तिमार्गमें
सुतरां = विशेष करिके	आदौ = प्ररम्भमें
न = नाही	कर्तव्यत्वात् = करिवेयोग्य होयवेसूं
कर्तव्यः = करिवे योग्य हे	विचारणा = विचार (क्रियते = करे हैं)

भावार्थ : कलिकाल होयवेसूं कर्ममार्गमें तो परित्याग कर्तव्य नाही हे. अब दोय
मार्ग रहे, तामें प्रथम भक्तिमार्गमें कर्तव्यपनो होयवेसूं ताको विचार होय हे.

टीका : इतनें, कर्ममार्गमें यावज्जीवन अग्निहोत्र करिवेको विधि होयवेसूं स्रयास
ग्रहणकरिवेको समय नाही आवत हे. यद्यपि “आयुष्यको चतुर्थभाग स्रयासाश्रम
करिके व्यतीत करनो” एसें कोउ स्थलमें कह्यो हे, तथापि कलिदोषकरिके
मनुष्यको अल्पसामर्थ्य होयवेसूं ओर चतुर्थभाग आयुष्यको अतिजराव्याप्त
होयवेसूं आश्रमधर्म अतिकष्टसूंहु सिद्ध होई सके नाही. तासूं विपरीतफलसाधकपनो
होय. एसें ज्ञानमार्गमें कर्तव्यता ओर कर्ममार्गमें अकर्तव्यता जतायके भक्तिमार्गमें

स्रयासनिर्णयः
३६६

कर्तव्यप्रकारको विचार करत हैं.

भक्ति ओर ज्ञान एसें दोय मार्गमें कर्तव्यता कही हे. तामें प्रथमश्लोकमें
प्रथम भक्तिमार्गमें कर्तव्यता कही हे तासूं ताको विचार करत हैं. इतनें, (परित्याग)
कब करनो ? केसें करनो ! ओर क्यों करनो ? ताको विचार करत हैं ॥२॥

भक्तिमार्गमें श्रवणादि - साधनन्की सिद्धिकेलिये कर्तव्यके पक्षको निराकरण
करत हैं:

श्रवणादिप्रसिद्ध्यर्थं कर्तव्यश्चेत् स नेष्यते ॥
सहाय-सङ्गसाध्यत्वात् साधनानां च रक्षणात् ॥३॥
अभिमानान् नियोगाच्च तद्भ्रमैश्च विरोधतः ॥
गृहादेर् बाधकत्वेन साधनार्थं तथा यदि ॥४॥
अग्रेऽपि तादृशैरेव सङ्गो भवति नान्यथा ॥
स्वयं च विषयाक्रान्तः पाषण्डी स्यात्तु कालतः ॥५॥

श्रवणादिप्रसिद्ध्यर्थं = श्रवण आदि	कर्तव्यः = करिवे योग्य हे)
आच्छिभांतिसो होसके तदर्थ	गृहादेः = घर आदिके
सः = वो, कर्तव्यः = करिवे	बाधकत्वेन = बाधक होयवेस
योग्य हे (एसो), चेत् = यदि	यदि = जो, साधनार्थं = साधनके अर्थ
(उच्यते = कहो), न = नाही	(सः = वो स्रयास; तर्हि = तो)
इष्यते = इच्छवे योग्य हे(क्यों ?)	तथा = वा प्रमाण(न कर्तव्यः यतः = न करनो, क्योंके)अग्रे = आगे,
सहाय-सङ्गसाध्यत्वात् = सहायता	अपि = हु, तादृशैः = वेसेन्को
ओर सङ्ग सो सिद्ध होयवेवारी होयवेसूं	एव = ही, सङ्गः = सङ्ग
च=ओर, साधनानां=साधनान्के	भवति = होय हे
रक्षणात् = रक्षणसूं	अन्यथा = ओर प्रकारकेन्को
च=ओर	

स्रयासनिर्णयः
३६४

अभिमानात्=अभिमानके कारण	न = नहीं, तु = ओर
(एवं = या तरहसूँ)	कालतः = कालसों
तद्धर्मैः = वा धर्मन्सों	विषयक्रान्तः = विषयमें आसक्त
विरोधतः = विरोध होयवेसूँ	स्वयं = खुद, च = हु
(स = वो; न = नहीं;	पाषण्डी = पाखण्डी, स्यात् = होय

भावार्थ : श्रवणादिकन्की प्रवृत्तिकेलिये त्याग करना एसो पक्ष होय तो सो पक्ष योग्य नहीं हे. क्यों जो श्रवणादिन्की सिद्धि सहाय ओर सङ्ग सूं होत हे. ओर त्याग (स्रयास)में तो वाके साधन राखने चाहिये, तासूं श्रवणादिकन्के साधन होय सके नहीं. आश्रमकी उत्तमताको अभिमान होय ओर स्रयासके धर्मन्सों भक्तिमार्गके श्रवणके धर्मको विरोध हु हे, तासूं श्रवणादिक होय सके नहीं. ओर गृहादिकके बाधकपनेसूं साधनकेलिये परित्याग करनोँ एसें जो होय तो त्याग किये पीछेहु एसेन्कोही सङ्ग होय, दूसरेन्को होय नहीं. ओर आप कालसूं पाषण्डी होय.

टीका : इतनें, “जो त्यागी होय सो अकेलो निःसङ्ग शान्त होयके फिरे” एसो शास्त्रमें लेख हे. ओर श्रवणादिक करिवेमें सहाय तथा सङ्ग अवश्य चाहिये तब श्रवणादिक होय सके. ओर त्याग करिवेमें जाको सङ्ग मिले सो अपने मार्गके अनुसार श्रवणादिक बतावे, पुष्टिमार्गीय श्रवणकुं तो बतावे नहीं. जेसें :

मायावादी सगरे जगतकुं कल्पित मानिवेवारे होयवेसूं जगतमें रहे एसे वेदनकुंहु कल्पित मानत हैं. ओर वेदन्में ब्रह्मके जो गुण प्रतिपादित हैं सोहु व्यवहारोपयोगी हैं, परमार्थमें नहीं हैं तासूं मायावादी भक्तिमार्गसूं विरुद्ध हैं.

नैयायिकन्के मतमें जगत्के कर्तापनेसूं तो ईश्वरकी सिद्धि हे तथापि ज्ञान, इच्छा ओर प्रयत्नादिसूं अतिरिक्त दूसरे धर्म ईश्वरमें हैं एसें वे नहीं मानत हैं. तासूं वेहु भक्तिमार्गसूं विरुद्ध हैं.

मीमांसक मन्त्रमयी देवता मानत हैं. फल देयवेवारो ईश्वर हे एसें नहीं मानत

स्रयासनिर्णयः
३६५

हैं. तासूं मीमांसकन्के मतमें तो श्रवणादिक हे ही नहीं.

- एसें भिन्न-भिन्न मतवारेन्को सङ्ग होयवेसूं भक्तिमार्गीय श्रवण सिद्ध होय नहीं.

ओर शास्त्रविहित स्रयास आश्रमको अङ्गीकार करिके भक्तिके अर्थ परित्याग करे तब तो स्रयास आश्रमके धर्मन्को पालन आवश्यक होय जाय. तब तो वामेंही सर्वकाल व्यतीत होय जाय. इतनें श्रवणादिक करिवेको समयही मिले नहीं. तेसें स्रयासाश्रम सबन्में आदरणीय हे. तासों अपनेमें श्रेष्ठताको अभिमान होय, सोहु भक्तिमार्गसूं विरोधी हे. तेसेंही स्रयासाश्रम शास्त्रकी आज्ञाके आधीन हे. ओर स्रयासके धर्म तथा भक्तिमार्गीय श्रवणके धर्मन्में परस्पर विरोध हे. तासूं श्रवणादिकन्की सिद्धिकेलिये स्रयास करना ये पक्ष योग्य नहीं हे.

कदाचित् भक्तिमार्गीय श्रवणादिकके स्वरूपकुं जो जानतो होय ताकुं गृहस्थितिमें व्यासङ्गकरिके श्रवणादिक होय नहीं एसे कारणसों त्याग करे तो वाकुहु साधनदशामें जेसो पूर्णभाव भक्तिमार्गमें चाहिये वेसो नहीं होयवेसूं निरन्तर श्रवणादिक होय सके नहीं. ओर चितकी चञ्चलतासूं एतन्मार्गसूं जो विजातीय होय विनसूंही सङ्ग होय. ओर जिनकुं भगवद्भाव न होय विनको चित्त विषयाक्रान्त होयवेसूं सेसेन्को सङ्ग, अल्पसमय होय तोहु, प्रथमके भावको नाश करिके अपनकुंहु विषयाक्रान्त करिवेको सम्भव होय. इतनें प्रथमके भावको निर्वाह नहीं होयवेसूं त्याग कियो सोहु मुख्यफलकुं सिद्धकरिवेवारो भयो नहीं. तासूं भक्तिमार्गके विचारमें त्याग करिवेवारो कालक्रमसूं पाषण्डी होय ॥३-५॥

यद्यपि भावकी स्थितिमें दुःसङ्ग बाधक हे तथापि भावकी स्थितिकेलियेही त्यागको उपक्रम कियो हे तासूं दुःसङ्ग होयगो तोहु भाव रहेगो एसो पक्ष कोउ कहेतो ताके निराकरणकेलिये अब कहत हैं:

विषयाक्रान्त-देहानां नाऽऽवेशः सर्वदा हरेः ॥
अतोऽत्र साधने भक्तौ नैव त्यागः सुखावहः ॥६॥

स्रयासनिर्णयः
३६६

(किञ्च = ओर)	न = नाही, अतः = यासूं
विषयाक्रान्तदेहानां =	अत्र = यहां, भक्तौ = भक्तिमें
विषयमें आसक्त देहवारेनुकों	साधने = साधनमें
हरेः = श्रीकृष्णको	त्यागः = त्याग
आवेशः = आवेश	सुखावहः = सुखकारक
सर्वदा = सब समयमें	न = नाही, एव = ही

भावार्थ : विषयकरिके जिनको देह आक्रान्त हे तिनकुं सर्वदा हरिको आवेश न रहे. (मूलमें 'सर्वथा' पाठ होय तो हरिको निश्चय आवेश न रहे, एसो अर्थ समजनों) तासूं साधनरूप भक्तिमार्गमें अथवा भक्तिमार्गकी साधन दशामें त्याग सुखकुं देवेवारो नाही होय हे.

टीका : इतनें नेत्र प्रभृति सर्वइन्द्रियनके रूप प्रभृति सब विषय हैं. तिनकरिके जिनको देह व्याप्त हे तिनकुं (विषयको आवेश हृदयमें होयवेसूं) हरिको सर्वदा आवेश नाही होय हे. क्यों जो इन्द्रियनके विषयमें आसक्ति होय सो प्रभुके आवेशमें बाधक हे. तासूं श्रवणादिक जो साधनरूप भक्ति हैं ता(अवस्था)में त्याग करे सो पुरुषार्थकुं सिद्ध करिवेवारो न होय. मूलमें 'एव'कार हे तासूं सर्वथा पुरुषार्थको असाधकपनो कह्यो हे ॥६॥

तब भक्तिमार्गमें त्याग कहिवेको प्रयोजन नाही होयवेसूं त्यागकी व्यर्थता होय हे एसी शङ्का होय तहां कहत हैं:

विरहानुभवार्थं तु परित्यागः प्रशस्यते ॥
स्वीयबन्ध-निवृत्त्यर्थं वेषः सोऽत्र न चान्यथा ॥७॥

विरहानुभवार्थं = विरहको वेषः = वेष (अपि = भी)
अनुभव करिवेके अर्थ, तु = तो अत्र = यहां

स्रयासनिर्णयः
३६७

परित्यागः = त्याग स्वीयबन्धनिवृत्त्यर्थं = स्वीयजननके
प्रशस्यते = प्रशंसा योग्य हे बन्धनकुं निवृत करिवेके अर्थ
च = ओर, सः = वो अन्यथा = अन्य प्रकारसों, न = नाही

भावार्थ : भगवानके विरहके अनुभवकेलिये तो त्याग उत्तम कह्यो हे. ओर त्यागमें काषाय वस्त्रादिक वेष हैं सो अपने सम्बन्धीनके बन्धनकी निवृत्तिकेलिये हे, अन्यथा नाही हैं.

टीका : इतनें पुष्टिमार्गीय परित्याग सम्पूर्ण भगवद्भाव भये पीछे होय. क्यों जो भगवानके विरहको अनुभव तो संयोगसुखको अनुभव भयो होय तब वियोगमें होय. तासूं प्रथम भावपूर्वक भगवानके श्रीमुखको दर्शन करतो होय, ओर श्रीअङ्गीकी सेवा करतो होय, तामें जो आनन्द प्राप्त होतो होय सो वियोगमें दर्शन तथा सेवा को सुख नाही मिलवेसूं विरह होय ताको अनुभव करिवेकेलिये गृहादिकको त्याग करे सो उत्तम हे. एसे त्यागमें शुद्धपुष्टिमार्गीय भाववारो होय सोही अधिकारी हे. एसो पूर्णभाववारो जो होय ताकुं सर्वात्मभाववारे जो भक्त हैं तिनके सम्बन्धवारी जो रासादिकलीला हे ताको विचार अवश्य होय. ताकरिके ओर ये लीला परमफलरूप हे ताकरिके पूर्व कहे एसे भक्तकुंहु एतन्मार्गीयपनो होयवेसूं एसो फल मिलवेकी अत्यन्त अभिलाषा होय परन्तु या समयमें वाकी अभिलाषा पूर्ण होय नाही ओर पूर्ण करिवेवारेको दर्शनहु होय नाही तासूं विरह अवश्य होय. ओर गृहमें जो मनुष्य रहे होंय सो विजातीयभाववारे होयवेसूं विनको सङ्ग याके भावको नाश करिवेवारो होय, ताकरिके विरहको अनुभव होय नाही. तासूं गृहको त्याग करनो आवश्यक हे. ओर वाको त्याग जतायवेकेलिये काषायादिक त्यागके वेषकी कल्पना(=व्यवस्था) हे. इतनें, यदि स्रयासको वेष न होय तो स्त्री-पुत्रादिक आयकें प्रतिबन्ध करें. ओर वेष (स्रयासिको धारण) कियो होय तो स्त्री-पुत्रादिक देखिकें "ये तो स्रयासी होय गयो हे" एसें जानिके दूर रहे तो प्रतिबन्ध करि सके नाही. तासूं स्रयासीको वेष हे, ओर कछु प्रयोजन नाही हे ॥७॥

मर्यादामार्गमें तथा पुष्टिमार्गमें गृहको त्याग समान हे तथापि मार्गके भेदको निरूपण करिवेकेलिये त्यागको निमित्त भिन्न बतायकें गुरु ओर साधन को

स्रयासनिर्णयः
३६८

निरूपण करत हैं:

कौण्डिन्यो गोपिकाः प्रोक्ता गुरुवः साधनं च तत् ॥
भावो भावनया सिद्धः साधनं नान्यद् इष्यते ॥८॥

कौण्डिन्यः = कौण्डिन्य ऋषि किं तत् = वो साधन कहा हैं ?)
(च = ओर) गोपिकाः = गोपिजन भावनया = भावनासूं
गुरुवः = गुरु, प्रोक्ताः = कहे गये हैं सिद्धः = सिद्ध भयो
च = ओर, तत् = वो भावः = भाव(हे)
साधनं = साधन अन्यत् = दूसरे
(तदाचरितमेव इति अर्थः = साधनं = साधन
विनके आचरणही हैं एसो अर्थ हे. न = नाही, इष्यते = अपेक्षित हैं

भावार्थ : कौण्डिन्य ऋषि ओर श्रीगोपीजन त्यागके गुरु* कहे गये हैं. ओर साधनहु यह हे जो भावनाकरिके भाव सिद्ध होय, ओर साधन इच्छित नाही हे.

टीका : इतनें कौण्डिन्य ऋषि अनन्तव्रतके प्रसङ्गमें निरूपित हैं ओर श्रीगोपीजन तो प्रसिद्ध हैं तासूं विशेष प्रकार नाही कह्यो हे.

यद्यपि कौण्डिन्य ऋषि मर्यादामार्गीय होयवेसूं ओर विनकुं एतन्मार्गको ज्ञान नाही होयवेसूं उपदेशपनो नाही हे, तासूं गुरुपनो सम्भवे नाही, तथापि दत्तात्रेयकी नाई वैराग्यमें उपयोगी एसे विनके धर्म शिखवेसूं जेसें दत्तात्रेयनें पृथ्वी प्रभृतीनको गुरुपनेमें अङ्गीकार कियो हे तेसें कौण्डिन्यकुं अनन्तके गुणको श्रवण करिके विनकुं मिलवेकेलिये आर्त्ति भई. तासूं विप्रयोगभाव भयो, ताकरिके विकलता होयवेसूं प्रश्न करिवेकुं अयोग्य एसे वृक्षादिनकुंहु प्रश्न करिवे लागे. एसें कौण्डिन्यको त्याग ओर एतन्मार्गीय - त्याग समान हे तासूं कौण्डिन्यमें गुरुपनो कह्यो हे.

ओर श्रीगोपीजननु उपदेश करिवेवारे नाही हैं तथापि मार्ग प्रकट करिके

स्रयासनिर्णयः

३६९

ओर विनके भावके अनुकूल आचरण करिके ओर पञ्चाध्यायीमें देह प्रभृतीनको विरहसूं त्याग करिके प्रभून्के समीप गये हैं एसो त्याग यहां हु अभीष्ट होयवेसूं विन गोपीजननको गुरुपनो कह्यो हे. ओर अपनेमें श्रीगोपीजननके भावके अनुरूप भावनाकरिके सिद्ध भयो जो भाव ताको साधनपनो उचित हे. दूसरो (दानव्रतादिक)को साधनपनो इच्छित नाही हे ॥९॥

एसो भाव उत्पन्न भये पीछें जो अवस्था होयवेवारी हे जो बुद्धिकुं फिराई देय तब दुःखके कारणरूप होय, ताकरिके प्राकृतपनो होय जाय एसी आशङ्काको परिहार विनके भावके स्वरूपको निरूपण करिके करत हैं:

विकलत्वं तथाऽस्वास्थ्यं प्रकृतिः प्रकृतं नहि ॥
ज्ञानं गुणाश्च तस्यैवं वर्तमानस्य बाधकाः ॥९॥

विकलत्वं = विकलता न = नाही, हि = ही हे
तथा = ओर ज्ञानं = ज्ञान, च = ओर
अस्वास्थ्यं = अस्वस्थता गुणाः = गुण, एवं = एसें
(विरहस्य = विरहको) वर्तमानस्य = बरतवेवारेकुं
प्रकृतिः = स्वभाव हे तस्य = विनकुं
(तत् = वो) प्राकृतं = प्रकृत बाधकाः = बाधक हैं

भावार्थ : विकल्पनो तथा अस्वस्थपनो विकलभावकी प्रकृति हे, प्राकृतपनो नाही हे. ओर एसे भावमें जो रह्यो हे ताकुं ज्ञान तथा गुण बाधक हैं.

टीका : इतनें, जाकु विप्रयोगभाव भयो हे ताकुं विकलता होय, दूसरे काउस्थलमें स्वस्थता न रहे. सो वाके स्वाभाविक धर्म हैं, लौकिक नाही हे. सो अर्थ युक्त हे एसें जतायवेकेलिये 'हि' अव्यय लिख्यो हे. क्यों जो एकादशस्कन्धमें ज्ञानके निरूपणके प्रस्तावमेंहु "कैवल्यादिक ज्ञानकुंहु सगुणपनो हे" एसें निरूपण करिके "मेरेमें जो ज्ञान रह्यो हे सो निर्गुण हे" एसें कहिके स्वविषयक ज्ञानको निर्गुणपनो

स्रयासनिर्णयः

३७०

कह्यो हे. जहां मर्यादामार्गमेंहु भगवान्के सम्बन्धिपनेसूं वस्तुको निर्गुणपनो हे तहां साक्षात् सबनसूं अधिक एसे भक्तिमार्गसम्बन्धि भगवद्भावसूं जो धर्म होय हैं तिनकुं निर्गुणपनो होय तामें कहा कहेनो ? एसो अभिप्राय 'हि' अव्ययसूं सूचित होय हे.

तहां शङ्का होय जो भगवान्के सम्बन्धसूं निर्गुणपनो भले होय तोहु विप्रयोगभावको दुःखात्मकपनो होयवेसूं सबनसूं उत्कृष्टपनों क्यों ? एसी शङ्का होय ताको समाधान एसें करनो जो पुरुषोत्तमको स्वरूप रसात्मक हे. ओर रस, संयोग तथा विप्रयोग एसें दोय प्रकारको होयवेसूं विप्रयोगकुंहु रसपनोही हे. तासूं जेसें शोकसूं अश्रु आवें ताकुं दुःखरूपपनो ओर आनंदसूं अश्रु आवे ताकुं सुखरूपपनो हे, तामें अश्रुपनो समान हे तथापि फल समान नाहीं हे तेसें विप्रयोगकुं दुःखरूपपनो नाहीं हे.

एसी विकल अवस्थामें रह्यो एसो विप्रयोगकी भावनावारो जो हे ताकुं सर्वजगत् भगवान्को शरीर हे एसो ज्ञान, श्रवण-कीर्तन तथा ज्ञानके विषयरूप भगवान्के गुण हु बाधक होत हैं. इतनें अन्तःकरणमें विप्रयोग भाव रह्यो होय सो सर्वजगत् भगवान्को शरीर हे ओर सर्वत्र भगवान् विराजे हैं एसे ज्ञानसूं जात रहत हे. तेसें श्रवण-कीर्तनादिकके विषयरूप जो भगवान्के गुण तासूं भगवान्के विरहकरिके जो विह्वलता भई होय सोहु जात रहत हे. एसें ज्ञान ओर गुण को बाधकपनो हे तेसें लौकिक ज्ञान ओर मनकी स्वस्थताके कारणरूप गुणहु विप्रयोग रसके अनुभव तथा फलमें प्रतिबन्धक हैं ॥९॥

ज्ञानमार्गमें ओर भक्तिमार्गमें घरको त्याग तो समान हे तब ज्ञान तथा मनकी स्वस्थताकुं ज्ञानमार्गमें साधकपनो हे तब भक्तिमार्गमें बाधकपनो केसें ? एसी शङ्काके समाधानकेलिये फलभेदकरिके समाधान करत हैं:

सत्यलोके स्थितिर् ज्ञानात् स्रयासेन विशेषितात् ॥

भावना साधनं यत्र फलं चाऽपि तथा भवेत् ॥१०॥

स्रयासनिर्णयः

३७१

स्रयासेन = स्रयासके द्वारा

विशेषितात् = विशेषभये

स्थितिः = स्थिति

(भवति = होय हे) च = ओर

यत्र = जहां (यादृशी = जेसी)

भावना = भावना

ज्ञानात् = ज्ञानसूं

सत्यलोके = सत्यलोकमें

साधनं = साधन (तत्र = तहां)

फलं = फल, अपि = हु

तथा = वा प्रकारको

भवेत् = होय हे

भावार्थ : स्रयाससूं उत्तमताकुं प्राप्तभये: ज्ञानसूं सत्यलोककी गति मिले हे. क्यों जो जा मार्गमें जेसी भावना साधन होय वासूं फलहु वेसोही मिले हे.

टीका : स्रयासकरिके विशेष भयो एसो जो ज्ञान तासूं सत्यलोकमें स्थिति होत हे. इतनें, ब्रह्म सर्वत्र व्यापक हे एसो ज्ञान होय ओर वाके सङ्ग स्रयासहु होय तब ब्रह्मलोकमें स्थिति होय. वा विषयमें तैत्तिरीयश्रुतिमें कह्यो हे जो “वेदान्तमें विज्ञानसूं जिननें आछी रीतिसूं अर्थको निश्चय कियो हे ओर स्रयासयोगसूं जिनको अन्तःकरण शुद्ध भयो हे एसे जो स्रयासि लोग हैं वे ब्रह्मलोकमें जाय हैं ओर ब्रह्माजीकी मुक्तिके सङ्ग मुक्त होय हैं”. ओर छान्दोग्यश्रुतिमें तो “या लोकमें जेसे यज्ञवालो पुरुष होय हे तेसोही मरणान्तर होय हे” एसो कह्यो हे. तामें तैत्तिरीय श्रुतिमें ब्रह्माकी मुक्तिके समयमें मुक्ति होयवेको लिख्यो हे ओर छान्दोग्यश्रुतिमें तो मरणान्तर भावनानुसार पारलौकिकफल होयवेको कह्यो हे. तासूं जो पुरुषमें भावना साधन हे वहां एसो फल होय. अर्थात् ज्ञानयुक्त जो स्रयासी हे वाकुंही ब्रह्मलोकमें स्थिति होयके ब्रह्माके सङ्ग वाको मोक्ष होय हे. तासूं ब्रह्मलोकमें जायवेमें ज्ञानकीही मुख्यता हे. ओर स्वास्थ्य न होय तो ज्ञान स्थिर होय नाहीं, तासूं मनकी स्वस्थता सिद्धकरिवेवारो ज्ञानही हे.

ओर भक्तिमार्गमें साक्षात् पुरुषोत्तमके सम्बन्धकुंही फलपनो हे. ओर पुरुषोत्तम रसात्मक हैं एसोही श्रुतिमें कह्यो हे. तासूं इनके सम्बन्धमें विप्रयोगरसात्मक भावकुंही साधनपनो हे. ज्ञान ओर मनकी स्वस्थता प्रभृतीनकुं तो भावको नाशकपनो हैं. तासूं जहां भावनारूप साधन हे वहां फलहु तेसों होय एसो अभिप्राय छान्दोग्यश्रुतिको हे ॥१०॥

स्रयासनिर्णयः

३७२

एसें दोउ मार्गमें प्रकारके भेदकरिके साधन ओर फल को निरूपण करिके ज्ञानमार्गमें फलप्राप्तिमें विलम्ब होय हे ओर भक्तिमार्गमें नाहीं होय हे ताको कारण कहत हैं:

तादृशाः सत्यलोकादौ तिष्ठत्येव न संशयः ॥
 बहिश्चेत् प्रकटः स्वात्मा वह्निवत् प्रविशेद् यदि ॥११॥
 तदैव सकलो बन्धो नाशमेति न चान्यथा ॥

तादृशाः = वेसे	वह्निवत् = अग्निकी तरह
सत्यलोकादौ = सत्यलोक आदिमें	यदि = जो (पुनः = फिर)
एव = ही, तिष्ठति = रहे हैं	प्रविशेत् = प्रवेश कर
न = नाहीं, संशयः = संदेह हे	तदा = तब, एव = ही
(भक्तौ तु = भक्तिमें तो)	सकलः = सब, बन्धः = बन्धन
चेत् = यदि, बहिः = बहार	नाशं = नाशकुं, एति = प्रप्त होंय
प्रकटः = प्रकट	च = ओर, अन्यथा = दूसरी तरह
स्वात्मा = अपनो आत्मा	न = नाहीं

भावार्थ : स्रयासग्रहण पूर्वक ज्ञानी होय सो ब्रह्मलोक आदिमेंही स्थिति रहे हे. परन्तु भक्तिमार्गमें तो जो बहार प्रगट भयो स्वात्मा भगवान्, अग्नि जेसें काष्ठमें पुनः प्रवेश करे तेसें, जब भक्तनके अन्तःकरणमें प्रवेश करें तबही वाके सकल बन्धनको नाश होय हे, ओर तरहसूं बन्धनाश सम्भव नाहीं हे.

टीका : स्रयासयुक्त जो ज्ञानी हे सो सत्यलोकादिकमेंही रहे हे, वामें संशय नाहीं हे. तासूं ज्ञानमार्गमें मुक्ति होयवेमें विलम्ब होय हे. ओर भक्तिमार्गमें तो जेसें काष्ठके भीतर अग्नि व्याप्त होयके रद्दो भयो हे तथापि काष्ठको दहन करिवेमें समर्थ नाहीं हे तासूं बाहिरको अग्नि भीतर प्रविष्ट होयके भीतरके अग्निकुं मिले तब काष्ठकुं जेसें दहन करिके अग्निरूप करि देय हे एसें सर्वत्र व्याप्त जो ब्रह्मको

स्वरूप हे सो मुक्ति करिवेमें समर्थ नाहीं हे परन्तु बाहिर प्रकट भयो एसो जो आत्मस्वरूप हे सो भीतर प्रविष्ट होयके भीतरके स्वरूपके सङ्ग मिले हे तबही समग्र सम्बन्धकुं नाशकरिके मुक्त करि देत हे, अन्यथा मुक्त नाहीं होय हे.

इतनें स्रयासयुक्त ज्ञानीनकी स्थिति सत्यलोकमें होय हे. तामेंहु जो निष्काम होंय सो तो सत्यलोकमें रहें, जो सकाम होंय सो तो दूसरे लोकमेंहु जाय हैं, एसें जतायवेकेलिये मूलमें 'आदि'शब्द कह्यो हे. ओर सत्यलोकमें जितने रहत हैं तिन सबनकी मुक्ति ब्रह्माजीके सङ्ग होय हे. तासूं दोय परार्द्ध ताई ब्रह्माजी रहें तब ताई विनकी मुक्ति होयवेमें विलम्ब होय हे. ओर भक्तिमार्गमें तो अग्निको दृष्टान्त दियो हे तासूं एसें जतायो हे जो जेसें काष्ठमें विद्यमान अग्निकुं काष्ठको दाह करिवेमें योग्यता नाहीं हे; परन्तु मथन करिके वामेंसूंही अग्नि प्रकट होयके भीतरके अग्निकुं जब मिले तब वाको काष्ठपनो निवृत्त होयके अग्निपनो सिद्ध होय हे तेसें भक्तनके हृदयमें यद्यपि भगवान् बिराजत हैं तथापि विनको भगवद्रूपनो करिवेमें योग्य नाहीं हे, परन्तु विगाढ भावकरिके बाहिर प्रकट होयके जब भीतरके स्वरूपकुं मिलें तबही ताके प्रतिबन्धकुं दूर करिके वाको भगवद्रूपनो सम्पादन करे हैं. एसो फल सिद्ध करिवेमें दूसरो प्रकार नाहीं हे ॥११॥

तहां शङ्का होय जो विगाढ भावकुं साक्षात् सङ्गके अभावके कारण सङ्गकेलिये स्वरूपके अनुसन्धानकोहु आवश्यकपनो हे तासूं गुणगानकरिके स्वास्थ्य क्यो न होय ? एसी शङ्का होय तहां कहत हैं:

गुणास्तु सङ्गरहित्याज् जीवनार्थ भवन्ति हि ॥१२॥

गुणाः = गुण, तु = तो	जीवनार्थ = जीवनके अर्थ
सङ्गरहित्यात् = सङ्गरहित होयवेसूं	भवन्ति = होंय हे, हि = ही

भावार्थ : श्रवण कीर्तन आदिमें सदा आते प्रभुके गुण तो भक्तनके जीवनकेलिये हैं, क्योके प्रभुको सङ्ग जहां ताई न होय तहां ताई भक्त श्रीहरिके गुणनकरकेही अपनो जीवन राख सके हैं.

(भगवता = भगवान्द्वारा)

विरुद्ध्यते = विरुद्ध होत हैं

टीका : सङ्गरहितपनो हे तासूं गुण तो जीवन्केलिये होय हैं. इतनें, जीव जबसूं भगवानसूं बिछुर्यो हे तबसूं वाकुं भगवान्को सङ्ग नाही हे. परन्तु जब ताई भगवान्के वियोगकी स्फूर्ति नाही भई हे तब ताई वाकु वियोगको दुःख नाही हे. तासूं जब वाकु वियोगकी स्फूर्ति होय तब वियोगको दुःख होय. ता समय वाकी स्वस्थता रहिवेमें भगवान्के गुणकुं छांडिके दूसरो कोई साधन नाही हे. क्यों, जो भगवान् परमानन्द हैं. विनको विरह होय तब जीवन रहे नाही. ता समयमें परमानन्दके गुणही जीवन्कुं सम्पादन करि सकत हैं. सोही बात श्रीगोपीजननें गोपिकागीतमें कही हे: “आपकी कथारूप अमृत हे सो तप्तको जीवन हे”. ओर अक्रूरजीके सङ्ग भगवान् मथुराजी पधारे तब भगवान्के रथकी ध्वजा ओर रथकी रज देखिवेमें आई तब ताई तो चित्रकीसी नाई सब गोपीजन ठाडे रहे ओर पीछे भगवान् पाछे फिरंगे एसी आशा निवृत्त भई तब विनको गुणगान करिके शोकरहित होयके दिन व्यतीत

करत भये, एसें कह्यो हे. तहांहु गुणगानकोही जीवनसम्पादनपनों कह्यो हे. तासूं जीवन्केलिये गुणगान होय हे परन्तु वासूं स्वस्थता नाही रहे हे ॥१२॥

तहां शङ्का होय जो विप्रयोगभावमें जो रह्यो हे ताकुं भगवान्के गुणहु भावके बाधक बने हैं तब जिनके विरहकी भावना हे सो भगवान्हु विलम्बकुं सम्पादन करिवेवारे होयवेसूं बाधक केसे नाही मानने ? एसी शङ्का होय तहां कहत हैं:

भगवान् फलरूपत्वात् नाऽत्र बाधक इष्यते ॥

स्वास्थ्यवाक्यं न कर्तव्यं दयालुर् न विरुद्ध्यते ॥१३॥

फलरूपत्वात् = फलरूप होयवेसूं
भगवान् = भगवान्, अत्र = यहां
बाधकः = प्रतिबन्ध करिवेवारे
न = नाही, इष्यते = इच्छित हैं

स्वास्थ्यवाक्यं = स्वस्थताकारक वचन
न = नाही, कर्तव्यं = करिवेयोग्य हैं
(यतः = क्योंके)
दयालुः = दयालु, न = नाही

स्रयासनिर्णयः

३७५

भावार्थ : भगवान् फलरूप हैं तासूं यहां बाधक नाही हैं. ओर स्वस्थताको वाक्य भगवान्कुं कर्तव्य नाही हे. क्यों जो भगवान् दयालु हैं तासूं विरुद्ध नाही होय हैं; अथवा विरोध नाही होय हे.

टीका : इतनें या मार्गमें भगवान्ही फलरूप हैं ओर विनकी प्राप्तिमें विप्रयोगभावकोही साधकपनों हे. सो यदि न होय तो फलकी प्राप्ति होय नाही. तासूं भगवान् यदि प्रतिबन्धक होंय तो फलपनोही सिद्ध न होय तासूं भगवान् बाधक नाही हैं.

तहां शङ्का होय जो भगवान्कुं फलात्मकपनो हे ओर फल देयवेकी उनकी इच्छाहु हे तासूं कदाचित् स्वरूपकरिकें विप्रयोगके दुःखकुं निवृत्त नाही करें तो भले परन्तु कछुक (आशवासनके) वाक्य कहिके स्वस्थता क्यों न करत हैं ? इतनें जेसें नारदजीकुं दर्शन देयके प्रभु तिरोहित भये तब फेर दर्शनकेलिये नारदजी यत्न करत हते. तब आकाशवाणीसूं आज्ञा करी जो “निन्दित या लोककुं छांडिके मेरे जनपनेकुं तू प्राप्त होयगो”. एसें स्वस्थताको वाक्य कह्यो हे तेसें यहां विप्रयोगभावसूं तप्त भक्तनकुं स्वस्थता क्यों नाही करत हैं ? एसी शङ्का होय ताकी निवृत्तिकेलिये कहत हैं जो स्वस्थता होय एसो वाक्य भगवान्कुं कर्तव्य नाही हे. क्यों जो भगवान् दयालु हैं तासूं विरुद्ध न होंय. इतनें, नारदजीके कषाय पक्व नाही भये हते परन्तु शुद्धभाववारे हते तासूं स्वस्थता होयवेकेलिये तिरोहित होयकेही वाक्य कहिके स्वस्थ किये हैं. ओर यहां तो अन्तर्गृहगताकी नाई विनको प्रतिबन्ध हे सो तत्काल निवृत्त करनो हे सो प्रतिबन्ध विरहके तापके दुःखसूं ओर भीतर आविर्भाव भयेके आलिङ्गनके सुखसूंही निवृत्त करनो हे. क्यों जो विनको भाव उत्कट हे. तासूं एसे भक्तनकुं वाक्य कहिकें स्वस्थता करें तो अन्तर्गृहगतानको जेसें शीघ्र फल मिल्यो तेसें नाही मिले, तो दयालुपनमें विरोध आवे. तासूं स्वस्थताको वाक्य भगवान्कुं कर्तव्य नाही हे ॥१३॥

एसें भक्तिमार्गीय स्रयासके स्वरूपको साधन ओर फलके प्रकारको विचार करिके उपसंहार करत हैं:

स्रयासनिर्णयः

३७६

दुर्लभोऽयं परित्यागः प्रेम्णा सिद्ध्यति नान्यथा ॥

अयं = ये, परित्यागः = त्याग दुर्लभः = कष्टसाध्य हे
 प्रेम्णा = प्रेमसों अन्यथा = ओर कोई तरहसों
 सिद्ध्यति = सिद्ध होवे हे न = नाही (सिद्ध्यति = सिद्ध होय हे)

भावार्थ : या प्रकारको ये भक्तिमार्गीय स्रयास दुर्लभ हे. सो प्रेमसूंही प्राप्त होय सके हे, तप दान आदि साधनसूं दुष्प्राप्य हे.

टीका : एसें भक्तिमार्गीय यह परित्याग दुर्लभ हे. सो प्रेमकरिकें सिद्ध होय. अन्यथा व्रत, दान ओर तप आदि साधनसूंहु सिद्ध होय सके एसो नाही हे. क्यों जो एसे त्यागकों सिद्ध करिवेको साधन कोउ शास्त्रमें कह्यो नाही हे. केवल प्रेमकरिकेंही सिद्ध होय हे. भगवान्में प्रेम नाही होय तो भक्तिमार्गीय त्याग सिद्ध न होय ॥

ज्ञानमार्गो तु स्रयासो द्विविधोऽपि विचारितः ॥१४ ॥
 ज्ञानार्थम् उत्तराङ्गञ्च सिद्धिर् जन्मशतैः परम् ॥
 ज्ञानं च साधनापेक्षं यज्ञादिश्रवणान्मतम् ॥१५ ॥

ज्ञानमार्गो = ज्ञानमार्गमें पर = परन्तु
 स्रयासः = स्रयास जन्मशतैः = सेंकड़ो बरस पाछें
 तु = तो, ज्ञानार्थो = ज्ञानके अर्थ सिद्धिः = फल
 च = ओर स्यात् = होय हे)
 उत्तराङ्गं = ज्ञानके उत्तराङ्गरूप यज्ञादिश्रवणात् = यज्ञादिके सुनिवेमें
 (इति = एसें) द्विविधः = आयवेसों, ज्ञानं = ज्ञान, च = हु
 दो प्रकारको, अपि = हु साधनापेक्षं = साधनकी अपेक्षावारी
 विचारितः = विचार्यो हे मतं = मान्यो हे

भावार्थ : ज्ञानमार्गमें जो स्रयास हे सो तो ज्ञान होयवेकेलिये(=पूर्वाङ्ग) तथा ज्ञान भये पीछें(=उत्तराङ्ग) एसें दोय प्रकारको कह्यो हे. परन्तु वा दोउ तरहके स्रयास तथा ज्ञान सूं सेंकड़ो जन्ममें मोक्ष मिले हे. ओर यज्ञादिकको श्रवण हे तासूं ज्ञानहु साधनकी अपेक्षा राखे हे

टीका : ज्ञानमार्गमें ज्ञानकेलिये विविदिषास्रयास ओर विद्वत्स्रयास एसे भेदसूं दोय प्रकारके स्रयास कहे हैं. ओर यज्ञादिकको श्रवण हे तासूं ज्ञानहु साधनकी अपेक्षा राखे हे; इतनें ज्ञानरूप फलकी सिद्धि सेंकड़ो वर्षन्में होय हे. सो गीताजीमें कह्यो हे जो “ज्ञानवान् हे सो बहोत जन्मन्के अन्तमें ये सर्व वासुदेव हे एसें जानिके मेरी शरणमें आवत हे, सो महात्मा अत्यन्त दुर्लभ हे”. तामें सब वासुदेवरूप हे, एसी शरणागति ज्ञानवान्कुं बहोत जन्मके अन्तमें होयवेको कह्यो हे ॥१५ ॥

अब कलियुगमें स्रयाससूं कछु फल सिद्ध नाही होय हे सो कहत हैं:

अतःकलौ स स्रयासः पश्चात्तापाय नान्यथा ॥
 पाषण्डित्वं भवेत् चापि तस्मात् ज्ञाने न स्रयसेत् ॥१६ ॥
 सुतरां कलिदोषाणां प्रबलत्वाद् इति स्थितम् ॥

अतः = यासों, कलौ = कलिकालमें अपि = हु, भवेत् = होय
 सः = वो, स्रयासः = स्रयास तस्मात् = तासों, कलिदोषाणां =
 पश्चात्तापाय = पश्चात्तापके अर्थ कलिके दोषन्के, सुतरां = वेसेहु
 (भवति = होय हे) प्रबलत्वात् = प्रबल होयवेसूं
 अन्यथा = ओर कोई प्रकारसों ज्ञाने = ज्ञानमें, न = नाही
 (च = तो) न = नाही स्रयसेत् = स्रयासी होनों
 च = ओर, पाषण्डित्वं = पाखंडिपनों इति = एसी, स्थितम् = स्थिति हे

भावार्थ : तासूं ज्ञानमार्गीय स्रयास कलियुगमें पश्चातापकेलियेही होय हे अन्यथा नाही. ओर पाषंडिपनोहु होय हे. तासूं ज्ञानमार्गमें स्रयास ग्रहण न करे. क्यों जो कलिके दोष अतिशय प्रबल हैं. तासूं ज्ञानमार्गमें स्रयास कर्तव्य नहीं हे.

टीका : इतनें, ज्ञान हे सो कर्म, ध्यान तथा भक्ति रूप साधनकी अपेक्षा राखत हे. तामें प्रमाण कहत हैं जो ज्ञानकी उत्पत्तिमें सब साधनकी अपेक्षा हे. जेसैं कोउ दूरदेशमें प्राप्त होयवेमें अश्वादिककी अपेक्षा होत हे एसैं ज्ञानकी प्राप्तिमेंहु सब साधनकी अपेक्षा हे. क्यों जो निष्कामकुंहु यज्ञादि करिवेको श्रुतिमें कह्यो हे. तासूं केवल शम-दमादिककरिकें ज्ञान प्राप्त नहीं होय हे; किन्तु आश्रमके अनुसार कर्महु सङ्ग होय तब ज्ञान प्राप्त होयवेको व्याससूत्रमें कह्यो हे. एसैं विविदिषा स्रयास विषे कहिके विद्वत्स्रयास विषे कहत हैं:

“ज्ञानसूंही मोक्ष होय हे” एसैं वाक्यसूं ज्ञानकी सिद्धि होय ता पाछें मुक्तिरूप फल सिद्ध होय हे. तासूं विद्वत्स्रयास मुक्तिको अङ्ग हे. यद्यपि विद्वत् स्रयास मुक्तिको अङ्ग हे तथापि गीताजीके वाक्यमें ज्ञानवारेकुं बहोत जन्म अन्तमें शरणागति होयवेको लिख्यो हे. ओर शरणागतिकुं भक्तिपनों हे तासूं भक्ति विना केवल ज्ञान मुक्तिको साधन नहीं हे. ओर यज्ञ चित्तकी शुद्धिको कारण हे. सो निष्काम कियो होय तबही चित्तकी शुद्धि करे हे. एसो निष्काम यज्ञ करे तबही चित्त शुद्ध होयके ज्ञान प्राप्त होय हे.

ज्ञानमार्गमें विविदिषा स्रयासमें साधनकी अपेक्षा बहोत रहत हे. तासिवाय ज्ञानको उदय न होय. तथाऽपि दुराग्रहसों यदि कोउ स्रयास ग्रहण करे तो वेसो स्रयास पश्चात्तापकेलियेही होय हे; इतनोही नहीं परन्तु पाषण्डिपनोहु होय हे. क्यों जो शम - दमादिक कछु सिद्ध न भये होंय ओर स्रयास ग्रहण करे तब भिक्षादिककी शुद्धि होय नहीं. तासूं अन्तःकरणमें अन्नदोषकी सहायतासूं अन्तःकरणकी मलिनता विशेष होयवेसूं काम-क्रोधादिक होयके धर्मसूं पात होय हे. ओर विद्वत्स्रयास तो कलियुगमें सम्भवही नहीं हे, तासूं कलियुगमें स्रयासको निषेध करनहारे शास्त्रकारननेंही एसो निषेध कियो हे जो कलियुगमें स्रयास नहीं करनों. क्यों जो स्रयास में इतनो प्रयत्न हे एसैं जानिकेहु अपनी प्रतिष्ठाकी वृद्धिकेलिये स्रयास ग्रहण करे तो स्रयासाश्रमके धर्म निभि सके नहीं. इतनें वेषमात्रमें स्रयासको

स्रयासनिर्णयः

३७९

पर्यवसान होयवेसूं पाषण्डिपनो होय. तासूं ज्ञानमार्गमें स्रयास ग्रहण न करे. एसैं ज्ञानमार्गमें स्रयास ग्रहण करिवेमें बाधक हे; तथापि आग्रहसों स्रयास ग्रहण करे तो कलिके दोष अतिशय प्रबल होयवेसूं वाको पातही होय एसैं शास्त्रकारननें निर्णय कियो हे. इतनें श्रीगीताजी तथा श्रीभागवत ११ स्कन्धमें भगवाननें स्रयासग्रहणकी आज्ञा करी हे तामें विस्तारसूं विवेचन कियो हे. ताकी कर्तव्यताके विचारमें इतनो सिद्ध भयो जो -

- कर्ममार्गमें जैमिनिके मतमें परित्यागकी अकर्तव्यता हे.
- ज्ञानमार्गमें चतुर्थाश्रमके पक्षकरिकें कर्तव्यपनो हे तोहु कलिकालके कारण आश्रमधर्म निभ न सकें तासूं अकर्तव्यता हे.
- ओर भक्तिमार्गमें कर्तव्यपनेसूं कह्यो हे तोहु स्रयासके स्वरूप तथा धर्म सूं विरोध होयवेसूं श्रवणादिककी सिद्धिकेलिये स्रयासमें स्वरूपसूं त्यागकरिवेकी अकर्तव्यता हे.
- तेसैं प्रभून्में स्नेह सिद्ध करिवेकेलिये त्याग करिवेमेंहु स्रयासके स्वरूप तथा धर्म सूं विरोध हे तासूं स्रयासकी अकर्तव्यता हे.
- ओर प्रभून्में प्रेम भये पीछे तो स्वतःही त्याग सिद्ध होय हे तासूं स्रयासकी अपेक्षा नहीं हे.

अब प्रेमकी आरम्भदशामें परित्याग करनों के नहीं ? ताको विचार प्रश्नकी रीतिसूं करत हैं:

भक्तिमार्गंऽपि चेत् दोषः तदा किं कार्यमुच्यते ॥१७॥

अत्रारम्भे न नाशः स्यात् दृष्टान्तस्याप्यभावतः ॥

स्वास्थ्यहेतोः परित्यागात् बाधः केनाऽस्य सम्भवेत् ॥१८॥

भक्तिमार्गं = भक्तिमार्गमें

अत्र = यहां

अपि = हु, दोषः = दोष

आरम्भे = प्रारम्भमें

तदा = तब, किं = कहा

नाशः = नाश, न = नहीं

कार्यं = करनो, इति = एसो

स्यात् = होय

स्रयासनिर्णयः

३८०

चेत् = होय (तार्हि = तो)	स्वास्थ्यहेतोः = स्वास्थ्यके हेतुके
उच्चते = कहे हैं	परित्यागात् = त्यागसों
दृष्टान्तस्य = दृष्टान्तको	अस्य = याको, बाधः = बाध
अपि = हु	केन = कोनसूं
अभावतः = अभाव होयवेसों	सम्भवेत् = सम्भव होय

भावार्थ : भक्तिमार्गमेंहु कलिदोष आय जांय तब कहा करनो ? एसी शङ्का होय तहां कहत हैं: जो भक्तिमार्गीय स्रयासके आरम्भमें नाश न होय. क्यों जो भक्तिमार्गमें प्रवृत्त भयेको नाश भयो होय एसो दृष्टान्त नहीं मिले हे. ओर स्वस्थताके हेतुको परित्याग हे, तासूं वाको बाध कोनकरिकें सम्भवे ? नहीं सम्भवे.

टीका : इतनें, जो दोष ज्ञानमार्गमें कह्यो सोही दोष भक्तिमार्गमें आवे तब कहा करनो ? एसी शङ्का होय तहां कहत हैं जो भक्तिमार्गमें त्यागके आरम्भमें नाश नहीं हे. क्यों जो ज्ञानमार्गमें त्यागके आरम्भ करिवेवारेकुं दुःसङ्ग ओर सहायक आदिकरिकें नाशको सम्भव हे. परन्तु भक्तिमार्गमें तो त्यागको आरम्भ करिवेवारो अलौकिक भगवद्भाव करिकें पूर्ण हे, तासूं दुःसङ्गकी सम्भावनाहु नहीं हे तासूं वाको नाश नहीं होय हे.

तहां शङ्का होय जो दुःसङ्ग नहीं होयवेसूं दुःसङ्गसूं जो नाश होयवेवारो हे ताकी तो सम्भावना नहीं हे; परन्तु काल, कर्म ओर स्वभाव करिकें नाश होय तो कहा करनो ? एसी शङ्काकी निवृत्तिकेलिये कहत हैं जो मर्यादामार्गीय त्याग करिवेवारे आग्नीघ्र ओर भरतादिकन् को कालादिककरिकें नाश भयो हे सो जेसैं देखिवेमें आयो हे तेसैं शुद्धपुष्टिमार्गीयनको नाश भयो होय एसो कबहु सुनिवेमें आयो नहीं हे. क्यों जो कोउको नाश भयो नहीं हैं. ओर भक्तिमार्गको त्याग भगवद्धर्म हे सो निमिराजाने श्रीभागवत ११ स्कन्धके द्वितीयाध्यायमें (भगवद्धर्म कहो, एसो) प्रश्न कर्यो ताके उत्तरमें कवियोगेश्वरनें कह्यो हे जो “भगवान्ने आपकी प्राप्तिकेलिये उपाय नहीं जानिवेवारेनकुं श्रम विना हि आपकी प्राप्ति होय एसे उपाय जो कहे हैं ते भगवद्धर्म हैं एसे जानो” एसैं कहिके फेरि कह्यो हे

जो “जिन धर्मन्में रहिके काहु बिरियां जीव प्रमादयुक्त नहीं होय हे. नेत्र मुंदिके दोड़तो होय तोहु वाकुं ठोकर न लगे ओर वो गिरेहु नहीं” यहांसूं आरम्भ करिके “लज्जा रहित होयके भगवद्गुणनके गान करत - करत असङ्ग होयके फिरे” यहां तांइ भगवद्धर्म कह्यो हे. तहां त्यागकोहु बोधन हे तासूं भगवद्धर्मके आरम्भमेंहु नाश नहीं हे.

तहां शङ्का होय जो भगवद्धर्मके आरम्भमें भले नाश न होय; तथापि देहरक्षाकेलिये भिक्षादिककी आवश्यकता होयवेसूं फलमें विलम्ब होय एसो बाध होयगो सो केसे निवृत्त होयगो ! एसी शङ्काकी निवृत्तिकेलिये कहत हैं जो त्याग करिवेवारेकुं स्वस्थताके कारणरूप चार्यो वर्णन्में भिक्षाकोहु त्याग हे. ओर माला - चन्दन इत्यादिकनकोहु त्याग हे, तासूं बाध काहेसूं होय ! नहीं होय. क्यों जो भगवान्के विप्रयोगके तापसूं भक्तिमार्गीय त्याग होय हे सो तापकी बाह्य पदार्थसूं निवृत्तिहु नहीं होय हे. तासूं काहुसूंहु वाको बाध न होय ॥१७-१८॥

एसैं दृष्ट ओर अदृष्ट उपायसूं वाको नाशक कोउ नहीं हे एसैं कहिके भगवान्हु अथवा भगवान्की मायाहु वाको बाध नहीं करि सकत हे सो कहत हैं:

हरिर् अत्र न शक्नोति कर्तुं बाधां कुतोऽपरे ॥
अन्यथा मातरो बालान् न स्तन्यैः पुपुषुः क्वचित् ॥१९॥

अत्र = यहां	अन्यथा = नहिं तो
हरिः = श्रीकृष्ण (अपि = हु)	मातरः = माताएं
बाधां = बाधाकुं	बालान् = बालकनकों
कर्तुं = करिवेकुं, न = नहीं	स्तन्यैः = दूधसों
शक्नोति = शक्तिमान हैं	क्वचित् = कोउ समय
अपरे = ओर कोई	अपि = हु, न = नहीं
कुतः = कहांसों	पुपुषुः = पोषित करें

भावार्थ : या मार्गमें हरि स्वयंहु बाध करिवेमें समर्थ नहीं हे तो दूसरो कैसे बाधा करि सकेगो ? ओर यदि हरि बाधा करें तब तो (वो एसी बात कही जायगी के स्वयं) माताहु स्तन्य करिकें बालकनको पोषण न करे.

टीका : इतने, हरि सर्वदुःखहर्ता हैं सोहु या मार्गमें ईश्वर होयवेपेहु बाधा करिवेकुं समर्थ नहीं होय हैं. क्यों जो जाको जेसो स्वरूप हे ताको तेसो ज्ञान इश्वरकुंही हे तासूं या भावके नाशमें कारणको अभाव हे, एसेहु प्रभु जानत हैं. ओर आप भक्तनके भावके आधीन हैं सोहु जानत हैं, तासूं आपको अशक्तपनो जानिके बाध करिवेमें प्रवृत्तहु नहीं होय हैं. जहां भगवानसूंहु बाध न होय तहां ओरसूं तो बाध कैसे होय सके ? तहां दृष्टान्त देत हैं जो भगवान् बाध करें तो माताहु स्तन्यकरिकें बालकनको पोषण न करे ! अर्थात् स्वधर्मकुं उत्पन्न करिवेवारे तथा वाकी रक्षा करिवेवारे प्रभुही जब बाधा करें तब बालकनकुं उत्पन्न करिवेवारी तथा विनकी रक्षा करिवेवारी माताहु स्तनके दूधसूं बालकको पोषण न करे. यासूं एसे सिद्ध भयो जो काहुसूं वाको नाश न होय.

‘ज्ञानिनामपि’ वाक्येन न भक्तं मोहयिष्यति ॥

आत्मप्रदः प्रियश्चाऽपि किमर्थं मोहयिष्यति ॥२०॥

ज्ञानिनाम् = ज्ञानिनके	आत्मप्रदः = आत्माको दान
अपि = हु (इति = एसे)	करिवेवारो, च = ओर
वाक्येन = वाक्यसों	प्रियः = प्रिय, अपि = हु
भक्तं = भक्तकों,	(भगवान् भक्तं = भगवान्
न = नहीं	भक्तकों) किमर्थं = क्यों
मोहयिष्यति = मोह करेंगे	मोहयिष्यति = मोह करेंगे

भावार्थ : मार्कण्डेयपुराणमें कह्यो हे जो “ज्ञानीनके चित्तकोंहु, समर्थ एसी देवी, बलसूं खेंचके मोहमें डारि देत हैं”. तासूं भक्तकुं मोह नहीं करेंगे. क्यों जो वा वाक्यमें ज्ञानीनके चित्तकुं मोह करिवेको लिख्यो हे. भक्तनकुं मोह करिवेको

लिख्यो नहीं हे. ओर भगवान् स्वरूपानन्दके देयवेवारे तथा प्रिय हैं, सो क्यों मोह करेंगे ?

इतने, जो जाको प्रिय होय सो वाके कार्यमें विलम्ब होय ताकु सहन करे तब प्रियपनोही होय नहीं. ओर जहां स्वरूपानन्द देयवेकी इच्छा होय वहांही ज्ञानीनकुं मोह करिवेवारी मायासूं रक्षा करत हैं, जहां स्वरूपानन्द देयवेकी इच्छा नहीं हे तहां इच्छा नहीं करत हैं. जेसें द्विजपत्नीनको “प्रभुनकी पास जायके सेवा करेंगे” एसी बुद्धिसूं सर्व सामग्रीके सम्पादन पूर्वक पति प्रभृति सर्व बन्धूनको त्याग करिके आगमन भयो हतो; तथापि विनकुं स्वरूपानन्द देयवेकी इच्छा नहीं होयवेसूं भगवाननें “यहां मनुष्यकुं अङ्गसङ्ग प्रीति ओर स्नेहकेलिये नहीं हे, तासूं मेरेमें मन लगायवेवारे तुम सब थोरे समयमें मोकुं प्राप्त होउगे” एसो वाक्य कहिके ज्ञानमार्ग जेसो उपदेश दियो. ओर ब्रजभक्तनकुं स्वरूपानन्द देयवेकी इच्छा विशेष होयवेसूं घरप्रति पाछे जायवेके वचन वेसेंहि कहे; तथापि विनमें रात्रि घोररूप हे, एसें कहिकें “रात्रिमें स्त्रीयनसूं पाछो जायो न जाय एसो चन्द्रमाके किरणसूं रञ्जित वन तुमने देख्यो” एसें कहिकें उद्दीपनविभावकुं बतायके रहिवेको ओर “लोककी इच्छावारी स्त्रीनकुं चाहे-जेसो पति होय तोहु छोडनो नहीं, वाके बन्धूनको शुश्रूषण तथा प्रजाको पोषण करनों” एसें कहिके लौकिक इच्छावारेनके धर्म बतायके (स्वरूपानन्दको दान करिवेकी) अपनी इच्छावारेनकुं पृथक् सूचित किये. तासूंही द्विजपत्नीनकुं मोह भयो, सो वे चलिगई ओर ब्रजभक्तनकुं मोह न भयो तासूं विननें प्रत्येक वाक्यनको भगवानकुं उत्तर दियो. तेसेंही उद्धवजीके सन्देशके प्रश्नमेंहु भगवाननें ज्ञानमार्गीय जेसो सन्देश पठायो; तथापि ब्रजभक्तनकुं मोह न भयो. तब उद्धवजीनें श्रीगोपीजननकी श्रीकृष्णके आवेशवारे आत्माकि विकलता देखी तब अपने जो सन्देशद्वारा उपदेश कह्यो हतो ताकी निष्फलता ओर विप्रयोगके तापकी अति प्रबलता देखिके विनमें सबनसूं अधिक ओर अनिर्वचनीय उत्कर्ष देख्यो, ओर अपनमें हीनताकी स्फूर्ति भई. विनके साक्षात् चरणनके स्पर्श करिके नमन करिवेकीहु अपनी अयोग्यता जानिकें विनके चरणरेणुको वन्दन कियो. तामेंहु बहोत रेणूनकुं वन्दन करिवेमें अपनो अधिकार नहीं जानिके एक रेणुकुंही वन्दन कियो हे. तासूं जहां स्वरूपानन्द देयवेकी प्रभुनकी इच्छा होय वहां ज्ञानमार्गीय वाक्यनसूं मोह नहीं होय हे ॥२०॥

एसें स्रयासनिर्णयको प्रतिपादन करिकें वाको उपसंहार करत हैं:

तस्मात् उक्तप्रकारेण परित्यागो विधीयताम् ॥
 अन्यथा भ्रश्यते स्वार्थाद् इति मे निश्चिता मतिः ॥२१॥
 इति कृष्णप्रसादेन वल्लभेन विनिश्चितम् ॥
 स्रयासवरणं भक्तौ अन्यथा पतितो भवेत् ॥२२॥

॥ इति श्रीवल्लभाचार्यविरचितः स्रयासनिर्णयः समाप्तः ॥

तस्मात् = तासों	मतिः = मति हे
उक्तप्रकारेण = कहे प्रकारसों	इति = या प्रकारसों
परित्यागः = त्याग	वल्लभेन = श्रीमहाप्रभुजीद्वारा
विधीयतां = करनों	कृष्णप्रसादेन = श्रीकृष्णकी कृपासों
अन्यथा = नाही तो	भक्तौ = भक्तिमें
स्वार्थात् = स्वार्थसों	स्रयासवरणं = स्रयासको वरण
भ्रश्यते = च्युत होंय	विनिश्चितं = विशेषरूपसों निश्चित भयो
इति = एसी, मे = मेरी	अन्यथा = ओर प्रकारसों
निश्चिता = निश्चित	पतितः = पतित, भवेत् = होय

भावार्थ : भक्तिमार्गीय स्रयासको प्रकार एसो हे. तासूं प्रभुनके विरहको अनुभव करिवेकेलिये उपर कहे प्रकारसूं त्याग करनो. यदि एसे नाही करेंगे तो स्वार्थसूं भ्रष्ट होंयगे एसी मेरी निश्चित मति हे. एसें श्रीकृष्णके प्रसादकरिकें श्रीवल्लभाचार्यजीने भक्तिमार्गमें स्रयासको वरण निश्चित कियो हे. वारीति बिना दूसरी रीतिसूं स्रयास करिवेवारी पतित होय.

टीका : इतनें स्रयासके दूसरे सब प्रकार दोष सहित ओर असम्भवित हें, तासूं येही प्रकार स्रयासको हे जो भगवान्ने उद्धवजी प्रति कह्यो हे. वाही प्रकारसूं स्रयास करनो. ओर जो एसो अधिकार न होय तोहु त्याग करे तो स्वार्थसूं भ्रष्ट होय जाय एसे निश्चयवारी मेरी बुद्धि हे. क्यों जो एसो त्याग उद्धवजीने कियो हे सो तृतीयस्कन्धके चतुर्थाध्यायमें निरूपित हे. जो “भगवान्के विरहसों जाको आत्मा

स्रयासनिर्णयः

३८५

आतुर हे एसो में यहां आयोहुं सो में भगवान्के दर्शनको आह्लाद ओर वियोगकी आर्ति करिकें युक्त हुं” एसें विदुरजी प्रति उद्धवजीके वाक्यसूं ऊपर त्यागको स्वरूप कह्यो. ता प्रकारको त्याग ही देख परत हे एसो त्यागको स्वरूप श्रीकृष्णके प्रसादसूंही जान्यो जाय एसो बतायवेकेलिये मूलमें “श्रीकृष्णके प्रसादसूं” कहिवेकी श्रीमहाप्रभुनें आज्ञा करी हे. तासूं भक्तिमार्गमें स्रयास भगवान्को वरणरूपही हे. ओर यदि भक्ति विना त्याग करे तो पतित होय.

ग्रन्थके प्रारम्भमें परित्यागको विचार कियो जाय हे एसे कह्यो हे; ओर समाप्तिमें उक्त प्रकारसूं परित्याग करिवेको कह्यो हे; ता पीछें श्रीकृष्णके प्रसाद करिके स्रयासको निश्चय करिवेको कह्यो हे तासूं एसो सूचित होय हे जो श्रीआचार्यचरणनकुं देह-देशके परित्याग विषयक दोय आज्ञा भगवान्की भई हती ता प्रामाण नाही करिवेको खेद हतो. तहां जब लोकपरित्याग विषयक तीसरी आज्ञा भई तब वा आज्ञाके वाक्यार्थको विचार करिके जा प्रमाण आज्ञा भई वाही प्रकार करिके श्रीआचार्यजीने कियो, तब भगवान् विशेष प्रसन्न होयके श्रीआचार्यजीके मनमें स्रयासके स्वरूपकी सफूर्ति करी, वाकोही बोध अन्तिम श्लोकमें हे.

से ताको अभिप्राय एसो हे जो पूर्वोक्तप्रकारसूं जो परित्यागको विचार कियो ताकरिकें भगवान्को प्रिय एसो जो में, वानें भक्तिमार्गमें उद्धवजीकीसी नाई स्रयासको अङ्गीकार निश्चित कियो हे. ओर उद्धवजीकुं “सब छोड़िकें मेरेमें मन प्रविष्ट करिकें पृथ्वीमें फिर” एसी भगवान्की आज्ञा भई हती ता प्रमाण आज्ञा न होय ओर स्रयास ग्रहण करे तो पतित होय. क्यों जो भक्तिमार्गके ओर स्रयासके धर्म परस्पर विरुद्ध होयवेसूं भगवान्की आज्ञा विना ओर अन्तःकरणमें भगवान्के विप्रयोगको भाव न भयो होय तोहु स्रयास ग्रहण करे तो भक्तिमार्गसूं च्युत होय ॥२१-२२॥

इति श्रीमद्वल्लभाचार्यजी कृत स्रयासनिर्णयकी

गोस्वामी श्रीनृसिंहलालजी महाराज विरचित

संक्षिप्त भाषाटीका समाप्त भई

स्रयासनिर्णयः

३८६

॥ निरोधलक्षणम् ॥

(२०)

अब निरोधलक्षणमें प्रथम निरोधके स्वरूपको विचार कर्तव्य है. तामें ज्ञानमार्गमें तो वैराग्य पूर्वक यम-नियमादिकन्सों इन्द्रियन्को निग्रह कियेसूं ज्ञानमार्गीय साधन कियेसूं विज्ञान होय तब निरोधको फल मिले है. भक्तिमार्गमें यम-नियमादि साधनको अभाव होयवेसूं निरोधकी सिद्धि कैसे होय ? एसी शङ्काके समाधानपूर्वक निरोधके स्वरूप - साधनादि; ओर निःसाधनरूप अपने मार्गमें निरोधको फल कैसे सिद्ध होय सो श्रीमहाप्रभुजी आज्ञा करत हैं. तामें श्रीभागवतके दशमस्कन्धको निरूपण करती बिरियां “निराधोऽस्यानुशयनं प्रपञ्चे क्रीडनं हरेः” इतने या प्रपञ्चमें प्रभुकी जो क्रीडा वाकों ‘निरोध’ कह्यो है. सो निरोध तो लीलासृष्टिमें स्थित जो भक्त उनकुं प्रपञ्चविस्मरण पूर्वक सकलेन्द्रियन्को प्रभुमें निवेश भयो हतो तेसें होय तब होय है. एसें दशमस्कन्धमें भक्तन्की चित्तवृत्तिको निरोधही भक्तिमार्गीय निरोध कह्यो है. तामें प्राकट्यदशामें जिनकों साक्षात् अङ्गीकार भयो है, पुष्टिमार्गीय भावको अङ्कुर जिनके हृदयमें वर्द्धमान है एसे परम भाग्यवारे; ओर ब्रजके सम्बन्धवारेन्कों तो स्वरूपसूंहि प्रभुने निरोध कियो. अब प्राकट्यदशा नाहीं होयवेसूं आपने अङ्गीकार किये एसे आधुनिक पुष्टिमार्गीय भक्त, निरोधसाधनके अज्ञानसूं कदाचित् ज्ञानमार्गीय निरोधमें प्रवृत्त होय जांय तो ताकी निवृत्तिकेलिये स्वमार्गीय निरोधमें जाकी अपेक्षा है एसो जो मूलकारण ताको श्रीआचार्यजी निरूपण करत हैं.

यच्च दुःखं यशोदाया नन्दादिनां च गोकुले ॥

गोपिकानान्तु यदुःखं तदुःखं स्यान् मम क्वचित् ॥१॥

गोकुले = गोकुलमें

यशोदायाः = श्रीयशोदाजीकुं

च = ओर, नन्दादीनां =

नन्दरायजी अदिकुं, च = भी

यत् = जो, दुःखं = दुःख

गोपिकानां = गोपिकानकुं

यत् = जो, दुःखं = दुःख

(समजनि = भयो)

तत् = वो, दुःखं = दुःख

क्वचित् = कबहुक

(समजनि = भयो)तु = ओर

मम=मोको, स्यात्=होवे

भावार्थ : श्रीगोकुलमें श्रीयशोदाजीकुं, नन्दादिकनकुं ओर श्रीगोपिजननकुं जो दुःख भयो सो मोकुं कबहुं होयगो !

टीका : श्रीगोकुलकों तो प्रभुने नाना प्रकारके विहारकी इच्छासूं उत्पन्न कृपाकारिकेहि पुष्टिमार्गमें अङ्गीकृत कियो है, तासूं पुष्टिमार्गाङ्गीकाररूप भावाङ्कुर वामें हतो. ता भावके स्वभावकारिके दुःखहु वामें रह्यो है, जा दुःखरूप कारणसूं प्रभुको प्राकट्य भयो है. आगें सुखादिकहु भयो है. अबहु एसो निरोध दुःखवेवारे स्वमार्गीयनकुं एसोही दुःख सम्भावनीय है, जो दुःख निरोधकुं सिद्ध करिकें प्रभुके प्राकट्यको साधक है. तासूं वा दुःखकी सर्वदा सम्भावना करिके श्रीमहाप्रभुजी स्वमार्गीयनकुं लक्षणावृत्तिसूं सूचित करत हैं.

भगवद्विरहसूं भक्तके हृदयमें प्रकट होतो दुःख ब्रह्मानन्दकुंहु तुच्छ करिवेवारे होयवेसूं सर्वोत्कृष्ट है. ओर अतिदुर्लभ होयवेसूं वाकी सम्भावनामात्र करी है, परन्तु प्रार्थना नाहिं कीनी है. तामेंहु सर्वदा नाहिं किन्तु कदाचित् होय एसें कह्यो है. यदि एसो दुःख हृदयमें प्रकट होइ जाय तो फेर कहा कहेनो ? तासों वा दुःखकी सर्वदा उत्कण्ठा करनी एसें सूचन कियो है.

भगवद्विरहजन्य दुःख तो श्रीमातृचरण ओर श्रीनन्दादिकन् कुं प्रभुके प्राकट्यके पहिले पुत्ररूपसों प्रभुको प्राकट्य, तापीछें विनके लालन-क्रीडन-अवलोकन प्रभृति सम्बन्धि नानाप्रकारके मनोरथरूप हतो ही. तेसें ही श्रीस्वामिनीजी प्रभृतीनें हु प्रभुके प्रकट होयवेकी आशासूं नाना प्रकारके मनोरथ मनमें करि राखे हते तासों विन मनोरथजन्य दुःखहु विनकों प्रभुके प्राकट्यके पहिले हु हतो. आप प्रकट भये ता पीछेहु पूतनादिकन्की क्रूरदृष्टि प्रभुनें परिवेके कारण, क्रीडामें प्रभुकी आसक्तिसों भोजनादिकमें विलम्बकरिवेके कारण, गोचारणार्थ पथारें तब पाछें संजा पर्यन्त दर्शन नाहिं होइ सकिवेके कारण एसें अनेक प्रकारके दुःख ब्रजभक्तन्कों प्रभु प्रकट भये पाछें हु होते हते. सो सब दुःख ‘यत्’ शब्दसूं सङ्ग्रहीत किये हैं. सो विस्तारके भयसूं यहां नाहिं लिखसके हैं. (विशेष जिज्ञासा होइवेपे श्रीगोकुलनाथ

प्रभुचरणकी संस्कृत टीकाको अवलोकन करना) ॥१॥

एसे इनके दुःखकी सम्भावना करिकें तापीछें उत्पन्न भये अनिर्वचनीय सुखकीहु सम्भावना द्वितीय श्लोकसू करत हैं:

गोकुले गोपिकानां च सवेषां ब्रजवासिनाम् ।
यत् सुखं समभूत् तन् मे भगवान् किं विधास्यति ॥२॥

गोकुले = गोकुलमें	समभूत् = आछीभांतिसूं भयो
गोपिकानां = गोपिकानकुं	तत् = वो, सुखं = सुख
च = ओर, सवेषां = सभी	किं = कहा, भगवान् = भगवान्
ब्रजवासिनां = ब्रजबासीनकुं	मे = मोकुं
यत् = जो, सुखं = सुख	विधास्यति = करेंगे ?

भावार्थ : श्रीगोकुलमें श्रीगोपीजनकुं ओर सब ब्रजवासीनकुं जा आछि भांतिसूं सुख भयो वा सुखको दान प्रभु मोकुं करेंगे ?

टीका : पूर्वश्लोकमें वर्णित दुःख प्रभुके प्राकट्यमें कारण हे. कारणरूप दुःख पहिले भये पीछें प्रभु प्रकटे हैं तापीछें सब सुखरूप होय हे. सो सुख बालभावसूं लेयके “प्रेखपर्यङ्क ...”में आन्दोलन, रिङ्गण, दधि-दुग्धादि चौर्यादि लीला, वत्सगोचारादि, वेणुगीत, गोवर्द्धनोद्धरण आदि सब लीला भक्तमनोरथकुं पूर्ण करिवेकेलिये होयवेसूं सुखरूप हैं. ता पीछें विप्रयोग भये पीछेंहु प्रभुकी लीलाको स्मरण करिवेसूं तादात्म्य भयेसूं दुःखको भान नाहीं रह्यो. तासूं सर्वसूं विलक्षण विप्रयोगात्मक सुख श्रीस्वामिनीजी प्रभृतीनकुं ओर सब ब्रजवासीनकुं श्रीगोकुलमें आछीभांति मिल्यो हतो. वाहि सुखकी या श्लोकमें आपश्री अपनेलिये सम्भावना करत हैं. या श्लोकमें वर्णित सुख अति दुर्लभ हे तथापि सर्वसामार्थ्यवान् प्रभूनमें आगें जेसैं आपतेंही भक्तनकुं दियो एसें अबहु आपके सामर्थ्यसूं सो सुख देयगें एसें जतायवेकेलिये मूलमें ‘भगवत्’पदको ग्रहण कियो हे ॥२॥

एसें निरुद्धनके दुःख ओर सुख के अभिलाषाकी अपनेमें सम्भावना करिकें एसो सुख भये पीछें विप्रयोगजन्य दुःखमें विलक्षण सुख उत्पन्न करिवेवारी काहुप्रकारको उत्सव होय हे जाकी तृतीयश्लोकमें सम्भावना करत हैं:

उद्धवागमने जात उत्सवः सुमहान् यथा ॥
वृन्दावने गोकुले वा तथा मे मनसि क्वचित् ॥३॥

वृन्दावने = वृन्दावनमें	उद्धवागमने = उद्धवजीके आयवेपें
वा = ओर, गोकुले = गोकुलमें	यथा = जा प्रकारसूं
सुमहान् = बहोत बड़ो	तथा = वा तरहसूं
उत्सवः = उत्सव	मे = मेरे, मनसि = मनमें
जातः = भयो	क्वचित् = कभी (स्यात् = होय)

भावार्थ : उद्धवजीके आगमनसूं वृन्दावन ओर श्रीगोकुल में जेसें महान् उत्सव भयो एसो मेरे मनमें कबहुं होयगो ?

टीका : जेसें पति विदेश गयो होय सो वहांसूं अपने सेवककुं घर भेजे तब वाकी माता प्रभृतिकुं ओर विशेष करिकें वाकी स्त्रीके मनमें अपने स्वामिके स्मरणसूं उत्पन्नभये औत्सुक्यविशेषसूं उत्सव होयवेकी लोकमें रीति हे. यहां प्रस्तुतमेंहु भगवद्भाववारे ओर प्रभुके सन्देश लेयके आयवेवारे उद्धवजी उत्सवरूप हैं. विनके आगमनसूं बड़ो उत्सव भयो. ये भगवदीयको आगमन; ओर प्रभुको सन्देश सब अलौकिक होयवेसूं अनिर्वचनीय उत्सव भयो एसें मूलके ‘महत्’ शब्दसूं जान्योजाय हे. तामें श्रीवृन्दावनमें श्रीस्वामिनीनकुं उत्सव भयो ओर श्रीगोकुलमें मातृचरणादीनकुं उत्सव भयेको समज लेनो. उत्सव मानसधर्म होयवेसूं मनमें होयवेकी अभिलाषा राखिवेकी आज्ञा मूलश्लोकमें करी हे. भगवदीयकुं प्रभुके सम्बन्धवारे (भक्त)के समागममें, साक्षात् प्रभु पधारे एसो उत्साह सर्वप्रकारसूं राखनो चाहिये. एसें न मानिवेसूं भगवदीयत्व न रहे एसो सिद्धान्त हे. श्रीगोकुलवासी सब तथा श्रीस्वामिनीजी

प्रभृति तो सर्वथा प्रपन्न हते. विनकुं उद्धवजीके आगमन पीछे भये सुमहान् उत्सवसूं पहिले “ये भगवद्वेषधारी कोन हे ?” एसे विस्मयसूं उत्कण्ठारूप उत्सव भयो. तापीछें जब उद्धवजीकुं भगवदीय जानें तब “हमारे पतिसों सम्बन्धित व्यक्ति हमारे घर आये हैं. तामेंहु परम भक्त हैं ओर निरन्तर पास रहिवेवारे हैं” एसें जान्यो. तब तो “हमारे बड़े भाग्य जो ये प्रभुके समाचार लेयके आये हैं ओर प्रभूननें ही पठाये होयगें, एसें न होय तो सेवक कबहु स्वामिके चरणकुं न छोडे. तासूं प्रभुकीहु हमारे उपर कृपा हे. क्यों जो कृपा न होय तो भगवदीयको आगमन न होय. ओर भगवद्भक्त जामें न आवे सो घरहि न कहवावे. जा घरमें भक्त आवे वामें भक्तके स्नेहसूं प्रभुहु पधारे हैं” इत्यादि विचारसूं उद्धवजीकुं जब भगवदीय जानें तब विनको सत्कार करिवेको उत्साह भयो. एसो उत्सव दुर्लभ होयवेसूं श्लोकमें ‘क्वचित्’ पद कह्यो हे. तासों आधुनिक निरोधमार्गीयनकुंहु भगवदीयके सङ्गके अभावको दुःख मनमें राखिवेकी श्रीमहाप्रभुजी आज्ञा करत हैं. एसें करते सर्वप्रकारसूं चित्तको निरोध होय तब प्रभु प्रकट होयके सुखकोहु दानकरेंगें एसो भाव या श्लोकसूं जान्यो जाय हे ॥३॥

यहां शङ्का करे हैं जो ज्ञानमार्गमें तो चित्तको जब निरोध होय तब ध्यानादिकरिंके आत्मसुख होय हे; ओर या भक्तिमार्गमें तो दुःखकरिंके चित्तको निरोध होय तोहु दुःखही रहे हे, वामें कोनसो उत्कर्ष हे ? एसी शङ्काको समाधान अब करत हैं:

महतां कृपया यावद् भगवान् दययिष्यति ॥
तावद् आनन्दसन्दोहः कीर्त्यमानः सुखाय हि ॥४॥

महतां = बड़ेन्की	इच्छा करेंगे, तावत् = तबतांइ
कृपया = कृपासूं	कीर्त्यमानः = जिनको कीर्तन
भगवान् = भगवान्	कर्यो जारह्यो हे वो
यावत् = जबतांइ	आनन्दसन्दोहः = आनन्दके सागर
दययिष्यति = देयवेकी	सुखाय = सुखरूप, हि = ही

भावार्थ : बड़ेन्की कृपाकरिंके जबतांइ प्रभु दया करेंगे तबलों कीर्त्यमान (कीर्तन

निरोधलक्षणम्
३९१

कराते) आनन्दके निधि प्रभु सुखरूप होय हैं.

टीका : भगवदीयके दर्शनमात्रसूं जिनकुं बड़ो उत्सव होय हे ओर सर्वदा भगवदावेशसूं आपही उत्सवरूप हैं वे अन्तरङ्ग भक्त महान कहे जाय हैं. विनकी कृपातें प्रभु जब दया करे हैं तब प्रकट होयके स्वरूपानन्द देय हैं. तब प्रकटित बहोत भाववारे भगवदीयके सङ्ग जिनको कीर्तन कियो जाय हे एसे प्रभु साक्षात् उनके अन्तःकरणमें प्रकट होयके सकल इन्द्रियन्की आसक्ति आपके स्वरूपमें करायके सुखको दान करत हैं. प्रभुको स्वरूप ओर प्रभुके गुण दोउ इकसार हैं. तासों कीर्तन करिवेसूंहु जब प्रभु आनन्द देत हैं तब जब तांइ प्रभुको बाह्य प्राकट्य नाहीं होय तहां तांइ गुणगानही करनो, अन्य कोउ उपाय नाहीं करने एसें या श्लोकसूं जतायोहे.

या श्लोकमें प्रभुकी दया होयवेमें कारण बड़ेन्की कृपा कहि हे. ‘महत्’शब्दसूं श्रीस्वामिनीजी कहे हैं एसे समजनो. अथवा एसे भावात्मक स्वरूप आप (श्रीआचार्यजी) को सूचन करे हैं. तासूं श्रीमहाप्रभुजीकी कृपा भयेसूंही प्रभु आनन्दको दान करें हैं अन्यथा न करें एसोहु सूचन ‘महत्’पदसूं होय हे. तासूं कीर्तनद्वाराहु प्रभुनके गुण ता प्रकारके आनन्दकुं देवेवारे हैं. तासूं गुणगानहि करनो ॥४॥

प्रभुके गुणको गान तो सब कोउ करत हैं, तासूं सबनकुं सुख होय हे, तो फिर निरोधवारेनकुं गुणगानमें कहा विशेष हे ? एसी शङ्काको समाधान अब आगेके श्लोकसूं करत हैं:

महतां कृपया यद्वत् कीर्तनं सुखदं सदा ॥
न तथा लौकिकानां तु स्निग्ध-भोजन-रूक्ष-वत् ॥५॥

महतां = बड़ेन्की	(अस्ति = हैं)तद्वत् = एसे
कृपया = कृपासों	लौकिकानां = लौकिकनके
(भक्तकृतं = भक्तद्वारा होते)	(कीर्तनं = कीर्तन)तु = तो

निरोधलक्षणम्
३९२

कीर्तन = कीर्तन

यद्वत् = जा तरहसू

सदा = निरन्तर

सुखदं = सुख देयवेवारे

स्निग्ध-भोजन-रूक्ष-वत् = धीवारो

भोजन करिवारेकुं रूखो भोजन

करिवे जेसो, तथा = वेसो

न = नाहिं (भवति = होवे हे)

गुणगाने = गुणनके गानमें

सुखावाप्तिः = सुखकी प्राप्ति

जायते = होवे हे

आत्मनि = आत्मामें

न = नाहिं, एव = ही

अन्यतः = अन्य प्रकारसूं, कुतः = कैसे

भावार्थ : बड़ेनकी कृपाद्वारा करे जाते कीर्तन जेसें सदा सुखकुं देवेवारे हैं एसें संसारासक्त लौकिकद्वारा करे जाते कीर्तन सुखद नाहिं होत हैं. जेसें स्निग्ध भोजन शरीरमें सकलेन्द्रियनको पोषण करे हे एसो रूक्षसूं नाहिं होय हे तेसें.

टीका : प्रथमश्लोकमें कहे महान् भगवदीयनकी अपने भावको दान करिवेरूप कृपा, ता करिकें निरोधमार्गीयनद्वारा परस्पर करे जाते भगवद्गुणगान सदा सुखद होत हैं. क्यों जो गुणानुवाद करते बखत भाव बहोत बढिवेसूं सकल इन्द्रियनको स्वरूपहीमें निरोध भयेसूं प्रपंचकी विस्मृतिपूर्वक भक्त भगवदानन्दमें मग्न होय जाय हे. प्रमाणधर्ममें निष्ठावारे भक्त ओर ज्ञानीन् में उपर कह्यो निरोधमार्गीयनके भावको अभाव होयवेसूं कीर्तनादि सुख देवेवारो नाहिं होय हे. लौकिक ओर अलौकिक में जितनो तारतम्य हे इतनो निराधमार्गीय ओर ज्ञानी प्रभृतिमें तारतम्य हे. तासूं निरुद्धनके कीर्तनमें बहोत विशेष हे ॥५॥

यहां शङ्का होय जो कीर्तन सुखदेयवेवारो हे तोहु दुःख तो सदा मित्त नाहिं हे तब गुणगानमें कहा उत्कर्ष हे ? यासूं तो ज्ञानीनकुं सकल इन्द्रिय प्रभृतिको आत्मामें लय भयेसूं अत्यन्त दुःखाभावरूप सुख होय तासों उत्कर्ष प्रमाणसिद्ध दीखे हे ! याको समाधान अब करत हे :

गुणगाने सुखावाप्तिः गोविन्दस्य प्रजायते ॥

यथा तथा शुकादीनां नैवात्मनि कुतोऽन्यतः ॥६॥

यथा = जा तरहसूं

तथा = वा प्रकारकी

गोविन्दस्य = श्रीकृष्णके

शुकादीनां = शुकदेवजी आदिकनकुं

निरोधलक्षणम्
३९३

भावार्थ : गोविन्दके गुणगानमें निरुद्धभक्तनकुं जेसो सुख होय हे एसो आत्मानन्दमें शुकादीनकुं नाहिं होय हे तो भक्तिरहितकुं तो कहांते होय ?

टीका : यद्यपि शुकदेवजीने ये लीला गाथी हे ओर भक्तिरससूं पूर्णहु हैं तोहु ये आनन्द उनकुं प्राप्त न भयो एसें कहिवेकेलिये मूलश्लोकमें श्रीशुकदेवजीको नाम ग्रहण कियो हे. तासूं यह जान्योजाय हे जो ये आनन्द प्रभुकी कृपासोंही प्राप्त होय हे, ओर तरहसूं नाहिं होय हे. तामें भगवद्विरहजन्य दुःखही साधक हे. तासूं दुःखही परमपुरुषार्थरूप हे ओर नाहिं हे. जहां आत्मसुखकी अपेक्षा ये दुःखहु सर्वोत्कृष्ट हे तब या दुःखसों साध्य आनन्दकी उत्कृष्टतामें तो कहा कहेनो ! एसें कैमुतिकन्यायसूं आनन्दको सर्वोत्कृष्टपनो सिद्ध होय हे. अथवा शुकादिकनकुं गोविन्दके गुणगानमें जेसी सुखप्राप्ति होय हे तेसी आत्मानन्दमेंहु नाहिं होय हे तो ओरसूं तो कहांसूं होय ? तासूं शुकदेवजीने कह्यो हे जो “में यद्यपि निर्गुणमें निष्ठावारोहूं तथापि उत्तमश्लोक (भगवान्)की लीलासों मेरो चित्त गृहीत भयो हे तासूं श्रीभागवतरूप बड़ो आख्यान पढ्यो हूं”. यापेसूं एसें सूचित भयो जो आत्मसुखसूंहु भगवद्गुणगानमें अधिक आनन्द हे ॥६॥

दुःख परमपुरुषार्थरूप होयवेसूं सर्वदा प्रभु निरोधमार्गीयनकुं दुःखही देत हैं वा (अथवा) कोउ समय सुखको दानहु करत हैं ? एसी शङ्काको समाधान अब आगेके श्लोकसों करत हैं :

क्लिश्यमानान् जनान् दृष्ट्वा कृपायुक्तो यदा भवेत् ॥

तदा सर्वं सदानन्दं हृदिस्थं निर्गतं बहिः ॥७॥

क्लिश्यमानान् = क्लेशवारनकुं

हृदिस्थं = हृदयमें रहेभये

निरोधलक्षणम्
३९४

जनान् = लोगनकुं

सर्व = सब

दृष्ट्वा = देखिके, यदा = जब

सदानन्द = सदा जो आनन्दमय हैं

कृपायुक्तः = कृपावारे

बहिः = बाहर

भवेत् = रहेभये

निर्गतं = निकले (स्यात् = हैं)

भावार्थ : जब अपने शरणागतनकुं अत्यन्त क्लेशयुक्त देखिके प्रभु कृपायुक्त होय हैं तब सदा आनन्दरूप प्रभु हृदयमें बिराजवेवारो आपको स्वरूप बहार प्रकट करे हैं.

टीका : इतने साक्षात् स्वरूपको सम्बन्ध होयवेकी अभिलाषासूं भक्तमें जब बहोत आर्त्ति (विरह) उत्पन्न होत हे तब क्लेशयुक्त भक्त क्षण - क्षणमें मूर्छा, जागरण आदि अवस्थाको अनुभव करिवे लागत हे. अपने जननकुं कष्टयुक्त देखिके प्रभु जब कृपा करत हैं तब भक्तनकी इन्द्रियनकुं स्वरूपानन्दसूं सर्वाशकरिके पुष्ट करिवेकेलिये भक्तके हृदयमें बिराजते अपने भावात्मक स्वरूपको प्रभु बहार प्रकट करत हैं. एसो ये आनन्द एक कृपासूंही सिद्ध होयवेवारो हे तासूं अत्यन्त दुर्लभ हे ॥७॥

सर्वानन्दमयस्याऽपि कृपानन्दः सुदुर्लभः ॥

हृद्गतः स्वगुणान् श्रुत्वा पूर्णः प्लावयते जनान् ॥८॥

सर्वानन्दमयस्य = सम्पूर्ण आनन्दमय

स्वगुणान् = अपने गुणनकुं

प्रभुको, अपि = हु

श्रुत्वा = सुनिके

कृपानन्दः = कृपारूप आनन्द

पूर्णः = पूर्ण

सुदुर्लभः = कष्टसूं लभ्य

(सन् = होयके)

हृद्गतः = हृदयमें रह्यो भयो

जनान् = लोगनकुं

(सः = वो)

प्लावयते = भरी देत हैं

भावार्थ : सर्वानन्दमयको कृपानन्द अत्यन्त दुर्लभ हे. हृदयमें बिराजवेवारो प्रभु अपने गुणनको श्रवणकरिके पूर्ण होयके अपने जननकुं स्वानन्दनिमग्न करत हैं.

टीका : ब्रह्मानन्द पर्यन्त जहां-जहां आनन्दकी गणना भई हे सो आनन्द जिनकुं प्राप्त भये हैं विनकुंहु कृपानन्द तो सुतरां दुर्लभ हे. मुक्तिप्रभृतिमें मिलवेवारोको आनन्दहु या आनन्दको अंशमात्र हे. अन्य आनन्द साधनसों लभ्य हे ओर ये आनन्द तो एक कृपासों ही प्राप्य होय एसो हे. तासों जब प्रभु वाको दान करें तबही मिल सके हे. तासूं मूलश्लोकमें वाकुं 'सुदुर्लभः' कह्यो हे. इतने ससाधनकुं मिलवेवारो नाहीं हे किन्तु कृपावारेनकुं ही सुलभ हे एसो अर्थहु होय हे. ओर एसे प्रभुके सम्बन्धकी अभिलाषाजनित दुःखसूं भये तापसूं भक्त जब परस्पर गुणगान करें हैं तब वाको श्रवणकरिके हृदयमें बिराजवेवारो प्रभु पूर्णकृपाकरिके बहार प्रकट होयके अपनेनकुं वा रसके समुद्रके तङ्गमें तरण करावत हैं. जा-जा इन्द्रियनमें दुःख भयो होय ता-ता इन्द्रियनमें आनन्दपूर्णता करत हैं ॥८॥

अब ये सब बात कहिवेको प्रयोजन कहत हैं :

तस्मात् सर्व परित्यज्य निरुद्धैः सर्वदा गुणाः ॥

सदानन्दपरैर् गेयाः सच्चिदानन्दता ततः ॥९॥

तस्मात् = तासूं

सर्वदा = निरन्तर

सदानन्दपरैः = सदानन्दपर होयके

गुणाः = गुणनकुं

निरुद्धैः = निरुद्ध होयके

गेयाः = गाने, ततः = वासूं

सर्व = सबकछु

सच्चिदानन्दता = सच्चिदानन्दता

परित्यज्य = छांडिके

(भवेत् = होयेहे)

भावार्थ : तासूं सर्वको परित्यागकरिके सदानन्द श्रीकृष्णमें निष्ठावारे सत्पुरुषनके सङ्ग निरन्तर गुणगान करनों. एसे करिवेसूं सच्चिदानन्दपनी होय हे.

टीका : इतने सर्वसू उक्तृष्ट कृपानन्द मिल्यो हे तासूं ओर सबको त्याग करिके (इतने वासना सहित सब अहन्ता-ममताको त्याग करिके) उद्भट भावसूं निरन्तर गुणगान करनो येही सेवकको सहजधर्म हे. तासूं भगवदानन्दके अभिलाषीनकुं येही निरन्तर करनो.

अब गुणगान करिवेकी आज्ञा तो करी परन्तु लीलाके भेदसों गुण अनेक प्रकारके होयवेसूं केसे गुणको गान करनो ? एसी शङ्काकी निवृत्तिकेलिये कहत हैं जो साक्षात् रसात्मक श्रीपुरुषोत्तम विनके रसात्मक लीलारूप गुणही गान करिवेयोग्य हैं. रसात्मक प्रभुमें निष्ठावारे भगवदीयनकेही सङ्ग गुणगान करनें एसोहु अर्थ होय सके हे. तासूं भगवान्में निष्ठा न होय एसेंनके सङ्ग भगवद्वार्ताहुनाहीं करिवेको सूचन होय हे. एसें दुःसङ्गीनके सङ्ग वार्तादिक करिवेसूं हानिही होय हे. एक क्षणहु अन्यथाभाव नाहीं होयवेकेलिये 'सर्वदा' पद धर्यो हे. तासूं एक क्षणहु भगवद्गुणगान नाहिं छोडनो. एसें करिवेसूं सच्चि- दानन्दता होय हे. जहां ज्ञानमार्गीय परम फलहु गुणगानको आनुषङ्गिक फल हे वहां साक्षात् परम फलकी तो कहा बात करनी ! ॥९ ॥

यहां शङ्का करे हैं जो निरुद्धनकुंहि सर्वपरित्यागपूर्वक गुणगान करिवेकी आज्ञा कीनी परन्तु साधनमें निष्ठावारेनकुं न करी ! ताको समाधान अबके श्लोकसूं करत हैं:

अहं निरुद्धो रोधेन निरोधपदवीं गतः ॥
निरुद्धानां तु रोधाय निरोधं वर्णयामि ते ॥१० ॥

रोधेन = संयमसूं (लौकिके = लौकिकमें)
निरुद्धः = निरुद्ध, तु = तो निरुद्धानां = निरुद्धनके
निरोधपदवीं = निरोधरूप पदकुं रोधाय = रोधकेलिये
गतः = प्राप्त भयो ते = वो, निरोधं = निरोधको
अहं = मैं वर्णयामि = वर्णन करूं हूं

भावार्थ : मैं निरुद्धनके मार्गमें अङ्गीकृत हूं ओर सकल इन्द्रियनको प्रभुमें निरोध करिके निरोधकी पदवी इतने निरोधके फलकुं प्राप्त भयो हूं. तासूं आधुनिक निरोधमार्गीनको निरोध सिद्ध होयवेकेलिये निरोधको वर्णन करूं हूं.

टीका : इतने साक्षात् प्रभूनें मेरो निरोधमार्गमें अङ्गीकार कियो हे, तापाछें सकलेन्द्रियनको रोधकरिकें निरोधके फलकुं प्राप्त भयो हूं. तासूं प्रभूनकी आज्ञासूं आधुनिकनकुंहु निरोध सिद्ध करिवेकेलिये यह तोकुं कहूं हूं. मेरे कहे प्रमाण करिवेसूं निरोधकी सिद्धि सर्वथा होयगी एसें श्रीमहाप्रभुजी या श्लोकसूं सूचित करत हैं. कोउ भाग्यवान्को उद्देश्य करिके आज्ञा करे हैं जो "तेरे अर्थ वर्णन करूं हूं". क्यों जो साक्षात् प्रभूनें मेरो निरोधमें अङ्गीकार किये सूही में याको वर्णन करीसकुं हूं. ओरको ये वर्णन करिवेको सामर्थ्य नाहिं हे एसोहु सूचन होवे हे ॥१० ॥

एसे निरोधके स्वरूपको वर्णन करिके सर्वप्रकारसूं कर्तव्यको निरूपण करत हैं:

हरिणा ये विनिर्मुक्तास् ते मग्ना भवसागरे ॥
ये निरुद्धास् तएवात्र मोदमायात्यहर्निशम् ॥११ ॥

ये हरिणा = श्रीकृष्णके द्वारा निरुद्धाः = निरुद्ध हैं
विनिर्मुक्ताः = विशेषकरिके मुक्त ते = वो, एव = ही
भये हैं, ते = वो अत्र = यहां, अहर्निशं = दिन-रात
भवसागरे = संसाररूपि सागरमें मोदं = आनन्दकुं
मग्नाः = डूबे हैं, ये = जो आयान्ति = प्राप्त करे हैं

भावार्थ : प्रभुने जिनको छांडि दिये हैं वे संसारसागरमें मग्न भये हैं ओर जिनको प्रभुने पुष्टिमार्गमें अङ्गीकृत किये हैं वे निरन्तर (प्रभुके आनन्दकुं पायके) हर्षकुं

प्राप्त होय हैं.

टीका : प्रभु सर्वके दुःखको हरे हैं तासूं विनको नाम 'हरि' हे. इन हरिर्ननें (स्वानंद दान देयके दुःख मिटायेवेकी इच्छा नाहिं होयवेसूं) जिनको त्याग कियो हे वे सब भवसागरमें डूबे हैं. इतनें बहोत अन्य साधनमें प्रवृत्त रहें तोहु ये आनन्द प्राप्त नाहिं भयेसूं भवसागरमें डूबि गये हैं. ओर स्वानन्दको दान करिवेकी इच्छासूं जिन जीवन्कुं प्रभुर्ननें पुष्टिमार्गमें अङ्गीकृत किये हैं ओर जिनको स्वरूपनिष्ठामें भावही एक साधन हे एसे अपने जन प्रभुकृपासूंही हर्षकुं प्राप्त होय हैं. इतने बहार ओर भीतर रसमें पूर्ण होइके आनन्दसमुद्रमें मग्न रहे हैं. सोहु क्षणभर नाहीं परन्तु रात्रि - दिनमें क्षणमात्रहु आनन्दको विच्छेद नाहीं होय हे. तासूं ये सिद्ध होय हे जो निरोधमार्गनिकुंही ये आनन्द होय हे, साधनमें निष्ठावारेनकुं नाहीं होय हे ॥११॥

अब कहे हैं जो निरोधमार्गनिकुंहु पूर्व रह्यो संसार विद्यमान होयवेसूं तत्- तत् विषयनमें आसक्त इन्द्रियनकुं विषयको विस्मरण होनो अशक्य जेसो दीखे हे. जब विषयको विस्मरण न भयो तब तो गुणगानमें प्रवृत्तिहु अशक्य होयगी ! एसी शङ्काके समाधान पूर्वक कहत हैं :

संसारावेश-दुष्टानाम् इन्द्रियाणां हिताय वै ॥
कृष्णस्य सर्ववस्तूनि भूमन् ईशस्य योजयेत् ॥१२॥

संसारावेश = संसारके आवेशसूं वस्तूनि = वस्तूनुकुं
दुष्टानां = दुष्ट भई ईशस्य = इन्द्रियनके स्वामि
इन्द्रियाणां = इन्द्रियनके भूमन्: = व्यापक
हिताय = हितकेलिये कृष्णस्य = कृष्णककुं
सर्व = सब वै = ही, योजयेत् = लगानी

भावार्थ : संसारके आवेशसूं दुष्ट भयी इन्द्रियनके हितकेलिये सर्व (इन्द्रियन सहित ऐहिक-पारलौकिक) वस्तुसों सुखरूप ओर सर्वके नियन्ता एसे श्रीकृष्णको

सम्बन्ध करायकें विनमें लगावे.

टीका : निरोधरूप सुख देयवेकी इच्छासूं जिनको पुष्टिमार्गमें अङ्गीकार भयो हे एसे जीवन्की यद्यपि अन्य साधननमें प्रवृत्ति होय नाहीं. क्यों जो अङ्गीकारके स्वभावसूंही भगवत्स्वरूपमें जेसो स्नेह होय हे एसो स्नेह विषयादिकनमें होत नाहीं हे. तोहु सम्बन्धजन्य दोषको निवारण करिवेकेलिये श्रीमहाप्रभुजी आज्ञा करे हैं जो संसारावेश इतने विषयभोगादिकनमें अहन्ता-ममतात्मक आवेशसों दुष्ट भयी इन्द्रियनके; ओर अहन्ता-ममतासूं उत्पन्नभये बन्धनरूप दुःखके अज्ञानसूं वाकी निवृत्ति करिवेमें विमुखतावारी इन्द्रियनके हितार्थ उन सबनकुं संसारके अन्य धर्मनमेंतें छुडायके श्रीकृष्णमें हि लगावे. इन्द्रियनकी सार्थकता वामें ही हे. इन्द्रियनकी (प्रभुमें विनियोग होय तब हि) कृतार्थता होयवेको श्रीभागवतमें "अक्षण्वतां फलमिदं" इत्यादि श्लोकनसूं कह्यो हे. एसें इन्द्रियादिककुं संसारधर्मतें छुडायकें प्रभुमें योजवेकी आधुनिकनकुं शिक्षाहु या श्लोकसूं करी हे. एसें प्रभुमें विनियोग भये पीछें जहां ताई प्रभुको साक्षात्कार न होय तहां ताई गुणगानमेंही आसक्त रहे. एसें करत-करत जब विनमेंही आसक्त होय तब भगवदावेश होय, ओर रीतिसूं न होय ॥१२॥

एसें सब पदार्थको प्रभुर्ननें विनियोग कियेसूंहु पूर्वके संसाराध्याससूं विषयनमें कछुक अहन्ता-ममतारूप संसार तो रहेही. ओर वा विषयको त्याग कियेसूं कछुक मनमेंहु तज्जनित क्लेशहु रहि सके हे तो गुणगानमें सुखही होयवेको केसे कह्यो हे एसी शङ्का होय तहां कहत हैं :

गुणेष्वविष्ट-चित्तानां सर्वदा मुरवैरिणः ॥
संसारविरह-क्लेशौ न स्यातां हरिवत् सुखम् ॥१३॥

मुरवैरिणः = 'मुर'दैत्यके वेरिके संसार-विरह-क्लेशौ = संसार
गुणेषु = गुणनमें ओर विरह सूं जनित क्लेश
सर्वदा = सदा न = नहीं, स्यातां = होत हे

आविष्ट-चित्तानां = जिनको
चित्त पिरोयो भयो हे विनकुं

हरिवत् = श्रीकृष्णकी तरह
सुखं = सुख(स्यात् = होत हे)

भवेत् = होय हे, अन्यथा = नहिंतो
क्रूरता = क्रूरपनों
मता = माने हैं, अत्र = यहां

अपि = हु, न = नाहीं, अस्ति = हे
(यतः = क्योंके) तदध्यासः = वाको भ्रम
अपि = हु, सिध्यति = सिद्ध होवे हे

भावार्थ : मुरवैरि (प्रभु)के गुणगानमें निरन्तर आविष्ट चित्तवारेनुकुं संसार ओर विरह को क्लेश नाहीं होत हे, हरिकी नाई सुख होय हे.

टीका : इतनें आसक्तिसों प्रभुके गुणगान करें तब प्रभुमें जब चित्त आविष्ट होय जाय तब उनकुं पूर्वोक्त संसारत्याग ओर तासूं भये क्लेश की अनुभूति नाहीं होय हे. क्यों जो विनकों तो प्रपञ्चके विस्मरण पूर्वक गुणगानमें चित्तको आवेश होय जावेसों विषयादिकके अध्यासकी सम्भावनाहु नाहीं होय सके हे तो वाके त्यागसूं भयो क्लेश तो कहाँते सम्भवे ? या सबको विस्तार वेणुगीतके श्रीसुबोधिनीजीमें “जागृत ओर स्वप्न अवस्थामेंहु प्रभुकी क्रिड़ाकों देखत हैं” के विवरणमें आपश्रीने कियो हे.

यहां शङ्का करे हैं जो आसक्तिजन्य सुखहु विषयजन्य सुखके तुल्यही होयगो ! या शङ्काको निरास करे हैं जो विषयसुख तो भोगमें आसक्ति बढ़ायवेवारी होयवेसूं वो संसारजनक ही हे; ओर प्रभु जेसैं सकल दुःख दूर करिवेवारे हैं ओर संसारके निवर्तक हैं तेसैं प्रभुकी आसक्तिसो जन्य सुखहु संसारको निवर्तक हे. तासूं पूर्वोक्त संसारासक्ति ओर भगवदासक्ति के सुखमें बहोत वैलक्षण्य होयवेसूं तुल्यताकी सम्भावनाहु नाहीं होय सकत हे. तासूं “हरिवत् सुखम्” एसैं सुखमें हरिको दृष्टान्त दियो हे ॥१३॥

एसैं सबनकों विषयवासनासों रहित भगवदासक्ति जब दृढ होय तब जो होय सो अब कहत हैं:

तदा भवेद् दयालुत्वम् अन्यथा क्रूरता मता ॥
बाधशङ्काऽपि नास्त्यत्र तद् अध्यासोऽपि सिद्ध्यति ॥१४॥

तदा = तब, दयालुत्वं = दयालुपनों बाधशङ्का = बाधकी शङ्का

भावार्थ : (जब गुणगान सिद्ध होय) तब प्रभुकी दया होय. एसैं न होय तो क्रूरता मानी जाय. यामें बाधकी शङ्काहु नाहीं हे. निरोधमार्गीकुं प्रपञ्चकी विस्मृति होय जावेसूं अपने देहादिकनमें प्रभुकोही अध्यास सिद्ध होय हे, वाकुं प्रभु अपनेसूं भिन्न नाहीं स्फुरे हैं.

टीका : एसैं जब अत्यन्त विरहजन्य तापरूप आसक्तिसों सकल इन्द्रियें प्रपञ्चके अध्याससों रहित होंय, स्वरूपात्मकतारूप पूर्ण निरोध जब सिद्ध होय तब प्रभुको दयालुपनो सिद्ध होय. एसे प्रचुरतापात्मक भाव होय तब प्रभु भक्तकुं आश्वासनरूप स्वस्थता प्रदान करिके वाके तापमें प्रतिबन्धक नाहीं होत हैं. यदि प्रभु प्रबन्धक होंय तो प्रभुकी क्रूरता मानी जाय. यहां ‘क्रूरता’पदको दूसरो अभिप्राय ये हे जो साक्षात् अपनो करिकें जाको अङ्गीकार कियो होय एसो पुरुष प्रभुकुं आछो लगे एसो स्वधर्मरूप कृत्य जब तांइ न करे तब तांइ प्रभुको क्रोध वा जीवपें रहेही हे.

अब शङ्का करे हैं जो सर्वत्याग करिके गुणगानमें प्रवृत्ति करे तब तो काल-कर्मादिक प्रतिबन्ध करि सके हैं ! याके समाधानमें कहत हैं जो गुणगानमें बाधकी शङ्काहु नाहीं होय हे तो बाध तो कहाँते होय ! भक्तकी सकल इन्द्रियनमें प्रभु आविष्ट होयवेसूं बाध कोन करि सके हे ? स्वयं प्रभुहु बाध नाहीं करि सके हैं तो ओरकी तो कहा बात करनी ? ये सब बात ‘सन्नयासनिर्णय’ ग्रन्थमें “अत्रारम्भे ...” सूं लेयेकें “हरिर् अत्र न शक्नोति कर्तुं बाधां कुतोऽपरे” पर्यन्त कही हे. यहां ‘अत्र’ = (यहां) पदसूं ज्ञानमार्गमें बहोत विघ्न होयवेको सूचन होय हे.

यहां शङ्का करें हैं जो भक्तमें भगवत्स्वरूपके मिलनकी अभिलाषा विद्यमान होय हे. सो अभिलाषा अपने ओर प्रभु के बीचमें भेदज्ञानके कारण ही होय हे. भेदज्ञानको कारण देहादिकको अभिमान होत हे. एसो अभिमान तो बाधरूप मान्यो जाय हे ! एसी शङ्का होय तहां कहत हैं जो ज्ञानमार्गमें जेसैं “सो अहं” एसी

स्फूर्ति होय हे तेसैं निरोधमार्गीकुं प्रपञ्चकी विस्मृति होय जावेसूं अपने देहादिकनमें प्रभुकोही अध्यास सिद्ध होय हे, वाकुं प्रभु अपनेसूं भिन्न नाहीं स्फूरे हैं. जेसैं संसारीनकुं संसारको अध्यास होय हे एसैं भक्तकुं या अवस्थामें साक्षात् पुरुषोत्तमको अध्यास होय हे. तासूं वाको स्वभावही पलट जाय हे एसो 'सिद्धयति'पदसूं कह्या हे. ये बात श्रीभागवतमें "तन्मनस्काः तदालापाः" या श्लोकके विवरणमें सविस्तर हे तासूं विशेष जिज्ञासूकुं वापेसूं जान लेनो ॥१४॥

यहां शङ्का करे हैं जो वैराग्य नाहीं होयवेसूं पूर्वोक्त प्राकृत विषयनको अध्यास केसैं निवृत्त होयगो ? याको समाधान करत हैं:

भगवद्धर्म-सामर्थ्याद् विरागो विषये स्थिरः ॥

गुणैर् हरेः सुखस्पर्शात् न दुःखं भाति कर्हिचित् ॥१५॥

भगवद्धर्म-सामर्थ्यात् = भगवान्के
 धर्मके सामर्थ्यसूं, विषये = विषयमें
 स्थिरः = स्थिरपनेसूं
 विरागः = वैराग्य(भवति = होय हे)
 गुणैः = गुणनसूं, हरेः = श्रीकृष्णके
 सुखस्पर्शात् = सुखद स्पर्शसूं
 कर्हिचित् = कबहु, दुःखं = दुःख
 न = नहीं, भाति = अनुभवमें आवे हे

भावार्थ : गुणगान करिवारे भक्तकों भगवद्धर्मके बलसों दुःखको कदाचिदपि भान नाहीं होय हे. सकल ऐश्वर्यादिक गुणयुक्त प्रभुके धर्म गुणगानद्वारा अन्तःकरणमें प्रवेश करे हैं. तिनके सामर्थ्यसों प्राकृत विषयमें ओर प्राकृतपनेसूं प्रभुमेंहु एसैं धर्मविशिष्ट पुरुषकुं विराग रहेही हे.

टीका : इतने विषयपनेसूं तो सर्वत्र वैराग्यही हे परन्तु तिनकुं पराकाष्ठापन्न अलौकिकानन्दरूप साक्षात् प्रभुमें निरूपधि स्नेहकरिकें केवल तदीयपनेकीही बुद्धि होय हे. सो रासपञ्चाध्यायीमें ब्रजभक्तनूनें प्रभून्प्रति कह्यो हे जो "आप हमकुं घर जायवेकी आज्ञा करत हो सो कुछ लौकिक-विषयादिककी इच्छासूं हम आये हैं एसी सम्भावना करिकें करत होउगे. परन्तु हम तो सर्वविषयनकुं

छोड़िकें आपके चरणमूलकी शरण आये हैं" इत्यादिक निरूपणसूं जान्योजाय हे. तासूंही प्रभुहु आप कृपा करिके प्रथम कह्यो एसो आनन्द अनुभवावे हैं.

यहां शङ्का करे हैं जो प्रभु आनन्दको अनुभव करावे हैं तब दुःख कैसे रहे हे ? याके समाधानमें कहत हैं जो प्रभुके गुणगान(रूप साधन)सूं सुखको स्पर्श होयवेसूं पूर्ण भये एसे उन (निरधमार्गीयन)कुं सर्वदा तादात्म्य (एकता)सूं दुःखस्वरूपको भानही नहीं होय हे तो दुःखकी सम्भावना तो केसैं होय सके ? ओर जो तापरूपता देखिवेमें आवे हे ताकुं सुखरूपता होयवेसूं सुखरूपही जाननी ॥१५॥

अब उपसंहार करत हैं:

एवं ज्ञात्वा ज्ञानमार्गाद् उत्कर्षो गुणवर्णने ॥

अमत्सरैर् अलुब्धैश्च वर्णनीयाः सदा गुणाः ॥१६॥

एवं = या प्रकारसूं
 ज्ञानमार्गात् = ज्ञानमार्गसूं
 गुणवर्णने = गुणके वर्णनमें
 उत्कर्षो = श्रेष्ठता, ज्ञात्वा = जानिके
 अमत्सरैः = ईर्ष्याको छांडिके
 च = ओर
 अलुब्धैः = लोभ रहित होयके
 सदा = निरन्तर
 (हरेः = हरिके) गुणाः = गुण
 वर्णनीयाः = वर्णन करने

भावार्थ : एसैं ज्ञानमार्गतें गुणगानमें उत्कर्ष जानिके मत्सर ओर लोभ रहित होयके निरन्तर गुणकोही वर्णन करनो.

टीका : साक्षात् भगवदानन्द सर्व इन्द्रियनसूं स्वाद लियो जासके एसो होयवेसूं, ओर ताके साधनरूप गुणगानहु सुखरूप होयवेसूं, ओर ज्ञानमार्ग कष्टसाध्य होयवेसूं, ओर ज्ञानको फल अक्षरपर्यवसायी होयवेसूं गुणगान ज्ञानमार्गसूं हु उत्कृष्ट हे एसो जानिके निरोधमार्गीकुं भगवद्भावके अङ्गीकारसूं लेयके गुणगानही करने ओर कुछ साधन नहीं करने. गुणगान करतें - करतें दृढासक्ति होय तब तो आपहितें गुणगान

होयवे लागत हैं. परन्तु आधुनिक जीवन्की गुणगानमें स्वतःप्रवृत्ति नहीं होयवेसूं गुणगान करिवेको उपदेश दियो जाय हे. गुणगानमें प्रतिबन्धक मात्सर्य ओर लोभ इन दो आन्तर दोषन्को निवारण करना आवश्यक हे. दूसरेको उत्कर्ष सहन न होय सके ताकुं 'मात्सर्य' कहे हैं. सो मात्सर्य ओर लोभ कुं छोड़िके गुणगान करना. इन दोषन्की प्रतिबन्धकताको निरूपण करत हैं जो भगवद्भक्तमें मात्सर्य होय तो वामें सौहार्द (मैत्री) न होय. तब विनके सङ्ग प्रभुके गुणगानहु न होय सकें. तासूं मात्सर्यको त्याग करना. ओर मनमें लोभ होय तब तो अर्थसंचयकोही बिचार रह्यो करे तो भगवदावेश कहांते होय? भगवदावेश न होय इतनोही नहीं किन्तु भगवद्भक्तकुं तो तासूं सर्वस्वकी हानि होय तासूं इन दोउ दोषन्को त्याग करना ॥१६॥

यहां कहे हैं जो भक्तिमार्गको मुख्य सिद्धान्त तो प्रभुकी स्वरूपसेवा करिवेको ही हे. परन्तु प्रकृतमें तो मुख्यपनेसूं गुणगान कह्यो जाय हे सो केसैं? एसी शङ्का होय तहां कहत हैं:

हरिमूर्तिः सदा ध्येया सङ्कल्पादपि तत्र हि ॥
दर्शनं स्पर्शनं स्पष्टं तथा कृति-गती सदा ॥१७॥
श्रवणं कीर्तनं स्पष्टं पुत्रे कृष्णाप्रिये रतिः ॥
पायोर् मलांशत्यागेन शेषभागं तनौ नयेत् ॥१८॥

हरिमूर्तिः = श्रीकृष्णके स्वरूपको	श्रवणं = श्रवण
सदा = निरन्तर, हि = निश्चितरूपसूं	कीर्तनं = कीर्तन, अपि = भी
ध्येया = ध्यान करना	स्पष्टं = स्पष्टरूपसूं(भवति = होवे हे)
सङ्कल्पात् = सङ्कल्पसूं	कृष्णाप्रिये = श्रीकृष्णके प्रिय
तत्र = वहां(मूर्तो = मूर्तिमें)	पुत्रे = पुत्रमें, रतिः = स्नेह
सदा = हमेंशा, दर्शनं = दर्शन	पायोः = मलत्यागेन्द्रियसों
स्पर्शनं = स्पर्श	मलांशत्यागेन = मलको त्याग करिके
स्पष्टं = स्पष्ट होवेहे, तथा = ओर	शेषभागं = बाकी रहे, तनौ = शरीरमें

कृति-गती = कृओर गति नयेत् = प्राप्त करना

भावार्थ : श्रीहरिके स्वरूपको ध्यान सदा करते रहनो. क्योंकि भावमात्रसूं हृदयमें प्रगट भये वा भगवत्स्वरूपको दर्शन ओर स्पर्श तो स्पष्ट होय हे. एसैं ही करना, चलनो, श्रवण करना, कीर्तन करना येहु स्पष्ट होय हैं. श्रीहरिके प्रिय एसे पुत्रादिमें प्रीति करना, पायु इन्द्रियको जो मलांशत्याग करिवेको धर्म हे सो छोड़िकें शेषभाग शरीरकोही हे एसैं समजनो.

टीका : सङ्कल्पसोंहु प्रभुके स्वरूपको सदा ध्यान करना. जेसैं भगवत्स्वरूपके दर्शन ओर स्पर्श स्पष्ट हे तेसैं भगवत्सेवा सम्बन्धि कृति ओर गति हु सदा करनी.

यहां एसो दीखे हे जो प्रभु उद्धारकेलिये साधनमर्यादासूं सबन्को अङ्गीकार करे हैं. सेवाकर्ताकुं मानसीसेवा फलरूप कही हे. ताके साधनतया मार्गनिष्ठा राखिके (तनुवित्तजा) सेवा करनी आवश्यक हे. ओर जिनको पुष्टिमार्गमें निःसाधनपनेसूं अङ्गीकार भयो हे तिनकों तो अङ्गीकारतेही प्रभुमें अत्यन्त स्नेहभाव होयवेसूं स्वरूपकी अभिलाषा होय हे. ता करिकें प्रभुके सङ्ग संलापादिरूप भावना होय हे. सो भावना मनके धर्मरूप हे तासूं ता करत-करत मनही भगवत्पर होय जाय तब मानसी सेवा सिद्ध होय हे. (प्रभुनमें विनको निःसाधनपनेसूं अङ्गीकार कियो होयवेसूं) उनकुं अब सेवाको प्रयोजकपनो नाहीं होयवेसूं भगवद्भाव दृढताकेलिये गुणगान मुख्य हे. तासूं गुणगान करिवेकी आगें आज्ञा करी हे. तासूंही भगवद्वरणके पीछें जिनको बहोत भाव बढ्यो हे एसैं कुमारिका पूजादि सब छोड़िकें प्रभुको गुणगान करन् लगे. ये बातको सविस्तर निरूपण "भूयान् नन्दसुतः पतिः" श्लोकके श्रीसुबोधिनीजीमें कियो हे. साधनमार्गमें शरण आये भक्तहु साधनरूप सेवा करें ता पीछें विनमें भगवत्स्नेह होय हे. स्नेहके अनन्तर अधिक भाव उत्पन्न होय तब गुणगानद्वारा ता भावकी दृढताकेलिये त्याग करे. एसेकुंहु गृहस्थिति भावनाशक होत हे. तासूं गृहादिको त्याग करिके प्रभुमेंही मन राखिकें भावकी वृद्धिको यत्न करें - एसैं भक्तिवर्द्धिनीमें "तादृशस्यापि"सूं लेयकें "त्यागं कृत्वा यतेद् यस्तु तदर्थार्थैक मानसः" पर्यन्त श्लोकमें श्रीमहाप्रभुजीने आज्ञा करी हे. ओर पूर्व कही साधनरूपसेवा ताके कियेसूं स्नेहभाव होय. तासूं (भगवत्सेवाके अनवसरमें जो) विरहतापरूप दुःख होय सो दुःखकी निवृत्ति गुणगानतेही होय.

तासों गुणगानकुं मुख्य कह्यो हे.

अब कहत हैं जो ता प्रकार पुष्टिमार्गमें अङ्गीकार भयो हे ताके स्वभावसूही उत्पन्न भये भावाङ्कुर, तासों उत्पन्न भये नानाप्रकारके मनोरथ करिकें प्रभुके स्वरूपको ध्यान करनो. सो स्वरूपही भाव करायवेवारो हे. भक्तके मनमें जब प्रभुसम्बन्धि नानाप्रकारके मनोरथ होत हैं तब विनके पूर्ण नहीं होइवेके कारण भक्तकुं ताप होत हे. सो तापकी निवृत्तिके अर्थ ओर भावके दाढ्यार्थ गुणगानही करनै.

यहां शङ्का करे हैं जो अपने मार्गमें प्रभुके स्वरूपको ध्यान करिवेको कह रहे हैं ओर ज्ञानमार्गमेंहु ध्यान करिवेकी कही हे तो अपने मार्गमें ध्यान कियो जाय हे तामें कहा विशेष ? तहां कहत हैं जो पूर्वकहे प्रकारसूं नानामनोरथ करिकें स्वरूपमें भावना करनी. एसें करत भावात्मक प्रभु वाही भावनामें प्रकट होयकें दर्शन देय हैं, स्पर्श करावे हैं. सो सब भक्तकों अनुभव होय हे. तेसें ही सब क्रिया ओर प्रभुके सङ्ग संलाप इत्यादिको हु अनुभव भक्तिमार्गीय भावनासोंही होय जात हे. ज्ञानमार्गमें काहु प्रकारको अनुभव नहीं होय हे. ओर गुणगानमें तो सङ्कल्पमात्रसूं स्पष्ट अनुभव होय हे एसें 'अपि'शब्दसूं सूचित होय हे. एसें भावनामें प्रकट होयके सब दुःख मिटावे हैं ये 'हरिमूर्तिः'पदसूं सूचित होय हे.

यहां शङ्का करे हैं जो भगवदङ्गीकार पूर्वक कृपा होय तब ये सब बने एसें "कृपायुक्तो यदा भवेत्" ये श्लोकमें कह्यो. परन्तु प्रभुकी एसी कृपा तो जब महत्पुरुषकी कृपा होय तब होत हे सो "महातां कृपया" या श्लोकमें कह्यो. तासूं बडेनकी कृपाको सम्पादन किये बिना प्रभुकी प्राप्ति केसें होय ? याकों स्पष्ट करत हैं जो पूर्व कहे भक्त तो पराकाष्ठापन्न (श्रीपुरुषोत्तम)के रसके भोक्ता ओर मात्सर्यादि दोषन्सूं रहित हैं ओर प्रभुके कृपापात्र जे होंय विनमें अत्यन्त स्नेहवारे होय हैं. तासूं उनकुं श्रीकृष्ण जाकुं प्रिय हे अथवा फल देवेमें तत्पर एसे श्रीकृष्णकुं जो प्रिय हे एसे भक्तमें पुत्रतुल्य प्रीति होय हे. तासूं वे कृपाकरिके भावको दान करत हैं. भावको दान करिवेसूं विनको गुरुपनो सिद्ध भयो ओर जाकुं भाव दियो ताकुं पुत्रपनो सिद्ध भयो. तासूं पुत्ररूपपनो कह्यो हे. ओर अपने मार्गमें तो भाव देवेवारे श्रीगोपीजनही हैं तासूं विनको गुरुपनो 'सन्नयासनिर्णय' ग्रन्थमें "कौण्डिन्यो

गोपिकाः प्रोक्ताः" या श्लोकमें स्फुट कह्यो हे. ओर जेसें पुत्रकुं काहु प्रकारको दुःख देखिकें ताके उपर प्रेम होयवेसूं ताकी निवृत्तिको उपचार करे हे तेसें यहांहु एसी आर्त्ति देखिकें वात्सल्यसूं ता आर्त्तिकी निवृत्तिपूर्वक भावको दान करत हैं. जेसें पुत्रने नानाप्रकारके अपराध किये होंय तोहु वाको विचार नहीं करिके वात्सल्यही राखे हे तेसें तादृशभक्तनमेंहु प्रीतिही राखे हैं. सो उनकी प्रीतिहु भावात्मिकाही हे. जेसें तादृश भक्तनों भगवदीयके विषे पुत्रभावहे तेसें पुत्रनकुंहु भगवदीयनके विषे पितृ-मातृभाव राखनो एसो यहां सूचित होय हे.

यहां ओर हु गूढ अभिप्राय जान्यो जाय हे. श्रीकृष्णकुं प्रिय तो अनेक होय हैं परन्तु "स्फुरत्कृष्णप्रेमामृत ..." या श्लोकमें वर्णित आनन्दरसरूप श्रीकृष्णको प्रियपनो तो जेसो श्रीमहाप्रभुजीको हे एसो ओरके विषे नहीं हे. ता प्रीतिको हेतुरूप श्रीस्वामिनीजीको प्रियपनोहु श्रीमहाप्रभुनके उपरही हे, ओरनके विषे नहीं हे. क्यों जो श्रीमदाचार्यनकुंही विनके भावात्मकपनो ओर विनके भावके मध्यपातिपनो हे. तासूं श्रीआचार्यजीको अभिप्राय एसो हे जो श्रीप्रभुनकुं में प्रिय हुं ओर पुत्रके उपर जेसी प्रीति होय तेसी मेरी उपर विनकी (ब्रजभक्तनकी) प्रीति हे. तासूं मेरेद्वारा जो अङ्गीकृत होयगो वाके उपरहु विनकी एसी प्रीति होयगी. अथवा "श्रीकृष्णकुं प्रिय एसो जो में ताके उपर प्रीति हे" एसें कहिवेसूं आपकुं विनको भावात्मकपनो ओर विनको अन्तर्गतपनो होयवेसूं आधुनिक जीवनकुं आपकी कृपातेंही प्रियपनो होयगो एसेंहु सूचित कियो हे.

एसें श्रीआचार्यनकी कृपासों रतिरूप जो भाव भयो हे सो समग्र प्राकृतांशकुं छुड़ायके क्रमसों अलौकिक साक्षात् भगवदात्मक ता - ता विषयनकुं इन्द्रियनमें जुड़ाई देत हैं सो दृष्टान्त सहित निरूपण करत हैं:

पायु इन्द्रियको जो मलांशत्याग करिवेको धर्म हे सो छोड़िकें शेषभाग शरीरकोही हे एसें समजनो. इतनें मलांशको त्याग करिके शरीरकुं शुद्ध करिवेवारी वोही इन्द्रिय हे एसें समझिवेसूं पायुइन्द्रियको शरीरकी शुद्धिमें उपयोग भयो. ओर "वायुर् मलांशत्यागेन शेषभावं तनौ नयेत्" एसोहु पाठ कोउ टीकामें अभिप्रेत हे. ताको अभिप्राय एसो हे जो सर्वदेह तथा इन्द्रियनमें व्याप्त होयकें वायु रहत हे. सो भुक्त भई सकल वस्तून्के मलांशकुं बहार निकासिकें शेष जो सारांश होय

ताकुं नाडीद्वारा शरीरमें जेसैं लेय जात हे तेसैं निरोधवारो भक्तहु सब इन्द्रियनको भाव प्रभूनमें लेय जाय, एसैं पूर्ण निरोधसिद्ध होय हे ॥१८॥

सब इन्द्रियनको भगवदासक्तिके स्वभावसूंही भगवत्कार्यमें यथायोग्य विनियोग होयवे लगेगो, तामें उपदेश देवेको क्या प्रयोजन हे ? एसी जिज्ञासा होय तहां कहत हैं :

यस्य वा भगवत्कार्यं यदा स्पष्टं न दृश्यते ॥
तदा विनिग्रहस् तस्य कर्तव्यः इति निश्चयः ॥१९॥

यस्य = जाको, वा = हु, यदा = जब तदा = तब, तस्य = वाको
भगवत्कार्यं = प्रभुसम्बन्धि कार्य विनिग्रहः = विशेषरूपसूं निग्रह
स्पष्टं = स्पष्टरूपसूं कर्तव्यः = करनो
न = नाही, दृश्यते = दीखे इति = ये, निश्चयः = निश्चय हे

भावार्थ : जा-जा इन्द्रियको भगवत्कार्यं स्पष्ट देखिवेमें नाही आवे ता-ता इन्द्रियको निग्रह करनो एसो निश्चय राखनो.

टीका : इतनें यद्यपि एसे भक्तकी इन्द्रियें तो ताके भावके स्वभावसूंही एसी (भगवद्विनियोगवारी) होय हे तथापि लौकिक मनुष्यनको अनुसरिवेसूं जा इन्द्रियको भगवत्कार्यं जब स्पष्ट देखिवेमें नाही आवे तब लौकिक सबनको त्याग करिके इन्द्रियको निग्रह करनो. अर्थात् इन्द्रियनकुं लौकिकमेंसूं फिरायकें भगवत्सम्बन्धमें लगायवेकेलियेही उपर कर्तव्यको विधि कह्यो हे ॥१९॥

एसैं पूर्ण निरोधके स्वरूपको निरूपण करिके गुणगान निरोधकुं सिद्ध करिवेवारो होयवेसूं वाके सर्वोत्कृष्टपनेको निरूपण करत हैं :

नातः परतरो मन्त्रो नातः परतरः स्तवः ।
नातः परतरा विद्या तीर्थ नातः परात्परम् ॥२०॥

॥ इति श्रीमद्वल्लभाचार्यविरचितं निरोधलक्षणं सम्पूर्णम् ॥

अतः = यासूं, परतरः = श्रेष्ठ अतः = यसूं, परतरा = श्रेष्ठ
मन्त्रः = मन्त्र, न = नाही विद्या = विद्या, न = नाही
(अस्ति = हे) अतः = यासूं (अस्ति = हे) अतः = यासूं
परतरः = श्रेष्ठ, स्तवः = (अस्ति = हे) परात्परं = श्रेष्ठतम, तीर्थ = तीर्थ
न = नाही (अस्ति = हे) न = नाही (अस्ति = हे)

भावार्थ : यासूं पर मन्त्र, स्तोत्र विद्या ओर तीर्थ कोउ नाही हे.

टीका : इतने मन्त्र-स्तोत्रादि हैं सो लोक-वेदमें कह्ये फलकुं प्राप्त करिवेवारे हैं. तासूं लोक तथा वेद में जो कामनावारे हैं विनकुं मन्त्रादिकनकी बड़ाई भले होउ परन्तु जाकुं लोक-वेदमें कही एसी कामना नाही हे केवल पभुस्वरूपमेंही आसक्ति हे वाकु मन्त्रादिकनकी बड़ाई नाही हे. क्यों जो प्रभूनको गुणगान हे सो लोक-वेदसूं विलक्षण फल देयवेवारो हे ओर लोक-वेदसूं अतीत (लोकवेद जहां पहाँचि नाही सके एसो उत्कृष्ट) हे ये जतायवेकुं फलकी स्तुति करी हे. यद्यपि मन्त्रादिद्वारा चित्तशुद्धि होयवेसूं चित्तको निरोध होय हे तथापि वामें क्लेश बहोत ओर फल अत्यन्त अल्प हे. ओर गुणगानद्वारा चित्तको निग्रहहु सुखसूं होय हे तथा फल सबनसूं उत्कृष्ट होय हे तासूं गुणगानही सबनसूं उत्तम हे एसैं जाननो ॥२०॥

॥ इति श्रीवल्लभाचार्य विरचित निरोधलक्षणकी

गोस्वामि श्रीनृसिंहलालजी महाराज
विरचित ब्रजभाषाटीका समाप्त भई ॥

॥सेवाफलम् सविवरणम्॥

(२१)

अपने मार्गमें स्वतन्त्र-पुरुषार्थपनेसूही सेवा कीनी जाय हे. ताके फलके निरूपणको ये ग्रन्थ हे. तहां शङ्का होय जो अपने सेवा करे हैं सो स्वतन्त्र-पुरुषार्थपनेसूही करे हैं, सेवासों दूसरे कोउ फल प्राप्त होय एसी अपेक्षासूं तो नाहीं करें हैं, तब सेवाके फलको निरूपण कैसें? ताको समाधान एसें समजनो जो जीवित पर्यन्त एसी सेवा जा जीवने करी होय ताकों देहावसानमें (अन्तमें) जो गति होय सो यहां 'फल'पदसूं कह्यो हे. इतनें यहां सेवाको फल होयवेको कह्यो हे सो अन्तमें गति होयवे(के अर्थमें)को समजनों. सो फल आजके समयमें जो सेवारूप-भजन होय हे तामें अनुस्यूत जो सर्वात्मभाव रहे हे ताकरिकें प्राप्त होयवेवारो जो विशेष भजनानन्द हे ताहीरूप हे. तासूं विशेष भजनानन्दरूप जो फल हे सो सेवासूं अतिरिक्त (दूसरो) नाहिं हे.

इतनें श्रीगीताजीमें श्रीकृष्णनें अर्जुन प्रति कह्यो हे जो “अन्तमें जा-जा भावको स्मरण करतो-करतो शरीरकुं छोड़े हे ता-ता भावकुं प्राप्त होय हे” ओर “अन्तमें जो मति होय सो गति होय” एसो न्याय हे. तासूं सेवाको फल सेवाही हे एसें समजनों. इतनें सेवासूं दूसरो फल होयवेकी शङ्का करिके जो विरोध बतायो सो विरोध नाहिं हे. सो सेवाको फल केसो होय? एसें जानिवेकी इच्छा होय तहां कहत हैं:

यादृशी सेवना प्रोक्ता तत्सिद्धौ फलमुच्यते॥

अलौकिकस्य दाने हि चाद्यः सिद्ध्येन् मनोरथः॥१॥

फलं वा ह्यधिकारो वा न कालोऽत्र नियामकः॥

सेवायां फलत्रयम् अलौकिकसामर्थ्यं सायुज्यं सेवोपयोगिदेहो ऋ१३अ
वैकुण्ठादिषु.

यादृशी=जा प्रकारकी

सिद्ध्येत्=सिद्ध होय हे

सेवना=सेवा, प्रोक्ता=कही

फलं=फल

सेवाफलम्
४११

तत्सिद्धौ=वाकी सिद्धि होयवेपे

वा=हु (भवतु=होय)

फलम्=फल

अधिकारः=अधिकार

उच्यते=कह्यो जाय हे

वा=के, अत्र=यहां

अलौकिकस्य=अलौकिकके

कालः=काल

दाने=दानमें, हि=तो

नियामकः=नियामक

आद्यः=पहिलो, च=ओर

न=नाहिं

मनोरथः=मनोरथ

हि=ही (भवति=होय हे)

भावार्थ : सिद्धान्तमुक्तावली, पुष्टिप्रवाहमर्यादा, सिद्धान्तरहस्य, चतुःश्लोकी, भक्तिवर्धिनी, सन्न्यासनिर्णय, निरोधलक्षण ग्रन्थनमें जा प्रकारकी भगवत्सेवाको उपदेश दियो ता प्रमाण भगवत्सेवा निभवेपे वाकी फलावस्थाको निरूपण अब करत हैं. यमुनाष्टकमें तनुनवत्वको जो मनोरथ प्रकट कियो सो तो पुष्टिप्रभु जब पुष्टिजीवकों अलौकिकसामर्थ्यरूप पुष्टिफलको दान करिवो चाहें तबही पूर्ण होत हे. परि प्रभु दान करिवो चाहें अथवा न चाहें, या मारगमें फलसिद्धि किंवा अधिकारसिद्धि में काल नियामक नाहिं बनत हे.(कारिकार्थ).

सेवा करिवेवारो पुष्टिभक्तकी फलानुभूतिके तीन प्रकार हैं:(१) अलौकिकसामर्थ्य अर्थात् मानसी सेवा, व्यसनात्मिका भक्ति, सर्वात्मभावरूपा निरोधसिद्धि. (२) सायुज्य अर्थात् साक्षात् पुरुषोत्तममें लीलानुभावकी तत्तत् कालमें सम्भावनावारो लय. (३) वैकुण्ठादि लोकनमें सेवोपयोगिदेहकी प्राप्ति (विवरणार्थ).

टीका : जेसी सेवा (मेनें) कही हे तेसी सेवा सिद्ध होय तब वाको जो फल होय सो या ग्रन्थमें कहत हैं. अलौकिकको दान होय तब आद्य (मुख्य फलरूप) मनोरथ सिद्ध होय. फल सिद्ध होय अथवा अधिकार सिद्ध होय तामें काल नियामक नाहिं हे अर्थात् कालकी अपेक्षा नाहिं हे.

सेवाफलको विवरण श्रीआचार्यचरणननेंही कियो हे तामें आज्ञा करी हे जो “सेवायां फलत्रयम्ह अलौकिकसामर्थ्यं, सायुज्यं, सेवोपयोगिदेहो वा

सेवाफलम्
४१२

वैकुण्ठादिषु”। इतने अलौकिकसामर्थ्य, सायुज्य अथवा वैकुण्ठादिक लोकनमें सेवामें उपयोगी देह मिले, एसें सेवामें तीन फल हैं। अर्थात् श्रीआचार्यचरणनमें जा रीतिसूं स्नेह सहित श्रीब्रजभक्तनके भावपूर्वक सेवा करिवेकी आज्ञा करी हे ताही रीतिसूं जीवित पर्यन्त सेवा करे तो अन्तमें फल होय सो कहत हैं। सोही बात भक्तिवर्धिनीमें “सेवायां वा कथायां वा” या श्लोकसूं जताई हे। तामें एसो अभिप्राय हे जो “जीवित पर्यन्त सेवामें अथवा कथामें जाकी दृढ आसक्ति होय ताको कोऊ स्थलमें नाश नाहीं हे” एसें कहिके जीवित पर्यन्त सेवा करिवेसूं फल होयवेकोही जतायो हे।

यहां तीन फल होयवेको विकल्प कियो हे सो भक्तिमार्गमें पुष्टि, मर्यादा ओर प्रवाह एसे भेदकरिकें जीवनमें तीन प्रकारको (भगवान्को) अङ्गीकार हे; तासूं अधिकारीके भेदकरिकें तीन प्रकारकी सेवा होय हे, तातें फलहु तीन प्रकारको क्रमकरिकें कह्यो हे। तामें प्रथम पुष्टिसेवाको फल कहत हैं जो अलौकिकसामर्थ्य होय। इतने केवल सर्वात्मभावसूंही प्राप्त होयवेवारो जो भजनानन्द हे ताको अनुभव होय, सो अलौकिक फल हे। सो अपने किये भये कोटि साधनसूंहु प्राप्त होय एसो नाहीं हे। ताके अनुभवकी योग्यता करिवेवारो जो अधिकार हे सो ‘अलौकिकसामर्थ्य’ कह्यो जाय हे। भगवान्के विप्रयोगकुं सहन करिसके सो ‘अलौकिकसामर्थ्य’ एसोहु कोउ टीकाकारको अभिप्राय हे। एसें दोउ प्रकारके अलौकिकसामर्थ्यमें दृष्टान्तरूप ब्रजभक्तही हैं।

दूसरो फल सायुज्य कह्यो हे। सो मर्यादामें जाको अङ्गीकार हे ताकुं होय, सो श्रीपुरुषोत्तममें सायुज्य होय, अक्षरमें नाहीं। क्यों जो अक्षरमें सायुज्य तो केवलमर्यादामें ज्ञानादिकनसूं होय हे। ताकी अपेक्षासूं तो पुष्टिमें विशेष फल होनोही चहिये, सो श्रीपुरुषोत्तममें सायुज्य होय सोही विशेषता समजनी। क्यों जो श्रीपुरुषोत्तममें सायुज्यवारे भक्तनकुं तो समय पाय बाहिर प्रकट करिकें ॐ*ॐअभगवान् भजनानन्दको अनुभवरूप फल देत हैं, तासूं पुष्टिमर्यादामें प्रथम सायुज्य, मध्यमें भजनानन्दको अनुभव ओर अन्तमें फेरि वहांही सायुज्य होय हे।

ओर तीसरो फल वैकुण्ठादिकनमें सेवौपयिक देहकी प्राप्तिरूप हे। सो प्रवाहमें जाको अङ्गीकार होय ताकुं होय। यहां जो ‘वैकुण्ठ’ कह्यो हे सो श्रीलक्ष्मीजीकी

प्रार्थनासूं ‘रमावैकुण्ठ’ लोक सिद्ध कियो हे सो समजनों एसें कोउ (टीकाकार) कहत हैं। ओर कोउ (टीकाकार) अक्षरात्मक व्यापिवैकुण्ठ कहत हैं; तथापि मर्यादामें जाको अङ्गीकार होय ताकुं अलौकिक सामर्थ्य देकें फल देयवेकी इच्छा प्रभु करें तब आद्य (प्रथम फलरूप) मनोरथ सिद्ध होय। ओर प्रवाहमें जाको अङ्गीकार होय ताकुं अलौकिक सामर्थ्यरूप फल कबहु न मिले यह अभिप्राय तो दोउ अर्थमें समानही हे।

आद्य फल सो केवल स्वरूपकरिकेंही साध्य हे एसो जतायवेकेलिये मूलमें ‘हि’ अव्यय लिख्यो हे। तहां शङ्का होय जो आद्यफल होयवेको अधिकार न होय तो प्रभु केसें मनोरथ पूर्ण करें? एसी शङ्का की निवृत्तिकेलिये कहत हैं जो “फल अथवा अधिकार सिद्ध करें वामें काल नियामक नाहीं हे”।

टिप्पणी : *जेसें अंतर्गृहगतानकुं सायुज्य दियो हे, सो जब विनके संग रमण करिवेकी भगवान्की इच्छा होय तब बाहिर प्रकट करिकें विनके संग प्रभु रमण करत हैं ओर रमणद्वारा भजनानन्दको दानकरिकें फिर सायुज्य करत हैं।

अब वामें तीन प्रतिबन्धक हैं सो कहत हैं:

उद्वेगः प्रतिबन्धो वा भोगो वा स्यात् बाधकः॥१॥

सेवायां प्रतिबन्धक त्रयम् उद्वेगः प्रतिबन्धो भोगो वा। त्रयाणां साधनपरित्यागः कर्तव्यः।

(किन्तु) उद्वेगः=उद्वेग	भोगः=भोग, वा=हु
प्रतिबन्धः=प्रतिबन्ध	बाधकः=बाधक
वा=अथवा	स्यात्=होय

भावार्थ : पूर्वोक्त ग्रन्थनमें उपदिष्ट भगवत्सेवाके अनुष्ठानमें, परन्तु, बाधकहु तीन

हैं: १.उद्वेग २.प्रतिबन्ध ओर ३.भोग. सो तीनों बाधकन्को परित्याग करनो.(का.वि.)

टीका : उद्वेग, प्रतिबन्ध ओर भोग ये तीन सेवाफलमें बाधक हैं. इतने, मनमें उद्वेग रहे तो सेवामें चित्तही रहे नाहीं तब भगवत्प्रवण चित्त होयवेरूप जो सेवा हे सो सिद्ध होय नाहीं, तब फल कहांसूं मिले?

दूसरो बाधक प्रतिबन्ध हे, सो साधारण ओर भगवत्कृत एसे भेदसूं दोय प्रकारको हे. ताको विवेचन आगे आवे हे. ओर तीसरो प्रतिबन्ध भोग हे. इतने, लौकिकभोगमें आसक्ति होय तब ताई एकाग्रतासूं सेवा होय सके नाहीं, एसें तीन प्रतिबन्ध हैं. ओर भगवत्कृत प्रतिबन्ध हे ताकी तो निवृत्ति होय सके नाहीं तासूं उद्वेग, लौकिकभोग तथा साधारण प्रतिबन्ध ये तीनोंको त्याग करिवेकी विवरणमें आज्ञा करी हे. जो “**त्रयाणां साधनपरित्यागः कर्तव्यः**” इतने तीन्यो प्रतिबन्धन्की उत्पत्तीन्के कारणरूप जो होंय ताको त्याग करनो.

तहां शङ्का होय जो सेवा होय ता समय लौकिक अथवा वैदिक कार्य आय पड़ें तब सेवामें प्रतिबन्ध होय सो साधारण प्रतिबन्ध हे; परन्तु यह कार्य लोक-वेदसिद्ध हैं तासूं वाको त्याग तो होय सके नाहीं तब केसें करनो? एसी शङ्काकी निवृत्तिकेलिये विवरणमें आज्ञा करी हे जो लौकिकभोग छोड़ देनो ओर साधारण प्रतिबन्ध हे सो बुद्धिकारिकें छोड़नो; इतने सेवामें प्रतिबन्धकपनेसूं लौकिक-वैदिककार्यरूप साधारण प्रतिबन्ध आवे तब सेवाके अनवसरमें करिवेको निश्चय करनो; अर्थात् पुत्रके विवाहादिक लौकिक कार्य आवें अथवा कछु वैदिक कार्य आवे तब प्रथमसूंही बुद्धिकारिकें सेवामें प्रतिबन्ध न होय एसी रीतिसूं निर्वाह करनो. ओर प्रथमसूं निश्चय होय सके एसो कोउ आवश्यक लौकिक-वैदिककार्य आय पड़्यो होय तब शरीरादिकसूं वो कार्य करनो परन्तु बुद्धि भगवत्सेवामेंही राखनी, वा कार्यमें राखनी नाहीं. ओर अलौकिकभोग तो तीन्यो फलमें जो मध्यम फल हे तामें मुख्य हे।।२।।

साधारण प्रतिबन्धन्को प्रतीकार शक्य होत हे परि भगवत्कृत प्रतिबन्धको नाहीं, एसे समुझाईके साधारण प्रतिबन्धन्के प्रतीकारको उपायहु समुझावत हैं:

अकर्तव्यं भगवतः सर्वथा चेद् गतिर् न हि।।
यथा वा तत्त्वनिर्धारो विवेकः साधनं मतम्।।३।।
बाधकानां परित्यागो भोगेप्येकं तथा परम्।।
निष्प्रत्यूहं महान् भोगः प्रथमे विशते सदा।।४।।

१भोगो द्विविधः लौकिको अलौकिकश्च. तत्र लौकिकः त्याज्यएव. अलौकिकस्तु फलानां मध्ये प्रथमे प्रविशतिश्च२३अ. प्रतिबन्धोपि द्विविधः साधारणो भगवत्कृतश्च तत्र आद्यो बुद्ध्या त्याज्यः. भगवत्कृतः चेत् प्रतिबन्धः तदा भगवान् फलं न दास्यति इति मन्तव्यम्. तदा अन्यसेवापि व्यर्था. तदा आसुरोयं जीवः इति निर्धारः. तदा ज्ञानमार्गेण स्थातव्यं शोकाभावाय इति ‘विवेकः’.

भगवतः = भगवान्को	मतम् = माननो, भोगे = भोगमें
(फलदानं = फलदेयवेको)	अपि = हु, बाधकानां = बाधकन्को
सर्वथा = कोइभी तरहसूं	परित्यागः = त्याग, एकं = एक
अकर्तव्यं = न करवेपनो होय	(साधनं = साधन, मतम् = मान्यो हे)
चेद् = जो(तदा = तब)	(भोगे = भोगमें, अपि = हु)
गतिः = गति, नहि = नाहीं ही	निष्प्रत्यूहं = निर्विघ्न, परं = श्रेष्ठ
(विद्यते = रहे हे, तस्माद् = तासों)	(साधनं = साधन, मतम् = माननो
यथा = जेसे, वा = हु	यस्माद् = क्योके) महान् = महान्
तत्त्वनिर्धारो = तत्त्वको निर्णय	भोगः = भोग, सदा = सदा
(भवति = होय) तथा = तेसें	प्रथमे = पहिलेमें
विवेकः = विवेक, साधनं = साधन	विशते = समावेश होय हे

भावार्थ : भगवान्को फलदानेच्छा जब न होय तब जीवके पास कोउ गति - उपाय रहि नाहीं जात हे. तासों “ये जन्म मेरो आसुरावेश वारो हे” एसो तत्त्वनिर्धार करि लेनो. यों विवेकही तहां शोकवारणको साधन हे. उद्वेग, प्रतिबन्ध अरु भोग के कारणन्को अथवा साधनन्को परित्याग करनो चाहिये. भोगहुमें

भक्तिबाधक विषयनको परित्याग एक साधन हे, तेसेही निष्प्रत्यूह (भगवत्समर्पित विषयनको उपभोग) दूसरो अथवा श्रेष्ठ साधन मान्यो जात हे. सो काहेतें ? तहां कहत हैं जो महान् (भगवत्समर्पित विषयनको) भोग तो अलौकिक सामर्थ्यरूप प्रथम फलके अन्तर्गत होत हे ॥३-४॥

विवरणार्थ : (१) भोग दोय प्रकारके होत हैं क. लौकिक ख. अलौकिक. तिनमें लौकिक त्याज्य होत हे परि अलौकिक भोग तो अलौकिक सामर्थ्यरूप फलके अन्तर्गत होत हे. (२) प्रतिबन्धहु दोय प्रकारके होत हैं - (क) साधारण (ख) भगवत्कृत. तहां साधारण प्रतिबन्ध तो लौकिक चातुरीसों दूर होय सके परि जो भगवत्कृत प्रतिबन्ध होय सो तो “भगवान् मोकों फलदान करिवो नाही चाहत हैं” एसें मानि लेनो. तोहु अन्याश्रय तो कर्तव्य नाही हे परि “मेरे स्वामीनें ये जनम मेरो आसुरावेशयुक्तही राखिवेको विचार्यो हे” एसो आपुने स्वरूपको तत्त्वनिर्धार जीवकों करि लेनो. अरु प्रभु तो कर्तुम्-अकर्तुम्-अन्यथाकर्तुम् समर्थ हैं. अरु निजेच्छासोंही सब कछु अपनी लीला करत हैं, एसे विवेकद्वारा माहात्म्यज्ञानको अवलम्बन करि लेनो तासों व्यर्थ शोकको निवारण होत हे. तासों तीसरी कारिकामें ‘विवेक’ पद राख्यो हे.

टीका : भगवान्को सर्वथा कर्तव्य न होय तब तो गति नाही हे. तब तो जा रीतिसूं तत्त्वको निर्धार होय वा रीतिसूं विवेक राखनों, येही साधन मान्यो हे.

इतनें, जा जीवऊपर भगवान्की विशेष कृपा होय ताको द्वेषादिक करिवेसूं भगवान् सेवामें जो प्रतिबन्ध करें सो ‘भगवत्कृतप्रतिबन्ध’ जाननों. तब, भगवान् सर्वसामर्थ्ययुक्त ओर स्वतन्त्र हैं ओर विनकी इच्छा वा जीवकी पास सेवा करायवेकी न भई तब सर्वथा फलको अभावही हे, एसें जाननों. तब मनमें एसो विचार होय जो भगवान्नें प्रतिबन्ध कियो तो दूसरेकी सेवा करिवेसूं दूसरो फल मिलेगो एसे विचारकी निवृत्तिकेलिये विवरणमें आज्ञा करी हे जो “भगवत्कृत प्रतिबन्ध होय तब अन्यकी सेवाहु व्यर्थ हे”. कयों, जो व्याससूत्रमें कह्यो हे जो “सब फल भगवान्सूंही मिले हे”. इतनें, सर्वफल देयवेवारे प्रभुही हैं. ओर दूसरे जो फल देत हैं सो प्रभुके आधीन हैं. तासूं प्रभुकी फल देयवेकी इच्छा न होय तब दूसरेहु फल देय सकें नाही तासूं सर्वथा वाकुं फलको अभावही हे.

तहां शङ्का होय जो सर्वथा फल देयवेकी इच्छा प्रभुकुं न होय सो तो आसुरजीवन् विषे होय हे, दैवीन् विषे तो नाही होत हे. ओर ये तो भगवन्मार्गमें आयो हे, सेवा करे हे तासूं दैवी जीव हे, ताकुं सर्वथा फलको अभाव कैसें कह्यो जाय ? एसी शङ्काकी निवृत्तिकेलिये विवरणमें आज्ञा करी हे जो “तदा आसुराऽयं जीव इति निर्द्धारः”. इतनें, सुष्टिकी आदिमेंहु प्रभुकी इच्छासूंही आसुरजीव भये तेसें जब प्रभुकी इच्छा जीवकुं आसुर करिवेकी होय तब जीव आसुर होय. तासूं भक्तको अतिद्वेष करे तब वो जीव दैव भयो होय तोहु वाकुं आसुर करें. इतनें, सेवादिकसूं दैव दीखवेमें आवतो होय ओर भक्तको द्वेषहु करतो होय तब तो यह आसुर जीव हे एसेंही जाननों. तासूं प्रतिबन्धके स्वरूपकुं जानिवेवारे जो वैष्णव हैं उनकुं तो दुःसङ्गादिकनमें सावधानही रहनो.

ओर जा जीवकुं सेवामें भगवत्कृत प्रतिबन्ध होय ताकुं पीछें पश्चात्ताप होयके सेवा नाही बनिवेको शोक होय. तब पूर्वसूं वह भक्तिमार्गीय हे तासूं शोक न होयवेकेलिये तत्त्वनिर्द्धारके उपायभूत विवेकरूप साधन कहत हैं जो “जा प्रकारसूं शोकको अभाव होय वा प्रकारको ज्ञान राखनो येही साधन हे”. तामें उपनिषद्के ज्ञानकी अपेक्षा नाही हे किन्तु सांख्य, योग अथवा अन्य उपायसों तत्त्वनिश्चय करिके प्रभूनेंही ये सब कियो हे, सर्व जगत् ब्रह्मात्मक हे, में कोन हुं, साधन कहा हे, फल कहा हे, दाता कोन हे, भोक्ता कोन हे -इत्यादिक तत्त्वको निर्धार करनो. तासूं शोक निवृत्त होय. येही अभिप्राय “तदाज्ञानमार्गेण स्थातव्यं शोकाभावाय इति विवेकः” एसें विवरणमें जतायो हे.

विवरणमें “शोकके अभावकेलिये ज्ञानमार्गकरिकें रहनो” एसें कह्यो हे ताको अभिप्राय एसो दीसत हे जो ज्ञानमार्गकी स्थितिसूं शोकको अभावही फल होय, ज्ञानमार्गीय मुक्ति न होय. परन्तु वाको एसो अभिप्राय हे जो मूलमें “जेसो तत्त्वको निर्द्धार होय एसो विवेक राखनों” एसें कह्यो हे तासूं वा आसुरजीवमेंहु आवेशी ओर सहज एसे दोय भेद हैं. तामें जो आवेशी हे सो तो आवेश रहे तब तांइ भक्तको द्वेषादिक करे ओर आवेश मिटिजाय तब भक्तके उपर द्वेषादिकहु मिटिजाय. एसेकुं तो ज्ञानमार्गकरिकें सत्यलोकमें स्थिति अथवा अक्षरब्रह्मकी प्राप्ति होय. ओर सहजासुर होय गयो होय तासूं सर्वदा भक्त उपर द्वेष राखिकें द्रोह कयों करे ताकुं तो ज्ञानमार्गकी स्थितिसूंहु वा मार्गको फल न होय परन्तु शोकाभाव रूप फल होय. इतनें, शरण आयवेवारे जीवहु सहजासुर होय जाय तोहु

वाकं शोकाभावरूप फल तो होय ॥३॥

“तीनों बाधकको परित्याग करना” तामें भोग जो बाधक लिख्यो हे सो लौकिक भोग बाधक हे. ओर अलौकिक भोग फलरूप हे तासूं भोगहु एक फलरूप हे ओर एक बाधकरूप हे एसें जाननो. ओर निर्विघ्न महान् भोग हे ताको प्रवेश सदा प्रथमफलमें हे. इतनें, भोगमेंहु अलौकिकभोगरूपफलमें प्रविष्ट हे तासूं वाही प्रकारसूं भोग करना. ओर दोउ प्रतिबन्धनमें ‘पर’ नाम भगवत्कृत जो प्रतिबन्ध हे ताको तो त्याग होय सके एसो नहीं हे तासूं वाकूं छोड़िके दूसरो प्रतिबन्ध हे सो बुद्धिकरिंके छोड़नो.

तहां शङ्का होय जो लौकिकभोग तथा अलौकिकभोगकी तो तुल्यता हे वामें तारतम्य नहीं दीसत हे ! सो शङ्काकी निवृत्तिकेलिये अलौकिकभोगमें विलक्षणता कहत हैं जो अलौकिकसामर्थ्यरूप प्रथमफलमें भगवत्स्वरूपानन्दके अनुभवरूप भोग जब कियो जाय हे तब वामें कालादिककरिंकेहु अन्तराय नहीं होय सकत हे, एसें निर्विघ्न अलौकिक भोग सिद्ध होय हे. ओर लौकिकभोगमें तो सदा विघ्न आयोही करे हे तासूं निर्विघ्नताको सर्वथा अभावही हे. एसें लौकिक ओर अलौकिक भोगमें बहोत भेद हे. तासूंही स्रयासनिर्णयमें आज्ञा करी हे जो “वामें बाधा करिवेकुं हरिहु समर्थ नहीं हे तो दूसरो तो कोन कर सके ?” तेसें यह भोग स्वरूपसूं, फलसूं ओर साधनसूं बड़ो हे. क्यों जो विषयानन्द तथा ब्रह्मानन्दकी अपेक्षाकरिंके भजनानन्द बड़ोही हे तासूंही तीनों फलनमें अलौकिकसामर्थ्यरूप जो प्रथम फल हे वामें वाको (भजनानन्दको) प्रवेश हे ॥४॥

ननु साधारणो भोगः कथं त्यक्तव्यः ? इति आकांक्षायाम् आह “सविघ्नो अल्पो घातकः स्याद्” इति.

सविघ्नोऽल्पो घातकः स्याद् बलाद् एतौ सदा मतौ ॥

सविघ्नत्वाद् अल्पत्वाद् भोगः त्याज्यः. एतौ सदा प्रतिबन्धकौ.

द्वितीये सर्वथा चिन्ता त्याज्या संसारनिश्चयात् ॥५॥

द्वितीयो भगवत्कृतप्रतिबन्धः. ज्ञानस्थित्यभावे चिन्ताभावार्थम् आह ‘द्वितीय’ इति.

नत्वाद्ये दातृता नास्ति तृतीये बाधकं गृहम् ॥

आद्यफलाभावे भगवतो दातृत्वं नास्ति. तदा सेवा न आधिदैविकी इत्युक्तं भवति. भोगाभावः तदैव सिध्यति यदा गृहपरित्यागः.

अल्पः = थोड़ो

(च = हु, भोगः = भोग)

सविघ्नः = विघ्नसहित

घातकः = घातक

स्याद् = होय, एतौ = ये दोनों

(लौकिकः = लौकिक,

भोगः = भोग,

भगवत्कृतश्च = ओर भगवान्के

द्वारा भयो, प्रतिबन्धः = प्रतिबन्ध)

सदा = हमेशा

बलाद् = बलपूर्वक

(घातकौ = घातक)

मतौ = माने हैं

द्वितीये = दूसरेमें (भगवत्कृतप्रतिबन्धे =

भगवान्के करे प्रतिबन्धमें)

संसारनिश्चयात् = संसारको

निश्चय होयवेसूं, चिन्ता = चिन्ता

सर्वथा = हरतरहसूं

त्याज्या = त्यागनी

नतु = (यदि = जो)

आद्ये = पहिलेमें

दातृता = देयवेकी इच्छा

नास्ति = नहीं हे

(तदापि = तो भी)

तृतीये = तीसरेमें

(लौकिकभोगे = लौकिकभोगमें)

गृहं = घर

बाधकं = बन्धनकारक

(भवति = होय हे)

भावार्थः : तेसेंही अल्पभोग तो अर्थात् लौकिकभोग तो सर्वदा क्षुद्र सुख देयवेवारो, सोहु अनेकविध विघ्ननके साथ, हे एसी समज परे तबही छूटि सकत हे. अन्यथा लौकिकभोग अरु भगवत्कृत प्रतिबन्ध भक्तिभावके बलवान बाधक बनि जात हैं, एसें मानिके चलनो चाहिये. भगवत्कृत प्रतिबन्ध होयवेपे तो अपनी संसारासक्ति

तूटिवेवारी नाही हे, एसो निश्चय करिके चिन्ताको त्याग करिवोही उपाय हे. सेवा करतहु सेवकके भीतर जब अलौकिक सामर्थ्यको प्राकट्य होत नाही तब ताको प्रतिबन्धही मानि लेनो उचित नाही परि अलौकिक सेव्य-प्रभु सेवकद्वारा करी जाती सेवामें आधिदैविकता प्रकट होयवे देवो चाहत नाही हें एसे समजनों. लौकिक भोग केसेहु छूटत न होंय तो गृहत्याग करि देनोही आछो (कारिकार्थ).

तहां एक प्रश्न उठत हे जो साधारण भोग केसे छूटि सके ? ताको समाधान कहत हें जो लौकिक भोग अनेकविध विघ्नके साथ क्षुद्र सुखकुं देयवेवारी हे तातें त्याज्यही हे. परि जीव जब सावधानी राखत नाही तब लौकिक भोग सविघ्न अरु अल्प होयवेपेहु भगवत्कृत प्रतिबन्धकी नाई भगवत्सेवाके भक्तिभावको बलवान बाधक बनि जात हे. तातें पांचमे श्लोकमें 'सविघ्न' अरु 'अल्प' हेतुगर्भित विशेषण हें. भोग काहेकों त्याज्य हे ? तामे भोगके ये दोय विशेषण सविघ्न हे तातें त्याज्य हे अरु अल्पसुख देयवेवारी हे तातें त्याज्य हे, एसे जनावत हें. तेसंही पांचमे श्लोकमे 'एतौ' कह्यो, तहां 'लौकिकभोग' अरु 'भगवत्कृत प्रतिबन्ध' अभिप्रेत हें. तासों ये दोनों बलवान् बाधक भये. पांचमी कारिकामें दूसरे प्रतिबन्धके होयवेपे चिन्तात्यागकी जो कही तामें 'दूसरे' पदको अभिप्राय भगवत्कृत प्रतिबन्धतें समजनों. तीसरी कारिकामें उपदिष्ट माहात्म्यज्ञानावलम्बी विवेकहु कोऊ राखि न सकत होय ताकी चिन्ताकी निवृत्तिको उपाय 'संसारनिश्चय' हे. जो भवितव्य जाको निश्चित हे ताकुं टारिवेकी चिन्ता करिवेते कछू लाभ होत नाही. तातें फेरि भगवत्कृत प्रतिबन्धकी चर्चामें पुनरुक्ति नाही. भगवत्सेवा करतहु जब अलौकिक सामर्थ्यको प्राकट्य होत न होय तो ताकुं भगवत्कृतप्रतिबन्ध मानिकें संसारनिश्चय जानि सेवात्याग करिवो उचित नाही. सो काहेते ? कहत हें जो या जनममें भूतलपे प्रभु अलौकिक सामर्थ्यरूप फलदान करिवो न चाहें तो तेसी सेवा आधिदैविकी न भई जानिये. परि देह छूटे पाछें सेवोपयोगिदेहको दान करिके प्रभु नित्यलीलामें आधिदैविकी सेवा प्रदान करेंगे (विवरणार्थ).

टीका : लौकिकभोग विघ्नसहित हे तथा अल्प हे ओर भगवत्कृतप्रतिबन्ध बलात्कारसूं घातक हे तासूं ये दोउ प्रतिबन्ध माने हें. सो प्रथम (लौकिकभोग) त्यागकरिवेयोग्य हे; ओर दूसरो (भगवत्कृत) प्रतिबन्ध होय तब तो संसारकोही निश्चय हे. तासूं सर्वथा चिन्ता छोड़नी.

इतनें, लौकिकभोगमें आधि-व्याधिरूपी विघ्न बहोत हें, तेसें कर्म तथा कालादिकनसूंहु विघ्न होयवेको सम्भव हे. तथा स्वरूपसूं, फलसूं ओर साधनसूं हु अल्प हे. ओर भगवत्कृत प्रतिबन्ध सेवासमयमें अवरोधवारो होयवेसूं घातक हे. एसें दोय सदा प्रतिबन्धक माने हें. सो प्रथम त्यागकरिवेयोग्य हे ओर दूसरेमें गति नाही. एसें अभिप्रायसूं विवरणमें आज्ञा करी हे जो "एतौ सदा प्रतिबन्धकौ" ये दोय सदा प्रतिबन्धक हें. एसें लौकिकभोग त्यागकरिवेयोग्य हे एसें जतायकें भगवत्कृतप्रतिबन्धको त्याग होय सके नाही. ओर ज्ञानमार्गकी स्थितिमें अधिकार न होय एसो मन्दमति होय तब वाकुं फलकी चिन्ता करिके शोक होय ताकी निवृत्तिकेलिये कहत हें जो द्वितीय (भगवत्कृत) प्रतिबन्ध होय तब सर्वप्रकारकरिकें अन्यसूंहु सर्वथा फलके सम्बन्धको अभाव हे तासूं फलविषयिणी चिन्ता छोड़नी. क्यो जो अहन्ता-ममतात्मक जो संसार हे सो सर्वथा अनर्थको मूल हे ताको निश्चय हे. इतनें भगवत्कृत प्रतिबन्ध होय तब संसारही फल हे दूसरो फल नाही हे एसें निश्चयसमजनों ॥५॥

भगवत्सेवा करतहु 'आद्य'की-अलौकिकसामर्थ्यकी अनुभूति न होय तब भगवानकुं फल देयवेकी इच्छा नाही हे एसें जाननो. ओर तृतीयप्रतिबन्ध जो लौकिकभोग हे तामें गृह बाधक हे.

इतनें, "अलौकिकसामर्थ्यरूप फलको अभाव होय तब भगवान्की फल देयवेकी इच्छा नाही हे. तब सेवाको आधिदैविकपनो सिद्ध नाही होय हे. ओर गृहको परित्याग होय तबही लौकिकभोगको अभाव होय" एसें आज्ञा करी हे ताको अभिप्राय एसो हे जो भगवान् सर्वरीतसूं समर्थ हें ओर अन्तःकरणके सम्बन्धवारें हें तथापि चित्तमें विक्षेपरूप उद्वेग करें तब मानसी सेवा सिद्ध नाही होयवेसूं सेवाको आधिदैविकपनो सिद्ध होय नाही, तब भगवान्में फल देयवेकी इच्छाको अभाव हे एसें उद्वेगरूप बाधककुं कहिके भोगरूप बाधकमें विचार करत हें जो लौकिकभोगमें गृहही बाधक हे. क्यो जो लौकिक भोग हे सो भगवान्सूं बहिर्मुखता सम्पादन करे हे, सो जब ताई घरमें स्थिति होय तब ताई निवृत्त करो तोहु निवृत्त होय सके नाही. तासूंही श्रीमदाचार्यचरणनूनें निबन्धमें आज्ञा करी हे जो "गृह सर्वात्माकरिकें छोड़नो, सो छूट सके नाही तो श्रीकृष्णकेलिये घर जोड़ि

देनों; क्यों जो श्रीकृष्ण हे सो अहन्ता-ममतारूप संसारकुं छुड़ायेवारे हैं” ॥६॥

अवश्येयं सदा भाव्या सर्वम् अन्यत् मनोभ्रमः ॥६॥

तदीयैरपि तत् कार्यं पुष्टौ नैव विलम्बयेत् ॥

गुणक्षोभेऽपि दृष्टव्यम् एतदेवेति मे मतिः ॥७॥

इयं = एसी (दातृता = दानेच्छा) अवश्या = कोउको जापे वश नाही हे एसी हे
भाव्या = भावना करनी पुष्टौ = पुष्टिमें, न = नाही
अन्यत् = ओर, सर्व = सब एव = ही, विलम्बयेत् = विलम्ब करेंगे
मनोभ्रमः = मनको भ्रम हे गुणक्षोभे = गुणके क्षोभमें
(इति = एसो, निश्चयः = निश्चय हे) अपि = हु, एतत् = ये
तदीयैः = तदीयनकुं एव = ही, दृष्टव्यं = देखनो
अपि = हु, तत् = वो इति = एसी, मे = मेरी
(भावनं = भावन) कार्यं = करनो मतिः = मति हे

भावार्थ : भगवान्की फलदातृतापे काहुको वश नाही. तासों अन्य जो कछु विचार मनमें उपजे ताकों मनोभ्रमही समुझनो ॥६॥

भगवत्सम्बन्धी पुरुषनकुंहु फल ओर प्रतिबन्धन को विचार राखनो चाहिये. अनुग्रहकरिवेमें श्रीहरि कबहु विलम्ब नाही करेंगे. सत्वादि गुणनकरके जब कोई तरहको विकार उत्पन्न होय तो वा समयहु “प्रभुनेही फलदेयवेमें विलम्ब विचार्यो हे” एसें समझनों एसी मेरी बुद्धि हे ॥७॥

टीका : एसें तीन फल तथा तीन प्रतिबन्धको निरूपण करिके अपने सेवकनकुं विनको रात्रि-दिवस विचार कर्तव्य हे एसो जतायवेकेलिये आज्ञा करत हैं जो ये फलत्रयी तथा प्रतिबन्धत्रयी सदा अवश्य विचारणीय हे. विनको जो निरन्तर विचार होय तो भक्तिमार्गमें दूसरो प्रतिबन्ध नाही होयगो एसो जतायवेकेलिये कहत हैं जो ये तीन फल तथा तीन प्रतिबन्ध छोड़िके दूसरो सर्व मनको भ्रम हे;

अर्थात् दूसरे फलकी ओर दूसरे प्रतिबन्धकी कल्पना करनी सो मनकी भ्रान्तिही हे ॥६॥

अब यहां शङ्का होय जो फल तथा प्रतिबन्धको जो उपर निरूपण कियो सो तो जो आपके आश्रित होंय विनकुं घटे नाही. क्यों जो विनके देह तथा इन्द्रियादिक सब प्रभुनकुं समर्पित हैं तासूं सबनकुं फलरूप प्रभुको सम्बन्ध हे, तासूं विनकुं तो फल भयोही हे, तो विनकेलिये फल तथा प्रतिबन्ध को निरूपण करनो सो व्यर्थही हे एसी आशङ्का होय तहां कहत हैं:

तदीयनकुंहु फल तथा प्रतिबन्धादिक की भावना करनी. केवलपुष्टिमें अङ्गीकार होय तब तो फलमें विलम्ब करे नाही ओर गुणको क्षोभ होय तबहु साधन येही देखनो एसी मेरी मति हे.

इतनें जिननें ब्रह्मसम्बन्ध कियो हे विनकोहु फल तथा प्रतिबन्धादिक को भावन करनो. क्यों जो जिनको केवलपुष्टिमें अङ्गीकार होय विनको तो फल देयवेमें प्रभु विलम्ब करे नाही परन्तु आधुनिक जीवनको तो पुष्टिमर्यादामेही अङ्गीकार होयवेसूं फलसिद्धिमें विलम्ब होय हे. तब प्रेषितभर्तृकाकीसी नाई फलके प्रतिबन्धकी भावना सर्वदा करनी. तेसें सात्विकादिक गुणकरिके अन्तःकरणमें क्षोभ होय तबहु फलके प्रतिबन्धादिककीही भावना करनी. ताकी निवृत्तिकेलिये दूसरे साधन नाही करनें एसी मेरी (श्रीवल्लभाचार्यजीकी) मति हे. यहां मेरी मति हे एसें कहिवेको अभिप्राय यह हे जो या विषयमें विचार करत - करत मेरी बुद्धि यहांही निश्चल होयके रही हे. दूसरो साधन मेरी बुद्धिमें नाही आवे हे ॥७॥

यहां शङ्का होय जो एसें करिवेमें दूषणको आभास होय तब मनमें एसो विचार आवे जो अपनें समर्पणकरिके तदीय भये तब फल होयवेको सम्भव हे, तासूं प्रतिबन्धादिकको निरूपण कियो सो व्यर्थ हे, एसी शङ्का होय तहां कहत हैं:

कुसृष्टिर् अत्र वा काचिद् उत्पद्येत स वै भ्रमः ॥

अत्र = यहां	उत्पद्येत = उत्पन्न होय
वा = हु	सः = वो
काचित् = कोइ प्रकारकी	वै = निश्चयही
कुसृष्टिः = कुसृष्टि	भ्रमः = भ्रम हे

भावार्थ : या उक्तिमें जो कोईकुं सन्देहादि उत्पन्न होंय तो वो भ्रममात्र हे ॥

टीका : यहां काहु जातकी कुसृष्टि उत्पन्न होय हे सो निश्चय भ्रमरूप होय हे

इतनें, जो तदीय हें विनकुं तो नियमकरिकें फलको सम्भव हे तासूं सत्वादिक गुणन्करिकें मनमें अन्यथाभाव होय सो भ्रम हे. क्यो जे प्रभु स्वतन्त्रइच्छावारे हें एसो निरूपण कियो हे, तासूं प्रभु फल न देंयगे एसी अनुपपत्ति मनमें आवे ताको परिहार तो प्रथमही कियो हे ताकी भावना राखनी ॥

॥ इति श्रीवल्लभाचार्यजी विरचित सेवाफलकी

गोस्वामी श्रीनृसिंहलालजी महाराजकृत

ब्रजभाषाटीका समाप्त भई ॥

(२२)

श्रीमहाप्रभून्के अन्यहु उपदेशपरक ग्रन्थन्की न्याई पञ्चश्लोकीहु सब पुष्टिजीवन्के हृदयमें सर्वथा - सर्वदा धारण करि राखिवे जैसो ग्रन्थ हे. याके पांच श्लोकन्मेंते साड़े तीन श्लोक तो पुष्टिभक्तिके अङ्गन्के उपदेशार्थ हें; अरु डेढ़ श्लोक पुष्टिप्रपत्तिके अङ्गन्के उपदेशार्थ हें.

श्रीमहाप्रभून्के मतके अनुसार जीव तीन प्रकारके होत हें: १. पुष्टिमार्गीय दैवी जीव, २. मर्यादामार्गीय दैवी जीव ओर ३. प्रवाहमार्गीय आसुरी जीव. तिनको तो वर्णन श्रीमहाप्रभून्ने पुष्टिप्रवाहमर्यादाभेद ग्रन्थमें कयोही हे. तहां तीन प्रकारके मारग / गति, तीन प्रकारके साधन - फल, तीन प्रकारके जीव / देह; अरु तीनही प्रकारन्की तिनकी रुचि / कृतिन्को वर्णनहु आपने कियो हे. तोउ भूतलपे जनम लेयके सगरे जीव कबहुंक एक - दूजेके घरन्मेंहु; तो कबहुंक जो आपुने घरके सगे - सम्बन्धी नाहिं एसेन्कोहु सङ्ग पायके, मिश्रित भावन्को प्रकट करत हें. सो एसे भावमिश्रणके कारण त्रिविध जीवन्की रुचिमें तथा सामर्थ्यमें हु विविधताको अनुभव होत हे. तातें मर्यादामार्गीय अथवा प्रवाहमार्गीय जीवन्के मारग - गति, साधन - फल, जीव - देहस्वरूप; अरु रुचि - कृति आदि सगरे विषयन्को निरूपण आपने ताही पुष्टिप्रवाहमर्यादा ग्रन्थमें करि दीनो हे. सो ताकी चर्चा अब यहां करिवेको प्रसङ्ग नाहिं. जे, परन्तु, पुष्टिजीव हें तिनके विविध स्वभाव अरु विविध सामर्थ्य को विचार करिके आपके हृदयमें करुना उपजी जो, कोउ पुष्टिजीव निजमार्गीय होयवेपेहु, स्वभावभेद किंवा सामर्थ्यभेद के कारण पुष्टिभक्तिकी सरणीपे चलिके पुष्टिप्रभून्के अभिमुख जो होय सकत नाहिं तिनकी कहा गति ! तासों निजमारगमें निजजीवन्को निज पुष्टिप्रभून्के अभिमुख जा काहु सरणीपे चलायके पहुंचायो जाय सके, सो एसो उपाय करिवो चाहिये. सो काहेते ? जो पुष्टिमारग हे सो तो स्वरूपानन्दके दानार्थ जा जीवको प्रभून्ने अङ्गीकार कियो होय ताके लियेही हे. तोउ या मारगमें कबहुंक प्रमेयबल प्रकट करिके प्रभु स्वयं निजजनके सम्मुख प्रकट होत हें; अरु कबहुंक प्रमेयबल प्रकट करत नाहिं. तब जीवको गुरुकृपातें प्रमाणबलको आसरो लेयके यथासामर्थ्य - यथोपदेश भक्तिमारग अथवा शरणागतिमारग की सरणीको पकरिके पुष्टिप्रभून्के अभिमुख अग्रसर होंवनो परत हे. तासों श्रुति - सूत्र - गीता - भागवत - पाञ्चरात्रादि प्रमाणन्में भक्ति

अरु शरणागति के जोड़-जोड़ अङ्ग, स्वरूपघटक बताये हैं, तिनकों भक्ति-प्रपत्तिके प्रामाणिक अरु अवश्यकर्तव्य मानिके- “वर्णाश्रमवतां धर्मं मुख्ये नष्टे छलेन तु, क्रियमाणे न धर्मः स्याद् अतस्तस्मान् न मोचनं ... एतन्मार्गद्वयं प्रोक्तं गतिसाधनसंयुतम्” (स.नि.२२३-२५६)वचनन्के अनुसार शास्त्रविहित अङ्गन्की मर्यादाको तो यथाशक्ति निर्वाह करना परन्तु प्रधानता तो शास्त्रप्रमाणित पुष्टिप्रभून्के प्रमेयबलको हृदयमें विश्वास राखिवेकी आवश्यक मानी हे. तासों भक्ति अरु प्रपत्ति के शास्त्रप्रमाणित - शास्त्राविहित स्वरूपघटक अङ्गन्कीहु मुख्यता जाननी. सो काहेते ? तहां कहत हैं जो पुष्टिभक्तिको स्वरूप श्रुत्यादि सकल शास्त्रन्सों सिद्धही हे, यामें तो कोउ सन्देह नाहिं, परि वर्णाश्रमधर्म, नित्यकर्म, यागादि, नैमित्तिककर्म, पूजन - व्रत - श्राद्ध इत्यादिक कर्तव्यन्की न्यांइ “पुष्टिभक्ति करो”एसी आज्ञा शास्त्रन्में मिलत नाहिं. याहीते “**भक्तिमार्गस्य कथनात् पुष्टिरस्तीति निश्चयः**” (पु.प्र.म.२) वचनमें शास्त्रन्में भक्तिमार्गके निरूपणतें पृथक् पुष्टिमार्गकी परोक्ष सिद्धि जताय दीनि हे. तातें पुष्टिमार्गीय भक्ति अरु प्रपत्ति के स्वरूपघटक अङ्गन्में निष्ठाधिक्यको उपदेश करनकों अब कहत हैं:

गृहं सर्वात्मना त्याज्यं तच्चेत् त्यक्तुं न शक्यते ।
कृष्णार्थं तत् प्रयुञ्जीत कृष्णः संसारमोचकः ॥१॥

गृहं = घर	चेत् = यदि, तत् = वो
सर्वात्मना = सब तरहसों	कृष्णार्थं = कृष्णके अर्थ
त्याज्यं = त्याग करिवेयोग्य	प्रयुञ्जीत = आछी रीतिसों लगावनो
(भवति = होत हे) तत् = वो	(यतः = क्यों)
त्यक्तुं = छोडिवेकुं	कृष्णः = श्रीकृष्ण
न = नाहीं	संसारमोचकः = संसारसों छुडायवेवारे
शक्यते = शक्य बने	(भवति = होत हैं)

भावार्थ : घर, वैसे तो, सर्वथा त्याग करिवे लायकही होत हे; परन्तु सब कोउ घरकों तजि सकत नाहिं. तासों कृष्णकी सेवामें घरकों लगावनो. सो काहेते ? जो निजगृहमें कृष्णस्वरूपकों पधारयके जो जीव तिनकी सेवामें तत्पर होत हे, ताकी

संसारसक्ति छुडायके प्रभु ताकों निजस्वरूपासक्तिरूपा पुष्टिभक्तिको दान करत हैं.

टीका : या उपदेशमें एक शङ्का उठत हे जो या कारिकामें कहा पुष्टिभक्तके घरकी हेयताको तत्त्वोपदेश हे अथवा पुष्टिभक्तनकों घर तजिवेको कर्तव्योपदेश हे ? घरको स्वरूपही जो त्याज्य होय तो ऐसे घरमें भगवत्स्वरूपकी सेवा काहेकों करनी ? जो घरको त्याग सबही पुष्टिजीवननों प्रथम कर्तव्य होय तो जिन जीवनसों त्याग करिवो न बनि आवे तिनकोंही अनुकल्पतया भगवत्सेवा कर्तव्य होयगी. तब तो गृहत्याग मुख्य कर्तव्य भयो अरु भगवत्सेवा गौण कर्तव्य. तब तो भक्तिमार्गतें त्याग - वैराग्य - संन्यासमार्गकी श्रेष्ठता काहे न सिद्ध होयगी ?

तहां समाधान यह जाननो जो घरकों तजिवेकी यहां आज्ञा तो हे नाहिं; तासों या वचनकों कर्तव्योपदेश तो न जाननो. सो घरके स्वरूपको निरूपणही यहां अभिप्रेत होयवेतें या वचनको स्वरूप तो तत्त्वोपदेशकोही हे: जो घर संसारसक्ति बढायवेवारे होयवेते जीवात्माकों भवसागरमें डुबायवेवारे हे.

श्रीमहाप्रभूनों पुष्टिजीवनके उद्धारकी चिन्ता जब होय रही ही, तब पुष्टिप्रभुने साक्षात् प्रकट होयके पुष्टिजीवननों ब्रह्मसम्बन्धके दानकी आज्ञा दीनी. तासों कृष्णसेवाके निजाधिकारकी सिद्धि ब्रह्मसम्बन्धते होत हे. तेसेइ ममतास्पद सकल गृह - धन - धान्य - वस्त्र - पुत्र - कलत्रादि

- परिजननकोहु भगवत्सेवामें विनियोग करि सके एसो जीवको अधिकार ब्रह्मसम्बन्धते सिद्ध होत हे. पुष्टिप्रभूने एसोही वचन श्रीमहाप्रभून्को दियो. तातें स्वरूपतः त्याज्यहु घर आत्मनिवेदनकर्ताके सेव्य स्वरूपकी सेवामें विनियुक्त होयवेपे श्लाघ्य बनि जात हे, एसो अभिप्राय यहां जाननो. सिद्धान्तरहस्य ग्रन्थमें ताकोही उदाहरण: रथ्योदकके गङ्गाप्रवाहमें मिलि जायवेते ताकी गङ्गोदक तुल्य पवित्रताके रूपमें दीनो हे. तासों आत्मनिवेदीकों काहु प्रकारकी चिन्ता न करनी.

कृष्णकी सेवामें घरको विनियोग करिवेते घरहु संसारसक्तिवर्धक न होइ भक्तिवर्धक होय सकत हे. तहां सावधानि यह बरतिये जो सिद्धान्तमुक्तावलीमें कहे गये प्रकारसों आपुनेही तनु - वित्ततें कृष्णसेवा निभानी चहिये. अर्थात्

भगवत्सेवार्थ न तो अन्य काहुको धन लेनो अरु न अन्य काहुको धन देनो. आपुने सगे - सम्बन्धी अथवा इष्टजनन् मेंहु जो स्वमार्गीय होंय तिनकोही अपने सेव्य स्वरूपके दर्शन कराने, सगरे गामको बुलाय भगवत्सेवाको प्रदर्शन न करनो. अन्यथा घरको तो कृष्णसेवामें निष्काम भक्तिरूप समर्पण - विनियोग भयो नाहिं; उलटे श्रीकृष्णको समर्पण - विनियोग धन संमान प्रतिष्ठा के क्षुद्र उपार्जनमें भयो जानिये. तासों पाषंड अरु देवलकता कोहु दोष लगत हे. श्रीमहाप्रभूने “कृष्णः सर्वात्मना त्याज्यः स चेत्यक्तुं न शक्यते गृहार्थं तं प्रयुञ्जीत गृहं भक्तिनिवारकम्” तो कह्यो नाहिं, तातें भगवत्सेवाको आजीविका अथवा पदप्रतिष्ठा कमायवेको साधन बनायवेवारेन्को आसुरी जीव जाननो ॥१॥

भक्तिवर्धिनी ग्रन्थमें पुष्टिभक्तिके बीजभावसू संपन्न जीवके प्रथम तो दोय प्रकार बताये हैं: (१) दृढबीजभाववारे (२) अदृढबीजभाववारे. तामें अदृढबीजभाववारे जीवन्केहु पाछे दोय प्रकार बताये हैं. तिनमें प्रथम अव्यावृत्त अरु द्वितीय व्यावृत्त. तहां जा जीवके भीतर ‘पुष्टिभक्तिको बीजभाव’ कहेते श्रीकृष्णमें निष्काम अचंचला भक्ति सर्वातिशायिनी सिद्ध होय गई होय, तिनको तो भगवत्स्वरूपानुसन्धान अरु भगवल्लीलानुसन्धान हृदयमें निरन्तर बन्यो रहत हे. ताही कारणसों, गृह - धन - परिजनादिकी कछु अपेक्षा भक्तिमें रहत नाहिं. तासों तिनके कारज तो घर त्याज्यहु नाहिं अरु आवश्यकहु नाहिं. अरु अदृढबीजभाववारेन्में जो जीव अव्यावृत्त होत हैं तिनको तो कृष्णसेवाके सच्चे अधिकारी जानने. सो काहेते ? जो “बीजदार्यप्रकारस्तु गृहे स्थित्वा स्वधर्मतः, अव्यावृत्तो भजेत् कृष्णं पूजया श्रवणादिभिः” आज्ञा तहां प्रमाण हे. निज गृहमें रहिके जो भगवत्सेवाकथामें तत्परता निभावत हैं, तिनके तो बीजभावके दृढ होय जायवेपेहु, घरके भगवत्सेवोपयोगी होयवेते, तामें हेयताबुद्धि उपजत नाहिं. तातें गृहत्यागहु आवश्यक नाहिं - तेसेइ भगवद्व्यसनके रसोन्मादमें अनजाने गृहत्याग होय जातो होय तो कछु बाधकहु नाहिं. जो अदृढबीजभाववारे जीव व्यावृत्त होत हैं, तिनको आरंभमें भगवत्सेवा अथवा गृहत्याग इन दोनों बातन्मेंते काहु एककी उतावली करनी नाहिं. सो काहेते ? जो एसे जीवन्के काज श्रीमहाप्रभूने श्रवण - कीर्तन - स्मरण - अर्थात् ‘सेवायां’ कल्प नाहिं परन्तु ‘कथायां’ कल्प -की प्रधानताको उपदेश दीनो हे. तातेंही श्रवणादिद्वारा एसे जीवन्की श्रीकृष्णरुचि जब वृद्धिगत होयके भगवदासक्तिको रूप धारण करि लेत हे, तब तिनको गृहारुचि होत हे, एसी

आज्ञा आप करत हैं. गृहारुचि सिद्ध होयवेपे गृहस्थको गृहस्थित सगरी वस्तु तथा पुत्र - कलत्रादि सगे - सम्बन्धीनके विषे “अपनी भगवद्भक्तिमें ये सब कछु बाधक हैं तासों मेरे कौन कामके !” एसो भास होत हे. एसो भाव हृदयमें उठिवेके बादहु जो जीव घरको त्याग करत नाहिं, ताके भीतर गृहासक्ति पुनः प्रबलहु होय सकत हे. तासों एसे जीवन्को श्रीमहाप्रभु गृहत्याग करिके भगवदीयन्के सङ्ग करिवेकी जो आज्ञा देत हैं. तहां यह शङ्का होत हे जो ‘भक्ति’को अर्थ या मारगमें माहात्म्यज्ञानपूर्वक सुदृढ सर्वतोधिक स्नेहही मान्यो हे, सो ये दोउ जा जीवमें सिद्ध भये तो कृतकृत्यता भई जानिये, तासों गृहारुचि यद्वा गृहत्याग को कहा प्रसङ्ग ? तहां यह जाननो जो उल्लिखित भक्तिको स्वरूप भक्तिकी साधन-फलावस्था उभयसाधारण स्वरूप हे. एसी भक्तिकोहु चरमोत्कर्ष तो भगवान्को भक्तमें अरु भक्तको भगवान्में निरोध सिद्ध भयेते मान्यो हे. तासों पुष्टिजीवन्को प्रपंचविस्मृतिपूर्वक भगवदासक्तिरूप निरोधकी सिद्धि होय ताही हेतुसों श्रीमहाप्रभु “गृहं सर्वात्मना त्याज्यं” अंशसू निरूपित गृहत्याग पक्षको भारपूर्वक निरूपण करत हैं. सो ताकेही अनुसन्धानमें अब आगे कहत हैं:-

**सङ्गः सर्वात्मना त्याज्यः स चेत् त्यक्तुं न शक्यते ।
स सद्भिः सह कर्तव्यः सन्तः सङ्गस्य भेषजम् ॥२॥**

सङ्गः = सङ्ग	(भवति = होय हे)सः = वो
सर्वात्मना = सब तरहसू	त्यक्तुं = छोडनो, न = नहीं
त्याज्यः = त्याग करिवेयोग्य	शक्यते = शक्य होय, चेत् = यदि
सः = वो (सङ्गः)	(यतः = क्योंके)
सद्भिः = सत्पुरुषके, सह = साथ	सन्तः = सत्पुरुषको, सङ्गस्य = सङ्ग
कर्तव्यः = करनो चाहिये	भेषजं = स्वास्थ्यकारी (भवति = होत हे)

भावार्थ : सङ्ग तो काहुको न करिवोही उचित हे परन्तु परसङ्ग छूटतहु नाहिं; तातें यदि सङ्ग करनोही परतो होय तो सच्चे भगवदीयन्कोही करिवो उचित हे.

टीका : अदृढ बीजभाववारे जे कोउ पुष्टिजीव होंय तिनकों भगवत्सेवापरायण भगवदीयनके साथ भगवन्नाम - स्वरूप - लीलाको श्रवण - कीर्तन - स्मरण करनो चाहिये. याहीको 'कथापक्ष' कहत हैं. कथापक्षमें प्रारंभमें गृहत्याग उचित मान्यो नाहिं; परन्तु अन्तमें बीजभाव दृढ होयवेपे ताको कर्तव्योपदेश दियो हे. तहां आरंभिक अवस्थामें अथवा बीजभावके दृढ होयवेके पश्चात्हु जिनको सङ्ग कोउ करिवो चाहत हे, तिनकी परीक्षा करनी के न करनी? सो काहे पूछ्यो जात हे? तहां प्रश्नाशय यह जाननो जो काहुकी परीक्षा करके सङ्ग करिवेकी कहत हो सो शक्य नाहिं. सो काहेते जो परीक्षा करिके जाको सङ्ग करनो होय ताके गुणदोषनको विचार तो करिवोही परत हे. तहां भागवतमें परदोषदर्शनकी निंदा - "गुणदोषदृशिर्दोषः गुणस्तूभयवर्जितः" (भाग.११।१९।४५) या वचनमें कीनि हे. अर्थात् परायेके गुणदोषनको देखनो सो तो दोष हे अरु सांचो गुण तो परकीय गुणदोषनकों न देखिवोही हे. याको कहा समाधान?

तहां यह जाननो जो गुणदोषके विचार बिना हर कोउको सङ्ग करिवेते, जो दोष अपनेमें न होंय वेहु, सङ्गदोषके कारण अपने भीतर प्रकट होय सकत हैं. तातें श्रीमहाप्रभु तो ब्रह्मसम्बन्धदीक्षा लेयवेमेंहु - "कृष्णसेवापरं वीक्ष्य दंभादिरहितं नरं श्रीभागवततत्त्वज्ञं भजेज्जिज्ञासुरादरात्" (स.नि.२२७) या वचनमें गुरुहु के परीक्षणकी आज्ञा करत हैं; तहां सामान्य भगवदीयनके परीक्षणमें दोषको कहा विचार? तासूंही शिक्षापत्रमें श्रीहरिरायजी आज्ञा करत हैं:

यो वदत्यन्यथावाक्यम् आचार्यवचनाद् जनः ।
 संसृतिप्रेरको वापि तत्सङ्गो दुष्टसङ्गमः ॥
 यश्च कृष्णे रतिं नित्यं बोधयत्यप्रयोजनाम् ।
 निरपेक्षः सात्त्विकश्च तत्सङ्गः साधुसङ्गमः ॥
 एवं निश्चित्य सर्वेषु स्वीयेष्वन्येषु वा पुनः ।
 महत्कुलप्रसूतेषु कर्तव्यः सङ्गनिर्णयः ॥

अर्थात् श्रीमदाचार्यचरणनके वचनन्सूं जो कोउ अन्यथा वचन उच्चारत होय अथवा संसारासक्ति बढायवेवारी बात करतो होय तो ऐसे जनके सङ्गकों

दुष्टसङ्ग करि जाननो. जो कोउ स्वयं सात्त्विक होय अरु निष्काम = निष्प्रयोजन कृष्णरतिको उपदेश स्वयं निरपेक्ष होयके करत होय, ताको सङ्ग साधुसङ्ग = सत्सङ्ग करि जानिये. या बातको निर्धार मनमें दृढ राखिके आपुने सगे - सम्बन्धीनको अथवा अन्य कोउनको अथवा आचार्यकुलके बालकनको भी सङ्ग करिवेते पूर्व सबहिनको परीक्षण करनो आवश्यक हे. तहां शङ्का होत हैं जो भागवतके वचनकी कहा गति जानिये? तहां यह समाधान जाननो जो उत्कट वैराग्यके साधककों लक्ष्यमें राखिके दियो गयो ये उपदेश हे. स्वमार्गमें रूक्ष वैराग्यकी तो कछु महत्ता नाहिं सो काहेते? जो एसो वैराग्य कहा कामको जाते जीवके भीतर भक्ति दृढ न होइ! तातें भागवतको वचन यहां बाधक नाहिं. तातेंही श्रीमहाप्रभु आज्ञा करत हैं जो "अखिल जगत्में सदबुद्धि राखिके ताको सेवन सत्पुरुष तो करत नाहिं. सो काहेते? जो कहूं - कहूं भ्रांतिहु के कारण असद्विषयमें सदबुद्धि होय जात हे. तातें समझदार तो कृष्णकोंही भजत हैं" (वेदस्तुतिसुबो.२३) तासों जेसे असद्विषयमें भ्रांतिवश सदबुद्धि होय सकत हे तेसेही असत्पुरुषमेंहु सत्पुरुष होयवेकी बुद्धि भ्रांतिवश होय सकत हे. तासों सङ्ग करिवेमें सदसद्विवेक अत्यावश्यक हे.

भगवान्हु गीता(२।६२-६४)में आज्ञा करत हैं जो सङ्गके कारण जीवके भीतर कामना प्रकट होत हे. कामनाके कारण क्रोध, तातें संमोह, तातें स्मृतिविभ्रम, तातें बुद्धिनाश; अरु बुद्धिनाश भयेते दुर्गतिकों पाई नाश होत हे. तातें सङ्गमें सावधानि तो आवश्यक हेही. तातेंही श्रीमहाप्रभु भक्तिवर्धिनी ग्रन्थमें आज्ञा करत हैं जो भगवत्सेवापरायण भगवदीयनकोहु सङ्ग एसी चातुरीसों करनो जो इतनो समीपहु तिनके न जानो जो उनके कछूक दोषनको रंग स्वयंको लागि जावे; अरु इतनो दूरहु तिनते न रहनो जो उनके भक्तिभावकोहु रंग स्वयंकों न लागि पावे! यातेही जलभेद - पंचपद्यानि ग्रन्थन्में भगवद्गुणगानके कीर्तन किंवा श्रवण करिवेवारे केसे वक्ता अथवा केसे श्रोता के सङ्गको कहा - केसो स्वरूप हे सो उपदेश दीनो हे. तहां वित्तार्थ/वृत्त्यर्थ भगवत्सेवा किंवा भगवत्कथा करिवेवारेनके मुखते भगवन्नामश्रवण किंवा भगवत्कथाश्रवण कबहुं पावनकारी होत नाहिं, तासों एसे उपदेशकनके अथवा कथाकारनके सङ्गकों असत्सङ्गही जाननो.

यहां शङ्का होत हे जो जा सत्सङ्गमें इतनी सावधानि राखनी परे ता सत्सङ्गके करते तो कोउको सङ्ग न करिवोही श्रेयस्कर क्यों नहीं मानत हो? तहां ये समाधान

जाने जो सुबोधिनी(१०।३।३७)के-“सत्सङ्ग अरु भगवत जो हैं सो तो भगवान्के आधिभौतिक चरणारविंद हैं, ज्ञान अरु भक्ति आध्यात्मिक चरणारविंद; तेसेई कृपा करिके प्रकट दर्शन देत स्वरूपके चरणारविंदनको आधिदैविक जानने” या वचनको आशय विचारेते सत्सङ्ग जो हे सो तो भगवान्कोही आधिभौतिक चरण हे. तातें भवभयहारी अभीष्टकारी तीर्थास्पद अरु भवसागरते तारिवेवारे आधिदैविक चरणारविंदनके समान माहात्म्यशाली सत्सङ्गहु कों जानिये. तातें बाधक दुःसङ्गके बारेमें सावधानि राखिवेके उपदेशको अभिप्राय सर्वविध सङ्गनके त्याग करिवेको न जानिये; परन्तु असत्सङ्गकी भक्तिमार्गमें बाधकताके स्वरूपको उपदेश देयवेकोही जानिये.

तहां शङ्का उठत हे जो सर्वकाम मोक्षकाम अकाम किंवा भगवत्काम सबहि प्रकारके जीव भगवद्भजन करिवेके तो अधिकारी हैं. तातेंही भगवान्हु कहत हैं जो “न मय्यावेशितधियां कामः कामाय कल्पते, भर्जिताः क्वथिता धाना प्रायो बीजाय नेष्यते” (भाग.१०-२२-२६) जेसे भूंज्यो के उबाल्यो धान बीज बनिके पुनः उगि सकत नाहिं, तेसेई भगवद्विषयक कामते क्रोधादिकी कोउ दुर्वासना अंकुरित होत नाहिं. भगवच्चरणारविंदको सङ्ग भगवत्कामको तो उद्बोधक होय सकत हे; परन्तु भगवत्कामते अन्य काहु प्रकारकी दुर्वासना प्रकट होत नाहिं. सो सत्सङ्गहु भगवान्को आधिभौतिक चरणरूप होयवेते भगवत्कामको तो उद्बोधन करि सकत हे; परन्तु ताकारि अन्य कोउ दुर्वासना प्रकट होत नाहिं. तातें सत्सङ्गको सङ्गरोगकी औषधि = ‘भेषज’ जाननो. अतएव सङ्ग करिवेते पूर्व सदसदको विवेक आवश्यक होत हे, जेसे निदान अरु चिकित्सा तें पूर्व सांचे चिकित्सककी खोज. अन्यथा ऊपर जताये दुर्गुणवारे मनुष्यनके दुःसङ्ग पाइके सकल दुर्वासना हृदयमें भरि जायवेते जीवात्माको विनाश ध्रुव हे. तासों सत्सङ्गकी आवश्यकताकों देखिके श्रीमहाप्रभु आज्ञा करत हैं: “बाधसम्भावनायां तु नैकांते वास इष्यते, हरिस्तु सर्वतो रक्षां करिष्यति न संशयः”(भ.व.१०)

एसे “भवापवर्गो भ्रमतो यदा भवेज्जनस्य तर्ह्यच्युत सत्समागमः, सत्सङ्गमो यर्हि तदैव सद्गतौ परावरेषे त्वयि जायते मतिः”(भाग.१०।५१।५४) वचनमें निरूपित सत्सङ्गके माहात्म्यको उपदेश भयो. तासों यह जतायो जो भगवत्सेवा - कथाकीर्तनस्मरणकी न्यांइ सत्सङ्गहु भगवत्परिचर्या - श्रवणद्वारा चित्तकों भगवदेकतान करिवेको एक उपाय हे।।२।।

एसे “गृहं सर्वात्मना त्याज्यं” अंशसों निरूपित त्याज्य गृहके स्वरूपके विचारतें भक्तके कर्तव्यरूप सत्सङ्गको उपदेश देयके ताके विकल्परूप “कृष्णार्थं तत्प्रयुंजीत” अंशसूं निरूपित पक्षको उपदेश अब आगेकी कारिकामें देत हैं. तहां शङ्का होत हे जो ‘विकल्प’ क्यों कहत हो? कहा गृहत्यागपूर्वक सत्सङ्ग अरु गृहस्थितिपूर्वक भगवत्सेवा इन दोनों कल्पनमेंते जा जीवकों जो रुचे सो करनो एसो आशय ‘विकल्प’को जानिये; अथवा भगवत्सेवा घरमें बनि आवे तो गृहस्थिति अथवा न बनि आवे तो बीजभावके दृढ भये पाछे गृहत्याग, एसे इन दोनों अवस्थानमें अधिकारविवेक राखिके गृहस्थिति किंवा गृहत्याग कोही केवल विकल्प हे. तहां जिज्ञासा होत हे जो यामें अन्तर कहा पर्यो? तहां समाधान यह जानिये जो प्रथम कल्पमें तो भगवदीयनके साथ सत्सङ्ग करो के भगवत्सेवा करो तामें कछु अधिकारतारतम्य के फलतारतम्य सिद्ध न होयगो. द्वितीय कल्पमें भगवत्सेवाकी मुख्यता राखिके तदनुकूल घरमें स्थिति अथवा तत्प्रतिकूल घरके त्यागको उपदेश स्वीकारवेपे: गृहस्थितिपूर्वक भगवत्सेवा मुख्य कल्प सिद्ध होत हे; अरु गृहत्यागपूर्वक सत्सङ्ग गौण कल्प अर्थात् अनुकल्प. इनमें कौन सो आशय प्रामाणिक जानिये?

तहां पूर्वपक्षमें यह कह्यो जात हे जो (१) भक्तिवर्धिनीमें “सेवायां वा कथायां वा” कह्यो हे ता हेतुतें, (२) सत्सङ्गकों भगवच्चरणारविंदके तुल्य मान्यो हे ता हेतुतें, (३) “स्त्रीणां स्त्रीसंगिनां सङ्गं त्यक्त्वा दूरत आत्मवान्, क्षेमे विविक्त आसीनश्चिन्तयेद् मामतन्द्रितः, न तथास्य भवेत्क्लेशो बन्धश्चान्यप्रसङ्गतः योषित्सङ्गाद् यथा पुंसो यथा तत्संगिसङ्गतः”(भाग.११।१४।२९-३०) वचनके अभिप्राय विचारेतेहु स्वरूपतः गृहकों तो सर्वथा हेयही मान्यो हे ता हेतुतें; तेसेइ (४) “न रोधयति मां यागो... यथावरुंधे सत्सङ्गो सर्वसङ्गापहो हि मां सत्सङ्गेन हि दैतेया... बहवो मत्पदं प्राप्ताः... ते नाधीतश्रुतिगणा नोपासितमहत्तमाः अत्रतातप्ततपसः सत्सङ्गाद् मामुपागताः”(भाग.११।१२।१-७) वचनके विमर्श कियेतेहु भगवत्सेवा अरु भगवदीयसङ्ग के बीच कोउ तारतम्य लगत नाहिं.

यहां उत्तरपक्ष यों कह्यो जात हे जो (१) “सेवायां वा कथायां वा” वचनमें

भगवत्सेवाकथाको समुच्चय उत्तमपक्ष मान्यो जात हे अरु भगवत्सेवा अथवा भगवत्कथा में ते कोउ एकको अवलंबन मध्यमपक्ष. तहांहु इतनो तो अवश्य दृढ करि हृदयमें राखनो जो सेवा - कथाको अवलंबन स्वगृहमें शक्य होय तातें उत्तम कहा होय सके ? परन्तु जो शक्य न होय तो भगवत्कथार्थ घरमें रहत अथवा घरमें भगवत्सेवा न होयवेपे बीजभावके दृढ भयेते घरको त्याग करिकेहु भगवदीयनके सङ्ग भगवत्कथाके अवलंबनको उपदेश हे. (२)स्वमार्गीय सेवासिद्धान्तके अनुसार सेव्य स्वरूप भगवान्को जड़ प्रतीक नाहिं सो क्यों ? जो ब्रह्मवादके अनुसार साक्षात् स्वरूपही मान्यो जात हे. तातें निजसेव्य स्वरूपके चरणारविन्दको तो आधिदैविक जानिके दृढाश्रय राखनो. सत्सङ्गकों श्रीमहाप्रभु आधिभौतिक चरणके रूपमें बरने हैं. (३)गृहस्थित पुरुषके काज स्त्रीसङ्ग; उपलक्षणतया स्त्रीके काज पुरुषसङ्ग को दोष महान् बाधक तो मान्यो गयो हे परन्तु यथाभाव कोउ उत्तमाधिकारी भगवत्सेवामें सहयोगीके भावसों, तो कोउ मध्यमाधिकारी त्रिवर्गसाधनमें सहयोगीके भावसों, तो कोउ अधमाधिकारी कामोपभोगमें सहयोगीके भावसों; तो कोउ अधमाधमाधिकारी केवल धनलोलुप होयके परस्पर स्त्रीसङ्ग अथवा पुरुषसङ्ग घरमें करत हैं. तासों स्त्रीपुरुषसङ्गकी निंदा “सङ्गात्संजायते कामः कामात्क्रोधोऽभिजायते, क्रोधाद्भवति संमोहः...” वचनके अनुसन्धानमें कही बात हे अन्यथा नहीं. तासोंही भागवतमें कह्यो हे जो “तावद् रागादयः स्तेनास्तावत्कारागृहं गृहं, तावन्मोहोऽघ्निनिगडो यावत्कृष्ण न ते जनाः”(भाग.१०।१४।३६) तातें भगवत्सेवापरायण भगवदीयकी गृहस्थितिकों श्रीमहाप्रभु निबन्धमें “मुक्तिर्तेहु उत्तम” कही बखानत हैं. सो आधिदैविक साक्षात् प्रभूके चरणारविन्दकों दृढाश्रय राखिवेवारेनके काज गृहके स्वरूपतो हेय होयवेको उपदेश न जाननो. अन्यथा “शावौ करौ नो कुरुतः सपर्याम्”(भाग.२।३।२१) वचनमें भगवत्सेवारहित हाथनकों शवहस्त जैसे अपवित्र गिनाये हैं. तातें जैसे गृहत्यागको बखान करत हो तेसे योगादि उपायनतें देहत्यागकेहु बखान क्यों नाहिं करत ? तातें कहा सिद्ध होत हे ? तहां यह जाने जो जैसे गेहको तेसेही देहकोहु स्वरूप हेयही कह्यो हे. तासों हेय होवेते जैसे गृहत्याग करिके सत्सङ्गकों धावत हो तेसे देहसों साध्य सत्सङ्गकोंहु छांडिके अनशनादि कठोर व्रतद्वारा मुक्ति पायवे काहेकों न धावनों ? जो कहो के मुक्तिर्ते भक्तिर्को श्रेष्ठ मानी हे; तो सत्सङ्गते तो केवल श्रवणेन्द्रिय - अन्तःकरण - जीवात्तामेंही भक्ति प्रकट होत हे - तहां भगवत्सेवाके कारण तो देह इन्द्रिय प्राण अन्तःकरण आत्मा तथा सकल आत्मीय पदार्थनमें भगवत्सङ्गवशात् भगवत्काम

उद्बुद्ध होय सकत हे, याते श्रेष्ठ कहा ? (४) तेसेइ भागवत - एकादशस्कंधके “न रोधयति...” वचनमें सत्सङ्गकी श्रेष्ठ साधनताको निरूपण कियो हे श्रेष्ठ फलरूपता किंवा इष्टता को नाहिं. पुष्टिजीवके काज साचो फल तो भगवत्स्वरूपसेवनही मान्यो हे : “भगवद्रूपसेवार्थं तत्सृष्टिः नान्यथा भवेत्”(पु.प्र.म.१२). तासों पूर्वपक्ष दोषयुक्त हे. एसे जो भगवत्सेवा अरु सत्सङ्ग के बीच विकल्प मानत हैं; अथवा गृहत्यागको अनुकल्प भगवत्सेवाको मानत हैं सो तो सर्वथा मूलवचननमें अनभिप्रेत आशय हे. तासों यहां निष्कर्ष यह जानिये: गृहस्थितिपूर्वक भगवत्सेवारूप मुख्यकल्पको अनुकल्पही गृहत्यागपूर्वक सत्सङ्ग हे; अथवा व्यवस्थित विकल्प जाननो. सो कहा ? तहां कहत हैं जो भगवत्सेवा निजगृहमें शक्य होय तो सो उत्तम अरु भगवत्सेवा शक्य न होय तो बीजभावके दृढ भये पाछे गृहत्यागपूर्वक सत्सङ्गहु उत्तम. सो एसे सत्सङ्गको निरूपण तो भयो; अब गृहस्थितिपूर्वक भगवत्सेवाको उपदेश अर्थात् “कृष्णार्थं तत्प्रयुंजीत कृष्णः संसारमोचकः” अंशसूं निरूपित पक्षको उपदेश करत हैं:

अनुकूले कलत्रादौ विष्णोः कार्याणि कारयेत् ॥
उदासीने स्वयं कुर्यात् प्रतिकूले गृहं त्यजेत् ॥३॥
तत्त्यागे दूषणं नास्ति यतः कृष्णबहिर्मुखाः ॥

कलत्रादौ = पत्नी आदि	प्रतिकूले = प्रतिकूल होंय (सति=तो)
अनुकूले = अनुकूल होंय(सति)	गृहं = घरकुं, त्यजेत् = छोडे
विष्णोः = विष्णु सम्बन्धि	तत्त्यागे = विनको त्याग करिवेमें
कार्याणि = कार्य	दूषणं = दोष / अपराध
कारयेत् = करावने	न अस्ति = नाहीं हे
उदासीने = उदासीन होंय(सति)	यतः = क्यों (ते कलत्रादयः)
स्वयं = खुद (कुर्यात् = करे);	कृष्णबहिर्मुखाः = कृष्णसूं बहिर्मुख हैं

भावार्थ : पत्नी - बहु - बहेन - बेटी पुत्र - पिता - भाई आदि बन्धुबांधव तेसेइ नोकर - चाकर आदि घरमें रहिवेवारे जे कोउ लोग भगवत्सेवानुकूल होंय तो

तिनसों विष्णुकार्य = भगवत्सेवा - परिचर्या करावनी. तिनमें जो कोउ उदासीन होय तो ताको भगवत्सेवार्थ कोउ कार्य न सोंपनो, स्वयंही करि लेनो. तिनपे स्वयं कछु करावत न होय तोउ भगवत्सेवाको विरोध करि जे कोउ प्रतिबन्ध डारत होंय तिनको परित्याग करनो. एसो करत जो कछूक दोष लगे तो कहा करनो ? तहां आजा करत हैं जो प्रभून्ते बहिर्मुख जीवनको परित्याग करिवेमें काहु प्रकारको शास्त्रीय अपराध होत नाहिं ॥३॥

टीका : यहां शङ्का उठत हे जो घर - परिवारके लोग भगवत्सेवानुकूल हैं किंवा नहीं ताको ज्ञान कैसे पाइये ? तहां यह समाधान जानिये जो सर्वनिर्णय निबन्धमें श्रीमहाप्रभु कहत हैं:-

विक्षेपाद् अथवाऽशक्त्या प्रतिबन्धादपि क्वचित् ॥

अत्याग्रहप्रवेशे वा परपीडादिसम्भवे ॥

गृहस्थानामपि पूजायां पञ्चदोषसम्भवे...विक्षेपादिति, स्वतःप्रवृत्तिरहितानि इन्द्रियाणि बलाद् भगवति योज्यमानानि विक्षेपं जनयन्ति विग्रहकर्षितानि. जरया व्याधिभिर्वा यदा शक्त्यभावो, लोका वा प्रतिबन्धं कुर्वन्ति, स्वस्य वा परम आग्रह उत्पद्यते येन तमसि प्रविष्टो भगवन्तं न स्मरति, लोकानां वा पीडां कुर्यात्; तत्र पूजा त्यक्तव्या. तदा अन्यत्रापि तथात्वे परदेशे शून्यदेवालये पूजा विधेया. तत्रापि दोषसम्भवे...तदा यत्रैव गत्वा सेवा संपत्स्यते तत्रैव सेवा कर्तव्या(स.नि.का.प्र.२४७).

इन विक्षेप अशक्ति प्रतिबन्ध अत्याग्रहप्रवेश अरु परपीडा रूप पांच दोषकी व्याख्या ग्रन्थमेंतेही देखि लेनी. सो जिनमें ये पांच दोष न होंय तिनको भगवत्सेवार्थ अनुकूल जाननो. ये दोषहु न होंय अरु रुचिहु प्रकट न करत होंय तो तिनको उदासीन जाननो. अरु भगवत्सेवामें जे बाधक होंय तिनको तो त्यागही करनो. परन्तु काहुते सोहु न बनि आवे तो ताको तो आपुही अन्यत्र कहं जाय बसनो. सो काहेते ? जो भगवत्सेवामें बाधक होय ताको वैष्णव न जानिये अरु जो वैष्णवधर्मको विरोध करत होय ताके सङ्गको तो दुःसङ्गही जाननो.

कछूक पाखंडी लोग यहां अकांडतांडव करत हैं जो या श्लोकमें - अनुकूल जे पत्नी आदितें भगवत्सेवा कराय लेवेकी छूट श्रीमहाप्रभून्ते दीनि हे, तातें यह सिद्ध होत हे जो पति अथवा पिता के वित्तको लेयके पत्नी अथवा पुत्र आप - आपुने तनुन्तें = देहन्तें भगवत्सेवा करत होंय, तामें सिद्धान्तमुक्तावलीकी 'तनुवित्तजसेवा'की आज्ञाको लेशमात्र बाध होत नाहिं. तासों कहा सिद्ध भयो ? जो जेसे पतिकी वित्तजातें पत्नीकी तनुजा सेवामें सिद्धान्तबाध नाहिं; तेसेही वैष्णवकी वित्तजातें गोस्वामिबालककी तनुजा सेवामेंहु कोउ सिद्धान्तबाध माननो नाहिं. तहां यह जाननो जो पतिपत्नी अथवा पितापुत्रादि में घरसंपत्तिको विभाजन जो भयो न होय तब तो जो घरकी संपत्ति होय तहां सबन्को अविभक्त स्वत्व रहत हे. तासों पति किंवा पिता के द्रव्यतें पत्नी किंवा संतती भगवत्सेवा करत होंय तामें लेन - देनको व्यवहार भयो मान्यो जात नाहिं. अब कोउ वैष्णव अरु गोस्वामिबालक कीहु संपत्ति परस्पर अविभक्त होय तो तब तो एकदूजेतें द्रव्यको लेयके भगवत्सेवा करवेमें लेन - देनको व्यवहार भयो न जानिये परन्तु सो न होय तो लेन - देनको व्यवहार मानिवो परत हे. तहां भगवत्सेवार्थ परद्रव्य लेयवेतें तनुवित्तजा सेवाको स्वरूपविघात अरु सेवाके पश्चात् सेवोपभुक्त सामग्रीको अपने उपभोगार्थ लेयवेपे देवलकताको महापातित्यकारी दोषहु लागि जात हे.

दूसरे कछूक पाखंडी लोग एसोहु विधान करत हैं जो ब्रह्मसम्बन्ध लेय लेवेके पश्चात् अहन्ता - ममता तो राखनी उचित नाहिं, तातें कहा तो गोस्वामिबालकको धन अरु कहा वैष्णवको धन ! सो काहेते जो - प्रभून्को समर्पित सब कछू प्रभून्कोही होय जात हे, तातें जहां अपने - परायकी भेददृष्टिही राखनी योग्य नाहिं तहां परद्रव्यतें सेवा न करिवेकी बातको अर्थ कहा ? एसे पाखंडवचनके निरसनार्थ एसे पूछनो जो केवल द्रव्यके बारेमेंही अहन्ता - ममता त्यागि देवेकी कहत हो किंवा सबही विषयन्में ? जो कहो के सबही विषयन्में अहन्ता - ममता त्याग दीनि, तो परपति - परपत्नीकोहु भेदभाव भुलाय दीनो कहा ? जो कोउ 'हां' कहे तो कहा गोस्वामिबालककी बहुजी - बेटेजी वैष्णवके घर जाय सके अरु वैष्णवकी बहुबेटी गोस्वामिबालकके घर रहि सके ? जो एसी बात करिवेमेंहु कोउ दोष माने तो सिद्ध भयो जानिये जो अहन्ता - ममता सर्वथा तो मिटी नाहिं. तासों जब अन्य विषयमें मिटी नाहिं, तब भगवत्सेवारूप स्वधर्मको

द्रव्यलालसाकी दुर्वृत्तिके कारण आजीविका न बनानो होय तो, अहन्ता - ममताके न राखिवेके बहाने बनायवेतें लाभ कहा ? तातें सिद्धान्तमुक्तावली तथा पंचश्लोकी के दोउ वचनन्की एकवाक्यताको विचार कियेतें निजपरिवारके पत्नी - पुत्र - भाई - भोजाई गृहदास इत्यादिकन्ते भगवत्सेवा कराय लेवेतें तनुवित्तजा सेवाके स्वरूपको विघात होत नाहिं; अरु जिनके साथ संपत्ति किंवा चूल्हा कों अविभक्त न राखिके भेदभाव राखिवेमें आवत हे, तिनके तनुतें अथवा वित्ततें भगवत्सेवा करायवेते तनुवित्तजाके नियमको उल्लंघन होत हे.

सुबोधिनी(३।१।२)के “गृहस्थितेः उत्कृष्टत्वं न भगवदीयत्वमात्रेण किन्तु भगवता सह स्थित्या भगवत्कार्यार्थं वा; अन्यथा न स्थातव्यम् इति स्थितिः” वचनके अनुसार गृहस्थितिके पक्षको अवलंबन करिवेवारे आत्मनिवेदी अधिकारीनको स्वात्माको तथा सकल स्वात्मीय पदार्थनको भगवत्सेवामें समर्पण - विनियोग करिवेको उपदेश भयो ॥३॥

भागवत(११।२।४२)के

भक्तिः परेशानुभवो विरक्तिरन्यत्र चैष त्रिक एककालः ।

प्रपद्यमानस्य यथाश्नतः स्युः तुष्टिः पुष्टिः क्षुदपायोऽनुघासम् ॥

-वचनके अनुसार शरणागतितें भक्ति परेशानुभव अरु विरक्ति यों तीनोंही मिली सकत हैं, तातें अब भक्तिमार्गमें जो जीव प्रवेशयोग्य हैं तिनके काज; किंवा वर्तमान जन्ममें अथवा अवस्थामें योग्य न होय तोहु, भगवत् - शरणागतिके कारण, वर्तमान जनममें अथवा आगामी जनममेंहु प्रभुभक्तिके जो अधिकारी बनि पावेंगे तिनके काज शरणागतिके अङ्गनको उपदेश करिवेकों डेढ़ कारिका कहत हैं.

तहां कछूक प्रश्न होत हैं जो इन डेढ़ कारिकाकी शब्दावलीको पांचरात्रके लक्ष्मीतंत्रके सप्तदशाध्यायमें निरूपित षडंग उपायरूप प्रपत्तिके वर्णनतें साम्य प्रकट हे; सो कहा उभयत्र एकही विषय हे किंवा पृथक् - पृथक् ? षोडशग्रन्थके विवेकधैर्याश्रयमेंहु आश्रयको उपदेश हे; सो ये उपदेश अरु तहां कियो उपदेश एकही हैं किंवा पृथक् - पृथक् ? तेसेई रामानुज संप्रदायमेंहु भक्तितें न्यारो एक

उपाय प्रपत्तिकों मान्यो हे. सो ता निरूपणमें स्वरूपानुपपत्ति, लक्षणानुपपत्ति, अनुष्ठानानुपपत्ति, विध्यनुपपत्ति, निषेधानुपपत्ति, भेदानुपपत्ति, शक्यत्वानुपपत्ति, प्रसिद्धत्वानुपपत्ति, संप्रदायाविरुद्धत्वानुपपत्ति एसी नवविध अनुपपत्तिनको परिहारहु कियो हे; सो पुष्टिमार्गमें मान्य राखनो के नाहिं ? अरु जो मान्य न होय तो वे सगरी अनुपपत्ति श्रीमहाप्रभून्के उपदेशमेंहु प्रसक्त होय तो तिनको परिहार कहा ?

(पुष्टिप्रपत्तिमार्गमें शरणागतिकी छह रीतिनको उपदेश)

अनुकूलस्य सङ्कल्पः^१ प्रतिकूलस्य वर्जनम्^२ ॥४॥

करिष्यतीति विश्वासो^३ भर्तृत्वे वरणं^४ तथा ॥

आत्मनैवेद्यकार्पण्ये^{५-६} षड्विधा शरणागतिः ॥५॥

अनुकूलस्य = अनुकूल बनिवेको

भर्तृत्वे=स्वामि के रूपमे

सङ्कल्पः = निश्चय

वरणं = स्वीकार

प्रतिकूलस्य = प्रतिकूलको

तथा = अरु

वर्जनम् = त्याग

आत्मनैवेद्यकार्पण्ये = आत्मनिवेदन

करिष्यति = करेंगे

तथा दीनता

इति = एसी

षड्विधा = छे प्रकारकी

विश्वासो = भरोसो

शरणागतिः = शरणागति

भावार्थ : प्रभून्के अनुकूल बनिवेको सङ्कल्प, प्रभून्के प्रतिकूलको त्याग, प्रभु सब कछु अपनी इच्छानुसार करेंगे एसी भरोसो, स्वामिके रूपमें प्रभून्को स्वीकार, आत्मनिवेदन तथा दीनता एसे शरणागतिके छे प्रकार होत हैं.

टीका : ‘विवेकधैर्याश्रय’में आश्रयकी साधनामें विवेक अरु धैर्य के बाद आश्रयभावकी मानसिक-वाचिक भावना, अन्याश्रयको परित्याग, दृढ़विश्वास; तथा, शरणभावना हृदयमें दृढ़ राखिके जो कछु सहजमें प्राप्त होय ताको निर्मम सेवन करनो ऐसे चार आंगिक उपायनकी अनुष्ठेयताको उपदेश दीनो. तिन उपायनको अब या ग्रन्थमें उपदिष्ट इन छह उपायनके साथ कहा-कैसो सम्बन्ध

जाननो ? कहा वे अरु ये उपाय एक ही तरहके उपायनूके नामभेदसों उपदेश हें ? जो हां कहो तो पुनरुक्तिको दोष होय. अथवा जो दोउ भिन्न-भिन्न रीतिनूके उपाय होंय तो इनको अरु विनको समुच्चय जाननो के विकल्प जाननो ? जो समुच्चय मानें तो 'विवेकधैर्याश्रय'में उपायोपदेशकी न्यूनताको दोष आवे. जो विकल्प मानें तो जैसे 'अन्याश्रयत्याग' अरु 'भर्तृत्ववरण' तैसे ही 'अविश्वासत्याग' अरु 'विश्वास-राखिवे' में एक सी बातनूको विधिमुख अरु निषेधमुख सों उपदेश मिल रह्यो होयवेसूं विकल्प कैसे सम्भवे ? इन आशङ्कानूके समाधानार्थ अब इन दोउ 'विवेकधैर्याश्रय' अरु या 'पञ्चश्लोकी' ग्रन्थनूमें प्राप्त होते उपदेशनूके बीच परस्पर साध्य-साधकभाव जानि लेवो आवश्यक है.

तहां कहत हें जो 'कृष्णाश्रय'स्तोत्रमें "विवेकधैर्यभक्त्यादिरहितस्य विशेषतः, पापासक्तस्य दीनस्य कृष्णाएव गतिर्मम" कह्यो हे सो विवेक हु जब निभतो न होय, तो धैर्यकी तो बात कहा ! तहांहुं भगवदाश्रय न छोड़नों ऐसे तो कह्यो ही हे. तैसे ही विवेकधैर्याश्रयमेंहु यह आज्ञा दीनि हे जो "अशक्ये हरिरेव अस्ति सर्वम् आश्रयतो भवेत्" तासों यहां अब वा सर्वसाधक भगवदाश्रयकी सिद्धिके उपायनूको उपदेश महाप्रभु या ग्रन्थमें देवो चाहत हें. तासों इन् उपायनूके अनुसरेते भगवादाश्रय सिद्ध होत हे. ता करि आश्रयके स्वरूपघटक चार्यों : ^१आश्रयभावकी मानसिक-वाचिक भावना, ^२अन्याश्रयको परित्याग, ^३दृढविश्वास; तथा, ^४शरणभावना हृदयमें दृढ राखिके जो कछु सहजमें प्राप्त होय ताको निर्मम सेवन करनो, ऐसे भगवदाश्रयके चार्यों आंगिक उपायहु आचार्यचरणकी कृपातें सिद्ध होय जायेंगे ऐसे जाननो.

भगवद्गीतामें जो "सर्वधर्मान् परित्यज्य माम् एकं शरणं ब्रज अहं त्वा सर्वपापेभ्यो मोक्षयिष्यामि मा शुच" वचनतें भगवानूने शरणागतिको उपदेश दीनों सो तो मोक्षपर्यवसायिनी शरणागति हे. तासों यहां मर्यादामार्गीय शरणागतिको उपदेश जानिये. श्रीमद्भागवतके "तस्मान्मच्छरणं गोष्ठं मन्नाथं मत्परिग्रहं गोपाये स्वात्मयोगेन सोऽयं मे व्रत आहितः" या वचनमें पुष्टिमार्गीय शरणागतिको निरूपण हे. ऐसो निरूपण बड़ेनूके वचनमें मिलत हे. ताको अभिप्राय यह जो अर्जुन तथा ब्रजभक्त दोनूयोंनूकों अन्याश्रय अरु धर्माश्रय निवृत्त करिके आप स्वयं धर्मिरूपसों रक्षक किंवा आश्रय बने सो शरणागति तो उभयत्र समानरूपा सिद्ध

भई. अर्जुनकी शरणागति, परन्तु, स्वयं श्रीमुखतें मोक्षपर्यवसायिनी जताई. ब्रजभक्तनूकी, परन्तु, शरणागतिके द्वारा तिनकी भगवदासक्तिको भगवद्व्यसनभावमें विकास भयो दृष्टिगत होत हे. तासों वो शरणागति पुष्टिमार्गीय सिद्ध भई जाननी.

श्रीमद्भागवतके एकादशस्कन्धमेंहु "तस्मात् त्वम् उद्धव ! उत्सृज्य चोदनां प्रतिचोदनां प्रवृत्तं च निवृत्तं च श्रोतव्यं श्रुतमेव च माम् एकमेव शरणम् आत्मानं सर्वदेहिनां याहि सर्वात्मभावेन मया स्या ह्यकुतोभयः" या वचनमें सर्वविध उपायावलम्बनको परित्याग अरु उपेय धर्मिरूप साक्षात् श्रीप्रभूनूके अवलम्बनको उपदेश मिलत हे.

यहां 'सर्वात्मभाव' पदसों भक्तिकी व्यसनोत्तरदशामें सिद्ध होयवेवारे सर्वात्मभावको शरणागतिमें साधनभाव न विचारनों. क्यों जो

"भक्तिः परेशानुभवो विरक्तिः अन्यत्र चैष त्रिक एककालः प्रपद्यमानस्य यथा अश्नतः स्युः पुष्टिः तुष्टिः क्षुदपायो अनुघासं इति अच्युतांघ्रिं भजतो अनुवृत्त्या भक्तिः विरक्तिः भगवत्प्रबोधो भवन्ति वै भागवतस्य राजन् ! ततः परां शान्तिम् उपैति साक्षात्"

-इन वचननूमें शरणागतिकों भक्तिके साधनतयाहु उपदेश दियो हे.

तासों मोक्षसाधिका शरणागति मर्यादामार्गीय अरु भक्तिसाधिका शरणागतिको पुष्टिमार्गीय करि जाननो.

श्रीरामानुज सम्प्रदायके अनुसार उपायानुष्ठानके प्रयत्नसों आरब्ध किंवा साध्य धर्माश्रयरूपा शरणागतिकों "मर्कटशावकन्यायकी शरणागति" कहत हें. सो काहेते ? जो मर्कटशावक जब अपने प्रयत्नसों अपनी माताके उदरसों दृढ़तापूर्वक चिपकि रहत हे तो माताहु ताकों जहां ऊंचाई के दूर ताई वह बालक कूदि न पामें तहां ताकों कुदाय सकत हे. तातें मर्कटशावककों स्वप्रयत्न करिवेते ही माताकों दृढ़ आश्रय फलीभूत होत हे. उपेयप्रयत्न अर्थात् साक्षात् प्रभूनूके

प्रयत्नसों सिद्ध वरदानकी न्याईं प्राप्त होंवती शरणागतिकों धर्म्याश्रयरूपा शरणागति “मार्जारीशावकन्यायकी शरणागति” कहत हैं. सो काहेते ? जो मार्जारी अपने निरीह शावककों अपने मूंहमें दांतनुसों दबायिके वे दांत गरदनमें गड़े हुं नाहिं अरु एक छपराते दूसरे छपरापे कूदते समय अपनो बालक मूंहमेंते गिरहु ना पड़े, ऐसी सावधानिसों पकरि राखत हे. तैसे ही कबहूक परमेश्वर दुष्ट/दीन जीवकों निजकृपासों अपनी तरफ खेंचि लेत हैं. या तरहके प्रभेद अपने सम्प्रदायमें हु मान्य हैं. अरु शुद्धपुष्टि तथा मिश्रपुष्टि की शरणागतिके भिन्न-भिन्न प्रकारनुमें तिनकों अन्तर्भाव होत हे.

भगवत्प्रयत्नारब्धा धर्मिशरणागति भगवद्भक्तिमें पर्यवसायिनी होत होय तो ताकों शुद्धपुष्टिरूपा शरणागति जानिये तथा मुक्तिपर्यवसायिनी होत होय तो ताकों मर्यादारूपा जानिये.

१. जीवप्रयत्नारब्धा भक्त्यर्था धर्मिशरणागति मिश्रपुष्टिमें मर्यादापुष्टिके जीवनोंके प्रमाणबलसों षड्विध साधक अंग बनी भक्तिकी साधिका होत हे. २. जीवप्रयत्नारब्धा भक्त्यंगभूता धर्मिशरणागति मिश्रपुष्टिमें प्रवाहपुष्टिके जीवनोंके षड्विध साधनबलसों भक्तिको करण बनि भक्तिभाव निभायवेमें सहायिका बनत हे. ३. जीवप्रयत्नारब्धा भक्तिभावके आनुषंगिक फलकी न्याईं स्वतःसिद्ध होंवती धर्मिशरणागति मिश्रपुष्टिमें पुष्टिपुष्टिके जीवनोंके फलबलसों उनकी भक्तिकी उत्तमताको षड्विध लिंग बनत हे.

जैसे पर्वतपे अग्नि प्रज्वलित हे के नाहिं सो तरहटीमे ठाड़े पुरुषकों दिखाई परत नाहिं. तोहु तहां शिखरपे धूम उठतो दीखत होय तो सो धूम अग्निके तहां होयवेको लिंग बनि जात हे. ऐसे या पंचश्लोकीमें कहे गये छहों उपाय कहुं- कबहुंक अंग, तो अन्यत्र करण; तो पुनः अन्यत्र लिंग हु बनत हैं.

तासों पूर्वमें निरूपित भगवत्प्रयत्नारब्धा धर्मिशरणागतिको भगवद्भक्तिमें पर्यवसान होयवेवारो होय तो कबहुंक प्रमेयबलसों मिश्रपुष्टिके अन्तर्गत मर्यादापुष्टि अथवा प्रवाहपुष्टि के जीवनोंहु भक्तिके अनुकल्पतया षड्विध अंग सिद्ध होंवत

हे. तासों जैसे श्रीमद्भागवतके पूर्वोक्त वचनमें “प्रपद्यमानस्य भक्तिसिद्धिः” निरूपित कीनि तैसे तो नहिं परन्तु “प्रपत्तौ नीयमानस्य भक्त्यनुकल्पसिद्धिः” के रूपमें शुद्धपुष्टिरूपा शरणागति हु कबहुंक प्रमेयबलसों सिद्ध होत हे. जैसे चौरासी वैष्णवन्की वार्तामें अम्बालावारे नारायणदासजीकों आचार्यचरणनुने कही “तोसों स्वरूपसेवा तो निबहेगी नाहिं. पराई चाकरी करनी घरमें कोउ सेवक नाहिं. तातें हस्ताक्षर लिख देत हों. सामग्री जो बनें सो भोग धरिके महाप्रसाद लीजो. तब ब्रह्मसम्बन्धको गद्यको श्लोक अष्टाक्षर लिखिके नारायणदासकूं दिये... अपनो चरणामृत दीनों अरु ‘बालबोध’ ग्रन्थ करि पढ़ाये” तासों ही सर्वनिर्णयनिबन्धके प्रकाशमेंहु आप आज्ञा करत हैं “एतत् सर्वं प्रयत्नेन गृहस्थस्य प्रकीर्तितम् अन्येषां सम्भवेत्तु स्याद्... ‘गृहं-धनम्’ इति पूर्वाधिकारद्वयाभावे तृतीयं पक्षम् आह... बाह्याभ्यान्तरभेदेन रूपे भेदद्वयं मतं नाम्नि चैकं ततस्त्रेधा भक्तिमार्गो निरूपितः. प्रपत्तिमार्गम् आह... एतन्मार्गद्वयं प्रोक्तं गतिसाधनसंयुतम्” तासों भक्तिके अनुकल्पतयाहु प्रपत्तिमार्ग किंवा शरणागतिमार्ग उपदिष्ट भयो हे. सो जीवप्रयत्नारब्धहु होय सके अरु भगवत्प्रयत्नारब्धहु. प्रथममें प्रमाण अरु साधन के बल साधक बनत हैं अरु द्वितीयमें प्रमेयबल अरु फलबल सिद्ध भये जानिये. सो नारायणदासकों आचार्यचरणनुने अपने प्रमेयबलसों भक्तिके अनुकल्पतया शरणागतिद्वारा फलदानको वरदान कीनों. यह लीला आपने मिश्रपुष्टिके जीवनोंके आश्वस्त राखिवेकों प्रकट कीनि. तैसे ही शुद्धपुष्टिके जीवनों हुं कबहुंक भक्तिके विकल्पतया भगवान् साक्षात् शरणागतिको वरदान करत हैं. सो ऐसी शरणागति मुक्तिमें पर्यवसित न होय पर स्वरूपासक्तिमें पर्यवसित होत होय तो ताकों शुद्धपुष्टिरूपा शरणागति जानिये.

पूर्वमें उद्धृत एकादशस्कन्धके वचनमें “माम् एकमेव शरणम् आत्मानं सर्वदेहिनां याहि सर्वात्मभावेन” वचनमें जो कह्यो ताको अभिप्राय शरणागतिहु इन्द्रियन्की विषयासक्ति, मन, बुद्धि, अहंकार, चित्त अरु आत्मा यों षड्विधा होय तो ताकों सर्वात्मना सिद्ध भई जानिये. तैसे ही भगवद्गीताके “उपद्रष्टा अनुमन्ता च भर्ता भोक्ता महेश्वरः परमात्मा इति चापि उक्तो देहे अस्मिन् पुरुषः परः” वचनमें शरण्य किंवा आश्रय रूपी प्रभुकेहु छह रूप दिखाये हैं.

१. तहां 'उपद्रष्टा' कहते प्रभु साक्षिभावसों सब कछु देखत हें ऐसे जानिये. सो काहेते ? जो जीवात्मा तो उपभोगार्थ जिन इन्द्रियनके सदसद् शुभाशुभ तथा सुखदुःखप्रद विषयनकों साक्षात् रागद्वेषोपेक्षाकी दृष्टिसों देखत हे तिनकों प्रभु तो उपद्रष्टा होयके रागद्वेषोपेक्षारहित दृष्टिसों विषयदर्शी द्रष्टाद्वारा देखत हें. तासों जीवके दोष प्रभूनसों छिप नाहिं सकत हें. सो शुद्ध दैन्यभाव राखिके शरणागत जीव प्रभूनके उपद्रष्टा होयवेके भावते प्रतिकूल न होंय ऐसी तरहसों विषयोपभोग करिवेकी इन्द्रियनकी रुचि बनावे तो आनुकूल्यको सङ्कल्प सिद्ध भयो जानिये.

२. 'अनुमन्ता' कहते प्रभु जीवकों जीवकी सदसद्वासनानके अनुसार सत्कर्म किंवा असत्कर्म जो करनो होय सो करिवे देत हें, रोकत-टोकत नाहिं, अनुमति देत हें. तासों जीवात्माकों अपने मनके आधीन होयके नहिं प्रत्युत अपने मनकों प्रभूनके आधीन बनायि राखिवेकों प्रभूनके प्रतिकूल कोउ कर्म करनो नाहिं. ऐसो होय तो मनको सङ्कल्प सिद्ध भयो जानिये.

३. 'भर्ता' कहते जीवको कर्तव्य हे जो बुद्धिप्रेरक प्रभूनको भर्तकि रूपमें बुद्धिपूर्वक वरण करिके तैसो ही भाव तहां दृढ़ राखे. याहीते 'विवेकधैर्याश्रय'में निषिद्ध अन्याश्रयहु छूटि जायगो. सो काहेते ? जो अन्याश्रय कियेते भर्तृभाव खण्डित होत हे. कोउ सन्नारी अपने भर्तकि सिवाय अन्य नरके काज अपेक्षाबुद्धि राखत नाहिं. सो बुद्धिद्वारा प्रभूनकों भर्ता=पति बनानो शरणागतिको तीसरो अंग किंवा लिंग हे.

४. 'भोक्ता' कहते प्रभु जड़ाजड़ सभी विषयनके एकमात्र भोग करिवेवारे हें. तासों ही महर्षि बादरायणने "अत्ता चराचरग्रहणात्" विधान ब्रह्मसूत्रमें कियो हे. तासों शरणागत जीवको कर्तव्य बनत हे जो काहू वस्तु सम्बन्ध क्रिया अथवा भाव के उपभोग करत भगवद्भोगको भाव करि ताके भगवत्प्रसाद होयवेको भाव चित्तमें राखिके तिनको उपभोग करनों. तहां शङ्का होत हे जो प्रभूनको भोग धरिवो तो भक्तिसाधनामें ही बनि आवे प्रपत्ति किंवा शरणागति की साधनामें सो कैसे सम्भवे ? तहां यह समाधान जाननो जो श्रीगोपीनाथ प्रभुचरणनने साधनदीपिकाके "लब्धानुग्रहम् आचार्यात् श्रीकृष्णशरणं जनः... एवं सप्तविधा भक्तिः प्रपन्नाधिकृता भवेत्" वचननमें शरणागत जीवके वेष लिंग आचार आदिको

उपदेश करिके नवविधभक्तिनमेंते श्रवण कीर्तन स्मरण पादसेवन अर्चन वन्दन अरु दास्य यों सात तरहकी भक्तिमें प्रपन्न जीवको अधिकार मान्यो हे. तासों दास्यान्तर्गत भोग धरिवेको प्रकारहु "दास्यं तदेकशरणं तत्प्रसादैकभोजनम्" कह्यो हे. तासोंही मर्यादामार्गीय पूजाके प्रकारमेंहु भगवत्प्रसादके नियमको निर्वाह शक्य हे. वैसे तो यामें यथोक्तरीतिसों वस्तु सम्बन्ध क्रिया अथवा भाव यों सभीनके उपभोगकी बात हे. कछु खाद्यभोजनमात्रकी नाहिं. तासों या उपभोगमें पुष्टिमार्गीय सेवाप्रकारकी रीतिसों सख्य किंवा आत्मनिवेदन के भाववारे भोग धरिवेकी अपेक्षाहु नाहिं. यासों मेरे लायक जो होयगो सो प्रभु मोंकों सिद्ध करि देंगे अरु जामें मेरो हित नाहिं सो वस्तु सम्बन्ध क्रिया अथवा भाव प्रभु कबहुं सिद्ध नाहिं करेंगे. तासों "प्राप्तं सेवेत निर्मम" को भाव राखिवेवारे शरणागत जीवके चित्तमें विश्वासरूप आश्रयभाव दृढ़ होत हे.

५. 'महेश्वर' कहते प्रभूनको देवाधिदेव समझने. जीवहु अपने देहसों अनुष्ठित होते कर्मनके अनुष्ठान अरु फलभोग में स्वयंकों ईश्वरवत् अज्ञानवश मानि सके परन्तु ताकेहु ईश्वर अन्तमें तो प्रभु ही हें सो तिनकों 'महेश्वर' कह्यो जात हे. सो क्यों ? तहां कहत हें भगवद्गीतामें भगवान् कहत हें जो

"ईश्वरो अहम्, अहं भोगी, सिद्धो अहं, बलवान्, सुखी,
आढ्यो, अभिजनवान् अस्मि को अन्यो अस्ति सदृशो मया
यक्ष्ये दास्यामि मोदिष्ये इति अज्ञानविमोहिताः"

-या वचनके अनुसार देहसों अनुष्ठित होते कर्म अरु तिनके फलोपभोग में अपने स्वात्त्रयकेहु ऊपर महेश्वरके सामने आपुने अहंकारकों विनम्र करिवेते कार्पण्यरूप आश्रयभाव दृढ़ करि सिद्ध होत हे.

६. 'परमात्मा' कहते प्रभुको स्वरूप परम आत्मा होयवेको जाननो. सो कैसे तहां कहत हें जो श्रीमद्भागवतमें "अहम् आत्मा आत्मनां, धातः !, प्रेष्टः सन् प्रेयसामपि अतो मयि रतिं कुर्याद् देहादिः यत्कृते प्रियः" कह्यो हे. सो देहकी प्रियताको मूल जैसे आत्माके प्रिय होयवेमें हे, तैसे ही जीवात्माकेहु प्रिय होयवेको मूल परमात्माके प्रिय होयवेमें होत हे. तासों शरणागत जीव आत्मना जब

भगवान्को प्रिय करि जानत हे, तब आत्मनिवेदन रूप आश्रयभाव सिद्ध भयो जानिये. यह शरणागतिके अन्तर्भूत आत्मनिवेदनको भक्तिभावान्तर्भूत आत्मनिवेदनसो पृथक् जानिये. सो काहेते ? जो शरणागतिमार्गीय आत्मनिवेदन बोधरूप हे परि भक्तिमार्गीय केवल बोधरूप नही अपितु भावरूप अरु समर्पण-विनियोग-पर्यवसायी भगवत्सेवारूपहु होत हे.

ऐसी षड्विधा शरणागति उच्चाधिकारी जीवात्माके भीतर प्रमेयबलतें शरणभावके लिंगतया प्रकट होत हैं. मध्यम अधिकारीके भीतर ये छहों भाव ताकी शरणागतिके अंगरूपसों प्रकट होत हैं. अरु कनिष्ठ अधिकारीके भीतर करणके रूपमें अनुसरणीय होत हैं.

इति श्रीदीक्षितात्मज-श्याममनोहर-विरचिता

पंचश्लोकीव्याख्या

सम्पूर्णा

॥ साधनप्रकरणम् ॥

(२३)

(तत्त्वार्थदीपनिबन्धमें सर्वनिर्णय प्रकरणके अन्तर्गत)

अधुनातु कलौ सर्वे विरुद्धाचारतत्पराः ॥
स्वाध्यायादिक्रियाहीनाः तथाऽऽचारपराङ्मुखाः ॥२१२॥
क्रियमाणं तथाचारं विधिहीनं प्रकुर्वते ॥
विक्षिप्तमनसो भ्रान्ताः जिह्वोपस्थ-परायणाः ॥२१३॥
व्रात्यप्रायाः स्वतो दुष्टास् तत्र धर्मः कथं भवेत् ॥
षड्भिः सम्पद्यते धर्मस् ते दुर्लभतराः कलौ ॥२१४॥

कालदोषात् शक्तिहासे वेदाभावात् सर्वधर्माभावः. तर्हि किं विधेयम् इति आकाङ्क्षायाम् आह अथाऽपि इति.

अथापि धर्ममार्गेण स्थित्वा कृष्णं भजेत् सदा ॥
श्रीभागवतमार्गेण स कथञ्चित् तरिष्यति ॥२१५॥

पाषण्डमतस्वीकारम् अकृत्वा यथाशक्त्यग्निहोत्रादिकं कुर्वन् सदा कृष्णं भजन् भवति भगवदुक्तेनैव मार्गेण ततो मुख्यधर्माभावात् न फलं, भगवद्भजनात् च न पातः, किन्तु कथञ्चित् कलिं तरिष्यति कलिदोषाभिभूतो न भविष्यति इति अर्थः ॥२१५॥

कलौ = कलिकालमें

तथा = ओर

तु = तो, अधुना = आज-कल

आचारपराङ्मुखाः = सदाचारसों

सर्वे = सब, विरुद्धाचारतत्पराः

विमुख, तथा = ओर

= विरुद्ध आचारमें परायण

क्रियमाणम् = करे जाते

स्वाध्यायादिक्रियाहीनाः =

आचारं = आचार हु

स्वाध्यायादि क्रियासों रहित

विधिहीनं = विधिसों रहित

प्रकुर्वते = करे हैं

(तु = तो) षड्भिः = छेसूं

विक्षिप्तमनसो = विक्षिप्त मनवारे

(देशकालादिभिः = देशकालादिंसूं)

भ्रान्ताः = भ्रान्त	सम्पद्यते = सम्पन्न होय हे
जिह्वोपस्थ-परायणाः = भोग- रागमें परायण, ब्रात्यप्रायाः = अधिकतर संस्कार विहीन	ते = वे, कलौ = कलिकालमें दुर्लभतराः = अति दुर्लभ (सन्ति = हैं) अथापि = तोहु धर्ममार्गेण = धर्मके मार्गसों
स्वतः = आपु / खुद	स्थित्वा = रहिके (यः = जो)
दुष्टाः = दुष्ट(संजाताः = भये हैं)	श्रीभागवतमार्गेण = भागवतोक्त मार्गसों
तत्र = एसेमें (एतादृशैः = एसे) (अनधिकारिभिः = अनधिकारीनुद्वारा	कृष्णं = श्रीकृष्णकों, सदा = हमेशा
क्रियमाणेषु = करे जाते(कर्मसु = कर्ममें)	भजेत् = भजे हे, स = वो
धर्मः = धर्म, कथं = कोन प्रकारसूं	कथञ्चित् = जेसे-तेसे; काहु-
भवेत् = होय !, धर्मः = धर्म	प्रकारसूं, तरिष्यति = तर जायगो

भावार्थ : कलियुगमें या बिरियां सब कोऊ शास्त्रविरुद्ध आचरणमें निरत हैं। स्वाध्याय आदि नित्यकर्महु कोऊ करत नाहीं। स्नान-व्रत-प्रायश्चित्तादिकी शुद्धिहु कोऊ पालत नाहीं। कोऊ कछूक मेंड-मरजाद पालत हैं सोऊ यथाविधि नाहीं। एसेनुको चित्त कहूं एक ठोरपे ठहरत नाहीं। जिह्वा अरु उपस्थ कों सन्तुष्ट करिवेमें ही सर्वत्र भटकत फिरत हैं। एसे ब्रात्यप्रायः स्वतो दुष्ट मनुष्य धर्मबुद्धितेंहु कछूक कर्म करत होंय तो तातें धर्मानुष्ठान सिद्ध होत नाहीं। सो कहेतें ? तहां कहत हैं देश-काल-द्रव्य-मन्त्र-कर्ता-कर्मतें धर्म सिद्ध होत हे, सो या कलियुगमें ये छहों शुद्ध मिलत नाहीं। तोऊ बने सो धर्म करत जो श्रीभागवतके अनुसार कृष्णकों सदा भजत हैं वे केसेहुं तरी जावेंगे ॥२१२-२१५॥

टीका : अभीके समयमें तो कलिकालके दोषसों सबन्की शक्ति घट गई हे। वेदकी यथार्थ स्थिति नाहीं हे। सब पुरुष विरुद्धाचरणमें तत्पर हैं। वैदिक क्रियासों हीन हैं। आचारसों रहित हैं। “शौचाचारविहीनानां समस्ता निष्फलाः क्रियाः”। तासों करे भये कर्महु सब निष्फल होत हैं। यदि कोई पुरुष वैदिक कर्मकुं करे हे तो विधिरहित करे हे। मन एकाग्र नाहीं राखे हे। सदा-सर्वदा भ्रममें ही डूबे रहे आवे हैं। जिह्वा-उपस्थके सुखमें परायण रहे आवे हैं।

ब्रात्यप्राय-वर्णधर्मसों हीन हैं। स्वभावसों ही दुष्ट हैं। एसें मनुष्यन्में धर्म केसे रहि सके हे ? क्योके देश, काल, द्रव्य, कर्ता, कर्म तथा मन्त्र इन छ पदार्थन्सों धर्म बने हे। या कलिकालमें इन देशादिक छ पदार्थन्को शुद्ध मिलनो दुर्लभ हे। कलिकालके दोषसों शक्तिहास ह्वे गयो हे तासों वेदको अभाव हे। अतएव सब धर्मन्कोहु अभाव हे।

तब अनेक प्रकारके सन्तापन्सों दुःखी जीवनकुं परम सुखकी प्राप्तिके अर्थ कहा साधन करनो योग्य हे ? तहां उत्तर आज्ञा करे हैं **अथापि धर्ममार्गेण** इति।

पाखण्डमतको त्याग करिके, अग्निहोत्रादिकन्कुं भक्तिके अङ्ग समुझिके, विनको यथाशक्ति पालन करतो भयो सदा श्रीकृष्णकी भक्तिमें परायण रहे तो कलियुगकों तरि जावे हे।

अर्थात् या कलियुगमें मुख्य वैदिकधर्म नाहीं बन सके तासों वेदोक्त फलहु नाहीं होय। भगवद्भजन करतो रहे तो पातहु नाहीं होय। किन्तु कलिके दोष वा भक्तकुं दबाय नाहीं सके हैं। अल्प साधन करिके बडे भारी फलकों देवेको कलियुगको स्वभाव वा भक्तके आगें प्रगट होय जावे हे। तब तो भगवदुक्त प्रकारसों श्रद्धापूर्वक भगवत्कथाको श्रवण, भगवद्गुणन्को गान-स्मरण, जन्मोत्सवादिक करतो भयो धर्म-अर्थ-कामको भगवान्के अर्थ ही आचरण करतो भयो सदा भजन करे हे तब “**इमं लोकं तथैवामुम्**” (भाग.पुरा.३।२५।३९) इत्यादि तृतीयस्कन्ध पञ्चविंशाध्यायोक्त जीवन्मुक्तिकुं प्राप्त होवे हे। यासोंहु उत्तम अधिकारी होय तो “**परस्य मे तेऽश्नुवते तु लोके**” (भगा.पुरा.३।२५।३७) श्लोकोक्त वैकुण्ठमें अलौकिक भोगकुं प्राप्त होवे हे। अर्थात् सेवाफलकी टीकामें जो प्रकार लिख्यो हे वाके अनुसार वैकुण्ठादिकन्में सेवोपयोगी देहकुं प्राप्त होवे हे ॥२१२-२१५॥

अत्र बाधकद्वयं त्यागार्थम् आह अत्रापि वेदनिन्दायाम् इति।

अत्रापि वेदनिन्दायाम् अधर्मकरणात् तथा ॥

नरके न भवेत् पातः किन्तु हीनेषु जायते ॥२१६॥

भगवन्मार्गे स्थित्वा यदि वेदानाम् अप्रामाण्यं वदेत् कथञ्चिदपि, तदा भगवन्नाम्नो नरकविरोधित्वात् न नरके पातः किन्तु तृतीयमार्गसाधनत्वाद् हीनेषु जायते, शूद्रादिषु सम्भवति. अतो दृश्यते नीचयोनिषु भगवद्भक्तानां जन्मः. तस्माद् एतद्व्ययम् अकृत्वा भगवान् सेव्यः ॥२१६॥

शूद्रादियोनौ जातस्य किं फलम् ? इति आकाङ्क्षायाम् आह पूर्वसंस्कारतः इति.

पूर्वसंस्कारतस् तत्र भजन् मुच्येत जन्मभिः ॥

अत्यन्ताभिनिवेशश्चेत् संसारे न भवेत् तदा ॥

एतावन्मात्रताप्यस्ति मार्गेऽस्मिन् मुरवैरिणः ॥२१७॥

संस्कारवशाद् भगवद्भजने जायमाने तस्मिन् देहे वेदादीनां स्मरणाभावान् निन्दाभावेन तुष्टः सन् भगवान् मोचयेद् इति अर्थः. तत्रापि एकं बाधकम् आह अत्यन्ताभिनिवेशश्चेद् इति. संस्कारस्य दुर्बलत्वे ज्ञानाभावात् संसारे अभिनिवेशो भवति. ततो दृढभजनाभावान् न मुच्यते इति अर्थः. अनेन वेदनिन्दया पुनरावृत्तिः उक्ता. पुनः शुद्धसाधनेन जायमानां मुक्तिं न निवारयति. अतो वेदनिन्दाभावे भक्तिमार्गः समीचीनः.

ननु उत्कर्षासहनेन कथं वेदं न निन्देद् ! अतः सापायएव अयं मार्गः इति आशङ्क्य आह एतावन्मात्रतापि अस्ति इति. अनिन्दायां मोक्षः, निन्दायामपि न नरकादिः. वेदातिरिक्तमतेषु भगवन्मार्गे एतावदपि फलम् अस्ति, नतु साङ्ख्यादौ इति तेभ्यः उत्कर्षः ॥२१७॥

अत्र = यहाँ, अपि = हु

चेत् = यदि, न = नहीं होय

वेदनिन्दायां = वेदकी निन्दामें

तदा = तो

तथा = ओर, अधर्मकरणात् =

पूर्वसंस्कारतः = पहिलेके संस्कारसों

अधर्मको आचरण करिवेसों

भजन् = भजन करिवेसों

नरके = नरकमें, पातः = पात

(अनेकैः = बहोत)जन्मभिः = जन्मसों

(तु यद्यपि = तो यद्यपि)

मुच्येत = मुक्त होवे हे

न = नहीं, भवेत् = होयगो

अस्मिन् = या

किन्तु = पर, हीनेषु = हीनमें

मुरवैरिणः = मुरवेरी श्रीकृष्णके

जायते = जन्म होय हे

मार्गे = मार्गमें

तत्र = वहाँ, संसारे = संसारमें

एतावन्मात्रता = इतनों

अत्यन्ताभिनिवेशः = अत्यंत अभिनिवेश अपि = हु, अस्ति = हे

भावार्थ : या मारगहुमें वेदनिन्दा करवेतें तथा अधर्माचरण करवेतें नरकमें तो यद्यपि पात न होयगो परि हीन योनिमें जनम तो मिलेगो. तहां संसारमें यदि अतिशय अभिनिवेश न होय तो पूर्वजन्मके भक्ति-संस्कारनके कारण पुनः अनेक जन्मनको अन्तराय होयवेपे संसारतें मुक्त होय सकत हे. सो काहेतें ? तहां कहत हैं जो ये मारग मुरारी श्रीकृष्णके अवलम्बनको मारग होयवेतें इतनो सामर्थ्य तो जीवके उद्धारको राखत ही हे ॥२१६ - २१७॥

मूल कारिकामें जो 'कथञ्चित्' पद कहिके भक्तिमार्गद्वाराहु कलियुगके तरिवेमें सन्देह दिखायो ताको कारण कहत हैं अत्रापि वेदनिन्दायाम् इति. भक्तिमेंहु दो बाधक हैं : १. भक्तिमार्गमें स्थित होयके वेदकुं अप्रमाण कहे तथा २. अधर्मको आचरण करे. (भक्तिमार्गमें रहिके यदि एसो करे) तो - यद्यपि नरकपात होनों योग्य हे, परन्तु भगवान्को नाम नरकको विरोधी हे तासों नरकमेंतो वो पुरुष नहीं गिर सके हे परन्तु-जन्म-मरणात्मक तृतीय मार्गकुं प्राप्त होयके हीन शूद्रादियोनीनमें उत्पन्न होवे हे. याहीसों नीच योनिमें कबीर, सदन, रैदास आदि भगवद्भक्तनके जन्म दीखवेमें आवे हे. तासों वेदनिन्दा तथा अधर्म को त्याग करिके भगवान्की सेवा करनो योग्य हे ॥२१६॥

शङ्का : वेदनिन्दा तथा अधर्म द्वारा शूद्रयोनिमें गये भये भक्तकी फेर कहा गति होय ?

उत्तर : पूर्वसंस्कारतः इति. शूद्रयोनि प्राप्त भयो भक्त पूर्वजन्मके संस्कारसों वा शूद्रयोनिमेंहु भगवान्को भजन करे हे. तथा वा देहमें वेदकी याद नहीं रहे हे तासों वेदनिन्दाहु नहीं करे हे. तब प्रसन्न होयके भगवान् वा भक्तकुं मुक्त करें हैं. परन्तु

वा जन्ममेंहु एक बाधक हे. पूर्वजन्मको भक्तिको संस्कार दुर्बल होय जाय तो संसारमें अभिनिवेश होयवेसों दृढ भजन नहीं बनि सके, तो मुक्तहु नहीं होय. इतने कथनसों वेदनिन्दासों पुनरावृत्ति = जन्ममरण होवे हे यह जतायो. परन्तु शुद्ध भजनसों होयवेवारी मुक्तिकुं पूर्वजन्मकी करी भई वेदनिन्दा नहीं रोक सके हे. तासों वेदनिन्दा नहीं करके भगवद्भजन कियो जाय तो भक्तिमार्ग अति श्रेष्ठहे.

तहां भगवन्मार्गकी अपेक्षा वेदके उत्कर्षकुं नहीं सहतो भक्त वेदनिन्दा क्यों नहीं करेगो ? तथा निन्दा करेगो तो वाको हीनयोनिमें जन्महु होयगो. तब तो भक्तिमार्ग नाशवारो ही भयो ! एसी शङ्का नहीं करनी. क्योंके वेदनिन्दा नहीं करे तो मोक्ष होय. यदि वेदानिन्दा करे तोहु नरकादिक नहीं होंय ये सामर्थ हु भक्तिमार्गमें हे ही. वेदातिरिक्त साङ्ख्यादिमार्गमें यदि वेदनिन्दा होय तो अवश्य नरकपात होय. इतने कथन करिके प्रारम्भदशामें सापाय हु भक्तिमार्ग अन्य मार्गन्की अपेक्षा उत्तम हे ये बात जताई ॥२१७॥

जहां ताई निश्चल भक्ति सिद्ध न होय तहां ताई भक्तिमार्गकी प्रारम्भदशा समझी जावे हे. या प्रकार “**यद्यनीशो धारयितुम्**” (भाग.पुरा.११।११।२२) “**अभ्यासेऽप्यसमर्थोऽसि मत्कर्मपरमो भव**” (भग.गीता १२।१०) इत्यादि गीतावाक्योक्त हीनाधिकारीन्कीहु फलद्वारा उत्कर्षता वर्णन करिके “**ये तु सर्वाणि कर्माणि मयि स्रयस्य मत्पराः**” (तत्रैव १२।६) इति गीतावाक्योक्त भक्तिमार्गीय मध्यमाधिकारी जे भक्त हैं - वैदिकमार्गके फलके समान जिनकुं फल मिले हे, जिनकुं नाशको भय नहीं हे, जिनके अर्थ शीघ्र उद्धार करिवेकी भगवान्नें प्रतिज्ञा कीनी हे -उन मध्यमाधिकारीन्के फलको वर्णन करें हैं सर्वत्यागे इति.

भक्तिमार्गे मुख्यानां फलम् आह सर्वत्यागे इति.

**सर्वत्यागेऽनन्यभावे कृष्णमात्रैकमानसे ॥
सायुज्यं कृष्णदेवेन शीघ्रमेव ध्रुवं फलम् ॥२१८॥**

अन्तर्बहिः सर्वत्यागः. स्वामित्वेन कृष्णएव सर्वदा मनोनिवेशनम्. अभ्यासेन तद् भवति. अन्येषां देवानां तद्विभूतित्वेन, तत्सेवकत्वेन वा सन्माननं, यदि स्फुरति. एवं देहपातपर्यन्तं कृष्णैकमानसस्य सायुज्यं शीघ्रमेव भवति. काय-

वाग्विनियोगाभावेऽपि स्वस्नेहाभावेऽपि मनोमात्रस्थितौ फलम् एतद् इति अर्थः ॥२१८॥

ततोऽपि विशेषम् आह एतादृशस्तु इति.

**एतादृशस्तु पुरुषः कोटिष्वपि सुदुर्लभः ॥
यो दारागारपुत्राप्तान् प्राणान् वित्तमिमं परम् ॥
हित्वा कृष्णे परं भावं गतः प्रेमप्लुतः सदा ॥२१९॥**

पूर्वोक्तो लोके सम्भवत्यपि एतादृशस्तु दुर्लभो यो अग्रे वक्ष्यते. भागवते नारायणपरः प्रशान्तात्मैव लोके दुर्लभः उक्तः. ज्ञानमिश्रो भक्तः प्रेमयुक्तस्तु ततोऽपि दुर्लभः. तत्रापि सदा प्रेमप्लुतः. तस्य भगवत्सायुज्यं भवति इति किं वक्तव्यम् ! इति अर्थः ॥२१९॥

सर्वत्यागे = सर्वत्याग होयवेपे	सुदुर्लभः = सुतरां कष्टसों मिले हे
अनन्यभावे = अनन्यभाव होयवेपे	यः = जो, दारागारपुत्राप्तान् =
कृष्णमात्रैकमानसे = एकमात्र श्रीकृष्णमें	पत्नि-घर-पुत्र-परिवारकुं
मन लग जायवेपे	प्राणान् = प्राणकुं
कृष्णदेवेन = श्रीकृष्णदेवके संग	वित्तम् = वित्तकुं
सायुज्यं = सायुज्यकुं	इमं = या लोककुं
शीघ्रमेव = जल्दिही	परं = परलोककुं
ध्रुवं = अविनाशी	हित्वा = छांडिके
फलं = फलकुं प्राप्त	कृष्णे = श्रीकृष्णमें
(भवति = होय हे)	परं भावं = उच्च प्रेमकुं
कोटिषु = करोड़में, अपि = हु	गतः = प्राप्त भयो होय ओर
एतादृशस्तु = एसो तो	सदा = निरन्तर, प्रेमप्लुतः = प्रेमपूर्ण
पुरुषः = पुरुष	(भवति = होय)

भावार्थ : सब कुछ छांडिके अनन्यभावतें केवल श्रीकृष्णमें ही जो आपुनो मन लगावतें हैं तिनकों कृष्णदेवके साथ शीघ्र ही तथा निश्चिततया सायुज्यरूप फल

प्राप्त होत हे. करोडन् पुरुषन्में एसो पुरुष तो सुदुर्लभ होत हे के जो पत्नी-घर-पुत्र-परिवार-मित्र-प्राणन्कों, धनकों, ऐहिक-पारलौकिककों छांडिके कृष्णमें परमभाववश सर्वदा प्रेमप्लुत रहत होय ॥२१८-२१९॥

टीका : बाहिरसों देह-वाणीकरिकें सर्वत्याग होय, भीतरसों मनकरिकें सर्वत्याग होय, सर्वदा अपने स्वामी मानिके श्रीकृष्णचन्द्रमें ही मनको निवेश होय तथा यदि हृदयमें स्फुरण होय तो अन्य देवतानकुं श्रीकृष्णकी विभूति मानिके, उनके अंश अथवा भगवत्सेवक मानिके सन्मान करनो - या प्रकार देहपात पर्यन्त कृष्णैकमानस रहे. अर्थात् मृत्यु होय तहां ताई कृष्णके विषे ही चित्त लगायो राखे तो श्रीकृष्णचन्द्रके संग शीघ्र ही सायुज्यफलकुं प्राप्त होय. देह तथा वाणी को श्रीकृष्णमें विनियोग नाहीं होय, प्रेमहु नाहीं होय, केवल अभ्याससों भगवान्में मनकी सर्वदा स्थिति करी जाय तथापि ये फल होय. यहां “अनन्येनैव योगेन मां ध्यायन्त उपासते” (भग.गीता १२।६) या श्लोकको स्पष्टार्थ कियो हे ॥२१८॥

अब उत्तमाधिकारीको वर्णन करें हैं: एसो पुरुष क्रोड पुरुषन्मेंहु दुर्लभ हे जो स्त्री, घर, पुत्र, प्राण, वित्त, ये लोक तथा परलोक कुं छांडिके कृष्णचन्द्रमें परम भावकुं प्राप्त होय. एसे भक्तकी श्रीभागवतमें प्रशंसा कीनी हे : “मुक्तानामपि सिद्धानां नारायणपरायणः, सुदुर्लभः प्रशान्तात्मा कोटिष्वपि महामुनेः” (भाग.पुरा.६।१४।५) अर्थ:साधन करिवेवारे क्रोड पुरुषन्में एक मुक्त होय हे. वेसे क्रोडन् मुक्त पुरुषन्में हु नारायणमें परायण पुरुष होनो दुर्लभ हे. ज्ञानमिश्र भक्त यदि प्रेमयुक्त होय वो वासुंहु दुर्लभ हे. या भक्तिको “देवानां गुणलिङ्गानाम्” (वहीं ३।२५।३२) या तृतीयस्कन्धके श्लोकमें वर्णन हे. अर्थ:सङ्कल्प-विकल्प रहित देवरूप जाको मन होय जाय, जो पुरुषके इन्द्रियन्की गुणातीत भगवान्में स्वभाव करिकें निष्ठा होय वाकुं भक्ति कहे हैं. “नैकात्मतां मे स्पृहयन्ति केचित्” (वहीं ३।२५।३४) एसे भक्त मुक्तिकुं नाहीं चाहे हैं. एसे भक्त कितनेक ही हैं. यासों दुर्लभता दिखाई.

जा भक्तिसों भगवान् भक्तके वश होय जावें हैं वा भक्तिकी अवस्थाको नाम ‘प्रेम’ कह्यो जावे हे. वा भक्तिकोहु सायुज्य ही फल हे. याको “अनिच्छतो मे गतिमण्वीं प्रयुङ्क्ते” (भाग.पुरा.३।२५।३६) या श्लोकमें वर्णन हे. यासोंहु उत्तमाधिकारीको वर्णन करे हैं : तत्रापि सदा प्रेमप्लुतः. जो सर्वदा प्रेममें निमग्न

रह्यो आवे वो सबसों उत्तमाधिकारी हे. या प्रसङ्गपे दृष्टान्तको वर्णन करें हैं:

“श्रीविठ्ठलनाथजी गुसाईजीकी एक सेवकनी वृद्धा स्त्री हती. श्रीबालकृष्णजीकी सेवा करती हती. अन्य वैष्णवन्ने वा डोकरीकी श्रीगुसाईजीके आगे निन्दा करी के ये ठाकुरजीकुं बाजरीके दाना भोग धरे हे. ओर कछु सेवा नाहीं करे हे. ये सुनिके श्रीगुसाईजी अचानक वाके घर पधारे. वा समय वो डोकरी प्रभुके आगें, दरिद्रताके कारण दीनतासों, बाजरीके कण भोग धरिके मन्दिरके बाहिर आय बेठी हती. आप भीतर पधारिकें प्रभुके दर्शन करते भये. आपनं प्रभुसों प्रार्थना करी “आप मेरे संग पधारो. यहां डोकरी आपकुं बडो परिश्रम देत हे”. ये सुनिके ठाकुरजीनें आज्ञा करी: “ये डोकरी दीनताकरिकें प्रेममें निमग्न होयके बाजरीके कण भोग धरे हे. ये एक-एक कण मोकुं त्रिलोकके व्यञ्जनसोंहु अति प्रिय लगे हैं. में या डोकरीकुं सर्वथा नाहीं छोडूंगो”. ये सुनिके श्रीगुसाईजी बहुत प्रसन्न भये तथा वा डोकरीके भाग्यकी बडी प्रशंसा करी”.

तासों सदा प्रेमनिमग्न ही उत्तमाधिकारी हे. वेसे भक्तकुं भगवान् अलौकिक सामर्थ्यरूप परम फलकुं दे हैं. वाके द्वारा भक्त हे सो भगवान्के भजनानन्दको अर्थात् सेवाके आनन्दको अनुभव करे हे. या मुख्य भक्तिके लक्षण श्रीभागवतके तृतीय स्कन्धमें “अहैतुक्यव्यवहिता या भक्तिः पुरुषोत्तमे” (भाग.पुरा.३।२९।१२) या श्लोकमें लिखे हैं. वो ही “दीयमानं न गृह्णाति विना मत्सेवनं जनः” (भाग.पुरा.३।२९।१३) या श्लोकमें भगवत्सेवाके आनन्दमें निमग्न वो भक्त सेवा विना दीनी भई चार प्रकारकी मुक्तिकुंहु नाहीं ग्रहण करें हैं ये बात लिखी हे. एसे भक्तके आधीन भगवान् होय जावे हैं. “अहं भक्तपराधीनः” (भाग.पुरा.९।४।६३) एसे भक्तकुं ही अलौकिक सामर्थ्यरूप फल मिले हे. ये फल ‘सेवाफल’ ग्रन्थमें स्पष्ट लिख्यो हे. या प्रकार फलको वर्णन करिके सर्व ही मार्गको वर्णन करे हैं ॥२१९॥

एवं भक्तिमार्गं फलम् उपपाद्य सर्वमेव मार्गम् उपपादयति विशिष्टरूपम्... इत्यादिना एतन्मार्गद्वयं प्रोक्तम्... इत्यन्तेन.

विशिष्टरूपं वेदार्थः फलं प्रेम च साधनम् ॥

अत्र प्रमेयं विशिष्टरूपम्. यस्य एकैको अंशः काण्डद्वयेन प्रतिपाद्यते स ज्ञानक्रियोभययुतः. स एव च फलम्.

तत्साधनं नवविधा भक्तिस् तत्प्रतिपादिका ॥२२०॥

गीता संक्षेपतस् तस्या वक्ता स्वयमभूद् हरिः ॥

तद्विस्तारो भागवतं सर्वनिर्णयपूर्वकम् ॥

व्यासः समाधिना सर्वम् आह कृष्णोक्तमादितः ॥२२१॥

तत्रापि साधनं च प्रेमैव. तत्साधनं नवविधा भक्तिः. श्रवणादिव्यतिरेकेण संस्कारवशात् फलकामनया वा जायमाना प्रीतिः गौणी स्यात्. श्रवणादीनां साधनत्वे प्रमाणं गीता. “**भक्त्या त्वनन्यया शक्य**” (भग.गीता.११।५४) इति साधन-साध्यरूपाम् एकीकृत्य आह. गीताया अपि प्रामाण्यं फलवाक्यात्. कृष्णस्य फलरूपत्वं, परमानन्दरूपत्वात्, पुरुषोत्तमत्वात् च.

गीतार्थं सन्दिग्धं मत्वा विस्तरेण कथनार्थं भागवतं तेनैव रूपान्तरेण कृतम् ॥२२०-२२१॥

विशिष्टरूपं = विशिष्टरूप	संक्षेपतः = संक्षेपसू
वेदार्थः = वेदको अर्थ	वक्ता = कहिवेवारे
फलं = फल (भवति = होय हे)	स्वयं = खुद, हरिः = श्रीकृष्ण
प्रेम = प्रेम, च = ही	अभूत् = भये
(तत्फलप्राप्तौ = वा फलकी प्राप्तिमें)	सर्वनिर्णयपूर्वकं = सबपूके निर्णय पूर्वक
साधनम् = साधन हे.	तद् = वा (= गीता) को
तत् = वो (प्रेमको)	विस्तारः = विस्तार
साधनं = साधन	भागवतं = भागवत (भवति = हे)
नवविधा = नव प्रकारकी	अदितः = प्रारमभसू
भक्तिः = भक्ति (भवति = होय हे)	कृष्णोक्तं = श्रीकृष्णकी कही
तत् = वा (भक्ति) को	सर्वं = सब
प्रतिपादिका = निरूपण करिवेवारी	व्यासः = श्रीवेदव्यासने

गीता = भगवद्गीता (भवति = हे) समाधिना = समाधिसों

तस्याः = वा (गीतायाः = गीताको) आह = कही

भावार्थ : वेदके पूर्वकाण्डमें प्रतिपाद्य क्रियारूप तथा उत्तरकाण्डमें प्रतिपाद्य ज्ञानरूप एसें उभयविध शक्तीनुसों विशिष्ट जो वेदार्थ (= कृष्ण) सो भक्तिमार्गको फल हे. या फलकी प्राप्तिको साधन प्रेम हे. सो प्रेम प्रकट होत हे नवधा भक्तिद्वारा. सो या प्रेमरूपा भक्तिको प्रतिपादन गीताने कियो हे. या गीताको संक्षेपमें वक्ताहु अन्य कोऊ नाहीं परन्तु स्वयं श्रीहरि हे. गीताके अभिप्रायकुं समुझिवेमे जो कछु सन्देह होत हे तिन सबनुको निर्णय विस्तारसू भागवत देत हे. भागवतमें व्यासजीने, सृष्टिके आदिमें श्रीहरिने ब्रह्माजीकुं जो उपदेश दियो हतो ताकोही समाधिमें साक्षात्कार करिके निरूपण कियो हे ॥२२०-२२१॥

टीका : या भक्तिमार्गमें प्रमेय अर्थात् जानिवे योग्य पदार्थ भगवान् ही हैं. अर्थात् विनको क्रियारूप अंश वेदके पूर्वकाण्डद्वारा वर्णित भयो हे ओर जिनको ज्ञानरूप अंश वेदके उत्तरकाण्डद्वारा वर्णित भयो हे. भक्तिमार्गमें तो दोऊ अंश सहित अर्थात् पूर्णज्ञान-क्रियावारे भगवान् ही प्रमेय हैं, जानिवे योग्य हैं तथा भगवान् ही फल हैं. भगवान्की प्राप्तिमें प्रेम ही साधन हे. प्रेमको साधन नवधाभक्ति हे. श्रवणादिक नवधाभक्ति किये विना, संस्कारवशसों, फलकामनासों उत्पन्न भई प्रीति ‘गौणप्रेम’ कहावे हे. श्रवणादि भक्ति भगवत्प्राप्तिके साधन हैं. यामें “**भक्त्या त्वनन्यया शक्यः**” (भग.गीता ११।५४) इत्यादि गीताके वाक्य प्रमाण हैं. या वाक्यमें साध्यरूप प्रेमभक्ति तथा साधनरूप श्रवणादि भक्ति इन दोउ भक्तिनुकुं एक समुझिके “में एक (= केवल) भक्तिकरिकें ही जान्यो जाऊं हुं तथा दर्शन देउ हुं” या प्रकार आज्ञा कीनी हे. जिन श्रीकृष्णकी प्राप्ति भक्त चाहे हे विन फलरूप कृष्णके वचन श्रीगीताजी हैं. तासों परमप्रमाण श्रीगीताजी माने जावें हैं. परमानन्दरूप तथा पुरुषोत्तम श्रीकृष्ण हैं तासों कृष्णही फलरूप हैं. संक्षेपसों कहे भये गीताजीके अर्थकुं सन्देह सहित मानिकें विस्तारपूर्वक वर्णन करिवेके अर्थ उनही श्रीकृष्णचन्द्रने ‘कृष्णद्वैपायन’ नामसों वेदव्यासजीको रूप धारण करिके श्रीभागवत महापुराण आज्ञा कियो ॥२२१॥

मार्गोऽयं सर्वमार्गानाम् उत्तमः परिकीर्तितः ॥

यस्मिन् पातभयं नास्ति मोचकः सर्वथा यतः ॥२२२॥

प्रमाणादीनां चतुर्णामपि एकरूपत्वात् सर्वमार्गापेक्षया अयम् उत्तमो मार्गः. तथाहि, प्रमाणं भगवद्वाक्यम्. वाक्येन प्रवृत्तः साधनम् असाध्यन्नपि भगवता कृतार्थीक्रियते. प्रमेयपरिज्ञानं च फलानुभवरूपम्. साधनं च फलादपि अधिकम्. फलं च ज्ञानकर्मादिसाध्येभ्योऽपि अधिकम् इति. अतएव अस्मिन् मार्गे पातभयं नास्ति, प्रमाणप्रवृत्तिम् आरभ्य भगवतो रक्षकत्वात्.

तत्र हेतुः **मोचकः सर्वथा यतः** इति. स हि सवनिव येन-केनचिदुक्तप्रकारेणापि प्रवर्तमानान् मोचयति, मोचकस्वभावत्वात् तत्र स्ववाक्यानुगतान् कथं न मोचयेत् ? ॥२२२॥

यस्मिन् = जामें

उत्तमः = उत्तम

पातभयं = पतनको भय

परिकीर्तितः = कह्यो गयो हे

न = नाही, अस्ति = हे

यतः = क्योंके

(एतादृशो = एसो) अयं = ये

सर्वथा = सब तरहसों

मार्गः = मार्ग

मोचकः = मुक्त करिवेवारो

सर्वमार्गाणाम् = सब मार्गन्में

(भवति = होय हे)

भावार्थ : जामें सन्मार्गते विचलित अथवा भ्रष्ट होयवेको रञ्चकहु भय नाही हे एसो यह मारग सब मार्गन्में उत्तम कह्यो जात हे. सो काहेते, तहां कहत हैं जो यह मारग संसारते जीवकों सर्वथा छुडायवेवारो मारग हे ॥२२२॥

टीका : प्रमाण, प्रमेय, साधन तथा फल ये चारों या मार्गमें एकरूप हैं. तासों ये मार्ग सर्वमार्गकी अपेक्षा उत्तम हे. तथाहि, या भक्तिमार्गमें भगवान्के वाक्य ही प्रमाण हे. प्रभुके वाक्यमें विश्वास राखिकें प्रवृत्त भयो जो भक्त हे वासों कदाचित् कोई बाधक आयवेके कारण साधन ठीक-ठीक नाही बनि सके तथापि भगवान् प्रमेयबलसों भक्तकुं कृतार्थ करे हैं. क्योंके आप परम दयालु हैं. स्वयं जाने हैं के मेरे वाक्यपें विश्वास राखिके भक्तिमार्गमें प्रवृत्त भये भक्तकी यदि दुर्गति होय जायगी तो “न मे भक्तः प्रणश्यति” (भग.गीता ९।३१) अर्थः मेरे भक्तको नाश नाही होय हे एसी मेरी प्रतिज्ञा वृथा होयगी. तथा या मार्गमें प्रमेय अर्थात्

साधनप्रकरणम्

४५९

जानिवे योग्य वस्तु भगवान् हैं ओर फलहु भगवान् हैं. तासों प्रमेयको ज्ञान होनो ही फलको अनुभव करनो हे. साधन जो भक्ति हे वो फलसोंहु अधिक हे. याहीसों भक्त फलरूप भगवान्में लीन होनों नाही चाहे हे किन्तु सर्वदा भक्ति ही करते रहनो चाहे हे. फल हे सोहु या मार्गमें ज्ञान-कर्मदिकन्सों साध्य पदार्थन्सों अधिक हे. तासों या मार्गमें दुर्गतिको भय नाही हे. क्योंके भगवान्के गीता-भागवतादिकन्के प्रमाणवाक्यन्कों सुनिके जा दिनसों जीव भक्तिमार्गमें प्रवृत्त होय हे वा दिनसों वा भक्तकी श्रीभगवान् रक्षा करें हैं. क्योंके ऋषि आदिकन्के कहे भये प्रकारसोंहु प्रवृत्त भये मनुष्यन्कुं भगवान् मुक्त कर दे हैं, मुक्त करिवेको आपको स्वभाव ही हे, तहां श्रीमुखके वाक्य गीता आदिके अनुसार बर्ताव करिवेवारे भक्तन्को उद्धार क्यों नाही करेंगे ? ॥२२२॥

वर्णाश्रमवतां धर्मं मुख्ये नष्टे छलेन तु ॥

क्रियमाणे न धर्मः स्याद् अतस् तस्मान् न मोचनम् ॥२२३॥

किञ्च, यदा वेदादीनां कालवशाद् असाधकत्वं ज्ञातं तदा अयं मार्गो भगवता कथितः. तेन इदानीं न अन्यो मार्गः फलाय ॥२२३॥

वर्णाश्रमवतां = वर्णाश्रमवारेन्को

धर्म = धर्म (एव = ही)

मुख्ये = मुख्य (धर्म = धर्म)

न = नाही, स्याद् = होय

नष्टे = नष्ट (सति = होयवेपे)

अतः = यासूं

छलेन = छलसूं

तस्मात् = वासूं

क्रियमाणे = करिवेपे, तु = तो

मोचनं = मुक्ति, न = नाही

(तदनुष्ठाने = वाके अनुष्ठानसूं)

(भवति = हाय हे)

भावार्थ : वर्णाश्रमवारेन्के काज वेदादि शास्त्रन्में जेसो मुख्य धर्म निरूपित कियो हे तेसो ताको अनुष्ठान तो अब शक्य हे नाही. तातें छलसों यथाकथञ्चित् वा धर्मको अनुष्ठान करेसूंहु धर्म सिद्ध होत नाही. तासो तत्तद् वर्णीन्के तथा आश्रमीन्के काज जेसो धर्म वेदादि शास्त्रन्में निरूपित कियो हे ताके अनुष्ठानते संसारते बचिवो अब शक्य नाही हे ॥२२३॥

साधनप्रकरणम्

४६०

करिवो उचित हे ॥२२४॥

टीका : या प्रकार भक्तिमार्गकी उत्तमताको वर्णन करिके श्रीवल्लभाचार्यजी महाप्रभुजी सात्विक जीवकुं उपदेश देते हैं **बुद्धिमानादरम्** इति.

कलियुगमें तो कर्मादिक सर्वथा ही नहीं बन सकें परन्तु सत्ययुगादिकनमेंहु “**गहना कर्मणो गतिः**” (भग.गीता ४।१७) इत्यादि गीतावाक्यानुसार (कर्मकी गति गहन बताई हे तासों) दुःखकरिकें सिद्ध होय सके एसे कर्मादिक मार्गनमें आदरको त्याग करना.

अर्थात् बहुत मार्गनमें परम आदर नहीं बन सके हे तासों एक मार्गके विषे ही आदर करनों. वेदमार्गकी अपेक्षा भक्तिमार्ग उत्तम हे. तथा अभी अन्य मार्ग विद्यमानहु नहीं हैं. तासों आदरपूर्वक बुद्धिमान् पुरुष भक्तिमार्गमें ही प्रवेश करे.

“**अपि चेत् सुदुराचारो भजते माम् अनन्यभाक्,
साधुरेव स मन्तव्यः सम्यग्व्यवसितो हि सः**”

-(भग.गीता ९।३०) इत्यादि गीतावाक्यमें स्पष्ट ये बात लिखी हे के दुराचारीहु पुरुष अनन्य होयके भगवत्सेवा करतो होय तो वाकुं सत्पुरुष समझनो. तासों भक्तिमार्गमें प्रवेश होत ही जीव कृतार्थ होय जावे हे ॥२२४॥

ननु एवं पाषण्डानामपि वचनानि भवन्ति इति आङ्ग्य आह **विरुद्धकरणं नास्ति** इति.

**विरुद्धकरणं नास्ति प्रक्रिया न विरुद्धयते ॥
कल्पितैरेव बाधः स्याद् अवोचाम प्रमाणताम् ॥२२५॥**

न अत्र श्रुति-स्मृतिविरुद्धाचारो, नापि प्रमेयं वेदविरुद्धम्. अतो न अत्र विरुद्धसम्भावनापि. ननु पराश्रया मुक्तिः मायावादादिभिः निराकृतेति कथं न

टीका : यदि भगवान्को मुक्त करिवेको ही स्वभाव हे तो वेदोक्त यज्ञादिद्वारा ही क्यों नहीं मुक्त करे हैं ? एसी शङ्का नहीं करनी. कलिकालके दोषसों वेदादिक मुक्तिके साधक नहीं होय सके हैं. यथावत् यज्ञोपवीतादिक संस्कार भये विना ब्राह्मण्यादि देवतान्को प्रवेश देहमें नहीं होवे हे. तथा आश्रमनमें जैसे आचार कहे हैं वे आचारहु नहीं बन सके हैं. तासों कलियुगमें कियो भयो धर्म नाममात्रको धर्म हे. एसे धर्मसों अपूर्व नहीं होय. अपूर्व विना मुक्त्यादिक फलहु नहीं होय. जब भगवान्ने या प्रकार जान्यो तब भक्तिमार्गको कथन कियो. तासों अभी कलिकालमें अन्य मार्ग फलदायक नहीं हैं ॥२२३॥

एवं मार्गस्य उत्तमत्वं प्रतिपाद्य सात्विकान् उपदिशति बुद्धिमान् इति.

बुद्धिमानादरं तस्मिन् छले साध्येऽपि दुःखतः ॥

त्यक्त्वा मार्गं ध्रुवफले भक्तिमार्गं समाविशेत् ॥२२४॥

परमादरो बहुषु न सम्भवति. अतएव एकस्मिन् कर्तव्यः. तत्र वेदमार्गपिक्षयाऽपि भक्तिमार्गस्य उत्तमत्वप्रतिपादनात्, साम्प्रतम् अन्यस्य अभावात्, आदरेण भक्तिमार्गं प्रविशेत्. मार्गं प्रवेशमात्रेणैव कृतार्थत्वात् ॥२२४॥

दुःखतः = दुःखसों, अपि = हु समाविशेत् = आछिभांतिसों प्रवेश करे
छले = छलसों, साध्ये = साध्य ध्रुवफले = अविनाशीफल देयवेवारे
तस्मिन् = वा, मार्गं = मादेयवेवारे भक्तिमार्गं = भक्तिमार्गमें
आदरं = आदरकुं, त्यक्त्वा = छोडिके समाविशेत् = आछिभांतिसों प्रवेश करे

भावार्थ : ब्राह्मण-क्षत्रिय-वैश्य-शूद्र के वर्णभेदवारे अरु ब्रह्मचारी-

गृहस्थ-वानप्रस्थ-संन्यासी आश्रमभेदवारे अधिकारीनके काज वेदादि शास्त्रनमें जो कर्तव्य उपदिष्ट भये हैं तिनको अनुष्ठान या कलिकालमें दुःशक होयवेसूं यथाकथञ्चित् मनकुं मनायवेकुं होय अथवा पाषण्डके बिना सम्भव नहीं होय. तातें ऐसैं विधिबिहीन अनुष्ठान करिवेसों मोकों मुक्ति प्राप्त होयगी ऐसो मिथ्या आदर छांडिके बुद्धिमान अधिकारिकु ध्रुवफलवारे भक्तिमार्गको आश्रय ग्रहण

प्रमेयविरोधः ? तत्र आह कल्पितैरेव बाधःस्याद् इति. ते हि स्वमात्रं फलत्वेन कल्पयन्ति तत्तु अप्रामाणिकम्, 'आत्म'शब्दस्य भगवद्वाचकत्वात्. नतु जीवपरत्वं वेदान्तानाम्, नापि जीवस्य फलरूपत्वम्. अतः परमानन्दः अधिको भवतीति न कदापि मुक्तिः स्वाधीना. अतः तत्र स्नेहएव तत्प्राप्तिहेतुः. अतो युक्त्यापि भगवन्मार्गस्य प्रामाण्यं साधितम् इति अर्थः ॥२२५॥

(अत्र भक्तिमार्गं = या भक्तिमार्गमें)	बाधः = बाध
विरुद्धकरणं = विरुद्धक्रिया	कल्पितैः = कल्पित
न = नाही, अस्ति = हे	(प्रकारैः = प्रकारसू)
प्रक्रिया = प्रक्रियाहु	एव = ही, स्यात् = होय हे
न विरुद्धयते = विरुद्ध नाही हे	प्रमाणताम् = प्रमाणताकुं
(शास्त्रप्रामाण्यस्य = शास्त्रके प्रामाण्यको)	अवोचाम = कहे हैं

भावार्थ : या भक्तिमार्गमें वेदादि शास्त्रन्तें विरुद्ध तो कछु करिवो हे नाही. तैसें ही या मार्गकी प्रक्रियाहु वेदादिशास्त्रन्तें विरुद्ध नाही हे. तोऊ अविहित होयवेतें वेदादिशास्त्रन्को प्रामाण्य तो बाधित होय सके! एसी शङ्काको समाधान यों जाननो जो भक्तिको प्रकार अविहित होयवेपेहु वेदादि शास्त्रन्में अनिरूपित नाही हे. तातें भक्तिप्रक्रिया कल्पित नाही हे सो प्रमाण कह्यो ॥२२५॥

टीका : श्रीमहाप्रभुजी आज्ञा करें हैं, जैसे पाषण्डी लोग अपने मार्गन्में जीवन्कुं फंसायवेके अर्थ अपने मार्गकुं सब मार्गन्सों उत्तम बतावें हैं तासों जा प्रकार पाखण्डीन्के वचन होवे हैं वा प्रकार हमारे वचनकुं मति मानियो. क्योंकि पाषण्डीन्के मतन्में जैसे श्रुति-स्मृतिसों विरुद्ध आचरण होवे हे एसें या भक्तिमार्गमें श्रुति-स्मृतिसों विरुद्ध आचरण नाही हे. वेदमें जो परमात्मा परब्रह्मरूप प्रमेयको प्रतिपादन हे वाहीकुं भक्तिमार्गमें प्रमेय मान्यो हे. तासों भक्तिमार्गमें वेदविरुद्धकी सम्भावना न करनी.

शङ्का: मायावादीन्में वेदमें जो 'आत्मा' शब्द हे वाकुं जीवको नाम मान्यो हे. तब शरीर सम्बन्धी जीवात्मा वेदको प्रमेय भयो ओर वाही जीवात्माके आधीन

मुक्ति होनों माने हैं. तब उनके मतानुसार स्वाधीन मुक्ति भई. ओर भक्तिमार्गमें तो परमात्माकुं प्रमेय मान्यो हे ओर मुक्तिहु उनहीके आधीन मानी हे. तब वेदको तथा भक्तिमार्गको एक प्रमेय कैसे भयो ?

उत्तर: कल्पितैः इति. मनःकल्पित वाक्यन्सों उन वादीन्में "तरति शोकमात्मवित्" (छान्दो.उप.७।१।३) "आत्मलाभात् न परं विद्यते" () आत्माकुं जानिवेवारी शोककुं तरि जावे हे इत्यादि वाक्यन्में 'आत्मा' शब्दको अर्थ शरीर सम्बन्धी जीवात्मापरक लगाय लीनो हे. याहीसों वेदार्थके सन्देह दूर करिवेवारे व्यासजीनें "अनुपपत्तेस्तु न शारीरः" (ब्रह्मसूत्र १।२।३) या सूत्रमें वेदमें ब्रह्मप्रकरणपठित 'आत्म'शब्द परब्रह्मवाचक हे, जीववाचक नाही हे ये निर्णय कियो हे. तासों वे वादी अपने जीवकुं फलरूप मानें हैं ये बात प्रमाण विरुद्ध हे. वेदमें 'आत्म'शब्द भगवान्को वाचक हे. वेदान्तभाग जीवपर नाही होय सके हे. जीव फलरूपहु नाही होय सके हे. क्योंकि जीवमें सत्ता-चैतन्य दो ही गुण हैं. भगवान्में सत्ता, चैतन्य ओर आनन्द एसें तीन पदार्थ हैं. आनन्द भगवान्में अधिक हे, जीवमें नाही हे. जीव तो अंश हे. भगवान् तो जीवसों अधिक हैं. तामें "अंशो नानाव्यपदेशात्" (ब्रह्मसूत्र २।३।४३) "अधिकन्तु भेदनिर्देशात्" (ब्रह्मसूत्र २।१।२२) इत्यादि व्याससूत्र प्रमाण हैं. तासों भक्तिमार्ग तथा वेद दोउन्के प्रमेय भगवान् एक ही हैं. तासों मुक्तिहु दोनों भगवान्के आधीन हैं, जीवके आधीन नाही हैं. तासों भगवान्की प्राप्तिको कारण स्नेह ही हे. या प्रकार युक्तिसोंहु भक्तिमार्गकुं प्रामाणिक बतायो ॥२२५॥

सर्वथा चेद् हरिकृपा न भविष्यति यस्य हि ॥
तस्य सर्वम् अशक्यं स्यान् मार्गेऽस्मिन् सुतरामपि ॥
कृपायुक्तस्य तु यथा सिद्ध्येत् कारणमुच्यते ॥२२६॥

परम् अत्र न सर्वेषां फलमुखाधिकारः किन्तु येषु भगवत्कृपा, कृपापरिज्ञानं च मार्गरुच्या निश्चीयते ॥२२६॥

यस्य = जाकुं	हि = निश्चितरूपसू
हरिकृपा = श्रीकृष्णकी कृपा	अशक्यं = अशक्य

सर्वथा = काहु प्रकारसूं	स्यात् = होय
चेत् = यदि, न = नाही	कृपायुक्तस्य = कृपावारेकुं
भविष्यति = होयगी	तु = तो, यथा = जा प्रकारसूं
तस्य = वाकुं, अस्मिन् = या	सिद्ध्येत् = सिद्ध होवे
मार्गे = मार्गमें, अपि = हु	(तथा = वा प्रकार)
सुतराम् = सुतरां	कारणम् = कारण / उपाय
सर्व = कछु	उच्यते = कहे हैं

भावार्थ : तोऊ जा व्यक्तिपे हरिकृपा रञ्चकहु न होय ताको तो या मार्गतेहुं कछु सिद्ध होयवेवारो नाही हे. परि जापे भगवत्कृपा हे ताको या मार्गतें केसें फल सिद्ध होय सकत हे ताके कारणन्को निरूपण श्रीमहाप्रभु अब करत हैं ॥२२६॥

शङ्का: यदि ये मार्ग सर्वोत्तम हे तो सब ही बुद्धिवारे पुरुष यामें क्यों नाही प्रवृत्त होत हैं ?

उत्तर: सबही पुरुषनकुं या भक्तिमार्गमें फलदायक अधिकार नाही हे. जापें भगवान्की कृपा हे वाहीकुं भक्तिके मुख्यफलकी प्राप्ति होय हे. पापनाश तो “देवोऽसुरो मनुष्यो वा” (भाग.पुरा.७।७।५०) इत्यादि वाक्यानुसार दैव-आसुर कोऊ जीव होय, भक्ति करिवेसों मुक्त होय ही हे. भगवान्की कृपा तो भक्तिमार्गमें रुचिसों जाननी. भगवान्की कृपा विना या मार्गमें रुचि नाही होय हे. तहां, या जीवकी भक्तिमार्गमें रुचि हे के नाही हे ये केसे जान्यो जाय ? ताको समाधान करत हैं: वेष, भाषा, आचरण आदिसों मार्गकी रुचि ज्ञात होय हे. अर्थात् जो पुरुष सदा तिलक-कण्ठी आदि भक्तके वेशकुं धारण करतो होय, दृढताके वचन बोलतो होय, एकान्तमें तथा सबन्के सम्मुखहु भगवान्के नामनकुं जपतो होय, भक्तिमार्गके आचारन्के अनुसार सदा बर्ताव करतो होय तब जाननों के या पुरुषकी भक्तिमार्गमें रुचि हे ॥२२६॥

तत्र आदितः साधनानि आह कृष्णसेवापरम् इति.

कृष्णसेवापरं वीक्ष्य दम्भादिरहितं नरम् ॥
श्रीभागवत-तत्त्वज्ञं भजेत् जिज्ञासुरादरात् ॥२२७॥

यो हि गुरुः सेवाम् उपदेक्ष्यति स स्वयं चेत् ताम् उत्तमां जानीयात् तदा कथं न स्वयं कुर्याद् ! इति सेवापरएव गुरुः. तत्रापि निमित्तानि वारयति दम्भादिरहितम् इति. सेवा च प्रमाणमूलैव पुरुषार्थपर्यवसायिनी. अन्यथा मनसि अन्यद् विधाय अन्यथाकरणे न फलसिद्धिः इति अभिप्रायेण आह श्रीभागवततत्त्वज्ञम् इति. जिज्ञासुः नतु कौतुकाद्याविष्टः. भजनं सर्वभावेन तदा तदुक्तप्रकारेण भगवत्सेवा कर्तव्या ॥२२७॥

जिज्ञासुः = जानिवेकी इच्छावारो

कृष्णसेवापरं = श्रीकृष्णकी सेवामें परायण

दम्भादिरहितं = सम्भ आदिसों रहित

श्रीभागवततत्त्वज्ञं = श्रीभागवतके तत्त्वकुं जानिवेवारो

नरं = पुरुषकुं

वीक्ष्य = आछि भांतिसों देखिकें

आदरात् = आदरसूं (तं = वाकुं; गुरुत्वेन = गुरुरूपसूं) भजेत् = भजे

भावार्थ : जो कृष्णकी सेवामें तत्पर रहतो होय, लोकैषणा किंवा शिष्यैषणा आदि दुर्गुणन्के वश दम्भादिसों रहित होय, श्रीभागवतके अनुसारी मुख्य तत्त्व श्रीकृष्ण तथा कृष्णभक्ति कों आछी रीतिसों जानत होय एसे पुरुषको जिज्ञासु शिष्य गुरुत्वेन आदर दे ॥२२७॥

शङ्का: भगवत्कृपासों ही उद्धार होय जायगो साधन करिवेको कहा काम हे ?

उत्तर: भगवान्के अनुग्रहसों तो भक्ति प्रकट होय हे. प्रकट भई प्रेम-भक्तिकुं साधनकी अपेक्षा हे. तहां गुरुकी उपासना प्रथम साधन हे. “निरालम्बो यथा लोके स्थानभ्रष्टो निगद्यते, हरेः कृपाविशिष्टोऽपि गुरुहीनस् तथैव च”

() अर्थ: जा पुरुषको कोई आलम्बन नहीं होय वाकुं लोकमें स्थानभ्रष्ट कहे हैं. एसें ही भगवत्कृपा सहितहु पुरुष यदि गुरुहीन होय तो वाकुंहु स्थानभ्रष्टके समान समुझनो. तासों (जिज्ञासुको) प्रथम (कर्तव्य हे) कृष्णसेवामें परायण होय वाकुं गुरु करनों. जो गुरु ओरनकुं सेवा करिवेको उपदेश दे हे वो गुरु स्वयं भगवत्सेवाकुं उत्तम जानेगो तो स्वयं भगवत्सेवा क्यों नहीं करेगो ! तासों सेवापरायण होय वो ही गुरु (करिवे योग्य होत) हे. तहांहु कोई निमित्तसों सेवा नहीं करतो होय. काम, लोभ, प्रतिष्ठा के अर्थ कपटसों सेवा नहीं करतो होय. तथा सर्वप्रमाणनूके सारभूत श्रीभागवतके अनुसार ही कीनी भई सेवा पुरुषार्थ सिद्ध करिवेवारी हे. अन्यथा, मनके अनुसार विपरीत सेवासों फलसिद्धि नहीं हे. तासों श्रीभागवतके तत्त्वकुं जानिवेवारो होय वाकु गुरु करनों. ओर शिष्यकुं गुरुके समीप जिज्ञासु होयके जानों चाहिये, कैतुकाविष्ट होयके जानों योग्य नहीं हे. आदरपूर्वक, सर्वभाव करिकें, ऐहिक-पारलौकिक सहित आत्माको (प्रभुकुं) निवेदन करिके, आदरपूर्वक गुरुकी आज्ञा प्रमाण सदा करतो रहे. ता पीछे गुरु जा प्रकार भगवत्सेवा करनों सिखावें ताके अनुसार भगवत्सेवा करनो योग्य हे ॥२२७॥

सच दुर्लभः इति. तेनापि वक्तव्यं प्रकारम् आह तदभावे इति.

तदभावे स्वयं वाऽपि मूर्तिं कृत्वा हरेः क्वचित् ॥

परिचर्या सदा कुर्यात् तद्रूपं तत्र च स्थितम् ॥२२८॥

क्वचिद् देशविशेषे सत्परिपन्थिनाम् अभावयुक्ते हरेः मूर्तिं कृत्वा भजेत्. अयमेव अस्य प्रकारः उत्तमः. यन् मूर्तौ कृतं सर्वं भगवति कृतं भवति. तत्र मूर्तेः भगवत्त्वं त्रेधा निरूपयति तद्रूपम् इति. वस्तुविचारेण सर्वस्य भगवद्रूपत्वाद् विशेषस्तु अयम् “एनम् उद्धरिष्यामि” इति तदा मृदादेः प्रादुर्भूतो भक्तिमार्गानुसारेण आह तत्र च स्थितम् इति. मूर्तौ स्थितम्. परं यत्र हस्तः तत्र हस्तः तत्-तदवयवेषु तत्-तदवयवाः इति ॥२२८॥

तदभावे = वाके अभावमें

स्वयं = खुद, वापि = भी

हरेः = श्रीकृष्णकी

मूर्तिं = मूर्तिकुं, कृत्वा = करिके

क्वचित् = कहूं, सदा = हमेशा

परिचर्या = परिचर्या

कुर्यात् रूप

तत्र = वहां

च = ही

स्थितम् = रह्यो भयो हे

भावार्थ : कृष्णसेवामें तत्पर, दम्भादिक दोषनसों रहित तथा श्रीमद्भागवतपुराणके मुख्य प्रतिपाद्य तत्त्वकुं जानिवेवारो कोऊ गुरु यदि मिलतो न होय तो आपु ही भगवत्स्वरूपको पधरायके कहूं सर्वदा सेवा करनी. सो काहेतें जो सर्वनामरूपनको धारण करिवेवारे श्रीहरि निजमूर्तिमें काहेको विद्यमान न होंगो ? ॥२२८॥

टीका : तहां श्रीवल्लभाचार्यजी कलियुगकुं बलिष्ठ देखकें आगें होयवेवारे मनुष्यनमें गुरुपनेके लक्षणको अभाव विचारिके अपने ही स्वरूपमें पुष्टिमार्ग अर्थात् “पोषणं तदनुग्रहः” (भाग.पुरा.२।१०।४) या वाक्यानुसार अनुग्रह विशिष्ट भक्तिमार्गके गुरुत्वको स्थापन करते भये सेवाको प्रकार दिखावें हैं तदभावे इति.

जा देशमें भक्तिमार्गके विरोधी नहीं रहते होंय एसे कोई देशमें स्थित होयकें भगवानकी मूर्तिकी सेवा करे. अर्थात् भगवानके स्वरूपमें “ये मेरे स्वामी हैं” या प्रकारको भाव राखिकें, आपुनकुं भगवानको सहजदास समुझिके, दासके कार्यकुं करतो रहे.

यहां कथाश्रवण, भगवानके प्रसन्नताके अर्थ धर्म-अर्थादिकनको आचरण आदि धर्मनको प्रथम वर्णन नहीं करके प्रथम मूर्तिसेवाको प्रकार दिखायो हे ताको कारण ये हे के सब साधननमें ये मुख्य साधन हे. क्योके मूर्तिमें कियो भयो वस्त्र, आभूषण, नैवेद्यादिक उपचार साक्षात् भगवानकुं अङ्गीकार करायो समुझयो जावे हे.

तहां मूर्तिमें तीन प्रकारसों भगवत्त्वको निरूपण करें हैं. प्रथम तो सर्वपदार्थ भगवद्रूप हे तासूं मूर्तिहु भगवद्रूप हे. विशेषता इतनी अधिक हे: जेसें प्रह्लादजी आदि भक्तनके अर्थ स्तम्भादिकनमेंसों आप प्रकट भये हैं एसें ही सेवा करिवेवारे भक्तके उद्धारार्थ आप मृत्तिका आदिकके माध्यमसों मूर्तिरूपमें प्रकट होत हैं. जेसें इन्द्रद्युम्नके उद्धार करिवेके अर्थ दारुब्रह्मरूप श्रीजगन्नाथरायजी प्रकट भये. तक्षकद्वाराहु

जैसी इच्छा हती वेसो ही आकार भगवदाविष्ट चन्दनके काष्ठको प्रकट भयो ये बात जगन्नाथमाहात्म्यमें प्रसिद्ध हे. एसें ही मूर्ति सिद्ध होयवेमें जीवकी कृतिद्वाराहु जेसें स्वरूपसों प्रकट होयवेकी इच्छा होय हे वेसें ही स्वरूपको प्रादुर्भाव होय हे. भक्तिमार्गानुसार तो भगवान्को स्वरूप मूर्तिमें स्थित हे ये निश्चय राखनों ॥२२८॥

तत्र हेतुः

साकार-व्यापकत्वाच्च मन्त्रस्यापि विधानतः ॥

श्रीकृष्णं पूजयेद् भक्त्या यथालब्धोपचारकैः ॥२२९॥

व्यापकं साकारं ब्रह्म इति. अतः सर्वे कटकाद्युपचाराः भगवदवयवेष्वेव साक्षात्कृता भवन्ति. उपासनामार्गानुसारेणापि मूर्तविव भगवद्भजनं भवति इति आह **मन्त्रस्यापि विधानतः** इति. न्यासादिपूर्वकं सर्वपूजा. मूर्तौ विशेषम् आह **श्रीकृष्णम्** इति. मूर्त्यन्तरे द्रव्यन्तरितत्वम्. यथावत् मुख्यतया प्राप्तैः द्रव्यैः उपचाराः कर्तव्याः ॥२२९॥

यथालब्धोपचारकैः = प्राप्त भये	साकार-व्यापकत्वात् = साकार
उपचारान्सू, भक्त्या = भक्तिसू	ओर व्यापक होयवेसू, च = ओर
श्रीकृष्णं = श्रीकृष्णकुं	मन्त्रस्य = मन्त्रके
पूजयेद् = पूजे	अपि = हु, विधानतः = विधानसों

भावार्थ : अनिन्दित वृत्तिसों तथा सहजतया उपार्जित होय एसी भगवत्सेवापूजौपयिक सामग्रीनसों भक्तिपूर्वक श्रीकृष्णमूर्तिको पूजन करनों. सो काहेतें ? तहां कहत हैं जो परमात्मा सर्वव्यापी हैं, सो कछू मूर्तिकों छांडिके सर्वव्यापी नाहीं हैं. अर्थात् सर्वव्यापी होयवेतें निजमूर्तिमेंहु विद्यमान् तो हैं ही. तहां शङ्का होत हे जो एसी व्यापकता तो परमात्माकी अशुद्ध जुगुप्सित पदार्थनमेंहु हे, सो तहांहु क्यों भगवत्पूजनको उपदेश नाहीं करत हो ? तहां कहत हैं जो जुगुप्साजनक अशुद्ध आकार किंवा मूर्तिनमें सर्वव्यापी परमात्माके पूजनके मन्त्र किंवा विधि शास्त्रगोचर होत नाहीं हे परि मूल आकारके रूपवारी मूर्तिमें साकार-व्यापक परमात्माके पूजनकी मन्त्र-विधि शास्त्रगोचर हे ॥२२९॥

टीका : जहां मूर्तिके श्रीहस्त-चरणारविन्द हैं वहां ही भगवान्केहु हस्त-चरणादिक हैं. मूर्तिके सब अवयवनोंमें भगवदवयव हैं. क्योंके भगवान् साकार-व्यापक ब्रह्मरूप हैं. तासों कडा, किर्रीट, कुण्डल आदि उपचार भगवान्के अवयवनोंमें ही साक्षात् अङ्गीकृत होय हैं. उपासनामार्गके अनुसार मन्त्र सहित न्यासपूर्वक पूजाहु मूर्तिमें ही श्रेष्ठ होय सके हे. तासों ज्ञानी, भक्त तथा उपासनामार्गी इन तीनोनकुं ही मूर्तिपूजन करनों योग्य हे.

अन्य देवतान्की मूर्तिमेंहु पूजन होय सके हे परन्तु वहां दो व्यवधान होवें हैं. भगवान्को अंश अक्षरपुरुष (ये प्रथम अन्तराय ओर), वाके अंशावतार तथा अन्य देवता उनको आवेश (ये दूसरो अन्तराय). सो लोहके गोलामें जेसे अग्निको आवेश होत हे तेसें मूर्तिमें (अन्यान्य देवतान्को) आवेश होत हे. श्रीकृष्णकी मूर्तिमें अंशी मूलरूप परब्रह्म पुरुषोत्तमको ही आवेश होत हे. तासों श्रीकृष्णकी ही प्रेमसहित सेवा करनी. राजाधिराजको जा प्रकार उपचार कियो जाय हे ता रीतिसों सेवा करनी. जितनें पदार्थ प्राप्त होय विसों उपचार = उचित सत्कार करतो रहे ॥२२९॥

तत्रापि भक्तिमार्गानुसारेण उपचाराः मुख्याः इति आह यथा सुन्दरतां याति इति.

यथा सुन्दरतां याति वस्त्रैर् आभरणैरपि ॥

अलङ्कर्वीत सप्रेम तथा स्थानपुरःसरम् ॥२३०॥

सप्रेम इति अनुद्वेगार्थम्. स्थानं मन्दिरम्. तदलङ्कारपूर्वकमेव भगवदलङ्करणं कर्तव्यम् इति अर्थः ॥२३०॥

वस्त्रैः = वस्त्र	याति = प्राप्त करे
आभरणैः = आभूषणकेद्वारा	तथा = वा प्रकारसों
अपि = हु	स्थानपुरःसरं = स्थानादि पूर्वक
यथा = जा प्रकारसू (भगवन्मूर्तिः)	सप्रेम = प्रेम सहित
सुन्दरतां = सुन्दरताकुं	अलङ्कर्वीत = शृंगारे

भावार्थ : भगवत्स्वरूपके बिराजवेके स्थानके अलङ्करण पूर्वक वस्त्रन्सों तथा आभूषणन्सों भगवन्मूर्ति जेसे सुन्दर दर्शन देवेवारी बनि जाय तेसे सप्रेम भगवन्मूर्तिकूहुं शृंगारादि धरावने ॥२३०॥

टीका : भक्तिमार्गके अनुसार ही भगवत्सत्कार करनो योग्य हे. जेसे अत्यन्त सुन्दरता प्रकट होय एसी रीतिसों प्रेमसों वस्त्र-आभूषण धारण करावने. प्रेम सहित सेवा करिवेसों चित्तको उद्वेग मिटे हे. प्रथम मन्दिरकी सोहनी, मन्दिरवस्त्र, छिडकाव, मांडना आदिकन्सों सेवा करनी. या प्रकार चन्दोवा, पिछवाई, सिंहासन, शैय्याजी आदि पदार्थन्की सेवाहु प्रथम ही कर राखनी. तासों समयपे विलम्ब नहीं होय ॥२३०॥

एवं प्रवृत्तस्य भार्यादीनां विनियोगम् आह भार्यादिरनुकूलश्चेद् इति.

**भार्यादिरनुकूलश्चेत् कारयेद् भगवत्क्रियाम् ॥
उदासीने स्वयं कुर्यात् प्रतिकूले गृहं त्यजेत् ॥
तत्यागे दूषणं नास्ति यतो विष्णुपराङ्मुखाः ॥२३१॥**

भार्यादिकं गृहम्. विष्णुपराङ्मुखा भार्यादयः, अन्यथा परित्यागे दोषएव. अनेन अवैष्णवैः सह अस्मिन् मार्गे न स्थातव्यम् इति उक्तं भवति ॥२३१॥

भार्यादिः = पत्नि आदि	प्रतिकूले = प्रतिकूल होयवेपे
अनुकूलः = अनुकूल, चेत् = होय तो	गृहं = घरकुं, त्यजेत् = छोड़े
भगवत्क्रियां = भगवत्सेवाकुं	तत्यागे = विनके त्यागमें दोष
कारयेद् = करावे	न = नाही, अस्ति = हे
उदासीने = उदासीन होयवेपे	यतो = क्योके
स्वयं = खुद, कुर्यात् = करे	विष्णुपराङ्मुखाः = श्रीकृष्णसू विमुख हें

भावार्थ : परिवारके भार्या आदि सदस्य यदि अनुकूल होय तो विनसोंहु भगवत्सेवा करावनी. परि वे यदि उदासीन होय तो न करावनी, अर्थात् आपु ही करनी. अरु यदि वे भगवत्सेवाको विरोध करत होय तो विनको परित्याग करनो. सो काहेते ? तहां कहत हें जो विष्णुविमुखको संग करिवो महान बाधक हे. तातें ऐसे विष्णुविमुख भार्यादि परिवारजनन्के त्यागमें कछू दोष नहीं हे ॥२३१॥

टीका : स्त्री-पुत्रादिकन्सोंहु सदा भगवत्सेवा करवाते रहेनो. क्योके सेवामें सहायताकी अपेक्षा रहे हे. पुरुष प्रभून्को वस्त्र-आभूषणादि धारण करावे जितने समयमें स्त्री व्यञ्जन सिद्ध करले तो भोग आयवेमें विलम्ब नहीं होय. यदि स्त्री-पुत्रादिकन्की

भगवत्सेवा करिवेमें उदासीन वृत्ति होय, अर्थात् सेवामें प्रीति नहीं होय तो विनसों सेवा न करवावे, आप स्वयं ही सेवा करे. क्योके आग्रह करके स्त्री-पुत्रादिकन्सों सेवा करवायवेमें उनकुं क्लेश होय ओर क्लेशसहित करी भई सेवाको अङ्गीकार भगवान् नहीं करें हें. यदि स्त्रीपुत्रादिक प्रतिकूल अर्थात् सेवाके विरोधी होय, आपुन्कोहु सेवा करिवे नहीं देत होय, तो उनकुं छांडि देन. सेवासों प्रतिकूल भये विना स्त्रीपुत्रादिकन्के त्यागमें दोष हे.

स्त्री-पुत्रादिकन्को ही नाम यहां 'गृह' हे. "गृहिणी गृहम् उच्यते". उनहीको त्याग हे, घरको त्याग नहीं हे. घर छांडिवेसों तो सेवाहु नहीं बन सके हे. "ततो दुःस्मिन् उत्सृज्य सत्सु सज्जेत बुद्धिमान्" (भाग.पुरा.११।२६।२६) इत्यादि प्रमाणानुसार भगवान्सों बहिमुख स्त्री-पुत्रादिकन्के त्यागमें दोष नहीं हे. ये कहिके अवैष्णवके सङ्ग नहीं बैठनो ये बातहु जताई ॥२३१॥

**जीवने प्रकारम् आह सर्वथा वृत्तिहीनश्चेद् इति.
सर्वथा वृत्तिहीनश्चेद् एकं यामं हरौ नयेत् ॥
पठेच्च नियमं कृत्वा श्रीभागवतमादरात् ॥२३२॥**

याममात्रं भगवत्सेवां विधाय पश्चाद् अनिषिद्धेन उपायेन जीवनं सम्पादयेत्.

पारम्पर्यजीवनमपि निषिद्धं चेत् तदा त्यक्तव्यम्. “अचौराणाम् अपापानाम्” (भाग.पुरा.७।११।३०) इति वचनात्. जीविकायां चित्तं व्यापृतं पुनः भगवति योजनार्थम् उपायम् आह पठेच्च नियमं कृत्वा इति. अनेन अल्पबहिर्मुखतायामपि भागवतम् अनुसन्धेयम् इति उपायः कथितः ॥२३२॥

सर्वथा = सब प्रकारसों यामं = प्रहर, हरौ = श्रीकृष्णमें
वृत्तिहीनः = आजीविका बिनाको होय नयेत् = लगावे, आदरात् = आदरसों
चेद् = तो, एकं = एक नियमं = नियम, कृत्वा = करके
श्रीभागवतम् = श्रीभागवतकुं च = अवश्य, पठेत् = पढे

भावार्थ : आजीविकामें व्यापृत होयवेके कारण समय पूरो - पूरो न मिलत होय तोऊ एक याम (अहोरात्रको अष्टमांश) जितने समयको तो भगवदर्थ विनियोग करनो ही, तेसैं ही आदर पूर्वक श्रीभागवतकोहु पाठ नित्य-नियमसों करनो ॥२३२॥

टीका : जीवननिर्वाहको प्रकार दिखावे हैं. सर्वथा = कोई प्रकारकी जीविका न होय तो प्रहर भर भगवत्सेवा करके पाछें अनिषिद्ध उपायसों जीवन (=व्यापारादिक) करे. (पारिवारिक) परम्परासोंहु यदि निषिद्ध वृत्ति चली आती होय तो वाकुंहु छोड देनो योग्य हे. यद्यपि भक्तिमें सब जीवनकुं अधिकार हे परन्तु आहारकी शुद्धि भयेसों सत्वशुद्धि, अर्थात् अन्तःकरणकी शुद्धि होय हे. तासों शुद्धवृत्तिसों जीविका करनी.

जिविकाके कार्यमें लगे भये चित्तकों पाछो भगवान्में लगायवेके अर्थ उपाय बतावे हैं पठेच्च इति. नियमपूर्वक श्रीभागवतको पाठ करनो. थोडीहु बहिर्मुखता प्रतीत होय तो श्रीभागवतको पाठ करनो. ये ही भगवान्में चित्त लगायवेको उपाय हे ॥२३२॥

एतद् भजनम् आन्तरं मुख्यम्. तत्र यथा बहिर्भजने प्रतिकूलपरित्यागः तथा आन्तरभजनेऽपि प्रतिकूलपरित्यागम् आह सर्वं सहेत इति.

सर्वं सहेत परुषं सर्वेषां कृष्णभावनात् ॥
वैराग्यं परितोषं च सर्वथा न परित्यजेत् ॥२३३॥

यथा गृहम् अव्याकुलं बहिःपूजायां कर्तव्यं तथैव हृदयम् अव्याकुलं विधेयम्. “तथाऽरिभिर् न व्यथते शिलीमुखैः” (भाग.पुरा.४।३।१९) इति वाक्याद् दुष्टानां वचनेन क्षोभो भवति. तत्र तानि वचनानि हितत्वेन ग्राह्याणि. अत्यन्तं विरुद्धानि चेत् प्रकारभेदेन. तत्र उपपत्तिम् आह कृष्णभावनाद् इति. कृष्णएव अस्मान् उपदिशति “बहिर्मुखतया न स्थातव्यम्” इति अर्थः. उत्तमगुरुद्वयशिक्षा अनुसन्धेया इति आह वैराग्यम् इति ॥२३३॥

कृष्णभावनात् = श्रीकृष्णकी भावनासों वैराग्य = वैराग्य, च = ओर
सर्वेषां = सबन्के, सर्वं = सब परितोषं = सन्तोषकुं
परुषं = तिरस्कार सर्वथा = कोऊ प्रकारसूं
सहेत = सहन करे न = नाहीं, परित्यजेत् = छोडे

भावार्थ : कोउ कछु कटु बात कहे तब वा व्यक्तिके मुखसों प्रभु मेरो अभिमान दूर करिवो चाहत हैं एसी भावना करिके चित्तकों अव्याकुल राखिवो उचित हे. अप्राप्त विषयन्में वैराग्य अरु प्राप्त विषयन्में परितोष कबहु छांडने नाहीं ॥२३३॥

टीका : ये सेवा आन्तरीय मुख्य हे. अर्थात् जेसैं श्रीगङ्गाजीको प्रवाह समुद्रमें सर्वदा अविच्छिन्न मिलतो रहे हे वा प्रकारसूं प्रेमप्लुत होयके सर्वदा श्रीकृष्णमें मनकी अविच्छिन्न गति राखनों ‘मानसीसेवा’ हे. ये मुख्य हे. जेसैं बाहिर-देहसों सेवा करिवेमें सेवाविरोधी पदार्थको त्याग हे एसैं भीतर-हृदयमें सेवा करिवेमेंहु जो विरोधी होंय उनके त्यागको वर्णन करे हैं सर्वं सहेत इति.

जेसैं स्वरूपसेवा करिवेमें गृहकी व्याकुलता दूर करनी आवश्यक हे एसैं ही आन्तरसेवा करिवेके अर्थ हृदयकी व्याकुलताकुं दूर करनीहु आवश्यक हे. जेसो कष्ट शत्रुके बाण लगवेसों नाहीं होय हे एसो दुष्टन्के बचनन्सों हृदयमें क्षोभ होय हे. यदि उनके वचनसों हृदय व्याकुल होय तो भीतरकी सेवा (आन्तर्भजन) नाहीं बन सके. तासों दुष्टवचनन्कों अपने हितकारी समुझिके सुनि लेने. यदि वे वचन

अत्यन्त विरुद्ध होंय तो “श्रीकृष्ण ही मोसों आज्ञा करें हें के बहिर्मुख होयके नहीं रहनों” एसें समुझि लेनो. परन्तु हृदयमें क्षोभ नहीं होयवे देनो. उत्तम गुरुकी जो दोग शिक्षा उनकुं याद राखनों (उत्तमगुरुद्वयके सम्बन्धमें श्रीभागवतके ७।१३।३४ मेंहु देखनो). वैराग्य एवं सन्तोष कबहु नहीं छोडने. आसक्ति राखिवेसों कपोत जेसे स्त्री-पुत्रादि सहित जालमें फंस गयो एसे आसक्ति राखिवेसों गृहस्थी फंस जावे हे. तासों वैराग्य राखनों. सन्तोष राखिवेसों पिङ्गला वेश्या कान्ताशा छांडिके सुखपूर्वक सोय गई. तासों सन्तोष कबहु नहीं छोडनो ॥२३३॥

एवं सहने हेतुभूतं विचारम् आह एतद् इति.

एतद् देहावसाने तु कृतार्थः स्यान् न संशयः ॥

इति निश्चित्य मनसा कृष्णं परिचरेत् सदा ॥२३४॥

भूतकः समयमिव देहावसानमेव चिन्तयेत्. एकापि परिचर्या सकृत् कृता परमपुरुषार्थदा इति. परं विद्यमानदेहस्य निष्कृत्यर्थं सदा परिचरेत् ॥२३४॥

एतद्देहावसाने = या देहके	इति = एसो
अवसान भयेपें, तु = तो	मनसा = मनस
कृतार्थः = कृतार्थ	निश्चित्य = निश्चय करिके
स्यात् = होयगो (तत्र = तामें)	सदा = हमेशा, कृष्णं = कृष्णकी
संशयः न (अस्ति) = शङ्का नहीं हे	परिचरेत् = परिचर्या करे

भावार्थ : या देहके छूटिवेपें मोकों भगवत्प्राप्ति निश्चित ही होयगी एसो मनमें दृढ विश्वास राखिके सर्वदा कृष्णकी परिचर्या (भजन) करनी ॥२३४॥

एसें सहन करिवेको कारण ये हे के जेसें लोकमें सेवक स्वामीकी सेवा करते समय ये दृढ विश्वास राखे हे के “सेवाके अन्तमें फल अवश्य मिलेगो. तासों कब सेवा पूरी होय-कब फल मिले” एसें ही “कालं प्रतीक्षन् विमदो विमत्सरः” इत्यादि वाक्यानुसार नारदजी अपनी मृत्युकी बाट देखते-देखते भगवत्स्मरण-कीर्तन परायण रहे आये हते. देहान्त भये पीछे भगवत्पार्षद होय गये. या प्रकार

ही “देहके अन्तमें में अवश्य कृतार्थ होऊंगो” एसो दृढ निश्चय राखिके जहां ताई बन सके तहां ताई बाह्यसेवा-तनुजा-वित्तजा तथा आन्तरसेवा-मानसीकुं करतो रहे. ये सब ऊपर कह्यो उपदेश हीनाधिकारी तथा मध्यमाधिकारी के अर्थ हे. उत्तमाधिकारीकों तो भगवत्साक्षात्कार होयवेसों सेवामें आनन्द प्रकट होय जावे हे. फिर वो “विनामत्सेवनं जनाः” (भाग.पुरा.३।२९।१३) मुक्तिकुंहु नहीं चाहे हे. सेवाकुं स्वतःपुरुषार्थरूप मानिकें वाके आनन्दमें निमग्न भयो सर्वदा सेवा ही करतो रहे हे.

तहां मन्द-मध्यमाधिकारी ये शङ्का करें के हमसों सर्वदा तो सेवा नहीं बन सके ! ताको ये उत्तर हे के एक वार करी भई प्रेम सहित एकहु सेवा परमपुरुषार्थकुं देवेवारी हे. श्रीभागवतमें लिखे हें “सकृदिष्ट्वादिपुरुषं परुषो याति साम्यताम्” (भाग.पुरा.६।१८।६६) अर्थः एक बेर पूजन करके पुरुष भगवान्के समानताकुं प्राप्त होय जावे हे. तहां शङ्का होय जो एक सेवासों ही कृतार्थता होय जायगी तब सर्वदा सेवा क्यों करनो ? एसी शङ्का नहीं करनी. क्योंके बाहिरकी सेवामें देहको जीवके ऊपर बडो उपकार हे. तासों वाके बदलेमें जीवकुंहु देहसों सेवा करायके देहकुं कृतार्थ करनों योग्य हे. नित्यप्रलयपक्षके अनुसार देह क्षण-क्षणमें अन्य होती चली जाय हे. उन क्षण-क्षणमें उत्पन्न होयवेवारे देहकुं कृतार्थ करिवेके अर्थ कोईभी क्षण सेवाविना नहीं रहनों चाहिये. तथा दण्डादि धारण करनों जेसे ज्ञानीदेहको निश्चय करायवेवारो हे तेसें भक्तदेहको निश्चय करायवेवारी सेवाहे ॥२३४॥

ननु क्व देशे, कथं वा परिचरेद् ? इति आकाङ्क्षायाम् आह सवपेक्षाम् इति.

सर्वापेक्षां परित्यज्य दृढं कृत्वा मनः स्थिरम् ॥

दृढविश्वासतो युक्त्या यथा सिद्ध्यति तथाचरेत् ॥

वृथालाप-क्रिया-ध्यानं सर्वथैव परित्यजेत् ॥२३५॥

सापेक्षम् असमर्थं भवतीति मूलं भगवदर्थे स्थापयित्वा साधनाभावाद् वैकल्यं जातमपि निवार्य चित्तं भगवत्येव स्थिरीकृत्य यथा पुत्रः पितरि मातरि वा विश्वासं करोति तथा दृढविश्वासो लौकिकयुक्त्या यथैव पूजा सिद्ध्यति तथैव कर्तव्यमिति लौकिकयुक्तिरेव उपदिष्टा. तद्युक्तिसिद्ध्यर्थं वृथालापदिकं प्राप्तं निषेधति वृथालाप इति. काय-वाङ्-मनसा स्वभावतः प्रवृत्तां क्रियां त्यजेत् ॥२३५॥

वाणीसों वृथा भाषण नहीं करनो. शरीरसों वृथा चेष्टा नहीं करनी. मनमें वृथा लौकिक पदार्थनको ध्यान नहीं करनो ॥२३५॥

यद्-यद् इष्टतमं लोके यच्चातिप्रियमात्मनः ॥

येन स्यान् निर्वृतिश्चित्ते तत् कृष्णे साधयेद् ध्रुवम् ॥२३६॥

भगवत्सेवायामपि क्लिष्टं न समर्पयेत्. तत् क्लिष्टं त्रिविधं १. लोकक्लिष्टं २. आत्मक्लिष्टं ३. चित्तक्लिष्टं च इति. अतः अक्लिष्टं निरूप्यते. लोके यद्-यद् इष्टतमम् आम्र-द्राक्षादि, आत्मनः अत्यन्तं प्रियं दुग्धादि, सन्मार्गोपार्जितं, न अन्येषां भागरूपम्, चिरकालमनोरथचिन्तितम्, अन्तःकरणप्रियम्. तेनैव चित्तनिर्वृतिः. इतरनिषेधार्थम् एतद् उक्तम् ॥२३६॥

लोके = लोकमें

चित्ते = चित्तमें, येन = जासूं

यद्-यद् = जो-जो

निर्वृतिः = प्रसन्नता

इष्टतमं = सबसूं अधिक अभिलषित

स्यात् = होय, तद् = वो

च = तथा, यत् = जो

ध्रुवं = निश्चित

आत्मनः = आपुनकुं

कृष्णे = कृष्णके निमित्त

अतिप्रियं = अत्यन्त प्रिय

साधयेद् = लावे

भावार्थ : कोऊ वस्तु अज्ञान, भ्रम अथवा दुर्व्यसन के मोहतें कोउकों आछी लागती होय तोऊ लोकमें जाकों गर्हित मानी जाती होय ताको समर्पण प्रभूनों न करनो, परि लोकमें जाकों इष्टतम मान्यो जातो होय सोही वस्तुको समर्पण प्रभूनों करनो. तेसैंही पुष्टिभक्तिमार्गमें ब्रजाधिपके भावतें सेवाको भाव राख्यो हे सो ब्रजलीलामें जो वस्तु प्रभूनों रुचत हे ताको समर्पण करनो. जा वस्तुके भगवत्सेवामें समर्पण करिवेतें अन्ततः चित्तमें क्लेश होतो होय एसी असन्मार्गोपार्जित वस्तुनको समर्पण प्रभुसेवामें न करनो परि जाके समर्पणतें चित्तमें परम सुख उपजतो होय ताकोही समर्पण भगवत्सेवामें करनो ॥२३६॥

टीका : क्लेश रहित सन्मार्गसों उपार्जित साधनसों सेवा करनी. अन्यायसों अथवा क्लेशपूर्वक उपार्जित पदार्थनकुं भगवान्के अर्थ अर्पण नहीं करनो.

सर्वापेक्षां = सब अपेक्षानको

यथा = जा प्रकारसूं

परित्यज्य = त्याग करिके

(मनः दृढं स्थिरं)सिद्धयेत् = होय

मनः = मनकुं

तथा = तेसैं, आचरेत् = आचरण करे

दृढं = दृढ

वृथा = अनावश्यक

कृत्वा = करिके

आलापक्रियाध्यानं = बोलनो-क्रिया-

दृढविश्वासतो = दृढ विश्वाससों

-ध्यानकुं, सर्वथा = सब प्रकारसों

युक्त्या (च) = ओर युक्तिसों

एव = निश्चित रूपसों

स्थिरं (कृत्वा) = स्थिर करिके

परित्यजेत् = पूर्णरूपसूं छोडे

भावार्थ : काहुसों कछू अपेक्षा न राखिवेतें मनमें दृढता सिद्ध होत हे. तेसैं ही दृढ विश्वासतें अरु युक्ति (चातुरी)तें मन स्थिर होय सकत हे. सो मनकी दृढता अरु स्थिरता बनी रहे तेसो ही आचरण करनो चाहिये. (काया, वाणी, अरु मन सों) वृथा क्रिया, वृथा आलाप तथा वृथा ध्यान कबहु न करनो ॥२३५॥

टीका : अथवा “**वैधोपयोगोर्वरितस्य भूयो वैधोपयोगः प्रतिपत्ति-रुच्यते**” () तहां कोन देशमें केसे परिचर्या करनी एसी आशङ्का भई तहां आज्ञा करे हें **सर्वापेक्षाम्** इति. सब अपेक्षानकुं छांडिके अर्थात् भगवान्के अर्थ स्थापन करके, मनकुं भगवान्के अर्थ अर्पण करके, सेवाके साहित्यमें अशक्यतासों कोई पदार्थकी हीनता देखिके हृदयमें उत्पन्न भई जो विकलता वाको निवारण करके, अर्थात् “माता-पिता पुत्रको हित ही करे हे एसे भगवान् मेरो हित ही करेंगें” एसो दृढ विश्वास करके, चित्तकुं भगवान्में ही स्थिर करके जेसी रीतिसों सेवा सिद्ध होय वेसे ही बरताव करनो. “**मदर्थेष्वङ्गचेष्टा च**” (भाग.पुरा.११.११९.१२२) या वाक्यमें “मेरे ही अर्थ भक्तनकुं अङ्गनकी चेष्टा करनी चाहिये” ये जो भगवान्में आज्ञा कीनी हे यासों सेवाको ही श्रीमुखसों उपदेश दीनो हे. चित्तकों एकाग्र राखे बिना कीनी भई सेवा आधिदैविकी नहीं होय. तासों चित्तकुं एकाग्र राखनो. जितनेमें सेवा-साधन सिद्ध होय उतनो ही उपायचातुर्य करनो, अधिक नहीं करनो. सेवार्थ लौकिक उपाय करिवेमें बहिर्मुखताहु नहीं होय हे. लौकिक उपायादि करते समय देह-वाणी-मन इनकी वृथा चेष्टा नहीं करनी. अर्थात्

क्लिष्टपदार्थ तीन प्रकारको होवे हे: १. लोक जामें क्लेश पावे, २. आत्मा जामें क्लेश पावे एवं ३. चित्त जामें क्लेश पावे. एसे पदार्थ भगवान्के अर्थ अर्पण नाहीं करनें.

आगे अक्लिष्ट पदार्थको निरूपण करें हैं: “यद्यदिष्टतमं लोके यच्चति प्रियमात्मनः” (भाग.पुरा.११।११।४१) ये आधो श्लोक श्रीभागवत एकादशस्कन्धोक्त भगवद्वाक्य हे. लोकमें जो इष्टतम अर्थात् अत्यन्त अभिलाषाके योग्य जो वस्तु होय; जैसें दाख, आम्रफल, केला आदि; तथा जो वस्तु आत्माको अत्यन्त प्यारी होय जैसें दुग्ध, नवनीत आदि; ये वस्तुहु सन्मार्गसों उपार्जित करी भई होंय, अन्याय, चोरी आदिसों लाई गई न होंय; तथा कोईको विन वस्तुनमें हिस्सा नाहीं होय; तथा जा पदार्थको बहुत कालसों मनोरथ होय रह्यो होय; जा पदार्थके प्राप्त होयवेसों चित्तमें आनन्द आवे- एसें पदार्थ भगवान्कुं अर्पण करनें. इनसों इतर पदार्थनको निषेध करिवेके अर्थ ये कथन कियो हे ॥२३६ ॥

सेवा मुख्या, नतु पूजेति मन्त्रमात्रपूजापरो न भवेद् इति आशयेन आह स्वयं परिचरेद् इति.

स्वयं परिचरेद् भक्त्या वस्त्रप्रक्षालनादिभिः ॥

एककालं द्विकालं वा त्रिकालं वापि पूजयेत् ॥२३७ ॥

धर्मार्थतां व्यावर्तयति भक्त्या इति. वस्त्रप्रक्षालनम् अतिबहिरङ्गमिति तद्ग्रहणम्. प्रधानावृत्तौ अङ्गानि आवर्तन्तइति प्रधानावृत्तिम् आह एककालम् इति. अनेन बहुकालमपि पूजनं निरूपितम् ॥२३७ ॥

वस्त्रप्रक्षालनादिभिः = वस्त्र धोने

एककालं = एक समय

इत्यादिरूप बहिरङ्गसेवा

द्विकालं = दो समय

स्वयं = आपु, भक्त्या = प्रेमसों

वा = अथवा, त्रिकालं = तीन समय

(भगवन्तं = भगवान्को)

वा = अथवा, अपि = हु

परिचरेत् = परिचर्या/सेवा करे

पूजयेत् = सेवा करे

भावार्थ : श्रीठाकुरजीके सिंहासन, खण्ड-पाट, चोकी, शय्या आदिके वस्त्रनको प्रक्षालन, तेसेई भोग धरिवेके पात्रनकुं मांजनो, तेसें मटकीमें जल भरनो आदि सेवा स्वयमेव भक्तिभावसों करनी. केवल प्रातःकालमें अथवा प्रातः-मध्यान्ह यों दोय बिरियां अथवा प्रातः-मध्यान्ह-सायं यों तीन्योही बिरियां भगवत्सेवा करनी ॥२३७ ॥

टीका : सेवा मुख्य हे, पूजा मुख्य नाहीं हे. तासों सेवायोग्य पदार्थनको सञ्चय करिवेमें परिश्रम पडतो समुझके सेवा छोडिके केवल मन्त्रनसों मनमें पूजा करिवेमें परायण नाहीं होय जानों.

“आदरः परिचर्यायाम्” (भाग.पुरा.११।११।२१)

“विनामत्सेवनं जनाः” (पूर्ववत्)

“सेवानुरक्तमनसामभवोपि फल्गु” (भाग.पुरा.५।१४।४४)

इत्यादिक वाक्यनमें सेवा ही मुख्य राखी हे. आगे साधनमें पूजा करिवेको उपदेश कियो हे तहांहु भगवान्के समीप स्थित होयके वस्त्र, अलङ्कार आदि धारण करायवेकी जो प्रधान सेवा हे वाको ‘पूजा’शब्दसों ग्रहण करनो, वेदोक्त तथा तन्त्रोक्त पूजाको वहां ग्रहण नाहीं हे. वा पूजाको प्रकार तथा फल सेवाके प्रकार-फलसों भिन्न हे. क्षर-अक्षरसों उत्तम जो परब्रह्म पुरुषोत्तम श्रीकृष्ण हैं सो केवल भक्तिसों ही प्राप्त होवे हैं.

“नायमात्मा प्रवचनेन लभ्यो न मेधया” (कठ.उप.२।२३)

“नाहं वेदैर्न तपसा न दानेन न चेज्यया” (भग.गीता ११।२३)

“न रोधयति मां योगो न साङ्ख्यं धर्म उद्धव !,

न स्वाध्यायः तपस्त्यागः” (भाग.पुरा.११।१२।१)

इत्यादि श्रुति-स्मृति-पुराणनके वाक्यनसों यज्ञ, दान, पूजा, तप, योग आदि जितनें साधन हे उनसों परब्रह्मकी प्राप्ति नाहीं होय हे ये बात सिद्ध होवे हे.

“भक्त्याहमेकया ग्राह्यः” (तत्रैव ११।१४।२१)

“भक्त्यैव तुष्टिमभ्येति” (तत्रैव)

“धर्मान् सत्यत्यज्य यः सर्वान्

मां भजेत् स सत्तमः” (तत्रैव ११।११।३२),

“तस्मात् त्वमुद्भवोत्सृज्य चोदनां प्रतिचोदनम्” (तत्रैव ११।१२।१४)

इत्यादि भगवान्के वाक्यनसों भक्तिकरिकें ही पुरुषोत्तम परब्रह्मकी प्राप्ति होय हे ये सिद्धान्त हे. तहां ‘भक्ति’शब्द “भज् सेवायाम्” धातुसों सिद्ध होय हे. तासों ‘भक्ति’नाम सेवाको हे. श्रुति-स्मृति-तन्त्रनमें वा सेवाको प्रकार दिखायो हे ऐसे मान्यो जाय तो श्रुति-स्मृतिके कहे भये अन्य साधननसों परब्रह्मप्राप्तिको निषेध हे तैसैं भक्तिद्वाराहु परब्रह्मप्राप्तिको निषेध सिद्ध होयगो. यदि ऐसे ही मानें तो “भक्त्याहमेकया ग्राह्यः” (पूर्ववत्) इत्यादि वाक्यनमें “एक भक्तिद्वारा ही मेरी प्राप्ति होय हे” ये लिखी हे तासों विरोध आवे हे. तासों श्रुति-स्मृति-तन्त्रनमें मुख्य भक्तिको विधान नाही हे. श्रीकृष्णनेहु

“भक्तियोगः पुरैवोक्तः” (तत्रैव ११।१९।१९)

“तानाविदन् मय्यनुसङ्गबद्धधियः स्वमात्मानमदस्तथेदम्”

(तत्रैव ११।१२।१२)

“केवलेनहि भावेन गोप्यो गावः खगा मृगाः” (तत्रैव ११।१२।१८)

इत्यादि वाक्यनसों वेदमन्त्रादिविधिसों रहित ब्रजवासीनकी भक्तिकुं मुख्य राखी हे. जैसैं एक स्वामीके दो सेवक हैं. एक सेवक मासिक द्रव्य लेवेके अर्थ जा कार्यकी स्वामी आज्ञा करतो जावे हे वा कार्यकुं वो करतो जावे हे. दूसरो सेवक सब कामना छांडिके स्वामीकी सेवाकुं ही परमफल मानिके, आज्ञाकी अपेक्षा न राखिके, स्वामीकी अभिलाषाके अनुसार आगे-सुं-आगें प्रेमपूर्वक सर्व सेवा करे हे. पहिले सेवकके समान वैदिक-तान्त्रिक भक्तिवारेकुं समुझनो. अर्थात् जैसे-जैसे वेद तथा तन्त्र में भगवान् पूजा करिवेकी आज्ञा करें हैं वाके अनुसार वो सेवक स्वर्गादि अथवा मुक्ति आदि पदार्थके अर्थ पूजा करतो जावे हे. दूसरे सेवकके समान अविहित प्रेमलक्षणा भक्ति करिवेवारेकुं समुझनों. जैसे यशोदाजी आदि गोप-गोपी वेद-तन्त्रादिकमें पूजा करिवेकी जैसी आज्ञा हे वाकी अपेक्षा न राखिके श्रीकृष्णचन्द्रकी अभिलाषाके अनुसार स्नेहसों सेवा करते हते. शुक्रदेवजीनेहु “नायं सुखापो भगवान्” (भाग.पुरा.१०।१।२१) “नेमं विरिञ्चो न भवो” (तत्रैव १०।१।२०) इत्यादि श्लोकनमें विहितभक्ति करिवेवारे ब्राह्मादिकनकी अपेक्षा प्रेमलक्षणा भक्ति करिवेवारी यशोदाकी प्रशंसा करी हे. परन्तु ये भक्ति जहां ताई प्रेम नाही होय तथा प्रभुनके अभिप्रायकुं नाही जान्यो जाय तहां ताई नाही बन सके हे. तहां ताई वेद-तन्त्रानुसार पूजा अवश्य करते रहनो. या मुख्य

भक्तिमार्गमें आये जीवनकुं जहां ताई प्रेमद्वारा प्रभुको अभिप्राय विदित नाही होय तहां ताई जिन भक्तनकुं प्रभुनको अभिप्राय विदित हे, जिनके आधीन प्रभु होय रहे हैं उनके आचरणनके अनुसार आचरण करनो चाहिये. “देवासुरमनुष्येषु मद्भक्ताचरितानि च” (तत्रैव १०।२८।१) जैसे वे सेवा करें वैसे ही सेवा करनो चाहिये. तहां स्वयं शुद्ध होयकें तथा सेवाके साधन गृह-द्रव्यादिकनकुं शुद्ध करके कृष्णसेवा करनो.

“इष्टं दत्तं तपो जप्तं वित्तं यच्चात्मनः प्रियम्,

दारान् सुतान् गृहान् प्राणान् यत् परस्मै निवेदनम्,

मयि सञ्जायते भक्तिः उद्भवात्मनिवेदिनाम्”

(तत्रैव ११।१९।२४) इत्यादि भागवतके वाक्यानुसार स्त्री, पुत्र, द्रव्य, देहादि सहित आत्माकुं भगवान्के आगें निवेदन करिवेसों ये सब पदार्थ शुद्ध होय जावे हैं ये ही आत्मनिवेदनको प्रकार श्रीवल्लभाचार्यजीके प्रति साक्षात् भगवान्ने पवित्रा एकादशीके दिनां रात्रिमें आज्ञा कियो हे वो श्रीवल्लभाचार्यजीने ‘सिद्धान्तरहस्य’में वर्णन कियो हे. निवेदन करिवेसों सब पदार्थमेंसों अपनों सम्बन्ध दूर होय जावे हे. ब्रह्मसम्बन्धी अर्थात् “सब पदार्थ भगवान्के हैं” एसी बुद्धि होय जाय तब सेवाकी योग्यता होय हे. ता पीछे पूर्ण भक्तनमें जैसैं प्रभुनकी इच्छानुसार सेवाके क्रम बांधे हैं उनके अनुसार घण्टा, शङ्खनाद आदिसों लेयकें शयन पर्यन्त सेवा करनों. तहां घण्टा-शङ्खनादादिक वेद-तन्त्रानुसार या मार्गमें क्यों होवें हैं ? एसी शङ्का नाही करनी. भगवदिच्छानुसार ही शङ्खनादादि क्रम आचार्यनमें बांधे हैं, तन्त्रानुसार नाही हैं. प्रसङ्गः

प्रथम श्रीनाथजीके यहां शङ्खनाद नहीं होते हते. एक दिन श्रीविठ्ठलनाथजीनें सांजकी सेवा करिवेके अर्थ मन्दिरके किंवाड खोले वा समय श्रीनाथजीको बागा फट रह्यो हतो. ये देखिकें विचार करिवे लागे. इतनेमें गोविन्ददासनें आयकें कही “महाराज ! श्रीनाथजी श्यामढाकपेसों कूदिके पधारे वा समय बागा फट गयो हे. कछु टूक श्यामढाकपे लटक रह्यो हतो ताकुं लायोहुं”.

वा दिनसों शङ्खनाद तीन बेर करनों ता पाछें १० पल ठहरिके मन्दिरके

किंवाड खोलनो एसो क्रम प्रारम्भ भयो. या प्रकार जितनों सेवाक्रम हे सो सब भगवान्की अभिलाषाके अनुसार बंध्यो भयो हे. उत्तमाधिकारी जीवकुं रहस्यग्रन्थके देखिवेसों स्फुट होय जावे हे. तासों स्नेहपूर्वक स्वयं अपने हाथनसों श्रीप्रभुनके वस्त्र-जलाशयपे जायके धोनें, उपवनमेंसों फल-पुष्पादिक ल्यावनें, सेवाके अतिबहिरङ्ग साधनकुंहु अपने हाथनसुं करनों. जेसैं कृच्छ्रादिकनके उपवास कष्ट पायकेहु धर्मप्राप्तिके अर्थ करनें पडे हैं या प्रकार धर्मसिद्धिरूप प्रयोजन विचारिके सेवा नाहीं करनी. जेसे स्त्री प्रियपतिकी सेवा स्नेहसों करे हे एसी प्रीतिपूर्वक अपने अहोभाग्य समुझिकें प्राणप्रिय प्रभुनकी सेवा करनीं.

साधनावस्थामें रहे भये भक्तकुं प्रभुनकुं अमुक वस्तु अङ्गीकार करानी ये केसैं मालुम पड़ सके ? ये शङ्का तो नाहीं करनी. क्योंके सिद्धावस्था भये पीछे तो प्रभु स्वयं अनुभव जतावेगें. जहां ताई एसो अधिकार नाहीं हे तहां ताई “यच्चाऽतिप्रियमात्मनः” (पूर्ववत्) “तत्तन् निवेदयेन् मह्यम्” (तत्रैव ११।११।४२) इत्यादि वाक्यानुसार जा पदार्थमें अपनी प्रिय समुझके इच्छा होय वा पदार्थकुं प्रभुको अङ्गीकार करावनी. अर्थात् जहां ताई साक्षात् अनुभव नाहीं होय तहां ताई भक्तके हृदयमें स्थित होयके अपने अङ्गीकार करिवेके अर्थ उन-उन पदार्थनमें भक्तकी इच्छा करावे हैं.

प्रधानकी आवृत्ति होयवेसों वाके अङ्गनकीहु आवृत्ति होय हे. तहां प्रधान = सेवा जो वस्त्रालङ्कार-नैवेद्यादि समर्पणरूप पूजा हे वाकी आवृत्ति करनीं. एक काल, दो काल अथवा प्रातः-मध्याह्न-सायं या प्रकार त्रिकाल पूजन करनी. अधिक स्नेह होय तो बहुकालहु पूजन करे. अर्थात् समयानुसार नानाभांतिके व्यञ्जननको अनेकवार अङ्गीकार करावे. जेसैं जा माताको पुत्रपें स्नेह होय हे वो पुत्रके लालन-पोषणमें दिनकुं व्यतीत करे हे, क्षणभरमें दूर होनी दुःखरूप समुझे हे, वा प्रकार प्रेमप्लुत भक्त प्रभुसेवाके वियोगको दुःखरूप समुझे हे ॥२३७॥

अत्र नित्यकर्मादीनाम् अङ्गत्वम् आह स्वधर्माचरणम् इति.

स्वधर्माचरणं शक्त्या विधर्मात् च निवर्तनम् ॥

इन्द्रियाश्वविनिग्राहः सर्वथा न त्यजेत् त्रयम् ॥२३८॥

स्वधर्माः अग्निहोत्रादयः. विधर्माः निषिद्धाः. न अत्र शक्त्या इति, सर्वथा निषिद्धं न कर्तव्यम्. इन्द्रियाण्येव अश्वाः. एतन् निग्रहः इष्टदेशप्रापकः. एतत् त्रयं क्रीडार्थमपि न त्यजेत् ॥२३८॥

शक्त्या = शक्ति अनुसार

विधर्मात् = विधर्मसों

स्वधर्माचरणं = स्वधर्मको आचरण

निवर्तनम् = दूर रहनी, च = ओर

इन्द्रियाश्व - विनिग्राहः =

इन्द्रियरूपी अश्वनपें अङ्कुश

सर्वथा = कोउ प्रकारसों / कबहु

(एतत्) त्रयं = ये तीन

न त्यजेत् = नाहीं छोड़ने

भावार्थ : अपनी शक्तिके अनुरूप शास्त्रोक्त वर्णाश्रमादि धर्मनको अनुष्ठान करनी, तिनको लोप न करनी. शास्त्रविरुद्ध कर्मनतें सर्वथा बचनी. तेसैंई पांच कर्मन्द्रिय, पांच ज्ञानेन्द्रिय अरु अन्तःकरण ये ग्यारह अश्वरूप हैं. सो इनकी लगाम हाथमें न राखे तब ये इनपे आरोहण करवेवारी जीवात्माकुं पटक देत हैं. सो इन तीन्योनुको त्याग न करनी ॥२३८॥

टीका : नित्यकर्मादिक स्वधर्मनकुं सेवाके अङ्ग समुझिकें विनकों सेवाके अवकाशमें करनी. “धर्मो मद्भक्तिकृत्प्रोक्तः” (भाग.पुरा.११।१९।२७) “श्रेयोभिर्विविधैश्चान्यैः कृष्णे भक्तिर्हि साध्यते” (तत्रैव १०।४७।२४) इत्यादिकनमें वर्णाश्रमादि सब धर्मनकुं श्रीकृष्णचन्द्रमें भक्ति सिद्ध होयवेके अर्थ करने ये बात स्पष्ट लिखी हे. देह-द्रव्यके सामर्थ्यके अनुसार अग्निहोत्रादिक धर्म करने. सामर्थ्य होते जीव नाहीं छुपावनी. विधर्म ओर निषिद्धधर्म को आचरण कबहु नाहीं करनी. निषिद्ध कार्यकुं सर्वथा नाहीं करनीं. इन्द्रियरूप घोडानकुं रोके रहनीं. जेसैं घोडाकुं अन्यत्र रोकके एक मार्गमें ही चलायो जाय तब अभिलषित देशमें ले जाय हे (तेसैं इन्द्रियनके सङ्ग बरताव करनीं). अर्थात् महाराजोपचारसों भगवत्सेवा करे. पाछें भगवान्के प्रसादी नानाव्यञ्जननकुं भक्तनकुं देकें अपने भोजन करनी. उन व्यञ्जननकुं “अद्यादात्मविशुद्ध्यर्थम्” (भाग.पुरा.६।१९।२०) इत्यादि भागवत वचनानुसार “ये आत्मशुद्धि करिवेवारी महाप्रसाद हे” एसी बुद्धि राखनी. “जीह्वाकी प्रसन्नताके अर्थ भोजन करुंहु” एसी बुद्धि न राखनी. तथा

आगेसों आछी सामग्री प्रभुनों अर्पण करिवेके अर्थ अच्छे-बुरे व्यञ्जनकी परीक्षाके अर्थ सब सामग्रीको स्वाद लेनो. अपनी धर्मपत्नीके साथहु इन्द्रियकी प्रसन्नताके अर्थ कभी सङ्ग नाहीं करना किन्तु सेवामें चित्तके उद्वेग करिवेवारे कामकी निवृत्तिके अर्थ सङ्ग करनो.

ये तीनों कर्म क्रीडाके अर्थहु कबहु नहीं छोडने. आसक्ति इन तीनोंकी बाध करिवेवारी हे. जो कछु इन तीनोंको विरोधी होय वाकुं शीघ्र छोड देनो. सामान्य वचन धर्मादिकको उपलक्षण हे. अर्थात् धर्मादिकके अर्थहु १. स्वधर्माचरण २. विधर्मसों निवर्तन ३. इन्द्रियविनिग्रह इन तीनोंको नाहीं छोडने. अन्यथा परोपकारार्थ इन्द्रियनिग्रहके त्यागको सम्भव होयगो ॥२३८॥

सङ्गः त्रयाणां बाधकः. तत् परित्यजेद् इति आह एतद्विरोधि इति.

एतद्विरोधि यत्किञ्चित् तत्तु शीघ्रं परित्यजेत् ॥

धर्मादीनां तथा चास्य तारतम्यं विचारयन् ॥२३९॥

सामान्यवचनं धर्मादीनाम् उपलक्षणम्. परार्थमपि इन्द्रियनिग्रहाभावसम्भवात्. पूजाविरोधि धर्मादिकन्तु त्यक्तव्यमेव इति अत्र विचारम् आह धर्मादीनाम् इति. भगवद्भजनस्य मोक्षः फलं परोपकारादि-सर्वधर्माणामपि क्षयिष्णवेव फलम्. अतः उभयोः अन्तरं ज्ञात्वा परोपकारादिधर्मा न कर्तव्या यदि पूजाविरोधिनो भवन्ति ॥२३९॥

यत्किञ्चिद् = जो कछु	च = ओर
एतद्विरोधि (चेत्) = याके	अस्य = याको (भगवद्भजनस्य)
विरोधि होय, तत्तु = विनको तो	तारतम्यं = ऊंच-नीच, विचारयन् =
शीघ्रं = झटसों, परित्यजेत् = त्यागे	बिचार करिके (एतद् भगवद्भजनविरोधि
तथाच = अरु	धर्मादिकमपि) शीघ्रं = झटसा
धर्मादीनां = धर्म आदिको	परित्यजेद् = त्यागे

भावार्थ : जिन देश-काल-व्यावृत्ति-स्त्री-पुरुष-ग्रन्थादिकन्के संग करिवेतें स्वधर्माचरण, विधर्मनिवर्तन तथा इन्द्रियनिग्रह तें विरोधिभाव हृदयमें उपजत होय

एसे सबहिन्को परित्याग करनो. तेसेई स्वधर्माचरण, विधर्मनिवर्तन अथवा इन्द्रियनिग्रहहु कहुं-कबहुक भगवद्भजनमें बाधक बनते होय तो धर्म तथा धर्मी के तारतम्यको विचार करिके तिनहुको त्याग करनो.

टीका : तथा पूजाविरोधि धर्मादिककोहु त्याग करनो. या विषयमें विचार वर्णन करे हैं. भगद्भजनको फल अचल मोक्ष हे. परोपकारादि सर्व धर्मको फल क्षयवारे स्वागादिक हैं. तासों पूजा तथा सर्वधर्मको अन्तर जानिके पूजाके विरोधि परोपकारादि जो धर्म होय तो उनकोहु छोड देने, सेवाकुं छोडके नाहीं करने, अवकाशमें करने ॥२३९॥

अत्र मार्गे पूजासाधनानाम् अनुवृत्तौ कारणम् आह यथा-यथा इति.

यथा-यथा हरिः कृष्णो मनस्याविशते निजे ॥

तथा-तथा साधनेषु परिनिष्ठा विवर्धते ॥२४०॥

श्रवण-कीर्तनादिना हरिश्चेद् हृदये निविशते तदा पूजा सर्वदा निर्वहति इति अर्थः ॥२४०॥

हरिः = भक्तनके दुःख हरिवेवारे	आविशते = प्रवेश करे हैं
कृष्णः = श्रीकृष्ण	तथा - तथा = तेसें-तेसें
यथा - यथा = जेसें-जेसें	साधनेषु = साधनन्में
निजे = अपने	परिनिष्ठा = पूर्ण निष्ठा
मनसि = मनमें	विवर्धते = आछी भांतिसों बढे हे

भावार्थ : भक्तिकी सर्वविध बाधान्कू हरिवेवारे हरि तथा भक्तिभावको स्वरूपानन्दसूं पोषण करवेवारे कृष्ण अपने मनमें जेसें-जेसें अधिक प्रवेश करत हैं तेसें-तेसें भक्तिके साधनमें भक्तकी परिनिष्ठा वृद्धिगत होत जात हे ॥२४०॥

टीका : या मार्गमें पूजाके साधनकी अनुवृत्ति होयवेमें कारण बतावे हैं यथा-यथा इति. जेसें-जेसें श्रवण-कीर्तनादिकन्सों हृदयमें भगवान्को आवेश होय हे तेसें-

तेसें प्रधान = सेवाके साधनन्में श्रद्धा बढती चली जाय हे. अर्थात् भगवान्को जब पूर्ण आवेश होय जावे हे तब सर्वदा सब कालमें प्रधान = सेवाको निर्वाह होयवे लग जाय हे ॥२४०॥

अत्र बाधकानां विशेषम् आह कृष्णे सर्वात्मके इति.

कृष्णे सर्वात्मके नित्यं सर्वथा दीनभावना ॥

अहङ्कारं न कुर्वीत मानापेक्षां विवर्जयेत् ॥२४१॥

मनसि स्वस्य दीनता भावनीया. सर्वाधिष्ठानेषु सर्वलोकेषु च यत्र भगवद्बुद्धिः भवति बुद्धिश्च कर्तव्या. अन्यकर्तृकापमानेऽपि न अहङ्कारं कुर्यात्. भगवतः सकाशान् मानापेक्षां च वर्जयेत् ॥२४१॥

सर्वात्मके = सबन्के आत्मारूप	दीनताको भाव करना
कृष्णे = कृष्णमें,	अहङ्कारं = अभिमान
नित्यं = नित्य	न कुर्वीत = नहीं करना
सर्वथा = सब प्रकारसों	मानापेक्षां(च) = ओर
दीनभावना (कर्तव्या) =	मानकी अपेक्षाहु, विवर्जयेत् = छोड़नी

भावार्थ : श्रीकृष्ण सर्वोपादान, सर्वाधार तथा सर्वान्तर्यामी होयवेतें सर्वात्मक हैं. तासों सर्वदा-सर्वथा-सर्वत्र दीन होयके रहें. काहूको अपनो अहङ्कार न जतावनो. तेसेंई “में दीन होयके रहत हों, अहङ्कारहु करत नहीं तातें मोको मान मिलिवो चाहिये” एसी अपेक्षाहु नहीं राखनी ॥२४१॥

टीका : अभी प्रायः श्रवण-कीर्तनादिक करिवेवारेन्के हृदयमेंहु भगवान्को आवेश नहीं होय हे. येही कारण हे के श्रवण-कीर्तनादिक पूरे बन नहीं सकें हैं. तासों श्रवण-कीर्तनादिके बाधकन्को त्याग वर्णन करे हैं कृष्णे सर्वात्मके इति. मनमें सदा दीनता राखनी. सब ठिकानें जड वस्तून्में तथा सब लोकन्में सब जीवनमें भगवद्बुद्धि करनी. ओर यदि कोई अपनो अपमान करे तथापि अहङ्कार नहीं करनो. भगवान्सों अपनी मानकी अपेक्षा नहीं राखनी ॥२४१॥

एतत् सिद्ध्यर्थम् उपायम् आह सर्वथा तद्गुणालापम् इति.

सर्वथा तद्गुणालापं नामोच्चारणमेव वा ॥

सभायामपि कुर्वीत निर्भयो निःस्पृहस् ततः ॥२४२॥

सर्वथा सर्वत्र भगवदुत्कर्षवर्णने पूर्वोक्तं सिद्ध्यति. दैत्यानां सन्निधानेऽपि निर्भयः. फलाभावाय निस्पृहः ततः इति ॥२४२॥

ततः = तासों	अपि = हु
सर्वथा = सर्व प्रकारसों	तद्गुणालापं = वाके गुणन्को गान
निर्भयः = भय रहित	वा = अथवा
निस्पृहः(भूत्वा) = स्पृहा रहित होयके	नामोच्चारणम् = नामको उच्चार
सभायाम् = सब जनन्के सम्मुख	कुर्वीत = करे, एव = ही

भावार्थ : तासों सर्वथा निर्भय तथा निस्पृह होयके सभामेंहु भगवद्गुणोत्कर्ष घोषित करना अथवा भगवन्नामोच्चारण करत रहनो ॥२४२॥

टीका : ये सिद्ध होयवेके उपायको वर्णन करे हैं. सदा भगवान्के गुणन्को गान अथवा भगवान्के नामको उच्चारण सभामेंहु निर्भय-निस्पृह होयके करते रहनो. अर्थात् सब ठिकानें भगवान्को उत्कर्षवर्णन करिवेसों पूर्वोक्त सिद्ध होय हे. तासों आसुर जीवनके समीपहु फलकी इच्छा छांडिके भगवान्को उत्कर्षवर्णन करतो रहे ॥२४२॥

केवलं नामोच्चारणादेः कदाचिद् असाधकत्वमपि भवेदिति मुख्यं साधनम् आह साधनं परमेतद्धि इति.

साधनं परमेतद्धि श्रीभागवतमादरात् ॥

पठनीयं प्रयत्नेन निर्हेतुकम् अदम्भतः ॥२४३॥

सर्वदा श्रीभागवतकीर्तनेन पूर्वोक्तं सिद्ध्यति ॥२४३॥

एतद् = ये, हि = निश्चय ही
परं = श्रेष्ठ, साधनं = उपाय
निर्हेतुकम् = हेतु विना
अदम्भतः = दम्भ विना

आदरात् = आदरसों
श्रीभागवतं = श्रीभागवत महापुराण
प्रयत्नेन = प्रयत्न पूर्वक
पठनीयम् = पढनो चाहिये

भावार्थ : भक्तिभावके वर्धनार्थं भगवद्गुणनको गान तथा भगवन्नामोच्चारण तेंहु प्रमुख साधन निर्हेतुक (लोकोपकार अथवा पाषण्ड करिवेके हेतुसों नाहीं) अदम्भ (उदरंभरी कथामें अश्रुपातादिके भावुकताप्रदर्शनके दम्भसों नाहीं), आदरभावसों नित्यनियमके प्रयत्नतें (मर्यादामार्गीय प्रणालीवारी धुंधुकारीमोचक सप्ताह-कथाके श्रवणके नियमसों नाहीं !) श्रीभागवत्को पाठ करनो ॥२४३॥

केवल नामोच्चारणादिक कदाचित् साधक नाहीं होंय तो मुख्य साधनको वर्णन करें हें साधनं परम् इति.

सर्वदा श्रीभागवतको कीर्तन करिवेसुं पूर्वोक्त सिद्ध होय हे. तासों ये हि परम साधन हे के कपट छांडिके, कामना छांडिके, आदरपूर्वक, प्रयत्न करके श्रीमद्भागवतजीको पाठ सर्वदा करते रहनों. इतने कथनसों

“श्रद्धां भागवते शास्त्रे निन्दाम् अन्यत्र चापि हि”

(भाग.पुरा.११।३।२६)

“सर्वभूतेषु मन्मतिः” (भाग.पुरा.११।१९।२१)

“वचसा मद्गुणरणम्” (भाग.पुरा.११।१९।२२)

इत्यादि एकादशस्कन्धके वाक्यनको सिद्धान्तवर्णन कियो ॥२४३॥

अत्र वैष्णवमार्गे वेदमार्गविरोधो यत्र तन् न कर्तव्यम् यदि अनित्यो धर्मो भवेत्. नित्येऽपि वेदविरोधः सोढव्यः इति आहः शङ्ख-चक्रादिकं धार्यम् इति.

शङ्ख-चक्रादिकं धार्यं मृदा पूजाङ्गमेव तत् ॥

तुलसीकाष्ठजा माला तिलकं लिङ्गमेव तत् ॥२४४॥

साधनप्रकरणम्
४८९

“वह्निनैव तु संयुक्तं चक्रमादाय वैष्णवः, धारयेत् सर्ववर्णानां हरिसालोक्यकाम्यया” इति तप्तमुद्राधारणं काम्यम्. “शङ्ख-चक्रं मृदा यस्तु कुर्यात् तप्तायसेन वा, स शूद्रवद् बहिष्कार्यः सर्वस्माद् द्विजकर्मणः” इति स्मृतिविरोधश्च. “शङ्खादिचिह्नरहितः पूजां यस्तु समाचरेत्, निष्फलं पूजनं तस्य हरिश्चाऽपि न तुष्यति”. अतो मृदा शङ्ख-चक्रादिधारणं पूजाङ्गत्वाद् अवश्यं कर्तव्यम्. निषेधस्तु केवलएव, न पाषण्डत्वसम्पादकः. मृदा निषेधम् उपक्रम्य तप्तायसे पर्यवसानवचनात् च. किञ्च, ब्राह्मणस्य धारणं निषिद्धम्, वैष्णवस्य च विहितम्. तत्र ब्राह्मणश्चेद् वैष्णवो भवेत्, तत्र पूर्वात् परबलीयस्त्वन्यायेन वचनमिति वैष्णवधर्मानुसरणं कर्तव्यम्.

नच पाषण्डत्वसम्भवः. “किं पुनर् ब्राह्मणाः पुण्याः” (भग.गीता.९।३३) इति वाक्यात् प्रमाण-प्रमेययोः प्रमेयं बलिष्ठम् इति च वेदनिषिद्धदेवतापरत्वएव पाषण्डत्वम् इति स्थितिः. धर्मविरोधो न अत्र बाधकः. ततः उक्तं शङ्खचक्रादिकं मृदा पूजाङ्गत्वेन धार्यम् इति. तथा तुलसीकाष्ठजा मालापि धार्या. तस्या यद्यपि न नित्यत्वं तथापि वैष्णवत्वख्यापिका परम्परासिद्धा. तदुल्लङ्घने पारम्पर्यं बाध्येतेति नित्यतुल्या माला.

किञ्च, “धारयन्ति न ये मालां हैतुकाः पापबुद्धयः, नरकान् न निवर्तन्ते दग्धाः क्रोधाग्निना हरेः” इति वचनान् नित्यत्वमपि.

तिलकं च, “दण्डाकारं ललाटे स्यात् पद्माकारं तु वक्षसि, वेणुपत्रनिभं बाह्वोर् अन्यद् दीपाकृतिर् भवेद्” इति तिलकं माला च यज्ञोपवीतवद् वैष्णवत्वबोधकम् ॥२४४॥

शङ्खचक्रादिकं = शङ्ख-चक्र आदि तुलसीकाष्ठजा = तुलसीके काष्ठसों
मृदा = माटीसूं बनी भई, माला = माला
धार्यं = धारण करने, तत् = वो तिलकं (च) = अरु तिलक
पूजाङ्गमेव = सेवाके अङ्गभूत लिङ्गमेव = वैष्णवके अनिवार्य चिह्न
(भवति = होय हें) तद् (भवति) = होय हें

साधनप्रकरणम्
४९०

भावार्थ : शङ्ख, चक्र, गदा, पद्म, अष्टाक्षरादि मन्त्रकी मुद्रा धारण करनी. सो काहेतें ? तहां कहत हैं जो मुद्राधारण करे बिना भगवत्पूजन निष्फल होत हे तासों मुद्राधारण पूजनको अङ्ग हे. तेसैंई तुलसीकाष्ठकी माला अरु तिलक अपनी वैष्णवताको चिह्न हे. तासों वैष्णवत्वके आत्मगौरवसों तिलकमालाको धारणहु अवश्यकर्तव्य हे ॥२४४॥

टीका : या वैष्णवमार्गमें नित्यसुं भिन्न सकाम धर्मनमें जहां वेदविरोध होय वो धर्म नाहीं करनो. भक्तिमार्गके नित्यधर्मनमें तो वेदविरोधहु सहि लेनो. जेसैं वस्त्र-भूषणधारण तथा नैवेद्यादिक समर्पण आदि मुख्य सेवा करिवेमें स्रध्या-अग्निहोत्रादिकको काल नाहीं साध सके तो एसो वेदविरोध सहि लेनों. जब अवकाश होय तब स्रध्या=अग्निहोत्रादि कर्म करनैं. ताको वर्णन करैं हैं **शङ्खचक्रादिकम्** इति.

रामानुज-माध्वादिकनके मार्गसों या मार्गमें बाहिरके प्रकार विषयमें विलक्षणता दिखावें हैं. **“वह्निनैव तु संयुक्तम्”** या श्लोकको अर्थ : अग्नि सहित चक्रकुं लेकें वैष्णव धारण करे, सब वर्णनको भगवान्के सालोक्यकी कामनाके अर्थ. या श्लोकमें तप्तमुद्राधारण काम्य बतायो हे. **“शङ्खचक्रं मृदा”** या श्लोकको अर्थ : **“शङ्ख-चक्रनकुं मृत्तिकासों अथवा ताते लोहसों जो करे हे वो शूद्रके तुल्य सम्पूर्ण द्विजकर्मसों बाहिर निकासिवे योग्य हे”** या स्मृतिको विरोधहु हे. **“शङ्खादिचिह्नरहितः”** या वाक्यको अर्थ : **“शङ्ख-चक्रादिकनसों रहित जो पूजा करैं हैं वाको पूजन निष्फल हे. भगवानहु तुष्ट नाहीं होय हैं”**. प्रथम श्लोकमें काम्यत्व तथा द्वितीय श्लोकमें निषिद्धत्व लिख्यो हे. तिनसुं तृतीय श्लोकसों प्राप्त नित्यत्वको बाध नाहीं होय हे. तासों पूजाके अङ्ग समुझिकें मृत्तिकासों शङ्ख-चक्रादिकनको धारण अवश्य करनो. निषेध हे सो तो पूजा विना केवल शङ्ख-चक्रादि धारणको हे. पूजाङ्ग समुझिकें धारण करिवेवारेनकुं पाषण्डित्व सम्पादक नाहीं हे. मृत्तिकादिकके निषेधको उपक्रम करके तप्तलोहसों चक्रादि धारण करिवेमें पर्यवसानवचन हे. तासों तप्तमुद्रा धारणमें ही निषेधकी प्राप्ति हे, सेवाङ्ग समुझिके मृत्तिकासों चक्रादि धारणको निषेध नाहीं हे.

किञ्च, द्वितीय श्लोकसों ब्राह्मणकुं शङ्खादि धारण निषिद्ध हे. **“शङ्खादिचिह्नरहितः”** या तृतीय श्लोकसूं वैष्णवकुं शङ्खादि धारणको विधान हे. तहां ब्राह्मण यदि वैष्णव होय तो वाकुं **“पूर्वसों पर बलवान् हे अन्यथा परविधान व्यर्थ होयगो”** या न्यायके अनुकूल वैष्णवधर्मके अनुसार वर्ताव करनो योग्य हे. निषेधक स्मृति तो वैष्णवधर्म रहित केवल संस्कारमात्र वारे ब्राह्मणमें चरितार्थ हे.

शङ्खाः ब्राह्मणको वैष्णवधर्माचरण करिवेमें पाषण्डित्वको सम्भव होयगो ?

उत्तर : **“किं पुनर् ब्राह्मणाः पुण्याः”** (भग.गीता ९।३३) या गीतावाक्यमें ब्राह्मणको वैष्णवधर्मसों निःसन्देह उद्धार होनों लिख्यो हे. प्रमाण तथा प्रमेय इनमें प्रमेय बलवान् हे. पाषण्डित्वको तो वेदनिषिद्ध अर्हत्-बुद्ध आदि देवतानकी उपासनासों होय हे. तासों कितनेक वैदिकधर्म तथा वैष्णवधर्मनको परस्पर विरोध बाधक नाहीं हे. जेसैं दत्तात्रेय, दुर्वासा आदिकनकुं पाषण्डि नाहीं मानें हैं किन्तु वैदिक धर्मनसों योगके धर्मनकुं विलक्षण मानिकें समाधान करैं हैं तेसैं भक्तनमेंहु पाषण्डिताकी सम्भावना नाहीं करनी. वैदिकधर्मनसों भगवद्धर्मनकुं विलक्षण मानिके समाधान करनो. अतः मृत्तिकासों सेवाङ्ग समुझिकें शङ्ख-चक्रादिक मुद्रा धारण करनी. तथा तुलसीकाष्ठकी मालाहु सर्वदा धारण करनी. यद्यपि कितनेक वचनसों नित्यता नाहीं हे तथापि वैष्णवताकी जतायवेवारी हे ओर **“साधूनां समयश्चापि प्रमाणं वेदवद् भवेत्”** या ब्रह्माण्डपुराणके वचनसों महात्माको आचरणहु वेद जेसो ही प्रमाण हे. तुलसीकाष्ठकी मालाको सर्वदा धारण करनो परम्परासोंहु सिद्ध हे. वाको उल्लङ्घन करिवेमें परम्पराको बाध होय. तासैं मालाहु नित्यकर्मके तुल्य हे.

किञ्च, **“धारयन्ति न ये मालां हेतुकाः पापबुद्धयः,**

नरकान् न निवर्तन्ते दग्धाः क्रोधाग्निना हरेः”

अर्थ : मालाकुं जे नास्तिक पापबुद्धिवारे नाहीं धारण करैं हैं वे मनुष्य भगवान्के क्रोधाग्निसों जले भये नरकसों पाछें नाहीं आवें हैं-या वचनसों मालाधारण नित्य हे.

तिलकहु दण्डके आकारको ललाटपें करनीं. कमलके आकारको वक्षस्थलपें करनीं. वंशके पत्रके आकारको दोनों बाहुनपें करनीं. अन्य तिलक दीपकी ज्योतिके आकारवारे करने. जेसैं यज्ञोपवीत द्विजत्वको जतायवेवारो हे एसैं तिलक-माला वैष्णवताके जतायवेवारे हैं ॥२४४॥

एकादशयुपवासादि कर्तव्यं वेधवर्जितम् ॥
तथा कृष्णाष्टमी चापि सप्तमी वेधवर्जिता ॥
अन्यान्यपि तथा कुर्याद् उत्सवो यत्र वै हरेः ॥२४५॥

एकादशीव्रतं च षट्पञ्चाशद्वेधरहितं कर्तव्यम्. पूर्वम् अन्यथाकरणेऽपि भगवन्मार्गप्रवेशानन्तरं पञ्चपञ्चाशदघटिका दशमी चेत् तदा एकादशी त्याज्या. जन्माष्टमी तु सूर्योदयानन्तरं सप्तमी चेत् तदा त्याज्या “उदयाद् उदयात् प्रोक्ता हरिवासरवर्जिता” इति वाक्यात्.

अन्यान्यपि रामनवमीप्रभृति-व्रतानि भगवन्मार्गे कर्तव्यानि. नृसिंहजयन्तीव्रतम् उत्सवश्चेत् कर्तव्यम्. तथा वामनजघ्नत्युत्सवकरणे एकादश्याम् उपोषणम् अकृत्वापि द्वादश्याम् उपोषणं कर्तव्यम्. किं बहुना उत्सवः प्रधानभूतः. भुक्त्वा च उत्सवो निषिद्धः, भगवदावेशाभावात्. एवं पूजामार्गे उत्सवयात्रा सहिता पूजा कर्तव्या इति निरूपितम् ॥२४५॥

वेधवर्जितम् = वेधको अंश छांडिके	तथा = तेसैंही
एकादशयुपवासादि = एकादशिके	अन्यानि(व्रतानि) = अन्य व्रतादिक
उपवासादिक, कर्तव्यं = करनी	अपि = हु, कुर्याद् = करने
तथा = एसैंही	यत्र = जामें
सप्तमीवेधवर्जिता = सप्तमीके वेधसों	वै = निश्चय
रहित, कृष्णाष्टमी = श्रीकृष्ण अष्टमी	हरेः = हरिको
चापि(कर्तव्या) = हु करनी	उत्सवो(भवति) = उत्सव होय

भावार्थ : दशमीके वेधसों रहित एकादशीके दिना उपवासादि करनीं. तेसैंई

सप्तमीके वेधसों वर्जित कृष्णाष्टमीको व्रतहु करनीं. तेसैंई अन्य व्रतहु करने जिनमें श्रीहरिको कोऊ उत्सव पड़तो होय ॥२४५॥

टीका : एकादशीको व्रतहु छप्पन घडीके दशमीको वेध रहित करनीं योग्य हे. पूर्वमें अन्य प्रकारसों व्रतादिक करतो होय परन्तु भगवान्मार्गमें प्रवेश भये पाछें पचपन घडी दशमी होय तोहु वा एकादशीको त्याग करनीं, दूसरे दिना व्रत करनीं. सूर्योदय भये पीछे सप्तमी होय तो वा जन्माष्टमीको त्याग करनीं. अर्थात् द्वितीय दिन व्रत करनीं. तामें “उदयाद् उदयात् प्रोक्ता हरिवासरवर्जिता” इत्यादि वाक्य प्रमाण हैं.

भगवन्मार्गमें अन्यहु रामनवमी आदि व्रत करने. नृसिंहजयन्ती व्रत उत्सव होय तो करनीं. तेसैं ही वामनजयन्ती व्रतहु करनीं. अर्थात् वामनद्वादशीके दिन क्रमानुसार वामनप्रादुर्भावोत्सव करनीं. वा दिन उपवास करनीं. वाके पूर्व एकादशीके दिन उपवासकी सामर्थ्य नाही होय तो नाही करनीं. बहुत विस्तारपूर्वक कथनसों कहा प्रयोजन हे ! उत्सव मुख्य हे. भोजन करके उत्सव करिवेको निषेध कियो हे. भोजन किये पाछें भगवान्को आवेश नाही होय हे.

तात्पर्य ये हे : जन्माष्टमीको उपवास तो आवश्यक हे. अन्य तीनों जयन्तीके उपवास तो देहसों तथा द्रव्यसों वा दिन सेव्यस्वरूपको उत्सव करिवेकी सामर्थ्य होय तो उत्सवके अङ्ग समुझिकें करनीं. क्योके भोजन करे पीछे भगवदावेश नाही होय हे. तथा जिनकुं पुराणवाक्यनसों राम, वामन, नृसिंहादिकनमें पूर्णपुरुषोत्तमकी स्फूर्ति होय उनकुं तो उनकी जयन्ती अवश्य करनीं.

एसैं दिवाली आदि पर्व, रथयात्रा-स्नानयात्रा आदि यात्रा तथा जन्माष्टमी आदि महोत्सवनकुं एकाकी तथा द्रव्य-देहसों करिवेकी सामर्थ्य होय तो एकाकी करने. अपनी एककी सामर्थ्य नाही होय तो अन्य कुटुम्बीनके सङ्ग होयके महाराजाधिराजकी जा प्रकार परिचर्या होय हे वा प्रकार श्रीकृष्णकी सेवा करते भये पर्व-यात्रा-महोत्सवनकुं करनीं ॥२४५॥

उपसंहरति. एतत्सर्वम् इति.

एतत् सर्वं प्रयत्नेन गृहस्थस्य प्रकीर्तितम् ॥

अन्येषां सम्भवेत्तु स्यात् यतेः पर्यटनं वरम् ॥२४६॥

गृहस्थस्य एतन् मुख्यम्. एवं कुर्वन् सकुटुम्बो भगवत्सायुज्यम् अश्नुते. ब्रह्मचारिप्रभृतीनामपि सेवक-साधनसम्पत्तौ एतत् कर्तव्यम्. अन्यथा अन्यएव उपायः कर्तव्यः. तम् अग्रे वक्ष्यति. स्रयासिनस्तु पूर्वापेक्षयाऽपि अग्रिमएव उत्तम एवम् इति आह यतेः पर्यटनम् इति ॥२४६॥

सर्वम् = सब, एतत् = ये सम्भवेत (तदैव कर्तव्यम्) =
गृहस्थस्य = ग्रहस्थकेलिये सम्भव होय तो ही करनो
प्रयत्नेन = प्रयत्नसो यतेः = स्रयासीकुं
प्रकीर्तितम् = विस्तारसो कह्यो पर्यटन = फिरते रहनो
अन्येषां (यदि) = अन्यन्सो यदि वरं = श्रेष्ठ, स्यात् = होय हे

भावार्थ : यहां तक दियो सगरो उपदेश गृहस्थ पुष्टिमार्गीके ताई दियो हे. परि जो पुष्टिमार्गी गृहस्थ न होंय तिनतेहु शक्य होय तो तिनकोहु याही प्रमाण स्वधर्मानुष्ठान करनो. जो स्रयासी पुष्टिमार्गी होंय ताको पर्यटन ही श्रेष्ठ हे ॥२४६॥

टीका : साङ्ख्य, योग, ज्ञान, कर्म आदिकनको उपदेश देयके अन्तमें उद्भवजीके प्रति श्रीकृष्णने “पृथक् सत्रेण वा मह्यं पर्वयात्रामहोत्सवान्” (भाग.पुरा.११।२९।११) या श्लोकमें ये ही उपदेश दियो हे. एसें पूजामार्ग अर्थात् पूजाप्रधान सेवामार्गमें उत्सव-यात्रा-पर्व सहित सेवा करिवेको जो निरूपण कियो ताको उपसंहार करे हैं. गृहस्थकुं ये सेवा मुख्य हे. जेसें “सगृहः सपशुः सुवर्गं लोकमेति” () इत्यादि श्रुतीन्में वैदिककर्म करिवेवारे यजमानको स्त्री-पुत्र-पशु सहित स्वर्गमें प्राप्त होनों लिख्यो हे. तेसें पूर्वाक्त रीतिसो सेवा करिवेवारो भक्तहु कुटुम्ब सहित भगवान्के सायुज्यकुं प्राप्त होवे हे.

ब्रह्मचारी, विधवा, वीतरागादिकनकुंहु साधनसम्पत्ति होय तहां ताई तो सेवाही करनी चाहिये. सेवाके साधन नाही बन सकें तब तो अन्य उपाय करने.

वा उपायकुं आगे कहेंगे. स्रयासीकुं तो आगेको उपाय करनो ही उत्तम हे सो कहत हैं यतेः पर्यटनम् इति. स्रयासीकुं तो पर्यटन करनो श्रेष्ठ हे ॥२४६॥

गृहस्थानामपि पूजायां पञ्चदोषसम्भवे पर्यटनमेव श्रेष्ठम् इति आह विक्षेपाद् इति.

विक्षेपाद् अथवा शक्त्या प्रतिबन्धादपि क्वचित् ॥

अत्याग्रहप्रवेशे वा परपीडादिसम्भवे ॥

तीर्थपर्यटनं श्रेष्ठं सर्वेषां वर्णिनां तथा ॥२४७॥

१. स्वतःप्रवृत्तिरहितानि इन्द्रियाणि बलाद् भगवति योज्यमानानि विक्षेपं जनयन्ति विग्रहकर्शितानि. २. जरया व्याधिभिर् वा यदा शक्त्यभावः. ३. लोको वा प्रतिबन्धं कुर्वन्ति. ४. स्वस्य वा परम आग्रहः उत्पद्यते येन तमसि प्रविष्टो भगवन्तं न स्मरति. ५. लोकानां वा पीडां कुर्यात् - तत्र पूजा त्यक्तव्या. तदा अन्यत्रापि तथात्वे परदेशे शून्यदेवालये पूजा विधेया. तत्रापि दोषसम्भवे तीर्थपर्यटनं कर्तव्यम्, पापानां प्रतिबन्धकरूपाणां नाशाय. तदा यत्रैव गत्वा सेवा सम्पत्स्यते तत्रैव सेवा कर्तव्या.

स्वतन्त्रतया तीर्थाटनप्रकारम् आह सर्वेषाम् इति. विष्णुभक्तिप्रकारत्वात् सर्वाधिकारः ॥२४७॥

क्वचिद् = कबहुक मनमें अत्याग्रह होय जाय तो
विक्षेपाद् = विक्षेपके कारण क्वचित् परपीडादिसम्भवे = कबहुक
अथवा क्वचिद् अशक्त्या = परपीडा होयवेपें, सर्वेषाम्
अथवा कबहुक अशक्तिके कारण (अपि) = सबन्को
क्वचित् प्रतिबन्धाद् = वर्णिनां = ब्राह्मणादिक वर्णवारेन्को
कबहुक प्रतिबन्ध आजाय तो तीर्थपर्यटनं = तीर्थन्को पर्यटन
क्वचिद् अत्याग्रहप्रवेशे = कबहुक श्रेष्ठं (भवति) = उत्तम साधन हे

भावार्थ : कबहुक भगवद्भजनमें स्वतोरुचि न होयवेपेहु हठात् भजन करिवेपे मानसिक विक्षेप होत हे. अथवा स्वतः रुचिशील होयवेपेहु कबहुक रोगादिजन्य

शारीरिक अशक्तितेहं भजन दुष्कर हवे जात हे, कबहुक घर स्वतः समर्थ होयवेपेहु घर आदिके बडरे भगवद्भजनविरोधी होयवेतें तामें प्रतिबन्ध करत हैं. कबहुक बडरे प्रतिबन्ध न करत होंय तोऊ भजनकर्ताको एसो मूढाग्रह बंधी जात हे जो भजन करत भगवान्तें भिन्न अन्य सब कछुकी सुधि रहत हे परि भगवान्की नाही. कबहुक भजनीय भगवान्की सुधीके आवेशमें भजनकर्ताको निज भजनप्रक्रियाके विस्तारतें परिवारजनकों कहा पीडा होत हे ताकी सुधी रही न जात हे. तासों एसी अवस्थानमें सबहिनके काज तीर्थपर्यटनकों ही श्रेष्ठ समुझनो ॥२४७॥

टीका : गृहस्थनकुंहु सेवामें पांच दोष हैं. वे जब आय जावें तब तीर्थाटन करनों श्रेष्ठ हे. उन दोषनकुं बतावें हैं. स्वतः सेवामें प्रवृत्त नाही होयवेवारी इन्द्रियनों बलात्कारसों सेवामें लगायी जांय हैं तब एसी इन्द्रियें चित्तमें विक्षेपकुं उत्पन्न करें हैं, ये प्रथम दोष हे. वृद्धावस्थासों अथवा रोगके कारण सेवा करिवेकी सामर्थ्य नाही रहनो ये द्वितीय दोष हे. कुटुम्बके अथवा अन्य लोग सेवाकुं नाही करवे दें ये तृतीय दोष हे. अपने हृदयमें खोटो आग्रह उत्पन्न होय जाय जासों अज्ञानरूप अन्धकारमें धंस्यो भयो मनुष्य भगवान्कोही स्मरण नाही कर सके हे ये चतुर्थ दोष हे. सेवा करिवेवारो अन्य जीवनकुं पीडा देयवे लग जाय ये पांचमो दोष हे. ये पांच दोष होंय तहां सेवाको त्याग करनों. यदि जहां सेवा करे तहां ही दोष आय जावें तो परदेशमें शून्यदेवमन्दिरमें पूजा करनी. वहांहु दोषको सम्भव होय तो सेवाप्रतिबन्धक पापनकुं दूर करिवेके अर्थ तीर्थपर्यटन करनों. जहां गयेसों सेवा बन सके वहां ही सेवा करनी. तीर्थाटनकी गौणता दूर करिवेके अर्थ स्वतन्त्रतासों तीर्थाटनको प्रकार दिखावे हैं. जेसैं विष्णुभक्तिमें सर्व जीव अधिकारी हैं तेसैं ही तीर्थाटनहु विष्णुभक्तिको प्रकार हे. तासों यामें सबनकुं अधिकार हे ॥२४७॥

वर्णाश्रमयुक्तानामपि वर्णाश्रमधर्मैः तीर्थानि विकल्प्यन्त इति आह यज्ञाः इति.

यज्ञास् तीर्थानि च पुनः समानि हरिणा कृताः ॥

अतस् तेष्वप्रतिग्राही तद्दिनान् नाधिकस्य हि ॥२४८॥

हतत्रपः पठन् नित्यं नामानि च कृतानि च ॥

भारते हि यज्ञानां तीर्थानां च तुल्यता निरूपिता. तत्र अटनप्रकारम् आह

अतस्तेष्वप्रतिग्राही इति. तीर्थप्रवेशदिवसेतु उपवासः. अग्रिमदिवसे यदि अन्नमात्रमपि नास्ति तदा तावन्मात्रं ग्राह्यं, नतु ततो अधिकम्. अटनस्य नित्यत्वात् न चिरकालं स्थितिः. उच्चैः नामसङ्कीर्तनं तत्र अङ्गम्. अन्तर्भगवत्स्मरणञ्च.

एकाकी निस्पृहः शान्तः पर्यटेत् कृष्णतत्परः ॥२४९॥

देहपातनपर्यन्तम् अव्यग्रात्मा सदा गतिः ॥

उत्तमोत्तमम् एतद्धि पूर्वम् उत्तमम् ईरितम् ॥२५०॥

एकाकी पर्यटेत्. न अत्र “नैकः प्रपद्यताध्वानम्” इति स्मृतिदोषः. पथि भोगाद्यर्थं स्पृहा न कर्तव्या. शान्तश्च चित्ते भवेत्.

एवम् अधिकाराभावे भिन्नम् उपायं वक्ष्यतिः कृष्णएव तात्पर्यं नतु तीर्थादौ. देहपातनपर्यन्तं च पर्यटनम् “देहान्ते कृतार्थो भविष्यामि” इति. सदा शुद्धश्च भवेत्. स्रध्यावन्दनवत् प्रत्यहं तस्य गमनम्. अस्मिन् पक्षे अन्तः कृष्णः सर्वदा स्फुरतीति उत्तमोत्तम् ॥२४८-२५०॥

हरिणा = हरिद्वारा

हतत्रपः = सङ्कोच छांडिके

यज्ञाः = यज्ञ, कृताः = करे

पठन् = पाठ करते भये

समानि = एक सरिखे

एकाकी = इकेले

च पुनः = ओर फेरि

निस्पृहः = स्पृहा रहित

तीर्थानि (कृतानि) = तीर्थे हु

शान्तः = शान्त होयके

(वाके समान) करे, अतः = तासों

अव्यग्रात्मा = व्यग्र भये बिना

तेषु = विनमें

सदागतिः = सतत फिरते भये

अप्रतिग्राही = कछु ग्रहण करे विना

कृष्णतत्परः = कृष्णमें तत्पर होयके

तद्दिनात् = वा दिनसूं, हि = ही

देहपातनपर्यन्तं = देह छूटि न जाय

अधिकस्य = अधिकको

वहां ताई, पर्यटेत् = पर्यटन करतो रहे

न = नाही, नामानि = नामनकुं

पूर्वम् = पहिले, उत्तमम् = उत्तम

च = अरु, समानि = सरिखे

ईरितं = कह्यो (साधनम्)

कृतानि (इति) = करे हैं तासों

एतद् = ये, हि = ही

नित्यं = नित्य

उत्तमोत्तमं(यतः) = उत्तमं उत्तम

भावार्थ : प्रभु श्रीहरिने यज्ञ, तीर्थ अरु अपने नाम समान माहात्म्यवारे बनाये हैं. तातें यज्ञ – तीर्थ – नाम – परायण भक्तकों एक दिनारतें अधिक परिग्रह करनो नाहीं. लज्जा छांडिके नामोच्चारण करनो. तातें काऊ प्रकारकी स्पृहा न राखनी. एकाकी (अर्थात् जनसंग्रहार्थ यज्ञ – तीर्थ – जपको दम्भ न करनो), शान्त होयके काऊ प्रकारसों अपने आपको व्यग्र बनाये बिना, कहूं एक ठोरपे स्थिर भये बिना, देहपातपर्यन्त कृष्णतत्पर होई पर्यटन करनो. ये अब जो आगे कहेंगे सो उत्तमोत्तम उपाय हे. अब लग जो उपाय बतायो उत्तम उपाय हतो परि अब जो उपाय कही रहे हैं सो उत्तमोत्तम उपाय हे. सो काहेतें ? तहां भगवद्वचनको प्रमाण देत हैं ॥२४८-२५० ॥

टीका : वर्णाश्रमधर्मवारे मनुष्यनके अर्थहु वर्णाश्रमधर्मनके सङ्ग तीर्थनको विकल्प कियो हे. महाभारतमें तीर्थ तथा यज्ञ कों समान लिखें हैं. भगवान्नेहु तीर्थ करें हैं.

तीर्थयात्राको प्रकार दिखावे हैं : तीर्थस्थलमें जा दिना प्रवेश करे ता दिना उपवास करनो. दूसरे दिना अन्नमात्र नाहीं होय तो जितनेमें उदर भर जाय उतने ही अन्नकी याचना करनी. तीर्थमें दान नाहीं लेनो. नित्य विचरते रहनो. बहुतकाल एक स्थानमें नाहीं रहनो. ऊंचे स्वरसों सङ्कोच छांडिकें भगवान्के नामनको कीर्तन करते रहनो तीर्थाटनको अङ्ग हे. भीतर भगवान्को सर्वदा स्मरण राखनो ॥२४८ ॥

एकाकी रहनो. मार्गमें इन्द्रियनके विषयभोगनके अर्थ स्पृहा नाहीं करनी. चित्तकुं शान्त राखनो.

जो मनुष्य एसो अधिकारी नाहीं हे ताके अर्थ अन्य उपाय आगे आज्ञा करेंगे. श्रीकृष्णकी प्राप्तिमें तात्पर्य हे. तीर्थादिकनमें तात्पर्य नाहीं हे. तासों “श्रीकृष्ण मोकुं कब दर्शन देंगे” एसी उत्कण्ठा सदा तीर्थाटन करते बनाये राखनी ॥२४९ ॥

देहपात नाहीं होय तहां ताई विचरतो रहे. “देहपात भये पीछे में अवश्य कृतार्थ होऊंगो” एसो निश्चय राखनो. सदा शुद्ध रहनो. स्रध्या-वन्दन जैसे नित्य कियो जावे हे तेसे नित्य ही तीर्थाटन करते रहनो. या पक्षमें अन्तःकरणमें सर्वदा श्रीकृष्ण स्फुरण होवे हे. तासों ये पक्ष उत्तमोत्तम हे ॥२५० ॥

अत्र सम्मत्यर्थं भगवदुक्तश्लोकद्वयम् आह “गृहं...”, “धनम्...” इति.

गृहं सर्वात्मना त्याज्यं तच्चेत् त्यक्तुं न शक्यते ॥
कृष्णार्थं तत् प्रयुञ्जीत कृष्णः संसारमोचकः ॥२५१ ॥
धनं सर्वात्मना त्याज्यं तच्चेत् त्यक्तुं न शक्यते ॥
कृष्णार्थं तत्प्रयुञ्जीत कृष्णोऽनर्थस्य वारकः ॥२५२ ॥

सर्वात्मना = सब तरहसूं

धनं = धनकुं, त्यक्तुं = छांडिके

त्याज्यं(अपि) = त्यजवे योग्यहु

न शक्यते = शक्तिमान् न होय

गृहं = घरकुं, त्यक्तुं = छांडिके

चेत् = तो, कृष्णार्थं = कृष्णके अर्थ

न शक्यते = शक्तिमान् न होय

तत् प्रयुञ्जीत = वाको आछी

चेत् = तो, कृष्णार्थं = कृष्णके अर्थ

भांतिसों विनियोग करे

तत् प्रयुञ्जीत = वाको विनियोग करे

(यतः = क्योके) कृष्णः = श्रीकृष्ण

(यतः = क्योके) कृष्णः = श्रीकृष्ण

(धनगतस्य = धनमें रहे भये)

संसारमोचकः अस्ति = संसारसूं

अनर्थस्य = अनर्थके

छुडायवेवारे हैं, सर्वात्मना = सब तरहसूं

वारकः = वारण करिवेवारे

त्याज्यं(अपि) = त्यजवे योग्यहु

(अस्ति = हैं)

भावार्थ : घर तो सर्वात्मना त्याज्य (तजिवे योग्य) ही होत हे परि ताको त्याग करनो यदि शक्य न होय तो ताको विनियोग संसारमोचक कृष्णमें करनो चाहिये. तेसेई सर्वात्मना त्याज्य धनकोहु त्याग शक्य न होय तो वाको प्रयोग कृष्णसेवार्थ करनो. सो काहेतें जो श्रीकृष्ण अनर्थके वारक हैं ॥२५१ - २५२ ॥

टीका : या विषयमें सम्मतिके अर्थ भगवान्के आज्ञा किये भये दो श्लोकनकुं कहे हैं गृहं सर्वात्मना इति.

गृहकोहु सर्वात्मना त्याग करनों. यदि घर नहीं छोड़्यो जाय तो कृष्णके अर्थ घरको विनियोग करनों. कृष्ण संसारसों छुडायवेवारे हैं.

सर्वात्मना धनको त्याग करनों. यदि वो धन नहीं त्याग कियो जाय तो श्रीकृष्णके अर्थ वाको विनियोग करनों. कृष्ण अनर्थके दूर करिवेवारे हैं ॥२५१-२५२॥

पूर्वाधिकारद्वयाभावे तृतीयं पक्षम् आह अथवा इति.

अथवा सर्वदा शास्त्रं श्रीभागवतम् आदरात् ॥
पठनीयं प्रयत्नेन सर्वहेतुविवर्जितम् ॥२५३॥
वृत्त्यर्थं नैव युञ्जीत प्राणैः कण्ठगतैरपि ॥
तदभावे यथैव स्यात् तथा निर्वाहमाचरेत् ॥
त्रयाणां येन केनापि भजन् कृष्णम् अवाप्नुयात् ॥२५४॥
“बाह्याभ्यन्तरभेदेन रूपे भेदद्वयं मतम्,
नाम्नि चैकं ततस् त्रेधा भक्तिमार्गो निरूपितः”

॥२५३-५४॥

अथवा = अथवा	आदरात् = आदरपूर्वक
श्रीभागवतं = श्रीभागवतपुराणकुं	सर्वदा = हमेशा, सर्वहेतुविवर्जितं =
शास्त्रम् = शास्त्रकुं	सर्व हेतुसूं रहित होईके
प्रयत्नेन = प्रयत्न पूर्वक	यथा = जैसे, एव = हु
पठनीयं(भवति) = पाठ करनो चाहिये	स्यात् = होय, तथा = वेसे
कण्ठगतैरपि प्राणैः = प्राण कण्ठ	निर्वाहम् आचरेत् = जीवननिर्वाह करे

साधनप्रकरणम्
५०१

तांई आय जांय तो हु	त्रयाणां = तीनमेंसूं
(भागवतं) वृत्त्यर्थं = भागवतकुं	येन केन-अपि(उपायेन) = जा कोई भी
आजीविकाके अर्थ	उपायसूं
न एव = नहीं ही	भजन् = भजन करिवेसूं
युञ्जीत = उपयोग करनो	कृष्णम् = कृष्णकुं
तदभावे = वाके अभावमें	अवाप्नुयात् = प्राप्त करेगो

भावार्थ : अथवा स्वगृहमें श्रीकृष्णसेवाहु निभ न सके अरु तीर्थाटनहु न बनि आवे तो निरन्तर आदरसों श्रीभागवतको पाठ करनो. परि श्रीभागवतके पाठसों अन्य कोऊ हेतु जु रि न जाय वा बातकी अत्यन्त सावधानी राखनी. तहां आजीविकाके हेतुसों तो प्राण गलामें आय अटके होंय तोऊ भागवतकथातें अपनो निर्वाह न चलावनो. भागवतकथाकी आजीविका न करिवेपें दूसरी कोई आजीविका अनुकूल न परत होय तो जेसी रीतसूं निर्वाह चलत होय तेसैं चलावनो परि आजिविकार्थ भागवतकथा नहीं ही करनी. गृहसेवा अरु तीर्थाटन अरु भागवतपाठ इन तीनों उपायनमें एकहु उपाय आछी तरह कियेतें भक्तकों कृष्णप्राप्ति होत हे ॥२५३-२५४॥

टीका : पूर्वोक्त कहे दोउ अधिकार जिनमें नहीं हैं विनके अर्थ तृतीय पक्ष कहे हैं अथवा इति. सब कामना छांडिके तथा आदरपूर्वक प्रयत्न करके सदा श्रीभागवतको पाठ करनों. श्रीभागवतद्वारा अपनी वृत्ति प्राण कण्ठमें चले जावें तथापि नहीं करनी. वृत्तिके अभावमें जेसे निर्वाह बन सके तेसे निर्वाह करनो. परन्तु श्रीभागवतकों वृत्तिके अर्थ विनियोग नहीं करनों. “स बाह्याभ्यन्तरो ह्यजः” (मुण्ड.उप.२।१।२) इत्यादि श्रुत्यनुसार भगवान्को एक बाह्य रूप हे. वो सब पदार्थनके बाहिर रहे हे. दूसरो आन्तररूप हे वो सब पदार्थनके भीतर रहे हे. तीसरो आपको रूप शब्दनमें रहे हे तासों तीन प्रकारसों भक्तिमार्गको वर्णन कियो हे ॥२५३-५४॥

प्रपत्तिमार्गम् आह जगन्नाथे विट्ठले च इति.

जगन्नाथे विट्ठले च श्रीरङ्गे वेङ्कटे तथा ॥

साधनप्रकरणम्
५०२

यत्र पूजाप्रवाहः स्यात् तत्र तिष्ठेत् तत्परः ॥२५५॥

एतन् मार्गद्वयं प्रोक्तं गतिसाधनसंयुतम् ॥

विकल्पएव एषां स्थानानाम्. प्रपत्तौ ब्रह्मास्त्रन्यायस्य बाधकत्वात्. पूजाप्रवाहो भगवत्सान्निध्यप्रबोधकः ॥२५५॥

जगन्नाथे = श्रीजगन्नाथपुरिमें	पूजाप्रवाहः = पूजाको प्रवाह
विट्ठले = पाण्डुरङ्ग श्रीविट्ठलनाथजीके	स्यात् = होय, तत्र = वहां
धाममें, च = अरु	तत्परः = पूजादि परायण होयके
श्रीरंगे = श्रीरङ्गजीमें	तिष्ठेत् = रहे, एतन् = ये
वेंकटे = श्रीवेंकटमें	मार्गद्वयं = दोउ मार्ग
तथा = एसेही	गतिसाधनसंयुतं = उपाय सहित
यत्र = जा स्थानमें	प्रोक्तं = कहे

भावार्थ : पुरुषोत्तमक्षेत्रस्थ जगदीशजी, भीमा तटपे पंढरपुर विठोबा, श्रीरंगजी, तिरुपति बालाजी तेसेई जहां वैष्णवी पूजाप्रणाली प्रचलित होय तहां भगवन्मूर्तिके पूजादिमें तत्पर होयके रहनो. तासों एसे वैदिक मार्ग अरु भक्तिमार्ग को वा - वा मार्गपि चलिवेके उपायनके साथ वर्णन कियो ॥२५५॥

टीका : प्रपत्तिमार्ग अर्थात् शरणमार्गको वर्णन करें हैं जगन्नाथे इति. “सर्वधर्मान् परित्यज्य मामेकं शरणं ब्रज” (भग.गीता १८।६६) या गीताके श्लोकमें सर्वधर्मनकुं छांडिके एक भगवान्के ही शरण जानो लिख्यो हे. वाहीके अनुसार गुरुके द्वारा भगवान्के शरण जानो, फेरी अन्याश्रय छांडिके श्रीभगवान्को ही दृढ विश्वास राखनों. जेसे हनुमानजीकुं ब्रह्मास्त्रसों राक्षसनुं बांध दीने पाछें सन्देह भयो “वानर बहुत प्रबल हे. ब्रह्मास्त्रकुं तोड डारेगो. तासों अन्य अस्त्रनुंसोंहु बांधनों” एसे विचारिके जब ब्रह्मास्त्रको विश्वास छांडिके अन्य अस्त्रनुंसों बांधवे लगे तब हनुमानजी ब्रह्मास्त्रसों छूटि गये. एसे ही भगवान्के आश्रयमें सन्देह करके जब अन्य देवको आश्रय कियो जाय हे तब वो भक्त शरणमार्गसों पतित हो जाय हे. याहीसों “मामेकं शरणम् ब्रज” (तत्रैव) या वाक्यमें ‘एकम्’ पद कह्यो हे.

अर्थात् “एक मेरे ही शरण आव, दूसरेको आश्रय मत कर”. भगवान् देहादि सङ्घातकों सेवाके अनुकूल करें अथवा अत्यन्त आसुर सङ्घात होंय तो सङ्घातसों छुडाय दें तब जाननों जो शरणागति सिद्ध भई. ता पाछें सेवामें जाकी रुचि होय, भगवान्के स्वरूप जानिवेकी इच्छा होय तथा भगवच्छास्त्रनुं परायण रहे तब जाननों याको ये अन्तिम जन्म हे. अर्थात् याको पुनः जन्म नाहीं होयगो. शरणधर्म सिद्ध हायवेके अर्थ ही कृष्णाश्रयस्तोत्र श्रीआचार्यचरणनुं प्रकट कियो हे. शरणागत मनुष्यकुं श्रीजगन्नाथजी, श्रीपुण्डरीक, श्रीविट्ठलनाथजी, श्रीरङ्गनाथजी, श्रीवेंकटेशजी इत्यादि स्वरूपनके समीप रहनों चाहिये. अन्यहु कोई भगवद्दाम होंय जहां सदा पूजाको प्रवाह होय तो वहां रहनों चाहिये. पूजाप्रवाह हे सो भगवान्के सन्निधानकों जतायवेवारो हे.

या श्लोकके आवरणभङ्गमें श्रीपुरुषोत्तमजी महाराजनें एसो क्रम लिख्यो हे : प्रथम तो भगवान्की कृपाके अङ्कुरको स्वतः अथवा वैष्णवके सङ्गसों उद्बोध होय तब या मार्गमें रुचि होय. ता पाछें या मार्गमें प्रवेशकी इच्छा होय. तत्पश्चात् कृपाको अङ्कुर दृढ होय तब ये मार्ग सब मार्गसों उत्तम दीखे. ता पाछें द्वारभूत गुरुके द्वारा भगवान्के शरण आवे. पाछें सत्सङ्ग करके श्रीआचार्यचरणनुं “ये भगवान् हैं” एसी अभेदबुद्धि होय, तदनन्तर सर्वोत्तमस्तोत्रादिकनुंके पठनुंसों गुरुकी सेवा करतो रहे. ता पाछें भगवदीयनुंको सङ्ग करके पूर्वीतिके अनुसार भगवान्की सेवा करतो रहे. स्वमार्गीय ग्रन्थनुं सुनिवे-देखिवेसों प्रतिबन्धक निवृत्ति होंय तब दोषनिवृत्ति तथा सेवाके उपयोगी गुणनुंकी प्राप्ति होय. ता पाछें वारं-वार भगवत्सेवाकी आवृत्ति करतो रहे तो सकुटुम्बकुं भगवत्प्राप्ति होय. उन कुटुम्बवारेनुंहु जो सेवामें उदासीन रहें अथवा सेवाको विरोधी होय वाकुं भगवत्प्राप्ति न होय. पूर्वमें कहे भये पञ्चदोषनुंकी यदि सम्भावना होय तो तीर्थाटन करिके दोष निवृत्ति करनों. दोषनिवृत्ति भयेसों सेवा करी जाय तो भगवत्प्राप्ति होय. सेवाको अनधिकार होय तो श्रीभागवताश्रय करनों. वामेंहु अधिकार नाहीं होय तो पुरुषोत्तमसहस्रनाम-त्रिविधनामावलीको आश्रय करनों. उत्तमाधिकारमें तो तीर्थपर्यटन श्रेष्ठ हे. वामेंहु अनधिकार होय तो शरणागत होयके सहस्रनामादिकनुंको पाठ करतो भयो जहां पूजाप्रवाह होय तहां समीप अथवा दूर स्थित रहनों. कहे भये प्रकारनुंके अनुसार बर्ताव करिवेसों साधक भक्त फलोन्मुख होय हे तथा फलकी प्राप्ति होत हे. प्रपत्तिमार्ग अर्थात् शरणमार्ग भक्तिमार्गको अनुकल्प हे. तासों भक्तिमार्गमें ही

याको प्रवेश हे.

यहां ताई फल-साधन सहित वैदिकमार्ग तथा भक्तिमार्ग को निरूपण कियो हे.

॥ इति श्रीवल्लभाचार्य विरचित तत्वार्थदीपनिबन्धान्तर्गत सर्वनिर्णयमें साधनप्रकरणकी श्रीगोकुलदास मुखीयाजी रचित ब्रजभाषाटीका सम्पूर्ण भई ॥

॥ शिक्षाश्लोकी ॥

(२४)

जयति श्रीवल्लभार्यो जयति च विद्वलेश्वरः प्रभुः श्रीमान् ।

पुरुषोत्तमश्च तैश्च निर्दिष्टा पुष्टिपद्धतिर्जयति ॥

श्रीमहाप्रभूद्वारा विरचित इन शिक्षापद्यन्पे श्रीद्वारिकेशजीकी व्याख्याहु मिलत हे. तासों कहुं-कहुं वा व्याख्याको आशयहु ग्रहण करते भये मूल श्लोकनों यथामति अनुवाद अरु व्याख्यान करत हों.

इन शिक्षापद्यन्के प्राकट्यकी वार्ता एसे कही जात हे : ‘अन्तकरणप्रबोध’ ग्रन्थमें वर्णित लोकगोचर देहदेशपरित्यागकी तीसरी भगवदाज्ञाके पश्चात् विक्रम संवत् १५८७ की जेठ वदी दसमीके दिना अडेल गांवमें श्रीमहाप्रभूको स्रयासग्रहण करिवेको मन भयो. सो ‘स्रयासनिर्णय’ ग्रन्थमें उपदिष्ट अष्टविध स्रयासमें तें द्वितीय प्रकारको स्रयास - जो पालनके काज स्वयंकेलिये तो स्वीकार्यो. ये चतुर्थाश्रमरूप कर्ममार्गीय प्रकारको स्रयास हे. एकादस स्कन्ध तथा अन्यहु सभी शास्त्रवचन सों अविरुद्ध एसे शिखा - सूत्रके त्यागसों रहित त्रिदण्ड धारण करिवेको या स्रयासमें प्रकार रहत हे. या स्रयासके ग्रहण करिवेकी रीतिमें गृहत्यागार्थ भार्याज्ञाकीहु अपेक्षा बताई हे. सो तो कई बिरियां मांगिवेपेहु श्रीमहालक्ष्मीजीनें गृहत्यागकी आज्ञा दीनि नाहिं. तब आपनें अपनी दिव्य इच्छातें अपनी पर्णकुटीमें अग्नि प्रज्वलित कीनि सो देखिके श्रीमहालक्ष्मीजीनेंहुं आपसों कह्यो “बाहिर निकसो, बेगि बाहिर निकसो”. तब तो गृहत्यागकी आज्ञा सिद्ध भई मानिके आप करक-कौपिन लेयके घरसों बाहिर निकसि गये. पाछे तें अग्निहु शान्त हवे गयो. फेरि यथाविधि स्रयासग्रहण करिके आप तो अडेलतें काशी नगरीकू पधारि गये. तातें लोकगोचर देशत्यागकी आज्ञा तो सिद्ध भई परन्तु लोकगोचर देहत्यागकी आज्ञाके पालन करिवेको आपनें मासपर्यन्त अनशन कियो अरु पाछे आठ दिना आपनें मौनधारणहु करि लीनो. तब अडेलतें श्रीगोपीनाथजी तथा श्रीगुंसाईजीहु आपनें सेवकन् तथा कुटुम्बीजनन् के सङ्ग श्रीमहाप्रभूके दर्शनको तहां काशी पधारे. तहां सबननें प्रार्थना कीनि जो “अब हमारो कर्तव्य कहा ?” सो मौन धारण करि राख्योहुतो तासों गङ्गाजीकी तटभूमिपे लिखिके साढ़े तीन श्लोकनोंको

उपदेश श्रीमहाप्रभूनों अपने सुतनों तथा सेवकनों दीनो. तातें या ग्रन्थकों 'शिक्षाश्लोकी'हु कहत हैं.

तहां यह शङ्का होत हे जो स्रयासनिर्णय ग्रन्थमें तो आपनें विरहानुभवकी सिद्धिके काज परित्यागको उपदेश कियो हे. सो प्रकार आपनें काहेको अनुसर्यो नाहिं ? यहां यह समाधान जाननो जो भक्तिके दोय पक्ष हैं: एक तो सेवा अरु दूसरी कथा. 'कथा' कहेतें भगवान्के रूप-गुण-नाम-लीलाको श्रवण-कीर्तन-स्मरण कह्यो जात हे. तहां लीलाभावना अथवा लीलाकीर्तन के सङ्ग सेवामें तत्पर होयवेतें उभयपक्षको अनुष्ठान सिद्ध होत हे. तातें सेवापक्ष तो मुख्य कल्प हे. परन्तु या मुख्य कल्पमेंहुं पांच प्रकारके बाधक श्रीमहाप्रभूनों निबन्धमें गिनाये हैं:

- (१) लौकिक विषयमें राग-द्वेषकी प्रबलताके कारण इन्द्रियन्की भगवत्सेवामें सहज अरुचि होवे तोऊ हठात् सेवा करिवेके प्रयासतें चित्तमें विक्षेप (खीज - अन्यमनस्कता - उद्वेगादि) प्रकटे तब सेवा छांडि देनो उचित हे.
- (२) भगवदिच्छा विपरीत होयवेतें असाध्य रोगादिजन्य शारीरिक अशक्ति-अक्षमता होय अरु हठात् सेवा करे तब कोमल स्वभाववारे प्रभूनों परिश्रम होत हे. तातें सेवा न करिवो आछो.
- (३) अपुष्टिमार्गीयके घरमें जनम होयवेके कारण घरके बडेनों भगवत्सेवाविरोधी भाव होय तासों एसे प्रतिबन्धमें सेवा न करिवो आछो. कथापक्षमें तो याकों प्रतिबन्ध गिन्यो नाहीं हे परि सेवापक्षमें प्रतिबन्ध होयवेतें सेवाको त्याग करि देवो उचित हे. काहेतें ? जो अपने भगवत्सेवाके दुराग्रहके कारण अपने सेव्य प्रभूनों अनादर अथवा निन्दा कहुं घरमें कोऊ करे नाहिं.
- (४) सेवोपयोगी सामग्रीनों जुटायवेको अत्याग्रहहु सेव्य प्रभूनोंमें अपने चित्तकी तत्परताको नाश करिके तामसी वृत्तिकों बढावत हे. तब सेवा करिवे करतें न करिवो अधिक उचित होत हे.

(५) सेवाकर्ता घरमें स्वयं बड़ो होय अरु छोटैनों प्रभूनों भाव न होय तोहु सेवा करावे तब स्वार्थ सङ्कोच अथवा भय के कारण छोटैनों सेवामें जुटिवो परत हे. अरु तब वे आन्तरिक पीडाके साथ सेवा करत हैं. ता करि प्रभूनों सुख नाहीं होत हे. सो सेव्य प्रभूनों सुख न देयवेवारी सेवा करिवे करतें न करिवो उचित हे.

तासों इन बाधकनों अभाव होय तबहि सेवा हे सो पुष्टिजीवको मुख्य कर्तव्य बनत हे. तासों इन बाधकनों साथ भक्तिभाव होयवेपेहु सेवा न करिके कथापक्षको ग्रहण उचित मान्यो गयो हे. तातेंही 'भक्तिवर्धिनी'में भक्तिकी व्यसनदशा सिद्ध होयवेपे कथापक्षमें सम्पूर्ण गृहत्यागको; अथवा निबन्धमें समय - समयपे तीर्थयात्राके व्याजसों अल्पकालिक गृहत्यागको हु प्रकार समुझायो हे. इन गृहत्यागनेके प्रकारनों भगवद्विरहानुभवार्थ करिवेको प्रकार श्रीमहाप्रभूनों समुझायो हे. काहेतें ? जो पुष्टिसृष्टिको भूतलपे प्राकट्य हे सो तो श्रीकृष्ण स्वरूपकी सेवाके हेतुही हे. सो जा जनम वर्ष मास दिन, अथवा कृपातिशय होय तो, प्रहर घडी अथवा क्षणमात्र भगवत्सेवाके बिना बीते तब विरह-ताप जो न होवे तो कछूक आसुरावेशही जाननो. सो भक्तिकी व्यसनावस्था प्राप्त करिवेपे भगवत्सेवाके बिना विरहताप तो अवश्यंभावी होत हे. तातें घरमें सेवा जातें निभती न होय ताकों विरहानुभवार्थ परित्यागको आपने उपदेश गौणकल्पके रूपमें दियो हे. तहां कर्तव्योपदेश गृहपरित्यागको हे, विरहानुभवको नाहीं. अरु प्रयोजन तहां विरहानुभव हे, गृहपरित्याग नाहीं. काहेतें गृहपरित्याग तो अनीश्वरवादी जैन-बौद्धहु करत हैं परि उनको परित्याग भगवद्भक्ति को अङ्ग नाहीं हे. आप स्वयं तो भगवद्दनावतार अरु भक्तिमार्गाब्जमार्तण्ड हैं सो भक्तिमार्गके गौणकल्पको अनुसरिवेकी आवश्यकता आपुको कहा ? तातें आपके स्रयासको प्रकार 'स्रयासनिर्णय' तथा 'भक्तिवर्धिनी' (सं.नि.७, भ.व.१,६) में कहे प्रकार को न हतो 'सर्वनिर्णय-निबन्ध' (२१९-२२०) में कहे प्रकारकोही हतो.

साक्षात् स्वरूपकी सेवा जो कोऊ स्वगृहमें स्वतनुवित्त-परिजननके समर्पणपूर्वक करतो होय ताकों तो सेवा छांडिके विप्रयोगानुभवार्थ कथापक्षको अवलम्बन चलायके करनो तो भक्तिमार्गीय पाषण्ड हे. बहोत सेवा छूटि जाय अथवा

नित्यक्रममें जब सेवाको अनवसर होय तब विरहानुभवार्थ कथा-स्मरण पक्षको भक्तिमार्गीय प्रकार पुष्टिमार्गीय सिद्धान्त हे तातें - “सेवायां वा कथायां वा” वचनमें प्रथम कर्तव्य तथा उल्लेख सेवाको हे. तैसेही - “स्मरणं भजनं चापि न त्याज्यं” वचनमें अन्तमेंहु अत्याज्यतया उल्लेख तो भजन अर्थात् सेवा कोही हे.

सो विरहानुभवकामना सेवापक्षमें तो सम्भवे नाहीं. काहेतें? सेवा करत साक्षात् सेव्य स्वरूपकी संयोगानुभूति स्वतः छांडिके विप्रयोगानुभूति करिवेके काज कोऊ गृहत्याग करे तब तो भगवत्प्राप्तिकी कामना खण्डित भयी जानिये. अथवा भगवन्मूर्तिमें भगवद्भाव खण्डित भयो जानिये. जेसैं कोऊ प्रेमिका अपनैं प्रियतमतें बिछुरवो नाहीं चाहत हे परि कबहु विधिवशात् बिछुरे तो ताको विरहताप होत हे. परि कोऊ व्यभिचारिणी अपनैं जारसों मिलवेकी आतुरतामें जब पतिके परदेशगमनको हृदयमें मनोरथ करत होय, अर्थात् बिछुरवो चाहत होय, तहां पतिप्रेम खण्डित भयो तब जानिये.

जेसैं वर्तमानकालमें कछुक स्वमार्गीय शास्त्री हु अपनैं मांथे बिराजते स्वरूपकी सेवा छांडिके ठोर-ठोरपे भागवतसप्ताह करत हैं. इन भागवतकथान्में कथा कहत-कहत कण्ठावरोध अरु अश्रुपात को आडम्बरहु जतावत हैं. मानो भक्तिकी व्यसनदशा सिद्ध होय गयी होय! परि वस्तुतः अपने सेव्यस्वरूपमें एसी परमासक्ति सिद्ध भई होय तो काहेको सेवा छांडिके ठोर-ठोर भटकियो चाहिये! जब सेवा छांडिके उदरभरणार्थ ठोर-ठोर भटकियो आछो लागत हे तब तो स्वरूपासक्ति खण्डित भई जानिये, अरु स्वरूपासक्तिके अभावमें प्रकट कण्ठावरोध अरु अश्रुपात कोहु मूल कारण विप्रयोग न होई पाषण्डयोगही होत हे.

तासों विप्रयोगार्थ स्रयासमें कर्तव्योपदेश गृहीय भोगवासनाके त्यागार्थ हे, अरु प्रयोजनोपदेश वैराग्यसाधनाको न होई विप्रयोगसाधनाको हे, “**भोगाभावः तदैव सिद्ध्यति यदा गृहपरित्यागः**” - “**तादृशस्यापि सततं गेहस्थानं विनाशकम्**” इन वचनन्सों. सोहु गृहमें भगवत्सेवाके अनिर्वाहकी दशामें. तातें भक्तिमार्गमें यह गौणकल्प भक्तिमार्गाब्जमार्तण्डायमान् श्रीमहाप्रभून्को अपेक्षित नाहीं हे.

भक्तिको पूर्वाङ्ग महात्म्यज्ञानको मान्यो हे. तासों महात्म्यज्ञानके सिद्ध भयेतें लोकेषणा, वित्तेषणा अथवा बाह्यविषयसुखेषणा को माहात्म्य स्फुरत नाहिं हे तातें अज्ञानिजन सुलभ भ्रमयोग सम्भवे नाहीं. अरु भक्तिको उत्तराङ्गतो सुदृढ सर्वतोऽधिक स्नेहको मान्यो हे. ता करि आधुनिक शास्त्रीन्की उदरभरीकथामें प्रकट होतो विप्र (पाषण्ड) योग (वित्तोपार्जनको उपाय) हु सम्भवे नाहीं. तासों सिद्ध होत हे जो श्रीमहाप्रभून्में जा प्रकारको स्रयास ग्रहण कियो सो चतुर्थाश्रमरूप कर्ममार्गीय स्रयासही हतो. सोहु लोकगोचर देह-देश परित्यागकी भगवदाज्ञा पालनमें आनुषङ्गिक कर्म हतो. तासोंही ‘अन्तःकरणप्रबोध’में आप आज्ञा करत हैं: “**आज्ञैव कार्या सततं स्वामिद्रोहोऽन्यथा भवेत्**”.

यहां शङ्का होय सके जो तब श्रीहरिरायजीनैं अपने अनेक ग्रन्थन्में अरु श्रीमहाप्रभून्में ‘निरोधलक्षण’ग्रन्थमें “**यच्च दुःखं यशोदायाः नन्दादीनां च गोकुले गोपिकानान्तु यद् दुःखं तद् दुःखं स्यान् मम क्वचित्**” वचनमें विरह-दुःख की जो कामना दरसाई ताकी सङ्गति कहा जानिये?

यहां सर्वप्रथम श्रीमहाप्रभून्के वचनको अभिप्राय भगवान्में जीवको निरोध केसे सिद्ध होय ताकी साधनाके रूपमें सेवाके अनवसरमें कोनसी भावना करनी सो समुझावनी हे. तहां कह्यो जो “जेसे गोचारणकी बिरियां नन्दयशोदा अरु गोपीजनन् को विरह-ताप रहतो एसो विरहताप, सेवाके अनवसरमें, मोको कब होयगो!” सो एसो मनोरथ जगायवेको उपदेश या श्लोकमें हे. याहि ग्रन्थके दूसरे श्लोकमें “गोचारण करिके ब्रजमें पधारते प्रभून्के कारण जेसो सेवासुख गोकुलमें गोपिका तथा सकल ब्रजवासीन् को होत हे तेसो सुख मोको भगवत्सेवा करत कब होयगो!” याके मनोरथ जगायवेकोहु उपदेश हे. तेंसे हि तीसरे श्लोकमें जिन पुष्टिभक्तन्सों काहु कारणसों भगवत्सेवा निभती न होय तिनको उद्धवागमनके समय बिरह-तापकी तीव्रतावश भगवत्कथाको महान उत्सव सिद्ध भयो तेंसे कोऊ भगवदीयके साथ भगवत्कथाके सत्सङ्गके सुमहान् उत्सवके मनोरथ जगायवेकोहु उपदेश हे. इन तीन श्लोकन्में - ‘मम’ - ‘मे’ - ‘मे मनसि’यों उत्तमपुरुषवचनको प्रयोग श्रीमहाप्रभून्में कियो हे सो, जेसे कृष्णाश्रयमें “**विवेकधैर्यभक्त्यादिरहितस्य...मम**” प्रयोग कियो हे सो स्वाभिप्रायक न

होई निजजनाभिप्रायक हे तैसे समुझनो. काहेतें ? पुष्टिमागीय जीवकों शरणागति करत बिरियां आपुनी निःसाधनताकी भावना करनी चईये ताके उपदेशार्थ हे, तैसेही सेवा – कथोभयपरायण अथवा केवलकथापरायण पुष्टिभक्तनों केसी भावना करिवेतें उनकी भक्ति निरोधदसाकूं प्राप्त होत हे ताके उपदेशार्थ हे. काहेतें ? श्रीमहाप्रभू आप स्वयंकेलिये तो “अहं निरुद्धो रोधेन निरोधपदवींगतः” आज्ञा करत हैं. तातें निरोधकी फलदशाको आप तो सर्वदाही अनुभव करत हैं. तातें निरोधकी साधनरूपा भावनाको मनोरथ आपुनें स्वयंके काज कियो होय सो सम्भवे नाहीं.

अरु श्रीहरिरायजी भगवत्सेवातें अधिक विप्रयोगकों मानतहुते तो काहेतें सेवा छांडिके अरु झयासग्रहण करिके विप्रयोग न किये ? तातें आपको तात्पर्य हु नित्यसेवाके अनवसरमेंही विप्रयोगकी परमफलताकों स्वीकारिबो उचित हे.

सो या शिक्षाश्लोकीमें मुख्यत्वेन पांच उपदेश श्रीमहाप्रभूनें दिये हैं :

(१) जो पुष्टिमागीय जीवकों कबहु बहिर्मुख नाहीं बननो चईये.

(२) जो पुष्टिमागीय जीवकों अपने पुष्टिप्रभुकी भक्ति अथवा शरणागतिहु लोकार्थितासों नाहीं करनी.

(३) या लोकमें अथवा परलोकमें पुष्टिजीवके सर्वस्व तो पुष्टिप्रभु श्रीकृष्णही होत हैं.

(४) तासों सर्वथा कृष्णार्थी ह्वेके सर्वभावसों कृष्णसेवा करनी.

(५) जा पुष्टिजीवको जामें हित होय एसो सगरो काम श्रीगोपीजनवल्लभ श्रीकृष्णही करत हैं. काल-स्वकर्म-स्वभाव-अन्यदेव अथवा अन्य काहुकी कळू सामर्थ्य यहां नाहिं हे एसो विश्वास सर्वदा राखनो.

ताहां सर्वप्रथम पुष्टिमागीय जीवकों कबहु बहिर्मुख नाहीं बननो चईये सो कहत हैं :

यदा बहिर्मुखाः यूयं भविष्यथ कथञ्चन ॥
तदा कालप्रवाहस्था देहचित्तादयोऽप्युत ॥१ ॥
सर्वथा भक्षयिष्यन्ति युष्मान् इति मतिर् मम ।

यदा = जब, यूयं = तुम	अपि = भी, उत = निश्चयही
कथञ्चन = कोईभी प्रकारसूं	युष्मान् = तुमकुं
बहिर्मुखाः = बहिर्मुख	सर्वथा = सब तरहसूं
भविष्यथ = होउगे	भक्षयिष्यन्ति = खाय जांयगो
तदा = तब, कालप्रवाहस्थाः =	इति = एसो, मम = मेरो
कालप्रवाहमें रहे भये	मतिः = माननो
देहचित्तादयः = देह-चित्त आदि	(अस्ति = हे)

भावार्थ : जब तुम कोऊ प्रकारतें बहिर्मुख बनि जाओगे तब कालके प्रवाहमें बहिर्वेवारे तिहारोही देहचित्तादि तिहारोही भक्षण सर्वथा करि लेंगे एसो मेरो मानिवो (मत) हे.

कालप्रवाह अरु भक्तिप्रवाह

टीका : लोकमें जो कछु जडवस्तु उत्पन्न होत हे ताको आज नाहीं तो कालि नाश तो होतही हे. तैसेही जीवसृष्टिमेंहु जो जनमत हे ताको मृत्युहु अवश्यंभावी हे. तातें लोकमें जो कछु व्यक्त अथवा प्रकट हे सो कोउ न कोउ दिना अव्यक्त अथवा तिरोहित होय जायवेकूं कालके प्रवाहमें बहि रह्यो हे. ये कालहु काल-कर्म-स्वभाव-प्रकृति-पुरुषके मूलरूप अक्षरब्रह्मको एक सामर्थ्य हे. इन पञ्चविध तत्त्वनों घटित क्षर जगतको उपादान अक्षरब्रह्म हे. अरु जब कोऊ प्रवाही जीव, काल-कर्म-स्वभाव-प्रकृति-पुरुषरूपमें व्यक्त एसे क्षर जगत्में अक्षरब्रह्मको

खोजत नाहिं तब ताकों कालप्रवाहमें बह्यो जातो जानिये. सो कालप्रवाहमें व्यक्तसों सब कछु अव्यक्त अरु अव्यक्त ह्वे पुनि-पुनि क्षर जगत्में व्यक्त होत रहत हे. परि जो ज्ञानी अक्षरब्रह्मकों प्राप्त करि लेत हे सो क्षर व्यक्तसों छूटिके अक्षर अव्यक्तताकों प्राप्त करि लेत हे.

जेसैं सूरजकी धूप अथवा प्रभामण्डल सूरज के चारों ओर व्यापि रहत हे - जेसैं पुष्पकी सुगन्ध उपवनमें चारों ओर व्यापि रहत हे, तैसे पूर्ण पुरुषोत्तम दिव्य नराकृति श्रीकृष्णके चारों ओर पूर्ण पुरुषोत्तमकी धर्मरूप अपरिच्छिन्न सत्ता, चेतना अरु आनन्द कूं 'अक्षरब्रह्म' कहत हैं. तातें अक्षरब्रह्म, याहि जगत्को 'उपादानकारण'हु कह्यो जात हे, सो पूर्ण पुरुषोत्तमको धर्मरूप हे अरु धामरूपहु हे. सो काहेतें ? जो उपनिषद्में कह्यो गयो हे जो "परमात्मा अपनी महिमामें अवस्थित हे, अन्यत्र कहुं नाहीं". तातें ज्ञानमार्गी पुरुषोत्तमके अव्यक्त धामकों प्राप्त करत हैं अरु भक्तिमार्गी अक्षरधाममें बिराजमान धामी पुरुषोत्तमकों प्राप्त करत हैं. सो काहेतें ? तहां यह जाननो जो ज्ञानीकों पुरुषोत्तमके केवल माहात्म्यको साक्षात्कार होत हे. जेसैं कस्तुरीमृगकों कस्तुरीकी सुगन्ध तो मिलत हे परि कस्तुरी मिली सकत नाहीं. सो काहेतें ? जो कस्तुरीमृग अरु कस्तुरी के बीच आत्यन्तिक अभेदभाव होयवेतें. अरु कोऊ स्त्री - पुरुष अपने वस्त्रपे अथवा अङ्गपें कछूक सुगन्धी अन्तर लगाय लें तब जा सुगन्धी पुष्पको अन्तर लगायो होय ताकी सुगन्ध तो आवे. सुगन्धी अन्तर लगाय कोऊ घरमें प्रवेश करे तब काहुकू भ्रमणाहु ह्वे जात हे मानों सुगन्धी पुष्प घरमें आये होंय ! परि एसी भ्रमणाके कारण पुष्पकी प्राप्ति होत नाहीं. सो काहेतें ? सो पुष्पकी कृत्रिम सुगन्ध धारण करिवेवारे पुरुष अरु ता सुगन्धकों सहज धारण करिवेवारे पुष्प के बीच आत्यन्तिक भेद होत हे. तैसे हि अज्ञानी प्रवाही जीवन्कोहु वा भूमा-परमानन्दकी कृत्रिम अरु क्षुद्र मात्रावारे विषयसुखमें कबहु परमानन्दकी उपलब्धि होय सकत नाहीं. जेसैं गुलाबमें फूलके शोखीनको सुगन्धी गुलाबको फूल मिलिवेपें पुष्प अरु सुगन्ध अर्थात् धर्मी अरु धर्म दोऊ मिलि जात हैं तैसे भक्तन्कों माहात्म्यज्ञानके तथा सुदृढ सर्वतोधिक स्नेहके बलसों अक्षरधाम तथा धामी पुरुषोत्तम उभयकी प्राप्त ह्वे जात हे. तहां माहात्म्यज्ञानके बलतें जब अभेद स्फुरतो होय तो सुदृढ स्नेहके बलतें भेदहु स्फुरत हे अरु सुदृढ स्नेहके बलतें अभेद स्फुरतो होय तो माहात्म्यज्ञानके बलतें भेदहु स्फुरत हे. तासों भक्तिमें भेदसहिष्णु अभेद वारो तादात्म्य स्फुरत हे.

तासों भक्त तो क्षर - व्यक्त जगतके उपादान भूत अक्षर अव्यक्तके धाममें नित्य विहार करिवेवारे दिव्य - व्यक्ति ऐसे पुरुषोत्तमको अवलम्बन प्राप्त करिके जन्म-व्याधि-जरा-मृत्युमूलक शोक-मोहवारे विषयानन्दतें; अरु अज-अव्याधि-अजर-अमर परि केवल शान्तरसात्मक ब्रह्मानन्दतेंहु, बचिके दिव्य-लीला-विग्रहवारे सर्वरसात्मक पुरुषोत्तमानन्दकों प्राप्त करि सकत हे.

तातें विषयानन्द तो कालकी सरिताके प्रवाहमें प्रकट होयवेवारे शोक-मोहके आवर्तनमें जीवकों फंसायिके डुबोय देत हे. ब्रह्मानन्द तो एसो जानिये जो जलमें डुबि जायवेके डरतें कोऊ जलके समीप न जात होय तो ताकों श्राप अथवा वरदान देयके कोई जलरूपही बनाय दे ! सो जल तो जलमें डुबे नाहीं परि जलकों जलपानको सन्तोष अरु जलस्नानतें प्राप्त स्वच्छता-शुद्धता अरु जलविहारकी प्रसन्नता को लाभहु तो मिलि सकत नाहीं ! तातें भक्तकवि दयारामभाई कहत हैं : "जलने शो जलनो स्वाद जन जुदो रहि पामें आह्लाद. सेवो श्रीकृष्ण कृपाळ !"

तातें विषयानन्दीके देहेन्द्रियादि कालप्रवाहके शोक-मोहके आवर्तनमें प्रवाही जीवन्कों डुबोय देत हैं. ब्रह्मानन्दी तातें डरिके देहेन्द्रियादिकन्कों छांडिके अक्षरब्रह्मके ऐकात्म्यमें डुबकि जात हे. परि भक्तिकी सरिता तो कृपासिन्धुके परमानन्दकी लहरीनको अलौकिक सुख देहेन्द्रियादिकन्सों दिवायवेपेंहुं कबहु डुबोवत नाहीं. तातें श्रीमहाप्रभु आज्ञा करत हैं - जो भक्तिभावपूरित भगवत्समर्पित विषयन्को प्रसादग्रहणरूप अलौकिक उपभोगकों छांडिके कोऊ स्वमार्गीय जीव जब असमर्पित विषयन्के उपभोगमें फंसि जात हे तब - वो जीव शास्त्रमर्यादातेंहु चूक्यो अरु पुष्टिभक्तितेंहु रहित भयो. सो वा जीवके देहेन्द्रियादिकही कालप्रवाहमें जीवकों बहाइके शोक-मोहके आवर्तनमें फंसायिके वाको सर्वनाश करि देत हैं. तातें पुष्टिजीवकों कबहु बहिर्मुख जीवन्की नाई भक्तिभावरहित होनो न चाहिये.

तहां ये शङ्का होत हे जो अपनो मारग तो प्रमेयबलको मारग हे अरु विधि-निषेधको प्रमाणबल प्रमेयके आगे तो टिक सकत नाहिं. तातें पुष्टिमार्गमें पुष्टिप्रभुसों सम्बन्ध जुरे पाछे कालकी कहा सामर्थ्य जो पुष्टिप्रभुनतें छुडायके अङ्गीकृत

निजजनको नाश करि सके ! सेवाफलहुमें “फलं वा ह्यधिकारो वा न कालोऽत्र नियामकः” तैसे हि सर्वनिर्णयनिबन्धहुमें “अत्रापि वेदनिन्दायाम् अधर्म-करणात् तथा, नरके न भवेत् पातः” कह्यो हे. तातें कालकी कछु सामर्थ्य या प्रमेयमारगमें सम्भवे नाहीं.

या शङ्काको समाधान ऐसे जानिये जो श्रीमहाप्रभून्की आज्ञानुसार भक्तिमारगपे चलत कोऊ पुष्टिजीवतें अज्ञानवश अथवा प्रमादवश कछु शास्त्रविरुद्ध कृत्य ह्वे जाय ताको हीनयोनि तो मिले परि नरकपात न होय. तैसे हि सेवाफलके वचनको अभिप्रायहू यों जाननो जो अलौकिक सामर्थ्यकी अथवा सायुज्य - सेवोपयोगिदेहकी प्राप्तिमें कालकी नियामकता नाहिं. परि या हि सेवाफल ग्रन्थमें भोग, उद्वेग अरु प्रतिबन्ध को सेवाफलकी प्राप्तिमें बाधक तो मानें हि हे. तासों प्रमेयबलके भरोसे कोऊ या मारगमें स्वच्छन्दता बरतिवो चाहे तोहु कछु हानि नाहीं ऐसे न मानिये. सो काहेतें ? तहां यह जाननो जो आत्मसमर्पण भयेतें जिन पञ्चविध दोषन्की सेवामें बाधकता निवृत्त होत हे ता आत्मसमर्पणकी इतिकर्तव्यतामें सामिभुक्तको समर्पण अरु असमर्पितको उपभोग वर्जित मान्यो हे. तासों सामिभुक्तके समर्पण अरु असमर्पितके उपभोग कियेतें समर्पण हि पूर्ण न भयो जानिये. तब जीवकोहु अङ्गीकार भयो न जानिये. तब कालको ऐसे जीवको भक्षण करिवेमें कहा बाधा परि सके ?

कथञ्चन

तासों या मारगमें श्रीमहाप्रभु तथा श्रीप्रभुचरण की आज्ञानको जो जानि-बूझिके उल्लंघन करत हे ताको गुरुद्रोही, मार्गद्रोही तथा भगवद्द्रोही जाननो. अरु तीन्योंन्को जो द्रोह करत हे सो तो आत्मद्रोह हि करत हे.

तासों सिद्धान्तमुक्तावलीमें कही गयी रीतिसों विरुद्ध जब कोऊ नादसृष्टिको अथवा बिन्दुसृष्टिको स्वमार्गी केवल तनुजा सेवा अथवा केवल वित्तजा सेवा करत होय तो ताको अधःपात निश्चित जानिये. सो काहेतें ? तहां यह समझनो जो तनुवित्तजा सेवाको तनुजा अरु वित्तजा सेवामें विभाजन कियेतें देवद्रव्यतें भगवत्सेवाको प्रकार व्यापारधंधा की न्याई चलत हे. तातें देवलकता, देवद्रव्यापहार अरु देवद्रव्योपभोग को अपराध लागत हे. सो श्रीमहाप्रभून्ने स्पष्ट आज्ञा कीनी

हे -

“सो तो भोग श्रीठाकुरजी आपहीके द्रव्यको आरोगे सो आपही को भयो. जो श्रीठाकुरजीको द्रव्य खायेगो सो मेरो नाहीं अरु मेरो सेवक भगवदीय होयगो सो देवद्रव्य कबहु न खायगो. जो खायगो सो महापतित होयगो. तातें वा प्रसादमेंतें भोजन करिवेको अपना अधिकार न हतो. वाकेलिये गोअन्को खवायो अरु बच्यो सो श्रीजमुनाजीमें पधरायो”.

तासों भगवत्सेवार्थ जो बिन्दुसृष्टि के जघन्यकोटीके स्वमार्गी लोकार्थी बहुधा नादसृष्टिकों वित्तजा सेवा करिवेकी आज्ञा करत हैं अरु नादसृष्टि केहु दुर्भागी लोकार्थी जीव तनुजासेवा करायवेको वित्तजा सेवा करत हैं तिनको श्रीमहाप्रभून्के मार्गमें महापतित बहिर्मुख करि जाननें. ये प्रथम प्रकार भयो बहिर्मुखताको.

तैसे हि ‘पुष्टिप्रवाहमर्यादा’ ग्रन्थमें श्रीमहाप्रभून्ने समुझायो हे जो पुष्टिजीवकों लौकिक-वैदिक कपटसों निभानें अरु वैष्णवी भक्ति निष्कपट सहजतासों निभानी. यासों विरुद्ध जायके कोऊ लोकेषणा अथवा वित्तेषणा अथवा शिष्येषणा सूं वशीभूत होयके अपने सेव्यप्रभून्के बड़े-बड़े मनोरथ जनताको दिखायवेको करत होय तब लौकिक-वैदिक तो निर्लज्ज - निष्कपट कियो जानिये परि वैष्णव भक्ति तो कपटतें सिद्ध भयी जानियो. सो येहु बहिर्मुखताको दूसरो प्रकार हे.

तैसे हि ‘सिद्धान्तरहस्य’ ग्रन्थमें श्रीमहाप्रभून्ने आज्ञा कीनि हे जो “निवेदिभिः समर्प्यैव सर्वं कुर्याद् इति स्थितिः” अरु “सेवकानां यथा लोके व्यवहारः प्रसिद्ध्यति, तथा कार्यं समर्प्यैव”. तासों निवेदित सर्वसमर्पणात्मिका सेवाके काज ब्रह्मसम्बन्ध दियो - लियो चाहिये. परि जाकी सेवामें एसी रुचि अथवा सामर्थ्य न होय ताकोहु आत्मनिवेदनकी दीक्षा देयवेपें अनधिकारीको मन्त्रदान करिवेरूप नामविक्रयापराध होत हे. सो ऐसे मन्त्रक्रेता अरु मन्त्रविक्रेता दोनोंको बहिर्मुख जानिये. ये तीसरे प्रकारकी बहिर्मुखता हे.

तैसेही ‘नवरत्न’के प्रकाशमें श्रीप्रभुचरण स्पष्ट आज्ञा करत हैं - “दाने हि

न स्वनियोगः नतु निवेदने” अर्थात् अपने सेव्य प्रभूनों स्वयं सेवाकर्ता अथवा अन्य काहुने जो कछु सेवोपयागी अन्न-वस्त्र-आभूषण आदि वस्तु अथवा द्रव्य दान किंवा भेट रूपेण दीनि होय ताको, भगवत्प्रसादको बहानो करिके, आपुने उपभोगमें लावनी नाहीं. ताते ‘सिद्धान्तरहस्य’में - “**दत्तापहारवचनं तथाच सकलं हरेः, न ग्राह्यम् इति वाक्यं हि भिन्नमार्गपरं मतम्**” वचनकोहु कछूक स्वार्थान्ध स्वमार्गी एसो अर्थ करत हैं जो या मारगमें तो दानको प्रकार हे ही नाहीं. सो काहेते ? तहां ऊपर कह्यो वचन कहि सुनावत हैं. परन्तु आत्मनिवेदानन्तरहु जो कछु अपने प्रभूनों अपन अथवा अन्य कोऊ कछू भेट धरे सो तो समर्पण नाहिं, ताको तो दानही समझनो चाहिये. अन्यथा कोऊ वैष्णव कछू वस्तु अथवा द्रव्य गोस्वामिबालकनकोहु गुरुभेटके रूपमें धरिके “**निवेदिभिः समर्थैव सर्वं कुर्याद्**” कहिके काहे पाछे लेय सकत नाहिं ? सो काहेते ? तहां उल्लिखित वचन - “**दत्तापहारवचनं... न ग्राह्यमिति भिन्नमार्गपरं मतं**” काहेते प्रमाण नाहिं बनोगे ?

कोऊ कहत हैं - जो वैष्णव जनताहु तो आपुनीही हे, अरु वेहु आपुनेही गुरुनों तथा गुरुनके सेव्य प्रभूनों आपुनेही मानिके जो कछु भेट - सामग्री पधरावत हैं, सो आपुनी स्वामित्वकी आपुनेही कार्यमें लगावत हैं. ताते जैसे आपुने घर-परिवारमें कोऊ गृहस्थ कछूक द्रव्य के वस्तु देवे सो दान न होई, आपुनेही कार्यमें विनियोग कह्यो जात हे तेसेही क्यों न समझिये ? सो सुनत एसो भाव जगत हे मानो “**उदारचरितानां तु वसुधैव कुटुम्बकम्**”. सो एसो औदार्य अरु कुटुम्बभाव होयवेपे जैसे गोस्वामि बालकनके ठाकुरके काज जनताको द्रव्य लियो जात हे तेसे जनताके ठाकुरजीनके काज गोस्वामिबालक काहे भेट - सामग्रीको विनियोग नाहिं करावत हैं ! तासों या देवलकताके छल-प्रपञ्चकोहु बहिर्मुखताको चोथो प्रकार करि समझनो.

तेसेही अन्तःकरणप्रबोध, विवेकधैर्याश्रय तथा कृष्णाश्रय ग्रन्थनद्वारा श्रीमदाचार्यचरणने पुष्टिजीवनों यह समझायो हे जो आपुने पुष्टिप्रभुको लौकिक स्वामीकी नाई न माननो अरु वे पुष्टिजीवकों सुख-दुःखमें जैसेहु राखत हैं तेसे रहिके आपुनि शरणागति तथा भक्ति के भावकी सुरक्षा करनी. तहां विवेकधैर्यहु कबहु छूटि जात होय तोहु आपुनी अनन्यता छोड़नी नाहीं. सो काहेते ? तहां कहत

हैं अन्य देवन्की शरणागति अथवा भक्ति तें श्रीकृष्णकी शरणागति तथा भक्ति की भावना शिथिल होत हे. सो ताके शिथिल भये पाछे विवेक अरु धैर्य रहें तो कहा लाभ अथवा गये तो कहा हानि, या मारगमें विवेक अरु धैर्य की जो कछु आवश्यकता हे सो शरणागति अरु भक्ति की रक्षाके लिये. सो जैसे नेत्र होयवेपे आछो दीखे ताकरि उपनेत्र (चश्मा) की अपेक्षा रहत हे परि आंधरे भये पीछे तो आपुनो अन्धत्व ओरनों दीसे नाहिं. ताते हरे चश्मा कोऊ पहरत हैं. परि चाल-ढालते कोन न जानि जात हे जो चश्मा तो पहिरवेवारेकी आंधरी आंख कोऊ देख न पावे ताके काज पहिरी राखे हैं, चश्मा कछु देखिवेके नाहिं हैं. तासों अन्याश्रयको अपराधहु श्रीकृष्णशरणागत अथवा श्रीकृष्णभक्त पुष्टिमार्गीयकेलिये तो बहिर्मुखताकोही पांचमो प्रकार जानिये.

तेसेही चतुःश्लोकीमें श्रीमहाप्रभुने उपदेश दियो हे जो अपने सेव्य प्रभुनों अलौकिक निधि मानि ब्रजभक्तनके सर्वविधभावनों भजिवो चाहिये. तहां अपने माथे बिराजते स्वरूपको आपुनो सर्वस्व न मानि कोऊ अन्यके माथे बिराजते ठाकुरजीको वैभव, मंड-मरजाद-अपरस अथवा अन्य कछुक आडम्बरपूर्ण अथवा वास्तवमें भावपूर्ण उपाधिनके वश अन्यासक्ति करे तथा ब्रजभक्तनके निश्चल भावन्की भावना अपना माथे बिराजते ठाकुरमें न राखे सोहु अपने माथे बिराजते ठाकुरको सुख विचारि न सके. सो कीनि भई सेवाहु बिनकीनि सि बनि जावे. ताते आधुनिक स्वमार्गीय वैष्णवनों सार्वजनिक देवलयनों बिराजते स्वरूपनकी स्वयंके माथे बिराजते ठाकुरकी व्यापारिक प्रणालीसों करि जाती सेवामारे ठाकुरजीको साक्षात् पुरुषोत्तमरूपसों मानिवो अरु स्वगृहमें सिद्धान्तरीतिसों करि जाती सेवामारे स्वरूपको गुरुभावसों भजिवेकी जो भ्रान्ति फेलाई जावे हे सोहु बहिर्मुखताको छठो प्रकार हे.

तेसेई भक्तिवर्धिनी, जलभेद आदि ग्रन्थनों कोनको सेवा-कथा उभयपक्षको अवलम्बन करनो अरु कोनको केवल कथापक्षतेहु कारज सरि सके; तथा सेवा जासों स्वगृहमें निभे नाहीं ताको सेवामारायण भगवदीयकी परचारगी “**अदूरे विप्रकर्षे वा यथा चित्तं न दुष्यति**” वचनोक्त प्रकारसों करनी इत्यादि सब प्रकार बतायो हे. तहां भाव दृढ भये बिनाहु अरु अव्यावृत्त होयवेपेहु जो कोऊ कथाकल्पको ग्रहण करत हैं सो यदि सेवामयोग्यता प्राप्त करिवेको करत होय तब

तो कछू दोष नाहिं परि अर्थ-ख्याति आदि दुष्ट प्रयोजनवश यदि कथाकल्पको ग्रहण करत हैं, “सेवायां वा कथायां वा” वचनके छलतैं, तब सो सातमो प्रकार बहिर्मुखताको समझनो.

तैंसेई आपुनें घरमें सेवा न निभवेतैं सेवापरायण भगवदीयकी परचारगीको जो उपदेश दियो ताके छलसों वा भगवदीयकी तनुवित्तजाकों जो तनुजा अथवा वित्तजा सेवामें खण्डित करि देत हैं सोहु बहिर्मुखताको आठमों प्रकारही हे. मूलमें तो याहि आज्ञाको विचार करिके प्राचीन गोस्वामी बालक वैष्णवनों अपने ठाकुरजीकी सेवामें परचारगीकी आज्ञा देत होयगें. सो वर्तमानमें कलिकालके बलवान होयवेतैं श्रीमदाचार्यरणके अलौकिक वंशजहु सिद्धान्तविपरीत तनुजा सेवा करिवेवारे जघन्यप्रकारके पुजारि बनि गये और वैष्णव वित्तजा सेवा करिवेवारे दर्शनार्थी, मनोरथी अरु भ्रष्टी-द्रष्टी बनि गये. तहां श्रीमहाप्रभुको शिक्षाश्लोक सांचो पर्यो जानिये !

श्रीद्वारिकेशजीनें बहिर्मुखताके कारणतया चार बात दिखलाईहैं-

१. अन्याश्रय
२. असर्मित वस्तुको उपभोग
३. असदालाप
४. असत्सङ्ग.

(१).

तहां शरणागति तथा भक्ति दोउमें अन्याश्रय बाधक होत हे. नित्य-नैमित्तिक श्रौत कर्म तथा वर्णाश्रमीनों अवश्यानुष्ठेय संस्कार-प्रायश्चित-श्राद्धादि स्मार्त कर्मनों कर्माङ्ग जे अन्य देव हैं तिनके पूजन-वन्दनमें अन्याश्रय दोष नाहिं हे. परि अन्यदेवको उपासनाभक्तिके काज जे मन्दिर हैं तिनमें दर्शन पूजन स्तवन प्रसादग्रहण करिवे स्वतः-चलायके जइवो निश्चितरूपसूं अन्याश्रय मान्यो जाय हे. कहुं जात मारगमें कोऊ अन्यदेवको मन्दिर आवे तहां वन्दनव्यवहार अन्याश्रय नाहिं हे. कामनापूर्तिके काज तो श्रौतकर्ममेंहु अन्यदेवको पूजन-व्रत-प्रार्थना

अन्याश्रयही होत हे. सो अन्याश्रयतें जीव बहिर्मुख हवे जात हे.

(२).

असमर्पितको उपभोग शरणागतिमें बाधक होत नाहीं. परि भक्तिके सेवाकल्प, घरमें ठाकुर स्वामिभावतें बिराजत हैं, सो तामें असमर्पितको उपभोग कियेतें सेवकभाव खण्डित होत हे. ता करि निज सेव्यप्रभूकी भावात्मिका निज स्वामिताहु तिरोहित हवे जात हे. तातें सामिभुक्तसमर्पण अरु असमर्पितोपभोग ये दोऊ बहिर्मुखता सम्पादक हैं. बहुरि समर्पण अपने घरमें बिराजते प्रभूनोंही सम्भव हे. दूसरेके माथे बिराजते ठाकुरजीकेलिये जो कछु कोऊ देत हे ताकों समर्पण न जानि दान किंवा भेटही जाननी चईये. सो ये प्रकार देवद्रव्यको भयो ताके उपभोगतें देवद्रव्योपभोगको पातित्यकारी अपराध होत हे. तेसेई सेवाकर्ता स्वयंहु भेट धरिवेके विशेषभावतें जो कछु निज प्रभूनों देत हे सोहु देवद्रव्य भयो, जाके उपभोगतें पुष्टिजीव महापतित हवे जात हे. सो तो असमर्पितके उपभोगहुतें महत्तर अपराध हे.

(३).

असदालाप, जातें चित्तकी भगवत्प्रवणतामें व्यवधान होय सोहु जीवके बहिर्मुख बनिके हेतु बनत हे. ये शरणागति अरु भक्ति उभयत्र बाधक हे.

(४).

असत्सङ्ग तो जेसें प्राचीनकालमें भक्तिभावविरोधी स्त्री-पुरुषनों सङ्ग कह्यो जातो तेसें द्रव्योपार्जनके हेतु भागवतकथा करिवेवारेनको सङ्ग तथा टी.वी. - विडीयोको सङ्गहु बहिर्मुख बनायवेमें वर्तमानमें अति प्रबल दीखत हे. येऊ शरणागति अरु भक्ति दोनोंमें बाधक हे.

सो इन चार्यों दोषनतें बहिर्मुखता प्रकट होत हे तहां सन्देह नाहीं, परन्तु, एसोहु बहुधा होय सके जो कोऊ अन्य कोऊ कारणतें प्रथम बहिर्मुख बने ता पाछें बहिर्मुखताके कारण वा जीवकी अन्याश्रय, असमर्पितोपभोग, असदालाप अथवा असत्सङ्गमें प्रवृत्ति होय. तातें ये चारि जेसें बहिर्मुखताके कारण हैं तेसेंइ अन्यहु

कारण होय सके हैं.

बहिर्मुखता

तहां शङ्का होत हे जो बहिर्मुख भयेतें आसुरावेश अरु आसुरावेशतें कालप्रवाहपात अरु कालप्रवाहपाततें सर्वनाशको भयङ्कर नियम तो कोऊ समझि सके परि काहे-काहेतें बाहिर्मुख्य सम्भवे ताकी जानकारी भये बिना कोऊ बचिवो चाहत होय तोउ केसैं बचे ?

तहां समाधानरूपेण ये जानिये जो 'बहिर्मुखता'पद को वेसे तो प्रथम अभिप्राय भगवद्विमुखतामें हैं. तहां 'भगवद्विमुख' न कही जो 'बहिर्मुख'को प्रयोग कियो ताको अभिप्राय एसो हे जो मर्यादामार्गमेंहु जीव भगवद्विमुख होय सके, सो भगवद्विमुखता पुष्टिमार्गीयकी नाई मर्यादामार्गीय दोषहु होय सकत हे. पुष्टिमार्गमें परि भगवान्को स्वरूप आन्तरिक भावात्मक तयाही प्रकट होत हे. अरु भावात्मना हृदयके भीतर प्रकट होयके श्रीमहाप्रभुकी कानीतें दृष्टिगोचर बाह्य स्वरूपमें अयो-गोलकन्यायतें तादात्म्य प्राप्त करत हे. सो सर्वप्रथम तो व्यापिवैकुण्ठस्थित पुष्टिभक्तनके भावानुरूप भगवान्को भावात्मक स्वरूप होत हे. सोई स्वरूप भूतलपेहु पुष्टिजीवनपे कृपा करि पुष्टिलीलाके सुखदान करिवेकों ब्रजमें पूर्ण कलान् सहित प्रकट भयो. ताहि स्वरूपकी भक्ति करायके पुष्टिजीवनों पुष्टिभक्तिरूप फलदान करिवेकों श्रीमदाचार्यचरणको भूतलपे प्राकट्य हे. तातें राम, नृसिंह, वामन आदि अनेक रूपनतें भगवान्ने पुष्टिलीला कीनि हे, तोऊ श्रीमदाचार्यचरण प्रवर्तित पुष्टिमार्गी सम्प्रदायमें श्रीमदाचार्यचरणके भावसों भावात्मक "सर्वदा सर्वभावेन भजनीयो ब्रजाधिपः, स्वस्यायमेव धर्मो हि नान्यः क्वापि कदाचन" वचनसिद्ध पुष्टिस्वरूपही भजनीय हे. ओर सगरे रूप भगवान्के यथायथ वन्दनीय पूजनीय स्मरणीय होय सकें परन्तु स्वगृहमें नित्यतया भजनीय नाहीं. तातें श्रीमदाचार्यचरणके भावानुसारी भावात्मक ब्रजधीश श्रीकृष्णकी शरणागति अथवा एसे श्रीकृष्णके श्रीबालकृष्ण श्रीमदनमोहन श्रीविट्ठलनाथ श्रीगोवर्धननाथ आदि अनेक रूपनमेंतें कोई एक स्वरूपमें "ये मेरे माथे बिराजतो मेरो ठाकुर हे" एसो भाव जब कोऊ स्थापित करत हे तब श्रीमहाप्रभूके भावात्मक अनेक स्वरूपनमें सेवाकर्ताके सेवामनोरथकों पूर्ण करिवेकों पुष्टिभक्तभावात्मक एक विलक्षण स्वरूप प्रकट होत हे, श्रीमदाचार्यचरणकी कानितें.

तासों शरणागति अथवा भक्तिके कथाकल्पमें श्रीमहाप्रभूके आन्तरिक भावसों भावात्मक स्वरूप अथवा भक्तिके सेवाकल्पमें श्रीमहाप्रभूके तथा सेवाकर्ताकेहु आन्तरिक भावन्सों भगवत्स्वरूप भावात्मक होत हे. सो अखण्डब्रह्मवादके विचारतें तो घटपट-गोर्दभादि सकल जड-जीवको विस्तार ब्रह्मही हे परि भजनीयता तहांही मान्य हे जहां श्रीमदाचार्यचरणनके भावसों भावात्मकताको प्राकट्य हे. सो स्मरण, भजन अथवा शरण के अनुष्ठानमें जो-जो सावधानी अपेक्षित हे सो-सो अतिशय भार देयके श्रीमहाप्रभूनें कहि दीनि हे. तेसेई जिनके न पालिवेतें तिनके स्मरणविरोधी, भजनविरोधी तथा शरणविरोधी जो-जो दुष्परिणाम प्रकट होत हैं सो हु बताय दीने हैं. तिन सगरे अपराधनतें श्रीमहाप्रभूके भावात्मक पुष्टिपुरुषोत्तमके सङ्ग जीवको सम्बन्ध तिरोहित ह्वे जात हे. अन्तरमें भावरूपसों बिराजमान् भगवत्स्वरूपतें विमुख होयवेके कारण जीव 'बहिर्मुख' कह्यो जात हे. तासों बहिर्मुखता पुष्टिमार्गीय दोष हे.

तासों श्रीमदाचार्यचरणनके उपदेशानुसार शरणागति अथवा भक्ति क्रियेतें श्रीमहाप्रभूके भावसों विभावित पुरुषोत्तमको प्राकट्य अरु श्रीमदाचार्यचरणनके उपदेशविरुद्ध गुरुतर अपराधनतें श्रीमहाप्रभुभावविभावित पुरुषोत्तमको तिरोधान होत हे. ता करि भगवद्भावकोहु तिरोधान होत हे. अरु तातें जो भगवद्विमुखता होत हे सोई पुष्टिमार्गमें बहिर्मुखता कही जात हे. याकों जानि लेवेपे भगवदङ्गीकृत पुष्टिजीवकों बहिर्मुखतातें बचिवेको उपायहु सुबोध्य होय जात हे.

यदा यूयं भविष्यथ

तहां शङ्का होत हे जो श्रीगोपीनाथजी तथा श्रीगुंसाईजी तो साक्षात् बलराम - कृष्णको प्राकट्य हैं. "श्रीवल्लभप्रतिनिधिं तेजोराशीं दयार्णवं गुणातीतं गुणानिधिं श्रीगोपीनाथम्" - 'अपरः कृष्णावतारो जगति श्रीविट्ठलः' आदि वचन या मारगमें सर्वमान्य हैं. तेसेई श्रीमहाप्रभूके साक्षात् सेवकहु दामोदरदास प्रभृति नित्यलीलापरिकरके महानुभाव हैं. तिनकों एसे कठोर वचन कृपानिधि श्रीमहाप्रभु केसैं कहे ?

तहां समाधान ये जानिये जो श्रीमहाप्रभूकी द्विविध सृष्टि हे : वंशज अरु उपदेशज. सो वंशज तो सगरे बिन्दुसृष्टि अरु उपदेशज नादसृष्टि कहवावत हैं. तहां “यथा पिता तथा पुत्रः” अरु “यथा गुरुः तथा शिष्यः” परम्परान्यायतें भविष्यमें होयवेवारे कोऊ नादसृष्टि अथवा बिन्दुसृष्टि के अपने आपकूं श्रीमहाप्रभुके समान मानिके मिथ्या अहङ्कार करिके जगतमें पुजायिवे लगें तो तिनकी पूजनीयताकी कसोटी या शिक्षाश्लोकीको जानिये. या कसोटीपे खरो सुवर्ण सिद्ध होयवेपे “यथा पिता तथा पुत्रः”-“यथा गुरुः तथा शिष्यः” परम्परान्याय प्रामाणिक जानिये. अन्यथा या कसोटीपे खोटी ठहरिवेपे परम्परान्यायमें कछु व्यवधानको निश्चय करि लेवो आछो. तातें सर्वनिर्णय-निबन्ध कारिका “**कृष्णसेवापरं वीक्ष्य ... जिज्ञासुरादरात्**” के प्रकाशमें गुरुपरीक्षा अरु शिष्यपरीक्षा को उपाय श्रीमहाप्रभूनें समझायो हे. तासों वा समय विद्यमान बिन्दुसृष्टिको अरु नादसृष्टिको यहां ‘यूयम्’ पदसों परामर्ष न जानिये परि “**यदा... भविष्यथ**” के मध्यपाती ‘यूयम्’ पदतें भविष्यमें तिहारी परम्परामें होयवेवारी बिन्दुसृष्टि अरु नादसृष्टि के जीव जब बहिर्मुख ह्वे जावेंगे तब विनके कालप्रवाहस्थ देहचित्तादि विनको भक्षण करि जावेंगे एसी अर्थद्योतनात्मिका वाणी हे.

सर्वथा भक्षण

तहां एक शङ्का होत हे जो बहिर्मुखके देह-चित्त आदि कालप्रवाहस्थ होयके पुष्टिजीवको भक्षण करि जावेंगे एसे कह्यो परि ता करि कहा आत्मनाश, अथवा आत्माको पुष्टिमार्गमें वरण कियो हे सो वरणनाश अर्थात् बीजभावको नाश, अथवा अष्टाक्षर अथवा ब्रह्मसम्बन्ध दीक्षाके कारण साम्प्रदायिकी शरणागति अथवा भक्ति के अधिकारको नाश; अथवा शरणागति अथवा भक्ति के स्वरूपको नाश; अथवा इनके अनुष्ठान कियेहु तें कोऊ फलसिद्धि न होयेगी सो फलनाश, अथवा अन्य कछु कोऊ प्रकारको नाश, इनमेंते कहा जानिये ?

तहां आत्माको भगवद्गीतामें “देही तो सर्वदा अवध्य होत हे” कहिके अविनाशी सिद्ध किये हैं, तातें आत्मनाश तो सम्भवे नाहीं. तेसेई मार्गवरणनाश किंवा बीजभावनाश हु सम्भवे नाहीं. सो काहेतें ? तहां श्रीगुसांईजीको वचन “**अङ्गीकृतिश्चनित्या**” प्रमाण करि जानिये. तातें बीजभाव अथवा पुष्टिमार्गाङ्गीकृति तो नित्य होयवेतें अलौकिक हे. ताको लौकिक दोषपूर्णा मति,

रति अथवा कृति तें नाश सम्भवे नाहीं. साम्प्रदायिकी शरणागति अथवा भक्ति के अधिकारको जो लौकिक स्वरूप वर्तमानमें हे वामें तो बहुतेरे पुष्टिमार्गी श्रीमहाप्रभूके सिद्धान्तसों सर्वथा विरुद्धाचरण-अन्याश्रय, असमर्पण, असत्सङ्ग, असदाचार, असद्विचार, असद्भाव आदि अपराध करत जात हैं अरु स्वयंको ‘पुष्टिमार्गी’हु बतावत हैं. बहुधा पुष्टिमार्गकोही नाम लेयके श्रीमहाप्रभूकी आज्ञाकी उपेक्षा, अन्यथाव्याख्या अथवा तिरस्कृतिहु करत हैं. तिनको या मार्गमेंते बाहिर निकासिवेको कोऊ लौकिक उपाय तो हे नाहीं. उदाहरणतया अर्थोपार्जनके काज भागवतसप्ताह, छप्पनभोग आदि भगवत्सेवाङ्गभूत मनोरथ, सोहु असम्प्रदायिजनके द्रव्यसोंहु कराई लेवेमें चूकत नाहीं, एसेन्को सम्प्रदायमेंते बाहिर निकासिवेको कोऊ लौकिक उपाय तो हे नाहीं. तातें सम्प्रदायमें अधिकारनाशहु सम्भवे नाहीं. तातें परिशेषतया शरणागति अरु भक्ति को स्वरूपनाश अरु फलस्वरूपतया प्राकट्यसम्भावनाको नाशही ‘सर्वथा भक्षण’को आशय करि जानिये.

इति मतिः मम

पुष्टिप्रवाहमर्यादा ग्रन्थमें श्रीमहाप्रभूनें आज्ञा कीनि हे जो या मार्गमें फल तो स्वयं भगवानही होत हैं परि या भूतलपे विनको प्राकट्य अनेक प्रकारन्तें सम्भव हे :

कोऊ पुष्टिजीव जाको केवल पृथक्शरणमार्गमें पुष्टिप्रभुनें वरण आदि कियो होय ताके काज भगवान् आश्रय अथवा आश्रयणीय रूपतें प्रकट होत हैं.

कोऊ पुष्टिजीव जाको पुष्टिप्रभुनें वरण साङ्गोपाङ्ग भक्तिके काज न कियो होय तब ताके काज केवल पूजनीय अथवा केवल सेवनीय अथवा केवल श्रवणीय अथवा केवल कीर्तनीय अथवा केवल स्मरणीय रूपतें भूतलपे प्रकट होत हैं.

पुष्टिप्रभु जा रूपतें जेसे पुष्टिजीवके काज भूतलपे प्रकट होत हैं प्रभुके ता रूपमें जीवको प्रपञ्चविस्मृतिपूर्वक भगवदासक्ति सिद्ध ह्वे जात हे. तातें विवेक-धैर्य सहित अनन्याश्रयको शरणागतिकी फलरूपता जानिये.

तेसैं तनुवित्तजाके क्रमसों चित्तकी भगवत्प्रवणता सिद्ध भयेतें सेव्यस्वरूपकी मानसी सेवाकों अथवा देहेन्द्रियप्राणान्तःकरण, तद्धर्म तथा दारागार-पुत्राप्तादि सकल परिकरके साथ पुष्टिजीवकी कृष्णसेवापरापणतातें अलौकिक सामर्थ्यरूपा सेवाकों फलरूपा जानिये. तेसैं भगवत्लीलाके श्रवण-कीर्तन-स्मरण कियेतें प्रेमासक्तिव्यसन सिद्ध भयेतें श्रवणभक्ति, कीर्तनभक्ति अथवा स्मरणभक्ति की फलरूपता जानिये.

ये फलरूपताको प्राकट्य भावात्मक पुष्टिप्रभुकोही प्राकट्य हे - कबहुक केवल आन्तर, कबहुक केवल बाह्य अरु कबहुक आन्तर - बाह्य उभयथा, परि या तरहको प्राकट्य होत हे श्रीमहाप्रभुद्वारा उपदिष्ट प्रकारसों शरणागति अथवा भक्ति कों निभायवेपे ही. अन्यथा काम-क्रोध-लोभ-मोह-मद-मात्सर्यरूप मनोदोषनूकी उपाधिन्सों कल्पित प्रकारतें शरणागति अथवा भक्ति कियेतें भावात्मक पुष्टिप्रभुको प्राकट्य होत नाही. तातें शरणागति अरु भक्ति को अविनाशी बीजभावहु अङ्कुरित, पल्लवित, पुष्पित एवं फलित होत नाही एसो दृढ निश्चय करि जाननो. तातें षोडशग्रन्थ, निबन्ध आदि ग्रन्थन्सों विपरीत जो कछु प्रकार या मारगमें श्रीमहाप्रभुको नाम लेके चलायो जात हे सो सगरो बहिर्मुख होयवेकोही अनुष्ठान हे. यामें निजजनकों कोऊ प्रकारको संशय अथवा अन्यथाभाव होय सके नाही. अरु जाकों यहां असम्भावना किंवा विपरीतभावना होत हे ताकों बहिर्मुख जाननो तातें श्रीमहाप्रभु “इति मतिः मम” कहत हैं.

तहां शङ्का होत हे जो भक्तिवर्धिनीमें आपने आज्ञा कीनि हे - “सेवा अरु कथामें किंवा सेवा - कथामेंते कोऊ एकमेंहु जाकी दृढ आसक्ति होत हे ताको कबहु नाश न होयगो”. या वचनतें ये सिद्ध होत हे के यदि कोऊ अर्थोपार्जनार्थ सेवा-कथा करत होय तोहु एसे बहिर्मुखकोहु नाश होय सकत नाही.

या शङ्काके समाधानरूपेण कहत हैं जो पुष्टिमागीय जीवकों निजप्रभुकी शरणागति अथवा भक्ति करत कबहु लोकार्थिता न लावनी -

न लौकिकः प्रभुः कृष्णो मनुते नैव लौकिकम् ॥२॥

कृष्णः = श्रीकृष्ण	लौकिकं = लौकिककुं
लौकिकः = लौकिक	(भावं = भावकुं)
प्रभुः = स्वामि, न = नाही	न = नाही, एव = ही
(अस्ति = हे, तस्मात् = तासों)	मनुते = माने हैं

भावार्थ : (प्राकृत धर्मन्के अनाश्रय अरु अप्राकृत निखिल धर्मरूप होयवतें) श्रीकृष्ण कछु लौकिक प्रभु तो हैं नाही. तातें भजन करिवेवारेके लौकिक भावन्को पोषण नाही करत हैं.

न लौकिकः प्रभुः कृष्णः

टीका : ऐहिक अथवा परलौकिक कोऊ विषयकी कामना होयवेपे ताकी पूर्तिकेलिये यदि कोऊ भगवान्की शरणागति करे तब शरणागति तो भई साधन अरु वो ऐहिक किंवा पारलौकिक विषय भयो फल. तब शरणागतिमें फलबुद्धि उपजत नाही. तासों शरणागत जीवमें निःसाधनभावहु प्रकट होत नाही. तब शास्त्रविधिकी आधीनता मानिके शास्त्रानुसार शरणागति करे सो ता प्रकारकी शरणागतिकों मर्यादामागीय शरणागति जानिये. शरणागतिको पुष्टिमागीय प्रकार तो श्रीकृष्णके प्रति अनन्यमना ह्वेके अर्थात् श्रीकृष्णतें भिन्न अन्य ऐहिक किंवा पारलौकिक विषयक कामना राखे विना जब जीव शरणागत होत हे तब जानिये.

तहां शङ्का होत हे जो या कलिकालमें शुद्ध-शुद्ध निष्कामता किंवा भगवत्कामना तो कोटी जीवन्मेंते एक जीवमेंहु सम्भवे किंवा नाही याको सन्देह होत हे. तासों पुष्टिमागीय शरणागति तो अशक्योपदेश सिद्ध होयगो.

यहां समाधान यह जानिये जो जीव कोऊ सकाम होय अकाम होय मोक्षकाम होय किंवा सर्वकाम होय, सबहि पुष्टिशरणागतिके अधिकारी हैं. परि पुष्टिशरणागतिको अनुष्ठान आपुनी ऐहिक वा पारलौकिक कामनाकों पूर्ण करिवेको नाही करिवो चईये. जेसे कोऊ वित्तकामी होय अरु वित्तकामनाकी पूर्तिके काज कछु लौकिक उद्यम करत होय तो तातें पुष्टिमागीय शरणागतिमें अनधिकार फलित भयो न जानिये. परि धनकामनाकी पूर्तिके काज कोऊ श्रीकृष्णको आश्रय

करे तो अनाश्रयको अपराध आयपर्यो जानिये. लौकिक कामनाकी पूर्ति लौकिक उद्यमते करिवेमें अन्याश्रय अथवा अनाश्रय को कोऊ प्रसङ्ग नहीं. तेसेई स्वास्थ्यकामी कोऊ चिकित्सकते ओषधी मांगिके सेवन करे तामें अन्याश्रयदोष अथवा भगवदाश्रय त्याग को कछू विचार नहीं हे. परि स्वस्थ होयवेके काज कोऊ श्रीकृष्णके मन्त्रनको अनुष्ठान अथवा पूजा-बलि-यात्रा आदि को अनुष्ठान करे तो विवेक-धैर्य-आश्रय छूट्यो जानिये.

एसेई भक्तिके विषयमेंहु समझिके अपनी ऐहिक-पारलौकिक विषयनकी कामनापूर्तिको साधन कृष्णभक्तिको बनाईवो उचित नहीं. ताको एसो अभिप्राय न जानिये जो सर्वथा निष्काम होयवेपेही भक्तिको अधिकार मिलत हे. निज भक्तिको फलरूप मानिके भक्तिको अनुष्ठान पुष्टिभक्ति हे. तामें लोक-वेदके विषय-प्रयोजनको मिश्रण पुष्टिभक्तिको बाध जानिये.

मनुते नैव लौकिकम्

तहां शङ्का होत हे जो श्रीकृष्ण तो सर्वसमर्थ हैं ताते अपने शरणागत किंवा भक्त जीवनके लौकिक मनोरथ पूरण करिवेमें विनको कहा घटि जावेगो अथवा परिश्रम होयगो, सो काहेतें जीवकों अपराधी कहत हो ?

तहां समाधानरूपेण ये जाननो जो भगवान सङ्कल्पमात्रते सकल सृष्टिको प्रकट करत हैं सोई सर्वसमर्थ भगवान् पुष्टिमारगमेंहु आश्रयणीय अरु भजनीय हैं. तोऊ वाही भगवान्को सर्वसामर्थ्यरूप धर्म माहात्म्यज्ञानसो केवल ज्ञातव्य हे, आश्रयणीय अथवा भजनीय नहीं. आश्रयणीय तथा भजनीय तो धर्मी श्रीकृष्णही हैं. सो स्वतः तो श्रीकृष्ण सर्वसमर्थ परमेश्वर हैं तामें कछू सन्देह नहीं तासों हि परिश्रमहु होय सकत नहीं. तोऊ जा भावसों श्रीमहाप्रभूने आश्रयणीय किंवा भजनीय मान्यो है वा भावसों तो प्रभूनों परिश्रम होत ही हे. जेसे कोई स्वयंके घरमें अपने वस्त्र-पात्र आदिको प्रक्षालन स्वयं करत होय तोऊ अपने ससुरके अथवा मित्रके घर जब जात हे, तहां जमाईते अथवा मित्र-अतिथितें वाके वस्त्र-पात्र आदिनों प्रक्षालन करायवेमें परिश्रमको भाव लोकमें मानत हैं, यहांहु तेसेई जाननो. ताते सिद्धान्तमुक्तावलीके “लोकार्थी चेद् भजेत् कृष्णं क्लिष्टो भवति सर्वथा” वचनकी व्याख्या करत श्रीगुसांईजीने आज्ञा कीनि हे :

कोऊ आजीविकाके काज भजन करत होय ताकी कहा गति ? याको समाधान श्रीमहाप्रभु ‘लोकार्थी’ पदसों देत हैं. ‘लोक’पदको अभिप्राय लौकिक विषयनमें हे. सो लौकिक विषयनकी कामना राखिके कोऊ कृष्णकों भजे तब तो भजनहु व्यापार-धंधाकी न्याई लेन-देनको व्योहार भयो. सो भगवान्के संग एसो व्योहार तो अनर्थरूप हे. तासों एसे भजनकों भक्ति न जानिये. सो भजन जब भक्तिरूप न होय तब क्लेशरूप बनि जात हे. ताते एसे भजन करिवेवारो क्लेशही पावत हे. ताकों ऐहिक क्लेश तो होतही हे परि परलोकहु ताको नष्ट होत हे. सो काहेतें ? तहां कहत हैं एसे प्रकारके भजनकों निषिद्धाचरण मान्यो हे तासों. जाकों या मारगको ज्ञान स्वल्पहु हे सो तो एसो निषिद्धाचरण कबहु करत नहीं. परि सर्वथा स्वमार्गीय ज्ञानसों रहित कोऊ एसो निषिद्धाचरण करे. तहां शङ्का होत हे जो लोकार्थी तो लौकिक विषयनोंही भजत हे कृष्णकों नहीं. ताको समाधान एसे जानिये जो जब कोऊ लोकार्थी लौकिक विषयनकी कामना पूरण करिवेकों कृष्णके भजनमें प्रवृत्त होत हे सो ताकी भ्रान्ति जानिये. सो काहेतें ? तहां कहत हैं लोकार्थीको भजनीय स्वरूप श्रीकृष्णको न रहि सकत हे वेसो दीखत होय तोऊ”.

यासों सिद्ध होत हे जो लोकार्थितासों कृष्णभजन करिवेपे कृष्णको भावात्मक स्वरूप तिरोहित ह्वे जात हे. क्लेशरूप भजनही केवल रहि जात हे, परमानन्दरूप कृष्ण नहीं. ताते कृष्णसेवाके छलते जनतासों द्रव्य मांगिवेवारेन्की सेवाकों परमानन्दरूप कृष्णभजन न जानि लोकार्थीको क्लेशरूपभजन जाननो चईये.

तातेई निबन्धमें श्रीमहाप्रभूने मूर्तिमें भगवान्की त्रिविध स्थितिन्को निरूपण कियो हे (१) सब कछु ब्रह्मात्मक हे ताते आधि भौतिक मूर्तिहु ब्रह्मात्मक हे (२) शास्त्रनमें मूर्तिपूजाकी आध्यात्मिक विधि मिलत हे ताते मूर्तिपूजन शास्त्रानुमोदित आध्यात्मिक कर्म हे (३) भक्तिमार्गमें जीवविशेषके उद्धारके काज मूर्तिविषयमें भगवान्की भावात्मिका विशेष आधिदैविक उपस्थिति होत हे. तासों उपरि कही प्रथम (१) बातमें तो भगवन्मूर्तिकों कोऊ पूजे के तोरे - ताते आत्मपोषण करे के उदरपोषण करे - निश्छल स्नेहसों भजे के भजनपाखंडको छल-छद्म करे - स्तुति करे के निन्दा करे - सांसारिक बन्धनसों छूटिवो चाहे के मूर्तिद्वारा

सांसारिक कामनाओं पूर्ण करिवेके मोहपाशमें बंधिवो चाहे, कछू अन्तर परत नाहीं.

दूसरि (२) बातमें मूर्तिपूजाकी शास्त्रविधिमें स्वार्थप्रतिष्ठा तथा परार्थप्रतिष्ठा भेद हे. तहां स्वार्थ अर्थात् पूजा करिवेवारेमें स्वयं तथा स्वयंके परिवारके लोगनके काज मूर्तिमें प्राणप्रतिष्ठा कीनि होय तब दूसरेके द्रव्यमें पूजन करिवो महान् पातित्यको कारण देवलकता जानिये. अरु मूर्तिमें प्राणप्रतिष्ठा परार्थ अर्थात् जनताके काज कीनि होय तहां पूजार्थ समर्पित पत्र-पुष्प-अन्न-वस्त्रादिके भगवत्प्रसादतया पुनर्ग्रहणमें कछू दोष गिन्यो नाहीं परि भगवन्मूर्तिकों भेंट धरिवेमें आयो द्रव्य-रत्न-भूमि आदिके पुनर्ग्रहण अथवा देवमूर्तिकों भेंट धरिवेमें आयो धृतदीप जेसी साधारण वस्तुकोहु निज उपयोगमें लाईवो देवद्रव्यापहार हे. सो तो महान् पातक कर्म गिन्यो हे - एसों कियेते विष्ठा खायवेवारे शूकरकी योनि मिलत हे. या पुष्टिमारगमें, परन्तु, परार्थ प्रतिष्ठाको प्रकार मान्य न राख्यो होयवेतें या दोषकों श्रीमहाप्रभु - “**दत्तापहारवचनं तथा च सकलं हरेः, न ग्राह्यम् इति वाक्यं हि भिन्नमार्गपरं मतम्**” कहत हैं. सो काहेतें ? जो या मारगमें तो “**गृहे स्थित्वा स्वधर्मतः, अव्यावृत्तो भजेत् कृष्णम्**” अरु “**सेवकानां यथा लोके व्यवहारः... तथा समर्प्यैव कार्यम्**” अरु “**तत्सिद्धयै तनुवित्तजा**” एसे अनेक वचनसों निजगृहमें निजस्वामीकी निजअहन्ना-ममतास्पद उपलब्ध सकल श्रेष्ठ वस्तुनके समर्पणद्वारा प्रेमसेवाको भाव राख्यो हे तातें. तासों देवद्रव्यापहारको दोष लागत नाहीं. जेसे संसारमें कोऊ धर्मशाला आदिके निर्माणके हेतु अथवा जीर्णोद्धारके हेतु अन्य काहुतें द्रव्ययाचना करत होय ताकों कोऊ भिक्षुक अथवा द्रिद्र मानत नाहीं. परि जेसे कोऊ स्वयं अपने रहिवेके घरके निर्माण हेतु अथवा जीर्णोद्धार के हेतु अन्य काहुतें द्रव्ययाचना करत हे ताकों जनता दरिद्र-भिक्षुक मानत हे. सो काहेतें, जो स्वार्थनिर्मित गृहके कारज स्वद्रव्य खरचवेमें जो समरथ नहीं ताहीसों परद्रव्य मांगत है. तहां स्वाभिमानी तो ऋण मांगत हे परि दीन-दरिद्रकों तो भिक्षा मांगिवेमेंहु सङ्कोच होत नाहीं !

तेसेई स्वार्थप्रतिष्ठापित देवताकी सेवा-पूजाके काज कोऊ परद्रव्यकी याचना करत हे ताकों भक्तिमार्गीय दारिद्र्य समझनो. एसे दीन-दरिद्र होयवेतें बहुधा आचार्यवंशजहु अपने माथे बिराजते सेव्यस्वरूपकी नित्यसेवा-मनोरथके

काज जनतातें समाधानी राखिके द्रव्ययाचना करत हैं. याकों भक्तिमार्गीय दारिद्र्य करि समझनो आछो. को-कोऊ पुनि भक्तिमार्गीय दारिद्र्यके कारण अरु देवलकताके दुर्व्यसनके कारण आचार्यवंशजके माथे बिराजते सेव्यस्वरूपकी स्वार्थ - परार्थ (अर्थात् उभयार्थ) प्रतिष्ठापितताकीहु निर्लज्ज घोषणा करत हैं. सो कहा अपनी भार्याकोहु स्वार्थ-परार्थ अर्थात् उभयार्थ मानत हैं ! तहां यह जाननो जो नीति, आत्मगौरव तथा लज्जा के त्याग कियेपें कहा नाहीं सम्भवे ? सिद्धान्तमें तो पुष्टिस्वरूपके परार्थप्रतिष्ठाकी रीति ग्रन्थनमें तो कहूं उपदिष्ट भई नाहीं हे. वार्तामेंहु किशोरीबाईकी वार्तामें याहीको निरूपण भयो हे. श्रीनाथजीके स्वरूपकीहु श्रीमहाप्रभु तो देवालयमें नाहीं परि नन्दालयकेही भावसों काहु भक्तके निजगृहमें प्रतिष्ठा करिवो चाहत हुते. परि सद्दु पांडे आदि सगरे ब्रजवासीनके मना करिवेके कारण भगवदाज्ञावश देवालयमें प्रतिष्ठा भई. अरु ब्रह्मसम्बन्ध रहित बंगालीनकों सेवाधिकार प्रदान करनो पर्यो. ताकोंहु कोऊ मूढजन पुष्टिमार्गीय सिद्धान्त मानत हैं ! तब तो रजस्वलाकों सेवाकी अनुमति दीनि ताकोंहु पुष्टिसिद्धान्त मानिवो चईये ! श्रीनाथजीके अनुकरण करिके जो-जो पुष्टिमार्गी अपने सेव्य प्रभून्की परद्रव्यमें परार्थ सेवा करत हैं तिनकों ब्रह्मसम्बन्धरहित बंगालीनको अपने सेव्य प्रभून्की सेवा सोंपीके पृथ्वीप्रदक्षिणा करिवेको गृहत्यागहु काहेतें प्राप्त न होयगो !

श्रीनाथजीकी सेवाके अधिकारी बनेतें यहलोक-परलोकको बिगार होत हे ताकी वास्तविकताहु स्वयं श्रीगोवर्धनधरप्रभुनें एसे बरनी हे के “जाको बिगार होनो होयगो सो आपुही अधिकारकी इकलाई ओढिवेकों झुकि जावेगो”. सो श्रीनाथजीकी सेवाको प्रकार यदि पुष्टिसिद्धान्त होय तो पुष्टिसिद्धान्ततें बिगार होत हे येहु स्वीकारनो परेगो.

तहां यह शङ्का होत हे जो पुष्टिप्रभु तो उत्तम वस्तुके भोक्ता हैं सो स्वामीके सुखके काज कोऊ सेवक याचनाहु करत होंय तो “**सेवकानां यथा लोके व्यवहारः प्रसिद्ध्यति**” की आज्ञाको अनुसरण काहेकों न मानिवो ?

तहां उत्तर यह जाननो जो “**सेवायां लौकिकी रीतिः स्नेहस्तत्र नियामकः**” सो सेवाकी रीति तो लौकिकी हे परि भक्तिमार्गमें प्रीतिको भाव लौकिक नाहीं. सो काहेतें जो सेव्यस्वरूप जो भावात्मक है सो लौकिक भाव राखिवेपे तो सेव्य

स्वरूपहु लौकिक भावात्मक हवे जात हे. तेसेई अलौकिकभाव राखिवेपे सेव्यस्वरूपहु अलौकिक भावात्मक हवे जात हे. तासों सेवामें लौकिक रीतिको अङ्गीकार पुष्टिप्रभु या लोकमें स्थित पुष्टिजीवपे अनुग्रह करिवेको करत हैं. परि पुष्टिजीवकों प्रभुके अलौकिक स्वरूप तथा माहात्म्य को बिचार हृदयमें राखिके प्रीतिको भाव तो अलौकिकही राखिवो उचित हे. अन्यथा या लोकमें अलौकिक प्रभुतें सम्बन्ध जुरिवोहु कठिन हे. तासों प्रीतिरहितहु सेवारीतितें भक्तिको प्रारम्भ तो हवे सकत हे परि प्रीतिरहित सेवाकों तो क्रियामात्र जाननी. तेसेई सेवारीतिसों रहित प्रीतिको प्रकार भक्तिमार्गीय गौण कथापक्ष हे. तासों रीति अरु प्रीति को समन्वय करिवेकों सिद्धान्तमुक्तावली तें चतुश्लोकी अरु भक्तिवर्धिनी तें सेवाफल ग्रन्थनको उपदेश श्रीमहाप्रभुने कियो हे.

जेसे रासलीलामेंहु “क्रिया सर्वाऽपि सैवात्र परं कामो न विद्यते” श्रीमहाप्रभुने भगवत्पक्षमें समुझायो तेसेई जीवपक्षमेंहु सेवालीलामेंहु “क्रिया सर्वाऽपि लौकिकमेव परं लौकिको भावो न विद्यते” समुझिवो उचित हे. तासों सिद्धान्तरहस्यके “सेवकानां यथा लोके व्यवहारः प्रसिध्यति” अरु “न लौकिकः प्रभुः कृष्णो मनुते नैव लौकिकम्” वचनमेंहु विरोधाभास मानिवो उचित नाहीं हे.

वर्तमानमें पुष्टिमारगके नामसों चलते मन्दिर-हवेलीनमें तो निजस्वामीकी सेवा निजगृहमें न करिके सार्वजनिक देवालयमें होत हे. सो हु निजतनु-वित्त-परिजनतें करिवेके ठिकानें पगारदार नोकरनसों जनताकी भेट-सामग्रीतें परिवारपोषणके काजही होत हे. सो शास्त्रविधिके विचार कियेतें साक्षात् श्रीमदाचार्यवंशजन्मेंहु देवलकता तथा देवद्रव्यापहार यों दोन्यो दोषनकी प्रबलता भई हे. सो “समरथकों नाहीं दोष गुसांई” किंवा “सर्वथा भक्षयिष्यन्ति युष्मान्” मेंते यथाभाव कोऊ एक वचनको प्रमाण मानिके चित्तकों शान्त करि लेनो ! सो काहेतें ? जो श्रीमहाप्रभुको “न लौकिकः प्रभुः मनुते नैव लौकिकम्” वचन प्रमाण हे.

परन्तु एसी भगवत्सेवाकों कृष्णसेवा न जानि क्लेशसेवाही जानिये. ता सेवाके दर्शनकोंहु कृष्णदर्शन न जानि क्लेशदर्शन जानिवो उचित हे. ता सेवामें धरी भोग-सामग्रीकोंहु कृष्णप्रसाद न मानि क्लेशप्रसाद मानिवो उचिततर हे. तामें

अपने द्रव्यके विनियोगहुकों भगवदर्थ विनियोग न जानि क्लेशार्थ विनियोगही मानिवो उचिततम हे.

तासों भगवत्तिरोधायक लौकिक भाव न राखि कहा भाव राखिनो सो आगे समझावत हैं :

भावस् तत्राऽप्यस्मदीयः सर्वस्वश्चैहिकश्च सः ॥

परलोकश्च ॥

तत्रापि = वामेंहु

परलोकः = परलोक

अस्मदीयो = अपुनो

च = हु, सर्वस्वः = सबकछु

भावः = भाव

च = अरु

ऐहिकः = यालोकसम्बन्धि

च = वो (कृष्णएव अस्ति इति

च = ओर

ज्ञेयं = श्रकृष्णही हे एसो जाननों)

भावार्थ : तहांहु हमारो भाव तो येही जाननों जो अपनो तो या लोकमें अरु परलोकमेंहु कोऊ सर्वस्व होय तो वो तो केवल श्रीकृष्णही हे अन्य कोऊ नाहीं.

अस्मदीयो भावः

टीका : निबन्धमें ज्ञानदृष्टिसों सर्वत्र वस्तुमात्रमें अपरिच्छिन्न ब्रह्मकी, सर्वोपादानतया, सर्वनामरूपधारकतया तथा सर्वनियामकतया हु विद्यमानताको निरूपण कियो हे. तातें भगवन्मूर्तिमेंहु सच्चिदानन्द ब्रह्मकी प्रकट सत्ता अरु अप्रकट चैतन्य तथा आनन्द मान्य हे.

तेसेई कर्मोपसनाकी शास्त्रविधिके अनुसार जो (अ) विचारक ब्रह्मकों निराकारही केवल मानत हैं तिनकोंहु यज्ञवेदीमें किंवा मूर्तिरहित शून्यमन्दिरमें किंवा मनमन्दिरमेंहु अपरिच्छिन्न तत्त्वको स्थानपरिच्छेद किंवा ध्यानपरिच्छेद तो करिवोही परत हे. तब साकार-व्यापकतावादी पुष्टिमार्गीयनोंहु अपरिच्छिन्न

परमात्माको मूर्तिके परिच्छेदमें भजनमें काहेको सङ्कोच ? तहां शास्त्रीय निषेध होय तो ताको विचार हवे सके परि शास्त्रन्मेंहु मूर्तिपूजाको विधान तो उपलब्ध होतही हे. सो यहां कछू बाधक हे नाहीं. यों निरूपण करिके ज्ञानमार्गसों अरु कर्मोपासनामार्गसों मूर्तिभजनकी उपपत्ति दीनि हे सो केसे जो -

१. “साकारव्यापकत्वात्” ज्ञानमार्गीय उपपत्ति
२. “मन्त्रस्यापि विधानतः” कर्मोपासना मार्गीय उपपत्ति
३. “तद्रूपं तत्र च स्थितं (श्रीकृष्णं यथालब्धोपचारैः भक्त्या पूजयेद्)” भक्तिमार्गीय उपपत्ति दीनी.

तहां अनेकानेक स्वांशभूत जीवनमेंते कोऊ विरले एक जीवको जेसें प्रभु स्वरूपानन्ददानके काज वरण करत हैं, तेसेंई अनन्तरूप किंवा सर्वरूप भगवान्के कोऊ एक मनोज्ञरूपको भक्तहु भजनार्थ वरण करत हे सो वो रूप परमात्माको भक्तिभावनात्मक रूप गिन्यो जात हे.

सो भजनकर्ता जब निज भजनीय स्वरूपके भावसों भजन करे तब पुष्टिपुरुषोत्तमको प्रादुर्भाव तहां श्रीमहाप्रभुकी कानिते जानिये. परन्तु धनसंग्रह किंवा लोकसंग्रह के भावसों भजन करे तब वा भगवन्मूर्तिकों पुष्टिपुरुषोत्तम न जानिके लौकिककामनापूर्तिको लौकिक साधन जानिये.

तासों श्रीमहाप्रभु आज्ञा करत हैं जो कृष्णके भजनीय स्वरूपकों लौकिक भावते छुवाईवो आछो नाहीं. भजनीय स्वरूपकों अपनो सर्वस्व जानिके भजिवो श्रीमहाप्रभुके भावसों भजन करिवेको प्रकार हे. अपनी ऐहिक - पारलौकिक सबहि कामनान्को प्रमुख विषय अपने सेव्य स्वरूपकों जाने - अपने ऐहिक - पारलौकिक प्रमुख स्वामि-सखा-सुत-बन्धु-आत्मा-धन अपने सेव्य स्वरूपकों जाने - माने अरु एसे भावसों भजे सो “अस्मदीयो भावः” अन्यथा “विजातीयो भावः”.

तहां शङ्का होत हे जो ‘विवेकधैर्याश्रय’ ग्रन्थमें तो -

“ऐहिके पारलोके च सर्वथा शरणं हरिः
दुःखहानौ तथा पापे भये कामाद्यपूरणे
भक्तद्रोहे भक्त्यभावे भक्तैश्चातिक्रमे कृते
अशक्ये वा सुशक्ये वा सर्वथा शरणं हरिः
अहङ्कारकृते चैव पोष्य-पोषण रक्षणे
पोष्यातिक्रमणे चैव तथाऽन्तेवास्यतिक्रमे
अलौकिकमनःसिद्धौ सर्वथा शरणं हरिः”

कह्यो हे. तासों ऐहिक अथवा पारलौकिक दुःखन्की निवृत्ति, तिनके कारणीभूत पापन्की निवृत्ति, तिन पापन्सों जन्य भयकी

निवृत्ति, कछूक कामना, ऐहिक अथवा पारलौकिक पूर्ण न होती होय तब, यों सबही अवस्थान्में शरणागतिको उपदेश दियो हे. सो यहां कहे जात प्रकारतें ताकी सङ्गति केसे जानिये ?

ताको समाधान एसें जाने जो श्रीमहाप्रभुने दुःखहानि, पाप, भय, कामादिकी अपूर्ति, भक्तद्रोह आदि जो गिनाये हैं सो ऐहिक किंवा पारलौकिक के उदाहरण रूपसों गिनाये हैं. मूल तो ‘ऐहिके’ - ‘पारलोके’ पदन्के प्रयोगतें सगरी बात आय गयी. सो इन दोउ पदन्में सप्तमी विभक्तिके प्रयोगको अभिप्राय - “मोक्षं इच्छा” की न्याई वैषयिक आधार नाहीं. तेसेंई “चर्मणि द्विपिनं हन्ति” की न्याई निमित्तकर्मयोगके अभिप्रायहुतें न समझनी. या सप्तमी विभक्तिको प्रयोग “गोषु दुह्यमानासु गतः” - “ब्राह्मणेषु अधीयानेषु गतः” की भावलक्षणार्थक सप्तमी विभक्ति जाननी. अन्यथा शरणागति तो साधन भई अरु पाप, भय, कामादिकी अपूर्ति, भक्तद्रोह, भक्तिके अभाव ये सगरे फलरूप बनि जायेंगे. तब शरणागति कियेते भय होत हे - पापहु लगत हे - कामादि सगरे अपूर्ण रहि जात हैं - भक्तन्को द्रोह हवे जात हे एसो भयङ्कर अभिप्राय घटित होत हे. तासों “ऐहिके - पारलोके” पदन्को अभिप्राय एसो जानिये जो या लोक किंवा परलोक तें सम्बन्धी कोऊ कार्य जीवतें अशक्य किंवा सुशक्य होय तहां श्रीकृष्णको आसरो राखनो. कोऊ करिवे लायक कार्य होय परि जीवके सामर्थ्यतें सिद्ध न होत होय

तो भगवदाश्रय राखिके विचलित न होनो. जो प्रभुने ये कार्य मेरे लिये अशक्य बनायो हे सो यामें मेरो कछू भलो हि विचार्यो होयगो. अरु जीवके सामर्थ्यतें शक्य होय तोऊ अहङ्कार न करनो परि भगवदाश्रयको भाव राखिके ऐसे विचारनो जो प्रभुने ये कार्य मेरेसों शक्य बनायो हे.

तासों ऐहिक-पारलौकिक फलके साधनतया शरणागतिको उपदेश नाही परि ऐहिक-पारलौकिक कोऊ कार्य जीवसों अशक्य होय किंवा सुशक्य सब अवस्थान्मे भगवदाश्रय राखनो पुष्टिजीवको कर्तव्य हे. तातें 'शिक्षाश्लोकी' अरु 'विवेकधैर्याश्रय' में कछू विरोधाभास नाही हे.

... .. तेनायं सर्वभावेन सर्वथा ॥३॥
सेव्यः ॥

तेन = तासों (कारणेन = कारणसों)

अयं = ये (श्रीकृष्णः)

सर्वथा = सर्व प्रकारसों

सर्वभावेन = सर्व भावसों

सेव्यः = सेवा करिवेयोग्य हे

भावार्थ : ये पुष्टि मारग श्रीमहाप्रभूनें अपने पुष्टिभावनात्मक पूर्ण पुरुषोत्तमकों आलम्बन बनायके प्रवर्तित कियो हे. तातें पुष्टिपुरुषोत्तमको भजन निखिल पुष्टिभावन्सों ही करिवो उचित हे.

टीका : शास्त्र, सम्प्रदाय, अधिकार, देश - काल, सामर्थ्य अरु रूचि (बीजभाव) की विविधताके कारण मार्गहु अनेकविध हैं. तहां पृथक्-पृथक् फल पृथक्-पृथक् अधिकारी जीवन्कों मिलत हे सो सर्वनिर्णयमें सविस्तर निरूपण भयो हे.

पुष्टिमार्गके प्रवर्तनको आशय 'पुष्टिप्रवाहमर्यादा'में श्रीमहाप्रभूनें अरु श्रीवल्लभाष्टकमें श्रीप्रभुचरणनें प्रकट कियो हे. सो वेसे तो भूतलपे एक निश्चित देशमें अरु निश्चित कालमें प्रकट कियो परि 'चतुःश्लोकी'में "स्वस्यायमेव धर्मो हि नान्यः क्वापि कदाचन" वचनकी विवक्षाके विचारतें पुष्टिजीवन्कों

सबरे देशन्में अरु सबरे कालन्में ब्रजाधिपको भजनही प्रमुखतम स्वधर्म हे.

तहां शङ्का होत हे जो भूतलपे ये भारत देश तो एक छोटो भूखण्ड हे; अरु सृष्टिके प्राकट्यकाल सहस्र परिवत्सरतें प्रारम्भ करि श्रीमहाप्रभूके प्राकट्यकाल पर्यन्त कहा पुष्टिजीव कोऊ भूतलपे प्रकटे नाही कहा ? अरु प्रकटे कहिये तो "सोपि तैस्तत्कुले जातः ... पुष्टिस्थस्तैर्न युज्यते" वचनानुसार ता समय अर्थात् श्रीमहाप्रभूके प्राकट्यसों पूर्व सहस्रावधि परिवत्सरन्में मर्यादामार्गीय परिवारमें किंवा प्रवाहमार्गीय परिवारमें जन्मग्रहण करिवेवारे पुष्टिजीवन्के पुष्टिभजनको कहा प्रकार ? तेसेई पुष्टिमार्गकी केवल ५०० वर्ष पर्यन्त स्थितिकी सांची-खोटी किंवदन्तीहु प्रचलित हे. सो ताके पश्चात् कहा पुष्टिजीवन्को लोप जानिये अथवा जीव रहत हैं परि मार्गलोप ह्वे जात हे अथवा जीव अरु मार्ग के विद्यमान रहत हु पुष्टिको लोप ह्वे जात हे ?

यामें ये विचारणीय हे जो पुष्टि तो प्रभुको नित्यधर्म हे सो ताको लोप कबहु होय सकत नाही. पुष्टि निर्विषयहु सम्भवे नाही, तातें पुष्टिजीवको लोप हु सम्भवे नाही. सो प्रभुको नित्यधर्म पुष्टि अरु ताके विषयीभूत पुष्टिजीवन्के रहते हु यदि पुष्टिमार्ग न रहतो होय तो नित्यधर्म हु मोघ धर्म बनि जाय. तासों पुष्टिमार्ग हु रह्यो चईये. तब श्रीमहाप्रभूके प्राकट्यसों पूर्व हु अरु पांचसो वर्ष पश्चात् हु पुष्टिमार्गकी विद्यमानता तो रहत ही हे.

तेसेई जो मार्गकी स्थिति केवल पांचसो वर्षन् पर्यन्त सीमित होय तो इन पांचसो वर्षन्के आगे-पाछे सृष्ट्यारम्भ अरु प्रलय पर्यन्तकी सुदीर्घ अवधिमें पुष्टिजीवन्को प्रकट राखिवेको प्रयोजन कहा ? जो प्रकट न मानें तो गद्यमन्त्रमें सहस्रपरिवत्सर - परिमित कालिक विप्रयोगको जो निरूपण कियो सोहु सिद्ध न होवेगो. तासों पूर्वकालमें पुष्टिजीवकी विद्यमानता होयवेपे पांचसो वर्षके उत्तरकालमेंहु विद्यमानता स्वीकारनी उचित हे. तासों इन शङ्कान्को कहा समाधान जानिये ?

तहां यह समाधान जाननो जो प्रभूके मन, वचन अरु स्वरूप तें प्रकट भये प्रवाहमार्ग, मर्यादामार्ग अरु पुष्टिमार्ग सृष्टिलीलाके प्रकार होयवेतें यावत्सृष्टि

विद्यमान रहत हैं. तासों मार्गकी विद्यमानता तत्तद् मार्गस्थ जीवकी विद्यमानताको प्रमाण जानिये. तेसैंई मार्ग अरु मार्गस्थ जीवन्की विद्यमानता तत्तद् मार्गीय साधन अरु फल की विद्यमानताके हु प्रमाण होत ही हैं. तासों श्रीमहाप्रभून्के पूर्वहु पुष्टिमार्ग, पुष्टिजीव, पुष्टिसाधन अरु पुष्टिफल की विलक्षण विद्यमानता सिद्ध होत हे.

तहां यह शङ्का होत हे जो तब श्रीमहाप्रभून्को वैशिष्ट्य कहा ? तहां जानिये जो मार्गादि हते पर सम्प्रदाय न हतो. तासों तत्तद् पुष्टिमार्गीय अधिकारीन्कों तत्तद् पुष्टिफलकी प्राप्ति पुष्टिप्रभून्के तत्तद् प्रकारवारे स्वरूपनूतें प्रमेयबलतें होत रही होयगी. सो ताके कोऊ प्रमाण अथवा प्रकार को सम्प्रदाय न हतो. तासों पुष्टिमार्गके प्रमाणबल अरु साम्प्रदायिक प्रकारकों प्रकट करिवेको असाधारण-अलौकिक वैशिष्ट्य श्रीमहाप्रभून्को ही हे. तासों साधारण पुष्टिमार्गमें पुष्टिप्रभून्को श्रीमहाप्रभून्के हृदयके भावानुसारी भावात्मक होनो आवश्यक नाहीं हे. तासों श्रीमहाप्रभून्के प्राकट्यसों पूर्व पुष्टिजीव प्रह्लादके काज पुष्टिप्रभु नृसिंह रूपतें स्तम्भमेंते प्रकटे, बलिके काज वामनरूपतें प्रकटे, शबरी - हनुमान् प्रभृति भक्तनके काज श्रीरामरूपतें प्रकटे, ब्रज-मथुरा-द्वारकाके पुष्टिजीवनमें कोऊके काज सुत, कोऊके काज बन्धु, कोऊके काज सखा, कोऊके काज प्रियतम, कोऊके काज शिष्य, कोऊके काज गुरु, कोऊके काज पति, कोऊके काज स्वामी आदि अनेक रूपनूतें प्रकटे. इनमेंते कोऊ एक भावतें प्रभून्को भजिवो पुष्टिके प्रमेयबलके विचारतें उत्तम होयवेपेहु; श्रीमहाप्रभून्के सम्प्रदायमें पुष्टिप्रभु सर्वभावात्मक हैं. सो प्रमाणबलके विचारतें श्रीमहाप्रभून्के भावात्मक स्वरूपको भजन श्रीमहाप्रभून्के भावकी भावना हृदयमें राखिके ही भजन करिवेपे श्रीमहाप्रभून्के भावात्मक पुष्टिप्रभून्कों प्रकट करिवेवारो बनत हे. तासों आधुनिक सिद्धान्तद्वेषी जननके द्वारा घड़े गये भाव यथा श्रीगोवर्धनधर के स्वरूपमें सर्वोद्धारकताके भावसों सेवा करनी, अन्य सभी आचार्यवंशजन्के सेव्यस्वरूपमें वैष्णवोद्धारकताके भावसों सेवा करनी अरु साधारण पुष्टिमार्गीय वैष्णवन्के सेव्यस्वरूपमें स्वसेवकोद्धारकताके अथवा गुरुके भावसों सेवा करनी ये सगरे प्रकार शिक्षाश्लोकीके उपदेशसों विरुद्धभावकी भावनाके प्रकारवारे होयवेतें पुष्टिजीवकों बहिर्मुख बनायके वाकी सेवा अरु सेव्य में श्रीमहाप्रभून्के भावके विलोपक ही जानने.

... ... सएव गोपीशो विधास्यत्यखिलं हि नः ॥

सएव = वो ही

अखिलं = सबकछू

गोपीशः = गोपीन्के इश्वर

हि = निश्चय ही

नः = अपनो

विधास्यति = सिद्ध करेंगे

भावार्थ : सर्वभावसों सेव्य गोपीजनवल्लभ श्रीकृष्ण ही अपनो अखिल ऐहिक अरु पारलौकिक हित सिद्ध करेंगे, दूसरो कोऊ काल-कर्म-स्वभाव-विभूतिन्की साधकताकी मति राखनी नाहीं न बाधकताकी भीति.

टीका : अन्तमें या उपदेशमें श्रीमहाप्रभु कहत हैं जो श्रीगोपीजनवल्लभ श्रीकृष्णमें अनन्यभावकों विसारिके कोउ पुष्टिजीव काल - कर्म - स्वभावके आधीन कछूक साधनन्को आसरो लेवे अथवा अन्य देवको आसरो लेवे सो पुष्टिजीवकों साधक नाहीं परि बाधक होत हे तेसो निरूपण करत हैं. सो काहेतें जो श्रीकृष्ण कहत हैं - “मदन्यत् ते न जानन्ति नाहं तेभ्यो मनागपि” तासों सगरे प्रपञ्चकों बिसारिके जो प्रभुमें अनन्यभाव स्थापित करि सकत हे तिनकों निरुद्ध जानिये. ये फलरूप निरोध हे परि साधनरूप निरोधको स्वरूप यातें हु अतिशय विलक्षण हे. सो कहा जो श्रीमहाप्रभून्के दशमके प्रारम्भमें बताया हे जो जीव आपुने स्वभावको छांडिके भगवत्स्वभावानुरूप सरलतासों बनि सकत नाहीं तातें प्रभु अपने कृपाभाजन जीवके स्वभावके अनुरूप स्वरूप धारण करिके वाके सम्मुख प्रकट होत हैं. प्रकट होयके एसी लीला प्रभु करत हैं जातें जीव सब कछू बिसारिके भगवान्में परमासक्त हवे जात हे. तातें प्रभुको भूतलपे प्रकट होनो सोहि ‘साधननिरोध’ कह्यो जात हे अरु भूतलपे विद्यमान् भक्तको अन्य सब कछू बिसारिके निज प्रभून्में अनन्यासक्त हवे जानो ‘फलनिरोध’ कह्यो जात हे. सो लीलार्थ प्राकट्यके कल्पमें लीलाकालिक निखिल पुष्टिमार्गी जीवन्कों साक्षात् अनुभवाभिगम्य स्वरूपको प्राकट्य हे. अरु श्रीमहाप्रभुप्रवर्तित पुष्टिसम्प्रदायमें आधुनिक एतत्सम्प्रदायी तत्तद् भक्तकों सेवा किंवा कथा रूपा भक्तिमें स्व - स्वानुभावनाभिगम्य स्वरूपको प्राकट्य हे. तातें भजनीय किंवा स्मरणीय प्रभून्को भक्तमें निरोध अरु सेवापरायण किंवा कथापरायण भक्तको प्रभून्में निरोध क्रमशः साधनावस्थाको अरु फलावस्थाको

अनन्यभाव गिन्यो जात हे.

तहां साधनरूपा अनन्यताके भङ्ग होयवेतें किंवा फलरूपा अनन्यताके भङ्गते पुष्टिभावको भङ्ग होत हे.

यहां शङ्का उठत हे जो इन साधनरूपा अरु फलरूपा अनन्यताके भिन्न-भिन्न स्वरूप केसें जानिये ? तहां समाधान जो इतर देव अरु इतर साधन को आश्रय छांडिके जब कोऊ श्रीकृष्णको कृष्णाश्रयस्तोत्र अरु अष्टाक्षरमन्त्रके अनुसार अपनो अनन्याश्रय बनावत हे सोतो प्रपत्तिमार्गीय साधनरूपा अनन्यता. सोई अनन्यता जब या जीवकों विवेक-धैर्य-आश्रय ग्रन्थोक्त प्रकारतें सिद्ध हवे जात हे तब प्रपत्तिमार्गीय फलरूपा अनन्यता सिद्ध भई जानिये. तेसेंई ब्रह्मसम्बन्ध लेयके जब आधुनिक पुष्टिसम्प्रदायी निजमस्तकपे निजसेव्यस्वरूपकों पधरायके निजगृहमें बिराजमान् स्वरूपकी सेवामें निजतनु-वित्त-मन-परिजनकों लगावत हे तब ता भक्तविशेषमें भगवत्स्वरूपको निरोद्ध भयो जानिये. एसी साधनरूपा प्रभुगत अनन्यतातें स्वसेव्यस्वरूपेतर किंवा स्वसेव्यस्वरूपसेवानुयोगी इतर सकल पदार्थनकी विस्मृतिपूर्वक सेव्यस्वरूप अरु तिनकी सेवामें परमासक्ति सिद्ध होत हे. याकोंहि फलरूपा निरुद्धता किंवा अनन्यता जाननी. तासों यथायथ प्रपत्तिमार्गीय अरु भक्तिमार्गीय साधनरूपा अरु ता करि साध्य फलरूपा अनन्यताके बिना या मारगमें कछु सिद्ध होत नाहीं. प्रभुकों अनन्य बनायवेतें जीवहु अनन्य बनि सकत हे एसो पुष्टिसम्प्रदायको माहात्म्य श्रीमहाप्रभुके प्रमेयबलतें प्रकट हे. सो काहेतें ? जो जीवके अनन्य बनियेते भगवान्को अनन्य बनियो सो तो मर्यादा परि पुष्टि याते विपरीत.

तासों निज सेव्यस्वरूपकों छांडिके यत्र-तत्र-सर्वत्र भटकियेवारेंकों पुष्टिमार्गके अनन्यफलके सौभाग्यसों वञ्चित जाननो. कहूं-कहूं श्रीमहाप्रभुके इन शिक्षाश्लोकीके पद्यनके साक्षात् श्रीगोपीजनवल्लभ श्रीकृष्णद्वारा जोडे गये डेढ श्लोक अधिक मिलत हैं-

मयि चेद् अस्ति विश्वासः श्रीगोपीजनवल्लभे ।
तदा कृतार्था यूयं हि शोचनीयं न कर्हिचित् ॥
मुक्तिर् हित्वाऽन्यथारूपं स्वरूपेण व्यवस्थितिः ।

मयि = मेरेमें

श्रीगोपीजनवल्लभे =

श्रीगोपीजनवल्लभमें

श्रीकृष्णे = श्रीकृष्णमें

विश्वासः = विश्वास

अस्ति = हे, चेत् = यदि

तदा हि = तब तो

(यस्मात् कारणात्)

यूयं = तुम

कृतार्थाः = कृतार्थ

(तस्मात्) कर्हिचित् = कबहु

शोचनीयं = चिन्ता करिवे जेसो

न (अस्ति) = नाहीं हे

अन्यथारूपं = अन्यथा रूपकों

हित्वा = छांडिके

स्वरूपेण = स्वरूपसों

व्यवस्थितिः = स्थित होनो

मुक्तिः (ज्ञेया) = मुक्ति जाननी

भावार्थ : श्रीगोपीजनवल्लभ मेरेमें यदि विश्वास हे तो तुम कृतार्थ ही हो. तातें कछु शोचनीय नाहीं हे. सो काहेतें जो अपने अन्यथारूप (बहिर्मुखता)को छांडिके श्रीकृष्णाभिमुख रहियो ही तिहारी मुक्ति हे.

या तरहसों गोस्वामीश्रीदीक्षितात्मज श्याममनोहर द्वारा

शिक्षाश्लोकीकी व्याख्या सम्पूर्ण भई

॥ साधनदीपिका ॥

(२५)

(मङ्गलाचरण)

ता नः श्रीतात-पत्-पद्मरेणवः कामधेनवः ॥

नाकस्य तरवोऽन्येषां स्युः कल्पतरवो यथा ॥१॥

यथा = जेसें	नः = हमारे (तु = तो)
अन्येषां = अन्यन्की	ताः = वो
(इच्छापूरकाः = इच्छाकी	श्रीतात-पत्-पद्मरेणवः =
पूर्ति करिवेवारे)	पिताके चरणकमलन्की रज
नाकस्य = स्वर्गके	(एव = ही)
तरवः = वृक्ष	कल्पतरवः = कल्पतरु
कामधेनवः = कामधेनुरूप	(कामधेनवः च = अरु कामधेनुरूप)
(च सन्ति तथा = होत हैं वेसे)	स्युः = होउ

भावार्थ : जेसें अन्यन्की इच्छाकी पूर्ति करिवेवारे स्वर्गके वृक्षें ओर कामधेनु होत हैं तेसें हमारेलिये तो हमारे पिता महाप्रभु श्रीवल्लभाचार्यके चरणकमलन्की रज ही कल्पतरु अरु कामधेनु समान होउ.

श्रुति-स्मृति-शिरोरत्न-नीराजित-पदाम्बुजम् ॥

यशोदोत्सङ्गललितं वन्दे श्रीनन्दनन्दनम् ॥२॥

श्रुति-स्मृति-शिरोरत्न-नीराजित-पदाम्बुजं = श्रुति-स्मृतिरूपी उत्तम रत्नन्सों जिनके चरणकमल शोभायमान हैं एसें
यशोदोत्सङ्गललितं = श्रीयशोदाजीकी गोदमें क्रीडा करते
श्रीनन्दनन्दनम् = श्रीनन्दरायजीके पुत्र श्रीकृष्णकों
(अहं = में) वन्दे = वन्दन करत हों

साधनदीपिका
५४१

भावार्थ : श्रुति-स्मृतिरूपी उत्तम रत्नन्सों जिनके चरणकमल शोभायमान हैं एसें श्रीयशोदाजीकी गोदमें क्रीडा करते श्रीनन्दरायजीके पुत्र श्रीकृष्णकों में वन्दन करत हों.

(या ग्रन्थमें उपदिष्ट बातन्में प्रमाण श्रुति स्मृति पुराण तन्त्र आदि शास्त्रन्की श्रीमदाचार्यचरणद्वारा प्रकट करि व्याख्या हे)

भक्तिमार्ग-वितानाय योऽवतीर्णो हुताशनः ॥

स एव नः परं मानं शेषमस्य प्रमान्तरम् ॥३॥

यः = जा, हुताशनः = अग्निने	
भक्तिमार्ग-वितानाय = भक्तिमार्गके प्रचारके अर्थ	
अवतीर्णः = अवतार धारण कियो हे	
स एव = वो ही	
नः = हमारे काज	प्रमान्तरम् = अन्य सब प्रमाण
परं = सर्वोत्कृष्ट	अस्य = याके
मानं (अस्ति) = प्रमाण हे	शेषम् (अस्ति) = अङ्गभूत हैं

भावार्थ : भक्तिमार्गको प्रचार करिवेकों वैश्वानरस्वरूप श्रीवल्लभाचार्यचरणन्ने भूतलपें अवतार धारण कियो सो विनके वचन ही हमकों परम प्रमाणरूप हैं, अन्य सब प्रमाण विनके वचनन्के अङ्गभूत अथवा विनसों गौण प्रमाण हैं.

वेदत्रयी-शिरोभाग-सूत्र-व्याख्यान-सम्मताम् ॥

भक्तिशास्त्रानुसारेण कुर्वे साधनदीपिकाम् ॥४॥

वेदत्रयी-शिरोभाग-सूत्र-व्याख्यान-सम्मताम्
= तीनों वेदके शिरोभागरूप उपनिषद् ब्रह्मसूत्रके भाष्यसों अविरोद्ध प्रकारसों

साधनदीपिका
५४२

भक्तिशास्त्रानुसारेण = भक्तिशास्त्रके अनुसार

साधनदीपिकाम् = साधनदीपिकाकी रचना (अहं)कुर्वे = में करूँ हूँ

भावार्थ : तीनों वेदके शिरोभाररूप उपनिषद् अरु ब्रह्मसूत्र के महाप्रभु श्रीवल्लभाचार्यचरण विरचित भाष्यतें अविरोद्ध प्रकारसों भक्तिशास्त्रके अनुसार 'साधनदीपिका' ग्रन्थकी रचना में करूँ हूँ।

(श्रीहरिभजनकी आवश्यकताके उपपादनके साथ ग्रन्थको उपक्रम)

“आत्मा वार” इति श्रुत्या दर्शनैकफलो विधिः ॥

श्रवणाद्यैः प्रतिज्ञातः “तं भजेत्” – “तं रसेदि”ति ॥५॥

“तस्माद् भारत सर्वात्मा भगवान् हरिरीश्वरः ॥

श्रोतव्यः कीर्तितव्यश्च स्मर्तव्यश्चेच्छताभयम्” ॥६॥

पुरुषस्याविशेषेण संसारं प्रजिहासतः ॥

हरेर् आराधने मुक्तिः

आत्मा = परमात्मा

वा अरे = अवश्य, इति = या

श्रुत्या = श्रुतिसों

श्रवणाद्यैः = श्रवण आदि करिवेसों

दर्शनैकफलः = दर्शन ही जहां फल

होत हे एसी, विधिः = विधि

प्रतिज्ञातः = कही हे

तं = वाको, भजेत् = भजन करे

इच्छता = इच्छवेवारेकों

ईश्वरः = ईश्वर

सर्वात्मा = सबन्के आत्मा

भगवान् = भगवान्

तं = वाको

रसेत् = आनन्द अनुभव करे

इति = एसो(अपि = हु)

उक्तम् = कह्यो हे

“भारत ! = हे अर्जुन !

तस्मात् = तातें

अभयम् = अभयकू

करिवेयोग्य हे, संसारं = संसारकों

प्रजिहासतः = छांडिवेकी इच्छा

करिवेवारे, पुरुषस्य = पुरुषकू

अविशेषेण = समानरूपसों

हरिः = श्रीकृष्ण

श्रोतव्यः = श्रवण करिवेयोग्य

कीर्तितव्यः = कीर्तन करिवेयोग्य

च = अरु स्मर्तव्यः = स्मरण

हरेः = हरिके

आराधने = आराधनमें

मुक्तिः = मुक्ति

(भवति) = होत हे

भावार्थ : “आत्माको दर्शन करनो चाहिये, श्रवण करनो चाहिये, मनन करनो चाहिये, निदिध्यासन करनो चाहिये” या श्रुतिवचनमें परमात्मदर्शनके अर्थ परमात्माके श्रवण-मनन-निदिध्यासनकी आज्ञा हे. तेसैं ही “वाको भजन करे” “वाको रसानुभव करे” एसेहु श्रुतिवचन हैं ॥५॥

श्रुतिकी न्याईं स्मृतिमें हु “तासों हे भारत ! अभय प्राप्त करिवेकी इच्छा राखिवेवारे मनुष्यकू सबन्के आत्मा, भगवान्, ईश्वर श्रीहरिको श्रवण-कीर्तन-स्मरण करने चाहिये” एसे कह्यो हे ॥६॥

इन सब वचनन्सों यह सिद्ध होत हे के अहन्ता-ममतात्मक संसारकू छांडिवेकी इच्छा करिवेवारे मनुष्यकों प्रभुको आराधन ही मुक्तिरूप जाननो ॥७॥

(तहां क्यों^१ अरु कैसे^२ गुरु आवश्यक होत हे ताको निरूपण)

.....तत्प्रकारो निरूप्यते ॥७॥

“माहात्म्यज्ञानपूर्वोहि सुदृढः सर्वतोऽधिकः ॥

स्नेहो ‘भक्ति’रिति प्रोक्तः तया मुक्तिर्न चान्यथा” ॥८॥

माहात्म्यज्ञापनाद्यैव श्रवणं गुणकर्मणाम् ॥

शास्त्राणाम् उपयोगोऽत्र तत्राकांक्षा गुरोर् भवेत्^१ ॥९॥

“कृष्णसेवा-परं वीक्ष्य दम्भादि-रहितं नरम् ॥

श्रीभागवततत्त्वज्ञं भजेत् जिज्ञासुरादरात्”^२ ॥१०॥

(अतः परं) = तासों अब

तत्प्रकारो = वाके प्रकारको

निरूप्यते = निरूपण करत हों

एव = निश्चित रूपसों

(साधनम्) = साधन हे, अत्र = यामें

शास्त्राणाम् = शास्त्रन्को

माहात्म्यज्ञानपूर्वः = माहात्म्यके	उपयोगः = उपयोग / आवश्यकता
ज्ञानपूर्वक, हि = निश्चितरूपसों	(अस्ति) = होत हे
सुदृढः = सुदृढ	तत्र = तामें
सर्वतोधिकः = सबसों अधिक	गुरोः = गुरुकी
स्नेहः = स्नेह, भक्तिः = भक्ति हे	आकांक्षा = आवश्यकता
इति = एसें, प्रोक्तः = कह्यो हे	भवेत्=होत हे, जिज्ञासुः=
तथा = तातें	ज्ञान प्राप्तिकी इच्छावारो
मुक्तिः = मुक्ति होत हे	कृष्णसेवापरं = कृष्णसेवामें तत्पर
अन्यथा = ओर काहु प्रकारसों	दम्भादिरहितं = दम्भ आदिसों रहित
न च = नाही होत हे	श्रीभागवततत्त्वज्ञं = भागवतपुराणके
माहात्म्यज्ञापनाय = माहात्म्यको	तत्त्वकों जानिवेवारे, नरम् = नरकों
जनायवेके काज	वीक्ष्य = परीक्षण करिके
गुणकर्मणाम् = गुण-कर्मनों	आदरात् = आदरसों
श्रवणम् = सुननो	भजेत् = भजन करे

भावार्थ : तासों अब भगवद्भजनरूप मुक्तिकी प्राप्ति जा साधनसों होय वा साधनके प्रकारको निरूपण करत हों. शास्त्रमें भक्तिके लक्षणको निरूपण “प्रभुके माहात्म्यके ज्ञान पूर्वक प्रभुमें सुदृढ अरु सबसों अधिक स्नेह इतनें भक्ति एसें कह्यो हे. एसी भक्तिसों ही मुक्ति होत हे, अन्य काहु प्रकारसों मुक्ति नाही होत हे” या प्रकारसों कह्यो हे ॥८॥

या वचनमें प्रभुके गुण-कर्मनोंको श्रवण करनो ताकों माहात्म्यज्ञानको साधन कह्यो हे. सो तो शास्त्रतें होई सकत हे तातें शास्त्रके अध्ययनकी आवश्यकता परत हे. शास्त्रको अध्ययन गुरु विना न सम्भवे तातें गुरुकों ही सर्वप्रथम साधन मान्यो गयो हे ॥९॥

तातें प्रभुको माहात्म्यज्ञान प्राप्ति करिवेकी इच्छावारो जीव जो कृष्णसेवामें तत्पर होय, दम्भ आदिसों रहित होय अरु श्रीमद्भागवतपुराणके तत्त्वकों जानिवेवारे नरको परीक्षण करिके आदरसों भजन करे ॥१०॥

(स्वमार्गीय गुरुको प्रथम कर्तव्य : भगवत्प्रपत्तिके काज दैवी जीवनकों प्रेरित करनों)

देहद्रोण्या यियासूनां परं पारं भवाम्बुधेः ॥
गुरुणा कर्णधारेण* 'ह्युत्तार्या स्वोपदेशतः ॥११॥
“यो ब्रह्माणं विदधाति पूर्वं यो वै वेदांश्च प्रहिणोति तस्मै ॥
तं ह देवम् आत्म-बुद्धिप्रकाशं मुमुक्षुर्वै शरणमहं प्रपद्ये” ॥१२॥
“सर्वधर्मान् परित्यज्य मामेकं शरणं व्रज ” ॥
इति श्रुत्या तथा स्मृत्या प्रपत्त्यादेशमादितः ॥१३॥

देहद्रोण्या = देहरूपी नावद्वारा	उत्तार्याः = पार उतारने चहिये
भवाम्बुधेः = भवसागरकी	यः = जो, पूर्वं = पहिले
परं = पल्ली, पारं = पार	ब्रह्माणं = ब्रह्माजीकों
यियासूनां = जायवेकी इच्छावारेकों	विदधाति = बनावत हे
स्वोपदेशतः = अपने उपदेशनों	यः = जो, वै = निश्चितरूपसों
हि = ही	तस्मै = विनकों, वेदान् = वेदनों
कर्णधारेण = कर्णधाररूपी	च = हु, प्रहिणोति = दानहु देत हें
गुरुणा = गुरुद्वारा	तं = वा, ह = प्रसिद्ध
आत्मबुद्धिप्रकाशं = आत्मतया	परित्यज्य = पूर्णतया छाड़िके
बुद्धिसों प्रकाशित होयवेवारे	माम् = मेरे, एकं = एकके
देवम् = देवकों, अहं = में	शरणं = शरण, व्रज = आय जा
मुमुक्षुः = मुक्त होयवेकी इच्छावारो	इति = एसी, श्रुत्या = श्रुतिनों
वै = पूर्णरूपसों, शरणं = शरण	तथा = अरु, स्मृत्या = स्मृतिनों
प्रपद्ये” = जात हों	आदितः = प्रारम्भसों
सर्वधर्मान् = सब धर्मनों	प्रपत्त्यादेशम् = शरणागतिको आदेश हे

भावार्थ : देहरूपी नावके द्वारा संसारसमुद्रकी पल्लीपार जायवेकी इच्छावारेकी नावकों ताको कर्णधार - नाव खेयवेवारो गुरु अपने उत्तम उपदेशनों पार उतारे ॥११॥

श्वेताश्वतर उपनिषद्में कह्यो हे जो “जो पूर्वमें ब्रह्माजीको प्रकट करत हे अरु तिनको वेदन्को दान देत हैं वा आत्मबुद्धिसो प्रकाशित होयवेवारे देवकी शरणमें मैं जात हों” ॥१२॥

भगवद्गीतामेंहु भगवान्ने स्वमुखसो अर्जुनको आज्ञा कीनि हे जो “सब धर्मन्को त्याग करिके केवल मेरे शरण आव” एसें श्रुति अरु स्मृति में सर्व प्रथम शरणागत होयवेको आदेश हे ॥१३॥

(स्वमार्गीय द्विजकुलके शिष्यन्को कर्तव्य)

प्रेम्णोपदेश-श्रवणात् * प्रपत्तिः प्रेम-कारणम् ॥
अतो मूलाभिषेको हि कार्यस् तेनास्य सेवने ॥१४॥
नहि देहभृता शक्यं कर्म त्यक्तुम् अशेषतः ॥
अतः स्वधर्माचरणं भार-द्वैगुण्यम् अन्यथा ॥१५॥
स्वधर्माचरणं शक्त्या ह्यधर्मात्तु निवर्तनम् ॥
इन्द्रियाश्व-विनिग्राहः सर्वथा न त्यजेत् त्रयं ॥१६॥
इति भागवतो धर्मः श्रीमदाचार्य-सम्मतः ॥
भक्ति-शास्त्रानुकूल्येन स्वधर्माचरणं भवेत् ॥१७॥

प्रेम्णा = प्रेमके सहित	अन्यथा = नहीं तो
उपदेशश्रवणात् = उपदेश सुनिवेशों	भारद्वैगुण्यम् = दुगनो भार
प्रपत्तिः = शरणागति ही	(स्यात्) = होत हे
प्रेमकारणम् = प्रेमको प्रकट	शक्त्या = शक्ति अनुसार
करिवेको कारण	हि = ही
(भवति) = होत हे	स्वधर्माचरणम् = स्वधर्मको आचरण
अतः = ताते, तेन = वाकों	अधर्मात् = अधर्मते, तु = तो
(मुमुक्षुणा) = मुमुक्षुकों	निवर्तनम् = सर्वथा दूर रहनो
अस्य = याके	इन्द्रियाश्वविनिग्राहः = इन्द्रियरूपी
(भगवतः) = भगवान्के	अश्वन्को निग्रह करनो

सेवने = सेवनमें	(एतत्) = ये, त्रयं = तीन
मूलाभिषेकः = मूलमें अभिषेक	सर्वथा = कबहु, न = नाही
कार्य = करनो	त्यजेत् = त्यागने
देहभृता = देहवारेतें	इति = ये, श्रीमदाचार्यसम्मतः =
कर्मः = कर्मको	श्रीवल्लभाचार्यजीको मान्य
अशेषतः = पूर्णरूपसों	भागवतः = भगवत्सम्बन्धि
त्यक्तुं = त्याग करनो	धर्मः = धर्म (अस्ति) = हे
न = नाही, हि = ही	स्वधर्माचरणं = स्वधर्मको आचरण
शक्यम् = सम्भव हे, अतः = ताते	भक्तिशास्त्रानुकूल्येन =
स्वधर्माचरणम् = स्वधर्मानुसार	भक्तिशास्त्रके अनुकूल रहिके
आचरण(कार्य) = करनो	भवेत् = होत हे

भावार्थ : उपर्युक्त लक्षणवारे गुरुके मुखतें श्रद्धाप्रेमसों भगवच्छास्त्रके उपदेशको श्रवण करिवेतें भक्तिके कारणरूप भगवान्को शरण सिद्ध होत हे. कलिकालमें कल्याणकारी सब शास्त्रीय साधन जब दुःसाध्य होय गये हैं तब अन्यान्य साधनमें श्रम नाही करिके सर्वमूलभूत भगवत्-शरणरूप उपायको ही सेवन करनो ॥१४॥

देहधारीतें कर्मन्को पूर्णरूपसों त्याग सम्भव नाही होत हे. तासों अपने-अपने वर्ण अरु आश्रम के धर्मानुसार कर्म करने. एसें न करे तो स्वधर्माचरणकी उपेक्षा अरु स्वच्छन्द आचरण एसें दोष आय परें ॥१५॥

तासों शक्ति अनुसार स्वधर्मको आचरण करनो, अधर्माचरण सर्वथा न करनो ओर इन्द्रियरूपी अश्वन्को विशेषरूपसों निग्रह करनो. इन तीनों बातन्को त्याग सर्वथा न करनो ॥१६॥

या प्रकारको भागवत धर्म महाप्रभु श्रीवल्लभाचार्यकों मान्य हे. निज वर्णाश्रमधर्मके आचरण करिवेमेंहु भक्तिशास्त्रसों अनुकूल वर्णाश्रमधर्मको आचरण करनो इतनो विशेष हे ॥१७॥

(तहां निजशाखाके अनुसार षोडशसंस्कार तथा तन्मूलक आह्निक शौचाचार^१-

६ आदि भक्त्युपयोगी होयवेतें द्विजशरीरके धारण करिवेवारेन्के काज आवश्यक होत हें)

गर्भाधानादि-संस्कारैः द्विजैर्मौञ्ज्यन्त-सम्भवैः ॥
देहः संशोधनीयो हि हरिभावो न चान्यथा ॥१८॥

मौञ्ज्यन्त-सम्भवैः =	संशोधनीयः = शुद्ध करनो चाहिये
मौञ्जीबन्धन पर्यन्त होते	अन्यथा = एसें न करे तो
गर्भाधानादि-संस्कारैः =	च = निश्चय ही
गर्भाधान आदि संस्कारसों	हरिभावः = ब्रह्मभाव
द्विजैः = द्विजन्कों	न = नाही
देहः = देह, हि = अवश्य	(भवति) = होत हे.

भावार्थ : गर्भाधान संस्कारसों लेयके मौञ्जीबन्धनरूप यज्ञोपवीत संस्कार पर्यन्त सब संस्कारसों द्विज इतनें ब्राह्मण-क्षत्रिय-वैश्य अपने देहको संशोधन करे. एसें करेतें देह पवित्र होई तब देहमें भगवद्भावकी योग्यता सिद्ध होत हे अन्यथा नाहिं ॥१८॥

शौचाचार-विहीनस्य आसुरावेश-सम्भवात् ॥
ततः स्वाह्निक-धर्माणाम् आचारोऽपि प्रसज्यते ॥१९॥

शौचाचारविहीनस्य =	ततः = तातें
शुद्धि आदि आचारसों रहितकों	स्वाह्निकधर्माणां = अपने दैनिक धर्मन्के
आसुरावेशसम्भवात् = आसुरावेश	आचारः = आचार, अपि = हु
होयवेकी सम्भावना होयवेतें	प्रसज्यते = प्राप्त होत हें

भावार्थ : जो व्यक्ति शुद्धि आदिके आचारको यथाविधि पालन नाहिं करत हे तिनके देहेन्द्रियन्में आसुरावेश होयवेकी पूर्ण सम्भावना रहत हे. तातें अपने-अपने

नित्य कर्मन्को आचरणहु करनो चाहिये ॥१९॥

स्नानं^१ स्रध्याजपो^२ होमः^३ स्वाध्यायः^४ पितृतर्पणम्^५ ॥
वैश्वदेवकदेवार्चा^६ इति षट्कर्मकृद् भवेत् ॥२०॥

(सः) = वो	पितृतर्पणम् = पितृन्को तर्पण
स्नानं = स्नान	वैश्वदेवक-देवार्चा = वैश्वदेवके
स्रध्याजपः = स्रध्या अरु जप	देवको अर्चन, इति = इन
होमः = होम	षट्कर्मकृत् = छे कर्म करिवेवारी
स्वाध्यायः = अधीत वेदको आवर्तन	भवेत् = होय

भावार्थ : सो छे नित्यकर्म या प्रकार जानें : शास्त्रविधिसों स्नान, स्रध्या ओर जप, होम, पढ़े भये वेदको आवर्तन, पितृतर्पण, वैश्वदेवके देवको पूजन - इन छे कर्मन्कों द्विज नित्य करे ॥२०॥

यथा हि स्कन्ध-शाखानां तरोर्मूलाभिषेचनम् ॥
तथा सर्वाहृणं यस्मात् परिचर्याविधिर्हरैः ॥२१॥
अतस् तदनुरोधेन नित्यकर्मकृतिर् वरा ॥
अन्यथातु कृतिर्व्यर्था त्रैवर्ग्यविषया यतः ॥२२॥

यथा = जेसें, तरोः = वृक्षके	अतः = तासों
मूलाभिषेचनं = मूलमें कर्यो जातो	तदनुरोधेन = वाके अनुसार
जलको सेचन, हि = ही	नित्यकर्मकृतिः = नित्यकर्म करने
स्कन्ध-शाखानां = छोटी-बड़ी	वरा = श्रेष्ठ(स्यात्) = होत हें
शाखान्कूं(अपि = हु	अन्यथा = एसें न करे तब
भवति) = प्राप्त होय जाय हे	तु = तो, कृतिः = कर्यो भयो
तथा = ताही प्रकारसों	व्यर्था = निष्फल

हरे: = हरिकी	(स्यात् = होत हे
परिचर्याविधि: = सेवाविधि हु	यत: = क्योंके
(अस्ति) = हे, यस्मात् = वासों	(सा) = वो कृति
सर्वार्हणम् = सबन्को पूजन	त्रैवर्ग्यविषया = त्रिवर्ग सम्बन्धी
(भवति) = होय जात हे	(भवेत्) = होत हे

भावार्थ : जेसें वृक्षके मूलमें जल डारिवेतें वृक्षके पत्र, छोटी-बड़ी शाखा आदि सब भागनमें जल आपुही पहुँचि जात हे तेसें ही श्रीकृष्णकी सेवाविधिसों सबकी पूजा होय जात हे. तातें वा अनुसार ही नित्यकर्म करनो उत्तम हे. यदि एसें न करे तो (जेसें वृक्षके मूलमें जल न डारे ओर वाके डाली-पत्तान्पें जल डारतो रहे तो जलहु व्यर्थ जाय अरु वृक्षहु सूकि जाय एसें) सब कर्म निष्फल होइ जात हैं. क्यों ? जो कर्मन्सों पूज्य तो पुरुषोत्तम श्रीकृष्ण ही हैं, विनकों छांडिके कर्म करे तो कर्मबन्धनसों छूटिवेके स्थानपें कर्मन्सों ओर अधिक बंध जाय. क्यों ? जो एसे कर्म तो धर्मार्थ-कामरूप त्रिवर्गकोंही सिद्ध करत हैं ॥२२॥

**गर्भाधानादिसंस्कारैः स्वशाखोक्तैर् द्विजो युतः ॥
गुरुं प्रपद्येद् ॥**

अतः = तातें	गर्भाधान आदि संस्कार
स्वशाखोक्तैः = अपने वेदकी	युतः = वारो
शाखामें कहे अनुसार	(द्विजः) = ब्राह्मण-क्षत्रिय-वैश्य
गर्भाधानादिसंस्कारैः =	गुरुं = गुरुके, प्रपद्येत् = शरणमें जाय

भावार्थ : तातें जो द्विज त्रिवर्गमें बंधिवो न चाहत होय तो ताकों अपने वेदकी शाखामें निरूपित गर्भाधान आदि संस्कारसों संस्कृत होयके भक्तिमार्गीय गुरुकी शरणमें जायवो उचित हे.

(द्विजेतर शिष्यन्के कर्तव्यको निरूपण)

.....अन्यस्तु सदाचारोऽस्य संश्रयात् ॥२३॥

अस्य = याके	(द्विजेतरस्तु) = द्विजसों भिन्न तो
(द्विजस्य) = द्विजको	सदाचारः = सदाचार परायण
संश्रयात् = भलीभांतिसों आश्रय लेयके	(सन्) = होयके(गुरुं = गुरुके
अन्यस्तु = अन्य तो	प्रपद्येत्) = शरणमें जावे

भावार्थ : ओर जो द्विज न होय तो शास्त्रमें कहे अनुसार द्विजनकी परिचर्या करे ओर सदाचार परायण रहिके भक्तिमार्गीय गुरुकी शरण जावे ॥२३॥

(प्रपत्तिमार्गमें दीक्षितन्कों^क वैष्णवाचारको^ख परिपालन करनो. तामें प्रथम सप्तविध भक्ति^{ग/१-७} को उपदेश)

**लब्धवानुग्रहम् आचार्यात् श्रीकृष्णशरणं जनः^क ॥
धारयेत् तिलकं मालां वैष्णवाचारतत्परः ॥२४॥**

आचार्यात् = आचार्यतें	वैष्णवाचारतत्परः =
अनुग्रहम् = कृपा, च = ओर	वैष्णवमार्गके आचारमें तत्पर
श्रीकृष्णशरणं = श्रीकृष्णके	(सन्) = होयके
शरणमन्त्रकी दीक्षा	तिलकं = ऊर्ध्वपुण्ड्र तिलक
लब्ध्वा = प्राप्त करिके	च = ओर, मालां = माला कों
जनः = दीक्षित जन	धारयेत् = धारण करे

भावार्थ : पुष्टिभक्तिमार्गमें रुचिवारो व्यक्ति पुष्टिभक्ति सम्प्रदायके सुयोग्य आचार्यवंशजकी कृपा प्राप्त करिके सर्वप्रथम विनतें श्रीकृष्णके नाममन्त्रवारी शरणदीक्षाकों प्राप्त करे. एसें भगवन्मार्गमें दीक्षित होयके ललाटपे कुंकुमसों ऊर्ध्वपुण्ड्र तिलक अरु कण्ठमें तुलसीकाष्ठकी माला सदा धारण करे ॥२४॥

सर्वस्वं हरिसात्कार्यं त्यजेत् सर्वम् अवैष्णवम् ॥
हिंस्र-काम्याऽन्यदेवार्चा यदि नित्यं च लौकिकम् ॥२५॥

(ततः = ता पाछें तेन) = वाकों, सर्वस्वं = सब कुछ हरिसात्कार्यम् = हरिके अधीन करनो (च = अरु, सः) = वो अवैष्णवम् = वैष्णवमार्गसों भिन्न सर्व = सब, त्यजेत् = छांड़े लौकिकं = लौकिक (चेत् = होंय

हिंस्र-काम्याऽन्यदेवार्चाः = हिंसावारे तथा कामनावारे कर्म अरु अन्य देवतान्को अर्चन त्यजेत्, = छांड़े, नित्यं = प्रतिदिना करिवेके कर्म च = हु, यदि = जो तदापि) = सोहु त्यजेत् = छांड़े

भावार्थ : वैष्णव भये पाछें अपनो सर्वस्व श्रीहरिके आधीन करनो. जो कुछ अवैष्णव आचार पूर्वमें करत होंय सो सब छोड़ने. जीवहिंसा जामें होती होय ऐसे कर्म, काम्य कर्म अरु अन्यदेवतान्की पूजा-अर्चना सब छांड़े. नित्य-नैमित्तिक शास्त्रीय कर्महु यदि वैष्णवमार्गसों विपरीत होंय तो विनकों हु छांड़े. एसे ही लोकतः प्राप्त वैष्णवतासों विपरीत कार्यन्को हु त्याग करे ॥२५॥

पूर्वभाण्डादिकं सर्वं परित्यज्य विशुद्धितः^ख ॥
श्रवणादिपरो नित्यं हरेः प्रेमास्पदो भवेत् ॥२६॥

पूर्वभाण्डादिकं = पहिलेके पात्र आदि, सर्व = सब कुछ परित्यज्य = काढिके विशुद्धितः = विशेष पवित्रतातें नित्यं = सदा

श्रवणादिपरः = श्रवणादिमें परायण (सन्) = होयके हरेः = श्रीकृष्णको प्रेमास्पदः = प्रेमभाजन भवेत् = बनें

भावार्थ : दीक्षित होयवेतें पहिले अपने उपयोगमें आवते सब पात्रादिक काढिके

नवीन पात्रादिक लावने. स्ववर्णाश्रमानुसार विशेष आग्रहसों स्नान-खान-पान-वस्त्र-स्पर्श आदिमें सदा शुद्धि राखे. एसेही भगवत्सम्बन्धी श्रवण-कीर्तनादिमें सतत तत्पर रहे. एसें करतें भक्त प्रभुकों प्रिय होत हे ॥२६॥

हरेर्गुणानां श्रवणं ज्यायोभ्यः शृणुयात् सदा^{ग/१} ॥
जातशिक्षः यवीयोभ्यः कीर्तयेदन्यथैकलः^{ग/२} ॥२७॥

हरेः = हरिके गुणानां = गुणन्को श्रवणं = श्रवण (कुर्यात्) = करे ज्यायोभ्यः = बड़ेन्तें (च) = हु, सदा = सदा शृणुयात् = श्रवण करे

जातशिक्षः = स्वयं अध्ययन (सन्) = करिके यवीयोभ्यः = छोटेन्के ताई कीर्तयेत् = कीर्तन करे अन्यथा = नहिं तो एकलः = इकलोहु (कीर्तयेत्) = कीर्तन करे

भावार्थ : बड़ेन्सों सदा भगवत्सम्बन्धी श्रवण करे. जो श्रवण कीनो होय वाकी दृढताके अर्थ स्वयंहु वाको अभ्यास करे. सङ्गी भक्तन्के आगे भगवत्कीर्तन करे. सत्पुरुषको सङ्ग प्राप्त न होय तो इकलो ही भगवत्कीर्तन करे ॥२६॥

अतिसुन्दररूपाणि लीलाधामानि संस्मरेत्^{ग/३} ॥
पादसेवा हरेः कार्या सर्वसम्पन्निकेतनैः^{ग/४} ॥२८॥

हरेः = हरिके अतिसुन्दररूपाणि = अत्यन्त सुन्दर रूपन्को, च = अरु लीलाधामानि = लीलाधामन्को संस्मरेत्, = सतत स्मरण करे

सर्वसम्पन्निकेतनैः = अपने घर-धन-सम्पत्तिसों, हरेः = प्रभुके पादसेवा = चरणकमलकी सेवा (अपि) = हु कार्या = अवश्य करनी

भावार्थ : जेसैं भगवत्सम्बन्धी श्रवण-कीर्तन करे एसैं ही प्रभुके सर्वाधिक सुन्दर स्वरूप अरु प्रभुके अलौकिक लीलाधामन् को हु सतत स्मरण करतो रहे. एसैंही प्रभुके चरणकमलकी सेवाहु अपने घर-धन आदि सर्वस्वके विनियोगपूर्वक अवश्य करे ॥२७॥

अर्चनं प्रत्यहं तस्य विधिना नियमेन च^{१/५} ॥

वन्दनं चरणाम्भोजे तस्य भावनयाखिले^{१/६} ॥२९॥

प्रत्यहं = प्रतिदिन	च = ओर, अखिले = सब
नियमेन = नियमसों	जगति = जगत्में
विधिना = विधिसों	तस्य = विनकी
तस्य = विनको	भावनया = भावनासों
अर्चनं = अर्चन	चरणाम्भोजे = विनके चरणकमलमें
(कुर्यात्) = करे	वन्दनं = वन्दन, (कुर्यात्) = करे

भावार्थ : माहात्म्यज्ञानपूर्वक लोकविलक्षण उपचारन्सों प्रतिदिन नियमसों प्रभुकी सेवा करे. समग्र जगत्में भगवदात्मकताको भाव राखिके अपनेमें भगवदंशताको दैन्यपूर्वक स्मरण करिके श्रद्धा पूर्वक प्रभुके चरणकमलमें वन्दन करे ॥२९॥

दास्यं तदेकशरणं तत्प्रसादैक-भोजनम्^{१/७} ॥

एवं सप्तविधा भक्तिः प्रपन्नाधिकृता भवेत् ॥३०॥

तदेकशरणं = एक वाको ही शरण	सप्तविधाः = सात प्रकारकी
तत्प्रसादैकभोजनं = वाके उच्छिष्ट	भक्तिः = भक्ति(के काज)
प्रसादको ही भोजन	प्रपन्नाधिकृता = शरणागतिसमें

दास्यं = दासपनों, एवं = एसैं अधिकारी, भवेत् = होत हे

भावार्थ : एकमात्र श्रीकृष्णको ही आश्रय (अनन्यता) अरु श्रीकृष्णको समर्पित पदार्थको ही भोजन (समर्पित जीवन) ताको 'प्रभुको दासपनी' कहत हैं. या प्रकारसों श्रवणसों लेयके दास्य पर्यन्त सात प्रकारकी भक्तिके सम्यग् अनुष्ठानसों शरणागति सिद्ध होत हे ॥३०॥

(प्रपत्तिमार्गमें दीक्षितन्को वैष्णव व्रतोत्सव^१ पञ्चयज्ञ^२ तीर्थवास^३ वैष्णवतिलकादि बाह्याभ्यन्तर चिह्नको^{४-७} धारण आदिको उपदेश)

पूर्वविद्धं परित्याज्यं व्रतं तद्विष्णुपञ्चकम् ॥

* जयन्ती तूदयेऽन्येन दुष्टान्याप्यरुणोदयात् ॥३१॥

विष्णुपञ्चकं = विष्णुसम्बन्धी पांच	अन्येन = दूसरी तिथिसों
(चार्यों रामनृसिंहवामनकृष्णजयन्ती	दुष्टा = दूषित, (च) = अरु
अरु पांचमी एकादशीको) व्रतं = व्रत	अन्या = दूसरी
पूर्वविद्धं = पूर्व तिथिके वेधवारे	(एकादशी) = एकादशी अपि = हु
(चेत्) = हों तो, तत् = तिनको	अरुणोदयात् = सूर्यादयतें
परित्याज्यम् = तजने	(दुष्टा = दोषवारी
जयन्ती = जन्मोत्सव	चेत्) = यदि होय तो
तु = तो, उदये = सूर्योदयमें	त्याज्या = तजनी

भावार्थ : पूर्व तिथिको जा तिथिमें वेध आंवतो होय वा दिन एकादशी, जयन्ती आदि विष्णुपञ्चक व्रतोत्सव तजने. सूर्योदय कालमें जो तिथि होय वाहीको वा दिनकी तिथि मानिके श्रीकृष्णजयन्ती आदि उत्सव करने. एसैं ही एकादशी हु अन्य तिथिके वेधवारी होय तो तजनी.

वर्षाश्रितान्युत्सवानि स्वाश्रितान्यपि यान्युत^१ ॥

तानि सर्वाणि हरये *^{५५७}ह्यनुकूलानि चार्पयेत् ॥३२॥

यानि = जो	अपि च = हु (उत्सव)
वर्षाश्रितानि = वर्षभरके	अनुकूलानि = अनुकूल
उत्सवानि = उत्सव, उत = अरु	(चेत्) = होय तो
स्वाश्रितानि = स्वमनोरथजनित	तानि = तिनको
सर्वाणि = सभी तरहसों	हरये = हरिकों
हि = अवश्य	अर्पयेत् = अर्पित करे

भावार्थ : वर्षभरमें आंवते उत्सव अरु स्वमनोरथसों जनित उत्सव हु साधन-सम्पत्ति, स्वास्थ्य, समय आदिकी अनुकूलता होय तो विन सबकोहु अवश्य प्रभुनके साथ मनावने ॥३२॥

श्राद्धानि चोत्तमान्येव वैश्वदेवं च दैवकम् ॥
हरेः प्रसादतः कुर्यात् ततस् तृप्तिरनुत्तमा ॥३३॥

उत्तमानि = उत्तम	कुर्यात् = करने, ततः = तासों
श्राद्धानि = श्राद्ध, च = अरु	(पितृणां = पितृनको
वैश्वदेवं = वैश्वदेव	च = अरु, देवानां) = देवतानको
दैवकं = देव सम्बन्धी	अनुत्तमा = उत्तमोत्तम
च = अवश्य, हरेः = हरिके	तृप्तिः = सन्तोष
प्रसादतः = प्रसादसों	(भवति) = होत हे

भावार्थ : उत्तम श्राद्धादिक अरु विश्वेदेव सम्बन्धी अरु अन्यहु देवता सम्बन्धी सर्व कार्य आग्रहसों भगवन्महाप्रसादसों ही करे. तातें पितृनको अरु भगवानके कर्मसचिव देवतानको हु उत्तमोत्तम तृप्ति होत हे ॥३३॥

प्रसादोऽपि बलिः कार्यः स्वात्मसंस्कारएव सः ॥
अन्नस्य चात्मनश्चापि तत्संस्कारेण तत्परः ॥३४॥

बलिः = भूतयज्ञ, अपि = हु	कार्यः = करना, सः = वो
प्रसादः = भगवन्महाप्रसाद(सों)	स्वात्मसंस्कारः = आत्मसंस्कार
एव=ही, भवति=होत हे	च अपि=हु
(अतः) = तातें	तत्संस्कारेण = वा संस्कारसों
अन्नस्य = अन्न, च = अरु	तत्परः = तत्पर
आत्मनः = आत्माको	(भवेत्) = होनो

भावार्थ : गोप्रास आदि भूतयज्ञहु प्रभुके महाप्रसादसोंही करने. वो अपने आत्माको संस्कार ही हे. तातें अन्न अरु आत्मा के वा ही संस्कारसों तत्पर रहेनो ॥३४॥

विप्रा गावो हरेर्भक्ताः सदा पूज्या हरेः प्रियाः ॥
गृहस्थस्यातिथिर्यस्मात् पूज्यो दीनो दयास्पदः ॥३५॥

विप्राः = ब्राह्मण, गावः = गाय	(ज्ञेयाः) = जान ने
हरेः भक्ताः = भगवद्भक्त	गृहस्थस्य = गृहस्थको
यस्मात् = क्योंके, हरेः = हरिके	अतिथिः = अतिथि
प्रियाः = प्रिय होत हैं	पूज्यो = पूज्य, (भवति) = होत हे
(तस्मात्) = तातें	दीनश्च = दुःखी, दयास्पदो = दयापात्र
सदा = सदा, पूज्या = पूज्य	(भवति) = होत हे

भावार्थ : ब्राह्मण, गाय अरु भगवद्भक्त प्रभुको प्रिय हैं तातें इन सबनको सत्कार अवश्य करना. याही प्रकारसों गृहस्थको अतिथि हु पूज्य होत हे. गृहस्थको दुःखी जननपें दयाभाव राखनो ॥३५॥

जगन्नाथे द्वारिकायां श्रीरङ्गे ब्रजमण्डले ॥

यत्र पूजाप्रवाहः स्यात् तत्र तिष्ठेच्च तत्परः ॥३६॥

जगन्नाथे = जगन्नाथपुरीमें
श्रीरङ्गे = श्रीरङ्गजीमें
ब्रजमण्डले = ब्रजमण्डलमें
यत्र = जहां, च = कहूं
पूजाप्रवाहः = पूजाको अनवरत क्रम

द्वारिकायां = द्वारिकापुरीमें
स्यात् = होय
तत्र = तहां
तत्परः = भगवान्में परायण
(सन् = होयके) तिष्ठेत् = रहनो

भावार्थ : जगन्नाथपुरी, द्वारिकापुरी, ब्रजमण्डल आदि भगवत्स्थानन्में जहां-कहु अनवरत भगवत्पूजा अनुष्ठित होती होय तहां भगवान्में परायण होयके रहे ॥३६॥

गङ्गादि-तीर्थ-वर्षेषु यथा चित्तं न दुष्यति^च ॥
श्रवणाद्यैः भजेदेवं श्रीभागवततत्परः ॥३७॥

गङ्गादितीर्थवर्षेषु = गङ्गाजी
आदि श्रेष्ठ तीर्थन्में
यथा = जैसे, चित्तं = चित्त
न = नाहीं
दुष्यति = दूषित होवे

एवं = एसें
श्रीभागवततत्परः = श्रीभागवतमें तत्पर
(सन् = होयके) एवं = तथा
श्रवणाद्यैः = श्रवण आदिसों
(प्रभुं) = प्रभुकों भजेत् = भजे

भावार्थ : गङ्गाजी आदि श्रेष्ठ तीर्थन्में, अति निकटता आदिके कारण तीर्थके अनादर आदिरूप दोषन्सों चित्त जैसे दूषित नाहीं होय वा प्रकारसों श्रीभागवतमें तत्पर होयके प्रभुको श्रवणादिसों भजन करे ॥३७॥

ऊर्ध्वपुण्ड्राणि मृन्मुद्रा तुलसी-काष्ठजापि स्रक् ॥
बाह्याङ्गान्तराणि स्युः भक्तेः शान्ति-विरक्तयः ॥३८॥

ऊर्ध्वपुण्ड्राणि = ऊर्ध्वपुण्ड्र तिलक
तुलसीकाष्ठजा = तुलसीकाष्ठकी
स्रक् = माला, अपि = हु
भक्तेः = भक्तिके

मृन्मुद्रा = गोपीचन्दनसों नामादि मुद्रा
बाह्याङ्गानि = बाह्य लक्षण, (च = अरु)
शान्तिविरक्तयः = शान्ति तथा विरक्ति
आन्तराणि = आन्तर लक्षण, स्युः = होत हैं

भावार्थ : ऊर्ध्वपुण्ड्र तिलक, गोपीचन्दनसों नामादिमुद्रा अरु तुलसीकाष्ठसों बनी माला ये भक्तिमार्गीके बाह्य लक्षण हैं. एसें ही शान्ति तथा विरक्ति भक्तिमार्गीके आन्तर लक्षण हैं ॥३८॥

शमो दमस्तपः शौचं क्षान्तिरार्जवमेव च ॥
दया दानं च विज्ञानं श्रद्धा दैवात्मसम्पदः ॥३९॥
दैवात्मसम्पदः पुंसः भक्तिर्भवति नैष्ठिकी^{च-ज} ॥

शमः = आन्तर इन्द्रियन्में संयम
दमः = बाह्य इन्द्रियन्में संयम
तपः = कष्टकों सहनो
शौचं = पवित्रता
क्षान्तिः = धैर्य / क्षमाशीलता
आर्जवं = सरलता
दया = दया, दानं = दान
विज्ञानं = तत्त्वज्ञान, श्रद्धा = श्रद्धा

च = इत्यादि
दैवात्मसम्पदः = दैवी जीवके गुण
एव = निश्चय(सन्ति = हैं)
दैवात्मसम्पदः = दैवी जीवके गुणवारे
पुंसः = पुरुषकों
भक्तिः = भक्ति, च = निश्चित
नैष्ठिकी = दृढनिष्ठावारी
भवति = होत हे

भावार्थ : आन्तर तथा बाह्य इन्द्रियन्में संयम, कष्टसहनो, शास्त्रीय सदाचारके अनुसार पवित्रता राखनी, धैर्य / क्षमाशीलता, सरलता, दया, दान, तत्त्वज्ञान, श्रद्धा इत्यादि दैवी जीवन्के गुण जाननें. एसे दैवी गुणवारे पुरुषकों भगवद्भक्ति निश्चय ही दृढनिष्ठावारी होत हे ॥३९॥

(इन गुणनके कारण भक्ति जब सर्वात्मभावापन्ना^१ होवे तब या लोकमें प्रपञ्चविस्मृतिपूर्वक भगवदासक्ति^२ अरु वैकुण्ठादि भगवल्लोकमें सेवोपयोगी देहकी प्राप्ति^३ हु फलित होत हे)

यया 'सर्वात्मभावा'ख्या परा सिद्धिः स्वयं भवेत्^१ ॥४० ॥

यया = जा(नैष्ठिक्या = दृढ, भक्त्या = भक्तिसौं) परा = उत्कृष्ट, सिद्धिः = सिद्धि
 'सर्वात्मभावा'ख्या = 'सर्वात्मभाव' स्वयं = आपुही
 नामसौं जानी जाती भवेत् = सिद्ध होत हे

भावार्थ : नैष्ठिकी भक्तिके कारण 'सर्वात्मभाव' नामसौं प्रसिद्ध उत्कृष्ट सिद्धि स्वयं ही प्राप्त होत हे ॥४० ॥

सर्ववस्तुषु वैराग्यं दोषदृष्ट्या विभावयेत् ॥
 दमनाद् इन्द्रियाणां च सन्तुष्ट्यापि च सिध्यति ॥४१ ॥

दोषदृष्ट्या = दोषवारी दृष्टिसौं दमनाद् = दमनते, च = अरु
 सर्ववस्तुषु = सब वस्तुनमें सन्तुष्ट्या = सन्तोषते
 वैराग्यं = वैराग्यकी अपि = हु
 विभावयेत् = विशेषरूपसौं भावना करे च = निश्चितरूपसौं (तद्=वो)
 इन्द्रियाणां = इन्द्रियनके सिध्यति = सिद्ध होत हे

भावार्थ : दोषदृष्टि राखिके सर्व वस्तुनमें वैराग्यकी विभावना करे. इन्द्रियनपें संयम अरु सन्तोष राखिवेतें हु अवश्य वैराग्य सिद्ध होत हे ॥४१ ॥

सर्वत्रैव विरक्तस्य रागः स्याद् नन्दनन्दने ॥
 तेनासक्तिश्च व्यसनं प्रपञ्चास्फुरणं^२ भवेत् ॥४२ ॥

सर्वत्र = सब ठिकाने नन्दनन्दने = श्रीकृष्णमें
 विरक्तस्य = विरक्तकों, एव = ही रागः = प्रेम, स्याद् = होत हे
 तेन = वारें, आसक्तिः = असक्ति प्रपञ्चास्फुरणं = प्रपञ्चकी विस्मृति
 व्यसनं = व्यसन च = हु, भवेत् = होत हे

भावार्थ : जो सर्वत्र वैराग्यवारो होय वारों ही नन्दनन्दन श्रीकृष्णमें प्रेम होत हे. प्रेमते आसक्ति होत हे, आसक्तिते व्यसन अरु प्रपञ्चकी अस्फूर्ति पूर्वक मनको भगवान्में निरोध सिद्ध होत हे ॥४२ ॥

एवं निरुद्धचित्तस्यानुगृहीतस्य चेशितुः ॥
 लीलाप्रवेशोऽपीष्टश्च "तस्मान् मच्छरणो" क्तितः ॥४३ ॥

एवं = या प्रकारसौं, ईशितुः = ईशके मच्छरण(म्) = में शरण हूं
 अनुगृहीतस्य = कृपावारे उक्तितः = या उक्तिसौं
 च = अरु लीलाप्रवेशः = भगवल्लीलामें प्रवेश
 निरुद्धचित्तस्य = निरुद्ध चित्तवारेको च = अरु, इष्टः = इष्ट
 "तस्मान् = ताते अपि = हु, (भवति = होत हे)

भावार्थ : या प्रकारसौं जाको चित्त प्रभुमें निरुद्ध भयो होय अरु जाके ऊपर प्रभुकी कृपा भई होय वाको लीलामें प्रवेश हु इष्ट ही हे सो गोवर्धनोद्धरणके समय भगवान्के "ताते में ही गोकुलको आश्रय हूं..." (भाग.पुरा.१०।२२ / २५।१८) इत्यादि वचनते सिद्ध होत हे ॥४३ ॥

(एसे तादृशी वैष्णवन्की या भूतलपे स्थिति अन्य जीवनके जेसी काल-कर्म-स्वभावाधीन होत नाहीं)

न पापं स करोत्येव प्रमादे त्वाशु निष्कृतिः ॥
अज्ञात-स्खलितानां च हरिरेव परा गतिः ॥४४॥

अशून्या दिवसा यामाः मुहूर्त-घटिका-लवाः ॥
भगवद्भजनैः कार्याः संसारासक्तिरन्यथा ॥४६॥

सः = वो, पापं = पाप
न = नाही, एव = ही
करोति, = करे हे
प्रमादे = अज्ञानमें, तु = तो
आशु = शीघ्र
निष्कृतिः = छुटकारा(भवति = होत हे)
अज्ञातस्खलितानां = अज्ञानसों
पतित भयेन्के, च = निश्चित
हरिः = हरि, एव = ही, परा = अन्तिम
गतिः = उपाय / साधन, (अस्ति) = हैं

दिवसाः = दिवस
यामाः = प्रहर; तीन घण्टा
मुहूर्त-घटिका-लवाः =
४८ मिनिट, २४ मिनिट, क्षण
भगवद्भजनैः = भगवद्भजनसों
अशून्याः = रहित नाही
कार्याः = करने
अन्यथा = नहीं तो
संसारासक्तिः = संसारमें आसक्ति
(भवति) = होय जात हे

भावार्थ : एसो भगवदीय कबहु पापकर्म नाही करत हे. कबहुक अज्ञानतें कोउ निन्दित / निषिद्ध आचरण होय जाय तो हु शीघ्रही वाके अपराधतें छूटी जात हे. तातें अज्ञानतें जिनको स्खलन होत हे विनकी एकमात्र गति श्रीहरि ही हैं ॥४४॥

भावार्थ : दिवस, प्रहर, घड़ी, क्षणमात्र हु भगवद्भजन विना न रहेनो. भगवद्भजन विना क्षणमात्रहु रहे तो संसारासक्ति होय जात हे ॥४६॥

* हरिर् भक्तापराधेषु दययैव प्रसीदति ॥
दोषेषु न गतिस्तस्मात् दोषान् सम्परिवर्जयेत् ॥४५॥

(जेसैं श्रीहरिको भजन, तेसेंइ श्रीहरिकी भावना राखिके गुरु अरु वैष्णव भक्तन् के प्रतिहु नमन, अर्चन तथा दैन्य निभावने)

गुरुसेवा गुरोराज्ञा गुरौ श्रीहरिभावना ॥
गुरौ भयं गुरौ सिद्धिः प्रपन्नः परिभावयेत् ॥४७॥

(यस्मात्) = क्योंके
तस्मात् = तातें
भक्तापराधेषु = भक्तके अपराधन्में
दोषान् = दोषन्कों
दोषेषु = दोषन्में
सम्परिवर्जयेत् = सम्पूर्ण रूपसों छोड़े
अन्या = दूसरो
हरिः = हरि
गतिः = उपाय
दयया = दयातें, एव = ही
न = नाही, (अस्ति = हे)
प्रसीदति = प्रसन्न होत हैं

(प्रपन्नेन = शरणागतकों)
गुरुसेवा = गुरुकी सेवा
(कर्तव्या = करनी) गुरोः = गुरुकी
आज्ञा = आज्ञा (पालनीया = पालनी)
गुरौ = गुरुमें, श्रीहरिभावना =
श्रीहरिकी भावना (कार्या = करनी)
गुरौ = गुरुमें, भयं = भय
(स्थापनीयम् = राखनो) (च = अरु)
गुरौ = गुरुमें, सिद्धिः = सिद्धि
(अस्ति इति = हे एसैं)
प्रपन्नः = शरणागत शिष्य
परिभावयेत् = आछी भांतिसों भावना करे

भावार्थ : भक्तन्की अपराध अथवा दोष मेंहु भगवदतिरिक्त अन्य कोई गति नाही हे. तातें दोषन्को पूर्णरूपसों त्याग करनो. तथा हरि विनपें दया करिके प्रसन्न ही रहत हैं एसो विश्वास राखनो ॥४५॥

भावार्थ : शरणागत शिष्य गुरुकी सेवा करे, गुरुकी आज्ञाको पालन करे, गुरुमें श्रीहरिकी भावना करे, गुरुको भय राखे, गुरुमें सिद्धिकी भावना करे. एसैं प्रकारसों शरणागत शिष्य रहे ॥४७॥

भक्तवृन्दान् नमेद् अर्चेद् दृष्ट्वा हृष्येत्(/हर्षं) समानयेत् ॥
भक्तेष्वेवं हरिं साक्षात् प्रसादेन व्यवस्थितम् ॥४८ ॥

भक्तवृन्दान् = भक्तजनन्कों समानयेत् = बुलावे
नमेद् = नमन करे भक्तेषु = भक्तन्में, एवं = एसें
अर्चेद् = सत्कार करे(तान् = विनकों) प्रसादेन = कृपासों
दृष्ट्वा = देखिके व्यवस्थितं = बिराजते, साक्षात् = साक्षात्
हृष्येत्, = प्रसन्न होय(गृहं = घरमें) हरिं = हरिकों (पश्येत्=देखे)

भावार्थ : भक्तजनन्कों प्रणाम करे, विनको सत्कार करे, अपुने घरमें विनकों बुलावे. भक्तन्के हृदयमें भगवान् सदा प्रसन्नतासों बिराजत हैं तातें भक्तन्में भगवान्को देखे ॥४८ ॥

विना भक्तप्रसङ्गेन सदगुरोः कृपया विना ॥
श्रीभागवतशास्त्रेण विना भक्तिः कथं भवेत् ॥४९ ॥

भक्तप्रसङ्गेन = भक्तके सङ्गके श्रीभागवतशास्त्रेण = श्रीभागवत शास्त्रके
विना = बिना, सदगुरोः = सदगुरुकी विना = बिना, भक्तिः = भक्ति
कृपया = कृपाके, विना = बिना कथं = केसें, भवेत् = होय

भावार्थ : भक्तके सङ्ग विना, सदगुरुकी कृपा विना तथा श्रीभागवत शास्त्र विना श्रीकृष्णमें भक्ति केसें होय सके ? ॥४९ ॥

विना गद्गदकण्ठेन द्रवता चेतसा विना ॥
विना नृत्येन गानेन हरिप्रीतिः कथं भवेत् ? ॥५० ॥

गद्गदकण्ठेन = भगवदावेशसों द्रवता = भगवत्स्नेहसों द्रवता
गद्गदित कण्ठके, विना = विना विना = विना, नृत्येन = नृत्यके
चेतसा = चित्तकी (च = अरु)गानेन = गानके, विना = विना
हरिप्रीतिः = हरिमें प्रेम, कथं = केसें, भवेत् = होय

भावार्थ : कीर्तन करत भगवदावेशसों कण्ठ गद्गदित न होय, स्मरण करत भगवत्प्रेमसों चित्त आर्द्र न होय, नृत्य-गान सहित भगवद्भजनके विना प्रभुमें प्रेम केसें होय ? ॥५१ ॥

“दैवी ह्येषा गुणमयी मम माया दुरत्यया ॥
मामेव ये प्रपद्यन्ते मायामेतां तरन्ति ते” ॥५१ ॥

एषा = ये, गुणमयी = गुणवारी (अस्ति = हे, अतः = तातें)ये = जो
दैवी = दैवी, मम = मेरी माम् = मोकों, एव = ही
माया = माया, हि = निश्चय ही प्रपद्यन्ते = शरणागत होंय हैं, ते = वो
दुरत्यया = कष्टसों जीतीजाय एसी
एतां = या, मायां = मायाकों, तरन्ति = तरि सके हैं

भावार्थ : ये गुणमयी मेरी दैवी माया निश्चय ही कष्टसों जीती जा सके एसी हे. तातें जो मेरी शरणमें आवे हे वो ही मेरी या मायाकों तरि सके हे ॥५१ ॥

(सृष्टिके कर्ता केवल भगवान् हैं, तासों ये सृष्टि भगवदात्मिका ,हे^१ सो या सृष्टिमें पुष्टिजीवकों भजनानन्दानुभवके प्रदानार्थ प्रकट किये हैं^२, तासों पुष्टिजीवकों भगवदनुग्रहार्थ नियोजित करनोहु भगवत्सेवा ही हे^३)

क्रीडार्थम् असृजत् पूर्वं स्वात्मना स्वात्मकं जगत् ॥
तत्र कायभवा पुष्टिः लीलासृष्टिर् अनुत्तमा ॥५२ ॥

(भगवान् = भगवान्नें)पूर्व = पहिले
स्वात्मना = आपुसों
स्वात्मकं = स्वात्मक-भगवदात्मक
जगत् = जगतकों
लीलासृष्टिः = लीलासृष्टि

क्रीडार्थी=क्रिडाके अर्थ
असृजत् = प्रकट कियो
तत्र = तामें, कायभवा = कायातें प्रकट
अनुत्तमा = उत्तमोत्तम
पुष्टिः = पुष्टिजीवनकी(अस्ति) = हे

भावार्थ : भगवान्नें पहिले तो क्रीडाके अर्थ आपुसों स्वात्मक इतनें भगवदात्मक जगत् प्रकट कियो. ता जगत्में जो दैवी जीव हैं तिनको अपनी कायातें प्रकटी पुष्टिसृष्टिकी उत्तमोत्तम लीलामें अङ्गीकार कियो ॥५२॥

**वामांश-सम्भवानान्तु भजनानन्दलब्धये ॥
विसृष्टानां ततोऽन्येषां नान्या साधनपद्धतिः ॥५३॥**

भजनानन्दलब्धये = भजनानन्दको तु = तो,
दान करिवेके अर्थ ततः = तातें
विसृष्टानाम् = विशेष हेतुसों प्रकट भये अन्या = भिन्न दूसरो
वामांश-सम्भवानाम् = वाम अंशसों साधनपद्धतिः = उपाय, न = नाहीं
प्रकटभयेन्कों, अन्येषां = अन्यन्कों (अस्ति) = हे

भावार्थ : प्रभुके वाम अंशसों प्रकट भये जीव के जिनकों प्रभून्नें भजनानन्दको दान करिवेकों प्रकट किये हैं विनकों यातें भिन्न दूसरो कोई उपाय नाहीं हे ॥५३॥

**“यस्यायम् अनुगृह्णाति भगवान् आत्मभावितः ॥
स जहाति मतिं लोके वेदे च परिनिष्ठिताम्” ॥५४॥**

अयं = ये सः = वो, लोके = लोकमें
आत्मभावितः = आत्मासों भावित च = अरु, वेदे = वेदमें

भगवान् = भगवान्, यस्य = जाकु परिनिष्ठिताम् = अत्यन्त स्थिर
अनुगृह्णाति = अनुगृहकरे हैं मतिं = मतिकों, जहाति = त्याग दे हे

भावार्थ : आत्मतया भावित भगवान् जापें कृपा करे हैं वो भक्त लोक अरु वेद में परिनिष्ठित अपनी मतिकों हु त्याग दे हे ॥५४॥

*** ‘अनुग्रहे नियोज्योऽतः संग्रहः श्रुतिसम्मतः ॥
महतां समयो मानं महान्तोऽत्र हरेः प्रियाः ॥५५॥**

अतः = तातें(एतादृशः = एसे) (अस्ति = हे)अत्र = यहां
अनुग्रहे = अनुग्रहमें मानं = प्रामाण
नियोज्यः = प्रेरित करने महतां = महापुरुषन्को
(भवति = चहिये)(तादृशं = वेसो समयः = समय/व्यवहार(अस्ति = हे)
तु = तो)संग्रहः = संग्रह हरेः = हरिके, प्रियाः = प्रिय
श्रुतिसम्मतः = वेद सम्मत महान्तः = महान्, (सन्ति) = हैं

भावार्थ : भगवद्भक्तिमें मति स्थिर होय तदर्थ लोक-वेदमें आसक्त दैवी जीवन्कों भगवद् अनुग्रहमार्गके प्रति प्रेरित करने चहिये. एसो लोकसंग्रह (परोपकार) हु वेदसम्मत ही हे. यहां प्रमाण महान् पुरुषन्को आचर हु हे. भगवान्कों जे प्रिय हैं वे ही वस्तुतः महान् हैं ॥५५॥

(श्रीमद्भागवतके “रतिरासो...” ३।७।१८ श्लोकमें निरूपित भजनानन्दकी उपलब्धिके काज आत्मसमर्पणादि साधनन्को निरूपण)

**अतस् तदनुरोधेन ‘रतिरासो’ यथा भवेत् ॥
तदर्थं वरणं कार्यं *श्रीगोपालमहामनोः ॥५६॥**

अतः = तातें ‘रतिरासः’ = रतिरासरूप भजनानन्द

तदनुरोधेन = वाके अनुसार भवेत् = सिद्ध होय
यथा = जैसे तदर्थ = वाके अर्थ

श्रीगोपालमहामनोः = श्रीगोपालमन्त्रको / “रतिप्रादुर्भावो भवतु सततं श्रीपरिवृढे”
या स्तोत्रको, वरणं = वरण, कार्यं = करना

भावार्थ : (“यत्सेवया भगवतः ...रतिरासो भवेत्” श्लोकमें गुरुसेवाको भक्त्युपयोगी बताई हे) ताते गुरुकी आज्ञाके अनुसार जैसे रतिरासरूप भजनानन्द सिद्ध होय वाके अर्थ गोपालमन्त्र अथवा परिवृढाष्टक स्तोत्रको नित्य अनुसन्धान करना ॥५६॥

नायमात्मा प्रवचनैर् न धिया न बहुश्रुतैः ॥
लभ्यते वरणं हित्वा वृतं संवृणुते श्रुतेः ॥५७॥

अयं = ये, आत्मा = परमात्मा लभ्यते = प्राप्त होत हे
वरणं = वरण, हित्वा = विना वृतं = नियम, च = तो
न = न, प्रवचनेन, = प्रवचनसों संवृणुते = वरण करे हे
न = न, धिया = बुद्धिसों श्रुतेः = श्रुतिसों
न = न, बहुश्रुतैः = बहुत सुनवेसों (प्रामाण्यात् = प्रामाण्यसों)

भावार्थ : ये परमात्मा वरण विना न प्रवचनसों, न बुद्धिसों, न तो बहुत सुनिवेसोंहु प्राप्त होय सके हे. वरणको ये नियम श्रुतिसों प्रसिद्ध हे.

स्मृत्वा स्वीयवियोगाग्निं तापदाहो भवाम्बुधौ ॥
ततः सर्वं समर्प्यैव श्रीगोपालमनुं श्रयेत् ॥५८॥

भवाम्बुधौ = भवसागरमें स्वीयवियोगाग्निं = अपने वियोगानिको
तापदाहः = तापजन्य दाह स्मृत्वा = स्मरण करिकेततः = ताते
(अस्ति = हे, इति = एसें) सर्वं = सब, समर्प्य = समर्पित करिके

एव = ही, श्रीगोपालमनुं = गोपालमन्त्रको, श्रयेत् = आश्रय करे

भावार्थ : या भवसागरमें भगवद्वियोग अग्निदाहके समान है. ताते (गद्यमन्त्रोक्त प्रकारसुं) भगवद्वियोग जन्य अग्निको स्मरण करिके वा वियोगाग्निकी निवृत्तिके अर्थ सब कछु प्रभूंकुं अर्पण करिके श्रीगोपालमन्त्रको आश्रय करे ॥५९॥

“इष्टं दत्तं तपो जप्तं वृतं यच्चात्मनः प्रियम् ॥
दारान् सुतान् गृहान् प्राणान् यत् परस्मै निवेदनम्” ॥५९॥

इष्टं = यज्ञादि, दत्तं = दान दारान् = स्त्री
तपः = तप, जप्तं = जप सुतान् = पुत्र, गृहान् = घर
वृतं = व्रत प्राणान् = प्राण, तत् = वो
आत्मनः = स्वयंको परस्मै = भगवदर्थ
प्रियम् = प्रिय, यत् = जो निवेदनम् = निवेदन (कुर्यात् = करे)

भावार्थ : समस्तइष्ट इतनें यज्ञादि अरु पूर्त इतनें दान-जप-तप-वृत आदि कर्मन्को अरु अपने प्रिय स्त्री, पुत्र, घर, प्राण आदि कोहु भगवत्सेवाके अर्थ निवेदन करे ॥५९॥

“इति भागवतान् धर्मान् शिक्षन् भक्त्या तदुत्थया ॥
नारायणपरो मायाम् अञ्जस्तरति दुस्तराम्” ॥६०॥

“इति = या प्रकारसों भक्त्या = भक्तितें
भागवतान् = भगवान् सम्बन्धि नारायणपरः = नारायण परायण
धर्मान् = धर्मन्को, शिक्षन् = जानिके (सन्) = होयके
तदुत्थया = वाते उत्पन्न दुस्तराम् = कठिनतासों तरि सकें एसी

मायाम् = मायाको, अञ्जः = शीघ्र, तरति = तरि जाय हे

भावार्थ : ऐसे प्रकारसों भागवतधर्मनूकों जानिके, वातें उत्पन्न भई भक्तिसों नारायणमें परायण होयके भक्त दुस्तर मायाकोहु शीघ्रतासों तरि जाय हे ॥६० ॥

एवं योगीश्वरोक्तेन भक्तिमार्गेण यो यजेत् ॥
सएवातीत्य कलिजान् दोषान् गच्छेत् परं पदम् ॥६१ ॥

एवं = एसें कलिजान् = कलिकालके
योगीश्वरोक्तेन = योगीश्वरनूके कहे दोषान् = दोषनूकों
भक्तिमार्गेण = भक्तिमार्गसों अतीत्य = पार करिके
यः = जो, यजेत् = भजन करे हे परं = उत्तम, पदम् = फलकों
सः = वो, एव = ही गच्छेत् = प्राप्त करे हे

भावार्थ : एसें (एकादशस्कन्धमें निरूपित) योगीश्वरोक्त भक्तिमार्गसों जो भगवान्को भजन करे हे वो कलिदोषनूकों पार करिके उत्तम पदकों प्राप्त होत हे ॥६१ ॥

(ताहां भक्तिमार्गमें निषिद्ध एसी कछूक बातनूको निरूपण)

नावैष्णवैः सह वसेन् न तैः संसर्गमाचरेत् ॥
प्रसङ्गेषु हरिं ध्यायेत्

अवैष्णवैः = अवैष्णवके न = न, आचरेत् = करे
सह = सङ्ग, न = न, वसेत् = रहे प्रसङ्गेषु = प्रसङ्गनूमें, हरिं = हरिको
तैः = विनको, संसर्गम् = संसर्ग ध्यायेत् = ध्यान करनो

भावार्थ : अवैष्णवनूके सङ्ग न रहे, विनको संसर्ग हु न करे. क्वचित् सङ्ग होयवेपें हरिको ध्यान धरे. ...

... .. स्नायात् कर्मणि मन्त्रतः ॥६२ ॥
देहशुद्धिः सदा कार्या करशुद्धिः विशेषतः ॥
स्वपात्रं भगवत्पात्रं स्नानपात्रं न मेलयेत् ॥६३ ॥

कर्मणि = कर्मनूमें करशुद्धिः = हाथनूकी शुद्धि
मन्त्रतः = मन्त्रसों विशेषतः = विशेषरूपसों, कार्या = करनी
स्नायात् = स्नान करनो स्वपात्रं = अपने बासन
देहशुद्धिः = देहकी शुद्धि भगवत्पात्रं = भगवत्सेवोपयोगी बासन
सदा = सदा स्नानपात्रं = स्नानके बासन
कार्या = अवश्य करनी न = नाही, मेलयेत् = मिलाने

भावार्थ : कर्ममें मन्त्रसों स्नान करे ॥६२ ॥

स्नानादिसों देहकी शुद्धि सदा राखनी. एसें ही दोउ हाथनूकी शुद्धिहु विशेष सावधानी राखिके करनी. अपने उपयोगमें आते बासन, भगवत्सेवोपयोगी बासन अरु स्नानके पात्रनू को मिलाने नाही ॥६३ ॥

एवं वस्त्रेऽपि विज्ञेये * शुद्ध्यशुद्धी स्ववैष्णवैः ॥
गोपयेत् स्वागमाचारं पाकसेवां हरेरपि ॥६४ ॥

एवं = एसें, वस्त्रे = वस्त्रके विषे
अपि = हु, स्ववैष्णवैः = अपने वैष्णवनूसों
शुद्ध्यशुद्धी = शुद्धि तथा अशुद्धि हरेः = हरिकी
विज्ञेये = जानने पाकसेवां = रसोईकी सेवा

स्वागमाचारं = अपने

अपि = हु

आगमशास्त्रोक्त आचार

गोपयेत् = गुप्त राखनी

भावार्थ : वस्त्रनुके विषेहु एसें ही समजनो. स्वमार्गीय वैष्णवन्सों शुद्धि-अशुद्धिकी समझ लेनी. परम्परासों प्राप्त स्वमार्गीय अन्तरङ्ग आचार तथा प्रभुकी रसोई आदिकी सेवाकों हु अन्यन्सों गुप्त राखनी ॥६४॥

(भगवत्सेवामें व्यवहार्य शुद्ध वस्तुनको उपदेशः)

सौवर्णैः राजतैस् ताम्रैः पात्रैर् व्यवहरेत् परैः ॥

पाके स्वीयान् सतीर्थ्याश्च सवर्णान् सन्नियोजयेत् ॥६५॥

परैः = दूसरेन्सों / ऊत्तमसों

स्वीयान् = परिजनन्कों, (च = अरु)

सौवर्णैः = सोनेके, राजतैः = चांदीके

सतीर्थ्यान् = समान गुरुवारे

ताम्रैः = तांबाके, पात्रैः = पात्रन्सों

सवर्णान् = समान वर्णके लोगन्कों

व्यवहरेत् = व्यवहार करे

सन्नियोजयेत् = सम्मिलित करे

पाके = रसोईमें

भावार्थ : सोने, चांदी, तांबा के पात्रन्कों व्यवहारमें लेवे. रसोईमें परिवारके लोगन्कों अरु समान गुरु होंय एसे समान वर्णके लोगन्कों सम्मिलित करे ॥६५॥

समर्प्यैव शुचिः पूर्वं हरयेऽन्यत्र योजयेत् ॥

***१० द्विमुखं शुचि पात्रं तु ह्यंशुकं लोमजं शुचि ॥६६॥**

शुचिः = शुद्ध वस्तु

पात्रं = पात्र, तु = तो

पूर्वं = प्रथम, हरये = हरिकों

द्विमुखं = दो मुंहवारो (झारी / करवा)

समर्प्य = समर्पित करके, एव = ही

शुचि = शुद्ध, लोमजं = ऊनसों बन्यो

अन्यत्र = अन्य कोउ कार्यमें

हि = , अंशुकं = वस्त्र

योजयेत् = उपयोग करे

शुचि = शुद्ध

भावार्थ : शुद्धवस्तु प्रथम प्रभून्कों समर्पित करे ता पाछें अन्य कार्यमें उपयोग करे. स्नान-पान-प्रक्षालनादि कार्यके ताई दो मुंहवारे (झारी / करवा) पात्र शुद्ध माने जांय हैं. एसें ही ऊनके वस्त्र शुद्ध माने जांय हैं ॥६६॥

कार्पासमाहतं शुद्धं नवकौसुम्भयुक् शुचिः ॥

विप्रैर्व्यवहतं तीर्थम् आरामं च गृहं शुचिः ॥६७॥

कार्पासम् = सूतीवस्त्र

आहतं = धोयो भयो

व्यवहतं = उपयोगमें लियो जोतो

शुद्धं = शुद्ध

तीर्थम् (जलस्थानम्) = जलस्थान / कुआ

नवकौसुम्भयुक् = नवीन-

च = अरु, आरामं = बगीजी

लालरंगयो भयो, शुचिः = शुद्ध

गृहं = घर, शुचिः = शुद्ध

विप्रैः = ब्राह्मणद्वारा

(कथ्यते) = कहे जात हैं

भावार्थ : सूती वस्त्र धोयो भयो, नवीन रङ्गयो भयो शुद्ध कह्यो जात हे. ब्राह्मणद्वारा उपयोगमें लियो जातो जल पवित्र मान्यो जात हे. एसें ही आराम (बगीची अर्थात् गामके बाहर उपवनमें निर्मित अतिथिनिवास) तथा घर शुद्ध कह्यो जात हे ॥६७॥

(भगवत्सेवामें जो परायण होंय तिनकों अन्यदेवाश्रय तो निषिद्ध होयवेपें हु अन्यदेवन्को अपमान कबहु न करनो. तासों कहा-केसे करनो ताको प्रकार)

नान्यदेवं व्रजेद् नैव प्रसक्तौ ह्यपमानयेत् ॥

तीर्थेषु तीर्थदेवानां भूदेवानां समर्चनम् ॥६८॥

अन्यदेवं = अन्यदेवके पास

न = नाही, हि = ही, व्रजेत् = जाय

प्रसक्तौ = सम्मुख होय जांय तो

नैव = कबहु नाही

अपमानयेत् = अपमान करे

तीर्थेषु = तीर्थन्में

तीर्थदेवानां = तीर्थदेवन्को

भूदेवानां = ब्राह्मणन्को

समर्चनम् = पूजन, (कुर्यात्) = करे

भावार्थ : वैष्णवन्को अन्य देवके पास कबहु न जानो. क्वचित् प्रसङ्गवश अन्य देवके सम्मुख होय जायें तब विनको अपमान कबहु न करे. तीर्थन्में तीर्थदेवतान्को तथा पुरोहित ब्राह्मणन्को सत्कार करे ॥६८॥

(कलियुगमें स्रयास, अग्निहोत्र आदि तो शक्य न होयवेतें स्मार्ताग्निर्को धारण करनो)

स्रयासश्चाग्निहोत्रं च कलौ नैव यथाविधिः ॥

सन्दिग्धधर्मसेवापि क्लेशायैवाल्पमेधसाम् ॥६९॥

कलौ = कलिकालमें

न एव = शक्य ही नाहिं(भवतः = हैं)

स्रयासः = स्रयास, च = अरु

अल्पमेधसाम् = अल्पबुद्धिवारे

अग्निहोत्रं = अग्निहोत्र

सन्दिग्धधर्मसेवापि = सन्देहवारो धर्माचरण

च = हु

क्लेशाय एव = क्लेशजनक ही

यथाविधि = विधिकअनुसार

(भवति) = होत हे

भावार्थ : कलिकालमें स्रयास अरु अग्निहोत्र शास्त्रकी आज्ञा अनुसार शक्य नाहिं. अल्पबुद्धिवारे मनुष्य कर्तव्यके विषे सन्देहवारो होइके कछु धर्मकार्य करे तो वेसो धर्माचरण यथाविधि नाहीं होयवेतें क्लेशको ही कारण बनत हे ॥६९॥

समर्थस्तु तयोः कुर्याद् विद्वान् स्मार्ताग्निधारणम् ॥

न्यासाश्रमात् पतन् मर्त्य आरूढपतितोऽगतिः ॥७०॥

समर्थः तु = सामर्थ्यवारो तो

न्यासाश्रमात् = स्रयासाश्रमते

विद्वान् = बुद्धिमान्, तयोः = दोयमेंते

पतन् = गिरवेतें, मर्त्यः = मनुष्य

स्मार्ताग्निधारणम् = स्मार्ताग्निर्को धारण

आरूढपतितः = आरूढपतित बनि

कुर्यात् = करे.

अगतिः = सद्गतिरे रहित(भवति=होत हे)

भावार्थ : तातें एसी विषम स्थितिमें समर्थ विद्वान् होय सो स्रयास अरु अग्निहोत्र के स्थानमें स्मार्त अग्निर्को धारण करे. क्योँके अधिकार विनाहु जो स्रयास आश्रममें जात हे सो कोउ फलको प्राप्त न करिके अरूढपतित होत हे ॥७०॥

यद्यप्येवं हि गार्हस्थ्यं वर्णधर्मेण दुष्करम् ॥

तथाप्यायातपतितं तद् विभृयाद् देहयात्रया ॥७१॥

एवंहि = याहि प्रकारसों

(अस्ति) = हे, तथापि = तोहु

यद्यपि = यद्यपि

आयातपतितं = आय पर्यो हे तातें

वर्णधर्मेण = वर्णधर्मसों

तद् = वाको

गार्हस्थ्यं (अपि) = गृहस्थधर्म हु

देहयात्रया = देहयात्राके साथ

दुष्करम् = कठिन

विभृयात् = निर्वहन करनो

भावार्थ : या प्रकार गृहस्थाश्रममें रहिके जो स्मार्ताग्निर्को धारण करे हे वातें हु वर्णधर्मके अनुसार गृहस्थाश्रम यद्यपि कठिन हे तोहु क्योँके अनायास गृहस्थाश्रममें आय पर्यो हे तातें जेसैं हु बनि आवे तेसैं देहयात्राके साथ ताको निर्वाह तो करे ॥७१॥

न गार्हस्थ्यं विना देह-यात्रा-धर्मोऽपि सिध्यति ॥

अतस्तस्मिन् स्थितस्यैव यत्किञ्चित् सिद्धि-सम्भवः ॥७२॥

(यतः = क्योंके)	अतः = तातें
गार्हस्थ्यं = गृहस्थधर्म,	तस्मिन् = वामें
विना = विना	स्थितस्य एव = रहे भयेकों ही
देह-यात्रा-धर्मः = देहयात्राके धर्म	यत्किञ्चित् = कछुक
अपि = हु, न = नाही	सिद्धि-सम्भवः = सिद्धिकी
सिध्यति = सिद्ध होत हैं	सम्भावना, (भवति = रहत हे)

भावार्थ : गृहस्थाश्रमके विना पितृकर्म, पुत्रोत्पत्ति आदिके अभावमें देहयात्राके अन्य धर्महु सिद्ध होइ सकत नाही. अन्य आश्रमधर्म तो कालबलसों दुष्कर होय गये हैं तब गृहस्थधर्ममें रहे भयेकों ही कछुक सिद्धि प्राप्त होयवेकी सम्भावना शेष रहे हे ॥७२॥

**आश्रमो द्विविधः कौर्म तत्रोदासीनको गृही ॥
आद्येऽपि नैष्ठिकश्चात्ये वैष्णवोऽधिकृतस्ततः ॥७३॥**

कौर्म (पुराणे) = कूर्म पुराणमें	गृही = 'गृही' कहवावत हे
आश्रमः = गृहस्थाश्रम	आद्ये = प्रथम ब्रह्मचर्याश्रममें
द्विविधः = दो प्रकारको	अपि = हु, नैष्ठिकः = निष्ठावारो, च = अरु
प्रोक्तः = कह्यो हे	अत्ये = अन्तिम स्रयासाश्रममें
तत्र = तामें, एकः = एक	वैष्णवः = वैष्णव
उदासीनकः = 'उदासीन'	अधिकृतः = अधिकारी
अपरः = दूसरो	(इत्यपि = एसो हु = कह्यो, अस्ति = हे)

भावार्थ : कूर्मपुराणमें सब आश्रमन्को श्रुतिसिद्ध द्वैविध्य बताया हे. तामें प्रथम ब्रह्मचर्याश्रममें :

१. मरणपर्यन्त ब्रह्मनिष्ठ द्वैके प्रथमाश्रममें रहिवेवारेकूं 'नैष्ठिक-ब्रह्मचारी'

जाननो. अरु

२. विधिवद् वेदाध्ययन करिके गृहस्थाश्रममें जायवेकी इच्छावारेकूं 'उपकुर्वाण-ब्रह्मचारी' जाननो.

गृहस्थ हु १. 'उदासीन' अरु २. 'साधक' एसें दोय प्रकारको कह्यो हे. तामें कुटुम्बके भरण-पोषणादिमें फंस्यो भयो गृहस्थ 'साधक' कह्यो जात हे. अरु देव-ऋषि-पितरके ऋणन्कूं चुकायके घर-धन-परिवारकों छांडिके जो इकलो ही मोक्षेच्छासों विचरण करतो रहे वाकों 'उदासीन' कह्यो जात हे. एसें ही वानप्रस्थ हु 'तापस' अरु 'स्रयासिक' एसें दोय प्रकारके होत हैं. स्रयासी हु 'पारमेष्ठिक' अरु 'भिक्षु' एसें दोय प्रकारके होत हैं :

सर्वेषामाश्रमाणान्तु द्वैविध्यं श्रुतिदर्शितं ।
ब्रह्मचार्युपकुर्वाणो नैष्ठिको ब्रह्मतत्परः ॥
योऽधीत्य विधिवद् वेदान् गृहस्थाश्रममाब्रजेद् ।
'उपकुर्वाणको' ज्ञेयो 'नैष्ठिको' मरणान्तिकः ॥
'उदासीनः' 'साधक'श्च गृहस्थो द्विविधो भवेत् ।
कुटुम्बभरणायत्तः साधकोऽसौ गृही भवेत् ॥
ऋणानि त्रीण्यपाकृत्य त्यक्त्वा भार्याधनादिकम् ।
एकाकी यस्तु विचरेद् उदासीनः स मौक्षिकः ॥
तपस्तप्यति योऽरण्ये यजेद् देवान् जुहोति च ।
स्वाध्याये चैव निरतो वनस्थः 'तापसो' मतः ॥
तपसा कर्षितोऽत्यर्थं यस्तु ध्यानपरो भवेत् ।
'स्रयासिकः' स विज्ञेयो वानप्रस्थाश्रमे स्थितः ॥
योगाभ्यासरतो नित्यम् आरुरुक्षुर्जितेन्द्रियः ।
ज्ञानाय वर्त्तते भिक्षुः प्रोच्यते 'पारमेष्ठिकः' ॥
यस्त्वात्मरतिरेव स्यान् नित्यतृप्तो महामुनिः ।
सम्यग्दर्शनसम्पन्नः स योगी 'भिक्षु'रुच्यते ॥

(कूर्मपुरा. २।७६-८४)

(द्विजेतर पुष्टिमार्गीयन्के कर्तव्यको निर्देश)

शूद्रस्तु हिंस्रकार्येण निषिद्धस्याशनेन च ॥
निवृत्तोऽसौ भजेत् कृष्णं महद्भिरनुकम्पितः ॥७४ ॥

शूद्रः तु = शूद्र तो निवृत्तः = निवृत्त होयके
हिंस्रकार्येण = जामें जीवहिंसा होय महद्भिः = बड़ेन्सों
एसे कार्यसों, च = अरु अनुकम्पितः = कृपा प्राप्त करिके
निषिद्धस्य = निषिद्धान्के असौ = या, कृष्णं = कृष्णकों
अशनेन = भोजनसों भजेत् = भजे

भावार्थ : द्विजेतर लोग जामें जीवहिंसा होय एसी आजीविका, कार्य आदिको तथा निषिद्ध भोजनको त्याग करिके बड़ेन्की कृपा प्राप्त करिके कृष्णभजन करनो ॥७४ ॥

स हितं हरिभक्तानां ब्राह्मणानां चरेद् गवाम् ॥
पादसेवा च महतां यद्वृत्त्या तुष्यते हरिः ॥७५ ॥

स = वो महतां = बड़ेन्के
हरिभक्तानां = भगवद्भक्तन्को पादसेवा = चरणन्की सेवा
ब्राह्मणानां = ब्राह्मणन्को च = हु, (तेन = वाकों
गवाम् = गायन्को करणीया) = करनी चाहिये
हितं = हित होय एसो यद्वृत्त्या = जा वृत्तिसों, हरिः = हरि
चरेत् = आचरण करे तुष्यते = प्रसन्न होत हैं

भावार्थ : द्विजेतरकों भगवद्भक्त, ब्राह्मण अरु गायन् को हित होय एसे कार्य करने. भगवान्नें गीतामें द्विजेतरन्को कार्य द्विजनकी परिचर्या बतायी हे सो करनी. एसे स्वधर्माचरणमें परायण होयवेपें हरि निश्चय ही प्रसन्न होत हैं ॥७५ ॥

दानं व्रतं पैतृकं च शौचं शान्तिम् अथाश्रयेत् ॥
हरिमेव भजेत् प्रेम्णा तेन सिध्यति सत्वरम् ॥७६ ॥

दानं = दान, व्रतं = व्रत प्रेम्णा = प्रेमसों, हरिम् = हरिको
पैतृकं = श्राद्ध-तर्पणादि एव = ही, भजेत् = भजे
शौचं = पवित्रता, अथच = अरु तेन = तातें, सत्वरम् = शीघ्र
शान्तिम् = सन्तोषरूप शान्तिको सिध्यति = सिद्धि होत हे
आश्रयेत् = आश्रय करे

भावार्थ : दान, व्रत, श्राद्ध-तर्पणादि पितृसम्बन्धी कार्य अवश्य करने. शास्त्रानुसार शुद्धि-पवित्रता अरु यथालाभ सन्तोषरूपा शान्ति राखनी. एसें करत प्रेम-भक्तिसों श्रीकृष्णको ही भजन करतें शीघ्र सिद्धि प्राप्त होत हे ॥७६ ॥

न वेदश्रवणं कार्यं स्पर्धासूयादिनान्यतः ॥
न्यग्भावेन प्रपन्नोऽसौ भवेद् दासो हरेर्गुरोः ॥७७ ॥

(तेन) = वाकों, अन्यतः = अन्यसों
स्पर्धासूयादिना = स्पर्धा-ईर्ष्या आदिसों प्रपन्नः = शरणागत
वेदश्रवणं = वेदको श्रवण असौ = ये
न = नाहीं, कार्यम् = करनो हरेर्गुरोः = हरि-गुरुको
न्यग्भावेन = दीनतासों दासः = दास, भवेत् = बने

भावार्थ : द्विजेतरन्कों अन्यन्सों स्पर्धा अथवा ईर्ष्या के भावसों जामें विनको

अधिकार नहीं हे एसो वेदको श्रवणादि नहीं करनो. दीन भावसों शरणागत होयके हरि-गुरुको दास बनिके रहनो ॥७७॥

(स्त्रियन्के भगवद्भजनकी रीतिको निरूपण)

सधवा भर्तृभावेन विधवा पुत्रभावतः ॥
श्रीकृष्णं संश्रयेत् साध्वी जितचित्तेन्द्रिया शुचिः ॥७८॥

जितचित्तेन्द्रिया = चित्त-
इन्द्रियन्पे संयम वारी
शुचिः = पवित्र
साध्वी = सती
सधवा = सौभाग्यवती
भर्तृभावेन = पतिभावसों
विधवा = विधवा स्त्री
पुत्रभावतः = पुत्रभावसों
श्रीकृष्णं = श्रीकृष्णको
संश्रयेत् = आश्रय करे

भावार्थ : चित्त अरु इन्द्रियन् पे संयमवारी, पवित्र आचरणवारी साधुस्वभावकी सौभाग्यवती स्त्री पतिभावसों अरु विधवा स्त्री पुत्रभावसों श्रीकृष्णको आश्रय करे ॥७८॥

पति-पुत्रादि-बन्धूनाम् आनुकूल्येऽस्य सेवनम् ॥
तदभावे भजेद् भक्त्या कीर्तनैः श्रवणैः स्मृतैः ॥७९॥

पतिपुत्रादि-बन्धूनाम् = पति,
पुत्रादि तथा बन्धुजन
आनुकूल्ये = अनुकूल होय तो
अस्य = या(श्रीकृष्णस्य = श्रीकृष्णकी)
सेवनम् = सेवा
(कार्यम् = करनी)
तदभावे = वाके अभावमें
कीर्तनैः = कीर्तनसों
श्रवणैः = श्रवणसों
स्मृतैः = स्मरणसों
भक्त्या = भक्तिपूर्वक
भजेद् = भजन करे

भावार्थ : परिवारके पति-पुत्रादि परिजन तथा बन्धुजन यदि अपने अनुकूल होय तो श्रीकृष्णकी स्वगृहमें सेवा करनी. वे लोग यदि अनुकूल न होय तो भक्तिभावसों प्रभुके श्रवण कीर्तन अरु स्मरण करने ॥७९॥

तेषामेव तथात्वेतु परिचर्या समन्दिरात् ॥
हरेर्गुरोः सम्भवति ह्यस्वतन्त्राः स्त्रियो यतः ॥८०॥

तेषाम् = विनके, एव = ही
तथात्वे = वेसे(प्रतिकूल)होयवेपें
तु = तो,
समन्दिराद् हरेः = कोउ भगवत्स्वरूपके
देवालयस्थ होयवेके कारण
(अथवा)गुरोः = गुरुके कारण
परिचर्या = परिचर्या
(पूजा/सेवामें बनि आवे सो परचारगी)
सम्भवति = सम्भव हे, यतः = क्योंके
स्त्रियः = स्त्रीजन, हि = तो
अस्वतन्त्राः = पराधीन
(भवन्ति=होत हैं)

भावार्थ : प्रायः स्त्रीजन क्योंके अपनी इच्छानुसार कार्य करिवेकुं समर्थ होत नाहिं अतः यदि पति पुत्र आदि अरु बन्धुजन अनुकूल होय तब ही विनके सङ्ग मिलिके घरमें श्रीकृष्णकी यथायोग्य सेवा-परिचर्या सम्भव होत हे. अन्यथा मर्यादामार्गीय विधिसे कोहु देवालयमें बिराजमान भगवत्स्वरूपकी अर्चनामें अथवा पुष्टिमार्गीय गुरुकी भगवत्सेवामें परचारगी करिवेते स्त्रीजननूकूं थोड़ो-बहोत भजन शक्य हे ॥८०॥

स्वतन्त्रतायां दोषो हि स्त्रीणां सर्वत्र जायते ॥
अतस्तया तथा भूत्वा हरिः सेव्यस्तदिच्छया ॥८१॥

स्त्रीणां = स्त्रीजननूकों
हि = निश्चय, सर्वत्र = सब ठिकानें
दोषः = दोष, जायते = होत हे
स्वतन्त्रतायां = स्वतंत्रतासों बरतवेपें तो
तदिच्छया = परिवारजननूकी इच्छाके

अतः = ताते, तथा = विनको अनुसार अथवा भगवदिच्छानुसार
 तथा = वेसे(अस्वतन्त्रैव = अस्वतन्त्र ही) हरिः = हरिकी
 भूत्वा = रहिके सेव्यः = सेवा करनी चाहिये

भावार्थ : पति-पुत्रादिक अनुकूल नाहीं होंय तथापि स्त्रीजन यदि विनकी इच्छासों विरुद्ध आचरण करत हैं तब विनकी सर्वत्र निन्दा होत हे, ताते चित्तमें क्लेश होत हे. अतः जिनके आश्रित होंय विनके प्रतिकूल न होइके, प्रभुकी वेसी ही इच्छा हे एसी भावनासों धैर्य धारण करिके प्रभुको आन्तर भजन अथवा भगवत्सेवापरायण भगवदीयकी परिचारगीद्वारा भगवद्भजन करनो ॥८१॥

चित्रमात्रेऽपि सेवा स्यात् प्रतिबन्धे गुरोर्गिरा ॥
 छलेनापि भजन् कृष्णं मुच्यते गोपिकादिवत् ॥८२॥

प्रतिबन्धे = प्रतिबन्ध होयवेपें स्यात् = होइ सकत हे
 गुरोः = गुरुकी छलेन अपि = छलसों हु
 गिरा = आज्ञासों कृष्णं = कृष्णकों, भजन् = भजवेतें
 चित्रमात्रे अपि = चित्रमात्रमें हु गोपिकादिवत् = गोपीजननके जेसें
 सेवा = सेवा मुच्यते = मुक्त होत हे

भावार्थ : प्रतिबन्ध होयवेपें (अथवा शिला-धातुसों निर्मित भगवत्स्वरूपकी सेवा करि सकवेकी अनुकूलता न होय तो) गुरुकी आज्ञा लेयके श्रीकृष्णके चित्रस्वरूपकी हु सेवा होइ सकत हे. कृष्णावतारमें कर्मकाण्डी ब्राह्मणनकी पत्निएं अपने पतीनकी आज्ञा विना, विनके विरोध करिवेपें हु प्रभूनों यज्ञकी सामग्री अरोगावे गयीं विनको हु उद्धार जेसें प्रभूनों कियो हतो तेसें वर्तमानमें हु ज्येष्ठ परिजननकी आज्ञा विना हु भगवत्सेवा करिवेतें उद्धार होत ही हे ॥८२॥

पुरुषापेक्षया स्त्रीणां हृदयं मृदु दृश्यते ॥
 अतस्तदनुरागोऽत्र सद्य एवाभिषज्यते ॥८३॥

पुरुषापेक्षया = पुरुषनकी अपेक्षा तदनुरागो = विनको अनुराग
 स्त्रीणां = स्त्रीजननके अत्र = यहां, सद्य = शीघ्र
 हृदयं = हृदय, मृदु = नरम एव = ही
 दृश्यते = देख्यो जात हे, अतः = ताते अभिषज्यते = सिद्ध होय जात हे

भावार्थ : पुरुषनकी तुलनामें स्त्रीजननके हृदय कोमल होत हैं. ताते प्रभुमें विनको अनुराग पुरुषनके करते शीघ्र होय जात हे ॥८३॥

कामदोषो हि नारीणां कनकानां यथा रजः ॥
 तज्जये विजितः कृष्णः कृष्णः स्त्रीणां प्रियो यतः ॥८४॥

कनकानां = सुवर्णमें तज्जये = ताकों जीतवेतें
 यथा = जेसें, रजः = रज कृष्णः = श्रीकृष्ण
 (दोषः = दोष, तथा) = तेसें विजितः(भवति) = जीते जात हैं
 नारीणां = स्त्रीजननमें हु यतः = क्योंके, कृष्णः = श्रीकृष्ण
 हि = निश्चय, कामदोषः = कामदोष स्त्रीणां = स्त्रीनों
 (भवति) = होत हे. प्रियः = प्रिय, (अस्ति) = हैं

भावार्थ : सुवर्णको दोष जेसें रज होत हे तेसें स्त्रीनमें दोष काम होत हे. पुष्टिभक्ति तो क्योंके निर्गुण होत हे ताते कामभावपें विजय पावें तो स्त्रीजन निर्गुणभावसों शीघ्र ही प्रभूनों स्वाधीन करि सकत हैं. श्रीकृष्णतो नहितो हु स्त्रीनों प्रिय होत ही हैं ॥८४॥

उदकी च प्रसूता स्त्री अशुचिश्च तथा पुमान् ॥
 दर्शन-स्पर्शनादीनि सेव्यमूर्तेर् विवर्जयेत् ॥८५॥

उदकी = मासिकधर्मवारी पुमान् = पुरुष, च = हु
 च = अरु, प्रसूता = प्रसूता सेव्यमूर्तेः = सेव्य मूर्तिके
 स्त्री = स्त्री, तथा = अरु दर्शन-स्पर्शनादीनि = दर्शन स्पर्श आदिको
 अशुचिः = सूतकी / अपवित्र विवर्जयेत् = त्याग करे.

भावार्थ : अटकाववारी किंवा जच्चा होय सो एसी स्त्री तथा सूतकी अरु अपवित्र अवस्थावारे स्त्री-पुरुष सेव्य प्रभुस्वरूपके दर्शन-स्पर्श आदि न करें ॥८५॥

(सेव्य भगवत्स्वरूपके प्रकार^१ सेवाको प्रकार^२ स्वरूपप्रतिष्ठाको प्रकार^३ स्वरूपकी शुद्धिको प्रकार^४ स्वरूप कहांते प्राप्त करनो ताको प्रकार^५ इत्यादि विषयक उपदेश)

चित्रमूर्तिरविज्ञानां पराधीनात्मनामपि ॥

शुचिश्लक्षणां पीच्यां च गुरुदत्तां भजेद् वरैः^१ ॥८६॥
 तीर्थतोयैर्निजैर्मन्त्रैः संस्कृतां सुमनोहराम् ॥
 लघ्वीमेव भजेद् मूर्तिं यथालब्धोपचारकैः^२ ॥८७॥

शुचिश्लक्षणाम् = पवित्र अरु सुकुमार तीर्थतोयैः = तीर्थके जलसों
 च = अरु, अपीच्यां = अति सुन्दर निजैः मन्त्रैः = अपने मन्त्रसों
 गुरुदत्तां = गुरुसों प्राप्त संस्कृतां = संस्कार करी भई
 (मूर्ति) = भगवत्स्वरूपकों सुमनोहराम् = सुन्दर-मनोहर
 भजेद् = भजे, वरैः = श्रेष्ठ लघ्वीमेव = छोटी सी
 मूर्तिं = भगवन्मूर्तिको पराधीनात्मनाम् = (तथा)
 यथालब्धोपचारकैः = सहजतासों पराधीन लोगनकों, अपि = हु
 उपलब्ध वस्तुसों, भजेद् = सेवा करे. चित्रमूर्तिः = चित्रस्वरूप
 अविज्ञानां = अल्पज्ञानीनकों (सेव्या=सेवायोग्य भवति=होत हे)

भावार्थ : पवित्र, सुकुमार अरु अति सुन्दर ऐसे गुरुसों प्राप्त भगवत्स्वरूपकी सेवा करनी. श्रीयमुनाजी जैसे श्रेष्ठ तीर्थके जलसों, सम्प्रदायपरम्परासों प्राप्त निजमन्त्रसों संस्कार करे भये सुन्दर मनोहर बहुत बड़े नहीं ऐसे भगवत्स्वरूपकी सहजतासों उपलब्ध वस्तुसों सेवा करे. जिनकों सेवाविधि आदिको पूर्ण ज्ञान न होय ओर / अथवा पराधीन होयवेतें अन्य भगवत्स्वरूपकी सेवा करिवेकी अनुकूलता जिनकों न होय तिनकों चित्रस्वरूपकी सेवा करनी ही उचित हे ॥८६-८७॥

नात्र प्राणप्रतिष्ठादि व्यापकत्वादजीवतः ॥
 स्थान-शुद्ध्यर्थमेवैतत् शब्दार्थमपि सद्गुरोः^३ ॥८८॥

व्यापकत्वात् = व्यापक होयवेतें (आवश्यकः = आवश्यक)
 अजीवतः = जीवात्माकी न्यांई न = नाही हे, एतत् = ये
 केवल प्राणाध्यासयुक्त होयवेपेही (संस्कारः) = संस्कार
 देहमें कहूं प्रविष्ट होयवेकी स्थानशुद्ध्यर्थमेव = भौतिक-स्थान
 क्षुद्रसामर्थ्य न होयवेतें (शिलाधातु आदि)की शुद्धिकेलिय
 अत्र = यहां(मूर्तैः) = मूर्तिमें सद्गुरोः = सद्गुरुकी
 प्राणप्रतिष्ठादि = प्राणप्रतिष्ठा शब्दार्थमपि = आज्ञाके
 आदि संस्कारविधि अर्थहु निरूपित भयेहें

भावार्थ : परब्रह्म श्रीकृष्ण तो सर्वव्यापक होयवेतें अरु मनुष्य-देवता आदीनके जेसें प्राकृत नाही होयवेतें श्रीकृष्णके सेव्यस्वरूपमें प्राणप्रतिष्ठा आदि शास्त्रीय विधि करिवेकी पुष्टिभक्तिसम्प्रदायमें आवश्यकता नाही. पूर्वश्लोकमें कहे संस्कार तो(जा शिला-धातु-काष्ठ आदिसों मूर्ति बनी हे वा)स्थानकी शुद्धिके अर्थ अरु गुरुकी आज्ञा प्राप्त करवेके अर्थ होत हे ॥८८॥

अशुचिस्पर्शने तस्याः तथा पञ्चामृतैरपि ॥
 होमैर्दानेन संशोभ्या वैदिकेन निजात्मवत्^४ ॥८९॥

तथा = अरु, तस्याः = वाकों, होमैः = होमसों, दानेन = दानसों
 अशुचिस्पर्शने = अपवित्रको स्पर्श तथा = अरु, वैदिकेन = वैदिक
 होयवेपें, निजात्मवत् = अपने जेसें (कर्मणा = कर्मसों)अपि = हु
 पञ्चामृतैः = पञ्चामृतसों संशोध्या = शुद्ध करनी

भावार्थ : कबहुक सेव्य भगवत्स्वरूपकों अपवित्रको स्पर्श होय जाय अथवा कोई अवैष्णव वाके दर्शन करि जाय तो जेसें स्नानादिसों अपन् अपनी शुद्धि करत हैं तेसें सेव्यस्वरूपकी शुद्धि हु पञ्चामृत, होम, दान तथा वैदिक कर्म आदिसों करनी ॥८९॥

गुरुदत्तां स्वयंलब्धां भक्तैरपि सुपूजिताम् ॥
 व्यङ्गाङ्गीमपि सेवेत यदि भावो न बाध्यते ॥९०॥

गुरुदत्तां = गुरुके द्वारा पधराइ भई व्यङ्गाङ्गीम् = खण्डित, अपि = हु
 स्वयंलब्धां = स्वयंकूं प्राप्त भई (मूर्ति = मूर्तिकी) सेवेत = सेवा करे
 भक्तैरपि = भक्तनसों यदि = यदि भावः = भाव
 सुपूजितां = सेवित न बाधते = बाधित न होतो होय (तर्हि = तो)

भावार्थ : गुरुद्वारा पधराई, स्वयंकूं कहंते प्राप्त भई होय, अथवा पूर्वमें अन्य कोउ भगवदीयने जाकी सेवा करी होय एसी अथवा दि भाव बाधित न होतो होय तो खण्डित होय गई होय एसी हु भगवन्मूर्तिकी सेवा करे ॥९०॥

(नित्यसेवाके स्वरूपके उपदेशको उपक्रम)

(१. उपक्रम)

प्रातरारभ्य मध्याह्नावधिः चैवापराहणके ॥
 तत्तल्लीलानुभावेन भजेत् स्व-गुरु-सम्मताम् ॥९१॥

साधनदीपिका
 ५८७

प्रातः = सवेरेसों तत्तल्लीलानुभावेन = तत्-तत्
 आरभ्य = आरम्भ करके लीलाकी भावनासों
 मध्याह्नावधिः = मध्याह्न पर्यन्त स्वगुरुसम्मताम् = अपने गुरुकों सम्मत
 चैव = अरु, अपराहणके = सायंकालमें (मूर्ति = मूर्तिकों), भजेत् = भजे

भावार्थ : प्रातःकालसों आरम्भ करके मध्याह्न पर्यन्त तेसेंई सायंकालमें तत्तत्कालानुरूप प्रभून्की लीलाकी भावना करते भये अपने गुरुकी सम्मति होय एसे भगवत्स्वरूपकी सेवा करे ॥९१॥

वस्त्रैश्च भूषणैर् गन्धैः नैवेद्यैर् व्यञ्जनैः शुभैः ॥
 देश-काल-विभूतीनाम् अनुसारेण सेवनम् ॥९२॥

देश-काल-विभूतीनाम् = देश, काल अरु- गन्धैः = सुगन्धित पदार्थनसों
 द्रव्य के बारेमें अपनी सामर्थ्यके च = अरु, नैवेद्यैः = निवेदनार्ह
 अनुसारेण = अनुसार, शुभैः = शुभ व्यञ्जनैः = व्यञ्जननसों
 वस्त्रैः = वस्त्रनसों, भूषणैः = आभूषणनसों सेवनम् = सेवा (कुर्यात् = करे)

भावार्थ : देश, काल अरु द्रव्य सम्बन्धी अपनी सामर्थ्यके अनुसार प्राप्त उत्तम वस्त्र, आभूषण, अत्तर-चन्दन-केशर-गुलाबजल आदि सुगन्धित पदार्थ तथा विविध प्रकारके आरोगायवेकी सामग्रीन् सों श्रीकृष्णकी सेवा करे ॥९२॥

प्रेम्णा परिचरेत् साधुः यावज्जीवं समाहितः ॥
 तेनास्य भावना-सिद्धिः यया स्यात् कृत-कृत्यता ॥९३॥

साधुः = सत्पुरुष, यावज्जीवं = जीवन पर्यन्त अस्य = याकी
 समाहितः = एक चित्त होयके भावना-सिद्धिः = भक्तिभावकी सिद्धि

साधनदीपिका
 ५८८

प्रेम्णा = प्रेमसों (भवति = होत हे), यया = जातें
परिचरेत् = सेवा करे, तेन = तातें कृतकृत्यता = कृतकृत्यता, स्यात् = होत है

भावार्थ : सत्पुरुषकों जीवनपर्यन्त एकनिष्ठ होयके प्रेमसों श्रीकृष्णकी सेवा करनी. एसें सेवा करेतें भक्तिभाव दृढ़ होत हे. भक्तिके दृढ़ भयेतें भक्त कृतकृत्य होय जात हे ॥९३॥

(२. प्रातःकालमें जागरणके पश्चात् भगवत्स्मरण^१ स्नान^२ शौच^३ आचमन^४ आदिके नियम)

प्रातः पाश्चात्ययामेऽसौ समुत्थाय शुचिर्धिया ॥
स्मरेद् भगवतो लीलां गायेत् तस्य गुणान् गिरा ॥९४॥

प्रातः = सवेरे लीलां = लीलाको
पाश्चात्ययामे = पाछिले प्रहरमें स्मरेत् = स्मरण करे
असौ = वो, समुत्थाय = जागिके गिरा = वाणीसों
शुचिः = शुद्ध होयके तस्य = विनके,
धिया = बुद्धिपूर्वक गुणान् = गुणन्को
भगवतः = भगवान्की गायेत् = गान करे

भावार्थ : सूर्योदयके पूर्व प्रहरमें जागिके शुद्ध होइ बुद्धिपूर्वक भगवान्की लीलाको स्मरण करे अरु वाणीसों भगवान्के गुणन्को गान करे ॥९४॥

प्रातः कृत्यं ततः कार्यं बहिर्गत्वा यथोदितम् ॥
मुखशुद्धिस्ततो नित्यं सौगन्धाभ्यञ्जनं भवेत् ॥९५॥

ततः = ता पाछें ततः = ता पाछें
बहिः गत्वा = घरसों बाहिर जायके मुखशुद्धिः = मुखकी शुद्धि

यथोदितम् = शास्त्राज्ञानुसार नित्यं = प्रतिदिन
प्रातःकृत्यं = प्रातःकृत्य सौगन्धाभ्यञ्जनं = सुगन्धी तेलसों
कार्यम् = करनो मालिश, भवेत् = होय.

भावार्थ : ता पाछें घरसों बाहिर जायके मलोत्सर्गादि देहकृत्य करने. मुखशुद्धि करनी. ता पाछें सुगन्ध्युक्त तेलसों शरीरपें मालिश करनी ॥९५॥

मलस्नानं गृहे कार्यं तप्तोदकपरोदकैः ॥
तस्योपरि श्रीयमुनाजलैः स्नानं स्तवैश्च वा ॥९६॥
तीर्थस्थाने मलस्नानं कृत्वा तीरेऽभिमज्जनम् ॥

गृहे = घरमें स्नानं = स्नान
मलस्नानं = मलस्नान (कार्यं = करनो)
तप्तोदकपरोदकैः = समोये जलसों मलस्नानं = मलस्नान
अथवा परोदकसों, कार्यम् = करनो कृत्वा = करे पाछें, (एव = ही)
तस्य = ताके, उपरि = ऊपर तीर्थस्थाने = तीर्थस्थानमें
श्रीयमुनाजलैः = श्रीयमुनाजलसों तीरे = तटपें
वा = अथवा अभिमज्जनम् = स्नान
स्तवैः च = स्तवनसों हु (कर्तव्यम् = करनो)

भावार्थ : घरमें मलस्नान समोये जलसों अथवा परोदकसों करनो. मलस्नान करे पाछें यदि उपलब्ध होय तो श्रीयमुनाजलसों अरु उपलब्ध न होय तो सामान्य जलसों ही स्नानमन्त्रके उच्चारपूर्वक स्नान करनो. अरु तीर्थमें स्नान तो मलस्नान करे पाछें ही करनो. सो काहेते जो शास्त्रमें निर्णय दियो है :

“नित्यं नैमित्तिकं चैव क्रियाङ्गं मलकर्षणं,
तीर्थाभावेतु कर्तव्यम् उष्णोदकपरोदकैः”

(आचारमयूख, मलापकर्षस्नानम् यमस्मृतिकारिका),

“स्नानं नदीदेवखातहृदेषु च सरस्सु च,
पञ्चपिण्डाननुद्धृत्य न स्नायात् परवारिणि”

(तत्रैव, अथ स्नानं, योगयाज्ञवल्क्यकारिका)

“परसत्ताके अनुत्सृष्टजले मृत्पिण्डपञ्चकोद्धरणाभावे न स्नायाद् इति
अन्तिमार्थः” (टीकायाम्).

(३. स्नान करे पाछें वस्त्रधारण करिवेकी^१, घरकों लोटवेकी^२, तिलक-छापा
धारण करिवेकी^३, भगवच्चरणामृत लेयवेकी^४, तुलसीमाला धारण करिवेकी^५,
प्रातःस्रध्या-जपकी रीति^६)

ततस्तु धारणं शुद्धकौशेयाम्बरयुग्मयोः^१ ॥१७॥

पादुकाभिर्गृहे यानं स्पर्शनं नैव कस्यचित्^२ ॥

ततः = ता पाछें, तु = तो

शुद्धकौशेयाम्बरयुग्मयोः = शुद्धरेशमी दो वस्त्र यानं = गमन(कर्तव्यम् = करनो)

धारणं = धारण कस्यचित् = काहुको

(कृत्वा = करिके) स्पर्शनं = स्पर्श

पादुकाभिः = पादुका पहरिके नैव = सर्वथा न

गृहे = घर प्रति (कर्तव्यम् = करनो)

भावार्थ : ता पाछें शुद्ध रेशमी वस्त्र धारण करिके, पांवनमें पादुका पहरिके घर
आनो. बीचमें काहुको स्पर्श करनो नाहीं ॥

कुङ्कुमस्योर्ध्वपुण्ड्राणि द्वादशाङ्गेषु नामभिः ॥१८॥

शंख-चक्रादि-मुद्राश्च गोपी-चन्दन-मृत्स्नया^३ ॥

द्वादशाङ्गेषु = बारह अङ्गनों

शंखचक्रादिमुद्राः = शंख-चक्रादि

साधनदीपिका

५९१

नामभिः = नामनों

कुङ्कुमस्य = कुङ्कुके, ऊर्ध्वपुण्ड्राणि = मुद्रा, च = हु

ऊर्ध्वपुण्ड्र तिलक करने (अङ्कनीया) = अङ्कित करनी

गोपीचन्दन-मृत्स्नया = विशुद्धये = इन्द्रियन्की

गोपीचन्दनकी माटीसों आध्यात्मिक शुद्धिके अर्थ.

भावार्थ : बारहों अङ्गनों भगवन्नामनों उच्चारण करते भये कुङ्कुमसों ऊर्ध्वपुण्ड्र
तिलक करने. गोपीचन्दनकी माटीसों शंख-चक्रादि साम्प्रदायिक मुद्रा हु अङ्कित
करनी. एसे करतें इन्द्रियन्की भगवत्सेवाके लायक आध्यात्मिक शुद्धि होत हे ॥

चरणामृतपानं च लेपश्चापि विशुद्धये^४ ॥१९॥

ततस्तु तुलसीमालां धृत्वा^५ स्रध्यां समाचरेत्^६ ॥

चरणामृतपानं = चरणामृतको पान च = अरु, लेपः चापि = लेपहु

(कर्तव्यौ) = करने धृत्वा = धारण करिके

ततः = ता पाछें, तु = तो स्रध्यां = स्रध्याकर्म

तुलसीमालां = तुलसीकी माला समाचरेत् = करनो.

भावार्थ : ता पाछें प्रभून्के चरणामृत-जलको पान अरु अङ्गनों लेपन करनो. ता
पाछें *तुलसीकी माला-कंठी धारण करिके स्रध्या-जपादि करने.

(४. भगवत्सेवारम्भविधि)

परिचर्या हरेः कार्या परिवारजनैः सह ॥१००॥

गत्वा हरिपदं पद्भ्यां स्तुत्वा द्वारं प्रणम्य च ॥

प्रविश्य मार्जनैर्लेपैः पात्राणां शोधनं चरेत् ॥१०१॥

परिवारजनैः = परिवारजनन्के

स्तुत्वा = स्तवन करिके

साधनदीपिका

५९२

सह = सङ्ग, हरेः = हरिकी	प्रणम्य = दण्डवत् प्रणाम करिके
परिचर्या = सेवा, कार्या = करनी	च = अरु
हरिपदं = प्रभुके बिराजवेके स्थानमें	प्रविश्य = भीतर प्रवेश करिके
पद्भ्यां = पांवन्सों चलके	मार्जनैः = मांजीके, लेपैः = लींपीके
गत्वा = जायके	पात्राणां = पात्रन्की
द्वारं = भगवन्मन्दिरके द्वारको	शोधनं = शुद्धि, चरेत् = करे

भावार्थ : परिवारके लोगन्के सङ्ग मिलिके प्रभून्की सेवा-परिचर्या करे. पांवन्सों चलके प्रभून्के बिराजवेके स्थानकों जाय. भगवन्मन्दिरके द्वारन्के आगें स्तुति-प्रणाम करिके मन्दिरके भीतर प्रवेश करे. सुवर्ण-रजतादिके पात्रन्कों मांजिके अरु माटीके पात्रन्कों लींपीके शुद्ध करे ॥१०१॥

(५. भगवत्प्रबोधन)

सम्भृत्य सर्वसम्भारं प्रातराशादिपूर्वकम् ॥
प्रबोध्य श्रीहरिं प्रेम्णा मुखशुद्ध्यंशुकादिभिः ॥१०२॥
अलंकृत्य ततः सिंहासने समुपवेशयेत् ॥

प्रातराशादिपूर्वकम् = मङ्गलभोग आदि सजायके	सर्वसम्भारं = सर्व वस्तु-सामग्री
सम्भृत्य = साजिके	अलंकृत्य = अलङ्कार आछी-
श्रीहरिं = प्रभून्कों, प्रेम्णा = प्रेमसों	भांतिसों धरायके, ततः = ता पाछें
प्रबोध्य = जगायके,	मुखशुद्ध्यंशुकादिभिः =
आचमन-मुखवस्त्र करायके	सिंहासने = सिंहासनपें
	समुपवेशयेत् = पधरावने

भावार्थ : मङ्गलभोग, जलपानकी झारी आदि सर्व वस्तु पहिलेसों ही साजिके राखनी. ता पाछें प्रभून्कों प्रेमसों जगावने. आचमन-मुखवस्त्र करायके अस्तव्यस्त भये आभूषणन्कों आछी भांतिसों धरायके प्रभून्कों सिंहासनपें पधरावने ॥

(मङ्गलभोग, आरती, स्नान की विधि)

हैयङ्गवीनपक्वान्नैः ताम्बूलैः सुजलैर्यजेत् ॥१०३॥
ततो नीराजनं कार्यं मङ्गलं गीतवाद्यकैः ॥

हैयङ्गवीनपक्वान्नैः = ताजो माखन,	ततः = ता पाछें, गीतवाद्यकैः =
पक्वान्नसों, सुजलैः = सुन्दर जलसों	गायन-वादन सहित, मङ्गलं = मङ्गल
ताम्बूलैः = बीरीसों, यजेत् = सेवा करे	नीराजनं = आरती, कार्यम् = करनी

भावार्थ : मङ्गलभोगमें ताजो माखन, ठोर-मठरी आदि पक्वान्न, सुमधुर ताजा जल समर्पें. ता पाछें भोग सरायके बीरा समर्पें. समयानुरूप वाद्य सहित मङ्गलाके कीर्तन करे. पाछें मङ्गल आरती करे ॥

अभ्यङ्गोन्मर्दनैः स्नानं गृहस्नानविधानतः ॥१०४॥
स्तुत्वा कलिन्दजां स्नाते कुर्यात् सम्प्रोञ्छनांशुकम् ॥

अभ्यङ्गोन्मर्दनैः = तेल-उबटन मलिके	
गृहस्नानविधानतः = घरमें स्नानकरवे सम्बन्धि शास्त्रीय विधानसों	
कलिन्दजां = श्रीयमुनाजीकी	स्तुत्वा = स्तुति करिके
स्नानं = स्नान करावनो	सम्प्रोञ्छनांशुकम् = अङ्गवस्त्र
स्नाते = स्नान होय जावें	कुर्यात् = करावनो

भावार्थ : सुगन्धित तेल-आंवरा-चन्दन-केशर आदि समर्पिके, घरमें स्नान करिवेके शास्त्रीय विधानसों, श्रीयमुनाजीकी स्तुति कररिके प्रभून्कों स्नान करावने. ता पाछें अति कोमल सूतिवस्त्रसों श्रीअंग पोंछनो ॥

(शृंगार धराने, बीड़ा धराने, आरसी दिखावनी, ऋतु-कालानुसार सजावट

धरनी, पाछे गावत-बजावत दूप-दीप-आरती करती बिरियां यदि निजजन भक्त होंय तो तिनकों दर्शन कराने होंय तो कराने)

शृङ्गारं रञ्जितैर् वस्त्रैः चित्रैराभरणैरपि ॥१०५॥
 मायूरमुकुटै रम्यैः वेणुवेत्रैः सुमाल्यकैः ॥
 वितानैः प्रसरैः शुभ्रैः प्रतिसारैर्नवैर्नवैः ॥१०६॥
 जल-क्रीडोपस्कुरैश्च ताम्बूलामोद-दर्पणैः ॥
 व्यजनैर् जलभृङ्गारैः देशकालानुसारिभिः ॥१०७॥
 अलंकृत्यैव सप्रेम स्वीयान् भक्तान् प्रदर्शयेत् ॥
 तौर्यत्रिकेन तत्रापि धूप-दीपादिनार्तिकम् ॥१०८॥

(ततः=ता पाछें)रञ्जितैः=रंगे भये प्रतिसारैः=पिछवाई, च=अरु
 वस्त्रैः=वस्त्रनसों, चित्रैराभरणैः= जल-क्रीडोपस्कुरैः=जलक्रीडाकीवस्तुनसों
 विविध आभरणसों, रम्यैः=सुन्दर देशकालानुसारिभिः=देश-काल
 मायूरमुकुटैः=मोरपंखके मुकुटसों अनुसारी, सप्रेम=प्रेम सहित
 वेणुवेत्रैः=बंसी-छड़ीसों अलंकृत्यैव=शृंगार धरायके
 सुमाल्यकैः=सुन्दर मालासों स्वीयान्=निज, भक्तान्=भक्तनसों
 नवैः नवैः=नवीन-नवीन प्रदर्शयेत्=दर्शन करावे
 शृङ्गारं=शृंगार(कृत्वा=करिके)शुभ्रैः=उज्वल तत्र अपि=तहां हु
 वितानैः=चंदोवा, प्रसरैः=बिछौना तौर्यत्रिकेन=नृत्य-गीत-वाद्यसों
 धूपदीपादिना=धूप-दीप आदिसों आर्तिकम्=आरती(कुर्यात्=करे)

भावार्थ : ता पाछें ऋतु-कालके अनुसार रंगे भये वस्त्र, विविध आभरण, सुन्दर मोरपंखके मुकुट, बंसी-छड़ी, सुन्दर माला अरु नवीन-नवीन आभूषण सों प्रभूनके शृंगार करे. उज्वल चंदोवा, बिछौना, पिछवाई अरु जलक्रीडाकी वस्तु आदिकू सजावे. ता पाछें नृत्य, गीत और वाद्य सहित धूप-दीप-आरती करती बिरियां यदि निजजन भक्त होंय तो तिनकों दर्शन कराने होंय तो करानें ॥१०८॥

(६. भोग समर्पण, अवशिष्ट स्रध्याजपादि)

ततो नानाविधैः शुद्धैश्चतुर्विध-सुभोजनैः ॥
 सम्भृतं स्वर्णपात्रन्तु हरेरग्रे निवेदयेत् ॥१०९॥

ततो=ता पाछें सम्भृतं=पूर्ण
 नानाविधैः=विविध प्रकारके स्वर्णपात्रं=सोनेके पात्रकों
 शुद्धैः=शुद्ध, चतुर्विध-सुभोजनैः= तु=तो, हरेः=हरिके
 चार प्रकारके स्वादिष्ट भोजनसों अग्रे=आगें, निवेदयेत्=पधरावे.

भावार्थ : ता पाछें विविध प्रकारके लेह्य, चोष्य, पेय अरु खाद्य एसैं चार्यों प्रकारके शुद्ध स्वादिष्ट भोजनसों पूर्ण सोनेके पात्रकों हरिके आगें पधरावे ॥१०९॥

तुलसीं शंख-तोयेन गायत्र्यास्मिन् निधाय च ॥
 “एतत् समर्पितं देव भक्त्या मे प्रतिगृह्यताम्” ॥११०॥
 राजभोगं समर्प्यैव, बहिर्गोत्रासम् आचरेत् ॥
 ततोऽवशिष्टं जाप्यादि माध्याह्निकम् इहाचरेत् ॥१११॥

अस्मिन्=यामें(पात्रे=पात्रमें) कुर्यात्=करे)एवं=अरु
 शंख-तोयेन=शंखके जलसों राजभोगं=राजभोग
 गायत्र्या=गायत्रीमन्त्रसों समर्प्य=समर्पिके
 तुलसीं=तुलसीकों, निधाय=पधरायके बहिः=बहार
 च=अरु, हे देव=हे देव गोत्रासम्=गोत्रास
 मे=मेरेद्वारा आचरेत्=देवे.ततः=तापाछें
 भक्त्या=भक्तिसों अवशिष्ट=अपूर्ण रहे
 समर्पितं=समर्पित, एतत्=ये माध्याह्निकम्=मध्याह्नस्रध्या
 प्रतिगृह्यताम्=गृहण करो जाप्यादि=जप आदि
 (इति=एसैं, निवेदनं=निवेदन इह=यहां, आचरेत्=करे.)

भावार्थ : ता पाछें गायत्री मन्त्रके उच्चारणपूर्वक शंखके जलसों भोगके पात्रनमें तुलसी पधरायके विज्ञप्ति करे : “हे देव मेरेद्वारा भक्तिभावसों समर्पित ये भोग-समग्रीको स्वीकार करो”. या प्रकारसों राजभोग समर्पिके (श्रीनन्दरायजी-श्रीयशोदाजी श्रीकृष्णकों भोजन करावेतें पहिले भूतयज्ञके शास्त्रीयविधानानुसार गोप्रास देत हें वा भावसों) बहार गोप्रास देनों. ता पाछें शेष रहे जप आदि करने ॥११०-१११॥

(७. राजभोग आरती अरु सेवानवसरके कार्य)

ततस्त्वाचमनं दत्त्वा ताम्बूलं माल्यजां स्रजम् ॥
अपसार्य विशोध्यत्र नैवेद्यं जलमानयेत् ॥११२॥

ततः = ता पाछें, तु = तो दत्त्वा = देयके
आचमनं = आचमन(कारयित्वा = करायके) नैवेद्यम् = भोग
ताम्बूलं = बीरी अपसार्य = सरायके, अत्र = यहां
माल्यजां = बेनीसों सिद्ध करी भई विशोध्य = गीलो छन्ना फिरायके
स्रजं = माला जलम् = जल, आनयेत् = लावे

भावार्थ : ता पाछें समय भये प्रभूनों आचमन करायके बीरा पुष्पमाला-पुष्पगुच्छ समर्पने. भोग धरे होंय सो सब सरायके वा स्थानकूं शुद्ध करनो. प्रभूनों अरोगायवेकूं जलकी झारी पधरावनी ॥११२॥

ततो राजविभूतीनाम् आदर्शैश्चामरैर्भजेत् ॥
गीताद्युत्सवतो ह्येनं नीराज्य च प्रणम्य च ॥११३॥
हृदि कृत्वा पिधायस्य मन्दिरं बहिराव्रजेत् ॥
स्रग्-गन्धादि शिरो-धृत्वा प्रणम्यैव गृहं व्रजेत् ॥११४॥
माध्याह्निकं समाप्यैव श्रीमद्भागवतं पठेत् ॥

ततो = ता पाछें अस्य = इनके
राजविभूतीनां = राजविभूतिन्की मन्दिरं = मन्दिरकों
न्याई, आदर्शैः = दर्पणसों पिधाय = बन्द करिके
चामरैः = मोरछल चमर पंखान् सों बहिः = बाहिर, आव्रजेत् = जाय
भजेत् = सेवा करे स्रग्-गन्धादि = माला-चन्दनादि
गीताद्युत्सवतः = गीत-वाद्य-नृत्य शिरो-धृत्वा = माथें चढ़ायके
उत्सव आदिसों, हि = हु प्रणम्यैव = प्रणाम करिके
नीराज्य = आरती करिके गृहं = घरकों, व्रजेत् = जाय
च = अरु, प्रणम्य = प्रणाम करिके माध्याह्निकं = मध्याह्नकालीन कर्मकों
च = अरु, एनं = ऐसे इन प्रभूनों समाप्यैव = पूर्ण करिके
हृदि = हृदयमें श्रीमद्भागवतं = श्रीमद्भागवत
कृत्वा = धारण करिके पठेत् = बांचे.

भावार्थ : ता पाछें राजधिराज प्रभूनों दर्पण दिखावे, चामर दुरावे, प्रभूने आगे नृत्य-वाद्य सहित कीर्तन गान करे. मध्याह्न आरती करिके प्रभूनों प्रणाम करे. प्रभूनों हृदयमें धारण करिके भगवन्मन्दिरके द्वारनों मङ्गल करिके बाहिर जाय. भगवत्प्रसादरूप माला-बीरा-चन्दनादिकों माथें चढ़ायके द्वारकों प्रणाम करिके (अपने ही घरपरिसरमें स्थित भगवन्मन्दिरसों भिन्न अपने) निवासस्थानकों जाय. मध्याह्नकालीन कर्मकों पूर्ण करिके श्रीमद्भागवत बांचे ॥११४॥

(८. भगवन्महाप्रसाद ग्रहण करिके पाछें करिवेके कृत्य)

ततो भक्तजनेभ्योऽस्य प्रसादं शक्तिततो भजेत् ॥११५॥
समागतेभ्यो विप्रेभ्यो दीनेभ्यश्च यथायथम् ॥
दत्त्वा स्वीय-जनैर्भुक्तिः वैश्वदेवोऽपि तत्र वै ॥११६॥

ततः = ता पाछें च = हु, यथायथम् = कलुक-कलुक

भक्तजनेभ्यः = भक्तजननूकों	दत्त्वा = देयके
अस्य = याको, प्रसादं = महाप्रसाद	वैश्वदेवः = वैश्वदेव, अपि=हु
शक्तितः = शक्ति अनुसार	तत्रः=तामेंसों, वै=ही
भजेत् = देवे, समागतेभ्यः = आये भये	(कृत्वा=करिके)
विप्रेभ्यः = ब्राह्मणनूकों	स्वीय-जनैः=परिवारजनके
दीनेभ्यः = गरीबनूकों	सह=सङ्ग) भुक्तिः=भोजन(कार्य=करे)

भावार्थ : ता पाछें घर आये भक्तजननूकों प्रभूको महाप्रसाद शक्ति अनुसार देय. एसें ही आये भये ब्राह्मणनूकों अरु गरीबनूकों हु यथायोग्य महाप्रसाद-दान-दक्षिणा देवे. वैश्वदेव हु महाप्रसादसों ही करे. ता पाछें परिवारजनके सङ्ग भगवन्महाप्रसादको भोजन करे ॥११५-११६॥

ततो वार्ता स्वकीयानां बहु-पापैरनाकुलाम् ॥
यात्रार्थमेव सेवेत नाभिवेशोऽत्र सञ्चरेत् ॥११७॥
सम्पन्न-वृत्तिः भक्तानां शास्त्राणि परिभावयेत् ॥
सर्वथा वृत्यभावेतु याममात्रं भजेद् हरिम् ॥११८॥
दरिद्रश्च कुटुम्बार्तः विद्वान् भागवतं पठेत् ॥
अविद्वानस्य सेवायां साहाय्यं श्रवणं च वा ॥११९॥

ततः= ता पाछें, बहुपापैः =बहुत पापसों	वृत्यभावे = वृत्तिके अभावमें
अनाकुलाम् = चित्तकों व्याकुल-	तु = तो, याममात्रं = एक याम
न करे एसी, स्वकीयानां = परिवारजनकी	हरिं = प्रभूकी, भजेत् = सेवा कर
वार्ता = बातचीत, (जीवन)यात्रार्थमेव =	दरिद्रश्च = अत्यन्त गरीब, च = अरु
जीवनव्यवहार चलायवेके अर्थ	कुटुम्बार्तः=पारिवारिक प्रतिबन्धवारो
सेवेत् = करे, अत्र = तामें	विद्वान् = पढ़्यो-लिख्यो होय तो
अभिवेशः = अभिनिवेश / लगाव	भागवतं = भागवतको
न = नाही, सञ्चरेत् = करे	पठेत् = पाठ करे.

भक्तानां = भक्तनूके बीच	अविद्वान् = पढ़्यो-लिख्यो न
सम्पन्न-वृत्तिः = धनसम्पन्न होय सो	होय तो अस्य = विद्वान् भक्तकी
शास्त्राणि = शास्त्रनूको	सेवायां = सेवामें, साहाय्यं = सहायता
परिभावयेत् = अवगाहन करे.	च = अरु, श्रवणं = श्रवण
सर्वथा = पर्याप्त भलीभांति	वा = हु(कुर्यात् = करे)

भावार्थ : ता पाछें बहुत पापसों चित्तकों व्याकुल न करे एसी जीवनव्यवहार चलायवेमें उपयोगी अनिवार्य एसी परिवारजन सम्बन्धि बातचीत करे. परन्तु तामें अपने मनको अभिनिवेश / लगाव न राखे. धनसम्पन्न भक्तनूकों सेवाके अनवसरमें शास्त्रनूको अवगाहन करनो. धनसम्पन्न न होय तो एक याम प्रभूकी सेवा करिके शेष समयमें आजीविकाके उपाय करने. तामें हु जो असमर्थ एसो कोई अत्यन्त गरीब भक्त होय अरु पारिवारिक प्रतिबन्धवारो होय तातें यदि एक समय हु भगवत्सेवा करि न सके तो, पढ़्यो-लिख्यो होय तो, भागवतको पाठ करे. यदि पढ़्यो-लिख्यो न होय तो जो विद्वान् भक्त प्रभुसेवा करतो होय वाकी परिचर्या करे अरु वो जब भगवद्गुणगान, भागवतपाठ आदि करे तब वाको श्रवण करे ॥११९॥

(९. सायंकृत्यके पाछें प्रभूके उत्थापनको प्रकार)

सायंस्रध्याथ पुण्ड्राणि धृत्वा ताम्बूलतो मुखम् ॥
संशोध्याचम्य शुद्धोऽसौ प्रभोरुत्थापनं चरेत् ॥१२०॥
कन्दमूलैः फलैर्गन्धैः सुमाल्यैः सुजलैरपि ॥
सन्तोष्य मुरजादीनां सङ्गीतेनापि तोषयेत् ॥१२१॥
गायेद् भक्तकृतैः पद्यैः हृद्यैर्लीलारहस्यकैः ॥
ततो नीराजयेन् नाथम् आयान्तं व्रजमण्डले ॥१२२॥

अथ = अब	सुमाल्यैः = माला
ताम्बूलतः = बीरीसों	सुजलैः अपि = जल हु सों
मुखं = मुखकों	सन्तोष्य = प्रसन्न करिके

संशोध्य = शुद्ध करिके	मुरजादीनां = मृदङ्ग आदिसों
आचम्य = आचमन करिके	सङ्गीतेन अपि = सङ्गीतसों हु
पुण्ड्राणि = ऊर्ध्वपुण्ड्र तिलक	तोषयेत् = रिझावे
धृत्वा = धारण करिके	हृद्यैः = हृदयके भावसों
सायंस्रध्या = सायंकालीन स्रध्या	लीलारहस्यकैः = लीलारहस्यके
(कार्या) = करनी	भक्तकृतैः = भक्तनूके द्वारा रचित
शुद्धः = शुद्ध भयो भक्त	पद्यैः = पद्यनूसों, गायेत् = गावे
असौ = ये, प्रभोः = प्रभुके	ततः = ता पाछें, ब्रजमण्डले = ब्रजमंडलमें
उत्थापनं = उत्थापन, चरेत् = करे	आयान्तं = पधारते भये
कन्दमूलैः = कन्दमूल, फलैः = फल	नाथं = प्रभून्की
गव्यैः = दूध-दही आदि	नीराजयेत् = आरती करे.

भावार्थ : ता पाछें आचमन करिके, बीरीसों मुखकों शुद्ध करिके, ऊर्ध्वपुण्ड्र तिलक धारण करिके सायंकालीन स्रध्या करनी. एसें शुद्ध भयो भक्त प्रभुके उत्थापन समयकी सेवा करे. उत्थापन भोगमें कन्दमूल, फल, दूध-दही आदि समर्पे. माला धरावे. नवीन जलसों झारी भरे. मृदङ्ग आदि वाद्य-सङ्गीतसों प्रभून्कों प्रसन्न करे. हृदयके भावसों भक्तनूके द्वारा रचित लीलारहस्यके पद्यनूसों भगवल्लीलाको गान करे. ता पाछें ब्रजमण्डलमें पधारते भये प्रभून्की आरती करे ॥१२२॥

(१०. शयनभोग, शयनारती आदि कृत्य)

सायंकालेऽपि नैवेद्यं यथा-विभव-विस्तरः ॥

नीराजनं च शयनं यथायोग्यं विभावयेत् ॥१२३॥

सायंकाले = संजाकालमें, अपि = हु	नीराजनं = आरती
यथा-विभव-विस्तरः = सामर्थ्यानुसार- शयनं = शयन, च = अरु	
यथायोग्य विस्तारसों	यथायोग्यं = जेसें बनि आवे तेसें

नैवेद्यं = भोग
विभावयेत् = करे.
भावार्थ : संज्ञा समय हु सामर्थ्यके अनुसार विस्तारसों भोग धरावने, आरती करनी अरु प्रभून्कों शयन करावने ॥१२३॥

(११. सोयवेसों पूर्वके कृत्य)

सायंस्रध्या-ऽऽहुतीश्चापि कृत्वा भुक्त्वा निवेदितम् ॥
कथयेद् शृणुयाद् वापि लीलां भगवतोऽन्वहम् ॥१२४॥
ततः शयीत शुद्धोऽसौ भावयन् भगवत्पदम् ॥
सुतार्थिनी स्वपत्नी चेद् ब्रजेत् तां जेतुमिन्द्रियम् ॥१२५॥
इत्येवं यस्य दिवसा यान्ति भक्तस्य भूतले ॥
सएव कृतकृत्योऽस्ति हरिस्तमनुश्लिष्यति ॥१२६॥

सायंस्रध्याहुतीः = सांझकी स्रध्या	सुतार्थिनी = पुत्रकी कामनावारी
अरु होम, चापि = हु	चेत् = यदि होय
कृत्वा = करिके	इन्द्रियं = इन्द्रियकूं
निवेदितं = निवेदित	जेतुं = संयममें राखिवेकूं
भुक्त्वा = भोजन करिके	तां = वाके निकट, ब्रजेत् = जाय
अन्वहं = दिनके पाछिले समयमें	इत्येवं = या प्रकारसों
भगवतः = भगवान्की	भूतले = भूतलपें, यस्य = जा
लीलां = लीलाकों	भक्तस्य = भक्तको
कथयेद् = कहे, वा = अथवा	दिवसाः = दिवस
शृणुयाद् अपि = सुने हु	यान्ति = व्यतीत होत हे
ततः = तारें, शुद्धः = शुद्ध	सएव = वोही
असौ = ये	कृतकृत्यः = कृतकृत्य
भगवत्पदं = भगवान्के चरणको	अस्ति = हे
भावयन् = भावन करत-करत	हरिः = हरि, तम् = वाकों
शयीत = शयन करे, स्वपत्नी = पत्नी	अनुश्लिष्यति = प्राप्त होत हैं.

॥ चतुश्श्लोकी ॥

(२६)

(पुष्टिमार्गीय जीवनके ऐहिक पारलौकिक सर्वविध हितनको करिवेवारे ब्रजाधिप ही भजनीय हैं)

सदा सर्वात्मभावेन भजनीयो ब्रजेश्वरः ॥
करिष्यति सएवास्मद् ऐहिकं पारलौकिकम् ॥१॥

सदा = सदा
सर्वात्मभावेन = सर्वात्मभावके साथ
ब्रजेश्वरः = ब्रजके अधीश
भजनीयो = भजन करिवे लायक हैं.
स = वे, एव = ही
अस्मद् = अपनो
ऐहिकं = या लोकके सम्बन्धी
(च) = अरु
पारलौकिकम् = परलोकसम्बन्धी
(हितं) = भलो, करिष्यति = करेंगे

भावार्थ : सर्वात्मभावसों सदा ब्रजके अधीश श्रीकृष्णकी सेवा करनी चाहिये. वे ही स्वीय भक्तनको या लोकके सम्बन्धी अरु परलोकसम्बन्धी भलो करेंगे.

(पुष्टिमार्गीयकों कबहु अन्याश्रय न करनों अरु स्वमार्गीयजनन्में अनात्मभाव हु न राखनो)

अन्याश्रयो न कर्तव्यः सर्वथा बाधकस्तु सः ॥
स्वकीयेष्वात्मभावश्च कर्तव्यः सर्वथा सदा ॥२॥

अन्याश्रयो = अन्यदेवन्को आश्रय
न = नाहिं, कर्तव्यः = करनो
सः तु = वो अन्याश्रय तो
च = अरु
स्वकीयेषु = स्वमार्गीय जनन्में
सर्वथा = सभी तरहसों
सर्वथा = सभी तरहसों
बाधकः = पुष्टिभक्तिमें बाधा
करिवेवारो(भवति) = होत हे.
सदा = सर्वदा
आत्मभावः = आत्मीयताको भाव
कर्तव्यः = निभावनो.

भावार्थ : ता पाछें संज्ञा समयके स्रध्या-होम करिके प्रभूनों निवेदित करे महाप्रसादको भोजन करिके दिनके पाछिले समयमें प्रभून्की लीलानको श्रवण-कीर्तन करे. या प्रकार दिनभर भगवदेकतान रह्यो शुद्ध भक्त भगवान्के चरणनको भावन करत-करत शयन करे. पत्नी यदि पुत्रकी कामनावारी होय तो अपनी इन्द्रियें असंयत न होय जांय एसी भावनासूं वाके निकट जाय. या प्रकारसों भूतलपें जा भक्तको दिवस व्यतीत होत हे वो निश्चय ही कृतकृत्य हे, हरि वाकों प्राप्त होवें हैं ॥१२६॥

(ग्रन्थको उपसंहार)

इत्येवं भक्तिशास्त्रेषु यदाचारो निरूपितः ॥
तदाचारं भजेदत्र नान्यथा गतिरिष्यते ॥१२७॥

इति श्रीमद्भगवद्ब्रह्मवैवर्त-श्रीवल्लभदीक्षिततनुज-श्रीगोपीनाथ-दीक्षित-विरचित
साधनदीपिका समाप्ता

इत्येवं = या प्रकारसों
भक्तिशास्त्रेषु = भक्तिशास्त्रमें
यद् आचारो = जो आचर
अत्र = यहां
निरूपितः = निरूपित भयो हे
तद् आचारं = वा आचारको
भजेद् = अनुसरण करतें
अन्यथा = अन्यथा
गतिः = गति
न = नाहीं, इष्यते = इष्ट हे.

भावार्थ : या प्रकारसों या भक्तिशास्त्रमें जो आचार निरूपित भयो हे वा आचारको अनुसरण करनो. यासों अन्य प्रकारसों आचरण भक्तनकों इष्ट सिद्धिप्रद नाहीं हे.

इति श्रीमद्भगवद्-वदनावतार-श्रीवल्लभदीक्षित-तनुज-श्रीगोपीनाथ-
दीक्षित-विरचित

साधनदीपिकाको ब्रजभाषा भावानुवाद समाप्त भयो

भावार्थ : अन्यदेवनको आश्रय कबहु नाहिं करनो. क्यों ? जो अन्याश्रय पुष्टिभक्तिमें सभी तरहसों बाधा करिवेवारो होत हे. पुष्टिभक्तिमार्गीनको स्वमार्गीय जननमें सभी तरहसों सर्वदा आत्मीयताको भाव निभावनो ॥२॥

सदा सर्वात्मना सेव्यः कृष्णः कालादिदोषनुत् ॥
तद्भक्तेषु च निर्दोषभावेन स्थेयमादरात् ॥३॥

सदा = सर्वदा
सर्वात्मना = सभी प्रकारसों
कालादिदोषनुत् = काल-कर्म-
स्वभावके दोषनकू हरिवेवारे
कृष्णः = ब्रजाधिप श्रीकृष्ण
सेव्यः = सेवनीय, च = अरु
तद्भक्तेषु = तिनके भक्तनमें
निर्दोषभावेन = दोषभाव लाये बिन
आदरात् = आदरभाव राखिके
स्थेयम् = रहेनो.

भावार्थ : सर्वदा सभी प्रकारसों काल-कर्म-स्वभावके दोषनकू हरिवेवारे ब्रजाधिप श्रीकृष्ण सेवनीय हैं. अरु पुष्टिभक्तनको श्रीकृष्णके तिनके भक्तनमें दोषभाव लाये बिना आदरभाव राखिके रहेनो.

भगवत्येव सततं स्थापनीयं मनः स्वयम् ॥
कालोऽयं कठिनोऽपि श्री-कृष्णभक्तान् न बाधते ॥४॥

सततं = निरन्तर
स्वयम् = अपने प्रयाससों
मनः = अपना मन
स्थापनीयं = लगावनों
अयं = ये, कालो = कलिकाल
कठिनो = कठिन
भगवति = भगवानमें
एव = ही
अपि = भी (होयवेपे)
श्रीकृष्णभक्तान् = श्रीकृष्णके भक्तनको
न = नाहीं
बाधते = बाधा करत हे.

भावार्थ : निरन्तर प्रयत्न पूर्वक भगवानमें ही अपना मन लगावनों. यदि एसें रह्यो जाय तो ये कलिकाल कठिन होयवेपेहु श्रीकृष्णके भक्तनको बाधा नाहीं करि सकेगो.

इति श्रीमद्विट्ठलेश्वरविरचिता चतुःश्लोकीको
ब्रजभाषा भावानुवाद समाप्त

॥ पादानुक्रमणिका ॥

(पुष्टिविधानम्)

अकर्तव्यं भगवतः	(सेवाफलम् ३)
अग्नित्वं वर्णितं ते कविभिरपि सदा	(श्रीवल्लभाष्टकम् ८)
अग्रतः पत्युरेव	(श्रीवल्लभाष्टकम् ३)
अग्रेऽपि तादृशैरेव	(संन्यासनिर्णयः ५)
अघौघतमसावृतम्	(श्रीस्फुरत्कृष्णप्रेमामृतस्तोत्रम् ७)
अङ्गीकृतौ समर्यादः	(श्रीसर्वोत्तमस्तोत्रम् १०)
अङ्गीकृत्यैव गोपीश-	(श्रीसर्वोत्तमस्तोत्रम् १०)
अच्चित्त्यमहिमाऽमेयः	(श्रीनामरत्नाख्यस्तोत्रम् २२)
अजामिलाकर्णनवद्	(जलभेदः १८)
अजामिलादिदोषाणाम्	(श्रीकृष्णाश्रयस्तोत्रम् ७)
अज्ञातस्खलितानां च	(साधनदीपिका ४४)
अज्ञानतिमिरान्धस्य	(मङ्गलाचरणम् ३)
अज्ञानादथवा ज्ञानात्	(नवरत्नम् ४)
अज्ञानाद्यन्धकारप्रशमनपटुता	(श्रीवल्लभाष्टकम् ८)
अञ्जस्तरति दुस्तराम्	(साधनदीपिका ६०)
अत आदौ भक्तिमार्गे	(संन्यासनिर्णयः २)
अत एवेतरौ भिन्नौ	(पुष्टिप्रवाहमर्यादाभेदः ११)
अतः शिवश्च विष्णुश्च	(बालबोधः ११)
अतः सर्वोत्तमं स्तोत्रम्	(श्रीसर्वोत्तमस्तोत्रम् ३५)
अतः स्थेयं हरिस्थाने	(भक्तिवर्धिनी ८)
अतः कलौ स संन्यासः	(संन्यासनिर्णयः १६)
अतः सर्वात्मना शश्वत्	(चतुःश्लोकी ४)
अतः सेवापरं चित्तम्	(नवरत्नम् ७)
अतः स्वधर्माचरणम्	(साधनदीपिका १५)

अतदीयतया चापि	(बालबोधः १८)
अतस्तदनुरोधेन	(साधनदीपिका २२)
अतस्तदनुरोधेन	(साधनदीपिका ५६)
अतस्तस्मान् न मोचनम्	(साधनप्रकरणम् २२३)
अतस्तस्मिन् स्थितस्यैव	(साधनदीपिका ७२)
अतस्तु ब्रह्मवादेन	(सिद्धान्तमुक्तावली १२)
अतस्तेष्वप्रतिग्राही	(साधनप्रकरणम् २४८)
अतिगम्भीरतात्पर्यः	(श्रीनामरत्नाख्यस्तोत्रम् १३)
अतिप्रियाय तदपि	(बालबोधः १५)
अतिसुन्दररूपाणि	(साधनदीपिका २८)
अतो मूलाभिषेको हि	(साधनदीपिका १४)
अतोऽत्र साधने भक्तौ	(संन्यासनिर्णयः ६)
अतोऽन्यविनियोगेऽपि	(नवरत्नम् ३)
अतोऽस्तु तव लालना	(श्रीयमुनाष्टकम् ७)
अत्यन्ताभिनिवेशश्चेत्	(साधनप्रकरणम् २१७)
अत्यागे योगमार्गो हि	(बालबोधः ९)
अत्याग्रहप्रवेशे वा	(साधनप्रकरणम् २४७)
अत्रापि वेदनिन्दायाम्	(साधनप्रकरणम् २१६)
अत्रारम्भे न नाशः स्यात्	(संन्यासनिर्णयः १८)
अथवा सर्वदा शास्त्रम्	(साधनप्रकरणम् २५३)
अथापि धर्ममार्गेण	(साधनप्रकरणम् २१५)
अदूरे विप्रकर्षे वा	(भक्तिवर्धिनी ८)
अदेयदानदक्षश्च	(श्रीसर्वोत्तमस्तोत्रम् ११)
अधमाः परिकीर्तिताः	(पञ्चपद्यानि ४)
अधर्मकरणात् तथा	(साधनप्रकरणम् २१६)
अधिगतामनेकस्वनैः	(श्रीयमुनाष्टकम् ३)

अधुनातु कलौ सर्वे	(साधनप्रकरणम् २१२)
अनन्तगुणभूषिते	(श्रीयमुनाष्टकम् ४)
अनन्यभक्तहृदयः	(श्रीनामरत्नाख्यस्तोत्रम् ५)
अनन्यमनसो मर्त्याः	(पञ्चपद्यानि ५)
अनाग्रहश्च सर्वत्र	(विवेकधैर्याश्रयः ५)
अनात्मत्वं च भासते	(भक्तिवर्धिनी ५)
अनिर्वृता लोकवेदे	(पञ्चपद्यानि १)
अनुकूलस्य संकल्पः	(पञ्चश्लोकी ४)अनुकूले कलत्रादौ (पञ्चश्लोकी ३)
अनुग्रहः पुष्टिमार्गे	(सिद्धान्तमुक्तावली १८)
अनुग्रहे नियोज्योऽतः	(साधनदीपिका ५५)
अनेक क्षितिप श्रेणी	(श्रीनामरत्नाख्यस्तोत्रम् १५)
अनेकजन्मसंसिद्धाः	(जलभेदः १२)
अनेकमार्गसंक्लिष्ट	(श्रीनामरत्नाख्यस्तोत्रम् १७)
अन्तःकरण! मद्वाक्यम्	(अन्तःकरणप्रबोधः १)
अन्तःकरणगोचरः	(विवेकधैर्याश्रयः ३)
अन्नस्य चात्मनश्चापि	(साधनदीपिका ३४)
अन्यथा क्रूरता मता	(निरोधलक्षणम् १४)
अन्यथा पतितो भवेत्	(संन्यासनिर्णयः २२)
अन्यथा भ्रश्यते स्वार्थात्	(संन्यासनिर्णयः २१)
अन्यथा मातरो बालान्	(संन्यासनिर्णयः १९)
अन्यथा रूपयन्ति	(श्रीवल्लभाष्टकम् ३)
अन्यथा सर्वदोषाणाम्	(सिद्धान्तरहस्यम् ४)
अन्यथातु कृतिर्व्यर्था	(साधनदीपिका २२)
अन्यथाभावमापन्नः	(सिद्धान्तमुक्तावली २०)
अन्यस्य भजनं तत्र	(विवेकधैर्याश्रयः १४)
अन्यान्यपि तथा कुर्यात्	(साधनप्रकरणम्)

अन्याश्रयो न कर्तव्यः	(द्वितीया चतुःश्लोकी २)
अन्यासक्तास्तु ये केचित्	(पञ्चपद्यानि ४)
अन्येषां सम्भवेत्तु स्यात्	(साधनप्रकरणम् २४६)
अपरं तत्र पूर्वस्मिन्	(सिद्धान्तमुक्तावली ४)
अपरिज्ञाननष्टेषु	(श्रीकृष्णाश्रयस्तोत्रम् ५)
अपेक्षितजलादीनाम्	(सिद्धान्तमुक्तावली १५)
अप्राकृतनिखिलधर्मरूपमिति	(श्रीसर्वोत्तमस्तोत्रम् १)
अप्राकृताखिलाकल्प	(श्रीसर्वोत्तमस्तोत्रम् ३२)
अभावत् तत्र दुःखभाक्	(सिद्धान्तमुक्तावली १५)
अभिमानश्च स्रत्याज्यः	(विवेकधैर्याश्रयः ३)
अभिमानान् नियोगाच्च	(संन्यासनिर्णयः ४)
अमत्सरैर् अलुब्धैश्च	(निरोधलक्षणम् १६)
अमृत्युम् अकरोत् क्षणात्	(श्रीस्फुरत्कृष्णप्रेमामृतस्तोत्रम् ७)
अरणमस्तु मे तत्पदम्	(श्रीस्फुरत्कृष्णप्रेमामृतस्तोत्रम् ७)
अर्चनं प्रत्यहं तस्य	(साधनदीपिका २९)
अर्थैकनिष्ठास्ते चाऽपि	(पञ्चपद्यानि २)
अलङ्कुर्वीत सप्रेम	(साधनप्रकरणम् २३०)
अलौकिकमनःसिद्धौ	(विवेकधैर्याश्रयः १३)
अलौकिकस्य दाने हि	(सेवाफलम् १)
अलौकिकास्तु वेदोक्ताः	(बालबोधः ३)
अलौकिकेन ज्ञानेन	(जलभेदः ९)
अल्पश्रुताः प्रेमयुक्ताः	(जलभेदः ७)
अवश्येयं सदा भाव्या	(सेवाफलम् ६)
अविश्वासो न कर्तव्यः	(विवेकधैर्याश्रयः १५)
अवोचाम प्रमाणताम्	(साधनप्रकरणम् २२५)
अव्यग्रात्मा सदा गतिः	(साधनप्रकरणम् २५०)

अव्यावृत्तो भजेत् कृष्णम्	(भक्तिवर्धिनी २)
अशक्ये वा सुशक्ये वा	(विवेकधैर्याश्रयः ११)
अशक्ये हरिरेवास्ति	(विवेकधैर्याश्रयः ९)
अशक्ये हरिरेवास्ति	(अन्तःकरणप्रबोधः १०)
अशून्या दिवसा यामाः	(साधनदीपिका ४६)
अशूरेणाऽपि कर्तव्यम्	(विवेकधैर्याश्रयः ८)
अशेषभक्तसम्प्रार्थ्य	(श्रीसर्वोत्तमस्तोत्रम् ३३)
असतश्चाक्रमं सहेत्	(विवेकधैर्याश्रयः ७)
असमर्पितवस्तूनाम्	(सिद्धान्तरहस्यम् ४)
अहं निरुद्धो रोधेन	(निरोधलक्षणम् १०)
अहङ्कारं न कुर्वीत	(साधनप्रकरणम् २४१)
अहङ्कारकृते चैव	(विवेकधैर्याश्रयः १२)
अहङ्कारविमूढेषु	(श्रीकृष्णाश्रयस्तोत्रम् ४)
अहङ्कारेऽथवा लोके	(पुष्टिप्रवाहमर्यादाभेदः १८)
अहन्ताममतानाशे	(बालबोधः ७)
आ	
आचारोऽपि प्रसज्यते	(साधनदीपिका १९)
आचार्यरत्नं सर्वानु	(श्रीनामरत्नाख्यस्तोत्रम् २३)
आज्ञा पूर्वं तु या जाता	(अन्तःकरणप्रबोधः ५)
आज्ञैव कार्या सततम्	(अन्तःकरणप्रबोधः ४)
आत्मनि ब्रह्मरूपे हि	(सिद्धान्तमुक्तावली १२)
आत्मनैवेद्यकार्पण्ये	(पञ्चश्लोकी ५)
आत्मप्रदः प्रियश्चाऽपि	(संन्यासनिर्णयः २०)
आत्मा वार इति श्रुत्या	(साधनदीपिका ५)
आत्मानन्दसमुद्रस्थम्	(सिद्धान्तमुक्तावली १६)
आद्येऽपि नैष्ठिकश्चत्त्ये	(साधनदीपिका ७३)

आनन्दः परमानन्दः	(श्रीसर्वोत्तमस्तोत्रम् ७)
आनन्दैकस्वरूपात् त्वदधिभु यदभूत्	(श्रीवल्लभाष्टकम् ६)
आनुष्टुभमिहच्छन्दः	(श्रीनामरत्नाख्यस्तोत्रम् २)
आपद्गत्यादिकार्येषु	(विवेकधैर्याश्रयः ४)
आमृतेः सर्वतः सदा	(विवेकधैर्याश्रयः ६)
आम्नायोक्तं यदम्भो भवनमनलतः	(श्रीवल्लभाष्टकम् ६)
आरामं च गृहं शुचिः	(साधनदीपिका ६७)
आरूढपतितोऽगतिः	(साधनदीपिका ७०)
आर्तेष्वत्युग्रमोहासुरनृषु युगपत्	(श्रीवल्लभाष्टकम् ५)
आश्रमो द्विविधः कौर्मे	(साधनदीपिका ७३)
आश्रयोऽतो निरूप्यते	(विवेकधैर्याश्रयः ९)
आसक्तौ भगवानेव	(पुष्टिप्रवाहमर्यादाभेदः १८)
आसक्त्या स्याद् गृहारुचिः	(भक्तिवर्धिनी ४)
आसुरावेशसम्भवात्	(साधनदीपिका १९)
आह कृष्णोक्तमादितः	(साधनप्रकरणम् २२१)
इ	
इच्छामात्रेण मनसा	(पुष्टिप्रवाहमर्यादाभेदः ९)
इति कृष्णप्रसादेन	(संन्यासनिर्णयः २२)
इति जीवेन्द्रियगता	(जलभेदः २१)
इति निश्चित्य मनसा	(साधनप्रकरणम् २३४)
इति भागवतान् धर्मान्	(साधनदीपिका ६०)
इति भागवतो धर्मः	(साधनदीपिका १७)
इति मे निश्चिता मतिः	(संन्यासनिर्णयः २१)
इति श्रीकृष्णदासस्य	(अन्तःकरणप्रबोधः १०)
इति श्रीवल्लभोऽब्रवीत्	(श्रीकृष्णाश्रयस्तोत्रम् ११)
इति श्रुत्या तथा स्मृत्या	(साधनदीपिका १३)

इति षट्कर्मकृद् भवेत्	(साधनदीपिका २०)
इत्यानन्दनिधेः प्रोक्तम्	(श्रीसर्वोत्तमस्तोत्रम् ३३)
इत्येवं कथितं सर्वं	(बालबोधः २०)
इत्येवं भगवच्छास्त्रम्	(भक्तिवर्धिनी ११)
इन्द्रियाणां हिताय वै	(निरोधलक्षणम् १२)
इन्द्रियाश्वविनिग्राहः	(साधनदीपिका १६)
इन्द्रियाश्वविनिग्राहः	(साधनप्रकरणम् २३८)
इमानि नामरत्नानि	(श्रीनामरत्नाख्यस्तोत्रम् २८)
इयं तव कथाऽधिका	(श्रीयमुनाष्टकम् ८)
इयं श्रीरघुनाथस्य	(श्रीनामरत्नाख्यस्तोत्रम् ३१)
इष्टं दत्तं तपो जप्तम्	(साधनदीपिका ५९)
उ	
उक्तां प्राप्नोत्यसंशयम्	(श्रीसर्वोत्तमस्तोत्रम् ३४)
उक्तातिरिक्तवाक्यानि	(जलभेदः २०)
उग्रप्रतापो वाक्सीधु	(श्रीसर्वोत्तमस्तोत्रम् १५)
उत्कर्षो गुणवर्णने	(निरोधलक्षणम् १६)
उत्तमः किं सदा स्थितः	(अन्तःकरणप्रबोधः ३)
उत्तमः परिकीर्तितः	(साधनप्रकरणम् २२२)
उत्तमाः श्रवणादिषु	(पञ्चपद्यानि ५)
उत्तमोत्तममेतद्धि	(साधनप्रकरणम् २५०)
उत्पद्येत स वै भ्रमः	(सेवाफलम् ८)
उत्सवः सुमहान् यथा	(निरोधलक्षणम् ३)
उत्सवो यत्र वै हरेः	(साधनप्रकरणम् २४५)
उदासीने स्वयं कुर्यात्	(पञ्चश्लोकी ३)
उदासीने स्वयं कुर्यात्	(साधनप्रकरणम् २३१)
उद्धवागमने जातः	(निरोधलक्षणम् ३)

उद्धृतोदकवत् सर्वे	(जलभेदः २०)
उद्वेगः प्रतिबन्धो वा	(सेवाफलम् २)
उपाधिनाशे विज्ञाने	(सिद्धान्तमुक्तावली १३)
उपासनादिमार्गाति	(श्रीसर्वोत्तमस्तोत्रम् २४)
उभयोस्तु क्रमेणैव	(सिद्धान्तमुक्तावली १९)
उष्णत्वैकस्वभावोऽप्यतिशिशिरवचः	(श्रीवल्लभाष्टकम् ५)
ऊ	
ऊर्ध्वपुण्ड्राणि मृन्मुद्रा	(साधनदीपिका ३८)
ऊ	
ऋषिभिर्बहुधा प्रोक्ता	(बालबोधः ८)
ऋषिरग्निकुमारजः	(श्रीनामरत्नाख्यस्तोत्रम् २)
ऋषिरग्निकुमारस्तु	(श्रीसर्वोत्तमस्तोत्रम् ५)
एएकं तस्माद् विलक्षणम्	(सिद्धान्तमुक्तावली ३)
एकं यामं हरौ नयेत्	(साधनप्रकरणम् २३२)
एककालं द्विकालं वा	(साधनप्रकरणम् २३७)
एकाकी निस्पृहः शान्तः	(साधनप्रकरणम् २४९)
एकादश्यां महानिशि	(सिद्धान्तरहस्यम् १)
एकादश्युपवासादि	(साधनप्रकरणम् २४५)
एतत् सर्वं प्रयत्नेन	(साधनप्रकरणम् २४६)
एतत् सहनम् अत्रोक्तम्	(विवेकधैर्याश्रयः ९)
एतदेवेति मे मतिः	(सेवाफलम् ७)
एतद्विरोधि यत्किञ्चित्	(साधनप्रकरणम् २३९)
एतद् देहावसाने तु	(साधनप्रकरणम् २३४)
एतद् बुध्वा विमुच्येत	(सिद्धान्तमुक्तावली २१)
एतन् मार्गद्वयं प्रोक्तम्	(साधनप्रकरणम् २५६)
एतादृशस्तु पुरुषः	(साधनप्रकरणम् २१९)

एतादृशाः स्वतन्त्राश्चेत्	(जलभेदः १४)
एतावन्मात्रताप्यस्ति	(साधनप्रकरणम् २१७)
एवं चित्ते सदा भाव्यम्	(विवेकधैर्याश्रयः १३)
एवं ज्ञात्वा ज्ञानमार्गात्	(निरोधलक्षणम् १६)
एवं तस्मान् निरूपितः	(सिद्धान्तमुक्तावली १९)
एवं निरुद्धचित्तस्या-	(साधनदीपिका ४३)
एवं योगीश्वरोक्तेन	(साधनदीपिका ६१)
एवं वस्त्रेऽपि विज्ञेयम्	(साधनदीपिका ६४)
एवं श्रीयदुनायकं किल घन-	(मङ्गलाचरणम् ७)
एवं सदा स्म कर्तव्यम्	(चतुःश्लोकी २)
एवं सप्तविधा भक्तिः	(साधनदीपिका ३०)
एवं सर्गस्तु तेषां हि	(पुष्टिप्रवाहमर्यादाभेदः १६)
एवं स्वशास्त्रसर्वस्वम्	(सिद्धान्तमुक्तावली २१)
एवम् आश्रयणं प्रोक्तम्	(विवेकधैर्याश्रयः १७)
ऐ	
ऐहिकं पारलौकिकम्	(द्वितीया चतुःश्लोकी १)
ऐहिके पारलोके च	(विवेकधैर्याश्रयः १०)
क	
कथनीयगुणाकरः	(श्रीनामरत्नाख्यस्तोत्रम् १३)
कथमु हन्ति दुष्टानपि	(श्रीयमुनाष्टकम् ६)
कदाचिद् अपमानेऽपि	(अन्तःकरणप्रबोधः २)
कदाचिन् न तु सर्वदा	(पञ्चपद्यानि ४)
कमलजा सपत्नीव यत्	(श्रीयमुनाष्टकम् ५)
कमलजासपत्नि! प्रिये!	(श्रीयमुनाष्टकम् ८)
करणः शत्रुतापनः	(श्रीनामरत्नाख्यस्तोत्रम् २१)
करशुद्धिः विशेषतः	(साधनदीपिका ६३)

करिष्यति न संशयः	(भक्तिवर्धिनी १०)
करिष्यति सएवास्मत्	(द्वितीया चतुःश्लोकी १)
करिष्यतीति विश्वासो	(पञ्चश्लोकी ५)
करिष्यन् प्रकटं हरिः	(श्रीसर्वोत्तमस्तोत्रम् ३)
कर्णयोः कर्णिकारम्	(मङ्गलाचरणम् ८)
कर्णराजद्विमुक्तम्	(मङ्गलाचरणम् ११)
कर्तव्य इति निश्चयः	(निरोधलक्षणम् १९)
कर्तव्यः सर्वथा सदा	(द्वितीया चतुःश्लोकी २)
कर्तव्यं वेधवर्जितम्	(साधनप्रकरणम् २४५)
कर्तव्यत्वाद् विचारणा	(संन्यासनिर्णयः २)
कर्तव्यश्चेत् स नेष्यते	(संन्यासनिर्णयः ३)
कर्तुं बाधां कुतोऽपरे	(संन्यासनिर्णयः १९)
कर्म त्यक्तुम् अशेषतः	(साधनदीपिका १५)
कर्मजाड्यभिदुष्णांशुः	(श्रीनामरत्नाख्यस्तोत्रम् ८)
कर्मणा जायते यतः	(पुष्टिप्रवाहमर्यादाभेदः २६)
कर्ममार्गप्रवर्तकः	(श्रीसर्वोत्तमस्तोत्रम् १८)
कर्ममार्गे न कर्तव्यः	(संन्यासनिर्णयः २)
कर्मशुद्धाः पल्वलानि	(जलभेदः ७)
कलिकालतमश्छन्न	(श्रीसर्वोत्तमस्तोत्रम् २)
कलिन्दगिरिमस्तके	(श्रीयमुनाष्टकम् २)
कलिभुजङ्गमासादितम्	(श्रीस्फुरत्कृष्णप्रेमामृतस्तोत्रम् ७)
कलौ च खलधर्मिणि	(श्रीकृष्णाश्रयस्तोत्रम् १)
कलौ नैव यथाविधिः	(साधनदीपिका ६९)
कलौ भक्त्यादिमार्गा ही	(विवेकधैर्याश्रयः १७)
कल्पद्रुमनवाङ्कुरः	(श्रीनामरत्नाख्यस्तोत्रम् ९)
कल्पितैरेव बाधः स्यात्	(साधनप्रकरणम् २२५)

कश्चिदेव हि भक्तो हि	(पुष्टिप्रवाहमर्यादाभेदः ४)
का ममाधमता भाव्या	(अन्तःकरणप्रबोधः ३)
कादाचित्काः शब्दागम्याः	(जलभेदः ९)
कापट्यात् तेषु नान्यथा	(पुष्टिप्रवाहमर्यादाभेदः २०)
कामचारस्तु लोकेऽस्मिन्	(सिद्धान्तमुक्तावली ११)
कामशास्त्राणि च क्रमात्	(बालबोधः ४)
कायवाङ्मनसा त्यजेत्	(विवेकधैर्याश्रयः ८)
कायेन तु फलं पुष्टौ	(पुष्टिप्रवाहमर्यादाभेदः १०)
कारयेद् भगवत्क्रियाम्	(साधनप्रकरणम् २३१)
कार्पासमाहतं शुद्धम्	(साधनदीपिका ६७)
कार्यस्तेनास्य सेवने	(साधनदीपिका १४)
कार्यौ शास्त्रप्रवर्तकौ	(बालबोधः १२)
कालिन्दीं स्वगुरुं गिरिं गुरुविभुम्	(मङ्गलाचरणम् ७)
कालिन्दीपुलिनप्रियः	(श्रीनामरत्नाख्यस्तोत्रम् १०)
कालोऽयं कठिनोऽपि श्री-	(द्वितीया चतुःश्लोकी ४)
किं वा प्रोक्तेन बहुना	(विवेकधैर्याश्रयः १६)
किं स्याद् इति विचारय	(अन्तःकरणप्रबोधः ९)
किन्तु हीनेषु जायते	(साधनप्रकरणम् २१६)
किमर्थं मोहयिष्यति	(संन्यासनिर्णयः २०)
कीर्तनं सुखदं सदा	(निरोधलक्षणम् ५)
कीर्तयेद् अन्यथैकलः	(साधनदीपिका २७)
कीर्त्यमानः सुखाय हि	(निरोधलक्षणम् ४)
कुर्याद् उच्चावचान्यपि	(विवेकधैर्याश्रयः १६)
कुर्वे साधनदीपिकाम्	(साधनदीपिका ४)
कुल्याः पौराणिकाः प्रोक्ताः	(जलभेदः ३)
कुसृष्टिरत्र वा काचित्	(सेवाफलम् ८)

कूपभेदास्तु यावन्तः	(जलभेदः ३)
कृतम् आत्मनिवेदनम्	(नवरत्नम् ४)
कृताखिलशरीरभृत्	(श्रीसर्वोत्तमस्तोत्रम् २९)
कृतार्थः स निगद्यते	(बालबोधः ७)
कृतार्थः स्यात् तदैव हि	(भक्तिवर्धिनी ५)
कृतार्थः स्यान् न संशयः	(साधनप्रकरणम् २३४)
कृतार्थोऽसि सुखी भव	(अन्तःकरणप्रबोधः ८)
कृतिर्विजयतेतराम्	(श्रीनामरत्नाख्यस्तोत्रम् ३१)
कृते स्वान्वयकृत् पिता	(श्रीसर्वोत्तमस्तोत्रम् २२)
कृपयैतत्कथाप्रदः	(श्रीसर्वोत्तमस्तोत्रम् १७)
कृपाजलधिसंश्रिते	(श्रीयमुनाष्टकम् ४)
कृपादृग्वृष्टिसंहृष्ट	(श्रीसर्वोत्तमस्तोत्रम् १४)
कृपानन्दः सुदुर्लभः	(निरोधलक्षणम् ८)
कृपायुक्तस्य तु यथा	(साधनप्रकरणम् २२६)
कृपायुक्तो यदा भवेत्	(निरोधलक्षणम् ७)
कृष्णं परिचरेत् सदा	(साधनप्रकरणम् २३४)
कृष्णं विज्ञापयाम्यहम्	(श्रीकृष्णाश्रयस्तोत्रम् १०)
कृष्णः कालादिदोषनुत्	(द्वितीया चतुःश्लोकी ३)
कृष्णः संसारमोचकः	(पञ्चश्लोकी १)
कृष्णः संसारमोचकः	(साधनप्रकरणम् २५१)
कृष्णएव गतिर् मम	(श्रीकृष्णाश्रयस्तोत्रम् १-९)
कृष्णनामसहस्रस्य	(श्रीसर्वोत्तमस्तोत्रम् २०)
कृष्णप्रेमा विमुक्तिदः	(श्रीसर्वोत्तमस्तोत्रम् १७)
कृष्णभक्तान् न बाधते	(द्वितीया चतुःश्लोकी ४)
कृष्णभक्तिप्रवर्तकः	(श्रीनामरत्नाख्यस्तोत्रम् ७)
कृष्णमात्रैकमानसे	(साधनप्रकरणम् २१८)

कृष्णमेव विचिन्तयेत्	(सिद्धान्तमुक्तावली १६)
कृष्णलीलारसाविष्टः	(श्रीनामरत्नाख्यस्तोत्रम् ४)
कृष्णलीलैकसर्वस्वः	(श्रीनामरत्नाख्यस्तोत्रम् ११)
कृष्णवर्त्मसमुद्भवः	(श्रीनामरत्नाख्यस्तोत्रम् ९)
कृष्णसेवा सदा कार्या	(सिद्धान्तमुक्तावली १)
कृष्णसेवापरं वीक्ष्य	(साधनदीपिका १०)
कृष्णसेवापरं वीक्ष्य	(साधनप्रकरणम् २२७)
कृष्णसेवारसाब्धिः	(श्रीवल्लभाष्टकम् ६)
कृष्णस्य सर्ववस्तूनि	(निरोधलक्षणम् १२)
कृष्णात्मा स्वसमर्पकः	(श्रीनामरत्नाख्यस्तोत्रम् २६)
कृष्णात् परं नास्ति दैवम्	(अन्तःकरणप्रबोधः १)
कृष्णाधरामृतास्वाद-	(श्रीसर्वोत्तमस्तोत्रम् ६)
कृष्णानुग्रहसंल्लभ्यः	(श्रीनामरत्नाख्यस्तोत्रम् १७)
कृष्णार्थं तत्प्रयुञ्जीत	(साधनप्रकरणम् २५२)
कृष्णार्थं तत् प्रयुञ्जीत	(पञ्चश्लो. १)
कृष्णार्थं तत् प्रयुञ्जीत	(साधनप्रकरणम् २५१)
कृष्णाश्रयम् इदं स्तोत्रम्	(श्रीकृष्णाश्रयस्तोत्रम्. ११)
कृष्णे बुद्धिर्विधीयताम्	(सिद्धान्तमुक्तावली १२)
कृष्णे सर्वात्मके नित्यम्	(साधनप्रकरणम् २४१)
कृष्णे स्वात्मनि निश्चयः	(सिद्धान्तमुक्तावली ११)
कृष्णो हि यत् साक्षिकम्	(मङ्गलाचरणम् ९)
कृष्णोऽनर्थस्य वारकः	(साधनप्रकरणम् २५२)
केवलश्चेत् समाश्रितः	(बालबोधः १८)
केवलान्धन्तमोगाः	(श्रीवल्लभाष्टकम् ३)
कोटिष्वपि सुदुर्लभः	(साधनप्रकरणम् २१९)
कौण्डिन्यो गोपिकाः प्रोक्ताः	(संन्यासनिर्णयः ८)

क्रान्तसर्वोऽपि शशवत्	(श्रीवल्लभाष्टकम् १)
क्रियमाणं तथाचारं	(साधनप्रकरणम् २१३)
क्रियमाणे न धर्मः स्यात्	(साधनप्रकरणम् २२३)
क्रिया सा सापि स्यात्	(श्रीस्फुरत्कृष्णप्रेमामृतस्तोत्रम् ४)
क्रीडार्थम् असृजत् पूर्वम्	(साधनदीपिका ५२)
क्लिश्यमानान् जनान् दृष्ट्वा	(निरोधलक्षणम् ७)
क्लिष्टो भवति सर्वथा	(सिद्धान्तमुक्तावली १६)
क्लिष्टोऽपि चेद् भजेत् कृष्णम्	(सिद्धान्तमुक्तावली १७)
क्लेशायैवाल्पमेधसाम्	(साधनदीपिका ६९)
क्वचित् पाण्डित्यं चेत्	(श्रीस्फुरत्कृष्णप्रेमामृतस्तोत्रम् ४)
क्वाप्युपाहर्तुम् इच्छ-	(श्रीवल्लभाष्टकम् ४)
क्षणात् सर्वत्वमायान्ति	(पुष्टिप्रवाहमर्यादाभेदः २२)
क्षणेन परितोषितः	(श्रीस्फुरत्कृष्णप्रेमामृतस्तोत्रम् ६)
क्षान्तिरार्जवमेव च	(साधनदीपिका ३९)
क्षाराद्याः षट् प्रकीर्तिताः	(जलभेदः १६)
क्षार्तितापो जनेषु	(श्रीवल्लभाष्टकम् ७)
क्षितिमण्डलमण्डनः	(श्रीनामरत्नाख्यस्तोत्रम् २०)
क्षेत्रप्रविष्टास्ते चाऽपि	(जलभेदः ४)
ख	
ख्यापनाय त्रिलोक्याम्	(श्रीवल्लभाष्टकम् ८)
ग	
गङ्गातीरस्थितो यद्वत्	(सिद्धान्तमुक्तावली १३)
गङ्गात्वं सर्वदोषाणाम्	(सिद्धान्तरहस्यम् ८)
गङ्गात्वेन निरूप्या स्यात्	(सिद्धान्तरहस्यम् ९)
गङ्गादितीर्थवर्येषु	(श्रीकृष्णाश्रयस्तोत्रम्. ३)
गङ्गादितीर्थवर्येषु	(साधनदीपिका ३७)

गङ्गायां च विशेषण	(सिद्धान्तमुक्तावली ७)
गङ्गासागरसङ्गमे	(अन्तःकरणप्रबोधः ५)
गणितानन्दकं बृहत्	(श्रीकृष्णाश्रयस्तोत्रम् ८)
गतः प्रेमप्लुतः सदा	(साधनप्रकरणम् २१९)
गतिसाधनसंयुतम्	(साधनप्रकरणम् २५६)
गन्धर्वा इति विश्रुताः	(जलभेदः २)
गर्भाधानादिसंस्कारैः	(साधनदीपिका १८)
गर्भाधानादिसंस्कारैः	(साधनदीपिका २३)
गायका 'गर्त'सञ्ज्ञिताः	(जलभेदः ४)
गायकाः कूपसङ्काशा	(जलभेदः २)
गीतसङ्गीतसागरः	(श्रीनामरत्नाख्यस्तोत्रम् २३)
गीता संक्षेपतस् तस्या	(साधनप्रकरणम् २२१)
गुणक्षोभेऽपि दृष्टव्यम्	(सेवाफलम् ७)
गुणगाने सुखावाप्तिः	(निरोधलक्षणम् ६)
गुणदोषादिवर्णना	(सिद्धान्तरहस्यम् ८)
गुणभेदास्तु तावन्तः	(जलभेदः २)
गुणस्वरूपभेदेन	(पुष्टिप्रवाहमर्यादाभेदः १७)
गुणा वर्ष्याः प्रकीर्तिताः	(जलभेदः ८)
गुणा विष्णोर्निरूपिताः	(जलभेदः २१)
गुणातीतं गुणनिधिम्	(मङ्गलाचरणम् १०)
गुणातीततया शुद्धान्	(जलभेदः १६)
गुणास्तु सङ्गराहित्यात्	(संन्यासनिर्णयः १२)
गुणेष्वविष्टचित्तानाम्	(निरोधलक्षणम् १३)
गुणैरन्यः को वा	(श्रीस्फुरत्कृष्णप्रेमामृतस्तोत्रम् ४)
गुणैर् हरेः सुखस्पर्शात्	(निरोधलक्षणम् १५)
गुरवः साधनं च तत्	(संन्यासनिर्णयः ८)

गुरुं प्रपद्येद् अन्यस्तु	(साधनदीपिका २३)
गुरुणा कर्णधारेण	(साधनदीपिका ११)
गुरुसेवा गुरोराज्ञा	(साधनदीपिका ४७)
गुरौ भयं गुरौ सिद्धिः	(साधनदीपिका ४७)
गुरौ श्रीहरिभावना	(साधनदीपिका ४७)
गूढतत्वं निरूपितम्	(भक्तिवर्धिनी ११)
गृहं सर्वात्मना त्याज्यम्	(पञ्चश्लो. १)
गृहं सर्वात्मना त्याज्यम्	(साधनप्रकरणम् २५१)
गृहस्थस्य प्रकीर्तितम्	(साधनप्रकरणम्)
गृहस्थस्यातिथिर्यस्मात्	(साधनदीपिका ३५)
गृहस्थानं विनाशकम्	(भक्तिवर्धिनी ६)
गृहस्थानां बाधकत्वम्	(भक्तिवर्धिनी ५)
गृहादेर्बाधकत्वेन	(संन्यासनिर्णयः ४)
गृहे स्थित्वा स्वधर्मतः	(भक्तिवर्धिनी २)
गोकुले गोपिकानां च	(निरोधलक्षणम् २)
गोकुलेशं भजन्ते	(श्रीवल्लभाष्टकम् ८)
गोकुलेश्वरपादयोः	(चतुःश्लोकी ४)
गोपगोगोपिकाप्रियः	(श्रीनामरत्नाख्यस्तोत्रम् २४)
गोपयेत् स्वागमाचारम्	(साधनदीपिका ६४)
गोपिकानान्तु यददुःखम्	(निरोधलक्षणम् १)
गोपिकाविरहाविष्टः	(श्रीनामरत्नाख्यस्तोत्रम् २६)
गोपीसम्बन्धिसत्कथः	(श्रीनामरत्नाख्यस्तोत्रम् १३)
गोब्राह्मणप्राणरक्षापरः	(श्रीनामरत्नाख्यस्तोत्रम् १६)
गोवर्धनस्थित्युत्साहः	(श्रीसर्वोत्तमस्तोत्रम् २९)
गोवर्धनागमरतः	(श्रीनामरत्नाख्यस्तोत्रम् १०)
गोवर्धनाचलसखः	(श्रीनामरत्नाख्यस्तोत्रम् २४)

गोवर्धनाद्रिमखकृन्	(श्रीनामरत्नाख्यस्तोत्रम् ११)
गोविन्दरायाभिधम्	(मङ्गलाचरणम् ७)
गोविन्दस्य प्रजायते	(निरोधलक्षणम् ६)
गौरमम्भोजवक्त्रम्	(मङ्गलाचरणम् ११)
ग्रहकृन् मन्त्रवित्तमः	(श्रीनामरत्नाख्यस्तोत्रम् २३)
घ	
घनाघननिभे सदा	(श्रीयमुनाष्टकम् ४)
घोषाधीशं तदेमे कथमपि मनुजाः	(श्रीवल्लभाष्टकम् २)
च	
चक्षुस्मीलितं येन	(मङ्गलाचरणम् ३)
चतुर्भिश्च चतुर्भिश्च	(मङ्गलाचरणम् ५)
चतुर्भिश्च त्रिभिस्तथा	(मङ्गलाचरणम् ५)
चतुर्वर्गविशारदः	(श्रीसर्वोत्तमस्तोत्रम् ३०)
चत्वारोऽर्था मनीषिणाम्	(बालबोधः २)
चरणाब्जरजोधनः	(श्रीसर्वोत्तमस्तोत्रम् ३३)
चर्षणीशब्दवाच्यास्ते	(पुष्टिप्रवाहमर्यादाभेदः २२)
चाण्डाली चेद् राजपत्नी	(अन्तःकरणप्रबोधः २)
चाद्यः सिद्धयेन् मनोरथः	(सेवाफलम् १)
चानन्दैकस्वरूपस्तदखिलमुचितम्	(श्रीवल्लभाष्टकम् ६)
चारुहासे करोति	(श्रीवल्लभाष्टकम् ४)
चित्तं प्रति यदाकर्ण्य	(अन्तःकरणप्रबोधः ११)
चित्तोद्वेगं विधायाऽपि	(नवरत्नम् ८)
चिन्ता का स्वस्य सोऽपि चेत्	(नवरत्नम् ३)
चिन्ता काऽपि न कार्या	(नवरत्नम् १)
चिन्तासन्तानहन्तारः	(मङ्गलाचरणम् १)
चिन्तितज्ञो महाबुद्धिः	(श्रीनामरत्नाख्यस्तोत्रम् २४)

चेतस्तत्प्रवणं सेव	(सिद्धान्तमुक्तावली २)
छ	
छले साध्येऽपि दुःखतः	(साधनप्रकरणम् २२४)
छिद्रा व्योम्नीव चेतनाः	(सिद्धान्तमुक्तावली १२)
ज	
जगतो हितकारकौ	(बालबोधः ११)
जगत् तु त्रिविधं प्रोक्तम्	(सिद्धान्तमुक्तावली १०)
जगदाश्चर्यरसकृत्	(श्रीनामरत्नाख्यस्तोत्रम् २५)
जगद्विषयसागरे	(श्रीस्फुरत्कृष्णप्रेमामृतस्तोत्रम् ७)
जगद्वन्द्वपदाम्बुजः	(श्रीनामरत्नाख्यस्तोत्रम् २४)
जगन्नाथे द्वारिकायाम्	(साधनदीपिका ३६)
जगन्नाथे विट्ठले च	(साधनप्रकरणम् २५५)
जडनारदमैत्राद्याः	(जलभेदः १५)
जडवद्गोपभार्यवत्	(विवेकधैर्याश्रयः ६)
जनशिक्षाकृते कृष्ण-	(श्रीसर्वोत्तमस्तोत्रम् १२)
जन्मप्रभृति सर्वदा	(जलभेदः १२)
जप्यं कृष्णरसार्थिभिः	(श्रीसर्वोत्तमस्तोत्रम् ३५)
जयतिपद्मबन्धोः सुता	(श्रीयमुनाष्टकम् २)
जयन्ती तूदयेऽन्येन	(साधनदीपिका ३१)
जलार्थमेव गर्तास्तु	(जलभेदः ५)
जातशिक्षः यवीयोभ्यः	(साधनदीपिका २७)
जाता राज्ञा च मानिता	(अन्तःकरणप्रबोधः २)
जिह्वोपस्थपरायणाः	(साधनप्रकरणम् २१३)
जीवदेहकृतीनां च	(पुष्टिप्रवाहमर्यादाभेदः ७)
जीवदेहक्रियाभेदैः	(पुष्टिप्रवाहमर्यादाभेदः १)
जीवनार्थं भवन्ति हि	(संन्यासनिर्णयः १२)

जीवस्वास्थ्यप्रदो महान्	(श्रीनामरत्नाख्यस्तोत्रम् १७)
जीवाः स्वभावतो दुष्टाः	(बालबोधः १६)
जीवास्ते ह्यासुराः सर्वे	(पुष्टिप्रवाहमर्यादाभेदः २४)
जीवेश्वरविचारेण	(बालबोधः २)
ज्ञातलीलोऽतिमोहनः	(श्रीसर्वोत्तमस्तोत्रम् २७)
ज्ञानं गुणांश्च तस्यैवम्	(संन्यासनिर्णयः ९)
ज्ञानं च साधनापेक्षम्	(संन्यासनिर्णयः १५)
ज्ञानमार्गो तु संन्यासः	(संन्यासनिर्णयः १४)
ज्ञानाञ्जनशलाकया	(मङ्गलाचरणम् ३)
ज्ञानाधिको भक्तिमार्गः	(सिद्धान्तमुक्तावली १९)
ज्ञानार्थम् उत्तरङ्गञ्च	(संन्यासनिर्णयः १५)
ज्ञानाऽभावे पुष्टिमार्गी	(सिद्धान्तमुक्तावली १७)
ज्ञानिनामपि वाक्येन	(संन्यासनिर्णयः २०)
ज्ञापिताऽखिलमाहात्म्यः	(श्रीकृष्णाश्रयस्तोत्रम् ७)
ज्ञेयं सा जलरूपिणी	(सिद्धान्तमुक्तावली ५)
ज्यायोभ्यः शृणुयात् सदा	(साधनदीपिका २७)
त	
तं प्रपद्ये हुताशम्	(श्रीवल्लभाष्टकम् १)
तं भजेत्-“तं रसेदि”ति	(साधनदीपिका ५)
तं ह देवम् आत्मबुद्धिप्रकाशम्	(साधनदीपिका १२)
तक्रवद्देहवद्भाव्यम्	(विवेकधैर्याश्रयः ६)
तच्च सत्यं विभो! यत्	(श्रीवल्लभाष्टकम् ६)
तच्चेत् त्यक्तुं न शक्यते	(पञ्चश्लो. १)
तच्चेत् त्यक्तुं न शक्यते	(साधनप्रकरणम् २५१)
तच्चेत् त्यक्तुं न शक्यते	(साधनप्रकरणम् २५२)
तटस्थ नवकानन	(श्रीयमुनाष्टकम् १)

ततः प्रेम तथाऽऽसक्तिः	(भक्तिवर्धिनी ३)
ततः संसारदुःखस्य	(सिद्धान्तमुक्तावली २)
ततः किमपरं ब्रूहि	(चतुःश्लोकी ३)
ततः सर्वं समर्प्यैव	(साधनदीपिका ५८)
ततः स्वाह्निकधर्माणाम्	(साधनदीपिका १९)
ततस्तृप्तिरनुत्तमा	(साधनदीपिका ३३)
ततो निश्चिन्ततां ब्रजेत्	(चतुःश्लोकी २)
ततोऽन्यत्र विपर्ययः	(पुष्टिप्रवाहमर्यादाभेदः २१)
ततोऽन्यत्र विवर्जयेत्	(विवेकधैर्याश्रयः १४)
तत्कथाक्षिप्तचित्तस् तत्	(श्रीसर्वोत्तमस्तोत्रम् २६)
तत्तदाप्नोत्यसंशयम्	(श्रीनामरत्नाख्यस्तोत्रम् २९)
तत्तु शीघ्रं परित्यजेत्	(साधनप्रकरणम् २३९)
तत्यागे दूषणं नास्ति	(पञ्चश्लो. ४)
तत्यागे दूषणं नास्ति	(साधनप्रकरणम् २३१)
तत्त्वावेशात् विकला	(पञ्चपद्यानि ३)
तत्प्रकारो निरूप्यते	(साधनदीपिका ७)
तत्प्रसादैक-भोजनम्	(साधनदीपिका ३०)
तत्र कायभवा पुष्टिः	(साधनदीपिका ५२)
तत्र तिष्ठेच्च तत्परः	(साधनदीपिका ३६)
तत्र तिष्ठेत् तत्परः	(साधनप्रकरणम् २५५)
तत्र धर्मः कथं भवेत्	(साधनप्रकरणम् २१४)
तत्राकांक्षा गुरोर्भवेत्	(साधनदीपिका ९)
तत्राप्येतद् इहोच्यते	(सिद्धान्तमुक्तावली ९)
तत्रैव देवतामूर्तिः	(सिद्धान्तमुक्तावली ७)
तत्रोदासीनको गृही	(साधनदीपिका ७३)
तत्संस्कारेण तत्परः	(साधनदीपिका ३४)

तत्साधनं नवविधा	(साधनप्रकरणम् २२०)
तत्सारभूतरासस्त्री	(श्रीसर्वोत्तमस्तोत्रम् १६)
तत्सिद्धौ फलमुच्यते	(सेवाफलम् १)
तत्सिद्धयै तनुवित्तजा	(सिद्धान्तमुक्तावली २)
तत्सृष्टिर्नान्यथा भवेत्	(पुष्टिप्रवाहमर्यादाभेदः १२)
तत् कृष्णे साधयेद् ध्रुवम्	(साधनप्रकरणम् २३६)
तत्तच्छास्त्रे तयोः कृता	(बालबोधः १३)
तथा कार्यं समर्प्यैव	(सिद्धान्तरहस्यम् ८)
तथा कृतिगती सदा	(निरोधलक्षणम् १७)
तथा कृष्णं परं ब्रह्म	(सिद्धान्तमुक्तावली १४)
तथा कृष्णाष्टमी चापि	(साधनप्रकरणम् २४५)
तथा च सकलं हरेः	(सिद्धान्तरहस्यम् ६)
तथा तथा साधनेषु	(साधनप्रकरणम् २४०)
तथा तेषां फलं भवेत्	(पुष्टिप्रवाहमर्यादाभेदः १७)
तथा देहे न कर्तव्यम्	(अन्तःकरणप्रबोधः ९)
तथा निर्वाहमाचरेत्	(साधनप्रकरणम् २५४)
तथा निवेदने चिन्ता	(नवरत्नम् ५)
तथा ब्रह्माऽपि बुद्ध्यताम्	(सिद्धान्तमुक्तावली ६)
तथा मे मनसि क्वचित्	(निरोधलक्षणम् ३)
तथा सर्वाहर्षं यस्मात्	(साधनदीपिका २१)
तथा स्थानपुरःसरम्	(साधनप्रकरणम् २३०)
तथापि यावता कार्यम्	(पुष्टिप्रवाहमर्यादाभेदः १४)
तथाप्यायातपतितम्	(साधनदीपिका ७१)
तथाल्पश्रुतभक्तयः	(जलभेदः ७)
तथाऽन्तेवास्वतिक्रमे	(विवेकधैर्याश्रयः १२)
तथाऽऽचारपराङ्मुखाः	(साधनप्रकरणम् २१२)

तथैव तस्य लीलेति	(नवरत्नम् ८)
तथैवेश्वर शिक्षया	(बालबोधः ३)
तथोपायो निरूप्यते	(भक्तिवर्धिनी १)
तदक्षरश उच्यते	(सिद्धान्तरहस्यम् १)
तदनुगतमेवास्तु मे	(श्रीस्फुरन्कृष्णप्रेमामृतस्तोत्रम् ६)
तदप्राप्तौ वृथा मोक्षः	(श्रीसर्वोत्तमस्तोत्रम् ३५)
तदभावे यथैव स्यात्	(साधनप्रकरणम् २५४)
तदभावे स्वयं वाऽपि	(साधनप्रकरणम् २२७)
तदर्थं प्रक्रिया काचित्	(बालबोधः ८)
तदर्थं वरणं कार्यम्	(साधनदीपिका ५६)
तदर्थाथैकमानसः	(भक्तिवर्धिनी ६)
तदा कालप्रवाहस्थाः	(शिक्षाश्लोकी १)
तदा किं कार्यमुच्यते	(संन्यासनिर्णयः १७)
तदा भवेद् दयालुत्वम्	(निरोधलक्षणम् १४)
तदा लेहनमित्युक्तम्	(जलभेदः १९)
तदा विनिग्रहस्तस्य	(निरोधलक्षणम् १९)
तदा विशेषगत्यादि	(विवेकधैर्याश्रयः ४)
तदा सर्वं सदानन्दम्	(निरोधलक्षणम् ७)
तदाप्तौ तद्गतार्थता	(श्रीसर्वोत्तमस्तोत्रम् ३५)
तदाश्रयतदीयत्व	(बालबोधः १९)
तदीयत्वं तदाश्रयः	(बालबोधः १५)
तदीयत्वं भवेद् ध्रुवम्	(बालबोधः १८)
तदीयैः सह तत्परैः	(भक्तिवर्धिनी ८)
तदीयैरपि तत् कार्यम्	(सेवाफलम् ७)
तदुक्तमपि दुर्बोधम्	(श्रीसर्वोत्तमस्तोत्रम् ४)
तदेवैतत्प्रकारेण	(सिद्धान्तमुक्तावली ५)

तदैव सकलो बन्धः	(संन्यासनिर्णयः १२)
तद्भ्रमैश्च विरोधतः	(संन्यासनिर्णयः ४)
तद्रूपं तत्र च स्थितम्	(साधनप्रकरणम् २२८)
तद्रूपेण सुसेव्यते	(बालबोधः १०)
तद्वद् अत्रापि चैव हि	(सिद्धान्तरहस्यम् ९)
तद्वाक्पानं सुदुर्लभम्	(जलभेदः १७)
तद्विस्तारो भागवतम्	(साधनप्रकरणम् २२१)
तद् अध्यासोऽपि सिद्धयति	(निरोधलक्षणम् १४)
तद्गुणानां विभेदकान्	(जलभेदः १)
तदिदं नानाधिकस्य हि	(साधनप्रकरणम् २४८)
तद्दुःखं स्यान् मम क्वचित्	(निरोधलक्षणम् १)
तद् बिभृयाद् (?) देहयात्रया	(साधनदीपिका ७१)
तद्भक्तेषु च निर्दोष-	(द्वितीया चतुःश्लोकी ३)
तनुनवत्वमेतावता	(श्रीयमुनाष्टकम् ७)
तनू भक्त्यागमौ मतौ	(पुष्टिप्रवाहमर्यादाभेदः ६)
तन्न यच्छति कर्हिचित्	(बालबोधः १४)
तन्नामानि सदाश्रये	(श्रीनामरत्नाख्यस्तोत्रम् १)
तन्नामाष्टोत्तरशतम्	(श्रीसर्वोत्तमस्तोत्रम् ४)
तन्निमन्त्रणभोजकः	(श्रीनामरत्नाख्यस्तोत्रम् १२)
तन्मार्गस्थापनाय हि	(पुष्टिप्रवाहमर्यादाभेदः १८)
तपोज्ञानादिभावेन	(जलभेदः ८)
तमहं सर्वदा वन्दे	(मङ्गलाचरणम् २)
तया मुक्तिर्न चान्यथा	(साधनदीपिका ८)
तया सकलसिद्धयः	(श्रीयमुनाष्टकम् ९)
तया सदृशताम् इयात्	(श्रीयमुनाष्टकम् ५)
तरङ्गभुजकङ्कण	(श्रीयमुनाष्टकम् ३)

तरोर्मूलाभिषेचनम्	(साधनदीपिका २१)
तल्लीलाप्रेमपूरितः	(श्रीसर्वोत्तमस्तोत्रम् २९)
तव चरित्रमत्यद्भुतम्	(श्रीयमुनाष्टकम् ६)
तव हरेर्यथा गोपिकाः	(श्रीयमुनाष्टकम् ६)
तवाष्टकमिदं मुदा	(श्रीयमुनाष्टकम् ९)
तवैव भुवि कीर्तिता	(श्रीयमुनाष्टकम् ७)
तस्माच् छ्रीवल्लभाख्य त्वदुदितवचनात्	(श्रीवल्लभाष्टकम् ३)
तस्माज् जीवाः पुष्टिमार्गे	(पुष्टिप्रवाहमर्यादाभेदः १२)
तस्मात् ज्ञाने न संन्यसेत्	(संन्यासनिर्णयः १६)
तस्मात् श्रीकृष्णमार्गस्थः	(सिद्धान्तमुक्तावली १५)
तस्मात् सर्वं परित्यज्य	(निरोधलक्षणम् ९)
तस्मात् सर्वात्मना नित्यम्	(नवरत्नम् ९)
तस्मात् स्थानाच्च नश्यति	(सिद्धान्तमुक्तावली २०)
तस्माद् आदौ सर्वकार्ये	(सिद्धान्तरहस्यम् ६)
तस्माद् उक्तप्रकारेण	(संन्यासनिर्णयः २१)
तस्माद् भारत सर्वात्मा	(साधनदीपिका ६)
तस्माद् वर्जनम् आचरेत्	(सिद्धान्तरहस्यम् ४)
तस्मान् मच्छरणोक्तितः	(साधनदीपिका ४३)
तस्मै श्रीगुरवे नमः	(मङ्गलाचरणम् ३)
तस्य भावनयाखिले	(साधनदीपिका २९)
तस्य सर्वम् अशक्यं स्यान्	(साधनप्रकरणम् २२६)
तस्यापि स्याद् दृढा रतिः	(भक्तिवर्धिनी ११)
तस्याश्रयो भवेत् कृष्णः	(श्रीकृष्णाश्रयस्तोत्रम् ११)
तस्यैवात्मानुभावप्रकटनहृदय	(श्रीवल्लभाष्टकम् १)
ता नः श्रीतात-पत् पद्म-	(साधनदीपिका १)
तादृशस्याऽपि सततम्	(भक्तिवर्धिनी ६)

तादृशाः सत्यलोकादौ	(संन्यासनिर्णयः ११)
तादृशानां क्वचिद्वाक्यम्	(जलभेदः १८)
तानहं द्विषतो वाक्यात्	(पुष्टिप्रवाहमर्यादाभेदः ११)
तानि सर्वाणि हरये	(साधनदीपिका ३२)
तापमप्यत्र कुर्वन्	(श्रीवल्लभाष्टकम् ५)
तापदाहो भवाम्बुधौ	(साधनदीपिका ५८)
तारतम्यं न स्वरूपे	(पुष्टिप्रवाहमर्यादाभेदः १३)
तारतम्यं भजन्ति हि	(पुष्टिप्रवाहमर्यादाभेदः २०)
तारतम्यं विचारयन्	(साधनप्रकरणम् २३९)
तावत् तस्य करोति हि	(पुष्टिप्रवाहमर्यादाभेदः १४)
तावद् आनन्दसन्दोहः	(निरोधलक्षणम् ४)
तावन्तस्तेऽपि सम्मताः	(जलभेदः ३)
तिरोहिताधिदैवेषु	(श्रीकृष्णाश्रयस्तोत्रम् ३)
तिरोहितार्थदैवेषु	(श्रीकृष्णाश्रयस्तोत्रम् ५)
तिलकं लिङ्गमेव तत्	(साधनप्रकरणम् २४४)
तिष्ठेत् पूजोत्सवादिषु	(सिद्धान्तमुक्तावली १७)
तिष्ठत्येव न संशयः	(संन्यासनिर्णयः ११)
तीतो नयविशारदः	(श्रीसर्वोत्तमस्तोत्रम् ३०)
तीर्थं नातः परात्परम्	(निरोधलक्षणम् २०)
तीर्थपर्यटनं श्रेष्ठम्	(साधनप्रकरणम् २४७)
तीर्थेषु तीर्थदेवानाम्	(साधनदीपिका ६८)
तुलसी-काष्ठजापि स्रक्	(साधनदीपिका ३८)
तुलसीकाष्ठजा माला	(साधनप्रकरणम् २४४)
तृणमिवेह तुच्छीकृतः	(श्रीस्फुरत्कृष्णप्रेमामृतस्तोत्रम् ६)
तृतीये बाधकं गृहम्	(सेवाफलम् ६)
तृतीयो लोकगोचरः	(अन्तःकरणप्रबोधः ६)

ते 'समुद्राः' प्रकीर्तिताः	(जलभेदः १५)
ते च द्विधा प्रकीर्त्यन्ते	(पुष्टिप्रवाहमर्यादाभेदः २४)
ते दुर्लभतराः कलौ	(साधनप्रकरणम् २१४)
ते मग्ना भवसागरे	(निरोधलक्षणम् ११)
ते मुख्याः श्रवणोत्सुकाः	(पञ्चपद्यानि १)
ते सर्वार्था न चाद्येन	(बालबोधः ११)
ते सर्वे सर्ववर्त्मसु	(पुष्टिप्रवाहमर्यादाभेदः २२)
ते हि द्विधा शुद्धमिश्र-	(पुष्टिप्रवाहमर्यादाभेदः १४)
तेजोराशीं दयार्णवम्	(मङ्गलाचरणम् १०)
तेनासक्तिश्च व्यसनम्	(साधनदीपिका ४२)
तेषां का परिदेवना	(नवरत्नम् ४)
तेषां क्रियाऽनुसारेण	(पुष्टिप्रवाहमर्यादाभेदः २३)
तेऽमृतोदाः समाख्याताः	(जलभेदः १७)
त्यक्त्वा मार्गं ध्रुवफले	(साधनप्रकरणम् २२४)
त्यजेत् सर्वम् अवैष्णवम्	(साधनदीपिका २५)
त्यद्धा तद् गोपिकेशः स्ववदनकमले	(श्रीवल्लभाष्टकम् ४)
त्यागं कृत्वा यतेद् यस्तु	(भक्तिवर्धिनी ६)
त्यागात्यागविभागेन	(बालबोधः ६)
त्यागात् श्रवणकीर्तनात्	(भक्तिवर्धिनी १)
त्यागे बाधकभूयस्त्वम्	(भक्तिवर्धिनी ७)
त्यागोऽपि मनसैव हि	(बालबोधः ९)
त्याज्या श्रीपुरुषोत्तमे	(नवरत्नम् ५)
त्याज्या संसारनिश्चयात्	(सेवाफलम् ५)
त्येव तच्चित्रमेतत्	(श्रीवल्लभाष्टकम् ७)
त्रयाणां येन केनापि	(साधनप्रकरणम् २५४)
त्रिकालं वापि पूजयेत्	(साधनप्रकरणम् २३७)

त्रिजगद्व्यापिसत्कीर्ति-	(श्रीनामरत्नाख्यस्तोत्रम् २०)
त्रिदुःखसहनं धैर्यम्	(विवेकधैर्याश्रयः ६)
त्रिलोकीभूषणं भूमि	(श्रीसर्वोत्तमस्तोत्रम् ३२)
त्रिवर्गसाधकानीति	(बालबोधः ५)
त्रैवर्ग्यविषया यतः	(साधनदीपिका २२)
त्वदीयं तं गृहाणाशु	(श्रीनामरत्नाख्यस्तोत्रम् ३०)
त्वां श्रीश्रीवल्लभे मे निखिलबुधजनाः	(श्रीवल्लभाष्टकम् ८)
द	
दत्तापहारवचनम्	(सिद्धान्तरहस्यम् ६)
दमनाद् इन्द्रियाणां च	(साधनदीपिका ४१)
दम्भादिरहितं नरम्	(साधनदीपिका १०)
दम्भादिरहितं नरम्	(साधनप्रकरणम् २२७)
दयया निजमाहात्म्यम्	(श्रीसर्वोत्तमस्तोत्रम् ३)
दयैव प्रसीदति	(साधनदीपिका ४५)
दया दानं च विज्ञानम्	(साधनदीपिका ३९)
दयालुर्न विरुद्ध्यते	(संन्यासनिर्णयः १३)
दर्शनं स्पर्शनं स्पष्टम्	(निरोधलक्षणम् १७)
दर्शनीयतमो वाग्मी	(श्रीनामरत्नाख्यस्तोत्रम् १८)
दर्शनैकफलो विधिः	(साधनदीपिका ५)
दलायतविलोचनः	(श्रीसर्वोत्तमस्तोत्रम् १३)
दारान् सुतान् गृहान् प्राणान्	(साधनदीपिका ५९)
दासदासीप्रियः पतिः	(श्रीसर्वोत्तमस्तोत्रम् १४)
दासदासीप्सितप्रदः	(श्रीनामरत्नाख्यस्तोत्रम् २१)
दास्यं तदेकशरणम्	(साधनदीपिका ३०)
दिक्चक्रवर्तिसत्कीर्तिः	(श्रीनामरत्नाख्यस्तोत्रम् १४)
दीनानाथैकसंश्रयः	(श्रीनामरत्नाख्यस्तोत्रम् ५)

दीयते क्वचिदेव हि	(बालबोधः १५)
दुःसंसर्गात् तथाऽन्नतः	(भक्तिवर्धिनी ७)
दुःखहानौ तथा पापे	(विवेकधैर्याश्रयः १०)
दुर्ज्ञास्ते भगवत्प्रोक्ता	(पुष्टिप्रवाहमर्यादाभेदः २५)
दुर्दृश्यो भक्तसन्दृश्यः	(श्रीनामरत्नाख्यस्तोत्रम् ४)
दुर्लभाङ्घ्रिसरोरुहः	(श्रीसर्वोत्तमस्तोत्रम् १५)
दुर्लभोऽयं परित्यागः	(संन्यासनिर्णयः १४)
दुष्टान्याप्यरुणोदयात्	(साधनदीपिका ३१)
दुष्टैरेवावृतेष्विह	(श्रीकृष्णाश्रयस्तोत्रम् ३)
दुष्प्रापं प्रकटीचकार करुणा-	(श्रीस्फुरत्कृष्णप्रेमामृतस्तोत्रम् ३)
दुस्साध्या इति मे मतिः	(विवेकधैर्याश्रयः १७)
दूतानामिव वर्णितम्	(जलभेदः १८)
दृढं कृत्वा मनः स्थिरम्	(साधनप्रकरणम् २३५)
दृढं यन् नाऽपि नश्यति	(भक्तिवर्धिनी ४)
दृढविश्वासतो युक्त्या	(साधनप्रकरणम् २३५)
दृष्टान्तस्याप्यभावतः	(संन्यासनिर्णयः १८)
दृष्टित्वाद् विदुषामपि	(श्रीसर्वोत्तमस्तोत्रम् २)
दृष्टेऽप्यस्मिन् मुखेन्दौ प्रचुरतरमुदे	(श्रीवल्लभाष्टकम् ७)
दृष्ट्वा हृष्येत्(/हर्षं) समानयेत्	(साधनदीपिका ४८)
देव! वैश्वानरैषा	(श्रीवल्लभाष्टकम् २)
देवः श्रीवल्लभात्मजः	(श्रीनामरत्नाख्यस्तोत्रम् २)
देवतां तत्र पश्यति	(सिद्धान्तमुक्तावली १३)
देवतारूपवत्प्रोक्ता	(सिद्धान्तमुक्तावली १०)
देवाद्युपासनोद्भूताः	(जलभेदः १०)
देशकालद्रव्यकर्तृ	(पञ्चपद्यानि ५)
देहः संशोधनीयो हि	(साधनदीपिका १८)

देहचिन्तादयोऽप्युत	(शिक्षाश्लोकी १)
देहदेशपरित्यागः	(अन्तःकरणप्रबोधः ६)
देहद्रोण्यायियासूनाम्	(साधनदीपिका ११)
देहपातनपर्यन्तम्	(साधनप्रकरणम् २५०)
देहशुद्धिः सदा कार्या	(साधनदीपिका ६३)
देहे वा तत्क्रियासु वा	(पुष्टिप्रवाहमर्यादाभेदः १३)
दैवसर्गोऽपि जाताः	(श्रीवल्लभाष्टकम् २)
दैवात्मसम्पदः पुंसः	(साधनदीपिका ४०)
दैवी ह्येषा गुणमयी	(साधनदीपिका ५१)
दैवोद्धारप्रयत्नात्मा	(श्रीसर्वोत्तमस्तोत्रम् ७)
दोषदृष्ट्या विभावयेत्	(साधनदीपिका ४१)
दोषाः पञ्चविधाः स्मृताः	(सिद्धान्तरहस्यम् २)
दोषान् गच्छेत् परं पदम्	(साधनदीपिका ६१)
दोषान् सम्परिवर्जयेत्	(साधनदीपिका ४५)
दोषाभावाय सर्वदा	(बालबोधः १६)
दोषेषु न गतिस्तस्मात्	(साधनदीपिका ४५)
द्युक्तमानैर् अवेत्य	(श्रीवल्लभाष्टकम् ८)
द्रवता चेतसा विना	(साधनदीपिका ५०)
द्वयोरपि निषेधतः	(पुष्टिप्रवाहमर्यादाभेदः ७)
द्विजैर्मौञ्ज्यन्तसम्भवैः	(साधनदीपिका १८)
द्वितीयार्थे महान् श्रमः	(बालबोधः १६)
द्वितीये सर्वथा चिन्ता	(सेवाफलम् ५)
द्विधा ते हि विचारिताः	(बालबोधः २)
द्विधा द्वेद्वे स्वतस् तत्र	(बालबोधः ६)
द्विधा सोऽपि निरूप्यते	(बालबोधः १०)
द्विमुखं शुचि पात्रं तु	(साधनदीपिका ६६)

द्विरूपं चापि गङ्गावत्	(सिद्धान्तमुक्तावली ५)
द्विरूपं तद्धि सर्वं स्यात्	(सिद्धान्तमुक्तावली ३)
द्विविधोऽपि विचारितः	(संन्यासनिर्णयः १४)
द्वौ भूतसर्गावित्युक्तेः	(पुष्टिप्रवाहमर्यादाभेदः ३)
ध	
धनं सर्वात्मना त्याज्यम्	(साधनप्रकरणम् २५२)
धर्मशास्त्राणि नीतिश्च	(बालबोधः ४)
धर्मसेतुर् भक्तिसेतुः	(श्रीनामरत्नाख्यस्तोत्रम् ६)
धर्मादीनां तथा चास्य	(साधनप्रकरणम् २३९)
धर्माधर्माऽग्रदर्शनम्	(विवेकधैर्याश्रयः ५)
धर्मार्थकाममोक्षाख्याः	(बालबोधः २)
धवलीकृतमेचकः	(श्रीनामरत्नाख्यस्तोत्रम् २०)
धारयेत् तिलकं मालाम्	(साधनदीपिका २४)
धृतः सर्वात्मना हृदि	(चतुःश्लोकी ३)
धैर्यं तु विनिरूप्यते	(विवेकधैर्याश्रयः ५)
ध्यात्वा तदेकशरणः	(श्रीनामरत्नाख्यस्तोत्रम् २८)
ध्येयं सदा वल्लभम्	(मङ्गलाचरणम् ९)
ध्रुवपराशराभीष्टदे	(श्रीयमुनाष्टकम् ४)
ध्वान्तराशिः प्रशाम्यति	(श्रीनामरत्नाख्यस्तोत्रम् १)
न	
न करिष्यति लौकिकीं च गतिम्	(नवरत्नम् १)
न कालोऽत्र नियामकः	(सेवाफलम् २)
न कृतं तद्द्वयं मया	(अन्तःकरणप्रबोधः ६)
न क्वाऽपीति मतिर्मम	(भक्तिवर्धिनी ९)
न गार्हस्थ्यं विना देह-	(साधनदीपिका ७२)
न ग्राह्यम् इति वाक्यं हि	(सिद्धान्तरहस्यम् ७)

न च रोगाद्युपद्रवाः	(पुष्टिप्रवाहमर्यादाभेदः १९)
न जातु यमयातना	(श्रीयमुनाष्टकम् ६)
न तथा लौकिकानां तु	(निरोधलक्षणम् ५)
न तद् युक्तं सूत्रतो हि	(पुष्टिप्रवाहमर्यादाभेदः ६)
न तन्निर्णय उच्यते	(बालबोधः ५)
न तु कदापि पुष्टिस्थितैः	(श्रीयमुनाष्टकम् ७)
न ते पाषण्डतां यान्ति	(पुष्टिप्रवाहमर्यादाभेदः १९)
न तैः संसर्गमाचरेत्	(साधनदीपिका ६२)
न त्याज्यम् इति मे मतिः	(चतुःश्लोकी ४)
न दुःखं भाति कर्हिचित्	(निरोधलक्षणम् १५)
न दुर्लभतमा रतिः	(श्रीयमुनाष्टकम् ७)
न द्रष्टव्यः कदाचन	(अन्तःकरणप्रबोधः ७)
न निगमगतिः सापि यदि न	(श्रीस्फुरत्कृष्णप्रेमामृतस्तोत्रम् ४)
न निवृत्तिः कथञ्चन	(सिद्धान्तरहस्यम् ४)
न पापं स करोत्येव	(साधनदीपिका ४४)
न प्रत्येकमिति स्थितिः	(नवरत्नम् ३)
न भक्तं मोहयिष्यति	(संन्यासनिर्णयः २०)
न भविष्यति यस्य हि	(साधनप्रकरणम् २२६)
न भविष्यन्ति यत् श्रुतेः	(पुष्टिप्रवाहमर्यादाभेदः २)
न मतं देवदेवस्य	(सिद्धान्तरहस्यम् ५)
न मन्तव्याः कथञ्चन	(सिद्धान्तरहस्यम् ३)
न लौकिकः प्रभुः कृष्णः	(शिक्षाश्लोकी २)
न सर्वोऽतः प्रवाहाद्धि	(पुष्टिप्रवाहमर्यादाभेदः ५)
न स्तन्यैः पुपुषुः क्वचित्	(संन्यासनिर्णयः १९)
न स्यातां हरिवत् सुखम्	(निरोधलक्षणम् १३)
न ह्यन्यो वागधीशाच् छ्रुतिगणवचसाम्	(श्रीवल्लभाष्टकम् ३)

नत्वा हरिं प्रवक्ष्यामि	(सिद्धान्तमुक्तावली १)
नत्वा हरिं सदानन्दम्	(बालबोधः १)
नत्वाद्ये दातृता नास्ति	(सेवाफलम् ६)
नद्यस्ते परिकीर्तिताः	(जलभेदः १३)
न धिया न बहुश्रुतैः	(साधनदीपिका ५७)
नन्दसन्दोहरूप	(श्रीवल्लभाष्टकम् १)
नन्दादीनां च गोकुले	(निरोधलक्षणम् १)
नमत कृष्णतुर्यप्रियाम्	(श्रीयमुनाष्टकम् ३)
नमस्कृत्य हरिं वक्ष्ये	(जलभेदः १)
नमामि यमुनामहम्	(श्रीयमुनाष्टकम् १)
नमामि हृदये शेषे	(मङ्गलाचरणम् ४)
नमोऽस्तु यमुने सदा	(श्रीयमुनाष्टकम् ६)
नरके न भवेत् पातः	(साधनप्रकरणम् २१६)
नवकौसुम्भयुक् शुचिः	(साधनदीपिका ६७)
नवधा भक्तिमार्गतः	(जलभेदः १०)
नहि देहभृता शक्यम्	(साधनदीपिका १५)
नाकस्य तरवोऽन्येषाम्	(साधनदीपिका १)
नातः परतरः स्तवः	(निरोधलक्षणम् २०)
नातः परतरा विद्या	(निरोधलक्षणम् २०)
नातः परतरो मन्त्रः	(निरोधलक्षणम् २०)
नाथं रघूणांस्तथा	(मङ्गलाचरणम् ७)
नानाभावं गता भुवि	(जलभेदः २१)
नानाभ्रमनिराकर्ता	(श्रीनामरत्नाख्यस्तोत्रम् १८)
नानावाक्यनिरूपकः	(श्रीसर्वोत्तमस्तोत्रम् २०)
नानावादविनष्टेषु	(श्रीकृष्णाश्रयस्तोत्रम् ६)
नान्यः क्वापि कदाचन	(चतुःश्लोकी १)

नान्यथा तु करिष्यति	(अन्तःकरणप्रबोधः ४)
नान्यदेवं ब्रजेद् नैव	(साधनदीपिका ६८)
नान्या साधनपद्धतिः	(साधनदीपिका ५३)
नामरत्नाभिधमिदम्	(श्रीनामरत्नाख्यस्तोत्रम् २९)
नामानि च कृतानि च	(साधनप्रकरणम् २४९)
नामोच्चारणमेव वा	(साधनप्रकरणम् २४२)
नाम्नां छन्दो जगत्यसौ	(सर्वो.स्तो. ५)
नाम्नाम् अष्टोत्तरं शतम्	(श्रीसर्वोत्तमस्तोत्रम् ३३)
नायमात्मा प्रवचनैः	(साधनदीपिका ५७)
नारायणपरो मायाम्	(साधनदीपिका ६०)
नाविर्भूयाद् भवांश्चेद् अधिधरणितलम्	(श्रीवल्लभाष्टकम् २)
नावैष्णवैः सह वसेत्	(साधनदीपिका ६२)
नाशकं चासुराग्नेः	(श्रीवल्लभाष्टकम् ५)
नाशकोऽनुभवे स्थितः	(श्रीकृष्णाश्रयस्तोत्रम् ७)
नाषमेति न चान्यथा	(संन्यासनिर्णयः १२)
नास्येन्दुराजोद्गत	(श्रीस्फुरत्कृष्णप्रेमामृतस्तोत्रम् ५)
नाहं वेदैरितीरणात्	(पुष्टिप्रवाहमर्यादाभेदः ५)
नाऽत्र बाधक इष्यते	(संन्यासनिर्णयः १३)
नाऽऽवेशः सर्वदा हरेः	(संन्यासनिर्णयः ६)
निःसन्दिग्धं कृष्णतत्त्वम्	(पञ्चपद्यानि ३)
निगमप्रतिपाद्यम्	(श्रीसर्वोत्तमस्तोत्रम् १)
निगूढहृदयोऽनन्य	(श्रीसर्वोत्तमस्तोत्रम् २३)
निजदासस्य सौभाग्यम्	(श्रीस्फुरत्कृष्णप्रेमामृतस्तोत्रम् २)
निजेच्छातः करिष्यति	(विवेकधैर्याश्रयः १)
निजेच्छातः करिष्यति	(नवरत्नम् २)
नितम्बतटसुन्दरीम्	(श्रीयमुनाष्टकम् ३)

नित्यं श्रीमथुराधिपम् सुखकरम्	(मङ्गलाचरणम् ६)
नित्यकर्मकृतिर्वरा	(साधनदीपिका २२)
नियतार्थप्रदानेन	(बालबोधः १५)
नियामक इति स्थितिः	(सिद्धान्तमुक्तावली १८)
निरन्तरोद्गमयुताः	(जलभेदः १३)
निरुद्धानां तु रोधाय	(निरोधलक्षणम् १०)
निरुद्धैः सर्वदा गुणाः	(निरोधलक्षणम् ९)
निरोधं वर्णयामि ते	(निरोधलक्षणम् १०)
निरोधपदवीं गतः	(निरोधलक्षणम् १०)
निरोधाद् वा न चाऽन्यथा	(पञ्चपद्यानि ३)
निर्दोषपूर्णगुणता	(बालबोधः १३)
निर्भयो निःस्पृहस् ततः	(साधनप्रकरणम् २४२)
निर्हेतुकम् अदम्भतः	(साधनप्रकरणम् २४३)
निवृत्तिर्ब्रह्मबोधनम्	(सिद्धान्तमुक्तावली २)
निवेदनं तु स्मर्तव्यम्	(नवरत्नम् २)
निवेदितात्माभिः कदाऽपीति	(नवरत्नम् १)
निवेदिभक्तसर्वस्वम्	(श्रीनामरत्नाख्यस्तोत्रम् २७)
निवेदिभिः समप्यैव	(सिद्धान्तरहस्यम् ५)
निष्प्रत्यूहं महान् भोगः	(सेवाफलम् ४)
नीचा गानोपजीविनः	(जलभेदः ५)
नीराजितपदाम्बुजम्	(साधनदीपिका २)
नुगृहीतस्य चेशितुः	(साधनदीपिका ४३)
नैकान्ते वास इष्यते	(भक्तिवर्धिनी १०)
नैतज्जाने भ्रमः पुनः	(बालबोधः २०)
नैव त्यागः सुखावहः	(संन्यासनिर्णयः ६)
नैवात्मनि कुतोऽन्यतः	(निरोधलक्षणम् ६)

यासाश्रमात् पतन् मर्त्यः	(साधनदीपिका ७०)
प	
पञ्चधा हृदये मम	(मङ्गलाचरणम् ५)
पठति सूरसूते सदा	(श्रीयमुनाष्टकम् ९)
पठत्यनुदिनं जनः	(श्रीसर्वोत्तमस्तोत्रम् ३४)
पठनीयं प्रयत्नेन	(साधनप्रकरणम् २४३)
पठनीयं प्रयत्नेन	(साधनप्रकरणम् २५३)
पठेच्च नियमं कृत्वा	(साधनप्रकरणम् २३२)
पतच्छब्दाः प्रकीर्तिताः	(जलभेदः ९)
पतदमन्दपूरोज्ज्वला	(श्रीयमुनाष्टकम् २)
पतितमस्वधर्मो रतम्	(श्रीस्फुरत्कृष्णप्रेमामृतस्तोत्रम् ७)
पतितोदकवत् तथा	(जलभेदः २०)
पतिव्रतापतिः पर-	(श्रीसर्वोत्तमस्तोत्रम् २३)
परं पारं भवाम्बुधेः	(साधनदीपिका ११)
परं ब्रह्म तु कृष्णो हि	(सिद्धान्तमुक्तावली ३)
परपीडादिसम्भवे	(साधनप्रकरणम् २४७)
परमानन्दरूपे तु	(सिद्धान्तमुक्तावली ११)
परलोकश्च तेनायम्	(शिक्षाश्लोकी ३)
परा सिद्धिः स्वयं भवेत्	(साधनदीपिका ४०)
पराश्रयेण मोक्षस्तु	(बालबोधः १०)
परिचर्या सदा कुर्यात्	(साधनप्रकरणम् २२७)
परिचर्याविधिर्हरिः	(साधनदीपिका २१)
परित्यज्य विशुद्धितः	(साधनदीपिका २६)
परित्यागः प्रशस्यते	(संन्यासनिर्णयः ७)
परित्यागो विचार्यते	(संन्यासनिर्णयः १)
परित्यागो विधीयताम्	(संन्यासनिर्णयः २१)

परिनिष्ठा विवर्धते	(साधनप्रकरणम् २४०)
पर्यटित् कृष्णतत्परः	(साधनप्रकरणम् २४९)
पश्चात्तापः कथं तत्र	(अन्तःकरणप्रबोधः ७)
पश्चात्तापनिवृत्त्यर्थम्	(संन्यासनिर्णयः १)
पश्चात्तापाय नान्यथा	(संन्यासनिर्णयः १६)
पश्चात्तापो यतो भवेत्	(अन्तःकरणप्रबोधः ३)
पाकसेवां हरेरपि	(साधनदीपिका ६४)
पाके स्वीयान् सतीर्थ्याश्च	(साधनदीपिका ६५)
पात्रैर्व्यवहरेत् परैः	(साधनदीपिका ६५)
पादसेवा हरेः कार्या	(साधनदीपिका २८)
पापासक्तस्य दीनस्य	(श्रीकृष्णाश्रयस्तोत्रम् ९)
पापैकनिलयेषु च	(श्रीकृष्णाश्रयस्तोत्रम् २)
पायोर्मलांशत्यागेन	(निरोधलक्षणम् १८)
पारम्पर्ययुता भुवि	(जलभेदः ३)
पाषण्डप्रचुरे लोके	(श्रीकृष्णाश्रयस्तोत्रम् १)
पाषण्डित्वं भवेत् चापि	(संन्यासनिर्णयः १६)
पाषण्डी स्यात् कालतः	(संन्यासनिर्णयः ५)
पाषण्डैकप्रयत्नेषु	(श्रीकृष्णाश्रयस्तोत्रम् ६)
पितृप्रवर्तितपथ	(श्रीनामरत्नाख्यस्तोत्रम् १२)
पितृवंशोदधिविधुः	(श्रीनामरत्नाख्यस्तोत्रम् १४)
पुञ्जपीयूषवृष्टीः	(श्रीवल्लभाष्टकम् ५)
पुत्रे कृष्णाप्रिये रतिः	(निरोधलक्षणम् १८)
पुराणेऽपि निरूपिता	(बालबोधः ८)
पुरुषः सर्वसंशयात्	(सिद्धान्तमुक्तावली २१)
पुरुषस्याविशेषेण	(साधनदीपिका ७)
पुष्करं भूतरूपम्	(श्रीवल्लभाष्टकम् ६)

पुष्टिं कायेन निश्चयः	(पुष्टिप्रवाहमर्यादाभेदः ९)
पुष्टिप्रवाहमर्यादा	(पुष्टिप्रवाहमर्यादाभेदः १)
पुष्टिमार्गस्थितो यस्मात्	(नवरत्नम् ६)
पुष्टिमार्गो निरूपितः	(पुष्टिप्रवाहमर्यादाभेदः ८)
पुष्टिरस्तीति निश्चयः	(पुष्टिप्रवाहमर्यादाभेदः २)
पुष्टिरस्तीति निश्चयः	(पुष्टिप्रवाहमर्यादाभेदः ४)
पुष्टिस्थस्तैर्न युज्यते	(पुष्टिप्रवाहमर्यादाभेदः २५)
पुष्टौ नैव विलम्बयेत्	(सेवाफलम् ७)
पुष्ट्या विमिश्राः सर्वज्ञाः	(पुष्टिप्रवाहमर्यादाभेदः १५)
पुंरूपञ्च पुनस्तदन्तर्गतम्	(मङ्गलाचरणम् ९)
पूजया श्रवणादिभिः	(भक्तिवर्धिनी २)
पूज्यो दीनो दयास्पदः	(साधनदीपिका ३५)
पूयन् गोपवृन्दैः	(मङ्गलाचरणम् ८)
पूरिताशेषसेवकः	(श्रीसर्वोत्तमस्तोत्रम् १५)
पूर्णः प्लावयते जनान्	(निरोधलक्षणम् ८)
पूर्णभावेन पूर्णार्थाः	(पञ्चपद्यानि ४)
पूर्णा भगवदीया ये	(जलभेदः १४)
पूर्णानन्दः पूर्णकामो	(श्रीसर्वोत्तमस्तोत्रम् १९)
पूर्णानन्दो हरिस्तस्मात्	(श्रीकृष्णाश्रयस्तोत्रम् ८)
पूर्वभाण्डादिकं सर्वम्	(साधनदीपिका २६)
पूर्वमुत्तमम् ईरितम्	(साधनप्रकरणम् २५०)
पूर्वविद्धं परित्याज्यम्	(साधनदीपिका ३१)
पूर्वसंस्कारतस्तत्र	(साधनप्रकरणम् २१७)
पूर्वोक्तैव फलिष्यति	(सिद्धान्तमुक्तावली १९)
पृथक्शरणमार्गोपदेष्टा	(श्रीसर्वोत्तमस्तोत्रम् २५)
पृष्वा भूमेरिवोद्गताः	(जलभेदः १०)

पोष्यपोषणरक्षणे	(विवेकधैर्याश्रयः १२)
पोष्यातिक्रमणे चैव	(विवेकधैर्याश्रयः १२)
प्रकट मोद पुष्पाम्बुना	(श्रीयमुनाष्टकम् १)
प्रकटगण्डशैलौन्नता	(श्रीयमुनाष्टकम् २)
प्रकटमुक्तिकावालुका	(श्रीयमुनाष्टकम् ३)
प्रकाशनपरायणः	(श्रीसर्वोत्तमस्तोत्रम् ८)
प्रकृतिः प्रकृतं नहि	(संन्यासनिर्णयः ९)
प्रक्रिया न विरुध्यते	(साधनप्रकरणम् २२५)
प्रचारसुविचारकः	(श्रीनामरत्नाख्यस्तोत्रम् १२)
प्रणमामि मुहुर्मुहुः	(मङ्गलाचरणम् १)
प्रतिकूलस्य वर्जनम्	(पञ्चश्लोकी ४)
प्रतिकूले गृहं त्यजेत्	(पञ्चश्लोकी ३)
प्रतिकूले गृहं त्यजेत्	(साधनप्रकरणम् २३१)
प्रतिक्षणनिकुञ्जस्थ	(श्रीसर्वोत्तमस्तोत्रम् २५)
प्रतिपक्षक्षयंकरः	(श्रीनामरत्नाख्यस्तोत्रम् २६)
प्रतिबन्धविनाशने	(श्रीसर्वोत्तमस्तोत्रम् ६)
प्रतिबन्धादपि क्वचित्	(साधनप्रकरणम् २४७)
प्रतीकारो यदृच्छातः	(विवेकधैर्याश्रयः ७)
प्रतीत्यापि विशिष्यते	(सिद्धान्तमुक्तावली ८)
प्रत्यक्षा सा न सर्वेषाम्	(सिद्धान्तमुक्तावली ८)
प्रत्येकं साधनं चैतत्	(बालबोधः १६)
प्रथमे विशते सदा	(सेवाफलम् ४)
प्रथावत्यस्माकम्	(श्रीस्फुरत्कृष्णप्रेमामृतस्तोत्रम् १)
प्रपञ्चास्फुरणं भवेत्	(साधनदीपिका ४२)
प्रपत्तिः प्रेमकारणम्	(साधनदीपिका १४)
प्रपत्त्यादेशमादितः	(साधनदीपिका १३)

प्रपन्नः परिभावेत्	(साधनदीपिका ४७)
प्रपन्नाधिकृता भवेत्	(साधनदीपिका ३०)
प्रबलत्वाद् इति स्थितिः	(संन्यासनिर्णयः १७)
प्रभुः सर्वसमर्थो हि	(चतुःश्लोकी २)
प्रभृतिमृग्यपादाम्बुजः	(श्रीस्फुरत्कृष्णप्रेमामृतस्तोत्रम् ६)
प्रमाणभेदाद् भिन्नो हि	(पुष्टिप्रवाहमर्यादाभेदः ८)
प्रमादे त्वाशु निष्कृतिः	(साधनदीपिका ४४)
प्रवक्ष्याम्यखिलाघहत्	(श्रीसर्वोत्तमस्तोत्रम् ४)
प्रवाहं सृष्टवान् हरिः	(पुष्टिप्रवाहमर्यादाभेदः ९)
प्रवाहस्थान् प्रवक्ष्यामि	(पुष्टिप्रवाहमर्यादाभेदः २३)
प्रवाहस्थास्तथाऽपरे	(पुष्टिप्रवाहमर्यादाभेदः २१)
प्रवाहादिविभेदेन	(पुष्टिप्रवाहमर्यादाभेदः १५)
प्रवाहाभेदबुद्धये	(सिद्धान्तमुक्तावली ७)
प्रवाहेण क्रियारताः	(पुष्टिप्रवाहमर्यादाभेदः १५)
प्रवाहेण फलेन च	(पुष्टिप्रवाहमर्यादाभेदः १)
प्रवाहेऽपि समागत्य	(पुष्टिप्रवाहमर्यादाभेदः २५)
प्रवाहोऽपि व्यवस्थितः	(पुष्टिप्रवाहमर्यादाभेदः ३)
प्रवृत्तिं चेति वर्णिताः	(पुष्टिप्रवाहमर्यादाभेदः २४)
प्रसंगेषु हरिं ध्यायेत्	(साधनदीपिका ६२)
प्रसक्तौ ह्यपमानयेत्	(साधनदीपिका ६८)
प्रसादेन व्यवस्थितम्	(साधनदीपिका ४८)
प्रसादोऽपि बलिः कार्यः	(साधनदीपिका ३४)
प्रसृतवारिपीयूषयुग्	(श्रीस्फुरत्कृष्णप्रेमामृतस्तोत्रम् ६)
प्राकट्यं यत् कृतं ते तदुत निजकृते	(श्रीवल्लभाष्टकम् ४)
प्राकाम्यं स्यात् तथा जले	(सिद्धान्तमुक्तावली ८)
प्राकृतधर्मानाश्रयम्	(श्रीसर्वोत्तमस्तोत्रम् १)

प्राकृताः सकला देवाः	(श्रीकृष्णाश्रयस्तोत्रम् ८)
प्राकृतानुकृतिव्याज	(श्रीसर्वोत्तमस्तोत्रम् ११)
प्राणप्रेष्ठब्रजाधीश्वरवदनदिदृ-	(श्रीवल्लभाष्टकम् ७)
प्राणानायम्य नासापुटनिहितकरम्	(मङ्गलाचरणम् ११)
प्राणान् वित्तमिमं परम्	(साधनप्रकरणम् २१९)
प्राणैः कण्ठगतैरपि	(साधनप्रकरणम् २५४)
प्रादुभूतेन भूमौ ब्रजपति चरणाम्	(श्रीवल्लभाष्टकम् ४)
प्रादुर्भूतं चकार हि	(श्रीसर्वोत्तमस्तोत्रम् ३)
प्रादुर्भूतो भवान् इत्यनुभवनिगमा-	(श्रीवल्लभाष्टकम् ८)
प्राप्तं सेवेत निर्मम	(विवेकधैर्याश्रयः १५)
प्राप्नुयुर् नैव दैवी-	(श्रीवल्लभाष्टकम् २)
प्रार्थना कार्यमात्रेऽपि	(विवेकधैर्याश्रयः १४)
प्रार्थनीयपदाम्बुजः	(श्रीनामरत्नाख्यस्तोत्रम् २७)
प्रार्थिते वा ततः किं स्यात्	(विवेकधैर्याश्रयः २)
प्रार्थ्यम् एतन् मम प्रभो	(श्रीनामरत्नाख्यस्तोत्रम् ३०)
प्राविशद् गीतकीर्तिः	(मङ्गलाचरणम् ८)
प्रावीविशत् स्वप्रिये	(मङ्गलाचरणम् ९)
प्रियवृन्दावनाचलः	(श्रीनामरत्नाख्यस्तोत्रम् १०)
प्रियव्रजस्थितिः पुष्टि	(श्रीसर्वोत्तमस्तोत्रम् २६)
प्रियश्रुतिपथः शश्वन्	(श्रीनामरत्नाख्यस्तोत्रम् १६)
प्रियस् तादृशवेष्टितः	(श्रीसर्वोत्तमस्तोत्रम् २१)
प्रिया गोपीभर्तुः	(श्रीस्फुरत्कृष्णप्रेमामृतस्तोत्रम् १)
प्रियाभिरवसेविताम्	(श्रीयमुनाष्टकम् ३)
प्रियो भवति सेवनात्	(श्रीयमुनाष्टकम् ६)
प्रेमपूर्त्या स्फुरद्धर्माः	(जलभेदः ११)
प्रेमयुक्तास्तथा बुधाः	(जलभेदः ६)

प्रेमाद्र्द्रुगविशालाक्षः	(श्रीनामरत्नाख्यस्तोत्रम् २०)
प्रेम्णा सिद्ध्यति नान्यथा	(संन्यासनिर्णयः १४)
प्रेम्णोपदेशश्रवणात्	(साधनदीपिका १४)
प्रेम्णोपदेशैरपि	(श्रीस्फुरत्कृष्णप्रेमामृतस्तोत्रम् ५)
प्रौढापि दुहिता यद्वत्	(अन्तःकरणप्रबोधः ८)
प्लावितान्यरसः परः	(श्रीसर्वोत्तमस्तोत्रम् २८)
फ	
फलं चाऽपि तथा ततः	(जलभेदः २०)
फलं चाऽपि तथा भवेत्	(संन्यासनिर्णयः १०)
फलं त्वत्र निरूप्यते	(पुष्टिप्रवाहमर्यादाभेदः १६)
फलं प्रेम च साधनम्	(साधनप्रकरणम् २२०)
फलं वा ह्यधिकारो वा	(सेवाफलम् २)
फलम् एकम् अबाह्यतः	(बालबोधः ८)
ब	
बर्हापीडं नटवरवपुः	(मङ्गलाचरणम् ८)
बलाद् एतौ सदा मतौ	(सेवाफलम् ५)
बहिश्चेत् प्रकटः स्वात्मा	(संन्यासनिर्णयः ११)
बाधः केनाऽस्य सम्भवेत्	(संन्यासनिर्णयः १८)
बाधकानां परित्यागः	(सेवाफलम् ४)
बाधनं वा हरीच्छया	(नवरत्नम् ७)
बाधशंकाऽपि नास्त्यत्र	(निरोधलक्षणम् १४)
बाधसम्भावनायां तु	(भक्तिवर्धिनी १०)
बालप्रबोधनार्थाय	(बालबोधः १)
बाललीलादिसुप्रीतो	(श्रीनामरत्नाख्यस्तोत्रम् १३)
बाह्यांकान्यान्तराणि स्युः	(साधनदीपिका ३८)
बिन्दुपानं प्रकीर्तितम्	(जलभेदः १८)

बिभ्रद्वासः कनककपिशम्	(मङ्गलाचरणम् ८)
बीजं कारुणिकः प्रभुः	(श्रीसर्वोत्तमस्तोत्रम् ५)
बीजं तद् उच्यते शास्त्रे	(भक्तिवर्धिनी ४)
बीजदार्ढ्यप्रकारस्तु	(भक्तिवर्धिनी २)
बीजभावे दृढे तु स्यात्	(भक्तिवर्धिनी १)
बुद्धिमानादरं तस्मिन्	(साधनप्रकरणम् २२४)
बुद्ध्यै किञ्चित् समाचरेत्	(बालबोधः १९)
ब्रह्मणीत्थं हरिर्मतः	(सिद्धान्तमुक्तावली १०)
ब्रह्मवादनिरूपकः	(श्रीसर्वोत्तमस्तोत्रम् ३१)
ब्रह्मविष्णुशिवास्ततः	(सिद्धान्तमुक्तावली १०)
ब्रह्मसम्बन्धकरणात्	(सिद्धान्तरहस्यम् २)
ब्रह्मा ब्राह्मणतां यातः	(बालबोधः १०)
ब्रह्मात्मत्वावबोधने	(सिद्धान्तमुक्तावली १३)
ब्रह्मादिभ्यो न चान्यथा	(सिद्धान्तमुक्तावली ११)
ब्रह्मास्त्रचातकौ भाव्यौ	(विवेकधैर्याश्रयः १५)
ब्रह्मैव तादृशं यस्मात्	(बालबोधः १२)
भ	
भक्तक्लेशासहः सर्व	(श्रीनामरत्नाख्यस्तोत्रम् २२)
भक्तचिन्तामणिः भक्ति	(श्रीनामरत्नाख्यस्तोत्रम् ९)
भक्तद्रोहे भक्त्यभावे	(विवेकधैर्याश्रयः ११)
भक्तद्विट् भक्तसेवितः	(श्रीसर्वोत्तमस्तोत्रम् १४)
भक्तनेत्रसुधाकरः	(श्रीनामरत्नाख्यस्तोत्रम् ८)
भक्तरक्षैकदक्षः श्री	(श्रीनामरत्नाख्यस्तोत्रम् ७)
भक्तरत्नपरीक्षकः	(श्रीनामरत्नाख्यस्तोत्रम् ७)
भक्तवश्योऽतिसुन्दरः	(श्रीनामरत्नाख्यस्तोत्रम् ३)
भक्तवृन्दान् नमेद् अर्चेत्	(साधनदीपिका ४८)

भक्तशोकापहः शान्तः	(श्रीनामरत्नाख्यस्तोत्रम् ६)
भक्तसंप्रार्थितकरः	(श्रीनामरत्नाख्यस्तोत्रम् २१)
भक्ताज्ञानभिदुत्तमः	(श्रीनामरत्नाख्यस्तोत्रम् १८)
भक्तिकृन् निखिलेष्टदः	(श्रीसर्वोत्तमस्तोत्रम् १२)
भक्तिगम्यो भयापहः	(श्रीनामरत्नाख्यस्तोत्रम् ४)
भक्तिमार्ग-वितानाय	(साधनदीपिका ३)
भक्तिमार्गस्य कथनात्	(पुष्टिप्रवाहमर्यादाभेदः २)
भक्तिमार्गाब्जमार्तण्डः	(श्रीसर्वोत्तमस्तोत्रम् ९)
भक्तिमार्गेण यो यजेत्	(साधनदीपिका ६१)
भक्तिमार्गे समाविशेत्	(साधनप्रकरणम् २२४)
भक्तिमार्गे सर्वमार्ग	(श्रीसर्वोत्तमस्तोत्रम् २४)
भक्तिमार्गेऽपि चेद् दोषः	(संन्यासनिर्णयः १७)
भक्तिर्भवति नैष्ठिकी	(साधनदीपिका ४०)
भक्तिशास्त्रानुकूल्येन	(साधनदीपिका १७)
भक्तिशास्त्रानुसारेण	(साधनदीपिका ४)
भक्तिस् तत्प्रतिपादिका	(साधनप्रकरणम् २२०)
भक्तेः शान्ति-विरक्तयः	(साधनदीपिका ३८)
भक्तेच्छापूरकः सर्वा	(श्रीसर्वोत्तमस्तोत्रम् २७)
भक्तेषु ज्ञापिताशयः	(श्रीसर्वोत्तमस्तोत्रम् २३)
भक्तेष्वेवं हरिं साक्षात्	(साधनदीपिका ४८)
भक्तैश्चातिक्रमे कृते	(विवेकधैर्याश्रयः ११)
भक्तो निश्चिन्ततां ब्रजेत्	(अन्तःकरणप्रबोधः ११)
भक्तौ ज्ञाने विशेषतः	(संन्यासनिर्णयः १)
भक्त्यभावे तु तीरस्थो	(सिद्धान्तमुक्तावली २०)
भक्त्या या दृश्यते क्वचित्	(सिद्धान्तमुक्तावली ७)
भक्त्याचारोपदेशार्थ	(श्रीसर्वोत्तमस्तोत्रम् २०)

भक्त्याचारोपदेश च	(श्रीसर्वोत्तमस्तोत्रम् १८)
भगवच्छास्त्रतत्पराः	(जलभेदः ५)
भगवत्कार्यसिद्धये	(पुष्टिप्रवाहमर्यादाभेदः १५)
भगवत्येव सततम्	(द्वितीया चतुःश्लोकी ४)
भगवत्स्मृतिविह्वलाः	(पञ्चपद्यानि २)
भगवत्तारतम्येन	(पुष्टिप्रवाहमर्यादाभेदः २०)
भगवद्रूपसेवार्थम्	(पुष्टिप्रवाहमर्यादाभेदः १२)
भगवद्धर्मसामर्थ्यात्	(निरोधलक्षणम् १५)
भगवद्भजनैः कार्याः	(साधनदीपिका ४६)
भगवानपि पुष्टिस्थो	(नवरत्नम् १)
भगवानेव हि फलम्	(पुष्टिप्रवाहमर्यादाभेदः १७)
भगवान् किं विधास्यति	(निरोधलक्षणम् २)
भगवान् दययिष्यति	(निरोधलक्षणम् ४)
भगवान् फलरूपत्वात्	(संन्यासनिर्णयः १३)
भगवान् हरिरीश्वरः	(साधनदीपिका ६)
भगवानात्मभावितः	(साधनदीपिका ५४)
भजनानन्दलब्धये	(साधनदीपिका ५३)
भजनीयो ब्रजाधिपः	(चतुःश्लोकी १)
भजनीयो ब्रजाधिपः	(द्वितीया चतुःश्लोकी १)
भजन् कृष्णमवाप्नुयात्	(साधनप्रकरणम् २५४)
भजन् मुच्यते जन्मभिः	(साधनप्रकरणम् २१७)
भजेत् जिज्ञासुरादरात्	(साधनदीपिका १०)
भजेत् जिज्ञासुरादरात्	(साधनप्रकरणम् २२७)
भये कामाद्यपूरणे	(विवेकधैर्याश्रयः १०)
भर्तृत्वे वरणम् तथा	(पञ्चश्लोकी ५)
भवति ते पयःपानतः	(श्रीयमुनाष्टकम् ६)

भवति वै मुकुन्दे रतिः	(श्रीयमुनाष्टकम् ९)
भवति सौख्यमामोक्षतः	(श्रीयमुनाष्टकम् ८)
भवतीति श्रुतेर्मतम्	(सिद्धान्तमुक्तावली ५)
भविष्यथ कथञ्चन	(शिक्षाश्लोकी १)
भाग्यं सहजसुन्दरः	(श्रीसर्वोत्तमस्तोत्रम् ३२)
भारद्वैगुण्यम् अन्यथा	(बालबोधः १९)
भारद्वैगुण्यम् अन्यथा	(साधनदीपिका १५)
भार्यादिरनुकूलश्चेत्	(साधनप्रकरणम् २३१)
भार्यादीनां तथाऽन्येषाम्	(विवेकधैर्याश्रयः ७)
भावना साधनं यत्र	(संन्यासनिर्णयः १०)
भावपूरितविग्रहः	(श्रीसर्वोत्तमस्तोत्रम् १६)
भावमाज्ञातुमीष्टे	(श्रीवल्लभाष्टकम् ३)
भावस्तत्राऽप्यस्मदीयः	(शिक्षाश्लोकी ३)
भावांशुभूषिता मूर्तिः	(श्रीस्फुरत्कृष्णप्रेमामृतस्तोत्रम् २)
भावान् विंशतिधा भिन्नान्	(जलभेदः १)
भावी न भूतोऽस्त्यपि	(श्रीस्फुरत्कृष्णप्रेमामृतस्तोत्रम् ५)
भावेन स्थेयमादरात्	(द्वितीया चतुःश्लोकी ३)
भावेनैके हरेर्गुणान्	(जलभेदः १५)
भावो भावनया सिद्धः	(संन्यासनिर्णयः ८)
भाव्यं भिन्नं तु दैहिकात्	(विवेकधैर्याश्रयः ४)
भिन्नत्वं नित्यता श्रुतेः	(पुष्टिप्रवाहमर्यादाभेदः ७)
भिन्नमार्गपरं मतम्	(सिद्धान्तरहस्यम् ७)
भिन्ना जीवाः प्रवाहिणः	(पुष्टिप्रवाहमर्यादाभेदः ११)
भिन्नाएव न संशयः	(पुष्टिप्रवाहमर्यादाभेदः १२)
भिन्नेच्छातोऽपि नैकधा	(पुष्टिप्रवाहमर्यादाभेदः १०)
भिन्नो वेदाच्च भेदतः	(पुष्टिप्रवाहमर्यादाभेदः ५)

भिन्नौ युक्त्या हि वैदिकः	(पुष्टिप्रवाहमर्यादाभेदः ६)
भुवं भुवनपावनीम्	(श्रीयमुनाष्टकम् ३)
भुवि भक्तिप्रचारैक	(श्रीसर्वोत्तमस्तोत्रम् २२)
भूतदेवत्वमेतत्	(श्रीवल्लभाष्टकम् ५)
भूतनाथोदितासन्-	(श्रीवल्लभाष्टकम् २)
भूदेवाग्निप्रपूजकः	(श्रीनामरत्नाख्यस्तोत्रम् १५)
भूदेवानां समर्चनम्	(साधनदीपिका ६८)
भूमौ यः सन्मनुष्याकृतिरतिकरुणस्	(श्रीवल्लभाष्टकम् १)
भूमन् ईशस्य योजयेत्	(निरोधलक्षणम् १२)
भूषितः सहजस्मितः	(श्रीसर्वोत्तमस्तोत्रम् ३२)
भेदान् मिश्रास् त्रिधा पुनः	(पुष्टिप्रवाहमर्यादाभेदः १४)
भोगः शिवेन मोक्षस्तु	(बालबोधः १४)
भोगमोक्षफले दातुम्	(बालबोधः १३)
भोगश्च शिवतस् तथा	(बालबोधः १७)
भोगेप्येकं तथा परम्	(सेवाफलम् ४)
भोगो वा स्यात्तु बाधकः	(सेवाफलम् २)
भोजसेवाख्यवर्त्म	(श्रीवल्लभाष्टकम् ४)
भ्रान्ता ये ते निसर्गत्रिदशरिपुतया	(श्रीवल्लभाष्टकम् ३)
म	
मकरन्दजुषोऽनिशम्	(श्रीनामरत्नाख्यस्तोत्रम् ३०)
मत्वा चिन्तां द्रुतं त्यजेत्	(नवरत्नम् ८)
मध्यमाः श्रवणोत्सुकाः	(पञ्चपद्यानि २)
मनसि मे सदा स्थीयताम्	(श्रीयमुनाष्टकम् ५)
मनस्याविशते निजे	(साधनप्रकरणम् २४०)
मनुते नैव लौकिकम्	(शिक्षाश्लोकी २)
मन्त्रकर्मप्रकारतः	(पञ्चपद्यानि ५)

मन्त्रस्यापि विधानतः	(साधनप्रकरणम् २२९)	मानसा रतिवर्जिताः	(पञ्चपद्यानि १)
मन्त्रेष्वब्रतयोगिषु	(श्रीकृष्णाश्रयस्तोत्रम् ५)	मानसी सा परा मता	(सिद्धान्तमुक्तावली १)
मम मनः सुखं भावय	(श्रीयमुनाष्टकम् ४)	मानापेक्षां विवर्जयेत्	(साधनप्रकरणम् २४१)
मम माया दुरत्यया	(साधनदीपिका ५१)	मामेकं शरणं ब्रज	(साधनदीपिका १३)
ममाऽस्तु तव सन्निधौ	(श्रीयमुनाष्टकम् ७)	मामेव ये प्रपद्यन्ते	(साधनदीपिका ५१)
मया गुप्तं निरूपितम्	(सिद्धान्तमुक्तावली २१)	मायामेतां तरन्ति ते	(साधनदीपिका ५१)
मर्यादया गुणज्ञास्ते	(पुष्टिप्रवाहमर्यादाभेदः १६)	मायावादतमो निरस्य मधुभित्	(श्रीस्फुरत्कृष्णप्रेमामृतस्तोत्रम् ३)
मर्यादापि व्यवस्थिता	(पुष्टिप्रवाहमर्यादाभेदः ३)	मायावादनिराकर्ता	(श्रीसर्वोत्तमस्तोत्रम् ९)
मर्यादामार्गविधिना	(सिद्धान्तमुक्तावली ६)	मायावादनिरासकृत्	(श्रीनामरत्नाख्यस्तोत्रम् १९)
मर्यादास्थस्तु गङ्गायाम्	(सिद्धान्तमुक्तावली १८)	मायावादाख्यतूलाग्निः	(श्रीसर्वोत्तमस्तोत्रम् ३१)
मर्यादैकप्रतिष्ठिताः	(जलभेदः १२)	मायावादिकरीन्द्रदर्पदलने-	(श्रीस्फुरत्कृष्णप्रेमामृतस्तोत्रम् ५)
महतां कृपया यद्वत्	(निरोधलक्षणम् ५)	मायिकं सगुणं कार्यम्	(सिद्धान्तमुक्तावली ४)
महतां कृपया यावत्	(निरोधलक्षणम् ४)	मार्गध्वान्तान्धतुल्या निगमपथगतः	(श्रीवल्लभाष्टकम् २)
महतां समयो मानम्	(साधनदीपिका ५५)	मार्गोऽस्मिन् मुरवैरिणः	(साधनप्रकरणम् २१७)
महाकारुणिको विभुः	(श्रीसर्वोत्तमस्तोत्रम् १०)	मार्गोऽस्मिन् सुतरामपि	(साधनप्रकरणम् २२६)
महानुभावाः प्रायेण	(पुष्टिप्रवाहमर्यादाभेदः १९)	मार्गैकत्वेऽपि चेद्वत्यौ	(पुष्टिप्रवाहमर्यादाभेदः ६)
महान्तोऽत्र हरेः प्रियाः	(साधनदीपिका ५५)	मार्गोऽयं सर्वमार्गाणाम्	(साधनप्रकरणम् २२२)
महापतितपावनः	(श्रीनामरत्नाख्यस्तोत्रम् १७)	माहात्म्यं समभूद् भुवि	(श्रीसर्वोत्तमस्तोत्रम् २)
महापुरुषविग्रहः	(श्रीनामरत्नाख्यस्तोत्रम् १८)	माहात्म्यज्ञानपूर्वो हि	(साधनदीपिका ८)
महापुरुषसत्ख्यातिः	(श्रीनामरत्नाख्यस्तोत्रम् १८)	माहात्म्यज्ञापनायैव	(साधनदीपिका ९)
महामखकरः प्रभुः	(श्रीनामरत्नाख्यस्तोत्रम् १६)	माहात्म्यसंयुता नृणाम्	(सिद्धान्तमुक्तावली ६)
महालक्ष्मीगर्भरत्नम्	(श्रीनामरत्नाख्यस्तोत्रम् ९)	मुकुन्दरतिवर्द्धिनी	(श्रीयमुनाष्टकम् २)
महासुरतिरस्कर्ता	(श्रीनामरत्नाख्यस्तोत्रम् ८)	मुख्ये नष्टे छलेन तु	(साधनप्रकरणम् २२३)
महेन्द्रमदभित्प्रियः	(श्रीनामरत्नाख्यस्तोत्रम् ११)	मुग्धमोहनिवारकः	(श्रीसर्वोत्तमस्तोत्रम् २४)
महोज्ज्वलचरित्रवान्	(श्रीनामरत्नाख्यस्तोत्रम् १४)	मुग्धस्मितमुखाम्बुजः	(श्रीनामरत्नाख्यस्तोत्रम् १९)
महोदारचरित्रवान्	(श्रीसर्वोत्तमस्तोत्रम् ११)	मुमुक्षुर्वै शरणमहं प्रपद्ये	(साधनदीपिका १२)

मुररिपुश्च सन्तुष्यति	(श्रीयमुनाष्टकम् ९)
मुररिपोः प्रियम्भावुका	(श्रीयमुनाष्टकम् ५)
मुररिपौ मुकुन्दप्रिये	(श्रीयमुनाष्टकम् ७)
मुरारिपदपंकज	(श्रीयमुनाष्टकम् १)
मुहूर्तघटिकालवाः	(साधनदीपिका ४६)
मूर्तिं कृत्वा हरेः क्वचित्	(साधनप्रकरणम् २२७)
मूर्धासक्त पदाम्बुजः	(श्रीनामरत्नाख्यस्तोत्रम् १५)
मूलतः का क्षतिर् भवेत्	(अन्तःकरणप्रबोधः २)
मूलेच्छातः फलं लोके	(पुष्टिप्रवाहमर्यादाभेदः १०)
मृतरसभरेणातिभरिता	(श्रीस्फुरत्कृष्णप्रेमामृतस्तोत्रम् १)
मृदा पूजांगमेव तत्	(साधनप्रकरणम् २४४)
मोक्षस्तु सुलभो विष्णोः	(बालबोधः १७)
मोक्षे चत्वारि शास्त्राणि	(बालबोधः ५)
मोचकः सर्वथा यतः	(साधनप्रकरणम् २२२)
मोदमायात्यहर्निशम्	(निरोधलक्षणम् ११)
मोहं मागाः कथञ्चन	(अन्तःकरणप्रबोधः १०)
मोहितासुरमानुषः	(श्रीसर्वोत्तमस्तोत्रम् ११)
म्लेच्छाक्रान्तेषु देशेषु	(श्रीकृष्णाश्रयस्तोत्रम् २)
य	
य एतत् समधीयीत	(भक्तिवर्धिनी ११)
यः पठेत् कृष्णसन्निधौ	(श्रीकृष्णाश्रयस्तोत्रम् ११)
यः पठेत् स हरिं लभेत्	(श्रीनामरत्नाख्यस्तोत्रम् २८)
यच्च दुःखं यशोदायाः	(निरोधलक्षणम् १)
यच्चातिप्रियमात्मनः	(साधनप्रकरणम् २३६)
यज्ञभोक्ता यज्ञकर्ता	(श्रीसर्वोत्तमस्तोत्रम् ३०)
यज्ञादिश्रवणान् मतम्	(संन्यासनिर्णयः १५)

यज्ञास्तीर्थानि च पुनः	(साधनप्रकरणम् २४८)
यतः कृष्णबहिर्मुखाः	(पञ्चश्लोकी ४)
यतेः पर्यटनं वरम्	(साधनप्रकरणम् २४६)
यतो विष्णुपराङ्मुखाः	(साधनप्रकरणम् २३१)
यत्किञ्चित् सिद्धि-सम्भवः	(साधनदीपिका ७२)
यत्तु पश्चाद् अपीत्थम्	(श्रीवल्लभाष्टकम् ७)
यत् परस्मै निवेदनम्	(साधनदीपिका ५९)
यत्पादाम्बुजरेणवः	(मङ्गलाचरणम् १)
यत्र पूजाप्रवाहः स्यात्	(साधनदीपिका ३६)
यत्र पूजाप्रवाहः स्यात्	(साधनप्रकरणम् २५५)
यत् तत् शुद्धं साकृति स्तौमि	(श्रीसर्वोत्तमस्तोत्रम् १)
यत् प्रादुर्भावमाप्नोत्युचिततरमिदम्	(श्रीवल्लभाष्टकम् ७)
यत् सुखं समभूत् तन् मे	(निरोधलक्षणम् २)
यथा चित्तं न दुष्यति	(भक्तिवर्धिनी ८)
यथा चित्तं न दुष्यति	(साधनदीपिका ३७)
यथा जलं तथा सर्वम्	(सिद्धान्तमुक्तावली ९)
यथा तथा शुकादीनाम्	(निरोधलक्षणम् ६)
यथा तद्वत् पुष्टिर्गो	(पुष्टिप्रवाहमर्यादाभेदः ७)
यथा दुष्टैः स्वकर्मभिः	(सिद्धान्तमुक्तावली २०)
यथा देवी तथा कृष्णः	(सिद्धान्तमुक्तावली ९)
यथा भक्तिः प्रवृद्धा स्यात्	(भक्तिवर्धिनी १)
यथा यथा हरिः कृष्णो	(साधनप्रकरणम् २४०)
यथा वा तत्त्वनिर्धारः	(सेवाफलम् ३)
यथा शक्ता तथा बृहत्	(सिद्धान्तमुक्तावली ९)
यथा सिद्धयेत् तथाचरेत्	(साधनप्रकरणम् २३५)
यथा सुन्दरतां याति	(साधनप्रकरणम् २३०)

यथा हि स्कन्धशाखानाम्	(साधनदीपिका २१)
यथाकथञ्चित् कार्याणि	(विवेकधैर्याश्रयः १६)
यथालब्धोपचारकैः	(साधनप्रकरणम् २२९)
यदंघ्रिनखमण्डल-	(श्रीस्फुरत्कृष्णप्रेमामृतस्तोत्रम् ६)
यदनुग्रहतो जन्तुः	(मङ्गलाचरणम् २)
यदा बहिर्मुखाः यूयम्	(शिक्षाश्लोकी १)
यदा यस्येति वचनात्	(पुष्टिप्रवाहमर्यादाभेदः ५)
यदा स्पष्टं न दृश्यते	(निरोधलक्षणम् १९)
यदा स्याद् व्यसनं कृष्णे	(भक्तिवर्धिनी ५)
यदि न हरिमार्गे परिचयः	(श्रीस्फुरत्कृष्णप्रेमामृतस्तोत्रम् ४)
यदि नित्यं च लौकिकम्	(साधनदीपिका २५)
यदि श्रीगोकुलाधीशो	(चतुःश्लोकी ३)
यदि स्यात् सोपि श्री-	(श्रीस्फुरत्कृष्णप्रेमामृतस्तोत्रम् ४)
यदीक्षणसुधानिधिः	(श्रीस्फुरत्कृष्णप्रेमामृतस्तोत्रम् ७)
यद्यद् इष्टतमं लोके	(साधनप्रकरणम् २३६)
यद्यन् मनस्यभिध्यायेत्	(श्रीनामरत्नाख्यस्तोत्रम् २९)
यद्यप्येवं हि गार्हस्थ्यम्	(साधनदीपिका ७१)
यन्नामार्कोदयात् पाप	(श्रीनामरत्नाख्यस्तोत्रम् १)
यमादयस्तु कर्तव्याः	(बालबोधः ९)
यमोऽपि भगिनीसुतान्	(श्रीयमुनाष्टकम् ६)
यया 'सर्वात्मभावा'ख्या	(साधनदीपिका ४०)
यया चरणपद्मजा	(श्रीयमुनाष्टकम् ५)
यशःपीयूषलहरी	(श्रीसर्वोत्तमस्तोत्रम् २८)
यशोदोत्संगललितम्	(साधनदीपिका २)
यस्मात् साध्वी स्वभावं प्रकटयति वधूः	(श्रीवल्लभाष्टकम् ३)
यस्मादस्मिन् स्थितो यत्किमपि कथमपि	(श्रीवल्लभाष्टकम् ४)

यस्माद् आनन्दं श्रीव्रजजननिचये	(श्रीवल्लभाष्टकम् ५)
यस्मिन् पातभयं नास्ति	(साधनप्रकरणम् २२२)
यस्य वा भगवत्कार्यम्	(निरोधलक्षणम् १९)
यस्यायमनुगृह्णाति	(साधनदीपिका ५४)
यस्याऽऽसक्तिर्दृढा भवेत्	(भक्तिवर्धिनी ९)
यागादौ भक्तिमार्गैक	(श्रीसर्वोत्तमस्तोत्रम् १९)
यात्राधर्मोऽपि सिध्यति	(साधनदीपिका ७२)
यादृशाः तादृशाः प्रोक्ताः	(जलभेदः ११)
यादृशी सेवना प्रोक्ता	(सेवाफलम् १)
यावज्जीवं तस्य नाशो	(भक्तिवर्धिनी ९)
यावन्तोहि जले मताः	(जलभेदः २)
याऽपि पश्चात् मधुवने	(अन्तःकरणप्रबोधः ६)
युष्मान् इति मतिर्मम	(शिक्षाश्लोकी २)
ये तु प्रोक्ता हरेर्गुणाः	(जलभेदः ९)
ये निरुद्धास् तएवात्र	(निरोधलक्षणम् ११)
येन स्यान् निर्वृतिश्चित्ते	(साधनप्रकरणम् २३६)
यैः कृष्णसात्कृतप्राणैः	(नवरत्नम् ४)
यो दारागारपुत्रापान्	(साधनप्रकरणम् २१९)
यो ब्रह्माणं विदधाति पूर्वम्	(साधनदीपिका १२)
यो मदभक्त इतीरणात्	(पुष्टिप्रवाहमर्यादाभेदः ४)
यो वै वेदांश्च प्रहिणोति तस्मै	(साधनदीपिका १२)
योगध्यानादिसंयुक्ताः	(जलभेदः ८)
योऽवतीर्णो हुताशनः	(साधनदीपिका ३)
र	
रक्षणीये तथाऽश्रयः	(विवेकधैर्याश्रयः १)
रतिरासो यथा भवेत्	(साधनदीपिका ५६)

रन्ध्रान् वेणोरधरसुधया	(मङ्गलाचरणम् ८)
रहितस्य विशेषतः	(श्रीकृष्णाश्रयस्तोत्रम् ९)
रागः स्याद् नन्दनन्दने	(साधनदीपिका ४२)
रागाज्ञानादिभावानाम्	(जलभेदः १९)
रागातिसम्मोहनः	(श्रीस्फुरत्कृष्णप्रेमामृतस्तोत्रम् ३)
राजदयज्ञोपवीतं परितनुवसनम्	(मङ्गलाचरणम् ११)
राजीवलोचनो रास	(श्रीनामरत्नाख्यस्तोत्रम् ५)
राधावल्लभसेवया तदुचित-	(श्रीस्फुरत्कृष्णप्रेमामृतस्तोत्रम् ५)
रासलीलैकतात्पर्यः	(श्रीसर्वोत्तमस्तोत्रम् १७)
रुक्मिणीरमणः श्रीशो	(श्रीनामरत्नाख्यस्तोत्रम् ७)
रुचिस्तेषां न कुत्रचित्	(पुष्टिप्रवाहमर्यादाभेदः २२)
रूपं तत् त्रितयात्मकं परमभि-	(मङ्गलाचरणम् ९)
रूपतः फलतश्चैव	(जलभेदः २१)
रेणवः कामधेनवः	(साधनदीपिका १)
रोषदृक्पातसम्प्लुष्ट	(श्रीसर्वोत्तमस्तोत्रम् १४)
ल	
लक्ष्मीसहस्रलीलाभिः	(मङ्गलाचरणम् ४)
लब्ध्वानुग्रहमाचार्यात्	(साधनदीपिका २४)
लभते सुदृढां भक्तिम्	(भक्तिवर्धिनी ७)
लभ्यते वरणं हित्वा	(साधनदीपिका ५७)
लाभपूजार्थयत्नेषु	(श्रीकृष्णाश्रयस्तोत्रम् ४)
लिंगेन च गुणेन च	(पुष्टिप्रवाहमर्यादाभेदः १३)
लीलाकर्ता रहःप्रियः	(श्रीसर्वोत्तमस्तोत्रम् २६)
लीलाक्षीराब्धिशायिनम्	(मङ्गलाचरणम् ४)
लीलाधामानि संस्मरेत्	(साधनदीपिका २८)
लीलाप्रवेशोऽपीष्टश्च	(साधनदीपिका ४३)

लीलामृतरसार्द्राद्री	(श्रीसर्वोत्तमस्तोत्रम् २९)
लीलारसमहोदधिः	(श्रीनामरत्नाख्यस्तोत्रम् ५)
लीलारससुपूरितः	(श्रीसर्वोत्तमस्तोत्रम् २५)
लीलासृष्टिरनुत्तमा	(साधनदीपिका ५२)
लोकवत् चेत् स्थितिर्मे स्यात्	(अन्तःकरणप्रबोधः ९)
लोकवेदगुणैर्मिश्र	(जलभेदः १५)
लोकवेदनिरूपिताः	(सिद्धान्तरहस्यम् ३)
लोकार्थी चेद् भजेत् कृष्णम्	(सिद्धान्तमुक्तावली १६)
लोके स्वास्थ्यं तथा वेदे	(नवरत्नम् ६)
लोकेऽपि यत् प्रभुर्भुक्ते	(बालबोधः १४)
लोको नश्यति सर्वथा	(सिद्धान्तमुक्तावली १७)
लौकिकप्रभुवत् कृष्णो	(अन्तःकरणप्रबोधः ७)
लौकिका ऋषिभिः प्रोक्ताः	(बालबोधः ३)
लौकिकांस्तु प्रवक्ष्यामि	(बालबोधः ४)
लौकिके परतः स्वतः	(बालबोधः ५)
लौकिकैर्वैदिकैरपि	(चतुःश्लोकी ३)
लौकिकैर्हिकदानकृत्	(श्रीसर्वोत्तमस्तोत्रम् २३)
व	
वक्ष्यामि सर्वसन्देहा	(पुष्टिप्रवाहमर्यादाभेदः २)
वक्ता भक्तपरायणः	(श्रीसर्वोत्तमस्तोत्रम् २०)
वक्ता स्वयमभूद् हरिः	(साधनप्रकरणम् २२९)
वचसा वेदमार्गो हि	(पुष्टिप्रवाहमर्यादाभेदः ९)
वदति वल्लभः श्रीहरेः	(श्रीयमुनाष्टकम् ९)
वदद्भिरेवं सततम्	(नवरत्नम् ९)
वदामि सुविनिश्चितम्	(बालबोधः १)
वन्दनं चरणाम्भोजे	(साधनदीपिका २९)

वन्दे श्रीनन्दनन्दनम्	(साधनदीपिका २)
वन्देऽधोन्मीलिताक्षं मृगमदतिलकम्	(मङ्गलाचरणम् ११)
वरस्तुष्यति नान्यथा	(अन्तःकरणप्रबोधः ९)
वराङ्गहृदयैः कलिः	(श्रीस्फुरत्कृष्णप्रेमामृतस्तोत्रम् ६)
वर्णधर्मेण दुष्करम्	(साधनदीपिका ७१)
वर्णनीयाः सदा गुणाः	(निरोधलक्षणम् १६)
वर्णयन्ति विचक्षणाः	(जलभेदः १७)
वर्णयन्ति समुद्रास्ते	(जलभेदः १६)
वर्णाश्रमवतां धर्मे	(साधनप्रकरणम् २२३)
वर्तमानस्य बाधकाः	(संन्यासनिर्णयः ९)
वर्षाश्रितान्युत्सवानि	(साधनदीपिका ३२)
वर्षेण वेदोक्तिभिः	(श्रीस्फुरत्कृष्णप्रेमामृतस्तोत्रम् ५)
वल्लभस्य हितं वचः	(अन्तःकरणप्रबोधः १०)
वल्लभीकृतमानवः	(श्रीसर्वोत्तमस्तोत्रम् १०)
वल्लभेन विनिश्चितम्	(संन्यासनिर्णयः २२)
वस्तुतः कृष्णएव	(श्रीवल्लभाष्टकम् ८)
वस्तुतो दोषवर्जितम्	(अन्तःकरणप्रबोधः १)
वस्तुनः स्थितिसंहारौ	(बालबोधः १२)
वस्त्रप्रक्षालनादिभिः	(साधनप्रकरणम् २३७)
वस्त्रैः आभरणैरपि	(साधनप्रकरणम् २३०)
वह्निवत् प्रविशेद् यदि	(संन्यासनिर्णयः ११)
वाक्पतिर् विबुधेश्वरः	(श्रीसर्वोत्तमस्तोत्रम् १९)
वाक्सुधाकृष्टभक्तान्तः	(श्रीनामरत्नाख्यस्तोत्रम् २१)
वाचा च परिकीर्तयेत्	(विवेकधैर्याश्रयः १३)
वाण्या यदा तदा स्वास्यम्	(श्रीसर्वोत्तमस्तोत्रम् ३)
वादिनो बहुधा जगुः	(सिद्धान्तमुक्तावली ४)

वामांशसम्भवानान्तु	(साधनदीपिका ५३)
विकलत्वं तथाऽस्वास्थ्यम्	(संन्यासनिर्णयः ९)
विकसन्ति हृदब्जानि	(श्रीनामरत्नाख्यस्तोत्रम् १)
विक्षिप्तमनसो भ्रान्ताः	(साधनप्रकरणम् २१३)
विक्षेपाद् अथवा शक्त्या	(साधनप्रकरणम् २४७)
विक्लिन्नमनसो ये तु	(पञ्चपद्यानि २)
विट्ठलेशं सुकेशम्	(मङ्गलाचरणम् ११)
विद्वान् स्मार्ताग्निधारणम्	(साधनदीपिका ७०)
विधर्मात् च निवर्तनम्	(साधनप्रकरणम् २३८)
विधाय स्थीयतां सुखम्	(नवरत्नम् ७)
विधास्यत्यखिलं हि नः	(शिक्षाश्लोकी ४)
विधिना नियमेन च	(साधनदीपिका २९)
विधिहीनं प्रकुर्वते	(साधनप्रकरणम् २१३)
विना गद्गदकण्ठेन	(साधनदीपिका ५०)
विना नृत्येन गानेन	(साधनदीपिका ५०)
विना भक्तिः कथं भवेत्	(साधनदीपिका ४९)
विना भक्तप्रसंगेन	(साधनदीपिका ४९)
विनियोगः समस्तेष्ट	(श्रीनामरत्नाख्यस्तोत्रम् ३)
विनियोगेऽपि सा त्याज्या	(नवरत्नम् ५)
विनियोगो भक्तियोग-	(श्रीसर्वोत्तमस्तोत्रम् ६)
विप्रदारिद्र्यदावाग्निः	(श्रीनामरत्नाख्यस्तोत्रम् १५)
विप्रा गावो हरेर्भक्ताः	(साधनदीपिका ३५)
विप्रेर्व्यवहृतं तीर्थम्	(साधनदीपिका ६७)
विमुक्तः सर्वलोकतः	(सिद्धान्तमुक्तावली १५)
विरहानुभवार्थं तु	(संन्यासनिर्णयः ७)
विरहानुभवैकार्थं	(श्रीसर्वोत्तमस्तोत्रम् १८)

विरागो विषये स्थिरः	(निरोधलक्षणम् १५)
विरुद्धकरणं नास्ति	(साधनप्रकरणम् २२५)
विरुद्धाचारतत्पराः	(साधनप्रकरणम् २१२)
विलसति विना वल्लभवरम्	(श्रीस्फुरत्कृष्णप्रेमामृतस्तोत्रम् ४)
विलासगमनोल्लसत्	(श्रीयमुनाष्टकम् २)
विवेकः साधनं मतम्	(सेवाफलम् ३)
विवेकधैर्यभक्त्यादि	(श्रीकृष्णाश्रयस्तोत्रम् ९)
विवेकधैर्ये सततम्	(विवेकधैर्याश्रयः १)
विवेकस्तु हरिः सर्वम्	(विवेकधैर्याश्रयः १)
विवेकोऽयं समाख्यातो	(विवेकधैर्याश्रयः ५)
विशिष्टरूपं वेदार्थः	(साधनप्रकरणम् २२०)
विशुद्धमथुरातटे	(श्रीयमुनाष्टकम् ४)
विशेषतश्चेद् आज्ञा स्यात्	(विवेकधैर्याश्रयः ३)
विशेषेण पृथक्-पृथक्	(पुष्टिप्रवाहमर्यादाभेदः १)
विषयाक्रान्तदेहानाम्	(संन्यासनिर्णयः ६)
विष्णुनेति विनिश्चयः	(बालबोधः १४)
विष्णोः कार्याणि कारयेत्	(पञ्चश्लोकी ३)
विसृष्टानां ततोऽन्येषाम्	(साधनदीपिका ५३)
विस्मयास्पदविग्रहः	(श्रीनामरत्नाख्यस्तोत्रम् २२)
विस्मृतान्यो ब्रजप्रियः	(श्रीसर्वोत्तमस्तोत्रम् २६)
विहारान् कुर्वाणा	(श्रीस्फुरत्कृष्णप्रेमामृतस्तोत्रम् १)
विहिताच्च फलात् तद् हि	(सिद्धान्तमुक्तावली ८)
वृतं यच्चात्मनः प्रियम्	(साधनदीपिका ५९)
वृतं संवृणुते श्रुतेः	(साधनदीपिका ५७)
वृत्त्यर्थं नैव युञ्जीत	(साधनप्रकरणम् २५४)
वृथालापक्रियाध्यानम्	(साधनप्रकरणम् २३५)

वृद्धिक्षययुता भुवि	(जलभेदः १३)
वृद्धिक्षयविवर्जिताः	(जलभेदः ११)
वृन्दारण्यं स्वपदरमणम्	(मङ्गलाचरणम् ८)
वृन्दावने गोकुले वा	(निरोधलक्षणम् ३)
वेदत्रयीशिरोभाग	(साधनदीपिका ४)
वेदस्य विद्यमानत्वात्	(पुष्टिप्रवाहमर्यादाभेदः ३)
वेदाद् आद्या यतः स्थिताः	(बालबोधः ४)
वेदे च परिनिष्ठिताम्	(साधनदीपिका ५४)
वेदोक्तं वैदिकेऽपि च	(पुष्टिप्रवाहमर्यादाभेदः १०)
वेशन्ताः परिकीर्तिताः	(जलभेदः ७)
वेश्यादिसहिता मत्ताः	(जलभेदः ४)
वेषः सोऽत्र न चान्यथा	(संन्यासनिर्णयः ७)
वैजयन्तीञ्च मालाम्	(मङ्गलाचरणम् ८)
वैदिकत्वं लौकिकत्वम्	(पुष्टिप्रवाहमर्यादाभेदः २०)
वैराग्यं परितोषं च	(साधनप्रकरणम् २३३)
वैलक्षण्यानुभूतिकृत्	(श्रीसर्वोत्तमस्तोत्रम् २४)
वैश्वदेवं च दैवकम्	(साधनदीपिका ३३)
वैश्वदेवकदेवार्चा	(साधनदीपिका २०)
वैश्वानरो वल्लभाख्यः	(श्रीसर्वोत्तमस्तोत्रम् १२)
वैष्णवत्वं हि सहजम्	(पुष्टिप्रवाहमर्यादाभेदः २१)
वैष्णवाचारतत्परः	(साधनदीपिका २४)
वैष्णवोऽधिकृतस्ततः	(साधनदीपिका ७३)
व्यवहारः प्रसिद्ध्यति	(सिद्धान्तरहस्यम् ७)
व्यसनं च यदा भवेत्	(भक्तिवर्धिनी ३)
व्यावृत्तोऽपि हरौ चित्तम्	(भक्तिवर्धिनी ३)
व्यासः समाधिना सर्वम्	(साधनप्रकरणम् २२१)

ब्रजपतिरतिर्नेति निखिलैः	(श्रीस्फुरत्कृष्णप्रेमामृतस्तोत्रम् ४)	शौचाचारविहीनस्य	(साधनदीपिका १९)
ब्रजपतिविहारबिधु सदा	(श्रीस्फुरत्कृष्णप्रेमामृतस्तोत्रम् १)	श्यामं च तद्वंशजान्	(मङ्गलाचरणम् ७)
ब्रजाधिपतिरिन्दिरा-	(श्रीस्फुरत्कृष्णप्रेमामृतस्तोत्रम् ६)	श्रद्धा दैवात्मसम्पदः	(साधनदीपिका ३९)
ब्रजेश्वरप्रीतिकर्ता	(श्रीनामरत्नाख्यस्तोत्रम् १२)	श्रद्धाविशुद्धबुद्धिर् यः	(श्रीसर्वोत्तमस्तोत्रम् ३४)
व्रतं तद्विष्णुपञ्चकम्	(साधनदीपिका ३१)	श्रवणं कीर्तनं स्पष्टम्	(निरोधलक्षणम् १८)
व्रात्यप्रायाः स्वतो दुष्टाः	(साधनप्रकरणम् २१४)	श्रवणं गुणकर्मणाम्	(साधनदीपिका ९)
श		श्रवणादि ततः प्रेम्णा	(बालबोधः १७)
शंखचक्रादिकं धार्यम्	(साधनप्रकरणम् २४४)	श्रवणादिपरो नित्यम्	(साधनदीपिका २६)
शक्तौ द्वावपि यद्यपि	(बालबोधः १३)	श्रवणादिप्रसिद्ध्यर्थम्	(संन्यासनिर्णयः ३)
शमो दमस्तपः शौचम्	(साधनदीपिका ३९)	श्रवणादौ यतेत् सदा	(भक्तिवर्धिनी ३)
शरणं भावयेद् हरिम्	(विवेकधैर्याश्रयः १६)	श्रवणाद्यैः प्रतिज्ञातः	(साधनदीपिका ५)
शरणस्थसमुद्धारम्	(श्रीकृष्णाश्रयस्तोत्रम् १०)	श्रवणाद्यैः भजेद् एवम्	(साधनदीपिका ३७)
शरणाध्वप्रदर्शकः	(श्रीनामरत्नाख्यस्तोत्रम् २७)	श्राद्धानि चोत्तमान्येव	(साधनदीपिका ३३)
शापं दापयति क्वचित्	(पुष्टिप्रवाहमर्यादाभेदः १८)	श्रावणस्याऽमले पक्षे	(सिद्धान्तरहस्यम् १)
शास्त्रं किञ्चिद् उदीरितम्	(बालबोधः ११)	श्रीकृष्णं पूयेद् भक्त्या	(साधनप्रकरणम् २२९)
शास्त्रं शुद्धत्वहेतवे	(पुष्टिप्रवाहमर्यादाभेदः १९)	श्रीकृष्णः शरणं मम	(नवरत्नम् ९)
शास्त्राणाम् उपयोगोऽत्र	(साधनदीपिका ९)	श्रीकृष्णज्ञानदो गुरुः	(श्रीसर्वोत्तमस्तोत्रम् १३)
शिक्षन् भक्त्या तदुत्थया	(साधनदीपिका ६०)	श्रीकृष्णरसविक्षिप्त-	(पञ्चपद्यानि १)
शिवविरञ्चिदेवस्तुते	(श्रीयमुनाष्टकम् ४)	श्रीकृष्णशरणं जनः	(साधनदीपिका २४)
शीघ्रमेव ध्रुवं फलम्	(साधनप्रकरणम् २१८)	श्रीकृष्णहार्दवित्	(श्रीसर्वोत्तमस्तोत्रम् २५)
शुकमयूरहंसादिभिः	(श्रीयमुनाष्टकम् ३)	श्रीकृष्णानुगृहीतैक	(श्रीनामरत्नाख्यस्तोत्रम् २७)
शुद्धाः प्रेम्णाऽतिदुर्लभाः	(पुष्टिप्रवाहमर्यादाभेदः १६)	श्रीकृष्णास्यं कृपानिधिः	(श्रीसर्वोत्तमस्तोत्रम् ७)
शुद्ध्यशुद्धी स्ववैष्णवैः	(साधनदीपिका ६४)	श्रीकृष्णास्यं देवता च	(श्रीसर्वोत्तमस्तोत्रम् ५)
शेषभागं तनौ नयेत्	(निरोधलक्षणम् १८)	श्रीगोकुलकृतावासः	(श्रीनामरत्नाख्यस्तोत्रम् १०)
शेषमस्य प्रमान्तरम्	(साधनदीपिका ३)	श्रीगोकुलेन्दुं विभुम्	(मङ्गलाचरणम् ६)
शेषव्यासाग्निमारुताः	(जलभेदः १४)	श्रीगोपालमनुं श्रयेत्	(साधनदीपिका ५८)

श्रीगोपालमहामनोः	(साधनदीपिका ५६)
श्रीगोपीनाथमाश्रये	(मङ्गलाचरणम् १०)
श्रीगोवर्धननाथपादयुगलम्	(मङ्गलाचरणम् ६)
श्रीबालकृष्णं भजे	(मङ्गलाचरणम् ६)
श्रीभागवतगूढार्थ-	(श्रीसर्वोत्तमस्तोत्रम् ८)
श्रीभागवततत्त्वज्ञम्	(साधनदीपिका १०)
श्रीभागवततत्त्वज्ञम्	(साधनप्रकरणम् २२७)
श्रीभागवततत्परः	(साधनदीपिका ३७)
श्रीभागवतत्परः	(सिद्धान्तमुक्तावली १८)
श्रीभागवतपीयूष	(श्रीसर्वोत्तमस्तोत्रम् १६)
श्रीभागवतप्रतिपदमणिवर-	(श्रीस्फुरत्कृष्णप्रेमामृतस्तोत्रम् २)
श्रीभागवतभाववित्	(श्रीनामरत्नाख्यस्तोत्रम् ११)
श्रीभागवतमादरात्	(साधनप्रकरणम् २३२)
श्रीभागवतमादरात्	(साधनप्रकरणम् २४३)
श्रीभागवतमार्गेण	(साधनप्रकरणम् २१५)
श्रीभागवतम् आदरात्	(साधनप्रकरणम् २५३)
श्रीभागवतशास्त्रेण	(साधनदीपिका ४९)
श्रीमदाचार्यसम्मतः	(साधनदीपिका १७)
श्रीमद्गोकुलनाथसङ्गमसुधा-	(श्रीस्फुरत्कृष्णप्रेमामृतस्तोत्रम् ३)
श्रीमद्द्वारवतीशगोकुलपति-	(मङ्गलाचरणम् ६)
श्रीमद्बालककृष्णगोकुलपती	(मङ्गलाचरणम् ७)
श्रीमद्भागवताख्यदुर्लभसुधा-	(श्रीस्फुरत्कृष्णप्रेमामृतस्तोत्रम् ५)
श्रीमद्वल्लभ'नामधेयसदृशो	(श्रीस्फुरत्कृष्णप्रेमामृतस्तोत्रम् ५)
श्रीमद्वल्लभनन्दनम्	(मङ्गलाचरणम् २)
श्रीमद्वल्लभविट्ठलौ गिरिधरम्	(मङ्गलाचरणम् ७)
श्रीमद्वृन्दावनेन्दुप्रकटितरसिका	(श्रीवल्लभाष्टकम् १)
श्रीमन्मथमोहनं नटवरम्	(मङ्गलाचरणम् ६)

श्रीमान् वल्लभनन्दनः	(श्रीनामरत्नाख्यस्तोत्रम् ४)
श्रीरंगे वेंकटे तथा	(साधनप्रकरणम् २५५)
श्रीरंगे ब्रजमण्डले	(साधनदीपिका ३६)
श्रीवल्लभप्रतिनिधिम्	(मङ्गलाचरणम् १०)
श्रीवल्लभाभिधानस्तनोतु	(श्रीस्फुरत्कृष्णप्रेमामृतस्तोत्रम् २)
श्रीवल्लवीशान्तरः	(श्रीस्फुरत्कृष्णप्रेमामृतस्तोत्रम् ३)
श्रीविट्ठलः कृपासिन्धुर	(श्रीनामरत्नाख्यस्तोत्रम् ३)
श्रीविट्ठलपदाम्बुजम्	(श्रीनामरत्नाख्यस्तोत्रम् २८)
श्रीविट्ठलपदाम्भोज	(श्रीनामरत्नाख्यस्तोत्रम् ३०)
श्रीविट्ठलेशं मुदा	(मङ्गलाचरणम् ६)
श्रीहुताशेति मन्ये	(श्रीवल्लभाष्टकम् ४)
श्रुतिस्मृतिशिरोरत्न	(साधनदीपिका २)
श्रोतव्यः कीर्तितव्यश्च	(साधनदीपिका ६)
ष	
षड्भिर् विराजते योऽसौ	(मङ्गलाचरणम् ५)
षड्भिः सम्पद्यते धर्मः	(साधनप्रकरणम् २१४)
षड्विधा शरणागतिः	(पञ्चश्लोकी ५)
स	
स कथञ्चित् तरिष्यति	(साधनप्रकरणम् २१५)
स चेत् त्यक्तुं न शक्यते	(पञ्चश्लोकी २)
स तदेकमना सिद्धिम्	(श्रीसर्वोत्तमस्तोत्रम् ३४)
स दूरस्थो यथा तथा	(सिद्धान्तमुक्तावली १४)
स मार्गद्वितये प्रोक्तो	(संन्यासनिर्णयः १)
स यथाविर्भवेद् भुवि	(पुष्टिप्रवाहमर्यादाभेदः १७)
स श्रीवल्लभभानुरुल्लसति यः	(श्रीस्फुरत्कृष्णप्रेमामृतस्तोत्रम् ३)
स सद्भिः सह कर्तव्यः	(पञ्चश्लोकी २)

संकल्पादपि तत्र हि	(निरोधलक्षणम् १७)
संगः सर्वात्मना त्याज्यः	(पञ्चश्लोकी २)
संगादिगुणदोषाभ्याम्	(जलभेदः १३)
संगो भवति नान्यथा	(संन्यासनिर्णयः ५)
संग्रहः श्रुतिसम्मतः	(साधनदीपिका ५५)
संयोगजाः स्पर्शजाश्च	(सिद्धान्तरहस्यम् ३)
संश्लिष्टावुभयौ बभौ रसमयः	(मङ्गलाचरणम् ९)
संसारं प्रजिहासतः	(साधनदीपिका ७)
संसारविरहक्लेशौ	(निरोधलक्षणम् १३)
संसारवेशदुष्टानाम्	(निरोधलक्षणम् १२)
संसारसक्तिरन्यथा	(साधनदीपिका ४६)
संसारी यस्तु भजते	(सिद्धान्तमुक्तावली १४)
संसारे न भवेत् तदा	(साधनप्रकरणम् २१७)
संसारोत्पत्तिहेतवः	(जलभेदः ४)
सएव नः परं मानम्	(साधनदीपिका ३)
सएवातीत्य कलिजान्	(साधनदीपिका ६१)
सकलगात्रजैः संगमः	(श्रीयमुनाष्टकम् ८)
सकलगोपगोपीवृते	(श्रीयमुनाष्टकम् ४)
सकलगोपिकासंगम	(श्रीयमुनाष्टकम् ८)
सकलसिद्धिदा सेवताम्	(श्रीयमुनाष्टकम् ५)
सकलसिद्धिहेतुं मुदा	(श्रीयमुनाष्टकम् १)
सक्तः पतितपावनः	(श्रीसर्वोत्तमस्तोत्रम् २७)
सघोषगतिदन्तुरा	(श्रीयमुनाष्टकम् २)
सच्चिदानन्दकं बृहत्	(सिद्धान्तमुक्तावली ३)
सच्चिदानन्दता ततः	(निरोधलक्षणम् ९)
सच्चिदानन्दरूपिणः	(जलभेदः १६)

स जहाति मतिं लोके	(साधनदीपिका ५४)
सत्पीडाव्यग्रलोकेषु	(श्रीकृष्णाश्रयस्तोत्रम् २)
सत्यपरायणः	(श्रीनामरत्नाख्यस्तोत्रम् १६)
सत्यप्रतिज्ञः त्रिगुणा	(श्रीसर्वोत्तमस्तोत्रम् ३०)
सत्यलोके स्थितिर्ज्ञानात्	(संन्यासनिर्णयः १०)
सत्यसंकल्पतो विष्णुः	(अन्तःकरणप्रबोधः ४)
सत्सु पापानुवर्तिषु	(श्रीकृष्णाश्रयस्तोत्रम् ४)
सदा कृष्णकथाप्रियः	(श्रीनामरत्नाख्यस्तोत्रम् २५)
सदा पूज्या हरेः प्रियाः	(साधनदीपिका ३५)
सदा प्रसन्नवदनः	(श्रीनामरत्नाख्यस्तोत्रम् १९)
सदाचारोऽस्य संश्रयात्	(साधनदीपिका २३)
सदानन्दपरैर् गेयाः	(निरोधलक्षणम् ९)
सदा सर्वात्मना सेव्यः	(द्वितीया चतुःश्लोकी)
सदा सर्वात्मभावेन	(द्वितीया चतुःश्लोकी)
सद्गुरोः कृपया विना	(साधनदीपिका ४९)
सद्गुरो हितकृत् सताम्	(श्रीसर्वोत्तमस्तोत्रम् १२)
सन्तः संगस्य भेषजम्	(पञ्चश्लोकी २)
सन्तुष्ट्यापि च सिध्यति	(साधनदीपिका ४१)
सन्दिग्धधर्मसेवापि	(साधनदीपिका ६९)
सन्देहच्छेददक्षिणः	(श्रीनामरत्नाख्यस्तोत्रम् २५)
सन्देहवारकास्तत्र	(जलभेदः ६)
सन्निधाने कृपातः	(श्रीवल्लभाष्टकम् ७)
संन्यासवरणं भक्तौ	(संन्यासनिर्णयः २२)
संन्यासश्चाग्निहोत्रं च	(साधनदीपिका ६९)
संन्यासेन विशेषितात्	(संन्यासनिर्णयः १०)
सप्तमी वेधवर्जिता	(साधनप्रकरणम् २४५)

सभायामपि कुर्वीत	(साधनप्रकरणम् २४२)
समधिरूढदोलोत्तमा	(श्रीयमुनाष्टकम् २)
समर्थस्तु तयोः कुर्यात्	(साधनदीपिका ७०)
समर्थो हि हरिः स्वतः	(नवरत्नम् ५)
समर्पणाद् अहं पूर्वम्	(अन्तःकरणप्रबोधः ३)
समर्पणेन आनात्मनो हि	(बालबोधः १८)
समर्प्यैव शुचिः पूर्वम्	(साधनदीपिका ६६)
समस्तदुरितक्षयः	(श्रीयमुनाष्टकम् ९)
समागमनतोऽभवत्	(श्रीयमुनाष्टकम् ५)
समानि हरिणा कृताः	(साधनप्रकरणम् २४८)
समुदितोऽनुकम्पामृतात्	(श्रीस्फुरत्कृष्णप्रेमामृतस्तोत्रम् ७)
समुद्रमथनक्षमः	(श्रीसर्वोत्तमस्तोत्रम् १६)
सम्प्रत्यविषयस् तस्य	(श्रीसर्वोत्तमस्तोत्रम् २)
सम्प्रापकं तत्क्षणात्	(श्रीस्फुरत्कृष्णप्रेमामृतस्तोत्रम् ३)
सम्बन्धिनस्तु ये जीवाः	(पुष्टिप्रवाहमर्यादाभेदः २१)
सरःकमलसम्पूर्णाः	(जलभेदः ६)
सर्गभेदं प्रवक्ष्यामि	(पुष्टिप्रवाहमर्यादाभेदः ८)
सर्गादौ भूतरूपाद् अभवद् अनलतः	(श्रीवल्लभाष्टकम् ६)
सर्वं कार्यं हि सिद्ध्यति	(बालबोधः १७)
सर्वं कुर्याद् इति स्थितिः	(सिद्धान्तरहस्यम् ५)
सर्वं समर्पितं भक्त्या	(अन्तःकरणप्रबोधः ८)
सर्वं सहेत परुषम्	(साधनप्रकरणम् २३३)
सर्वकर्मव्रतादिषु	(श्रीकृष्णाश्रयस्तोत्रम् ६)
सर्वज्ञः सर्वकामदः	(श्रीनामरत्नाख्यस्तोत्रम् ६)
सर्वतोऽप्यधिकां पराम्	(भक्तिवर्धिनी ७)
सर्वत्यागोऽनन्यभावे	(साधनप्रकरणम् २१८)

सर्वत्यागोपदेशकः	(श्रीसर्वोत्तमस्तोत्रम् १८)
सर्वत्र तस्य सर्वं हि	(विवेकधैर्याश्रयः २)
सर्वत्र सकलं फलम्	(पुष्टिप्रवाहमर्यादाभेदः २३)
सर्वत्रैव विरक्तस्य	(साधनदीपिका ४२)
सर्वत्रैवाखिलार्थकृत्	(श्रीकृष्णाश्रयस्तोत्रम् १०)
सर्वत्रोत्कर्षकथनात्	(पुष्टिप्रवाहमर्यादाभेदः ४)
सर्वथा चेद् गतिर्न हि	(सेवाफलम् ३)
सर्वथा चेद् हरिकृपा	(साधनप्रकरणम् २२६)
सर्वथा तदुणालापम्	(साधनप्रकरणम् २४२)
सर्वथा तादृशैर्जनैः	(नवरत्नम् २)
सर्वथा दीनभावना	(साधनप्रकरणम् २४१)
सर्वथा न त्यजेत् त्रयम्	(साधनदीपिका १६)
सर्वथा न त्यजेत् त्रयम्	(साधनप्रकरणम् २३८)
सर्वथा न परित्यजेत्	(साधनप्रकरणम् २३३)
सर्वथा नाशनं यदा	(जलभेदः १९)
सर्वथा निरहंकृतौ	(बालबोधः ७)
सर्वथा बाधकस्तु सः	(विवेकधैर्याश्रयः १५)
सर्वथा बाधकस्तु सः	(द्वितीया चतुःश्लोकी २)
सर्वथा भक्षयिष्यन्ति	(शिक्षाश्लोकी २)
सर्वथा वृत्तिहीनश्चेत्	(साधनप्रकरणम् २३२)
सर्वथा शरणं हरिः	(विवेकधैर्याश्रयः १०)
सर्वथा शरणं हरिः	(विवेकधैर्याश्रयः ११)
सर्वथैव परित्यजेत्	(साधनप्रकरणम् २३५)
सर्वदा मुरवैरिणः	(निरोधलक्षणम् १३)
सर्वदा सर्वभावेन	(चतुःश्लोकी १)
सर्वदुःखातिगो भवेत्	(मङ्गलाचरणम् २)

सर्वदोषनिवृत्तिर् हि	(सिद्धान्तरहस्यम् २)	सर्वपिक्षां परित्यज्य	(साधनप्रकरणम् २३५)
सर्वधर्मान् परित्यज्य	(साधनदीपिका १३)	सर्वार्थे शरणं हरिः	(विवेकधैर्याश्रयः १३)
सर्वनिर्णयपूर्वकम्	(साधनप्रकरणम् २२१)	सर्वासक्तो भक्तमात्रा	(श्रीसर्वोत्तमस्तोत्रम् २७)
सर्वभावेन ये विदुः	(पञ्चपद्यानि ३)	सर्वेश्वरश्च सर्वात्मा	(नवरत्नम् २)
सर्वभावेन सर्वथा	(शिक्षाश्लोकी ३)	सर्वेषां देहजीवयोः	(सिद्धान्तरहस्यम् २)
सर्वमार्गेषु नष्टेषु	(श्रीकृष्णाश्रयस्तोत्रम् १)	सर्वेषां प्रभुसम्बन्धो	(नवरत्नम् ३)
सर्वम् अन्यत् मनोभ्रमः	(सेवाफलम् ६)	सर्वेषां ब्रह्मता ततः	(सिद्धान्तरहस्यम् ८)
सर्वम् आश्रयतो भवेत्	(विवेकधैर्याश्रयः ९)	सर्वेषां वर्णिनां तथा	(साधनप्रकरणम् २४७)
सर्वलक्षणसम्पन्नः	(श्रीसर्वोत्तमस्तोत्रम् १३)	सर्वेषां ब्रजवासिनाम्	(निरोधलक्षणम् २)
सर्ववस्तुषु वैराग्यम्	(साधनदीपिका ४१)	सर्वेषां सर्वदा हितम्	(विवेकधैर्याश्रयः १७)
सर्ववस्तुसमर्पणम्	(सिद्धान्तरहस्यम् ६)	सर्वेषाम् कृष्ण भावनात्	(साधनप्रकरणम् २३३)
सर्ववादिनिरासकृत्	(श्रीसर्वोत्तमस्तोत्रम् ९)	सवर्णान् सन्नियोजयेत्	(साधनदीपिका ६५)
सर्वशक्तिसमायुक्तो	(श्रीनामरत्नाख्यस्तोत्रम् २)	सविघ्नोऽल्पो घातकः स्यात्	(सेवाफलम् ५)
सर्वशास्त्रविदग्रणीः	(श्रीनामरत्नाख्यस्तोत्रम् ८)	सहजाः देशकालोत्थाः	(सिद्धान्तरहस्यम् ३)
सर्वसन्देहवारकान्	(जलभेदः १)	सहायसंगसाध्यत्वात्	(संन्यासनिर्णयः ३)
सर्वसम्पन्निकेतनैः	(साधनदीपिका २८)	सहो भक्तकृते वशः	(श्रीनामरत्नाख्यस्तोत्रम् २२)
सर्वसामर्थ्यमेव च	(विवेकधैर्याश्रयः २)	सांख्ययोगौ प्रकीर्तितौ	(बालबोधः ६)
सर्वसामर्थ्यसहितः	(श्रीकृष्णाश्रयस्तोत्रम् १०)	सांख्ये त्यागः प्रकीर्तितः	(बालबोधः ६)
सर्वसिद्धान्तसंग्रहम्	(बालबोधः १)	साकारब्रह्मवादैक	(श्रीसर्वोत्तमस्तोत्रम् ८)
सर्वस्वं हरिसात्कार्यम्	(साधनदीपिका २५)	साकारव्यापकत्वाच्च	(साधनप्रकरणम् २२९)
सर्वस्वदानकुशलः	(श्रीनामरत्नाख्यस्तोत्रम् २३)	साक्षाद् भगवता प्रोक्तम्	(सिद्धान्तरहस्यम् १)
सर्वस्वश्चैहिकश्च सः	(शिक्षाश्लोकी ३)	साक्षिणो भवताऽखिलाः	(नवरत्नम् ६)
सर्वहेतुविवर्जितम्	(साधनप्रकरणम् २५३)	साधनं नान्यदिष्यते	(संन्यासनिर्णयः ८)
सर्वात्मकतयोदितौ	(बालबोधः १२)	साधनं परमेतद्धि	(साधनप्रकरणम् २४३)
सर्वानन्दमयस्याऽपि	(निरोधलक्षणम् ८)	साधनः सर्वशक्तिधृक्	(श्रीसर्वोत्तमस्तोत्रम् २१)
सर्वानेव गुणान् विष्णोः	(जलभेदः १७)	साधनत्वोपदेशकः	(श्रीसर्वोत्तमस्तोत्रम् १९)

साधनादिप्रकारेण	(जलभेदः १०)
साधनानां च रक्षणात्	(संन्यासनिर्णयः ३)
साधनार्थं तथा यदि	(संन्यासनिर्णयः ४)
साध्यसाधनसंयुताः	(बालबोधः ३)
सान्तौ मोक्षप्रवेशतः	(पुष्टिप्रवाहमर्यादाभेदः ११)
सान्निध्यमात्रदत्तश्री	(श्रीसर्वोत्तमस्तोत्रम् १७)
सामिभुक्तसमर्पणम्	(सिद्धान्तरहस्यम् ५)
सायं कुञ्जालयस्थासनमुपविलसत्	(मङ्गलाचरणम् ११)
सायुज्यं कृष्णदेवेन	(साधनप्रकरणम् २१८)
सावधानतया शृणु	(अन्तःकरणप्रबोधः १)
सिद्धाश्चेन् नाग्रही भवेत्	(विवेकधैर्याश्रयः ७)
सिद्धिरत्र न संशयः	(श्रीसर्वोत्तमस्तोत्रम् ६)
सिद्धिर्जन्मशतैः परम्	(संन्यासनिर्णयः १५)
सिद्धे योगे कृतार्थता	(बालबोधः ९)
सिद्ध्यर्थे विनिरूपितः	(श्रीनामरत्नाख्यस्तोत्रम् ३)
सिद्ध्येत् कारणमुच्यते	(साधनप्रकरणम् २२६)
सिन्धवः परिकीर्तिताः	(जलभेदः १४)
सुखसेव्यो दुराराध्यो	(श्रीसर्वोत्तमस्तोत्रम् १५)
सुखसेव्यो ब्रजेश्वरः	(श्रीनामरत्नाख्यस्तोत्रम् ६)
सुखोदर्ककृतिः सर्व	(श्रीनामरत्नाख्यस्तोत्रम् २५)
सुतरां कलिकालतः	(संन्यासनिर्णयः २)
सुतरां कलिदोषाणाम्	(संन्यासनिर्णयः १७)
सुदृढः सर्वतोऽधिकः	(साधनदीपिका ८)
सुबोधं स्याद् यथा तथा	(श्रीसर्वोत्तमस्तोत्रम् ४)
सुरधुनी परं संगमात्	(श्रीयमुनाष्टकम् ७)
सुरासुरसुपूजित	(श्रीयमुनाष्टकम् १)

सूत्रभाष्यप्रदर्शकः	(श्रीसर्वोत्तमस्तोत्रम् ३१)
सूत्रव्याख्यानसम्मतम्	(साधनदीपिका ४)
सूदा गम्भीरमानसाः	(जलभेदः ६)
सृष्टिर्व्यर्था च भूयान् निजफलरहिता	(श्रीवल्लभाष्टकम् २)
सेवकस्य तु धर्मोऽयम्	(अन्तःकरणप्रबोधः ५)
सेवकानां यथा लोके	(सिद्धान्तरहस्यम् ७)
सेवकोऽहं नचान्यथा	(अन्तःकरणप्रबोधः ७)
सेवतां भुक्तिमुक्तिदा	(सिद्धान्तमुक्तावली ६)
सेवाकृतिर्गुरोराज्ञा	(नवरत्नम् ७)
सेवाख्यवर्त्माद्भुतम्	(श्रीस्फुरत्कृष्णप्रेमामृतस्तोत्रम् ३)
सेवायां वा कथायां वा	(भक्तिवर्धिनी ९)
सेव्यः सएव गोपीशः	(शिक्षाश्लोकी ४)
सेव्यमानं कलानिधिम्	(मङ्गलाचरणम् ४)
सोऽपि तैस्तत्कुले जातः	(पुष्टिप्रवाहमर्यादाभेदः २६)
सौन्दर्यं निजहृद्गतं प्रकटितम्	(मङ्गलाचरणम् ९)
सौवर्णैः राजतैस्ताम्रैः	(साधनदीपिका ६५)
स्तुतिं तव करोति कः	(श्रीयमुनाष्टकम् ८)
स्तोत्रं यः प्रपठेत् सुधीः	(श्रीनामरत्नाख्यस्तोत्रम् २९)
स्त्रीगूढभावात्मकम्	(मङ्गलाचरणम् ९)
स्त्रीशूद्राद्युद्धृतिक्षमः	(श्रीसर्वोत्तमस्तोत्रम् ९)
स्थापको वेदपारगः	(श्रीसर्वोत्तमस्तोत्रम् ८)
स्थापनीयं मनः स्वयम्	(द्वितीया चतुःश्लोकी ४)
स्थावरास्ते समाख्याताः	(जलभेदः १२)
स्थित्वा कृष्णं भजेत् सदा	(साधनप्रकरणम् २१५)
स्थेयमित्येव मे मतिः	(नवरत्नम् ९)
स्नानपात्रं न मेलयेत्	(साधनदीपिका ६३)

स्नानं स्रध्याजपोहोमः	(साधनदीपिका २०)
स्नायात् कर्मणि मन्त्रतः	(साधनदीपिका ६२)
स्निग्धभोजनरूक्षवत्	(निरोधलक्षणम् ५)
स्नेहात् न प्रेष्यत वरे	(अन्तःकरणप्रबोधः ८)
स्नेहाद् रागविनाशः स्यात्	(भक्तिवर्धिनी ४)
स्नेहो 'भक्ति'रिति प्रोक्तः	(साधनदीपिका ८)
स्फुरतु सततं 'वल्लभ' इति	(श्रीस्फुरत्कृष्णप्रेमामृतस्तोत्रम् १)
स्फुरत्कृष्णप्रेमा-	(श्रीस्फुरत्कृष्णप्रेमामृतस्तोत्रम् १)
स्फुरदमन्दरेणूत्कटाम्	(श्रीयमुनाष्टकम् १)
स्फूर्जद्द्रासादिलीलामृतजलधिभरा	(श्रीवल्लभाष्टकम् १)
स्मरणं भजनं चाऽपि	(चतुःश्लोकी ४)
स्मरपितुः श्रियं बिभ्रतीम्	(श्रीयमुनाष्टकम् २)
स्मरश्रमजलाणुभिः	(श्रीयमुनाष्टकम् ८)
स्मर्तव्यश्चेच्छताभयम्	(साधनदीपिका ६)
स्मृतिमात्रार्तिनाशनः	(श्रीसर्वोत्तमस्तोत्रम् ७)
स्मृत्वा स्वीयवियोगाग्निम्	(साधनदीपिका ५८)
स्यन्दमानाः प्रकीर्तिताः	(जलभेदः ११)
स्याज्ञया प्रादुरासीत्	(श्रीवल्लभाष्टकम् १)
स्युः कल्पतरवो यथा	(साधनदीपिका १)
स्वकीर्तिवर्धनस्तत्त्व	(श्रीसर्वोत्तमस्तोत्रम् ३१)
स्वतन्त्रं चेति नैकधा	(सिद्धान्तमुक्तावली ४)
स्वतोगमनमेव च	(विवेकधैर्याश्रयः १४)
स्वदासार्थकृताशेष	(श्रीसर्वोत्तमस्तोत्रम् २१)
स्वधर्ममनुतिष्ठन् वै	(बालबोधः १९)
स्वधर्माचरणं भवेत्	(साधनदीपिका १७)
स्वधर्माचरणं शक्त्या	(साधनदीपिका १६)

स्वधर्माचरणं शक्त्या	(साधनप्रकरणम् २३८)
स्वपक्षरक्षणे दक्षः	(श्रीनामरत्नाख्यस्तोत्रम् २६)
स्वपात्रं भगवत्पात्रम्	(साधनदीपिका ६३)
स्वभावविजयो भवेत्	(श्रीयमुनाष्टकम् ९)
स्वमाहात्म्यः स्मयापहः	(श्रीसर्वोत्तमस्तोत्रम् २२)
स्वयं च विषयाक्रान्तः	(संन्यासनिर्णयः ५)
स्वयं परिचरेद् भक्त्या	(साधनप्रकरणम् २३७)
स्वयमेव करिष्यति	(चतुःश्लोकी २)
स्वयम् इन्द्रियकार्याणि	(विवेकधैर्याश्रयः ८)
स्वयशोगानसंहृष्ट	(श्रीसर्वोत्तमस्तोत्रम् २८)
स्वरूपस्थो यदा जीवः	(बालबोधः ७)
स्वरूपाङ्गक्रियायुतान्	(पुष्टिप्रवाहमर्यादाभेदः २३)
स्वरूपाङ्गक्रियायुतम्	(पुष्टिप्रवाहमर्यादाभेदः ८)
स्वरूपेणावतारेण	(पुष्टिप्रवाहमर्यादाभेदः १३)
स्वर्णपात्रं सुधौतम्	(मङ्गलाचरणम् ११)
स्ववंशे स्थापिताशेष	(श्रीसर्वोत्तमस्तोत्रम् २२)
स्वशाखोक्तैर्द्विजो युतः	(साधनदीपिका २३)
स्वसिद्धान्तविनिश्चयम्	(सिद्धान्तमुक्तावली १)
स्वस्मिन् कृष्णास्यतां त्वं प्रकटयसि च नो	(श्रीवल्लभाष्टकम् ५)
स्वस्मिन् ज्ञानी प्रपश्यति	(सिद्धान्तमुक्तावली १४)
स्वस्यायऽमेव धर्मो हि	(चतुःश्लोकी १)
स्वस्यासामर्थ्यभावनात्	(विवेकधैर्याश्रयः ८)
स्वात्मसंस्कारएव सः	(साधनदीपिका ३४)
स्वात्मना स्वात्मकं जगत्	(साधनदीपिका ५२)
स्वाध्यायपितृतर्पणम्	(साधनदीपिका २०)
स्वाध्यायादिक्रियाहीनाः	(साधनप्रकरणम् २१२)

स्वानन्दतुन्दिलः पद्म	(श्रीसर्वोत्तमस्तोत्रम् १३)
स्वानन्दोद्गमकारणम्	(जलभेदः १९)
स्वानुरूपसुतप्रसूः	(श्रीनामरत्नाख्यस्तोत्रम् १४)
स्वामिद्रोहोऽन्यथा भवेत्	(अन्तःकरणप्रबोधः ४)
स्वामिन् श्रीवल्लभान्ने! क्षणमपि भवतः	(श्रीवल्लभाष्टकम् ७)
स्वामी स्वस्य करिष्यति	(अन्तःकरणप्रबोधः ५)
स्वाम्यधीनत्वभावनात्	(विवेकधैर्याश्रयः ३)
स्वाम्यभिप्रायसंशयात्	(विवेकधैर्याश्रयः २)
स्वार्थोज्झिताऽखिलप्राण	(श्रीसर्वोत्तमस्तोत्रम् २१)
स्वाश्रितान्यपि यान्युत	(साधनदीपिका ३२)
स्वास्थ्यवाक्यं न कर्तव्यम्	(संन्यासनिर्णयः १३)
स्वास्थ्यहेतोः परित्यागात्	(संन्यासनिर्णयः १८)
स्वीयप्रभूश्च स्मरेत्	(मङ्गलाचरणम् ७)
स्वीयबन्धनिवृत्त्यर्थम्	(संन्यासनिर्णयः ७)
स्वीयानां तान् निजाचार्यान्	(मङ्गलाचरणम् १)
स्वेदजास्तु प्रकीर्तिताः	(जलभेदः ८)
ह	
हठस्त्याज्यश्च सर्वथा	(विवेकधैर्याश्रयः ४)
हतत्रपः पठन् नित्यम्	(साधनप्रकरणम् २४९)
हरयेऽन्यत्र योजयेत्	(साधनदीपिका ६६)
हरिणा ये विनिर्मुक्ताः	(निरोधलक्षणम् ११)
हरिप्रियकलिन्दया	(श्रीयमुनाष्टकम् ५)
हरिप्रीतिः कथं भवेत्	(साधनदीपिका ५०)
हरिभावो न चान्यथा	(साधनदीपिका १८)
हरिमूर्तिः सदा ध्येया	(निरोधलक्षणम् १७)
हरिरत्र न शक्नोति	(संन्यासनिर्णयः १९)

हरिरेव परा गतिः	(साधनदीपिका ४४)
हरिर्भक्तापराधेषु	(साधनदीपिका ४५)
हरिर्यद्यत् करिष्यति	(नवरत्नम् ८)
हरिस्तु न करिष्यति	(नवरत्नम् ६)
हरिस्तु सर्वतो रक्षाम्	(भक्तिवर्धिनी १०)
हरेः प्रसादतः कुर्यात्	(साधनदीपिका ३३)
हरेः प्रेमास्पदो भवेत्	(साधनदीपिका २६)
हरेराराधने मुक्तिः	(साधनदीपिका ७)
हरेर्गुणानां श्रवणम्	(साधनदीपिका २७)
हरेर्यदनुसेवया	(श्रीयमुनाष्टकम् ८)
हिंस्रकाम्याऽन्यदेवार्चा	(साधनदीपिका २५)
हित्वा कृष्णे परं भावम्	(साधनप्रकरणम् २१९)
हृदयाम्भोजविष्टरः	(श्रीसर्वोत्तमस्तोत्रम् २८)
हृदास्तु पण्डिताः प्रोक्ता	(जलभेदः ५)
हृदि सुभगमूर्तिः सकरुणा	(श्रीस्फुरत्कृष्णप्रेमामृतस्तोत्रम् १)
हृदिस्थं निर्गतं बहिः	(निरोधलक्षणम् ७)
हृद्गतः स्वगुणान् श्रुत्वा	(निरोधलक्षणम् ८)
हेतुसाम्यं हि कार्ये	(श्रीवल्लभाष्टकम् ६)
हैयङ्गवीनप्रियम्	(मङ्गलाचरणम् ६)
ह्यज्ञदुर्जविभेदतः	(पुष्टिप्रवाहमर्यादाभेदः २४)
ह्यज्ञास्ताननु ये पुनः	(पुष्टिप्रवाहमर्यादाभेदः २५)
ह्यधर्मात्तु निवर्तनम्	(साधनदीपिका १६)
ह्यनुकूलानि चार्पयेत्	(साधनदीपिका ३२)
ह्युत्तार्या स्वोपदेशतः	(साधनदीपिका ११)
ह्यंशुकं लोमजं शुचिः	(साधनदीपिका ६६)

